


叢書集成續編 第二三三三册目錄

史地類



浙江地理及其地方史

南漳子二卷……………	清	孫之驥撰	武林掌故	一
龍井見聞錄十卷附宋僧元淨外傳二卷……………	清	汪孟錫纂	武林掌故	一五
文瀾閣志二卷首一卷附錄一卷……………	清	孫樹禮撰	武林掌故	一二七
定鄉雜著二卷……………	清	胡敬撰	武林掌故	二一七
定鄉小識十六卷……………	清	張道撰	武林掌故	二三五
東城記餘二卷……………	清	楊文杰撰	武林掌故	三七五
錢塘百詠一卷……………	清	楊象濟撰	武林掌故	四五九
錢塘懷古詩一卷附錄一卷……………	清	王德璘著	武林掌故	四六七
北隅掌錄二卷……………	清	黃士珣撰	武林掌故	四七五
北隅綴錄二卷續錄二卷……………	清	丁丙撰	武林掌故	五二五
北郭詩帳二卷……………	清	丁丙撰	武林掌故	六三九
三塘漁唱三卷……………	清	丁丙撰	武林掌故	七〇九
金牛湖漁唱一卷……………	清	張雲璈撰	武林掌故	七五一
峽川志略一卷……………	清	蔣弘任撰	昭代	七六三
杭志三詰三誤辨一卷……………	清	毛奇齡撰	武林掌故	七七七

南
漢
子

光緒七年五月錢唐
丁氏竹書堂重刊

南漳子序

錢塘以西湖著西溪非其匹也然士大夫諳習典故者乃往往言西溪以宋之南駐蹕錢塘當是時禹航洞霄祀典甚盛車駕嘗臨幸往來必取道西溪故雖形勝不得不讓西湖而其名特見於傳紀者則南宋之爲也河渚在西溪之北古之南漳湖當天目萬山下流之衝瀦爲巨澤蛟蜃之所出沒逮東漢靈帝熹平元年餘杭令陳公渾開南上下兩湖以蓄淫潦捍之以橫塘洩之以斗門水之來也勢緩而力分南漳湖之受水亦益少水漸殺土漸出伏而爲灘突而爲

南漳子篇序

洲民乃得依之以居河渚自此名焉然皆星分棊布廣袤未有及里之半者今每一地則兩水夾之數蕩環之湖之遺跡可徵也路非舟莫達人非農勿事地狹而瘠無良田桑竹葦魚之利樂歲易粟粗足以自給倚水爲城境絕孔道比閭寡千金之家兵革寇盜之所罕及明季避亂於此多無恙而習俗朴魯少文不慕仕進子弟就塾率十五歲罷就農訖河渚二十里間無罷民亦無達人雖與西溪地相錯風景大抵相上下非若西溪之讓西湖而其名差晦於西溪者鮮文學之士爲之表章也余自先君子移家河渚今

五十年矣不農不儒玩日愒時徒冉冉以老有問西溪若何謹對曰我河渚人爾又問河渚土風若何物產若何名勝藝文若何於所不知瞠如也今乃得讀南漳子二篇河渚篇上西溪篇下辨嫌疑別同異也於西溪則詳者畧之於河渚則畧者詳之微顯闡幽之意也以水害始以水利終民生之安危休戚莫大焉思患而豫防憂深而慮遠也紀 宸遊父老得以觀 天顏山川得以承 帝澤一時之曠典千秋之盛事不敢略也詳村落所以奠疆域也覈民風所以正俗也記物產所以厚生也旁及探梅志勝蹟也網

南漳子篇序

羅載籍繇歷千百禩原地名之所自起稽古以信今也表僻壤之非陋幸典型之僅存於是乎述藝文彰隱逸禮有功德於民則祀之且有其舉之莫敢廢於是乎秩廟祀次梵述一方紀載必注以全力獨出偉論皆大有關係綱明而目舉事實而辭文然則南漳子表章之力豈徒河渚賴之唯西溪兼受其賜矣南漳子固名宿曩歷試草百篇不脛走海內嗣益疏經訂史囊括百家厭城市囂構居河渚之沈家灣西溪其對岸也梅數樹屋數楹聚書數萬卷日哦其中稍休則偕山農野老課桑麻占晴雨訪其軼事徵諸舊

聞折衷以新意二篇之作計南漳子居河渚時才五
歷年所耳五十年河渚人讀之能無愧耶抑蒙有詒
焉篇載南漳湖一條謂南湖之水泛溢錢塘其水來
有舒疾其流如漳水之一清一濁然故以南漳名其
湖南也者海之南也南漳子者自謂也夫南漳子志
潔而行芳岸然不屑庸俗伍河渚之滄風其流則少
衰矣推移清濁之間非其好也顧以南漳子自號且
以名其篇何居其有投竿之意乎南漳子笑而未答
也錢塘沈繹祖晴川拜撰

南漳子篇序

三

南漳子篇目

上篇

原始

河渚

蒹葭里

渦水

古南漳湖

宸遊

紀居

村落

下篇

西溪

探梅

梵迹

土利

水防

南漳子篇目

一

南漳子篇目終

南漳子卷上

河渚孫之驟晴川

原始

夫水五行始也發源名山流成江河歸墟四海洩潤澄而見德決波湧以作災

昔帝堯遭百六之會洪水懷山襄陵下民昏墊神禹治之奠高山大川決九川距四海憫彼蠻方澤國作西海險塘

洄水絕而不流太伯竄荆蠻文身斷髮以象龍子使不見害

南漳子卷上

一

始皇浮江藉柯渡海渚至於錢塘臨浙江水波惡從狹中渡過餘杭上會稽祭大禹立石刻頌秦德

餘杭苕溪受天目萬山之水每秋水時至衝決潰注於三郡湖杭嘉而錢塘首受之東漢靈帝熹平元年陳

公渾來為令爰開兩湖以為水瀦並溪者曰南下湖環三十四里並山者曰南上湖環三十二里共一萬三千七百餘畝空湖東南作五畝塍增置陡門以分

殺水勢錢塘之民漸得平土居焉

蓋唐以前自杭至嘉皆懸流其南則水草沮洳以達於海故水則設閘以啟閉陸則設棧以通行古胥山

碑謂石棧自錢塘北抵禦兒之口乃其證也至今有斗門石門之名然其跡湮於阡陌久矣

河渚

漢仲長子光字不曜隱河渚間守令來謁託以瘖有請道者書老易二字示之此河渚所由名與

水中小洲曰渚河水地狹每地一條則左右蕩夾之地不盈畝而蕩袤六七間有闊數畝者亦人工積漸所至非其本然

土唯出茶然河地味薄不如山地味厚而芬芳襲口村人有採二三茶至四茶者則更索然矣

南漳子卷上

二

竹唯早筍盡春三月

有蘆蕩出蘆二種一織蓆一作蠶簾土人曰懶花息謂不藉耕種而穫也

無田可墾則穀無從出每以茶筍易米

外此養魚育蠶以蠶之分數多寡為憂喜焉故家有半年計日之糧無卒歲盈餘之儲若婚嫁集之催科迫之則無所稱貸爾

吳梅村題河渚圖送胡彥遠南歸詩曰馬背話江南春山吾負汝白雲能容人猿鳥不我與西冷有高士結廬在河渚讀書尚感激平生慎推許獨坐長微吟

清言出機杼秋風忽乘興千里長安旅同好四五人
招尋忘出處奇跡依琳宮雙松得儔侶雖入侯王門
不受公卿舉登高見遺廟頽然竄鼯鼠悲歌因臥病
歸心入春雨從此謝姓名問之了不語我爲作此圖
彷彿梅花墅蒼然開南軒飛泉落孤嶼想見君山中
相思日延竈

又送彥遠南還河渚云匹馬春風返故林松杉書屋
晝陰陰猿愁客倦晨投果鶴喜人歸夜聽琴我有田
廬難共隱君今朋友獨何心還家早便更名姓只恐
青山尙未深

南漳子卷上

三

蓋其境岑寂以水爲村人蹤罕到故明季避亂者居
焉今則山溪豁然矣

余嘗謂河渚之不宜居者三

前此土風淳朴家皆自給村民有終老未入城市者
近今已來浮滑囂漓貧者游惰多爲穿窬盜竊如邱家橋
之滿村其不宜者一

土不穿井村人但飲河水所宜者只深秋與春景耳
夏月炎風襲河無井可吸人多病瘧毛詩爰有寒泉
在浚之郊缺如也其不宜者二

土薄氣洩地藏弗固可暫處不可久居其不宜者三

蒹葭里

里人所宅也古者三隣爲朋三朋爲里蒹葭蒼兮露
零霜皚皚兮愁子伊人宛在兮水中居亦後人之錫
是嘉名耳宋百詠題曰蒹葭
沫處俗呼河水

渦水

水經有洞渦水渦洿也其地卑下水潦塵埃歸焉每
淫雨挾旬若溪澆溢陸可挽舟屋中水盈尺然數年
一遇不恒見也

古南漳湖

河渚本湖也以南漳名者起何時與曰漳水有二焉
出大龜谷者清出鹿谷山者濁取清濁相蹂義也二

南漳子卷上

四

漳俱出上黨以入於海豈漳水有時至錢塘入江以
入海與非也南也者何也海之南也濱海之南故謂
之南亦憑臆之所度而非所詳矣然則何以詳之曰
天目之水注南湖湖不能容泛溢錢塘其水來有舒
疾故其流如漳水之一清一濁相間然南漳之名或
以此與

宸遊

自嶽廟至木橋過太平橋不里許爲高士奇莊
先帝車駕至西溪嘗臨其地

御製御書士奇碑文

題西溪山莊以竹窗二字書賜高士奇

花源路幾重柴桑出沃土烟翠竹窗幽雪香梅岸

古

恭謝

天恩表康熙二十八年歲在己巳二月十日

聖駕臨西溪山莊

御製詩一章復蒙

書竹窗二字

賜臣士奇竊一介豎儒累叨

南漳子卷上

五

拔擢備員 紫禁出入 丹霄異數類仍史冊罕親

乃者首春時邁慎簡

從官臣獲廁鵷班恭隨豹尾

行帷嚴衛宣對無時 御躬遊飛瞻依在咫尺至如

蠲租賜復察廉懲貪講武觀文教過宥罪咸秩

逮於禹陵展祀踐於明壘湛恩嫩德蕩蕩巍巍

臣恭扈從霑榮珥筆此真不世之寵光千秋之

曠典也臣去家二十七年 內直十有三載每

懷孫綽遂初之志未賦陶潛歸去之辭舊業西

溪荒蕪已久况一椽容膝半畝安身即或臨眺

偶過烟霞可賞譬彼羹藜飯糗莫喻大庖刈蒯

漚麻詎方纂繡豈敢冀

至尊之垂盼 法駕之辱臨哉伏惟

皇上五教敷洽時厯其咨萬邦懷和尙殷

清問山光滴翠不駐 鸞車湖水拖藍未乘 鳳翺

顧於觀風問俗之餘不憚涉澗披榛之舉止七

校於橋外鼓一棹於溪頭

臨幸荒莊真誠隆遇梅含殘雪驚御飄香竹掃深陰

當天忽霽桑麻雞犬都被

皇仁水石林亭均霑

南漳子卷上

六

帝澤登樓延賞臨沼清吟

睿藻繽紛

宸襟遐暢

寵頒二字巖穴藉以增輝

恩沛五言闌檻因而改色驚花亂點馴鳥平飛村墅

周迴父老歡聞竊嘆池臺左右風雪倍覺助人

翠罕雖旋祥烟不散自昔鑑湖一曲渺奉巡遊西

塞半灣未瞻鹵簿具茨枉軒皇之駕河上屈漢

帝之車以古方今光榮懸隔惟有感激傍徨誓

糜頂踵仰答

高厚於萬一而已臣謹將

御製詩章伐石恭鑄昭茲來許復將

皇上駐蹕之亭勒名

宸覽以紀不世之遇云按高莊本在西溪而列於河渚者在余居之對岸也

打魚池本沈氏蕩週數畝今村民曰

御臨池在今太平橋之北

紀居

錢江之義同里先君所建宅也先君字公石嘗贖男婦十數口使還其故里置羊角埂麥田以供妻家

山滿覺街春秋二時公祭方輿勝覽曰禮部貢院

在觀橋西即舊居地余生長焉

南漳子卷上

七

今居泉亭之南漳湖鄉名曰沈家灣謂水至此環曲

而回灣也土人云舊不通舟萬歷間沈氏開濬始達

西溪不知水聚室盈水洩財去故今沈氏零落不逮

往昔矣

村落

包家帶徐家帶段家帶洪家帶魏家兜張家村周家

村駱家莊以姓名

大樹下茶花樹下以花樹名

深潭口非舟不能渡間有龍潭深不可測

十斤池池深廣長互里許漁者日可得魚千斤或云

慕天顏為錢塘令出千金買魚放生故又曰千金池

每秋月澄朗常有神魚出沒波上天矯如龍大不知

幾許近時無有上有雲溪菴七命云右當風谷左臨

雲谿義取此與康熙三年慕公建俾偃挺禪師居焉偃師俗姓徐氏仁和人

蔣村沈晴川居有七桂樓晴川工古文詩卓然成家

楊樹泉泉自樹根出河淺可汲水深則淪沒于河

曲水庵古清化寺舊址崇禎元年雲棲古德賢法師所創基從水築非楫莫尋嚴

調御題額曲水又題古先生之廬

蘆菴在曲水菴右古正等院舊址咸淳志宋紹興中

侍衛馬軍司所立菴中有白寶珠茶千葉杜鵑花明

南漳子卷上

八

萬歷初僧照空重建以菴構蘆中因名蘆菴董宗伯

其昌題曰交蘆謂根塵識三者都無實性同於交蘆

也

秋雪菴本宋資壽禪院咸淳志宋潼軍節度使所立

也明崇禎甲戌靈壽寺僧智一智洪居焉庵水周四

隅蒹葭彌望秋時如雪蓋取唐詩秋雪濛釣船之句

陳繼儒所題額

吳選部本泰莊在蒹葭里近秋雪曲水等菴今莊屋

傾毀不復存有秋雪八詠曰仙島蕩幔蘆港秋雪灘

蓮花幢楊柳城蘆荷籬護生堤彈指樓但巧立嘉名

初無實諦

蔣相公廟在千斤池北廟三楹祀神曰宋三殿蔣相公神名崇仁杭郡人廟之傍曰拈花室曰水竹居廟

在河渚者附於村落之末然不悉載也

余埂梅今無

魏家兜梅林數千株景趣蕭遠徐狷次云梅英粲然瓊瑤比潔沈晴川云春時一望鮮白如飛雪所謂白玉之白與白雪之白是猶公孫龍堅辨白馬之名為白矣

邱遜翁河渚紀勝一篇今摘其數句云河之渚精舍

南漳子卷上

九

花村星分雲合景有餘閒人無雜遝彷彿避秦之桃源疑似藏舟之巨壑恐今時未或然也

南漳子卷上終

南漳子卷下

西溪

河渚孫之駮晴川

九域志錢塘一十一鄉南場北關安溪西溪四鎮

宋建炎三年七月升杭州為臨安府築行宮於鳳凰

山仍錢氏之舊也始進西溪之圖帝覽之曰且留下

故溪有留下之名俗稱樓下

西堰水口曰秦亭山山高百丈周三里相傳秦始皇

駐蹕於此志云西堰橋山可以望海是也又秦少游

嘗築亭其上自此沿山十八里到鎮皆南宋輦道

南漳子卷下

下有村曰古蕩有上下馬厓多藝花木有屠墟廟祀

漢劉璋唐末吳俗喜種花西湖亦有花塢號西馬厓錢忠懿王從兄仁傑擅其業所栽多異品

王穉登古蕩詩云路曲橋斜古樹邊紅殿小婦慣乘

船閉門防虎不防盜蓄水種魚如種田

白兔泉在秦亭山下碧峯在秦亭山西有佛慧寺下

有碧沙泉

報先寺在佛慧寺路北諺曰千年靈隱八百報先蓋

唐寺也或曰吳越王建

北為洗馬灘唐人洗馬處

有唐鐵林關今亡其處按唐設關二十有六鐵林未

聞有也

將軍頂山舊傳有石門內積甲藏焉今惟石壁峭然

無有門焉者

又西二里為桃源嶺有方井相傳王方平飲此井故

名井是桃嶺別派徑六尺深一似玉折地湧不涸不盈宋博士米芾題扁歲久亭圯明里人王槐重修

大司寇洪鍾補書方井桃嶺原嶺五字于前後進士鄧鑾記

又西二里曰法華之山延袤縣邈多茶樹梅花筍竹

天啟間有法華山僧真一著梅筍二譜其筍譜有豬蹄紅雙芽白嘴雞鶯青尖頭青毛筍邊筍雷山筍

紅筍等目并論筍劉淮治之法備焉

其西南陬則法華庵晉僧誦法華經有雉馴聽階下

南漳子卷下

厥後受生為僧弟子號法華師

法華山之南龍岡蜿蜒猿扳蛇折三陟三降可四百

丈許凌虛拔峭孤聳碧落者曰北高峰言峰至西湖

之北面最高也其附石級而登者三十六鬱志云上

有唐天寶間塔成涓中止存三級順治庚寅盡圮頂

有望海閣今廢王安石詩飛來峰上千尋塔聞說雞

鳴見日升不畏浮雲遮望眼自緣身在最高層

北入廟塢中為岱嶽行宮雲木蔭翳靈風肅然百咏

注云前著衣亭後梳妝樓兩廡七十二司威儀甚盛

碑云自宋以來五百餘祀湧甘泉以療疫感異夢以

募修每三月二十八日鼓舞賽神遠近士女麋至
金魚井亭三間跨輦道而翼然
傍有金魚井

又西二里曰龍歸鳴高宗如臨安幸洞霄宮天閉靈
物自輦道中竊轡入鳴因改清化寺爲龍歸院故佛
印禪誦之堂也

得仙橋紹興間有老翁朱姓者不火食能前知滌然
坐橋而化橋跳小澗以仙翁得名

又西四里爲法華亭洪瞻祖志云華亭憩道爲行者
憩止處

南漳子卷下

三

又西二里曰石人鳴石人嶺之支也吳大帝石杵存
焉嶺半有石儼如人立故云石人

有神仙宮山一名道院安前有晉咸和僧慧理夕照
庵安前之名特與裴墩董竈並著厥義未詳宋百咏

詩云年來青鳥碧桃花築室安前卽是家玉貌星冠
隨絳節雙成不及魏無瑕

宋端平間女真魏
無瑕築室隱此

塢口爲九沙遡溪流而上漁陂牧野水陸蟬聯南宋
車駕入禹杭洞霄宮道也

溪北皆田也浮溪而南則前華亭石鳴正與橋園相
對橋二曰仰家橋栢家橋園三曰仰家園栢家園方

家園皆九沙之上腴故吳越國之西教場也其居人
槿籬竹戶雞犬不驚靈果嘉蔬市隧所給

栢家園園居百許家隱隱深林但見炊烟出林杪左
有梅花泉泉滾滾作梅花瓣深不能以屣出溉頃畝

泉甘於惠山第二

又西南三里東有宋人禁酒碑高宗過西溪入酒肆
喜其供奉御書界碑曰不爲酒稅處碑後有陶家酒
廂理宗朝陶處士隱此

水北有上下唐村楊村又有費家帶何家帶
帶卽村也

南漳子卷下

四

起西堰橋至此十八里爲西溪之鎮鎮特爽塏其形
如簞方二千畝居人五六百家東西其宇劃水相望
溪源從分金澹竹二嶺沿臥象山過上埠挾諸涓滄
至雞籠河西遠鎮後灌古蕩坂田東合馬池穆埠章
漚澗安樂橋四水直前穿鎮北望匠母橋而卻復東
西折乃會於大溪河一入古蕩一出閑林

蓋由松木場沿村小河夾岸至留下通名西溪宋葉
紹翁詩一條橫水過前溪村女齊登採葉梯獨立衡
門春雨細白雞飛上樹梢啼

採梅

西溪產茶竹梅栗而梅特著志云二月梅始華香雪
霏霏四面來襲人是也明曹學佺看梅詩云春雲忽
度西溪水溪畔梅花從此始殘僧寂寂時掩扉微滅
禪燈山雨裏山雨逶迤沉暮鐘梅花此去幾千重渡
頭客問餘杭酒衣上雲來天目峯數年夢想遊天目
誰云路接梅花屋今宵鷺嶺無他夢祇向龍池看飛
瀑

永興寺有南宋古梅二株嚴沆詩云攜筇十里看沙

村老幹枯枝月影繁正是承平當輦道一時車騎出

郊原按西溪梵隱志云萬歷初馮太史夢禎手植綠
芎梅二本題其堂曰二雪上有樓可以憑眺花

南漳子卷下

五

時緣雪交柯滿庭芬馥堪爲韻士清賞無南
宋古梅之說永興寺在西溪市抄安樂山下

洪瞻祖永興寺綠芎梅詩云二十四番風始催霜花

對酒伴雲堆綠珠弟子堪吹笛放却春心度嶺回

徐孝先明末遁跡荒野白衣冠者垂五十年居西溪

在梅花萬樹中每春時落英委土如鋪雪先生醉臥

其上惠風徐來飄花被體與衣冠一色所作有梅花

百詩徐介一字狷次初寓施石農張村在渚之北
歷十有五載其梅花百詩則遷西溪時作也

柴氏莊張莊今之在小木橋柴子雲倩居焉有梅花絕句

篇各一題語無重複想其亭園所構梅幾百種矣惜

余未見耳

梵述

大蘇林相傳吳越王將臺址吳本泰詞云水流花徑
環松島蘇林得似仇池好麋鹿此中來吳王舊將臺
當年千騎遠此日香燈少老衲話相逢三生如夢
中

中

花塢近楊梅塢多僧菴亦如上花園之以花得名宋
上花園多植西府海棠桂樹
梅橘花紅地在法華山側

釋明方訪花塢詩云寒香積塢候春回十里西溪梅

盡開蝶夢紛紛何處去一枝殘雪隱崖隈

誰菴卽放生庵余與惠朗慶雲二師往還二年頗相

合今惠朗辭世子然唯慶雲在余老矣復多病自五

南漳子卷下

六

月至十二月臥床半載餘足尙未仁因知人倫者大

幻世事者大夢寒暑往來者大瘡爾應作如是觀可

也

楊家庵在太平橋西北菴唯一廬有胡髯僧居之晝

夜默坐饑不求飽每餓半日則村民攜米供焉僧未

嘗千人而人自樂與也河渚僧富田畝較錙銖視此

不啻霄壤

一方土穀廟在溪北祀護明大王之神

一方廟在東嶽路北今廢

二方廟在東嶽路北今廢

三方廟在橋亭法華寺背相傳舊址在何家河口因鼎新忽失正梁跡之乃自植今處眾感神異卜遷焉形家謂平地隆起尋丈真吉壤也祠神曰林府君德勝明王按百詠注建炎中兄弟五人朝典旌功廟食五處歲以四月二十九日爲神誕獻饗有常儀惟上元夕遺風特盛演戲華燈鼓吹鼎沸祠有寢樓以居緇侶

四方廟在大蘇林神曰明王勝王俗傳明王神力不逮勝王兼理之

五方廟在石塢路左祀五大明王有古松一本可數

南漳子卷下

七

十圍

土利

馮夢禎云西溪茶利之厚十倍龍井至石塢之佳不啻勝之蓋其生於幽巖仄徑逼近蘭松梅竹之香真虎邱伯仲也法華多筍錢塘之門日進竹竿萬個周禮山林宜阜此溪櫟實尤多楊梅亦有二種如韎鞞者佳而別有水晶之稱色味雙絕

水防

吳本泰曰按西溪爲餘杭瀦水之區南湖下流彼豪民私利掘土以蕃桑麻往往以隣國爲壑歲旱則緣

壩龜圻而桔槔靡施甚雨則上流之滾壩善決而田廬殫溢力穡之農罷焉故夫堅築壩深濬湖經制曲防以阜民衣食是所急務矣

西溪顯於南宋而南漳之名世鮮稱道有西溪以爲外屏也前此洪瞻祖有志吳藥師有梵隱志俱以西溪名篇余居河渚作南漳子以河渚爲上篇西溪爲下篇南漳者湖名也子者余自謂也然宋人百咏有題無詩周暮百咏有詩不傳西溪篇什尠少况河渚與寥寥二篇紀其大畧云爾

南漳子卷下

八

南漳子卷下終

進呈

御覽
龍井見聞錄

十卷

光緒甲
申秋中
錢塘張
預署檢
嘉惠堂
丁氏雕



龍井見聞錄圖說

龍井圖說

謹案龍井在南山之北其嶺曰風篁自風篁嶺
 以上為獅子峯更上為天門山天門山在北高
 峯後為南北兩山之祖自龍井論則嶺居寺之
 西北圖於南列南高峯於北不列北高峯者以
 天門山見之嶺南之烟霞石屋不列則以翁家
 山統之也大小麥嶺丁家山本在西北花家山
 亦近茆家步而圖稍南者限於尺幅為澗橋留
 餘地也馬鞍山從舊志名螺螄山不從舊志名
 碧螺峯者以螺螄之為碧螺志無實証也劉安

山地志不具積慶山在僊姑西南蓋皆靈竺之
 後山也不詳茆家步一路者龍井屬南山故詳
 南而略北也其上嶺出山大小徑路大略附見
 餘詳卷一山水卷十餘論

龍井見聞錄圖說

龍井見聞錄凡例

一杭州龍井北宋始著乾隆辛未丁丑恭逢

聖駕南巡龍井未經

臨幸伏讀

御製觀採茶歌二首敬謹錄登卷首以為山靈佛法

之慶

一語關

祖宗

皇上

國家者謹分別跳行書標題頂格者跳行書分別

龍井見聞錄凡例

出格

一南山之北輒稱龍井山水一門期於貫串源

委旁及嶺左右山水要不敢闕入他處以混

界域焉寺則不在此例

一浙西士民望

幸誠切龍井名勝所在仁邀

宸顧並乞

璇題即如正練插劍二瀑布皆在昔未經開闢之勝

錄名見聞不敢曰志新增勝境概未詳列誠

以

翠華南來山川競秀從此標新領異非草莽小臣所

敢次第也

一錄為寺作故先名僧後鄉寓人物諸卷先後

並準此

一郡邑志書名賢接踵則有人物一門龍井地

處僻仄惟關繫寺院興廢者載之而以祠墓

諸賢繫人物塔繫僧仍省去祠墓一門亦稍

變成例者也

一詩文各附註標題之下詩之為遊觀贈答作

者文之無題可繫者並各自為卷

龍井見聞錄凡例

一詩文見本集者不註有本集不載而見地志

及他書者必註明

一參考同異以謹案別之附於諸家之後

一地志前列小敘其例舊矣今所傳宋人志如

宋敏求長安志羅願新安志潛說友咸淳臨

安志史能之咸淳毗陵志張元成嘉禾志陳

耆卿赤城志皆同康熙中儀徵縣知縣陸師

撰縣志用山海經郭璞註贊例每卷後附贊

一首而卷前仍列小敘茲錄謹刪去小敘易

贊為題後蓋酌用其例焉

一採登書籍每條必冠以本書之名既不敢沒所自來亦因以著歷代先後諸家異同之故有未見原書者則必註明某書徵引字樣其次第則先地志次諸家仍各以時代爲先後一龍井以元淨興創得名其有事關元淨不涉龍井者割棄之則未免舊聞放失別爲元淨外傳附見聞錄之後

臣汪孟錫恭識

龍井見聞錄凡例

三

龍井見聞錄卷目

山水卷一

總敘

山脈

主山

近嶺諸山

風篁嶺四至

水源

近井諸水

雜地名

龍井見聞錄卷目

一

寺內外公蹟卷二

歷代興建

附寺址所在

古蹟見咸淳臨安志者十七

古蹟雜見傳記者十二

古蹟不屬僧寺者三

地志諸書所未詳者二

名僧卷三

開山僧

說法僧

住山僧

僧塔可考者

鄉寓人物卷四

人物以山水以寺著者

人物以氏著者

人物以文著者

人物以祠著者

人物以墓著者

物產卷五

泉品二

龍井見聞錄卷目

二

竹品一

花品二

茶品一

附 茶真贋優劣

果品一

藥品二

鱗屬一

碑刻書畫卷六

碑之重刻者三

原碑存者十一

碑文見咸淳臨安志者八

碑文見西湖志者二

碑文見東坡集者一

碑文見快雪堂集者一

碑見文獻集文缺者一

碑見府志文缺者二

碑見縣志文缺者一

書之可考者十一

畫之可考者五

古今體詩卷七

龍井見聞錄卷目

三

名僧詩

名賢詩

文卷八

名僧文

名賢文

軼聞卷九

孝宗行幸

咸澤機鋒

元淨道潛優劣

兩參寥兩辯才

智月

文捷

胡則

胡則永康方巖廟記

虞集題陳述古詩

三賢堂

碁盤石

曠山

片雲石

龍口瀉水

龍井見聞錄卷目

四

徐村翁家山

葛井水與龍井伯仲

記西湖登覽

南山遊約

遊龍井烹茶

遊老龍井得茶

玉岑詩社

水漲

陳剛中

張伯雨

瑞芝

孫隆施捨

演福寺

餘論卷十

南天竺當屬龍井一路

宋時寺在嶺背今老龍井即當日龍井

小龍井

徑山龍井

浙江龍井不一

葛洪鍊丹處不足信

龍井見聞錄卷目

五

封篁

與龍井聯屬諸山水寺院

九谿十八澗通江不滙龍井

三獅子峯複一

三茯苓泉誤

兩君子泉

兩噴月泉

一地兩名

寺名先後重出

龍井演福爲一

他寺併歸演福亦稱龍井

普澤院

演福僧

禪教互易

魏順錢塘縣志外復

夢梁錄因襲

詩文編錄之誤

趙抃詩不見本集

元淨著述

元淨詩入蘇軾集

龍井見聞錄卷目

六

元淨詩誤入蘇軾集

名媛詩

婦人中官附著

三賢祠塑像

海棠

顯應廟有三

於潛三賢祠

兩元淨

四辯才

蘇軾戲問辯才師墨蹟

辟塵爐不藏龍井

入山之路

龍井見聞錄卷目

七

恭錄

御製詩二首

乾隆十六年辛未

聖駕南巡

幸天竺

覽鄉民採茶製焙之法

御製觀採茶作歌

火前嫩火後老惟有騎火品最好西湖龍井舊擅名
適來試一觀其道村男接踵下層椒傾筐雀舌還鷹
爪地爐文火續續添乾釜柔風旋旋炒漫炒細焙有

龍井見聞錄

一

次第辛苦功夫殊不少王肅酪奴惜不知陸羽茶經
太精討我雖貢茗未求佳防微猶恐開奇巧防微猶
恐開奇巧採茶竭覽民艱曉

二十二年丁丑

聖駕南巡

幸雲棲

御製觀採茶作歌

前日採茶我不喜率緣供覽官經理今日採茶我愛
觀吳民生計勤自然雲棲取近跋山路都非吏備清
蹕處無事迴避出採茶相將男婦實勞劬叶嫩莢新

芽細撥挑趁忙穀雨臨明朝雨前價貴雨後賤民間
觸目陳鳴鑣由來貴誠不貴偽嗟哉老幼赴時意做
衣糲食曾不敷龍團鳳餅真無味

臣孟錫恭稽

南巡盛典伏讀乾隆十六年

御製觀採茶作歌詩中語及龍井又伏讀二十二年

御製觀採茶作歌詩中有雲棲取近跋山路之句臣

聞

皇上再巡之歲雖未

幸龍井而

龍井見聞錄

二

駕幸雲棲由風篁嶺南下經九谿十八澗

御製詩云雲棲取近跋山路以此臣孟錫既敬謹錄

登卷首乃復拜手稽首集經語而系以頌曰

帝省其山詩大自南自北詩大幽幽南山詩大井渫

不食易下是興神物繫辭上龍見而雲春秋左氏

年陟則在巘詩大馬不契需周禮有嘉樹焉春秋

左氏傳昭為蒼筤竹易說庶草蕃庶書洪終朝

采綠詩大維葉萋萋詩周女執懿筐詩幽

帝庸作歌書益黼黻文章禮記高山仰止詩小山夾

水澗爾雅繩其

祖武詩大倬彼雲漢詩大雅謹案御覽西湖志

帝凡四幸焉率西水詩大南入於江書禹視遠

如邇昭公元年至於海邦詩魯政在養民書大

無射亦保詩大觀乎

天文易上光被四表書堯

浙江嘉興府秀水縣舉人揀選知縣汪孟錫恭

進

龍井見聞錄

三

龍井見聞錄徵引書目

梁蕭子顯南齊書

唐姚思廉梁書

姚思廉陳書

房喬晉書

李吉甫元和郡縣志

釋道宣續高僧傳

柳宗元河東集

陸羽茶經

宋歐陽修宋祁新唐書

龍井見聞錄徵引書目

一

歐陽修新五代史

司馬光資治通鑑

樂史太平寰宇記

潛說友咸淳臨安志

周密武林舊事

吳自牧夢梁錄

祝穆方輿勝覽

釋贊寧宋高僧傳

釋道源景德傳燈錄

釋惟白續傳燈錄

釋元敬元復武林西湖高僧事略

釋惠洪林間錄

傅牧西湖古蹟事實

周必大二老堂雜志

釋道潛參寥子集

釋居簡北磻集

林逋和靖集

范仲淹文正集

蘇軾東坡集

施元之蘇詩註

龍井見聞錄徵引書目 二

蘇轍樂城集

王安石臨川集

韋驥錢塘集

曾鞏元豐類藁

秦觀淮海集

晁公遡嵩山居士集

郭祥正青山集

周紫芝太倉稊米集

姜夔白石詩集

鄒浩道鄉集

程秘洛水集

敖陶孫臞翁詩集

周必大平園集

葉紹翁靖逸小藁

樓鑰攻媿集

蘇籀雙谿集

鄭清之安晚堂集

周文璞方泉集

周弼汶陽端平詩雋

謝翱晞髮集

龍井見聞錄徵引書目 三

董嗣杲西湖百詠

葛天民無懷小集

姚鉉唐文粹

陳起聖宋高僧詩選

沈括夢谿筆談

趙葵葦杭紀談

元托克托宋史

釋念常佛祖通載

釋覺岸釋氏稽古略

虞集道園學古錄

柳貫待制集

王惲秋澗集

黃潛文獻集

蘇天爵滋谿文藁

鄧文原素履齋藁

張昱可閒老人集

張雨句曲外史集

成廷珪居竹軒集

張翥蛻庵集

王逢梧谿集

龍井見聞錄徵引書目 四

楊維禎等西湖竹枝詞

釋善住谷響集

釋圓至筠谿牧潛集

馬臻霞外詩集

陳世隆宋詩補遺

夏文彥圖繪寶鑑

鄧椿畫繼

湯垕畫鑑

李衍竹譜詳錄

明宋濂元史

李賢等明一統志

夏時正杭州府志

薛應旂浙江通志

田汝成西湖遊覽志

陳善杭州府志

聶心湯錢塘縣志

馬汝礪盱眙縣志

吳瓚武林紀事

袁宏道石公集

張京元西湖小記

龍井見聞錄徵引書目 五

沈儀兩湖塵談錄

吳之鯨武林梵志

吳本泰西谿梵隱志

白琳靈隱寺志

釋大壑淨慈寺志

釋傳燈天台方外志

宋濂學士集

林右公輔集

徐一夔始豐藁

王圻續文獻通考

唐之滄萍居藁

夏時湖山勝概記

孫一元太白山人藁

姚綬穀菴集

方九敘十洲集

祝時泰等西湖八社詩帖

吳寬家藏集

夏錫祚雪鴻堂詩草

賀燦然五欲軒集

王穉登客越志

龍井見聞錄徵引書目 六

馮夢禎快雪堂集

屠隆緯真詩集

譚元春嶽歸堂集

傅巖花窠詩

武林怡老會詩集

李流芳檀園集

田藝蘅煮泉小品

董其昌畫禪室隨筆

文震亨長物志

安世鳳墨林快事

郎瑛七修類藁

徐炳裕陰新檢

孫克宏碑目

吳應箕復社姓氏錄

歷朝浙江題名錄

國朝

御定廣羣芳譜康熙四十七年

敕修浙江通志雍正十年

康熙督撫臣彙修浙江通志二十一年

御覽西湖志纂乾隆十六年

龍井見聞錄徵引書目 七

李衛西湖志

魏嶺錢塘縣志

趙世安仁和縣志

趙之珩於潛縣志

唐如連餘姚縣志

胡承謀湖州府志

鮑復泰台州府志

吳之器婺書

孫治靈隱寺志

釋廣賓上天竺山志

張遂辰湖上編

陸次雲湖濤雜記

吳任臣十國春秋

徐象梅兩浙名賢錄

謝旻江西通志

顧祖禹方輿紀要

朱彝尊曝書亭集

查慎行敬業堂集

厲鶚樊榭山房詩集

朱彝尊明詩綜

龍井見聞錄徵引書目 八

馮景蘇詩續補遺

查慎行補註東坡編年詩

谷應泰博物要覽

吳銘道明復社姓氏補錄

臣汪孟錫恭纂

山水

總敘

陳善杭州府志杭之山紀首昌化竹嶺至於潛白沙關為首節豪千關為第二節臨安泥陽為第三節新城青牛為第四節富陽塌石嶺為第五節餘杭由拳為第六節錢塘分金嶺為第七節自分身嶺祖東而北而東五里五朝山三里龍門山二里牛軌嶺三里黃山三里焦山三里水山五里天柱

龍井見聞錄卷一

塢五里五雲山二里郎當嶺三里風篁嶺四里南高峯一里玉岑山一里學士嶺一里九曜山一里梯子嶺一里鍋子山一里慈雲嶺一里教場山又一里積里六十交仁和之鳳凰山為第八節其泉為龍門青山白沙天柱九谿甘谿天真凡七直達乎江北源則為龍門西谿冷泉天竺龍井黃泥程公方家峪凡八北向錢塘

謹案陳善杭州府志以里紀山極為明白易曉其北源之泉北向錢塘者猶之曰入湖也

山脈

天目山

李吉甫元和郡縣志天目山有兩峯峯頂各一池

左右相對如目左屬臨安右屬於潛

田汝成西湖遊覽志西湖諸山皆宗天目西去府

治一百七十里高三千九百丈周廣五百五十里

蜿蜒東來舒岡布麓若翔若舞萃於錢塘而嶮崿

於天竺從此而南而東則為龍井為大慈為玉岑

為積慶為南屏為龍為鳳為吳皆謂之南山從此

而北而東則為靈隱為仙姑為履泰為寶雲為巨

石皆謂之北山

主山

龍井見聞錄卷一

二

風篁嶺

潛說友咸清臨安志釋元淨詩風篁嶺修嶺挺節含虛心悠悠往還客孰不聆清音陽傑

詩微風搖琅玕蕭瑟嶺一道萬帶掃晴空纖塵不可到

咸淳臨安志在錢塘門外放馬場西路通龍井嶺

最高峻元豐中僧辯才師淬治修篁怪石風韻蕭

爽因名曰風篁東坡探梅詩有聞訊風篁嶺下梅

介亭詩有丹青明滅風篁嶺之句嶺之嶺有龍井

西湖遊覽志林壑深沈迴出塵表流泉活活自龍

井而下四時不絕

陳善杭州府志在南山飲馬橋西龍井在其下嶺

之西可達江滸

謹案風篁嶺在今龍井寺後東北而

近嶺諸山

雞籠山

咸淳臨安志在龍井風篁嶺側高而圓若雞籠然

西湖遊覽志獅子峯西有稽留峯俗訛雞籠

陳善杭州府志遠樹亭亭望若車蓋四山間寂虎

豹窟藏以是遊者特罕

謹案雞籠山今在龍井寺南

沙盆塢

魏嶠錢塘縣志在風篁嶺下有金沙井回泉鍾液

龍井見聞錄卷一

三

謹案咸淳臨安志龍井山沙盆塢周密武林舊事云風篁嶺沙盆塢西湖遊覽志則云嶺下與魏嶠錢塘縣志同金沙井西湖遊覽志繫演福而魏嶠錢塘縣志演福下亦有此七字又夕佳樓諸勝之列必有一誤

碧螺峯

聶心湯錢塘縣志自龍井達煙霞可三里許兩旁

悉皆奇石森峭其峯者為碧螺峯

魏嶠錢塘縣志在風篁嶺側

謹案碧螺峯今無之上人稱寺南之山曰螺嶠巖疑即此

鷓鴣峯

咸淳臨安志在西山崇因敬德院有怪石狀似鷓

雞

魏嶠錢塘縣志在靈石山前

金鐘峯

魏嶠錢塘縣志在了髻峯側

謹案了髻峯即鷓鴣峯之異名金鐘峯在龍井寺東南而武林舊事紫籠山下存考

獅子峯

咸淳臨安志釋元淨詩獨爾羣山中楊傑詩巖峯壯威猛晴雷隱哮吼無心露爪牙百獸自奔走

西湖遊覽志高出羣岫可瞰江潯北望天竺諸峯

疊秀如畫

魏嶠錢塘縣志在天門山側勢若蹲獅最為高峻

龍井見聞錄卷一

四

靈竺諸峯皆拜其下山徑孤峭草樹蒙茸為南山

最深處

釋廣賓上天竺山志在乳竇峯之右翊大師經行

忽聞獅吼故名

又天門山兩峯對峙如門其西南曰栗山栗山北

擁為天竺諸峯獅子其一也從上竺而南則為龍

井

謹案獅子峯在風篁嶺西北其名不列咸淳臨安志而當日題詠即多及之山高則四望皆見此靈隱上竺所以亦採入志也袁宏道石公集西湖雜記稱為獅子石未是武林舊事寺下云山有獅子峯

楊梅塢

傅牧西湖古蹟事實在南山近瑞峯石塢

上天竺山志在獅子峯麓

又明劉康祉興福院記乳竇獅子兩峯間即楊梅塢

塢

魏嶺錢塘縣志在上天竺後

謹案西湖遊覽志以楊梅塢敘於片雲石獅子塢之間今由龍井至天竺新開小路必經楊梅塢

南山禪關

武林舊事名龍井路今又改南天竺

龍井見聞錄卷一 五

片雲石

李衛西湖志張丹詩荒塗越沙塢斷崖得石壁鳥足不可棲猿臂豈相惜冰核實夏凍露珠信畫蘭草側聞薛蘿人駐此曾洗滌我題聊與眉宇皆翠色

賞早閣白雲迹

西湖遊覽志在風篁嶺上高可丈許青潤玲瓏巧

若鏤刻松磴盤屈草莽間有石洞堆砌工致巉巖

可賞

西湖志引名勝志風篁嶺上有石俗呼一片雲

片雲亭

西湖遊覽志片雲亭司禮孫東瀛所構設石枰於

前上鐫興來臨水敲殘月談罷吟風倚片雲之句

謹案魏嶺錢塘縣志云石上刻字多漫故卷六

國朝厲鶚遊龍井詩註片雲石已仆今已重立寺內矣

神運石

西湖遊覽志龍井神運石高可六丈許奇怪突兀

特立簷下有木香一架穿繞竅竇宛若蛇蟠正統

十三年中貴李德駐龍井屬旱令力士淘之初得

鐵牌二十面玉佛一枚金銀各一錠鑿大宋元豐

年號次得茲石以八十人搜出之上有神運二字

旁多款識漶漫不可讀不知何代所鐫也繼得鐵

牌十五面銀二條上鑿吳赤鳥年號蓋皆投龍以

龍井見聞錄卷一 六

祈雨者其日黑雲四匝泉頭洶湧德懼而止

西湖志在龍井寺

謹案神運石西湖遊覽志止云兩字西湖志云十字今考石上字甚多詳卷六

風篁嶺四至

夏時湖山勝概記南高峯麓四出一由前洋嶺大

慈山南出龍山抵六和塔當江而止一過慈雲嶺

出包家山鳳凰山秦望山一落石塢煙霞二嶺嶺

有楊梅塢下有玉岑山山對高麗寺一落西湖過

大小二麥嶺西下飲馬橋南至風篁嶺上有龍井

今創龍井寺於山之陽西接演福寺路轉而北過

胭脂嶺出九里松

西湖遊覽志南山勝蹟出清波門折而南為南屏山山西為九曜山與赤山聯屬又西為玉岑山對赤山由湖而陟此者為赤山步赤山北為三台山自此而北為小麥嶺蓋積慶山之陂陁迤邐者有永福橋又西為大麥嶺旁為花家山瀕湖而登為茆家步自永福橋西北為積慶山即靈石山又西北為雞籠山風篁嶺一片雲石楊梅塢獅子峯延恩衍慶寺龍井神運石嶺下沙盆塢嶺畔有崇恩衍福諸寺嶺北有碁盤山登其巔則江湖之勝皆

可環眺矣

龍井見聞錄卷一

七

謹案近嶺諸山不必皆以風篁嶺為主然不立主則界域不明故由載所為山考之赤山則小麥嶺南則大麥嶺西則靈石山北則雞籠山東則楊梅塢獅子峯西則碁盤山南則龍井神運石嶺北則崇恩衍慶寺沙盆塢嶺北則崇恩衍慶寺武林舊事於諸莊並金鐘嶺次臨安志於龍井神運石嶺北則崇恩衍慶寺

矣觀

水源

老龍井

西湖遊覽志龍井之上為老龍井有水一泓寒碧異常泯泯叢薄間幽僻清奧杳出塵寰岫壑縈迴西湖已不可復覩矣再上為天門可通靈竺徑術崎嶇草樹蒼鬱人烟曠絕幽悄不禁魏嶺錢塘縣志天門山側為獅子峯獅子峯下為老龍井張遂辰湖山編越風篁嶺為老龍井

龍井見聞錄卷一

八

龍井 謹案今龍井在嶺前考宋蘇軾先觀楊傑程後錫至井紀遊及陶孫詩無有先湖小記夏龍井舊詩然故西湖遊覽志老龍井即馮夢魏嶺錢塘縣志天門山側為獅子峯獅子峯下為老龍井張遂辰湖山編越風篁嶺為老龍井

咸淳臨安志本名龍泓吳赤烏中葛洪鍊丹於此
近西湖南山登風篁嶺澗泉泱泱與幽花野草延
緣山磴更上嶺背巖壑林樾皆老蒼而西湖已蔽
掩不可見氣象愈清古巖骨稜瘦泉流停涵一泓
清澈卽之淒然相傳有龍在焉觸石爲雲禱者輒
應因建龍祠咸淳五年安撫潛說友重建門古篆
龍井二大字爲扁

祝穆方輿勝覽龍井去城十五里

武林舊事在風篁嶺上巖壑林樾幽古石竇一泓
清澈翠寒甘美可愛雖久旱不涸石上流水處其

龍井見聞錄卷一 九

色如丹遊者視久水輒溢人去卽滅其深不可測
相傳與江海通有龍居之每禱雨必應或見小蟹
斑魚蜥蜴之類

西湖遊覽志水經飲馬橋合黃泥嶺東出茅家步
入湖

謹案宋人志龍井蓋皆今日老龍井也姑繫於
此黃泥嶺在行春橋外見夏時正杭州府志武
林舊事繫南山末今

井旁惠濟祠咸淳臨安志宣宗加封嘉應廣濟于惠
王敕昔我高宗乘萬騎嘗登南山之
風篁嶺駐蹕龍飲酌泉於上草一木咸被昭回
之光時維明神資見敬禮涓滴分派通海泱湖寸
雲出峯潤吳澤合以候美禱加肅於爾有神珠
加是爲缺典朕合以候美禱加肅於爾有神珠

宮貝闕莫窮其源華袞輪臺其永有耀奠我
都邑振爾光靈可特封嘉應靈潤普廣濟王

咸淳臨安志在風篁嶺上紹興十八年賜廟額累
封爲嘉應廣濟孚惠王咸淳五年安撫潛說友更
創祠宇旁有德威亭卽舊龍井亭東坡書額

武林舊事龍井旁有龍王祠

西湖遊覽志井上覆以樓爲惠濟龍王祠

謹案地名龍井則龍之神靈著焉故附井下款
末嘉應靈潤普廣濟七字西湖志作嘉應廣濟
孚惠誤也陳善杭州府志封號七字恐誤存考

龍井一名龍泓

見秦觀遊記詳卷六

龍井見聞錄卷一 十

謹案靈隱有龍泓洞咸淳臨安志引晏元獻說
亦云吳赤烏二年葛仙翁於此得道故龍井之
名龍泓不顯於世

龍井一名龍泉

司馬光資治通鑑天復二年鏐如衣錦軍命右武
勇都指揮使徐綰帥眾治溝洫鎮海節度副使成
及聞士卒怨言白鏐請罷役不從鏐臨饗諸將綰
稱疾先出鏐怪之命綰將所部先還杭州及外城
縱兵焚掠左武勇都指揮使許再思以迎侯兵與
之合進逼牙城鏐子傳瑛閉門拒之牙將潘長擊
綰綰退屯龍興寺鏐還及龍泉聞變疾驅至城北

使成及建鏐旗鼓與縮戰鏐微服乘小舟夜抵牙
城北隅踰城而入胡三省註龍泉即龍井在杭州
城西南風篁嶺上去城十五里又宋自高宗駐蹕
杭州以杭州牙城為宮城東北隅則今之和寧門
外也

顧祖禹方輿紀要風篁嶺龍井在其上亦曰龍泉
錢鏐白衣錦軍還至龍泉聞其部將叛據羅城微
服兼行踰城夜入是也

謹案歐陽修五代史歸至北郭門不得入吳任
王遂沿江至內城東北互有詳略據此知當日
由臨安入城亦經龍井後以兵阻然後由城北
徑為沿江之行其往來路
而甚為明悉故詳載之
近井諸水

沖泉

見楊傑延恩衍慶院記詳卷二

玉鈞澗

聶心湯錢塘縣志在風篁嶺下

謹案龍井水初由過谿橋經飲馬橋迤東北循
茅家步路出無利者訪諸寺僧但云是虎谿蓋
以過嶺事襲訛而不知為玉鈞澗今新風篁嶺
正鍊二嶺瀑布即澗下承引不獨侍龍井水以
後雲共庵用竹篔簹曲承引不獨侍龍井水以
馮夢禎記考之在嶺
背者或即老龍井也

金沙泉

聶心湯錢塘縣志金沙泉與龍井滙從飲馬橋入
湖

謹案咸淳臨安志金沙泉在仁利縣沙洲隱源
沙隱寺側魏東流橫過寺前引此沙洲隱源
靈西之巖二諸水所流疑以前名龍谿日錢源
龍谿之名諸廟志無疑以湖即所謂金沙井並
不自與龍井滙細訪土人云湖即馬山有金
水與龍井滙而山來龍井水過飲馬橋與沙
流合滙而山來龍井水過飲馬橋與沙
魏惟錢塘縣志沙盆下並有金沙井蓋即此
井隱後山為天馬山考魏嶺錢塘縣志沙盆下
地在靈石山側天馬山之俗稱富山蓋以
地志馬鞍實天馬之俗稱富山蓋以

插劍池

浣花池

浴麟池

西湖遊覽志李德疏神運石旁三池

陳善杭州府志三池並在龍井

鉢池

吳之鯨武林梵志鉢池庵有洗鉢泉德周果師棲

隱處

魏嶺錢塘縣志鉢泉在風篁嶺上泉出石閒其形

如鉢又稱鉢池西湖遊覽志龍井旁有沖泉舊邑

志云在老龍井甚清冽今訪其處不可得而鉢泉

則又舊志所無時代未遙泉之興廢若此

西湖志田志龍井旁有冲泉今訪其處不可得而

鉢泉則田志所無也

謹案鉢池庵在今螺螄巖下稱鉢池從庵名也
西湖記從魏螭錢塘縣志似欲實為冲泉殆不
然

雜地名

善安橋

永安橋

永福橋

龍井見聞錄卷一

三

咸洹臨安志並在麥嶺至龍井路

飲馬橋

武林舊事地名放馬場

西湖遊覽志永福橋俗稱飲馬橋吳越宋時皆牧

馬於此

謹案西湖志永福橋飲馬橋並列仍考注其下
云咸洹志載永福武林舊事載飲馬而西湖遊
覽志謂飲馬即永福因宋
志所有並存之今依其舊

孝義橋

咸洹臨安志在麥嶺西太清宮前

新河橋

咸洹臨安志在麥嶺口寨前

小水樂

武林舊事風篁嶺小水樂福邸園

謹案咸洹臨安志福王府北園在
天水院橋橋在城中非此園也

褚家坎

武林舊事金鐘峯褚家坎漢末褚盛族舊有居此

者

褚莊

魏螭錢塘縣志在金鐘峯下

謹案咸洹臨安志褚家塘在蒲橋左軍寨之北
褚家故居蒲橋鹽橋東不通舟楫西湖遊覽志

龍井見聞錄卷一

四

忠清里本名昇平巷北褚家堂又載胡世宣書
云居近褚堂以遂良故里得名塘作堂蓋陽翟

褚氏之寓居城中者與金
鐘峯褚家坎褚莊不同

步司左軍寨

咸洹臨安志左步軍三寨在麥嶺行春橋一

謹案三寨一在麥
嶺二在行春橋

放馬場

見咸洹臨安志並武林舊事詳上

陳善杭州府志崇恩演福寺在小麥嶺宋渡江初

斥為放馬場

履泰鄉

咸淳臨安志錢塘縣管十二鄉履泰南鄉管里三
曰放馬胭脂皇妃履泰北鄉管里六曰黃山石塘
掃帚石堰師姑青枝

山水題後

志杭之名勝者分路敘次龍井爲南山路今

御覽西湖志纂又別之爲南山西路蓋瞭如指掌矣
昔人或曰南山或曰西山實則一也其地磽礧
犖礪凸凹上下而水泉正出懸出穴出循山與
俱山不在高有仙則名水不在深有龍則靈以
之舉似西湖不若舉似龍井爲尤近

龍井見聞錄卷一

五

寺內外古蹟

歷代興建

龍井寺咸淳臨安志揚傑延恩行慶院託天台宗師
 人其心契於聖智初具戒慧以行其德於幽
 潛真道之土屏錢塘法惠之寶閣於住
 上萬二天竺又南屏山其興教往學徒蓋
 踰萬人分傳教人多能演法開悟者莫不
 生未嘗輒有求於人也余所至必為四公
 興盛蓋其有師致之也余所至必為四公
 倡酬頌已不知師行之所存矣及壯而與
 言其幼弱不能行一禱師加護即壯而與
 後知其功安得幽師處一日謂諸徒曰吾
 勞於應接安得幽師處一日謂諸徒曰吾

龍井見聞錄卷二

之曰辯才師有地乃居之意吾輩其德不為
 蓋主擇不可堪居地願於龍井山捨去是
 楹懷者不奉香火願於龍井山捨去是
 其院益主奉香火願於龍井山捨去是
 新棟宇不日而成中興嚴前有三鼎事
 示三解脫也鐘鼓有聲警晦明也潮音
 照也齋日欲無言也室窮也寂也常照
 政訪而居也泉問人神用也室窮也寂也
 歸隱退居也泉問人神用也室窮也寂也
 其徒也眾山環遶景象幽深日清也
 龍井度也豐年秋石被命竹窠森然翠
 嶺以元豐八年秋石被命竹窠森然翠
 過訪吳越嘗謁師於山子乃望嶺石湖
 堂憩隱橋鑑心沼觀獅中乃望嶺石湖
 庵從容論議久之復還巖之異日照閣
 其本末余既與之記又繫之以詩三章云
 見

臣汪孟錫恭纂

後

咸淳臨安志龍井延恩衍慶院在風篁嶺乾祐二
 年居民凌霄募緣建造舊額報國看經院熙寧中
 改壽聖院紹興三十一年改廣福院淳祐六年改
 今額有龍井元豐二年辯才大師元淨自天竺退
 休茲山始鼎新棟宇及遊覽之所山川勝槩一時
 呈露而二蘇趙秦諸賢皆與辯才為方外交名章
 大篇照映泉石龍井古荒刹由是振顯豈非以其
 人乎

龍井見聞錄卷二

二

見林右公輔集龍井志敘詳卷八

謹案傑作記時在元祐中當日壽聖院記若延
 恩衍慶後來更名何得題目延恩衍慶院記耶
 志蓋誤

魏嶺錢塘縣志龍井寺明弘治中洪水氾溢遂廢

武林梵志萬曆二十三年司禮孫隆命僧真果重

修

浙江通志康熙間僧一泓重葺

謹案蘇轍辯才碑沈邁請師以教易禪此講寺
 之所由稱也又龍井名寺之始不可考以西湖
 遊覽志隱之當在明中葉迄今寺門扁曰龍
 井遊人不知宋時院名者多矣詳卷六謝輔碑

附 寺址所在

見秦觀遊記詳卷六

沈儀兩湖塵談錄地勢幽僻峯巒迥合迴絕塵凡

余童時猶見小庵及辯才塔俗呼為老龍井秦少

遊題名記所謂夜二鼓至湖音堂訪辯才即其地

也今之寺則井之所在耳非院也

張京元西湖小記寺北向井在殿左

謹案秦觀遊記諸書知宋時寺址與井相遠又

知遊者先至井旁然後至寺而寺之北向蓋其

來久矣今寺內殿宇並向東北與寶俶塔正對

御道所經開建新門則與寺內殿宇同向東北又舊

寺門之旁別有

小新門向正南

歸隱橋咸洹臨安志釋元淨詩謝講竺峯寺歸隱新

從此歸影不入壘市端

咸洹臨安志在龍井因東坡易名曰過谿

武林舊事寺前有過谿橋又名歸隱橋又名二老

橋

吳自牧夢梁錄龍井路口曰歸隱橋蓋東坡欲易

於過谿建此橋也

過谿亭

咸洹臨安志東坡嘗詣辯才師師送至嶺上因舉

遠公過虎谿事師笑曰杜子美不云乎與子成二

老來往亦風流遂作亭嶺上名曰過谿亦曰二老

東坡賦詩紀之

德威亭

咸洹臨安志即舊龍井亭東坡書扁

武林舊事二老亭後改德威舊在風篁嶺頭今移

於龍井祠下

謹案武林舊事以德威為過谿四名而志

方圓庵

兩列院武林舊事移祠下時因借德威名耶

龍井見聞錄卷二

四

者明室者通大小之機無不遂者不居其功

於名乃辭其交焉去其弟一子而求于寂溘不

龍井之居隱焉索其居於一見之密圍溜口風

篁嶺引四顧若失莫知其居於一見之密圍溜口

不蔽翳而秀髮徐曰遂造鄉遊下危磴行深林

得之翳而秀髮徐曰遂造鄉遊下危磴行深林

師曰子坐相視矣而笑曰遂造鄉遊下危磴行深

入吾黨祝髮以室其頂而色曰此吾佛亦如子

使吾黨祝髮以室其頂而色曰此吾佛亦如子

不遠而於樂事定其修而德相也蓋謂之理而

則以制禮樂事定其修而德相也蓋謂之理而

規矩一則之所謂夫以休息乎此也窺其制或則園
 而方址予之胡為而然哉法師曰或為方之矣
 然試成方者之也夫形而上者或得於地近則
 而能成方者之也夫形而上者或得於地近則
 或兼斯二者而然故天得地則止
 乎一而無變者以天圓而地則止
 靜而無變者以天圓而地則止
 首而無變者以天圓而地則止
 雖小待之成者以天圓而地則止
 也皆不待之成者以天圓而地則止
 今雖小待之成者以天圓而地則止
 位萬物紀得而方於圓之內也
 無端而住焉則當是時也為無
 所語方也吾當忘言與之
 也語方也吾當忘言與之
 成語方也吾當忘言與之
 越有誰知
 龍井見聞錄卷二 五

寂室 咸道臨安志註在方圓庵東趙清獻公既挂冠而
 照閣 咸道臨安志註在方圓庵東趙清獻公既挂冠而
 海莫乘興誰來白雲裏元淨詩高峯銜皎月深壑無
 莫乘興誰來白雲裏元淨詩高峯銜皎月深壑無
 海莫乘興誰來白雲裏元淨詩高峯銜皎月深壑無
 軒人散後鏡裏三身現龍女珠中萬象開未若此
 清人散後鏡裏三身現龍女珠中萬象開未若此
 咸道臨安志註在方圓庵東趙清獻公既挂冠而
 咸道臨安志註在方圓庵東趙清獻公既挂冠而
 咸道臨安志註在方圓庵東趙清獻公既挂冠而
 辯才法師亦退居此山因以命名
 辯才法師亦退居此山因以命名
 辯才法師亦退居此山因以命名
 訥齋 蘇轍以天集錢化吳越人歸之初住上
 蘇轍以天集錢化吳越人歸之初住上
 蘇轍以天集錢化吳越人歸之初住上
 蘇轍以天集錢化吳越人歸之初住上

世年之利其富父母迫而逐之師不求舍去不為
 四吳越人朝明而復舊師市然舍去不為
 恨四去事於朝明而復舊師市然舍去不為
 散得已何師告人爭日其力未嘗就也
 不無幾何師告人爭日其力未嘗就也
 集爭地山而深去木使人吾雖力未嘗就也
 於爭地山而深去木使人吾雖力未嘗就也
 天竺之南山深去木使人吾雖力未嘗就也
 人復致於其所言已深去木使人吾雖力未嘗就也
 荒榛致於其所言已深去木使人吾雖力未嘗就也
 師自齋謝事不復入高郵秦觀太虛名帝所居
 日誦齋謝事不復入高郵秦觀太虛名帝所居
 教人以辯名必及枯木止此山靜如海始以故
 人落辯名必及枯木止此山靜如海始以故
 葉落辯名必及枯木止此山靜如海始以故
 小不長雖然此非師之全不辯也其詞貴而
 意然樂其不出名而齋也宜繫之詞貴而
 意然樂其不出名而齋也宜繫之詞貴而
 意然樂其不出名而齋也宜繫之詞貴而
 意然樂其不出名而齋也宜繫之詞貴而
 龍井見聞錄卷二 六

既非非我訥以見我亦幾於我亦幾於我亦幾於
 止非非我訥以見我亦幾於我亦幾於我亦幾於
 寂安志釋元淨詩如我亦幾於我亦幾於我亦幾於
 寂安志釋元淨詩如我亦幾於我亦幾於我亦幾於
 流轉然真大耶雷霆揚傑詩耶天道竟何言四序自
 流轉然真大耶雷霆揚傑詩耶天道竟何言四序自
 流轉然真大耶雷霆揚傑詩耶天道竟何言四序自
 流轉然真大耶雷霆揚傑詩耶天道竟何言四序自
 潮音堂 咸道臨安志註在方圓庵東趙清獻公既挂冠而
 潮音堂 咸道臨安志註在方圓庵東趙清獻公既挂冠而
 潮音堂 咸道臨安志註在方圓庵東趙清獻公既挂冠而
 潮音堂 咸道臨安志註在方圓庵東趙清獻公既挂冠而
 若普山潮音堂未嘗絕妙響入深雲揚傑詩潮來
 若普山潮音堂未嘗絕妙響入深雲揚傑詩潮來
 若普山潮音堂未嘗絕妙響入深雲揚傑詩潮來
 若普山潮音堂未嘗絕妙響入深雲揚傑詩潮來
 薩埵石 咸道臨安志註在方圓庵東趙清獻公既挂冠而
 薩埵石 咸道臨安志註在方圓庵東趙清獻公既挂冠而
 薩埵石 咸道臨安志註在方圓庵東趙清獻公既挂冠而
 薩埵石 咸道臨安志註在方圓庵東趙清獻公既挂冠而
 錫常開餉虎石常在忘人飼虎茲巖上揚傑詩解然
 錫常開餉虎石常在忘人飼虎茲巖上揚傑詩解然
 錫常開餉虎石常在忘人飼虎茲巖上揚傑詩解然
 錫常開餉虎石常在忘人飼虎茲巖上揚傑詩解然

詩並附卷一
茲不列

月林堂

巖齋

風玉軒

咸淳臨安志註見舊記不知何人所創

龍井亭

謹案程琬遊記月林亭所廬也即此亭元淨詩虛亭亂石間中

沖泉

咸淳臨安志註見舊記不知何人所創
即過案元淨亭所廬也即此亭元淨詩虛亭亂石間中

龍井見聞錄卷二

七

見楊傑院記詳上

魏嶠錢塘縣志舊志云在老龍井甚清冽

謹案元淨十詠楊傑十三詠其方圓庵開堂傑

龍泓亭

楊傑詩曰龍井而無之故又元淨曰龍井亭而楊傑

今歲甲寅以守安志趙井下詩并敘余元豐己未仲春

登龍亭王點家半紀重團以復來六年於茲矣老僧佛

然十里祝龍華公年自爾詩南極星臨釋了家

疑案龍泓亭亦詠貢茶爾詩南極星臨釋了家

古蹟雜見傳記者十二

鐘鼓閣

見楊傑院記詳上

鐘樓

見鄭清之秦觀龍井題名跋詳卷八

藏經閣

謹案鄭作此跋時當紹定中蓋

更故曰廣福其曰延熙慶者初寺肇始於吳越錢氏

聖咄嗟而檀施能庇風雨雲才搆山是紳士大夫望

而與之遊者迹接乎茲山內禪堂高勝甲

於西湖余嘗過龍井訪方圓庵念所攝即高勝甲

韻灑然心目若見其人信也一日寺僧攝即高勝甲

元貞初比邱古德祐嗣茲法席崇敬像設廬居丹聖

復捐已田為畝者百餘畝遠居奕績承其志購

四大部及具大寶藏宗鏡錄者度以飛閣觀者挹

等悉聚力具大寶藏宗鏡錄者度以飛閣觀者挹

其充爽山可以扶幽闡微於是以寺來成

聽泉軒詩張昱山可者德泉也集聽泉軒為龍井智法師賦

到耳能驚空現潭心此去涓流如不身已淨難禦海

鏡清堂 諸天閣 並見武林舊事諸天閣亦見西湖遊覽志 觀音殿

見馮夢禎快雪堂集龍井寺新建白衣觀音殿勸

緣述文詳卷八

謹案此當在寺內

與偕亭

見張京元西湖小記詳卷五

與眾亭

西湖遊覽志與眾亭司禮孫東瀛所構鑿花池于前以復古蹟

秋月堂

與時亭

龍井見聞錄卷二

九

並見魏嶠錢塘縣志

謹案此一堂一亭不見他書惟魏嶠錢塘縣志有之錄以備考與時疑即與偕或與眾之誤別有鏡心堂必鏡清堂之誤鉢池庵則誤入他寺辟廡行則非古蹟且亦別見六通論詳卷十又查慎行註東坡白雲堂詩引在天竺查註誤詳元淨外傳

古蹟不屬僧寺者三

霖雨閣

陳善杭州府志在龍井嘉靖間總督胡宗憲建相

傳井中有龍每大旱禱之輒雨故名

武林梵志僧智果重修霖雨閣

龍井山齋譚元春嶽歸堂集同李長蘅尋聞子將龍

幽無一語心似同聞谷鳥臨寒路籬花問遠雲逢陰晴淡山氣雞犬靜人家間迴生谿水萍香過弄花紅黃光莫豔羣動豈無涯

西湖志明孝廉間啟祥別業是宋人方圓庵遺址

蓀壁山房

夏時正杭州府志金應桂入元隱居風篁嶺

吳瓚武林紀事應桂字一之標度風雅居西湖南

山築蓀壁山房左絃右壺設圖史古器客至撫摩

諦玩清談不休每肩輿入城幅巾篋衣望之若神

仙然

龍井見聞錄卷二

十

地志諸書所未詳者二

準提庵

謹案今風篁嶺上有庵寺僧曰準提庵也祀神胡姓南渡時著應者然則即舊顯應廟址也土地廟

雲共庵

謹案今風篁嶺背一庵額曰雲共傳為國朝初年建惜無碑記歲月可考以上二庵不關龍井寺以其近嶺存之

寺內外古蹟題後

潛說友稱南北兩山僧寺大小合三百六十一

院何論焉屬有功成身退從者歸市施集犬檀

品蓋萬納於是後來踵繼益搜剔奇最故三宿
之戀非所語於遊方之內者也

龍井見聞錄卷二

龍井見聞錄卷二

士

龍井見聞錄卷三

汪孟錫恭纂

名僧

開山僧

隋

眞觀法師

釋道宣續高僧傳字聖達吳郡錢塘人俗姓范氏

道安禪師

頭陀石室

續高僧傳隋開皇十四年眞觀法師共道安禪師頭陀石室檀越陳仲寶率諸同侶開藏拓基構立

龍井見聞錄卷三

一

精舍號南天竺

西湖遊覽志風篁嶺畔崇恩演福寺俗稱南天竺

隋法師眞觀居之

釋元敬元復武林西湖高僧事略觀字聖達錢塘

范氏子世本顯仕師有奇相出家通經律論尋

謁天台智者請受禪觀智者以師齊年止爲法兄

弟開皇十五年於靈隱山頭陀石室宴坐眾建南

天竺寺請師居焉是爲開山始祖常講法華以心

爲要感阜亭神請講捨祠宇爲佛殿每盥洗餘滴

地不爲濡人尤異之師有雅操文帝三徵秦王兩

延皆以疾辭大業中因山行自標葬地夢與智者

同輦翼佛還山覺而歎曰吾六十二應終以講法

華力延一紀今七十四生期畢矣中夜入寂塔在

東岡

謹案西湖高僧事略謂師於靈隱山頭陀石室宴坐詳續高僧傳頭陀石室次道安之下陳仲寶之上人名非地名也

說法僧

唐

通禪師

處棲上座

龍井見聞錄卷三

二

釋道源景德傳燈錄杭州龍井通禪師處棲上座

問如何是龍井師曰意氣天然別人工畫不成曰

爲什麼畫不成師曰出羣不戴角不與類中同曰

還解行雨也無師曰普潤無邊際處處皆結粒曰

還有宗門中事也無師曰有曰如何是宗門中事

師曰從來無形段應物不曾虧問如何是吹毛劍

師曰拽出著

謹案景德傳燈錄通禪師爲吉州青原山行思禪師第六世慧能大鑑禪師之法嗣行思禪師實福州雪峯義存禪師法嗣也大鑑禪師卽世所稱六祖柳宗元河東集有大鑑禪師碑文

住山僧

宋

元淨法師

咸淳臨安志元淨本姓徐字無象於潛人十歲出家受業於慈雲慈雲沒復事明智年二十五賜紫衣及辯才號知杭州呂濤請住大悲寶閣居十年沈文通遵治杭命住上天竺乃以教易禪師增室至萬礎重樓傑閣冠於浙西學者數倍居十七年有奪之者遂還於潛逾年復歸天竺留三年謝去老於南山龍井之上精修行業行成力具著應非一元祐八年示寂壽八十一門下侍郎蘇轍撰碑

龍井見聞錄卷三

三

翰林學士蘇軾書集賢校理歐陽棐書額

西湖高僧事略師名元淨字無象於潛徐氏生而左肩肉起如袈裟條八十一日乃滅父歎曰是宿世沙門也自幼出家受業於慈雲日夜精勤慈雲沒後復事明智年二十五賜紫衣及辯才號居天竺二十七年有利而奪之者逾年奪者敗復以昇師越二年謝去老於南山龍井之上元祐八年示寂壽八十一果符初生肩痕之徵塔成東坡誌其行事頴濱為銘贊曰法苑將興棟梁攸屬揮塵白雲雨花飄馥維趙與蘇式是高躅龍井風清過者必

肅

釋念常佛祖通載法師幼生其伯父異之曰必使事佛十歲出家十二就學於慈雲將示寂乃入方圓庵七日出偈示眾即右脅而化東坡命子由為之銘

武林梵志元祐八年示寂塔成東坡銘其事

王圻續文獻通考元淨杭州龍井法師始生伯祖異之

謹案諸傳敘事大抵皆同並從剛節以蘇轍辯才碑考之十年出家十八學於慈雲則咸淳臨安志十歲出家受業於慈雲佛祖通載十二就學慈雲俱誤又伯祖父歎為宿世沙門則西湖

龍井見聞錄卷三

四

高僧事略之以為父亦說又元祐六年示寂而咸淳臨安志及西湖高僧事略武林梵志俱云八年亦誤至武林梵志謂東坡銘其事蓋承西湖高僧事略東坡誌其行事頴濱為銘之誤而加誤焉尤不待辨

弟子懷楚

見蘇轍辯才碑詳卷八

見秦觀元淨十詩跋詳卷八

達上人

見蘇軾楚達二上人書經跋詳卷八

謹案楚達並稱亦弟子也

徒弟懷益

見楊傑院記詳卷二

見辯才心師銘詳卷八

散老鄒道造道鄉集送散老歸龍井長安冥冥砂礫飛

成其碑人足來何成者誰向書妙人願力豈不

奔走乃下兼得之龍一面猶幾希道持杖頭星斗滿

東文垂過門集我書自色井神應護冠多背師蘇公

考蘇案道鄉才碑求妙者乃弟詞下註云此散老

耶又轍人耶不碑知矣詳儒子懷楚即此蘇公

冠師白琳語其為弟知矣詳儒子懷楚即此蘇公

參別峯塗龍氏隱世業志敬叟居簡禪師臨濟宗

之般若遷報於思徑西山往育王見佛者虛東林命

不疾以字稱以於飛來北趙節齋奏請補靈隱師

笑日吾日迫矣清祐丙辰春示寂三月二十八日

素紙書偈於紙尾復書五卷之已示寂其壽八

三厥六十二有北碑集十卷張子序其集日讀

其文宗密未知其伯仲論人

撰龍井法堂榜文見卷八

住山宗炳

見鄭清之跋素觀龍井題名詳卷八

僧全咸適庵密程公累篇季文弟前朝沙門首繼其

淨超卓然宿與什同庵參餘全龍泓風篁嶽

杉萬二九年宿與什同庵參餘全龍泓風篁嶽

瓊冷九淵泉梵音擾龍性元解忘魚筌有容華

觀利麗無情但俾子孫賢三空正覺路一須人更神

龍君問座遙見青山起白雲聞有高僧來誦咒巖前拋

甘衣入十霜髭不翁門老猶是辯才孫高人已復

龍井見聞錄卷三

江來供碑因追始一遺之助孤危相傳所象或恐神

持暉風轉霽陰崖立淋瀟山僧作屋意慘淡
幽思胡為金影顛倒眩俗兒生小百念失舊自
導前馳招提果深登屐痕恍前期哉少肉山看
此高顛不疑渠能致邀禪絕唱相娛過谿亦何事
相送了頭陀碑月林禪律夜人自一賢愚盡
記字壓疑能致邀禪絕唱相娛過谿亦何事
蟻封來者
吾得知

元

澄公上竺山志法師名性澄號湛堂會稽孫
杖藜入南山卻立賞奇所懷玉局翁來住絢履
舊空餘松澗仍作琴筑奏徘徊龍井雲氣起
晴畫入門避雷脫屣亂苔發陽網扣雲石陰房
絕遺構登公愛客至取水挹幽坐我舊勸中餘
香不聞後同來二三影落羣岫煎黃金芽
不取穀雨吟後浪三子咽不忍敷講堂集羣
彥干澄坐我懷幼浪雜飛雨沈忍敷講堂集羣
度清漏令我懷幼浪雜飛雨沈忍敷講堂集羣

龍井見聞錄卷三 七

謹案柳貫有送南竺澄講主詩即此詩之澄公
也宋濂學士集天竺圓照寺上竺山之雲外齋澄
主南天竺崇恩演福教寺上竺山之雲外齋澄
順王申效辯才故事拂衣歸南竺之雲外齋澄
公蓋演福僧今以故事拂衣歸南竺之雲外齋澄
虞詩存之詳卷十

僧蒙潤

浙江通志引稽古續集字玉崗海鹽人生時母感
異夢禮伽藍土偶皆仆居風篁嶺專精念佛修法
華光明大悲淨土以七七為期後示弟子止觀安
心之法稱佛而逝
學士集故文明慧海法師塔銘南天竺素稱教海
湛堂遷上竺玉崗潤公來補其處

智法師

見張昱詩題詩卷二

德祐

居弈

時演

時集

居億

住山德泉

並見鄧文原閣記詳卷二

謹案記稱元貞初比邱德祐嗣茲法席
元貞元成宗年號記蓋為住山德泉作

龍井見聞錄卷三

八

明

大彰

學士集故文明海慧法師塔銘弟子廣福大彰演

福如玘

謹案壽聖院紹興中
更名廣福詳卷十

天巖

上天竺山志竺隱存翁法師宏道傳秀之天巖耀

公退寂廣福請師自代

曦南仲上人

王逢悟豁集奉覽龍井倡和什為曦南
湖始彙應匪惟晉陶遠惟杭萃秀靈梅柳並清婉
湖飲六絲虹馨般壘翠嶽悠然冰飛外瓶錫筵軒

冕漢章婉蘇秦泉思勇參辯問含棘林香勝味御
忍釋卷藤花墜來
深松巢白雲偃

以仁

見公輔集龍井志敘詳卷八

僧真志

見快雪堂集送果上人敘詳卷八

僧真果

見武林梵志詳卷一卷二

見快雪堂集龍井復賜田記詳卷八又日記詳卷

九

龍井見聞錄卷三

九

國朝

僧一泓

西湖志龍井延恩衍慶院康熙年間僧一泓重葺

亦見浙江通志詳卷二

僧慧輅

張秉塔銘
詳卷八

白琳靈隱寺志諦暉歷住興福妙濟師林天竺龍

井諸寺

謹案地志諸書龍井甚略住僧莫考亦住斯
寺者大抵靈竺院故不若名山若蘇軾之辯才
世次也撥拾遺文疏其名如右若蘇軾之辯才
尺牘之法係程必記出觀辯才像之詩僧周必
大記遊之龍井僧馬遜詩題之南竺詩僧張
京元西湖小記之山僧者借俱失其名矣

僧塔可考者

宋

僧贊宣

佛祖通載贊宣隨錢王歸朝姓高氏其先朝
出家杭之祥符習武律武肅諸王公族咸慕重
之署為兩浙僧統明義宋太平興國三年太
宗召對改賜通惠

十國春秋本傳本姓高氏為兩浙僧統太平興國
三年召對資福殿賜紫方袍尋賜號曰通慧命充
翰林史館編修纂高僧傳三十卷內典集一百五
十卷外學集四十九卷歸杭州卒諡圓明葬龍井

孫治靈隱寺志贊宣侍者塔龍井

龍井見聞錄卷三

謹案咸淳臨安志在放馬場樓真院前武林舊
事小麥嶺贊宣塔註天聖間葬此今依十國春
秋等書

僧元淨

咸淳臨安志在龍井

夢梁錄龍井壽聖寺辯才和尚塔

謹案西湖遊覽志在演福院內上天竺山
志邵氏七識亦云今依咸淳臨安志存之

僧原璞

見學士集原璞法師璋公圓家碑銘詳卷八

謹案宋高僧傳遺身篇杭州真身院寶塔寺紹
嚴俗姓劉雍州人於錢塘水心寺挂錫恆調持

明

僧原璞

見學士集原璞法師璋公圓家碑銘詳卷八

明

僧原璞

見學士集原璞法師璋公圓家碑銘詳卷八

謹案宋高僧傳遺身篇杭州真身院寶塔寺紹
嚴俗姓劉雍州人於錢塘水心寺挂錫恆調持

法華經俄感陸地生寶蓮續召於杭塔寺造上方淨院以居之開實四年踰跡坐亡茶毗於龍井山收合作石函置於影堂孫承祐為碑詳文義蓋未造塔故不列

名僧題後

蘇軾云靈隱天竺和尚退院後卻住一箇小院子子竊意正如閑散之人託處別業又豈禪教兩院五山十刹甲乙住持者所可比論然而元淨居上竺自謂立於爭地以歸老為樂則茲之引蔓布條誠不可以無述

龍井見聞錄卷三 十一

龍井見聞錄卷三

龍井見聞錄卷四

汪孟錫恭纂

鄉寓人物

人物以山水以寺著者

晉

葛

洪房喬晉書本傳葛洪字稚川丹陽句容人也
少好學尤好神仙導養之法從祖元吳時學
道得仙號葛仙公其鍊丹術授弟子隱就
學悉得其法後兼綜醫術吳太守黨顧秘討石冰
妻洪得傳其法後兼綜醫術吳太守黨顧秘討石冰
檄洪為將兵都尉破之冰與論功賞徑至洛
陽欲搜求異書以廣其學避地南土參州刺史
嵇含軍後還鄉里皆不赴元帝為丞相史
為掾以平賊功賜爵關內侯咸初補州主簿轉

龍井見聞錄卷四

一

司徒掾選為散騎常侍領大寶深相親友薦洪才堪國
史為選為散騎常侍領大寶深相親友薦洪才堪國
求丹耳帝從之洪遂將子姪俱行至廣州刺史鄧
有丹耳帝從之洪遂將子姪俱行至廣州刺史鄧
守又辭不聽去洪乃至羅浮山鍊丹表補東宮太
積年優游不仕著述不輟自號抱朴子因名書
其吏隱所著碑詩賦各一卷又抄五經史百卷
長言方技雜事三百餘卷疏云遠行尋師剋期
後要急方疏卷後忽與嶽疏云遠行尋師剋期
便發嶽不疏卷後忽與嶽疏云遠行尋師剋期
其嶽遂不疏卷後忽與嶽疏云遠行尋師剋期
其嶽遂不疏卷後忽與嶽疏云遠行尋師剋期

見咸瀆臨安志詳卷一

謹案葛洪鍊丹相傳如此依志載入詳卷十

隋

檀越陳仲寶

見續高僧傳詳卷三

五代

吳越王錢俶

五代史世家周興國三年吳越王錢俶
楚相次歸命侯孤文穆王第九子母吳氏乾祐元
年秋吳越世家俶元文穆王第九子母吳氏乾祐元
春師尚書令兼中書令國王凡四十年為元帥三
太師尚書令兼中書令國王凡四十年為元帥三
詩日政本集崇信釋氏前後造寺無算

見楊傑院記詳卷一

見鄧文原閣記詳卷二

謹案俶以乾祐元年嗣位咸瀆臨安志稱院以
乾祐二年造即在俶嗣位之二年惟是志稱居

龍井見聞錄卷四

二

民凌霄而楊傑院記鄧文原閣記俱係吳越考
十國春秋顯德元年建淨慧院開寶五年重創
寺獨無此院又顯德二年俶詔寺院非救額者
悉廢之疑院後所請始於乾祐而報
國看經則後來所請始於乾祐而報

居民凌霄

見咸瀆臨安志詳卷二

元

金應桂

詳卷三
夏文彥圖繪寶應桂之號蓀壁錢塘人在宋為縣

令歸附後隱風篁嶺書法歐陽率更畫學李龍眠

嘗作巖居上真出塵觀音刻石

周仁榮薛應旂浙江通志仁榮字本心臨海人治易

士俗為變泰而定初召拜國子博士遷翰林修撰其

所教弟子多為名士而泰不華實為進士第一

周仔肩薛應旂浙江通志仔肩字本道臨海人以春

名浙江通志仔肩元延祐五年與其兄仁榮俱以文學

達溥化蘇天爵賢榜進士婺州錄事

夏時正杭州府志元至大延祐間翰林待制周仁

榮本心弟進士仔肩本道門人右榜進士及第達

溥化兼善兄弟師友皆講學龍井山中

聞啟祥魏嶸錢塘縣志啟祥字子將博綜羣書武林

林必質義於啟祥品題甲乙命梨棗曰行卷制義

郡之有流芳借計吏入京師已至忽意不自得徑趣

車返後以薦被徵不赴性有好延納每斥舟車筋廚

自娛齋藜客若置驛然所著有

見譚元春詩詳卷二

孫治靈隱寺志聞子將孝廉絕志仕進築阿西山

其言語妙天下馮夢禎黃汝亨一流人也

朱彝尊明詩綜引劉孝則云子將靈心慧解迴絕

古今有不可一世之意早與名場非其好也

又靜志居詩話杭州先有讀書社倡自子將張天

生馮千秋餘杭三嚴乃八於復社而登樓繼之文

必六朝詩必三唐彬彬盛矣

李流芳檀園集題畫跋吾友聞子將嘗言湖上兩

浮圖雷峯如老衲寶傲如美人余極賞之

吳銘道明復社姓氏補錄杭州四十三人首聞啟

祥謹案吳應箕復社姓氏錄有聞啟禎子有

蓋啟祥昆弟浙江通志啟祥列文苑傳

人物以氏著者

吳泰咸淳臨安志泰吳封錢塘臨平侯褚氏遂為

晉錢塘郡姓歷六朝及唐代有顯人皆其後裔

龍井見聞錄卷四 四

褚陶晉書文苑傳陶字

宋含詳下褚

齊褚伯玉蕭子顯南齊書高逸傳伯玉字元璩吳郡錢

梁塘人高祖舍父邊往剡居瀑布山三十餘年

褚仲都

褚修姚思廉梁書孝行傳修吳郡錢塘人

謹案褚家坎褚莊詳見卷一據稱漢未聚族居

此因取咸淳臨安志古今人表錢塘褚氏去漢

未遠者自秦至修凡七人列之表又列褚珣以
下七人考歐陽修宋祁重居河南陽翟其係
氏為漢褚少係後裔書孫居河陽翟其係
徙居丹陽姚思廉傳陳書錢塘人以非士著
子亮不列咸臨亮傳志蒲橋人且志別褚故
褚故表又列咸臨亮傳志蒲橋人且志別褚故
是也居亦有不列至右科進士表又有褚南
量故防俱不列至右科進士表又有褚南
臣大防俱不列至右科進士表又有褚南
人然無可考塘

人物以文著者

宋

趙

扈克第為武安軍節度使推官曾亮薦為殿
中侍御史劾不避權倖以龍圖直學士知成
都神宗立召知諫院及謝帝曰卿匹馬入蜀以
荒之術復徙杭以太子少保致仕而官其子
龍井見聞錄卷四

龍井見聞錄卷四

五

舉兩所常平以便養賑奉梓編
遊諸名山吳人以為榮諡清獻

與元淨倡和詩見卷二

蘇軾趙抃神道碑公少孤且貧刻意力學中景祐

元年進士元豐二年加太子少保致仕時年七十

二子岬侍公遊杭始公自杭致仕杭人留公不得

行公曰六年當復來至是適六歲矣杭人德公逆

者如見父母

釋惟白續傳燈錄趙抃居士繫心宗教典青州多

晏坐忽大雷震驚即契悟作偈曰默坐公堂虛隱

凡心源不動湛若水一聲霹靂頂門開喚起從前

自家底

錢 魏 宋史附傳魏字穆甫遠子五歲日誦千言
縣授流內銓主簿以龍圖閣直學士兩知開封
導人誦操筆至七百餘就報日決蘇軾乘其據
遺之詩譽答詩筒近所報未見也

與元淨倡和詩見卷七

蘇

軾 宋史本傳軾字子瞻眉山人嘉祐二年
元祐三年拜龍圖閣學士知杭州請免本路上
米苴田為長堤以河通漕以蘇公堤完六井又
取苴田為長堤以河通漕以蘇公堤完六井又
與元淨交善詳見各卷

蘇

轍 宋史本傳轍字子由年十九與兄軾同登進
士科又同策制舉元祐六年拜尚書右丞進
門下侍郎崇甯中蔡京當國罷致
仕築室於許號穎濱遺老謚文定

龍井見聞錄卷四

六

楊

傑 宋史文苑傳傑字次公無為人舉進士元豐
除兩浙提點刑獄自號無為子
撰延恩衍慶院記及十三詩辯才真贊詳見各卷

上天竺山志宋齊玉法師四十八願後序孫莘老

云四方言禪者黃蘗慧林為最盛黃蘗之道次公

實傳之

謹案傑記以元豐八年伴高麗僧至院傑官太

常時也蘇軾集有送傑詩序謂以王事而從方

外之樂亦 指其事

秦觀 宋史文苑傳觀字少游一字太虛揚州高郵人登第調定海主簿蘇軾以賢良方正薦於朝紹聖初出通判杭州御史劉拯論其增損實錄貶監處州西稅又以請告寫佛書為罪削秩徙雷州徽宗立放還

撰遊龍井題名詳見各卷

米芾

宋史文苑傳芾字元章吳人以母侍宣仁后書畫學博士妙於翰墨得王獻之筆意山水人物自名一家好潔成癖所為譎異無為州治有石奇冠拜之

書秦觀遊龍井記釋守一方園菴記見卷六

程秘

宋史本傳秘字懷古徽州休甯人紹熙四年西提舉常平歷官主簿改知富春縣甯宗時遷浙端明殿學士致仕

龍井見開錄卷四

七

撰遊龍井記見卷八

謹案秘有勝相院記報恩光孝寺記孤山三賢志者又

鄭清之

宋史本傳清之字德源慶元之鄞人初名燮字文叔嘉泰進士陝州教授紹定元年遷翰林學士知制誥五年賜第於西湖之漁莊九年拜太師左丞相兼樞密使十一年進封齊國公致仕有安晚堂集六卷清使之與彌遠立理宗駁至幸輔人然清之力也

撰秦觀龍井題名跋見卷八

謹案跋稱紹定己丑蓋紹定之二年清之簽書樞密院時也

趙立夫

宋史宗室世系表魏王廷美子廣平郡王房下彥堪子咸清臨安志郡守表温州人

見鄭清之跋秦觀龍井題名詳卷八

謹案清之跋紹定己丑京尹趙公刻秦觀記據成淳臨安志紹定元年趙立夫以朝請大夫尚書右司郎中除太府少師兼知杭州三年易以袁韶則為立夫無疑

元

鄧文原

宋濂元史本傳文原字善之一字匪石綿州人父漳徙錢塘在宋時以流寓試浙西皇慶中為國子司業首建白更學校之政歷翰林侍講

撰藏經閣記見卷二

明

林右

鮑復秦台州府志右字公輔與方希在王原為友洪武初任王府教授為文章善馳騁

龍井見開錄卷四

八

且喜談古今豪傑事以自况許給事廷慎嘗贈之詩云握手步雲闕示我高世文渾融脫凡近要妙幾道真公輔笑曰吾豈文士耶廷慎曰吾非豪傑亦不願為文人也嘗代父軍役聲譽並著

撰龍井志敘見卷八

馮夢禎

字開之其先高郵人徙嘉興之秀水陸慶庚午舉於鄉萬曆丁丑會試第一選庶吉士

撰龍井寺復賜田記送果上人敘觀音殿勸緣述

見卷八

人物以祠著者

宋

胡

則氣以史木進士起家補許田縣尉永康人果敢有才
軍則夏用兵轉運使索不支命何部送芻糧為一懼
計則以拾遺郎入奏太宗因問以策對稱隆願
無以右州縣之入命記姓名書後日繼隆移
左賊久不使相語且曰徵子幾敗中書李繼隆願
文轉運使解州相語且曰徵子幾敗中書李繼隆願
老將歸欲以糧乏為辭入繼隆手報之已而師
為則所料初用至謂進士客田則厚遇之謂貴
顯故則驥進中至謂進士客田則厚遇之謂貴
使遷禮部郎中內是謂進士客田則厚遇之謂貴
坐是徙廣西路轉運使又按州重辟九乃定
辯信州人累遷大常少卿與州初九黨降
知殿中待御史以右諫議大夫知州初九黨降
北殿中待御史以右諫議大夫知州初九黨降
宗海發御史王以右諫議大夫知州初九黨降
郎集賢院學士按驗得實出則陳州月工部侍
命後池院學士按驗得實出則陳州月工部侍
位徙池院學士按驗得實出則陳州月工部侍

龍井見聞錄卷四

九

交結尚風義丁謂賈客隨散則問人至
海昌期為眾人講易得錢十萬緡既坐罪遂自
龍械昌期為眾人講易得錢十萬緡既坐罪遂自
咸瀆臨安志顯應廟在風篁嶺龍井衍慶寺側神
姓胡名則葵之永康人天聖丙寅明道癸酉嘗再
守杭有惠政在郡時獨無湖患以兵部侍郎致仕
葬錢塘龍井山中建炎間方寇猖獗聚永康方巖
山賊夜夢紫袍金帶神人現赤幟於空中隨就剿
滅朝廷褒嘉為建廟封顯應侯自後累加封其龍
井賜墳賜顯應墓神之赫宣著於方巖此不悉載

謹案夢梁錄在郡無江朝之患小
異又以顯應廟為顯慶廟字誤

武林舊事廟在墓前

浙江通志雍正九年李衛重修

吳之器葵書名臣傳累知州郡皆以惠理稱又嘗

奏減衢婺二州丁身錢鄉人懷其德立祠祀之其

在方巖者故其讀書地也疥蠻甚盛宣和中巨盜

方臘寇永康民避地於此賊顧絕澗緣大藤欲度

忽有赤蛇噴藤中斷賊皆墮死又有千人坑者兩

石並起百仞相去不盈尺絕頂有泉可汲賊緣間

道據之其魁夢神人策白馬飲泉次日泉遂涸大

懼遂降守臣以聞於朝賜祠額曰赫靈至本朝遂

龍井見聞錄卷四

十

遍於郡境不啻千百區焉

謹案西湖遊覽志稱寶元中命則長子楷通守
杭州以便宜養考則墓誌楷通判杭州又六年而

則終正當寶元二

趙抃蘇軾釋元淨趙抃蘇軾詳上

西湖遊覽志辯才與蘇子瞻趙閱道友善後人因

建三賢祠祀之

謹案咸清臨安志花
家山下稱為三賢堂

人物以墓著者

宋 胡 則 詳上志銘
見卷八

咸淳臨安志在西湖龍井廣福院之麓

陳剛中

咸淳臨安志在龍井山風篁嶺沙盆塢公福州福清人慷慨挺特有志事功建炎二年李易榜登第紹興戊午任太府寺丞應詔上封事主議恢復忤秦檜意同年編修官胡銓以鯁切得罪貶新州作啟賀其行有云屈膝請和知廟堂禦侮之無策張膽論事喜樞廷經遠之有人遂與張九成等七人同謫送吏部差知虔州安遠士論惜之有詩云同日七人俱去國何時萬里許還家公至縣適有嶺

龍井見聞錄卷四

十一

寇之擾究心招撫感瘴而沒其妻子扶柩至臨安得地葬焉其後湘中著紹興正論載公出處甚詳

朱文公周益公皆跋語

楊

王安石臨川集太常博士錢塘楊君夫人吳氏志銘楊君朝字翰之其子婚問銘

西湖志在龍井

吳天秩

夏時正杭州府志天秩字平甫杭州人杜門著書不嗜榮利以郊恩授大庾尉調浮梁有

文集十五卷

武林舊事在龍井

西湖志平甫集不傳其題名見於南屏石屋摩崖今尚存

元

方茂榮 詳卷九

西湖志在龍井方山

明

陳

唐如連餘姚縣志贊字惟成薦為儒學訓導贊纂修實錄兩浙事蹟皆贊採摭良史才任翰林待詔陞廣東參議遷太常少卿致仕老西

湖與騷人墨客為詩酒會稽陳惟成博學多才尤長於詩倡和詩致太常會稽陳惟成博學多才尤長於

湖百詠和之好事者爭相傳誦焉

夏時正杭州府志在風篁嶺龍井山子右通政嘉

猷耐

龍井見聞錄卷四

十二

陳善杭州府志贊本餘姚人愛錢塘山水之勝構別業於武林城北及卒特賜酒以榮之所著有自

怡容臺諸稿

吳

徐象梅兩浙名賢錄誠字尚忠錢塘人景泰辛未進士

西湖志張弼吳公志銘交趾弄兵公巡撫雲南奮

擊賊眾卒於官黔國公遣官歸櫬於鄉賜祭葬如

禮在龍井山之風篁嶺

謹案陳善杭州府志在五子嶺成化二十三年論葬志銘足正其訛

李

昂浙江通志昂字文舉仁和人景泰甲戌進士

十餘萬民列其治行三十四歲發廩以濟活民二都察院副都御史兩廣江右湖湘閩浙羣盜竊發

親入賊巢斬獲萬計改督漕運開河濬源
卒賜祭葬大司馬華容劉大夏表其墓

陳善杭州府志在風篁嶺下

汪 諧 浙江通志諧字伯諧仁和人天順庚辰進士
授編修以禮部右侍郎兼學士乞休贈尚書

陳善杭州府志在龍井宏治十三年諭葬于太常

卿舉附嘉靖六年諭葬

沈 銳 浙江通志銳字文進仁和人成化己丑進士
授刑部主事以南京刑部右侍郎乞歸值劉

瑾摘往事以誣士大夫之不
附已者遂落職嘉靖初乃復

魏嶠錢塘縣志在龍井

陳 珂 浙江通志珂字希白錢塘人宏治庚戌進士
授刑部主事歷都察院副都御史巡撫河南

剿平流賊徐郁等正德
十年為大理寺正卿

龍井見聞錄卷四

三

陳善杭州府志在龍井嘉靖十一年諭葬

謹案浙江通志
以珂為琦誤

許 嶽 武林怡老會詩集嶽字子峻仕為南京工部
主事歷員外郎中直隸常州廣西柳州梧州

知府以副
使致仕

西湖志在風篁嶺

沈 瑞 浙江通志瑞字夢錫萬歷丁丑進士授行
人司正奉命冊封魏遺悉絕由南京工部

中備兵川東時楊應龍煽動瑞臨練兵訓武終
應龍不敢叛以母老終養杜門斂迹精研濂洛關

關之書著易義十卷經解二
十卷學者稱曰約齋先生

魏嶠錢塘縣志在龍井劉安山

謹案地志無劉安山之名冠以龍井必與龍井
相近之山也疑以劉庵致誤武林舊事劉婉容

價所可証今風篁
嶺西有劉安山

錢夢龍

魏嶠錢塘縣志在風篁嶺邳州同知

費 鏞 浙江通志鏞字鳴遠處士
費鏞西村志鏞字鳴遠

西湖志在龍井

張伯元 浙江通志處士伯元七
月孤事母孝好學守禮

魏嶠錢塘縣志在老龍井

謹案浙江通志吳誠介節傳沈銳陳珂名臣傳
沈瑞臨儒林傳陳贊下註傳見文苑而傳無之

費鏞張伯元
並題曰處士

國朝

龍井見聞錄卷四

四

沈堯章 浙江通志堯章字佩葵仁和人瑞臨曾孫崇
禎丙子舉於鄉正身端拱嘗慕范希文著先

憂後樂論以見志趙世安仁和縣志順
治中選臨海縣教諭兄堯年亦善文

魏嶠錢塘縣志在錢塘龍井

謹案歷朝浙江題名錄崇禎九年中式八十三
名沈堯章錢塘縣附學生習易經浙江通志仁

非和人
是

關大生

魏嶠錢塘縣志在龍井風篁嶺鍵父贈知縣

王一奇

魏嶠錢塘縣志在雞籠山

夏德昌

魏嶺錢塘縣志在龍井金鐘山

謹案魏嶺錢塘縣志王

士起彪

一奇夏德昌並題處士
西湖志李之芳表忠錄集王虎子名起彪以

起討之秋成

魏嶺錢塘縣志在龍井風篁嶺學使王揆題曰異

烈孤忠

謹案謝旻江西通志王起彪錢塘人順治丁亥

進士戊子授德興縣值金逆變起彪隨營次半

載已丑江西平就任時餘葉鄰邑董三等賊擁

眾猝至起彪率民兵守之真不敵眾被執於天

君廟裔降不屈遂遇害雍正六年

詔

賜廟祀附識於此

鄉寓人物題後

龍井見聞錄卷四

五

地以人而傳假其名焉爾釋子以士夫而傳資

其力焉爾自吳晉迄今姓氏爵里事蹟詳具羣

籍洵夫山靈佛法與有光榮者也

龍井見聞錄卷四

龍井見聞錄卷五

臣汪孟錫恭纂

物產

泉品二

龍井水

見咸淳臨安志詳卷一

又煙霞嶺下水樂洞四望林巒聳秀巖石蟠峙有

洞虛窈渟涵如淵泉味清甘與龍井埒

老龍井水

見西湖遊覽志詳卷一

龍井見聞錄卷五

聶心湯錢塘縣志田子藝品泉以龍泓武林第一

田藝蘅煮泉小品武林諸泉惟龍泓入品而茶亦

惟龍泓山為最其上為老龍泓寒碧倍之其地產

茶為南北山絕品

謹案陸羽茶經論山水上江水次井水下又

云山水乳泉石池漫流者上瀑湧湍激勿食歐

陽修謂羽論水惡淨漫而喜泉源則龍井之水是已

風篁嶺竹

楊維禎等西湖竹枝詞別里沙詞風篁嶺

青節截得參下月色涼無數竹枝官道旁東家為愛青

差吹鳳凰

西湖遊覽志地多蒼篁篠蕩風韻淒清

花品二

風篁嶺梅

東坡集深梅詩問訊風篁嶺下梅

魏嶸錢塘縣志雜籠山在嶺下舊多梅花土人稱

梅花嶺

老龍井素蘭

魏嶸錢塘縣志老龍井產素蘭品絕一郡

龍井見聞錄卷五

謹案咸淳臨安志蕙蘭引蘇軾題揚

茶品二

老龍井茶

西湖志劉瑛詩謝龍井僧奇茶春茗初收

品類試吳山第一泉竹裏細烹清睡思風前小啜

悟談禪相酬擬作長歌贈淺薄何能繼玉川王寅

十岳山人集龍井試茶昔嘗顧渚茗鑿得金沙泉

舊遊懷莫置幽事復依然綠波上香堂集龍

前況於湖寺裏藉此可談禪于若瀛弗告堂飛龍

井茶歌幽壑石磴紆曲片雲冷挂杖尋源到上方

密枝半寫落澄潭靜銅餅試取烹新茶壽起龍團沸

穀井中頂無須憂鐵迹湖山豈懼人金沙漫道白

浮賦面二槍浪自附三篇一應輸錢五分見但

西湖遊覽志其地產茶為兩山絕品郡志稱寶雲

香林白雲諸茶乃在靈竺葛嶺之間未若龍井之清馥雋永也

浙江通志錢塘龍井富陽及餘杭徑山多產之

魏嶸錢塘縣志此地產茶歲不過數片在寶雲香

林白雲諸品之上

附 茶真贋優劣

谷應泰博物要覽浙江省杭州有龍井茶垂雲茶

天目茶徑山茶昌化茶凡六品

快雪堂集漫錄昨同徐茂吳至老龍井買茶小民

十數家各出茶茂吳以次點試皆以為贋曰真者

龍井見聞錄卷五

三

甘香而不冽稍冽便為諸山贋品得一二兩以為

真物試之果甘香若蘭而山人及寺僧反以茂吳

為非吾亦不能置辨偽物亂真如此子晉云本山

茶微帶黑不甚清翠點之色白如玉而作寒豆香

宋人呼為白雲茶稍綠便為天池物天池龍井為

茶中巨種

謹案唐宋尚建茶元和郡縣志樂安太平寰宇
記杭之士貢俱不及茶至咸臨安志而茶滋
詳矣據志云臨安歲貢茶錢塘寶雲產者名寶
雲茶下天竺香林洞產者名香林茶上天竺白
雲峯產者名白雲茶又寶嚴院垂雲亭亦產茶
白雲垂雲並見東坡詩又東坡遊諸佛寺舍一
飲茶七蓋戲書云且盡盧仝七椀茶蓋南北
兩山及七邑大抵皆產茶近日徑山寺僧採穀

雨前者以小缶貯而獨未聞龍井之名以
趙抃龍井詩敘老僧烹小龍團遊覽志自後
之未行茶可知龍井始見西湖遊覽志自後
品未遂多據志蓋老龍井側特未詳何年著
然讀虞集次鄧文原遊龍井詩有烹煎金芽
不取穀雨後之句度龍井茶元時已有之矣
寺內外編植茶樹要
以近老龍井者為佳

又柴老餉龍井茶一斤試茶安樂山香勝龍泉味
勝豈炒製不如法損其香耶

又石城山產茶品在天池龍井之上

廣羣芳譜引茶箋龍井茶不過數十畝外此有茶

皆不及天目為天池龍井之次

又西吳枝乘湖人於茗不數顧渚而數羅芥然顧

龍井見聞錄卷五

四

渚之佳者其風味已遠出龍井下芥稍清雋然葉

麤而作草氣丁長孺嘗以半角見餉且教余烹煎

之法迨試之殊類羊公鶴此余有解有未解也余

嘗品茗以武夷虎邱第一淡而遠也松羅龍井次

之香而豔也天池又次之常而不厭也餘子瑣瑣

勿置齒喙

石公集天目山記頭茶之香者遠勝龍井

浙江通志杭郡諸茶總不及龍井之產而雨前細

芽取其一旗一槍尤為珍品第所產不多宜其矜

貴也

文震亨長物志龍井天目山中早寒冬來多雪故
茶之萌芽較晚採焙得法亦可與天池並
魏嶺錢塘縣志茶出龍井者作豆花香名龍井茶
色青味甘又翁家山亦產茶最下者法華山石人
塢茶而龍井法相僧收以語人曰本山

果品一

龍井楊梅

咸淳臨安志舊載楊梅石塢今在煙霞嶺瑞峯寺

側東墓嶺十八澗亦盛阜亭山產者尤甜

又楊梅塢在南山近瑞峯石塢內有一老嫗姓金

龍井見聞錄卷五

五

其家楊梅甚盛俗稱楊梅塢所謂金婆楊梅是也

西湖遊覽志宋時有金嫗者所栽楊梅甚美因以

起名蘇子瞻答參寥惠楊梅詩新居未換一根椽

只有楊梅不值錢莫共金家鬪甘苦參寥不是老

婆禪蓋謂此也至今其地楊梅異於他產

施元之蘇詩註杭州圖經楊梅塢在山南近瑞峯

楊梅尤盛有紅白二種今杭人呼白者為聖僧梅

魏嶺錢塘縣志龍井法華山產者為天下冠

謹案杭產楊梅不一蘇軾詩自註杭州梵天寺
有月廊數百間寺中多白楊梅盧橘而陳善抗
州府志又有徐村楊梅兩山楊梅有早色晚色
燻色喫色數種北山多早南山多晚故近龍井

楊梅塢法華山俱以此著楊梅塢詳卷一咸淳
臨安志法華山在西湖遊覽志青芝塢又
北為法華山去靈隱山後可里許過北十里為
西谿吳本秦西谿梵隱志西湖北山一支其陽
為竺國靈鷲其陰為法華有晉法華僧靈蹟因
以名山亦近龍井故依魏嶺錢塘縣志存之又
案魏嶺錢塘縣志最盛有烏哺雞白哺雞之名附識
於此

藥品二

龍井貫眾

咸淳臨安志生龍井口

龍井益母草

咸淳臨安志生龍井山谷亦名草天麻

龍井見聞錄卷五

六

謹案浙江通志引此
文誤增最佳二字

鱗屬一

龍井魚

見武林舊事詳卷一

張京元西湖小記過風篁嶺是為龍井即蘇端明

米南宮與辯才往來處寺北向門內外修竹琅琅

井在殿左泉出石罅登小圓池下復為方池承之

池中各有巨魚而水無腥氣池淙淙下瀉繞寺門

而出小坐與偕亭翫一片雲石山僧汲水供茗泉

味色俱清僧容亦枯寂視諸山迥異

物產題後

龍井爲南山總名杭郡邑志物產凡近龍井者
率冠以龍井不必以嶺以寺限也矧乃泉甘茶
香品絕諸山者乎

龍井見聞錄卷五

龍井見聞錄卷五

七

碑刻書畫

碑之重刻者三

臣汪孟錫恭纂

宋

秦觀遊龍井記

秦觀遊龍井記 在寺內明董其昌為方伯時吳赤
湖之西浙江之北風簷於此上實深亂石中
水泉也每歲旱雨輒應故湖相傳以爲有龍居
之然泉者山之精氣所發也所附麗龜魚各有所
依憑而涵煙霏不迫紆餘以成文陰晴中各有奇
克態以爲不泉浙江介於吳越之間一畫一為所誘頭自

龍井見聞錄卷六

海常而者再乘疾擊而遠馳人毛髮盡立心掉而
摧故岸阻內無所誘以散其精外無豪
蟠幽而踞其氣故嶺之左右大率多泉井
其尤者以夫藪之深者發之遠其養也苟則其
之託也無窮矣疑於此元豐二年至是辨其
凡謝中講事人休於此山二聖院去龍井一
皆取道而井旁有師於焉後知龍井者徒以
屠法環而出觀者幾有即其處爲遊聖院去
自泉中躍出觀者幾有即其處爲遊聖院去
其名由法益大觀者幾有即其處爲遊聖院去
過之使壯龍訪此師於泉中躍出觀者幾有即
之使壯龍訪此師於泉中躍出觀者幾有即
陰陽之遷壯龍訪此師於泉中躍出觀者幾有即
有道士和以養其源能威之使矣屈於西地不
云此道之士又海集龍井有此碑乃米元章書今已

不復存但有方圓庵記余做米法以補之壬戌元
正晦秉燭記其昌錢塘門人金嘉會摹勒上石
董其昌畫禪室隨筆補龍井記書後云秦太虛龍
井記直稱蘇家勝友元章此碑絕得李括州三昧
惜多殘缺余爲補之然聞趙吳興曾欲補米書數
行一再易之皆不相似曰今人去古遠矣則余其
有續貂之愧也夫

家藏集宋米芾書龍井記石本跋云天水尹希
賓嘗蓄米老所書秦太虛龍井記石本字畫雄放
但其文多缺處其子寬因錄全文於前以便讀者
託吾友史明古求余題之尹君之意雖爲故物重

龍井見聞錄卷六

二

然亦重乎米書而又不無不重乎太虛之文也君
如重其文則太虛又嘗有龍井題名記及東坡跋
語更錄以附於後則不獨全龍井之文且并龍井
之事全矣余方與明古約同遊杭豫期日月而龍
井者杭之勝處也至則當案記文所載次第登覽
亦將爲數語以續古人歸其爲君再書以附之

又遊龍井記

謹案此碑不知何人重摹前則大碑也鄭
清之跋備述刻記始末二碑並失之見下

釋守一方圓庵記

不二作此文成過九日慧內文見卷二元豐癸亥四月
章又跋云辯才故與蘇子瞻伯仲泊趙閣道秦少

游為方外其人可知已太守請住名利晚年自
天竺歸老龍井之山結廬日方圓夫生人回斲方
趾所本來也其用萬端幻化而窮率歸於遠遑
不吾寂斯方圓者泥之則不善將為方手將為圓
乎善乎用方圓者泥之則不善將為方手將為圓
文手善乎用方圓者泥之則不善將為方手將為圓
龍君於此遇夏不稱奇絕龍井昔傳神物所託故祠
今年余以不雨禱於祠下問之遊人石已斷仆榜
噫天地之靈物未嘗終刻而祀焉南宮書法超邁入
行完而率復人賢之口而祀焉南宮書法超邁入
神幸見之可洗滌毒均口而祀焉南宮書法超邁入
刻意也書以紀之萬歷丁酉仲夏知仁和縣事晉
口陵跋

謹案仁和縣志萬曆二十一年知
縣胡澄武進人壬辰進士任四年

安世鳳墨林快事方圓石刻此米之最有助合作

龍井見聞錄卷六 三

者乃以庵之增修好事者適得米老舊搗以補亡
而恰遇一顛倒裝潢者錯其先後遂據之入石虎
林遊人如織莫有為之是政者余早得此本亦以
為裝家誤旋入杭摩挲石下依然誤也因另搗一
紙為之改裝則文從理順不致誚一公為僧父顧
主為糊目矣欲再一正其石而匆匆北歸當餘此
恨因識於此嗟乎余所手正之本或未必傳而此
段儻不泯泯則後來見者豈遂乏一慧心之彥為
了吾恨者余之汲汲老而為此者半欲為後人一
二眼耳用寄示此一寸於永永豈區區誇蠹魚之

架哉天啟乙丑九月三日

魏嶺錢塘縣志章撫功跋案今古石刻雖存而文
理舛錯略無倫次不知何人偽刻其真刻亦不知
何時易去余志學之年初學執筆購南宮法書愛
其奇變種種不一獨龍井記瀟灑俊逸有晉人風
度惜其前後倒置因為訂正臨摹數紙稍具形似
安得片石易其偽刻庶廬山面目不失舊觀冀有
識者鑒之乎

謹案孫克宏碑目有此碑不知斷石何往此記
見錄於上天竺山志其文正與胡令重刻石本
同文從理順惟石本有數缺字而已安世
鳳章撫功俱云顛倒外錯豈又一碑耶

龍井見聞錄卷六 四

原碑存者十一

明
謝輔龍井感應碑記在寺內錢塘山西行一舍許有勝
如奔如仆如趨如伏如龍翔如鳳舞扶輿磅礪而
江太監李公創佛宇於其中故名曰龍井前鎮守公
之佳城也然公物故已十有二年載矣欽差浙馬
太監少監公禮以公幹來茲兩浙欽差鎮守公
知監少監公禮以公幹來茲兩浙欽差鎮守公
時逾旬月雨丙午相率謁公之墓以輿龍井之
歎謂農之依田猶魚之依水木之依土昔蘇文忠
公謂十日不雨則民無食今不雨則民無食則
歲且歉矣其如吾民何爰相與禱龍井之神其
降甘雨以澤吾民則水從口而出久為泥滓所
東面鑿石為龍首引水從口而出久為泥滓所

潭公以手灌導水隨汨汨而流與兆物如龍狀
公於上二公欣然下各應也於湖間色
然雲興於寺東雨如注於野其色
之行旅悅蓋以二夫慶市農樂於禾感
動天無遠至誠以公惟鬼神豈偶然哉
政者則鎮守不居又曰指揮同岐王布
揮使則鎮守不居又曰指揮同岐王布
書使則鎮守不居又曰指揮同岐王布
忘名使則鎮守不居又曰指揮同岐王布
龍王廟後二人觀又斯固秦則方伯二公而
宜記廟後二人觀又斯固秦則方伯二公而
久云廟後二人觀又斯固秦則方伯二公而
通奉大夫順七其龍集昭陽協而修心
川謝輔夫漸江等處承宣布政使司
左布政使司左參政司
處承宣布政使司左參政司

龍井見聞錄卷六
龍井見聞錄卷六
龍井見聞錄卷六
龍井見聞錄卷六

王守仁風篁山龍井記
王守仁風篁山龍井記
王守仁風篁山龍井記
王守仁風篁山龍井記

黃克纘李承勳倡和詩
黃克纘李承勳倡和詩
黃克纘李承勳倡和詩
黃克纘李承勳倡和詩

古井泉石賦
古井泉石賦
古井泉石賦
古井泉石賦

坐客歸月破
朱卿如遊龍井詩
朱卿如遊龍井詩
朱卿如遊龍井詩

屠隆龍井茶歌
屠隆龍井茶歌
屠隆龍井茶歌
屠隆龍井茶歌

神運石題字
神運石題字
神運石題字
神運石題字

龍井見聞錄卷六
龍井見聞錄卷六
龍井見聞錄卷六
龍井見聞錄卷六

然以都此字六又口口運帶字
則神太辰又口淘口此行極
西其監霧石口得見二石法劣
湖事日霾側淘玉口面就後又
志乃南行上口石四見立一石
十於李者有池口造在十面側
字石口不景得五佛二五真有
之上書見泰乾兩殿口大書下
說增乃下二年金寫諸又又山玉
未文德榮歲一不淘小道泓
識字既祿在鑑豐可取錄牌辨德書
其如出大辛未五待此一三者遣五
詳上石夫未仲十東方人六行丁
云託柱秋未方有姓之口行一
五中于有姓之口行一

谷應泰遊龍井詩
花自落曲苑鹿為羣暗壁泉流注斜陽鳥背分
風前招白鶴雨後發微煙嘉會稱難茲遊未寂
風敲升沈陵谷路於此悟道遙古燕谷應泰積

龍井見聞錄卷六
盧高遊龍井詩
米氏頽收暨到寺內泉石生來原癖每逢公暇
人謹案浙通志高語諸公真國武昌盧高古

張縉彥五言古詩
曲徑飛蓋相追逐石竇迷煙繞片雲翻玉綺
幾何時悉以供樵牧三賢遺蹟音載懷高躅
指廢與興日與書何太速往蹟千載懷高躅
縉彥後學潘與月何太速往蹟千載懷高躅

又七律二首
我欲拜山侯公寺內題龍井寺
惟欲拜山侯公寺內題龍井寺
庵下有草飛不匡牀留月僧初定古栢龍樹已秋
遺碑猶帶紫茸香共尋二老當年路欲祀三賢何

遊處遺庵惟我
鶴堂下有欲
出片草拜
襄石帶初雲
陽停紫長飛
天雲茸丈不
中猶香室去
張足共相玲
縉記尋傳籠
彥戲二莽長
鴻老棘嵌初
當場短龍古
年短拂秋栢
路空留國樹
欲祀留寒庵
祀三賢何

張士偉禱雨記
前辛未進士順治十年任公河南布政使
行香余往龍井度禱雨至六月十五日
雷聲隱隱遙望北關一帶運石而雲生回
星樓見雨自甚喜而誌至府慶約下歷錦
抗城又兩附甚喜而誌至府慶約下歷錦
觀遊記此橫碑後秦而誌至府慶約下歷錦

釋元淨龍井十題詩并秦觀跋
跋詩見各卷
趙抃辯才法師真贊
謹案咸淳臨安志載在延恩行慶院下未言刻
石夏時正杭州府志註元豐元年資政殿學士
趙抃諫議大夫知杭州志註元豐元年資政殿學士

蘇軾題名
咸淳臨安志蘇軾錢勰江公著柳雍
咸淳臨安志蘇軾錢勰江公著柳雍
咸淳臨安志蘇軾錢勰江公著柳雍

秦觀題名
卷文見
陳善杭州府志舊在龍井寺
陳善杭州府志舊在龍井寺
陳善杭州府志舊在龍井寺

鄭清之跋秦觀題名
卷文見
陳善杭州府志舊在龍井寺
陳善杭州府志舊在龍井寺
陳善杭州府志舊在龍井寺

賈似道題名
咸淳臨安志蘇軾錢勰江公著柳雍
咸淳臨安志蘇軾錢勰江公著柳雍
咸淳臨安志蘇軾錢勰江公著柳雍

又咸淳臨安志
咸淳臨安志蘇軾錢勰江公著柳雍
咸淳臨安志蘇軾錢勰江公著柳雍
咸淳臨安志蘇軾錢勰江公著柳雍

西湖志此段題名今已不見

碑文見西湖志者二

葛采詩西湖志千年靈洞幾人看洞裏丹青畫未乾

采留題住山善慶摩刻

西湖志在龍井正書摩崖

乾道題名西湖志林景度韓無咎李無咎李秀叔司馬季思崔子霖韓子師乾道辛卯八月晦

自龍井來

西湖志在龍井正書字徑四寸摩崖

碑文見東坡集者一

蘇軾辯才法師真贊文見元淨外傳

龍井見聞錄卷六

九

碑文見快雪堂集者一

馮夢禎龍井寺復先朝賜田記文見卷八

謹案魏嶸錢塘縣志又有禱雨記以無撰人姓氏不錄

碑見文獻集文缺者一

趙子昂題名

見黃潛南山題名記詳卷八

碑見府志文缺者二

蘇轍辯才法師行業記

夏時正杭州府志在龍井寺元祐癸酉中大夫守

門下侍郎蘇轍撰

謹案樂城集無此記文

楊傑壽聖院訥齋記

夏時正杭州府志在龍井寺元祐元年三月朝奉

大夫主客□郎楊傑撰

謹案蘇轍撰訥齋記文見樂城集未言刻石傑作疑誤姑列於此陳善杭州府志亦有之

碑在縣志文缺者一

孫沔龍井普澤院仁法師行業贊

見魏嶸錢塘縣志

謹案普澤院詳卷十仁法師無考竊疑魏嶸錢塘縣志多謬誤仁法師或即天台以仁而孫沔則孫姓而其名偶誤題者他無可証闕之

龍井見聞錄卷六

十

書之可考者十一

南唐草書四紙

宋仁宗飛白四大字

並見程秘遊記詳卷八

謹案記不言何字

宣宗歲寒亭三字

養性二字

咸淳臨安志並在龍井山路太清宮

謹案咸淳臨安志太清宮道院也在錢塘縣履泰鄉龍井山路又有矩玉亭武林舊事歲寒亭寒軒

蘇軾書壽聖院額

武林舊事延恩衍慶院後改壽聖院東坡書額猶存

跋舊與辯才書跋與書並見元淨外傳

楚達二上人書經跋文見卷八

靜坐帖文見卷八

西湖古蹟事實在寺中

釋元淨心師銘文見卷八

謹案銘末有書與懷益語寺當有真蹟也

周必大等題字

龍井見聞錄卷六

十一

周必大二老堂雜志乙亥二月與張德莊周孟覺

同遊題字

郭祥正題名

見郭祥正青山集有和公擇題名詩詳卷七

畫之可考者五

蘇軾竹石畫壁

武林舊事在延恩衍慶寺

范仲淹蘇軾蘇轍釋道潛元淨遺像

見程必遊記詳卷八

五賢二開士像

見張雨句曲外史集詩題詳卷七

謹案題云遊龍井方圓庵閱宋五賢二開士像胡則趙抃蘇軾轍素觀五賢也道潛元淨二開

也

水墨羅漢八軸

見程必遊記詳卷八

廉布枯木畫壁

武林舊事在龍井寺

圖繪寶鑑廉布字宣仲山陽人自號射澤老農畫

山水尤工枯木叢竹奇石松栢本學東坡青出於

藍官至武學博士以張邦昌婿負才不得用

龍井見聞錄卷六

十二

鄧椿畫繼後居紹興有畫軸傳於世

謹案武林舊事但云廉布枯木而西湖志云枯木竹石且但云蘇軾廉宣仲留題而西湖志云畫壁俱未詳又湯壘畫鑑

布自號射澤老人亦互異

碑刻書畫題後

石壽世最長風霜剝落為砒為礎則不得不有

賴乎裒集著錄非石壽不敵梨棗之壽聚於一

而流播者廣也一龍井而所得如是意荒崖斷

澗之旁埋泐者多矣若夫雲煙過眼放失尤易

是宜附之

龍井見聞錄卷六

龍井見聞錄卷七

臣汪孟錫恭撰

古今體詩

名僧詩

宋

釋元淨

詳卷三詩見咸清臨安志

龍井新亭初成詩呈府帥蘇翰林

政暇去旌旆策杖訪林邱人惟尙求舊況悲蒲柳秋
雲谷一臨照聲光千載留軒眉獅子峯洗眼蒼龍湫
路穿亂石腳亭蔽重岡頭湖山一目盡萬象掌中浮

龍井見聞錄卷七

一

賁茗款道論奠爵致龍優過谿雖犯戒茲意亦風流

自惟日老病當期安養遊願公歸廟堂用慰天下憂

和蘇子由

春去春來冬復冬幾思虛論未緣逢歛谿道賞兄遺
蹟勿少龍泓一老龍

次韻參寥四照閣夜坐懷秦少游學士七律

巖棲木食已蹉然交舊何人慰眼前素與畫公心印
合每思秦子意珠圓當時步月來幽谷拄杖穿雲冒
夕煙臺閣山林本無異故應文字未離禪

和佛印

久仰真風揚四海今朝邂逅欲生蓮法燈晃耀皆蒙
照佛印靈光孰可傳諸子叢林禪裏老十層塵刹上
中天爍迦羅眼同三際豁破羣疑量擴然

釋道潛

詳元淨外傳有參寥子集

夏日龍井書事呈辯才法師兼寄吳興蘇太守

并秦少游四首少游時在越

翠樾高蘿結晝陰驕陽無地迫吾身石崖細聽紅泉
落林果初嘗碧柰新揮塵已欣從惠遠談經終恨少
遺民何時暫著登山屐來岸鳥紗漉酒巾

龍井見聞錄卷七

二

樹山月時時自近人禮樂汝其攻我短形骸吾已付

天真露華漸冷飛蚊息窗裏吟燈亦可親

自憐多病畏炎曦長夏投蹤此最宜青石白沙含淺

瀨碧梧翠竹聒涼颺雲中雞犬聽難辨谷口漁樵問

不知斑杖芒屨隨步遠歸來幽火認茅茨

場來人外慰棲遲郭遠山長萬事遺好鳥未嘗吟俗

韻白雲還解弄清姿藤花冉冉青當戶竹色娟娟碧

過籬不羨故人探禹穴短檣孤榜逐漣漪

龍井辯才法師新亭初成有詩呈府帥蘇翰林

俾余繼和輒次原韻

遠公吾家傑道妙非壺邱德傾龍象侶貌蓋江湖秋
平生經綸學不爲名相留滔滔若懸瀑下注萬丈湫
昔年謝講事眾挽不轉頭劔心老巖穴百念本不浮
東南多望士惟見此老優翰林天下公方外實輩流
旌旗虎谿路竟日泉石遊厥生病未已師竟可忘憂

寄龍井辯才法師

法師安遠徒我見常罄折顏綱製象運基構甚宏達
煌煌四十載說法傾吳越人天會方丈萬趾常雜遝
藹然如邱山四座羞蟻蛭投老倦揮塵毅然辭且決
飢鷹得秋風轉盼俄一掣結茅南山陲雲蘿占幽絕

龍井見聞錄卷七

三

昔我海上還相尋訪林樾夜闌叩微要猿鳥寂不聒
慧風灑幽襟法雨濯枯枿別來經四載寒暑驚屢閱
相望如晨星杳杳各天末何當從杖藜一笑龍泓月

四照閣奉陪辯才師夜坐懷少游學士

猿鳥投林已寂然芭蕉過雨小樓前雲依絕壁中間
破月自遙峯缺處圓照坐不須紅蠟炬可人惟有蕙
爐煙校讐御府圖書客疇昔還同此夜禪

辯才生日

像未真風恐不傳故生豪傑爲人天慈航橫截三千
界法雨均霑四十年獨鶴精神秋始健長松根節老

彌堅莫將有物觀無象唾霧冰輪處處圓

次韻文饒同自龍井出資國寺汎舟以歸北山
踞虎奔犀列萬形奇觀直已逼南屏縈雲細路杳無
盡落石飛泉靜有聲十里平湖初卷葑一天秋色共
揚舲停橈共過孤山寺寂寂林僧半掩扇

釋了元

詳元淨外傳詩
見咸清臨安志

七律

願海談訶五十年舌根功德綻紅蓮身歸龍井庵中
老法是天台意外傳珠網支羅眞淨土香雲翻覆似
諸天因思永遠東林社未復相逢豈惘然

龍井見聞錄卷七

四

元

釋圓至

字天隱別號牧潛高安
姚氏子有筠谿牧潛集

寄思以仁

風柳青青條葉新別愁江畔又逢春交情似我如君
少一度相逢勝故人

釋善住

字無住別號雲屋
吳郡僧有谷響集

遊龍井

江郊雨初霽野興入孤筇白道行時盡青山到處逢
冷泉鳴遠澗旭日照高松陰井空猶在如何不見龍
名賢詩

宋

蘇軾詳卷四有東坡集

辯才法師退居龍井不復出入余往見之嘗出

至風篁嶺左右驚曰遠公復過虎谿矣辯才

笑曰杜子美不云乎與子成二老來往亦風

流因作亭嶺上名曰過谿亦曰二老謹次辯

才韻

日月轉雙轂古今同一邱惟此鶴骨老凜然不知秋
去住兩無礙天人爭挽留去如龍出山雷雨卷潭湫
來如珠還浦魚鼈爭昂頭此生暫寄寓常恐名實浮

龍井見聞錄卷七 五

我比陶令愧師為遠公優送我還過谿谿水當逆流
聊使此山人永記二老遊大千在掌握寧有離別憂

贈上竺辯才師

南北一山門上下兩天竺中有老法師瘦長如鶴鶴
不知修何行碧眼照山谷見之自清涼洗盡煩惱毒
坐令一都會男女禮白足我有長頭兒角頰時犀玉
四歲不知行抱負煩背腹師來為摩頂起走趁奔鹿
乃知戒律中妙用謝羈束何必言法華伴狂噉魚肉

謹案施元之註此詩載密州卷中查慎行補註
稱蘇軾伴杭元淨正住天竺贈詩必於此時是
也

偶於龍井辯才處得歛硯奇作小詩

羅細無文角浪平半九犀壁浦雲泓午窗睡起人初
靜時聽西風拉瑟聲

蘇轍詳卷四有樂城集

寄龍井辯才法師三絕有敘

轍自績谿蒙恩召還將自宣城沿大江以歸家兄子
瞻以書告曰不知道歛谿過錢塘一觀老兄遺蹟轍
用其言既至吳中迫於水涸不能久留十月八日遊
上天竺子瞻昔與辯才師相好今隔南山不得見乃
作三小詩以寄之

龍井見聞錄卷七 六

我兄教我過東吳遺墨山間無處無忽報冬潮催出
堰俗緣深重道心羸

山色青冥葉未紅湖光凝碧曉無風行窮上下兩天

竺望斷南山龍井龍

井水中藏東海魚側盆翻雨洗凡夫隔山欲共公相
見莫道從來一滴無

錢勰詳卷四詩見咸淳臨安志

和辯才

幻泡昧空色眞夢迷黃邱宦學類狂走爾來四十秋
齒髮非他時歲月不我留古剎插亂石螿龍蟠霞湫

天人大導師駐錫今白頭安住善護念晚節非沈浮
昔嘗謂出處未用相劣優權貴分二乘股肱均九流
今知擾擾者詎得逍遙遊從茲許禮足尙可治幽憂

龍泓亭贈辯才

辯才天人師一意演說法猶如一雨傾藥草皆萌達
瓊盎及湖海各現天一月以是度眾生報身隨數滅
舊龕留香燈想像瞻華髮應供無時窮龍淵莫之竭

米芾詳卷四詩見咸道臨安志

五絕

竹徑隨泉上山雲觸石生寶樓彈指處的的是分明

龍井見聞錄卷七

七

秦觀詳卷四詩見四

辯才法師嘗以詩見寄繼聞示寂追次其韻

遙聞隻履去翛然詩翰纔收數月前滄海盡頭人滅
度亂山深處塔孤圓憶登夜閣天連雁同看秋崖月
破煙尙有眾生未成佛肯超欲界入諸禪

郭祥正字功父太平當塗人舉進士至殿中丞後隱於縣之青山有青山集

和公擇遊壽聖院啜茶題名

使君尙清淨攜客無杯肴茗酌披佛經塵緣頓沈拋
疎雲墮簷際微風汎林梢吾心已皎皎吾學豈澆澆
濡毫題名姓識此逍遙交

葉紹翁龍泉人南宋時著四朝聞見錄靖逸小集

秋日遊龍井詩

引道煩雙鶴攜囊倩一童竹光杯影裏人語水聲中
不雨雲常濕無霜葉自紅我來何所事端爲聽松風

訪龍井山中村叟

雨打荒籬豆莢垂柴門未啟立多時客來自掘蹲鴟
煑旋拾枯松三四枝

周文璞字晉仙有方泉集

憶辯才

讀了碑文讀祭詩冷看遺像立多時郎當嶺上生雲

龍井見聞錄卷七

八

處山鳥山花憶老師

坡使參寥滴奠茶定將老淚濕雲霞誰知走入靈山
隊又對閒人說法華

鄭清之詳卷四

到龍井寺

竹門斜倚酒家帘石路高低記水簾炙背老翁驚偃
僕乘肩癡女笑窺規數羝人立攀籬落一蝶兒嬉掠
繖簷款約朋從歸去路馬頭應有月纖纖
山圍古寺綠周遭一閣軒騰面勢高爐篆得薌抽露
髓石泉借茗作雲濤風流二老歸靈鷲筆墨千年續

楚騷拙語留題腎珠璧暗中摸索媿劉曹

底忙不肯訪禪林山寺何曾避客深奇石韻高非令

色老松皮脫見真心簷牙徇鐸闢幽事谿曲無弦出

妙音拂拭少游碑好在姓名曾記落碑陰

十里輕軒憇佛廬夢身差記蝶蘊蘊伊蒲巧作魚蝦

樣矮筍新鑿繭粟殊暫到欲陪僧處靜等閒生怕俗

塵污計然老去翻多事空挽西施向五湖

謹案秦觀遊記原碑今不可見據此

樓 第三首落句知鄭人隆興元年試南宮

項遊龍井得一聯王伯齊同兒輩遊因足成之

龍井見聞錄卷七 九

路入風篁上翠微老龍蟠井四山圍水真綠淨不可

唾魚若空行無所依勝處雖多終莫及舊遊雖在事

皆非祇今匏繫何由到徒羨聯鑣帶月歸

周 彌 字百別文僕子有汝陽端平詩馬

龍井道中雜記

白髮宮人頻笑謔羅衣昔對君王著夜驚春雨洗桃

花夢魂猶掛秋千索

老僧病久聲嘶喝屢說紫衣勝短褐莫如兩手漸拘

攀曾把御前供奉鉢

謝 翺 字阜羽福之長谿人至元甲午來家西湖有鬚髮集

蘇子也 集七

61

中秋龍井翫月

逢秋月再圓不與復休眠腦滿魚龍夜精藏樹石年

嗅衣腥在水窺戶影疑禪長嘯望參伐行來精舍邊

葛天民 字無懷初為僧後返初服居西湖有無懷小集

龍井

龍護深潭草木昏斷碑元祐典型存蜀仙已去吳僧

少嶺上松篁亦斷魂

董嗣杲 字德明又字靜傳杭州人居西湖著道士服嘗以內醮至燕都有西湖百詠

龍井

橫陳翠葆列煙屏聯步蒼林想典型二老相分龍井

龍井見聞錄卷七 十

嶺一時如過虎谿亭風吹貼石叢篁碧雨剝題名暈

薛青更有澗流朝暮落此聲不厭客來聽

元

虞 集 字伯生號邵庵蜀郡人以薦仕至祭酒奎章閣侍書學士諡文靖有道園學古錄

寄澄湛堂法師

月宮桂子落巖阿想在人間閱貝多禮足地神衣拂

石獻珠天女襪凌波香因結願留龍受水為烹茶喚

虎馱寄到竹西無孔笛吹成動地太平歌

柳 貫 字道傳浦江人以察舉仕至翰林待制兼國史院編修有待制集

送南竺澄講主校經後卻還杭州

鹿苑開鴻妙龍宮闕象立間關來幾譯披發露雙詮
梵學傳皆正華文潤乃全義深含竊眇道廣極淵泉
論自諸師造言因半偈宣何曾離性相間亦示機權
述鈔心同悟分科緒各牽函盛方秩秩棗刺益絲絲
剗剛宣無舛研磨或更偏遂令迷亥豕不復辨夔蛇
佛耀昌齡啟皇明正晝懸五城銀色界三殿寶花筵
重見崇經日如逢出震年詔徵皆宿德御講盡眞筌
此士孤山隱前身華頂眠野雲生靜慧江月湛空圓
天上青猊座人間白馬羈微君能引重與世孰昭先
晦魄風簾獨頑陰雪屋羶聲將爲律呂眼豈混珠鉛

龍井見聞錄卷七

十一

疑句多多證蕪詞一一鐫法珠終照乘宗鏡已當銓
煥爛金泥字牽聯玉簡編指河符聖壽穿石畢僧緣
竣事纔敷奏疏榮亟勞還萬回袍錦麗大覺鉢盂鮮
尚食來珍供司農輟禁錢龐恩流濺濺鷓影去翩翩
昨夢宣非蝶遲歸誤信鴟望京猶綠樹入寺始紅蓮
雨外排千耦煙中聽兩舫履盈南竺戶權集北湖船
巖觀應增聳川容若載調應求隨燥濕鑽仰喻高堅
夏懺朝朝禮秋燈夜夜然固知融至理直可寄單傳
客袂難爲別朝簪未放捐愛閒思結社食力待治田
苦笑昌黎慙深懷惠遠賢獻花憑一詠安有筆如椽

王

惲字仲謙衛州汲縣人以宣撫辟仕至翰林院學士謚文定有秋澗集

題西湖圖

東南形勢繞餘杭誰辨山谿作國防踏雪欲尋龍井
去表忠祠下謁錢王

張

雨字伯雨一字天雨別號貞居子錢塘人年二十棄家爲道士有句曲外史集

遊龍井方圓庵閱宋五賢二開士像詩

獨尋招提遊果得世外歡昔賢所棲集畫像藏屋端
山僧啟鎖魚不待啜茗乾修廣各異製精采俱生完
堂堂蘇長公英氣邈難干筇杖紫道服天風吹袖寬
清獻薄鬚眉示我鐵肺肝尙餘所施物片石橋而寒

龍井見聞錄卷七

十二

侍郎胡金華高括侍中冠眉間可容掌手版出中單
頽瀆與淮海秋色亞層巒參寥獨緇衣領髭茁茅菅
最後辯才師文茵高座安空山一室內舉目皆龍鸞
再拜傾挈壺喜極重悲酸去之三百載歸路何漫漫
斯人爲列星下視蟲沙繁宣不念學子道術救凋殘
抵舍亟摹貌微哉難控搏夢中儻未遇展詩時一觀

成廷珪

字原常一字元章又字禮執蕪城人有居竹軒集

遊龍井過天竺登二老亭

二老題詩處風流不再逢客歸紅葉雨僧住白蓮峯
誰謂山無鳳人傳井有龍白頭江海上今夕寄行蹤

張

字仲舉晉人隱逸薦仕至河南行省平章政事翰林學士承旨有蛻庵集

南山蓮社偕韓友直伯清昆季遊龍井寺

長憶東林遠法師三生張野有前期經書貝葉繙重

譯漏刻蓮花禮六時長老布金多滿地高僧卓錫自

成池不妨隨喜諸天上扶得風篁玉一枝

陪劉侍中遊風篁嶺

山行貴徜徉緩轡不可驅天竺已幽阻風篁更盤紆

前瞻乳竇峯錯立石筍株洩雲相虧蔽蒼翠變態殊

層梯俯山巔中豁見西湖晴旻散遠雁秋色連平蕪

陰厓湛坳泓直下龍所都森突人上慄雷水止斯須

龍井見聞錄卷七

三

泉流繁活活魚出閒于于飛霜未著樹綠陰尙紛敷

茲晨正佳節況得暄暖扶雙亭俯澗谷列座陳酒壺

松風吹桂花香韻世所無奉常老博士幾載賜茱萸

歸來北山南同此寂寞娛我友二三子文采珊瑚珠

權然隨所適形迹安能拘窮探望前期欲罷重踟躕

浮嵐收不上屐底青模糊炊煙忽生暝落日棲啼鳥

終當借上方雲臥蘿月孤勿盡茲遊興與君爲後圖

馬

字志道別號虛中著道土服隱於西湖有霞外詩集

陪葛元白仇仁近訪南竺詩僧分韻得影字

花開空山春窮幽到絕頂入寺逢遠公頓覺塵慮屏

遂作蓮社遊把酒酌龍井萬生各有態得意還自領
此樂殊未極落日倒林影明朝下山去笑別風篁嶺
明

唐之洵

字愚士山陰人建文初薦爲翰林侍讀有萍居集

感龍井懷講師以仁

近作長干別旋聞隻履歸影留身後相齋施日前衣

龍井空秋水風篁自夕暉辯才祠下路青草沒泉扉

方九敘

字禹績錢塘人承天知府有十洲集

衍慶院試茶

南山新雨後隨興入泉林春茗奉初秀寒泉汲靜深

龍井見聞錄卷七

四

悠然憩孤石端以滌煩襟何事文園令經年渴病侵

孫一元

字太初秦人居南山淨慈最久有太白山人集

飲龍井

眼底閒雲亂不開偶隨麋鹿入林來平生於物元無

取消受山中水一杯

馮夢禎

詳卷四有快雪堂集

乙未仲月廿五日曉汎任其所之因山行歷龍

井諸處還步桃隄沿孤山湖是日物色加濃

遊情曼衍不覺盡日

清旦踐夙期汎舟益新侶和風薰肌骨初旭媚空水

水窮山色親徑仄樹容美龍泓書常陰竹閣晴亦雨
返策循廣隄沿流越孤嶼落日纈通川紅芳爍羅綺
青帝未迴鑣春物宜淹暑濃淡準疇昔羽觴奮靡止

夏錫祚

字元龍長洲人有雪鴻堂詩草

度風篁嶺至龍井

不知何年代人家猶太古叢篁高百尺深密掩村塢
寂寥絕人聲濃綠滴環堵徑轉下坡陀丁丁響樵斧
道旁萬松樹落落清可數叩門墮山翠竹裏開僧戶
呼童汲新泉泉自石穴吐烹以淪茗芽炒焙初出釜
客言香色絕僧意不自詡乍與佳勝辭迴顧失維宇

龍井見聞錄卷七

五

樹密天常陰泉吼聲帶雨忽聞遠村雞有路出漁浦

賀燦然

字伯開秀水人有五欲軒集

遊衍慶寺

石磴迴盤盡日過仙林寶刹迴嵯峨緣階井溜通泉
乳繞殿花香挂薜蘿野鶴下時秋色淨山僧臥處白
雲多南屏選勝無如此坐對烟霞一笑歌

屠隆

字綽號長卿鄞縣人仕至禮部郎中有綽真詩集

遊龍井寺

藕花菱葉傍輕鷗路入南山景更幽赤日未消團扇
暑青蘿先到寺門秋風前萬樹蟬鳴急雨後千崖水

亂流好事祇今劉尹在身慙元度得同遊

傅巖

字野情義烏人崇禎甲戌進士除歙縣知縣擢江西道御史有花巢詩

龍井寺

岩巖精舍據神湫碧鮮猶封古玉溝委路輕颺叢竹
曉孤雲片石嶺松秋寒渟絕壑通靈怪香潑新芽解
拍浮結構依巖高下在至今想像過谿遊

姚綬

字公綬嘉善人天順甲申進士有穀庵集

龍井

龍井泉頭與客過計程遠度石嵯峨菜畦麥隴連山
麓僧寺人家各澗阿泱泱暗流霜葉亂斑斑飛雉夕

龍井見聞錄卷七

六

陽多品嘗顧渚風斯下零落茶經柰爾何

王穉登

字百穀一字伯固長洲人國子監生有客越志

龍井

深谷盤迴入靈泉威沸流隔林先作雨到寺不勝秋
古殿龍王在空林鹿女遊一樽斜日下獨爲散人留

國朝

朱彝尊

字錫鬯號竹垞秀水人以博學宏詞官檢討有曝書亭集

南山雜詠

斷崖橫一嶺穉竹何娟娟時有山禽拂新粉墮我前
欲尋巖下寺揮我風中絃

一亭四無鄰棟壞柱已折山僧慣迎賓不忍過谿別
偶語莎草間夕曛信明滅過谿亭

一泓渟山坳過者不敢唾雖然龍窟宅亦許鬪茶坐
起摹襄陽碑惜為僧所沈龍井

峯頭石縹緲豈異一片雲有時風雨過獨立雲中君
安得五丁手移置長水濱片雲石

竭來給孤園玩此薩埵石石上生莓苔千年暈濃碧
不見飢虎人且鋪苜蓿席薩埵石

嚴繩孫字縈友無錫人以博學宏詞官檢討詩見西湖志

龍井見聞錄卷七

七

龍井新茶貯滿壺赤闌干外是西湖年時還有當壚

女青旆紅燈唱鷓鴣

汪光被字幼閣休寧人詩見西湖志

竹枝詞

山為城郭水為家風景清和蝶戀花昨暮老僧龍井
出竹籃分得雨前茶

查慎行字梅餘號初白海鹽人康熙癸未進士翰林院編修有敬業堂集

與靈上人餉龍井雨前茶二首

風篁十里郎當嶺官焙爭收粟粒芽慚愧老僧親手
摘青紗蠟紙餉山家

今年穀雨雨廉纖茶味全勝筍蕨甜正是不嫌山少
肉肉山無此好毛尖

魏 嶮南樂人康熙中任錢塘縣知縣詩見所撰縣志

冲泉

著屐尋龍井懸崖石磴長古苔侵竹色新雨沐山光
滴瀝廬山雪分攜顧渚香泉聲初濺碧坐酌已生涼

厲 鶚字太鴻錢塘人康熙庚子舉人有樊榭山房詩集

遊龍井

惠遠住虎谿辯才住龍井坡老獨見訪送過風篁嶺
亦如虎谿邊三笑趣自永遂令龍井名遠與虎谿併

龍井見聞錄卷七

六

惜哉過谿亭迹滅蒼煙冷而我果斯遊多年願力猛

穿村拂女桑度磴落山杏何時毗嵐風吹墮石雲影

已仆石 安得巨靈手重扶使之整寺門萬竹中蕭蕭

翳光景幽雲擁殿角諸佛同一靜僧撲狀野鹿問事

不復省導我窺井闌淺可弗用綆傳聞金鯉鱸或見

游藻苻豈其青泥蟠時出應祈請前年秋大雨水立

勢欲騁神物終斂形取足供瓢瘦是日僧所摩挲秦

郎碑陳義臻輿境泉德類有道片語默已領酌泉為

徘徊殘陽閃鴉頸羨彼樵牧流終日事幽屏

聖幾餉龍井新茗一器

松風出竹爐夢成水火戰新芽適開封昏睡不待遣
爲子手淪嘗三嗅復三嚙中有參寥禪風味得正見

吳巖茂

詩見魏嶽
錢塘縣志

龍井

甫出蠶叢另一天羣峯秀擁畫圖圓閒閒古樹餘秋
態冉冉孤村正午煙巧石玲瓏雲作譜修篁排宕嶺
如絃辯才故蹟堪尋訪頓使塵心欲化禪

古今體詩後

唐人杭州題詠不少而莫富於白居易顧無一
南山詩何與潛說友稱二蘇趙秦與辯才交名

龍井見聞錄卷七

九

章大篇照映泉石是宜斷自諸賢始今首元淨
而次二蘇者以錄爲寺作趙抃詩附註卷二故
也

龍井見聞錄卷七

龍井見聞錄卷八

臣汪孟錫恭纂

文

名僧文

宋

釋元淨詳卷三文見
咸淳臨安志

心師銘

咄哉此身爾生何為資之以食覆之以衣處之以室
病之以醫百事將養一時不虧殊不知恩反生怨違
四大互惱五藏相欺此身無常一息別離此身不淨

龍井見聞錄卷八

一

九孔常垂百千癩疽一片薄皮此身可惡無貪惜之
當使此身依法脩持三種淨慈十六思維一行不退
安養西歸成無上智是為心師元祐六年中秋寂室
書與懷益

釋居簡

詳卷三

龍井法堂榜

二士共談必說妙法際元豐元祐昌明之時三人同
行必有我師駕難弟難兄賢良之選蜀仙去後吳僧
寂寞華表歸來塵世淒涼要見一堂冷淡千古分明
還他百世楷模六種成就法空為座可無高廣之牀

道直如弦亦有恢宏之地青眼皆逢北阮未稱全提
一瓣竟為南豐休尋別調

名賢文

宋

蘇軾詳卷四
卷七

跋楚達二上人書經

懷楚比德示我若達所書二經經為幾品品為幾偈
偈為幾句句為幾字字為幾畫其數無量而此字畫
平等若一無有高下輕重大小云何能一以忘我故
若不忘我一畫之中即見二相而況多畫如海上沙

龍井見聞錄卷八

二

是誰磋磨自然平勻無有麤細如空中雨是誰磨灑
自然蕭散無有疎密咨爾楚達若能一念了是法門
於利那頃轉八十藏無有忘失一句一偈東坡居士
說法已復還其經元祐七年四月二十五日

靜坐帖

無事靜坐便覺一日似兩日若能處置此生常似今
日得生七十便是百四十歲人世間何樂能有此效
既無反惡又省藥錢此方人人收得但苦無好湯使
多嚙不下

蘇

轍詳卷四
卷七

辯才法師塔碑

浙江之西有大法師號辯才以佛法化人心具定慧學具禪律人無賢不肖見之者知尊其道奉其教居上天竺說法齋眾者二十年退居龍井燕居行道者十年元祐六年歲在辛未九月乙卯晦無疾而滅吳越之人失其所歸依奔走號慕如佛滅度乃使其弟子懷楚赴於淮南請於揚州太守蘇公子瞻以志其塔公曰吾固知師矣余弟子由雖未嘗識師然其知師不在我後我爲汝請轍以公命不敢辭師姓徐氏名元淨字無象杭之於潛人家世喜爲善師之生也

龍井見聞錄卷八

三

客有過其鄉者指其居以語人曰是有佳氣鬱鬱上騰當生奇男子師生而左肩肉起如袈裟絲八十一日乃滅其伯祖父歎曰是宿世沙門也慎無奪其願長使事佛八十一者殆其算也及師之終實八十有一師生十年從其邑僧法雨出家口不茹葷血每見講堂坐輒歎曰吾願登此說法度人年十六落髮受具足戒十八就學於天竺慈雲師雲門人方盛厭眾欲卻之雲曰疇昔吾夢甚異此子殆法器也勿卻師日夜勤力學與行進不數年而齒其高第雲沒復事明智韶師韶嘗講摩訶止觀至方便五緣曰淨名所

謂以一食於一切供養諸佛及諸賢聖然後可以食此一方便也師聞之悟曰今乃知色聲香味皆具第一義諦因涕下如雨由此遇物中無疑矣嘗夢與其同門友元素入一寺曰妙樂有僧出師問之曰此非荆谿尊者製法華文句記處耶曰然師訪以尊者遺像相與至東閣見一梵僧趺坐不動容貌甚偉謂師曰我汝過去師也當爲我作禮師拜已而覺忽若有得年二十五恩賜紫衣及辯才號蓋代韶爲眾講說者凡十五年知杭州呂公溱始請師住大悲寶閣院師嚴設紀律犯者秋毫皆斥去其徒畏敬之居十年

龍井見聞錄卷八

四

沈公邁治杭以爲上天竺本觀音大士道場以聲音懺悔爲佛事非禪那居也乃請師以教易禪師至吳越人爭以檀施歸之遂鑿山增室幾至萬礎重樓傑觀冠於浙西學者數倍其故有禱於大士者亦鮮弗答詔名其院曰靈感觀音熙宣初龍圖祖公無擇在杭言者或不說其政遽起制獄師以鑄鐘事預逮居其間泰然擬金剛篋撰圓事理說居十七年有僧文捷者利其富倚權貴人以動轉運使奪而有之遷師於下天竺師恬不爲忤捷猶不厭使者復爲逐師於潛逾年而捷敗事聞朝廷復以上天竺昇師捷之在

天竺也吳人不說施者不至巖石草木爲之索然及師之復士女不督而集山中百物皆若有喜色清獻趙公抃與師爲方外交親見而贊之曰師去天竺山空鬼哭天竺師歸道場光輝然師復留三年終欲捨去謂其徒曰吾祖智者聖人也猶以急於化人害於行已位本鐵輪而證止五品況吾凡夫也哉固謝去老於南山龍井之上以茅竹自覆吳越聞之爭爲之築室廬具像設甃瓦金碧咄嗟而就三年復爲太守鄧公溫伯請居南屏一年鄧公去乃歸龍井終焉師於講說不擇晝夜嘗曰鬼神威德不具多畏人晝說

龍井見聞錄卷八

五

或不得至比夜人靜庶幾能聽嘗焚指以供佛左三右二僅能以執其徒有欲效之者輒禁之曰如我乃可平生修西方淨業未嘗以須臾廢行成力具能以其餘見於外者非一也余兄子瞻中子迨生四年不能行請師爲落髮摩頂祝之不數日能行如他兒布衣季生者習禪觀甚辯而無行欲從師出家子瞻憐之爲請於師未言其名師拒不許若知其爲人者秀州嘉興令陶豸有子得魅疾巫醫莫能治師咒之而愈越州諸暨陳氏女子得心疾漫不知人父母以見師警以微言醒然而悟嘗與僧熙仲會食仲視師眉

間有光如螢遽起攬之得舍利師曰慎毋以告人不知者將以妄疑我自是常有於其卧起得之者及其將化入室晏坐謝賓客止言語飲食召其常所往來僧道潛告之曰吾西方業成如是七日無魔橫右脅吉祥而逝吾願足矣至五日出偈告眾七日奄然而寂皆如其言師度弟子五十人四方學者不可以數計頗能以其道教化吳越至十月庚午塔成頌曰如來昔在世心禪語爲教譬如四大海惟是一溼性於其溼性中變化千萬億風來爲濤瀾風去爲湛然魚龍所遊戲鬼神所出沒船筏借其力網罟取其利其上爲洲渚諸國所生育其下爲淵谷百怪所藏伏東西出日月上下屬河漢觀者不能了睥眄何暇說如來知迷悶隨變爲解釋因變所說者是則名爲教彼善聞教人當知是幻爾旣已知是幻則當識真實我觀世教師皆謂教是實由謂教實故則爲禪所訶禪雖訶教乎終以教致禪禪若不取教是杜所入門教而不知禪是不識家也辯才真法師於教得禪那口舌如瀾翻而不失道根心湛如止水得風輒粲然以是於東南普服禪教師士女常奔走金帛常圍繞師惟不取故物來不得拒道成數有盡西方一瞬息西

龍井見聞錄卷八

六

79

方亦非實要有真實處

范仲淹

字希文吳縣人大中祥符八年進士仕至樞密副使參知政事諡文正有文正集

兵部侍郎致仕胡公志銘

寶元二年六月十八日尚書兵部侍郎致仕胡公薨於餘杭郡之私第明年二月十有一日葬於杭之錢塘縣南山履泰鄉龍井原以夫人潁川郡君陳氏附焉禮也孤子楷言於友人范某禮經謂稱揚先祖之美以明著於後世此孝子孝孫之心也然而言之不文行而不遠處喪之言烏乎能文今得浙東簽書寺丞俞君狀先人之事而敢請誌焉某曰孔子見齊衰

龍井見聞錄卷八

七

者必作重其孝於親也敢不唯命公諱則字子正婺之永康人也某聞虞舜之後有胡公武王封於陳蓋族望之來遠矣皇考諱彭王考諱澂皆隱於唐季其道不顯考諱承師在鄉閭間以積善稱因公而貴官至尚書比部員外郎贈吏部郎中妣應氏封永樂縣太君贈普寧郡太君公少而倜儻負氣格錢氏為國百年士用補蔭不設貢舉吳越間儒風幾息公能購經史屬文辭及歸皇朝端拱二年御前登進士第釋褐為許州許田尉以幹自聞補斬州廣濟宰又補憲州錄曹以本道計使諫大夫索公湘之舉改秘書省

著作佐郎簽署貝州節度觀察判官公事升本省丞知潯州拜太常博士提舉二浙榷茶事兼知桐廬郡丁太夫人憂服除以本官知永嘉郡遷屯田員外郎提舉江南路銀銅場鑄錢監擢任江淮制置發運使轉戶部員外郎入為三司度支副使賜金紫除禮部郎中京西轉運使又移廣南西路轉運使以戶部郎中復充江淮制置法運使轉吏部郎中改太常少卿丁先君憂終制知玉山郡移福唐郡拜右諫議大夫知杭州入判流內銓以舉官累責受少常知池州未行復諫議大夫知永興軍領河北都轉運使給事中

龍井見聞錄卷八

八

入權三司使拜工部侍郎集賢院學士知陳州進刑部再牧餘杭郡踐更中外凡四十七年得請加兵部侍郎致仕朝廷命長子通判錢塘以就養又六年而終享齡七十有七天子聞而悼之進一子官初至道中公在憲州時西寇梗邊朝廷命師五路入討詔具三十日糧以從之索公方引公督隨軍糧草事公曰為百日計猶或不支奈何索公乃遣公入奏召對逾刻公陳邊事如指之掌上顧左右曰州縣中有如此人遂可其奏具示甄拔之意後大帥李繼隆果與寇遇十旬不解索公曰微子幾敗吾事一日其帥移文

曰兵將深入糧可繼乎公曰師老矣矯問我糧爲歸師之名耳請以有備報之索從其議彼卽自還無以咎我其先見如此及索公主河北計又奏辟之遂以貝州之行朝廷遣使省天下冗役就命公行河北道凡去籍者僅十萬數民用休息在潯州人有虎患公齋戒禱城隍神翌朝得死虎於廟中其誠之效與案池州永豐監得匿銅數萬斤吏懼當罪公思之曰昔馬伏波哀重囚而縱之前史義焉今銅尙在吾忍重其貨而輕數人之生耶咸以羨餘籍之不復爲坐在江淮制置日會眞宗皇帝奉祀景亳公實主其供億

龍井見聞錄卷八

九

千乘萬騎至於禮成無一毫之闕帝深愛其才面加獎勞遂進秩登於計相之貳在廣南西路有大船困風於遠海食匱資竭久不能進其人告窮於公公命瓊州出公帑錢三百萬以貸之吏曰彼本忘信又海舶乘風無所不之公曰遠人之來不恤其窮豈國家之意耶後其人卒至輪上之貨十倍其貸朝廷省奏而嘉焉又宜州繫重辟十九人時有大水公不慮患而特往辨之活者九人焉在福唐有官田數百頃民輪租食利舊矣至是計臣上言請就鬻之責其估二十萬貫民不勝弊公奏之未報章三上且曰百姓疾

苦刺史當言之而弗從刺史可廢矣乃有俞詔減其直之半而民始安公領三司使寬於財利不以刻下爲功時上方以兩京陝西官鹽歲久民鮮得食而日以犯法命通商有司重其改作公首請奉詔其事遂行公性至孝自曲臺丁太夫人憂廬於墓側以終喪紀有草木之祥本郡表之及京西之行以家君朱紱爲請上曰胡某爲孝雖非其例與以明勸也搢紳先生榮之又天禧中尙居郎署朝廷擬公諫議大夫知廣州公以家君八十歲懇辭於政府乃復有制置之行尋以哀去職得盡心於喪葬公富宇量篤風義往

龍井見聞錄卷八

十

往臨事得文法外意人或譏之公亦無悔焉其輕財尙施不爲私積士大夫交稱之福唐前郡將被訟去官嘗延蜀儒龍昌期與郡人講易率錢十萬遺之以歸事在訟中及公下車昌期自益部械至公曰斯何罪耶遽命釋之見以賓禮法當償其所遺公代以俸金仍厚遺而還又濟陽丁公爲舉子時與孫漢公客許田公待之甚厚及其執政而雅故之情不絕若休戚士人而未嘗預暨丁有朱厓之行昔之賓客無敢顧其家公實被議出玉山郡尙屢遣介夫不遠萬里而往遺焉此又人之難矣及退居西湖乘畫船擊清

波深樽雅絃左子右孫與交親笑歌於時歲之間浩如也人不謂之賢乎夫人穎川郡君有慈和之德先以壽終令子四人長曰楷都官員外郎前知睦州祥符七年秋登服勤詞學科所至政能有先君風度次日曰湘好學有志誠朋友多之次日曰桂俊異居喪而亡蟠次適御史臺主簿華參而亡其閨門之範見其穎州之誌某非特爲重齊衰之情嘗倅宛邱都會公爲二千石以國士見遇且與都官布素之遊誠可代孝子而言焉銘曰進以功退以壽義可書石不朽百年

龍井見聞錄卷八

十一

之爲兮千載後

韋

字子駿錢塘人皇祐五年進士累官尚書主客郎中夔州路提刑獄有錢塘集

吳平甫志銘

吳平甫之喪還自浮梁將葬伯兄少卿以某知平甫之素乃以其行狀見屬以銘某義不得辭謹爲之敘次平甫生而聰悟幼不好弄及就師學則夙夜勤苦以自勵弱冠術業大成爲鄉里推重耽味經史平居未嘗釋卷聖賢去取之理古今因革之緒博通強記無不該洽加之德性謹厚造道深遠以誠接物以謙待人故學者多從焉天資恬退不嗜榮利公卿大夫

之門不喜曳屣履於其間三預鄉薦惟一試禮部蓋亦親朋之所強也其後絕意進取杜門著書粹茹以自食者幾二十年熙寧七年冬郊祀霈恩伯兄當薦子弟乃密以平甫爲請奪其志而莫之告也未幾補太廟齋郎久之不赴調及伯兄還朝乃迫之偕行入銓授將仕郎出爲南安軍大庾縣尉既而辭疾不往居數歲伯兄復以義趣之乃幡然悔曰仕非爲貧也而有時乎爲貧吾兄以友愛祿我而我獨不勉是誠何心哉不幾乎於陵之哇也人將以蜺視余矣於是再調饒州浮梁尉到官逾年感疾而沒問至鄉之賢士

龍井見聞錄卷八

十二

大夫皆歔歔歎息曰平甫之所享止如是其命矣夫平甫其字也諱天秩世爲杭人曾祖嗣祖贊皆不仕父肅贈工部尚書初娶邵氏生三男俱早世次娶邵氏生一男曰師明以疾不克嗣一尙幼有文集十五卷藏於家享年六十二卒以元豐三年五月之壬申葬以是年九月之乙酉縣曰錢塘鄉曰履泰原曰龍井塋域於是而合乎邵氏之室也銘曰位不稱德壽不遐子以疾廢孰克家天平與善宜無差至此莫詰其何嗟

秦

詳卷四
觀卷七

龍井題名

元豐二年中秋後一日余自吳興道杭東還會稽龍井辯才法師以書邀余入山比出郭日已夕航湖至普寧遇道人參寥問龍井所遺籃輿則曰以不時至去矣是夕天宇開霽林間月明可數毛髮遂棄舟從參寥杖策並湖而行出雷峯度南屏濯足於惠因澗入靈石塢得支徑上風篁嶺憇於龍井亭酌泉據石而飲之自普寧經佛寺十五皆寂不聞人聲道旁廬舍或燈火隱顯草木深鬱流水激激悲鳴殆非人間境也行二鼓始至壽聖院謁辯才於潮音堂明日乃

龍井見聞錄卷八

三

高郵秦觀題

跋元淨十題

辯才法師謝天竺講事退休於龍井山壽聖院凡堂室齋閣山峯水泉皆名以新意復作詩繼之號龍井十題其言清警發人之妙思信非世間音也元豐二年八月高郵秦觀為寫遺其徒懷楚刻於石

鄭清之
詳卷四
卷七

跋秦少游題名

坡仙至錢塘特與辯才師為世外交師歸龍井坡公為作二老亭詩一時名勝多與之遊瑰詞藻翰衣被

泉石至今枯槎斷壁間奕奕飛動獨少游記文得元章書二妙相輝宜耀不朽而寺失其傳好事者闕然不滿紹定己丑得真蹟於戶書胡公規印以他米書不謬每念鑿之寺中以其放軼一日語京尹趙公公歛衽日前賢之勝韻不續實遺吾邦羞寺於何有亟訪堅珉刻之且損錢百萬畀住山宗炳建樓植鐘新緇宇之弊於是龍井之勝若前賢之美如創見然余每愛少游支筇步月敲辯才門夜半清語殆非人間世今留題中寫澗谷經行登危憇寂之境衝煙破暝之態谿潺林影斷續隱見雖善畫不能及題識猶爾

龍井見聞錄卷八

四

况記乎雖然微趙公好古博雅則斯記未必遇雖遇未必遽赫然在人耳目間余幸記之遇顯之速也於是借石咫書其顛末如此

程秘
詳卷四有
洛水集

遊龍井記

余舊讀秦太虛記想其事甚欲一追故步者不知幾年矣辛巳歲出清波門經淨慈寺過白蓮院上風篁嶺謁龍祠酌龍井遂至辯才塔飯於月林月林辯才所廬也主僧出范文正東坡樂城參寥辯才遺像及坡遺辯才水墨羅漢八軸軸皆二像仁皇飛白四字

與南唐草字四紙已而酌泉瀾茗復汲二盞以歸徑旁佛舍多不知名獨白蓮爲近晚不暇入四山多怪石如亂雲如虎豹下視西湖如盤狹處僅若帶沿路居民視昔不加密炊煙斷續相望澗泉則灑灑如故但太虛乃宵征所不見者怪石與西澗及炊煙耳元豐距今百三十七年矣人事幾變而景物則宛然當時可爲太息辯才結廬今爲廣福寺一山屹然內向故備錄以告來遊者

元

黃

字晉卿義烏人延祐進士仕至侍講學士同知經筵諡文獻有文獻集

龍井見聞錄卷八

五

南山題名記

葵之宦學於杭者每歲暮春必相率之南山展謁鄉先達故宋兵部侍郎胡公墓仍卽其廟食之所致祭焉竣事遂飲於西湖舟中以敘州里之好大德八年春三月癸亥會者四十有四人魏國趙文敏公時方以集賢直學士領儒臺潛幸獲從先生長者之後而趨走於公履屐之末逮今三十有九年乃以非才補公故處暇日從鄉僧遊龍井觀公舊題而與道其故事咸謂不可久廢而莫之舉亟以白於宣政副使王公合同郡大夫士暨方外交四十有一人以至正二

年春二月癸亥復會於南山雨弗克前艤舟望拜而追數向之四十有四人存者殆無幾或顯榮於中朝或隨牒調補於遠方或已倦遊歸休於家林惟潛忝有祿食於此而得齒茲盛集未知後三十有九年今之四十有一人重會者誰歟古人云後之視今亦猶古之視昔此題名之所爲作也諸公謂潛宜題識其首是用弗讓而直書其歲月以俟後之覽者焉

跋東坡書秦少游龍井題名

元豐元年東坡先生謫黃州少游以二年秋至龍井三年秋先生乃爲書此題名而記其後言與兒子邁

龍井見聞錄卷八

六

棹小舟至赤壁西望武昌山谷喬木蒼然雲濤際天而先生作赤壁賦則五年之秋冬也潛兒時卽能誦少游題名不意垂老獲見先生真蹟因考其歲月而謹志之

謹案蘇軾書題名以寄參寥不必藏龍井故不入書畫

王

逢字原吉江陰人薦不仕自號席帽山人所居曰梧谿精舍有梧谿集

題遊龍井卷

右鄧匪石虞道園二司業俞觀光先輩與澄湛堂無極元濟天岸若季衡四法師及隄石子衍同遊龍井倡酬之什後和者張晉公仲舉時爲布衣未起實出

山村仇先生門徐則芝石虛谷方先生弟子也劉師魯則鄜王後月心先生之子顧仁甫陳守忠王性存並石塘胡先生之門人余聞之前進士錢塘思復云因附見焉俾來者知當時朝野人物之盛蓋不減蘇黃參辯諸公追從之樂也夫湖山自吳越迨宋元數百年形勝今鞠爲墟莽緇素文墨淪棄何限曩尚寶是卷哉曩湛堂曾孫裔

明

林右

詳卷四有公輔集

龍井志敘

龍井見聞錄卷八

七

龍井距錢塘十餘里山水靚深宋辯才法師行道處也法師主席天竺所與遊皆名公巨人如趙清獻蘇文忠公相往來叩答尤密用是名滿天下其徒戴之如師小民仰之如佛一日自天竺謝事退於龍井依崖壑縛草以覆身錢塘之民間之相與出力創其居殿塔臺宇隱映於疎林古木間至於一泉一石皆爲文士所記詠錢塘雖多勝利至語清蹟必曰龍井凡東西遊者不之龍井必以爲恨蓋三百餘年矣元末時燬於兵所存者唯數楹而已顧左右荆棘沒人脛援猱晝棲暮出叫於風日之下回思昔日鐘鼓之音

爲何如耶天台懷思以仁自少受業於是山身與其盛而及其衰歎曰吾老矣不能復也遂拾是山故實及詩文爲一集名曰龍井志使後人據是志興復祖宗之盛可也以仁之心亦悲矣夫盛衰相爲倚伏如晝夜寒暑之必至炎炎之隆固生於窮冬沍寒之所冥冥之昏實起於太陽亭午之際君子推微而知著測始而知終有知其必然者矣故遺心放形獨立於萬象之表以觀夫盛衰之運爲何如而世之人汨於盛衰之中因其盛也自謂可傳百代而無泯故凡可以爲者無不率先爲之但恐爲之者不廣廣之者不

龍井見聞錄卷八

八

堅耳殊不知其衰之機駸駸乎已隨其後矣余少時猶及見豪家大族恣不度於閭里高欄飛棟儼如封君之第無幾何時形消影歇求其彷彿而不可得況三百年至盛之久乎則其衰也亦數之所宜然也雖然數之所拘惟人力之爲者爾人力之所不能爲數亦不能如之何也如法師之道清獻公之德文忠公之操行固將回薄霄漢寄造物於無窮豈與是山俱盛俱衰者哉以是知道之不脩德之不立區區恃夫人力之未宜其爲盛衰所戲侮也以仁嗣法師之道甚至人之事以仁者無異於法師則法師之道雖有

盛衰而其中之不可以盛衰者以仁固得之矣

宋

字景濂浦江人仕至翰林學士承旨有學士集

杭州集慶教寺原璞法師璋公圓冢碑銘

洪武元年夏六月二十七日杭之顯慈集慶教寺原璞法師滅度於京城大天界寺父母所生四十六年在菩提位中二十八夏其上首弟子住持圓覺一印昇元克勤等以某年月日奉舍利靈骨歸窆於郡之龍井辯才塔南遵像法也後七年克勤奉詔往使日本上嘉其不辱命俾返初服列官於朝濂時待罪禁林克勤數以法師塔銘為屬未幾克勤出鎮方嶽承

龍井見聞錄卷八

七

宣山西瀕行又復諄諄言之繼而一印結集白業成書千餘言遣使者申言之夫惟台衡之學佛法之大宗有若法師乃中流之舟楫觀化而往銘其可不造耶不造何以為訓耶法師諱士璋原璞其字也受生於海寧王氏伏犀貫頂目光炯炯射人自幼即決去羶葷弗御即御輒嘔逆不能勝唯日取天竺書習讀之鄰寺僧伽競曰此釋氏種也盍以乞我其父某怒曰吾兒非若倫也俾投城東太平興國傳法寺服五戒服其師某與翰林待制柳公貫遊公嘗憇止寺中親授法師儒家羣經為正句讀敷釋旨要法師問之

有如破竹數節之後皆迎刃而解年一十九始除鬚髮著僧伽梨尋稟持犯於某師時佛護宣覺憲慈匡道大師自四明延慶遷主武林上天竺觀音教寺大師諱本無字我庵佛海法師湛堂澄公之嫡子令譽隆治一時名浮圖爭擁輪下法師將擔登趨之忽夢遊寶所大乘菩薩教之互跪作禮口唱懺辭覺而思之乃普賢淨行品偶文也法師以為祥徵佛護見果刮目相視凡天台大小部書以次環授之志慮專一飢則親狎釜鬻以事烹飪一飽而止寒暑晝夜若不知切身佛護如三吳俾法師遷丈室之西以便飲食

龍井見聞錄卷八

十

逮還見白煙一抹起其寢所則自爨猶故也佛護陰鑿其勤以遠大期之佛護之門人曰天心瑩素高亢不服人亦欣豔法師之行約共燈火磨切詰難極於毫絲餘子皆望風而畏稱為雙壁佛護既示寂東溟日公來補其處大演摩訶止觀陶冶生徒夏中集讀選法師為之開科譬陟彼山巔阡陌溝遂雖詰曲鉤聯粲然辨數聽者心地朗融如飲甘露東溟性嚴毅而寡許可為之喜動顏色遂命其司賓繼陞領懺摩事纓綬之士皆願與法師交聲華由此日重元至正十三年江南行宣政院命主州之棲真教寺棲真與

南天竺演福鄰古稱教海而大用才公絕宗繼公二
三大長老皆在焉法師猶以學之未足時往叩其所
未至凡部味教觀之奧偏圖本迹之微疇昔有疑而
未徹者二老無不條分縷析以喻之法師彈指歎曰
佛法教藏渺如煙海固非獨善偏長所能究使吾自
畫而不加進其能免於專門寡陋乎二十年移住旌
德教寺元季兵亂人多爲自藏計法師專心寺事不
以世相爲累彰善癉惡風采爲之改觀日納清淨之
眾共講諸經立疏銷文入相洪纖弗遺才辯清發言
與理冥往往推爲義中之虎大方自是益敷衽矣皇

龍井見聞錄卷八

三

明龍興當建元洪武之初三宗以今寺主席尙虛白
於李曹公文忠公時成杭遂從所請法師提唱接引
如旌德時有過無弗及焉未幾中書被旨俾浙水西
五府浮屠道流共覽京城立善世院以統僧尼同將
作監交董其役時方內附相視莫知所爲法師獨出
方略具有條序十萬之眾多倣之以集事不幸報緣
已盡竟入涅槃緇素翕然嗟惜之法師器局瀟灑論
議慷慨據直道行不樂俯徇流俗意氣昭台卽出肺
腑相示否則白眼怒視後又來依推食解衣以遇之
不計蓋藏有無然精練世故勇於有爲棲賢敞陋殿

堂門序爲之一新旌德籍券久不白乃爲稽鉤欺隱
使有文可覆暴橫之徒束手待命始免捧漏沃焦之
患每懲諸剝樹徒植黨而爲怨尤之府誓不雜度弟
子私建退休之室終身踐其言弗渝初法師受經佛
護歷職東溟佛護旣沒或者微以爲諷法師笑曰丈
夫制行當以義爲斷豈可隨世浮沈哉終嗣佛護法
師所著書多未脫藁詩文有別錄若干卷嗣法而出
世者昇元圓覺之外曰某曰某共若干人云夫惟圓
頓法門實般若之樞機奈何傳失其宗指眞心而名
境認理性以爲總論心有具造而遺於色似此之類

龍井見聞錄卷八

三

紊亂眞乘法智一起而磨之然後天台之道復盛曾
未六傳習者流於知解之說務新騁奇頗駸駸近於
山外慈辯再起而正之然後法智之教益明擔負大
法之任者其所繫蓋甚重也近代以來佛海以純慈
之質一以法智爲師最號能守家法者故其授受眞
切出其門者咸赫然發聞於世法師乃其嫡孫其行
解似無讓於前人孰不望其大振元風而世壽僅僅
若此銘以昭之一以傷斯道一以勉來裔云銘曰天
台之學空假中一心三觀乃其宗如火聚光彤彤
五金遇之無不鎔渣滓渾化內外紅佛海拔起建寶

幢摩尼徧照天南東入其室者膽力雄披精進鎧手
挾弓一戰欲使魔軍降誰爲嫡嗣躡孤縱伏犀貫腦
冰翦瞳震旦羣書貯心胸一朝易轍梵夾攻日狎井
寵劬厥躬白煙上出橫晴虹五章四釋照厥臆事理
卽具靡弗同肯綮一中萬里融行解雙至方建功三
鎮名山黑白從龍興致雲虎嘯風輪下餅錫無地容
法水灌頂障執通亭亭淨植青芙蓉似此良師不易
逢火風分散報緣終水月鏡像索還空作銘者濂碑
則豐千百億劫鎮幽宮

馮夢禎

詳卷四
卷七

龍井見聞錄卷八

三

龍井寺復先朝賜田記

武林之龍井有二舊龍井在風篁嶺之西泉石幽奇
迴絕人境蓋辯才老人退院所闢山頂產茶特佳相
傳盛時曾居千眾東坡少游先後訪辯才於此而坡
公蹤迹尤數辯才送客例不出寺門一日送坡公閒
談信步遂過風篁嶺坡公笑曰遠公復過虎谿耶後
人仰其風流作過谿亭其處今俱堙廢矣新龍井則
今寺是也正踞風篁嶺疑亦辯才別院寺左奇石如
林有宋人題識十餘處俱小篆八分書特精妙而不
留款余每徘徊其間不能捨去惜以屋蔽之至寶不

盡露也寺有賜田十餘頃嘉隆間寺中廢田沒於佃
戶而僧食貧僧眞果蓋中興此山者篤實精悍能於
荆榛瓦礫間起爲寶坊余甚嘉之又能訪求賜田之
在海寧三十二都十圖之方家圩十一圖之唐家湖
者凡一百六十四畝久爲佃戶陸喬朱仕等所據訟
之官而還之官斷畝除糧差外歲給租二斗以爲常
自萬曆十二年爲始歲得三十二石零可贍十僧此
諸護法宰官之寵靈而果之力也嘗憶壬午秋果重
繭如京師謁余邸中乞當道書精神如此欲勿興得
乎顧寺田迷失者尙多今日所還一成一旅耳然非
果則不能復使果之後有果繼之祀夏配天不失舊
物齋魚轟轟千眾聚飯以進其道業而復辯才之舊
亦可待也果恐無記將遂湮沒再三懇余余亦再三
諾之而竟不及償者凡數年此日果遣其徒詣白下
守催乃援筆敘其顛末如此以告夫世守者是爲記

龍井見聞錄卷八

四

送果上人住立同敘

果上人住立同過居士乞護居士曰二民主釋與聃
兩家焉如水與火立同道者居也佛者入焉無乃傷
教而敗族乎且上人已住龍井矣有此何爲上人曰
果之先有僧眞志者居之果爲第二世佛菩薩普入

一切度苦眾生道者之居不賢於三惡道乎果十九
在山十一在城有此以憇可也且果有上方而棄之
去住惟緣豈戀此哉居士曰然子以無心而居余以
無言而護遂書此送上人入院時萬曆己丑六月二
十一日也

龍井寺新建白衣觀音殿勸緣述

儒者嘗論求矣軻書曰求則得之舍則失之是求有
益於得求在我者也求之有道得之有命是求無益
於得求在外者也在我之求爲仁義忠信之求在外
之求爲公卿大夫之求一可一否豈不較著而佛者

龍井見聞錄卷八

五

之論則不然普門品曰若有心願求男禮拜恭敬觀
世音菩薩便生福德智慧之男心願求女便有端正
有相之女夫男女之有無多寡及賢與愚儒者所謂
制於天成於命而不可易者公卿大夫既不可求而
男女獨可求公卿大夫之求爲在外而無益而男女
之求獨在我而有益誠以儒律佛何其相左之甚而
不可信歟乃世之持白衣觀音咒者往往生子有白
衣重包之異自唐迄今信持獲驗不減百千萬億以
其事印普門之說佛豈有誑語而束教薄福之徒往
往生謗造罪如入寶山而抉眼截手甘心覆宗滅燬

國朝

之禍而不悔可憐也或曰佛語誠可信白衣大士咒
誠歷歷可驗某豈敢纖毫置疑然所以可信而多驗
者其義何居願吾子快爲一切眾生演說令諸闡提
嚩彌戾車可乎搖手曰難哉因爲之詩曰脫卻天衣
換白衣婆心巧逐世人機手中孩子分明箇付與時
人仔細疑子能洗眼靜坐三年猛參觀音大士當現
身與汝說破丁亥三月上巳日眞實居士書

張

彙

字華亭人

諦暉和尚塔銘

龍井見聞錄卷八

五

達磨西來不立文字廓然無聖脫屣去來其來也無
法爲法其去也不宜有銘雖然不宜有銘法也無法
爲法則亦可銘和尚諱慧輅以明天啟七年丁卯十
月初八日得四大於吳興金田沈氏父濟母李以雍
正三年乙巳三月二十日舍四大於錢塘雲林古靈
隱寺春秋九十有九僧臘七十有四余與和尚潛遠
之契垂三十年乙巳三月十一日夜示夢余從京師
走書江南告弟奔山曰和尚將入涅槃地矣果以是
日示寂豫指二十日午時爲報年之限及期命鳴鐘
自升繩牀趺坐點首三而滅遺命坐三日入龕門人

智廣等以佛法斂丙午九月十三日於飛來峯側起塔安神和尚秀眉大耳步律音鐘六歲而孤家碎於役及母李終乃檀那身命自拔人間徧參諸方以求止泊順治己丑二月遊學至靈隱禮具德和尚一日拜直指堂下仰見直指二字憬然曰彼以直指我以直會又聞戶外鳥啼聲一時大千俱直時具德和尚弟子五千人碩德圓戒林植山宮而師以年少依位而立寶身突兀常住不遷乃嗣法焉歷住興福妙濟師林天竺龍井諸寺終於靈隱初

聖祖仁皇帝賜寺額曰雲林因爲雲林寺後

龍井見聞錄卷八

三

南巡輒舉

賜和尚

御書曰禪門法紀又別

賜御書黃金佛像白金等物和尚三身八勝而六時一眞露

地白牛無得無捨常造余竺西草堂行梅花下花千餘樹如雪香動心魂和尚行未嘗一仰視至草堂坐謂寺僧曰聞梅花香乎曰聞曰爾等看花去及返終亦不視九十後更不酬不對一以師子音接十方佛當機者不喻則曰和尚耄矣語不可曉偶落六通則曰和尚昔云然今果然銘曰醍醐味醞蘆蔔香衰斑

其相紛羊啞狐哈和尚智度七十四年縣解凡首草腐人天一佛既無千佛乃有演暢宗極下足撒手峯昔飛來師今飛去無去無來導師常住雍正四年歲次丙午九月朔日

文題後

韓愈歐陽修關佛猶作文暢高閑惟儼秘演等敘但不說佛法而已蘇軾始闢入法界語嗣是名家大家別集僧寺記敘恆居十之三四殆不過借題以發揮論議而山門之興廢衣鉢之授受舍是莫詳開堂大師嗣法上首不憚開關重

龍井見聞錄卷八

三

跏謁吾徒而來請良有以夫首元淨者例同詩

鄉寓人物志銘先後附見

龍井見聞錄卷八

臣汪孟錫恭纂

軼聞

孝宗行幸

乾道二年春二月戊寅幸玉津園宴射遂幸龍井宋史

孝宗本紀

謹案孝宗履幸玉津園見咸淳臨安志而不言至龍井賴有正史可據又宣宗加封惠濟龍王敕有昔我高宗嘗登南山風篁夜駐蹕龍湫酌泉於上則高宗亦嘗幸龍井而史闕之

咸澤機鋒

杭州靈隱山廣嚴院咸澤禪師初參保福展和尚問

龍井見聞錄卷九

一

曰如何是廣嚴家風師曰獅子石前雲水響雞籠

山上白猿啼景德傳

謹案武林舊事資聖寺開山咸澤禪師咸淳臨安志亦名北資聖院錄此以見雞籠獅子南北山皆可見也

元淨道潛優劣

辯才參寥皆蘇子瞻友也其贊辯才云卽之浮雲無窮去之明月皆同欲知明月所在在汝唾霧之中其贊參寥云身寒而道富辯於文而訥於口外尪柔而中健武與人無競而好刺譏朋友之過枯形灰心而喜爲感時翫物不能忘情之語此余所謂

參寥子有不可曉者五也觀此則二僧之優劣可見矣子瞻謫齊安參寥不遠二千里相從暮年子瞻謫南海參寥欲泛海訪之子瞻以書戒止會當

路亦摘其詩有譏刺語遂反初服建中靖國初曾

肇言其非辜復祝髮觀其友善如此亦幾於近道

西湖遊者覽志

兩參寥兩辯才

宋有杭州僧參寥唐亦有道士參寥見孟浩然集唐

有藏蘭亭僧辯才宋亦有高僧辯才隱天竺見淮

海集鄧瑛七類稿

龍井見聞錄卷九

二

智月

宋皇祐五年孫沔以直閣學士給事知杭州延禪師

幻旻住持上天竺繼以禪師智月開堂提唱宗風

凡十年又智月機緣法嗣及氏里無考上天竺志

文捷

吳僧文捷戒律精苦奇迹甚多能知宿命然罕與人

言余羣從爲知制誥知杭州禮爲上客文通嘗學

誦揭帝咒都未有八知捷一日相見曰舍人誦咒

何故闕一句旣而思其所誦果少一句浙人多言

文通不壽一日齋心往問捷捷曰公更三年爲翰

林學士壽四十歲後當爲地下職任事權不減生時與楊樂道待制聯曹然公此時當衣衰經視事文通聞之大駭曰數日前曾夢楊樂道相過云受命與公同職事所居甚樂慎勿辭也後數年果爲學士而丁母喪年三十九矣明年秋捷忽與文通訣別時文通在姑蘇急往錢塘見之捷驚曰公大期在此月何用更來宜卽速還屈指計之曰急行尚可到家文通如其言馳還徧別骨肉是夜無疾而終捷與人言多如此不能悉記此吾家事耳捷嘗持如意輪咒靈變尤多餅中水咒之則湧立

龍井見聞錄卷九

三

畜一舍利晝夜轉於琉璃餅中捷行道遠之捷行速則舍利亦速行緩則舍利亦緩士人郎忠厚事之至謹就捷乞以舍利捷遂與之封護甚嚴一日忽失所在但空餅耳忠厚齋戒延捷加持少頃見觀音像衣上一物蠢蠢而動疑其蟲也試取乃所亡舍利如此者非一忠厚以余愛之特以見歸余家至今嚴奉蓋神物也

沈括夢
谿筆談

孫莘老知湖州日間文捷曰呂吉甫如何捷曰只三年便在官家左右更有一人白皙而肥一人美髯而長後三年甫果參大政同列韓子華馮當世皆

如其言上天竺
山志

宋呂惠卿與吳精進寺僧善時辯才主上天竺頗有人緣惠卿入相使文捷主上天竺逐辯才邵古菴山人曰文捷乃一奇僧故呂敬而主之然辯才又正而奇者捷不得掩之也辯才復天竺未幾不欲與人相形退避龍井則去捷遠矣上天竺
山志

謹案智月文捷上天竺山志在別傳並與元淨天竺爲代者據蘇轍辯才碑稱捷倚權貴人不言姓名考上天竺山志乃知爲呂惠卿要亦宗門爭勝傾軋常事故不礙爲高僧如邵重生言也故詳錄之

胡則

龍井見聞錄卷九

四

工部胡侍郎則爲邑日丁晉公爲遊客見之胡待之甚厚丁因投詩索米胡延晉公常日所用樽罍悉屏去但陶器而已丁失望以爲厭已遂辭去胡往見之出銀一篋遺丁曰家素貧惟此飲器願以贖行丁始喻設陶器之因甚愧德之後晉公驟達極力攜挽卒至顯位慶曆中諫官李兢坐言事謫湖南物務內殿承制范亢爲黃蔡郎都監以言事官坐謫後多至顯官乃悉傾家物與兢辦行兢至湖南少日遂卒前輩有言人不可有意有意卽差事固不可前料也夢谿
筆談

胡則永康方巖廟記

廷直四世從祖尚書兵部侍郎保定公於婺州爲鄉里婺之人廟公於方巖歲時奉祭甚謹紹興三十一年廷直爲建安縣丞請於上賜廟額曰赫靈明年二月命下廷直跪拜伏讀至於感泣謹齋祓稽首而記之先保定公由儒學登顯仕入典藩郡爲良二千石七按錢穀爲能刺史出入禁闈爲名從臣開國建功生有榮焉始公被天子知遇申命進秩乃奏免衢婺民身丁錢到於今受其賜自公之薨謀報無從卽絃誦之所廟而食之沒有靈焉公

龍井見聞錄卷九

五

於平生之志可謂盡矣宣和中盜起濤谿保險方巖弄兵踰月王師不能下首惡夜夢神人飲馬於巖之池是池盜實怙之以濟朝夕平明往視已涸矣其徒駭亂大兵一臨卽日平蕩由是邦人事公有加於他日若水若旱若疫若癘有求無不應有禱無不答赫靈之賜於義爲大公蒙報祀之典可謂至矣先是賊平廉訪使王導以聞封佑順侯倉卒不審止用方巖神奏而逸其名氏衢婺之人凡厥祀事板祝旗幟皆實公爲佑順侯從舊也繼而闔邑之士狀於有司廷直於公爲孫也詎宜緘默

於是詳述始末力請正名自天發號繁公之神載祈載禱享顧廷直才不邵不敢自任論譏亦庶幾由此以明其善之萬一也

浙江通志胡廷直赫靈廟記

胡公仕宋爲時名卿婺之永康實公鄉邑公嘗讀書方巖山中沒而爲神發祥其處宣和間封佑順侯紹興末乃賜廟額曰赫靈者初封詰命中語也佑順之號既累加以嘉應福澤靈顯極於八字淳祐間遂進爵爲公更號顯應尋加正惠寶祐初再加忠祐杭之南山龍井原公墓次有顯應廟敕命在焉廟不書賜額而以顯應名者因初進封之號也

龍井見聞錄卷九

六

公本以助王師殄巨寇廟食於一鄉而其光靈無遠勿被能出雲爲風雨農人咸以望歲者望於公凡邨墟里社必爲祈報之所故公之別廟布滿於郡境不啻數十百區其在吾烏傷之稠巖者里人方氏倡眾爲之也宋初婺之第進士者自公始至其季年方氏有大治丞應龍以進士起家而族日益大其子孫相率致力於祠事彌久弗懈者蓋亦視公爲鄉先達而知所敬慕不徒效俚俗徼福於公而已廟之創造以至元二十六年重興以至正九年新廟告成以記來謁於潛曰公之陰祐乎斯

民而變化不測有以驚動其耳目者庸夫孺子皆能言之至於公之奮由一第逮事三朝十握州符六持使節選曹計省歷踐要途晚以從官全身而退其有德於人有功於國與夫出處之大致非搢紳先生莫能言也願備著之潛竊惟公之官伐治行有傳在魏國韓公所修宋實錄而文正范公所撰公墓銘論次尤悉謹書而俾之使刻諸石且爲之記其作廟之顛末附見於石背若郡志言公嘗奏免衢婺身丁錢民被其賜而爲之立廟則傳與墓誌皆無所登載姑俟博洽之君子而考質焉

龍井見聞錄卷九

七

文獻集胡侍郎廟碑陰記

虞集題陳述古詩

陳文惠公述古守杭州題詠絕句二首綽約新嬌生眼底侵尋舊事上眉尖問君別後愁多少好似春潮夜夜添又云長垂玉筍殘妝臉肯爲金釵露指尖萬斛閒愁何日盡一分真態爲誰添蓋爲佳人敘幽思也蘇子瞻書此詩并周胡龍三妓詩作一卷元時柯敬仲得之虞邵菴伯生題其後云祇今誰是錢塘守頗解湖中宿畫船曉起鬪茶龍井畔花開陌上載嬋娟又云三生石上舊精魂邂逅相

逢莫重論縱有繡囊留別恨已無明鏡著啼痕又云能言學得妙蓮華贏得春風對客誇乞食衲衣渾未老爲誰靈塔向金沙

徐勣塔陰新檢引西湖志

三賢堂

錢塘西湖三賢堂兩處皆有東坡先生其一在孤山竹閣乃香山居士白樂天和靖先生林君復東坡先生蘇子瞻三賢像中興建都孤山爲延祥觀而閣與像俱廢乾道五年郡守周琮建於水仙王廟之東庶其一在龍井壽聖院方圓庵東卽趙清獻公閒堂而爲三賢堂乃清獻公閱道蘇東坡辯才

龍井見聞錄卷九

八

法師若訥像而寺在龍井之西北數里羣山中寺門有歸隱橋下有滌心沼遊人多不到彼是以少有語及者

趙葵葦杭紀談

碁盤石

戊子九月初六辰刻出湧金門渡湖至龍井諸君已進老龍井方迎之數十步而相遇讓肩輿老丈而與存吾子晉沈祖均登碁盤石初問途登歷甚艱逾四五峯復下而至一石甚巨左有石筍四五屋居石上僧扃戶而出索火烹泉不得坐石上良久尋別路而下路亦甚澀賴林而行至大路坐草閒

德周上人索民家茶爲供乃別快雪堂集日記

映山

己丑六月初二早詣海會寺謁天竺大士爲禱雨拈

香出清波門入龍井薄暮同師之映山觀一片雲

巧石山獅子石快雪堂集日記

片雲石

武林山水奇勝處頗多若普光庵之吳坡泉永壽寺

之芝巖甘露寺之頓足泉龍井寺之片雲石法相

寺之錫杖泉皆郡志野史之所未載登臨訪古所

當窮其勝概者也兩湖塵談錄

龍井見聞錄卷九 九

龍口瀉水

龍井泉從龍口瀉出水在池內其氣恬然若遊人注

視久之忽爾波瀾湧起其地產茶作荳花香與香

林寶雲石人塢乘雲亭者絕異採於穀雨前者尤

佳啜之淡然似乎無味飲過後覺有一種太和之

氣瀰淪乎齒頰之間此無味之味乃至味也爲益

於人不淺故能療疾其貴如珍不可多得陸次雲湖壖雜

記

徐村翁家山

壬寅閏二月初十陰午後微雨冰雹同章紹陽入山

先看龍井外演福地辛龍卯向正應左旗右鼓也

鈴至龍井飯於德周山居周申甫以昨約如期至

同至翁家山而別余從十八澗出徐邨一路李花

盛開如雪快雪堂集日記

葛井水與龍井伯仲

己丑六月初十晴而熱早至龍井翻山至天竺看二

地內優於外憇長生房白先生返龍井而余入城

飲葛井水甚甘冷當與龍井伯仲快雪堂集日記

記西湖登覽

壬午三月己亥晴與芮國器程泰之蔣子禮出暗門

龍井見聞錄卷九 十

上風篁嶺酌龍井入壽聖寺拜趙清獻公蘇翰林

僧辯才畫像觀乙亥二月與張德莊周孟覺同遊

時題字寺有海棠一株蓋蘇公手植僧頗有乾道

元祐間諸公談論自言得於其師云午飯後過長

耳相院秦之讀書處也與國器弈於山亭小酌而

去道旁有六通院無足觀遂由支徑叩鄧氏時思

庵庵僧導至石屋嵌空可愛進尋水樂洞聲如琴

筑音節天成以路僻人罕知者捨馬上煙霞嶺國

器子禮至中道憚其險余乃與秦之自往至寺亦

憊矣少休秉燭入洞深十二丈上下平澗近城郭

不易得也歸飲淨慈食雞甚美徵事戲為聯句數

十韻如日膳雙月攘一之類語甚工二老堂雜志

謹案周必大年譜紹興二十五年乙亥監行在太平和劑局三十二年壬午除監察御史

南山遊約

張伯雨有春遊南山約手書一卷題至正三年四月

廿二日詞致字法可稱奇品略云鷲峯猿洞眾人

何莫由斯雲石龍泓賢者而後樂此風篁蕭爽憩

德威二老之亭蟬冕輝煌拜元祐諸賢之像豈沙

門不得稱高士而濁醪亦足名賢人盤殮為具酌

必真率會中車騎後時罰依金谷酒數釋大聖淨慈寺志

龍井見聞錄卷九

七

遊龍井烹茶

龍井泉既甘澄石復秀潤流淙從石澗中出泠泠可

愛人僧房爽塏可棲余嘗與石簣道元子公汲泉

烹茶於此石簣因問龍井茶與天池孰佳余謂龍

井亦佳但茶少則水氣不盡茶多則滋味盡出天

池殊不爾大約龍井頭茶雖香尚作草氣天池作

荳氣虎邱作花氣唯非花非木稍類金石氣又

若無氣所以可貴芥茶葉粗大真者每斤至二千

餘錢余覓之數年僅得數兩許近日徽有送松蘿

茶者味在龍井之上天池之下龍井之嶺為風篁

峯為獅子石為一片雲神運石皆可觀秦少游舊

有龍井記文字亦爽健未免酸腐石公集西湖雜記

遊老龍井得茶

辛卯三月二十八晴陰熱不能勝袂甲子與曹林師

兄行出湧金茂吳已先往至老龍井相及茂吳與

閩人莊生者俱得茶數斤以不持卧具別去余與

林兄宿龍井快雪堂集日記

玉岑詩社

西湖八社其一玉岑詩社高麗法相煙霞洞石屋洞

水樂洞龍井碁盤山九谿十八澗諸勝屬焉視時泰等

龍井見聞錄卷九

三

西湖八社詩帖

水漲

弘治三年六月杭州大雨龍井鳳凰兩山水暴漲陳善

杭州府志

謹案魏嶸錢塘縣志係五年傳聞之異

萬曆三十年五月杭州大雨龍井山水出頃刻高四

尺陳善杭州府志

陳剛中

杭州西湖風篁嶺下沙盆塢宋陳剛中墓謫知安遠

歸葬於此余嘗至嶺詢剛中墓榛蕪日甚無有識

者格陰新檢引
竹窗雜錄

張伯雨

元高蹈張伯雨墓在南高峯左麓張號句曲外史吾
郡姚公綬為營脩其墓穹碑在焉余昨到龍井過
其處讀姚文欲尋張埋骨處草樹蒼鬱竟不可得
徘徊太息久之陳季象云曾見李洙山封翁說正
德年間有山民鋤地深數尺遂犯張墓見一人盤
膝坐爪髮俱長偶傷其腦漿忽迸出良久復合其
人驚懼急瘞之墓中有書二冊攜其一出至鄭栗
菴公諱環家鄭願以一金易之其人云當至墓中

龍井見聞錄卷九 三

再取其一至途中忽風雷大作失書所在向以張

風流詩翰欽之不知其有道術也

快雪堂集漫錄

謹案西湖遊覽志地名玉鈎橋在積慶山
而此云龍井可知龍井為諸山通稱也

瑞芝

德玉之先憲高宗家臨安其六世祖茂榮昭慶軍承
宣使生椿年榮州防禦使生待舉恩州防禦使生
好問殿前都指揮使判太醫局生中廣東提刑亦
判醫生壽孫仕元廣平路醫學教授咸葬龍井之
方山其地負金鐘靈石至正二十三年夏四月芝
一本產指揮墓上余因敘之并為詩紀其事

梧谿集題

方德玉先
龍瑞芝卷

孫隆施捨

己亥三月初一晴和昨夕與金小竹約拉宋宇菴為
龍井之行早出湧金門過湖淨慈南庫房訪蓮筠
泉病略愈慧日一脈之為華嚴閣基鼎建之費當
二千金此閣成湖南像法亦宏壯矣到龍井宋金
二君已至龍井賴孫中貴施捨改作一新遊人如
螳頗傷雅道德周上人邀過新起淨室具齋相款
秦冰玉寓此與同追覓龍井正結得之於風篁嶺
為茅氏山左右山俱玲瓏秀巧重重圍抱真佳城

龍井見聞錄卷九 四

也在坐有孫里長即為余治佃湖灘者歸途步看

演福寺址張氏墳後為正結即蒼龍戲子形惜機

緣未便可得耳

快雪堂集日記

謹案快雪堂集自言於萬曆十五年丁亥遊天
目徑山自此以後並有日記至三十三年乙巳
止凡十九年中間三十二年甲辰八月十五日
始落成快雪堂日遊南北兩山故日記中及龍
井者不下十則大抵品茶相地居多今
采其有關者証者分別載之如右餘不錄

演福寺

崇恩演福禪寺在小麥嶺積慶山淳祐八年充惠順
貴妃賈氏攢所賜今額為教院景定三年周漢國
端孝公主祔焉咸淳四年有旨改禪院太傅平章

魏公施資增造五年聖上御書六大字爲扁且益賜平江田爲畝五千除其科役苾蒨來駐多堅苦有梵行咸淳臨安志

演福俗稱南天竺隋開皇中有法師真觀居之元至

元後復爲敎院學徒甚眾號爲敎海至元中燬至

正初重修後有無垢院已併入寺有白蓮華院在

玉几峯側有安養寺本澤雲夢塔院有樓曰夕佳

至正燬惟院與樓存西湖遊覽志

謹案龍井演福互爲興廢其址相去極邇詳錄以備參考三記附見

餘杭徑山錢塘靈隱淨慈宣波天童育王等寺爲禪

龍井見聞錄卷九

五

院五山錢塘中竺湖州道場温州江心金華雙林

宣波雪竇台州國清福州雪峯建康靈谷蘇州萬

壽虎邱爲禪院十刹錢塘上竺下竺温州能仁宣

波白蓮等寺爲敎院五山錢塘集慶演福普福湖

州慈感宣波寶陀紹興湖心蘇州大善北寺松江

延慶建康瓦棺爲敎院十刹七類

謹案宋濂德公塔銘宋季史衛王奏立五山十刹使之拾級而升據郡瑛說知演福在敎院十刹之列宜其傳敎之盛過於龍井已此敎敎院五山止四山有缺

馮夢得寺記恭惟皇上聖性仁孝思皇繼述粵先皇

帝在宥以戊申年六月詔有司備禮葬惠順貴妃

賈氏於積慶山之原蓋是山自天目蜿蜒迤迤清

淑盤礴面金鐘腋龍井並湖諸峯勢若拱揖迺建

寶坊賜名崇恩演福敎寺越十四年壬戌周漢國

端孝公主耐右妃所出也若稽舊刻資薦惠順甚

備惟端孝未果輟賜及是益以吳門田五十畝蠲

其科徭以崇先帝割愛遺育之意始改敎爲禪時

平章魏國公建無量福海簷荀林易丈室而東堂

庶寮位內外煥列命僧可湘主寺事咸淳臨安志

黃潛寺記杭之南山由雷峯訖龍井其間浮屠之居

四十二而傳天台學者惟崇恩演福寺爲最盛寺

龍井見聞錄卷九

六

在小麥嶺積慶山之靈石塢今所謂南天竺也宋

渡江初未有寺嘗斥爲牧地淳祐戊申葬貴妃賈

氏山左建坊錫額命天台宗師圓庵果爲開山率

眾居之尋復給田以充食飲降錢以資土木景定

壬戌葬周漢國公主山右嗣領敎事者初嚴鑑石

庭生並賜紫衣加右鑑議咸淳戊辰賈魏公大發

私帑俾禪僧絕岸增新棟宇至元丁丑燬行宣政

院求能負荷其事者得今才公至正癸未蒞事伊

始僧俗信嚮凡可以致力者無不爲惟是茲山支

於天日至是適當風氣之會清淑所鍾鬱而不洩

岡巒迴復竊然靚深泉甘土肥林木茂邃誠宇宙
間奧壤也才公名必才字大用嗣法於湛堂云文獻
集

謹案黃潛寺記見西湖志
引文獻集今集中不載

徐一夔夕佳樓記演福寺明靜塔院佛海之徒窈其
師爪髮之所院東西二樓夕佳西樓也右瞰澄湖
左挹高峯二麥嶺在其前至正中海慧居茲樓黃
文獻公張外史至輒相攜登樓鬻茶賦詩歐陽文
公元持節過杭造訪海慧爲書夕佳二字而名始

著徐一夔
始豐稿

龍井見聞錄卷九

七

軼聞題後

田汝成西湖遊覽志雜采小說家爲志餘當全
書強半差云美備今以深山荒利遊迹罕到之
境執筆而記者蓋寥寥矣危言剩語亦有他無
可附者依志餘例存之

龍井見聞錄卷九

臣汪孟錫恭纂

餘論

南天竺當屬龍井一路

南天竺之名始見唐陸羽靈隱寺記記文不傳雜見地志所引有南天竺北靈隱之文咸淳臨安志下竺靈山教寺隋開皇十五年僧真觀法師與道安禪師建號南天竺西湖遊覽志襲用其文增一寺字於南天竺之下是下竺為南天竺也然歷考元明以來名流詩文如元成廷珪有過南竺登二老

龍井見聞錄卷十

一

亭詩柳貫有送南竺澄講主詩黃潛有南天竺崇恩寺記云寺在小麥嶺積慶山之靈石塢今所謂南天竺也皆謂龍井一路以是西湖遊覽志演福寺下亦曰俗稱南天竺且繫以法師真觀是龍井演福一路為南天竺也竊思龍井演福在南山一路下竺在北山一路南北雖分而龍井演福當南山之極北下竺當北山之極南其地密邇案魏嶠錢塘縣志天門山在北高峯後為南北兩山之祖上天竺山志天門山在上竺捫壁嶺之上即即北當嶺北擁上竺獅子乳竇諸峯從此東南是為龍井西湖

遊覽志中天竺之對為永清塢永清塢之背即龍井永清塢者乳竇峯之支也亦見聶心湯錢塘縣志然則南天竺者大概上竺以南諸山之通稱不必屬下竺矣且下竺隋慧理法師首先建寺地志甚明而武林舊事於真觀塔下註為下竺開山祖師非是若南山則至真觀始闢高僧傳所載實有開山與創之象其不在下竺可知今錄敘僧首列隋真觀師誠以高僧傳不言下竺咸淳臨安志所載胡宿強至二記俱不言南竺其說惟見咸淳臨安志周密田汝成因之而汝成作志仍以南竺真

龍井見聞錄卷十

二

觀兼繫演福固已顯然及再參之元明以來詩文於是南天竺定屬龍井一帶無疑

宋時寺在嶺背今老龍井即當日龍井

老龍井宋人紀載未聞始見西湖遊覽志咸淳臨安志於龍井稱更上嶺背武林舊事以下並稱在嶺之上而今日龍井僅在山半則昔之龍井非今日之龍井也據秦觀遊記院去龍井一里遊客至壽聖者皆取道井旁而張京元西湖小記井在厓左其說不合兩湖塵談錄因童時所見老龍井辯才塔及小庵不在今寺左右遂疑今寺所在為昔日

井之所在非寺故址此不深考之故也山泉能湫地潛行忽隱忽見卽一風篁嶺左右前後察之水泉不一要皆恃老龍井以源源不竭觀西湖遊覽志敘老龍井卽用咸淳臨安志敘龍井語無所更易安知非今日龍井在昔猶未著上出之功而今日之老龍井正昔日之龍井乎馮夢禎復賜田記龍井有二舊龍井在嶺西辯才退院新龍井則今寺是也尤爲明白可據又詳宋人秦觀程秘周必大所記並先過嶺次至井然後至院則井與院址並在嶺背所以有過嶺越嶺之文其說確不可易

龍井見聞錄卷十

三

滄桑更易固不必專屬伽藍矣魏嶠錢塘縣志天門山側爲獅子峯獅子峯下爲老龍井則老龍井蓋屬獅子峯然龍井遊人罕有至老龍井者

小龍井

今人知有老龍井不知更有小龍井武林舊事南高峯塔小龍井註云井側有龍王祠魏嶠錢塘縣志南高峯塔下有小龍井據咸淳臨安志龍王祠在榮國寺後鉢盂潭未有此名要其去龍井則遠矣

徑山龍井

世傳龍井水可洗眼案東坡集徑山詩問龍乞水歸

洗眼欲看細字終殘年自註龍井水洗病眼有效乃徑山龍井也集中又有次韻楊次公惠徑山龍井水詩

浙江龍井不一

龍之神靈能屈能伸往往託迹幽隱凡稱龍潭龍湫龍池龍井職此之故龍井亦名龍泓咸淳臨安志載王隨寄慈雲詩丹井經臺接巖洞或曰龍井卽壽聖院龍井非也知當時龍井之名已專屬靈隱矣龍泓之外案咸淳臨安志方家峪寶藏庵有古井俗名烏龍井西湖遊覽志令泉峪有龍王井及

龍井見聞錄卷十

四

南高峯塔下小龍井又咸淳臨安志鹽官縣有烏龍井新城縣有折桂鄉龍井昌化縣凡邑禱祈處在龍井院者名龍湫在龍興寺者名龍潭在峒坑山大鵝頭山者名龍湫而昌化之院紹興中亦賜廣福額又案浙江通志紹興府餘姚縣龍泉山有龍泉宋高祖飲之甘取十甕以去考東坡集送劉寺丞詩餘姚古縣亦何有龍井白泉甘勝乳疑卽指此又台州府巾子山有龍井葛谿山有龍湫明陶望齡遊五泄詩諸暨縣五泄有二龍井一黑龍井一白龍井又浙江通志宣波府鄞縣有龍井七

金華府金華縣有龍井處州府龍泉縣九滌有龍井九浙稱澤國而祈請雨澤所恃在龍無怪比比皆是惟杭郡雨暘自宋以來多請之天竺觀音東坡集祈雨文甚多可見故雖有龍井而不甚著

葛洪鍊丹處不足信

胡承謀湖州府志引吳興掌故葛洪鍊丹處天下凡十三今案咸淳臨安志靈隱龍泓洞葛仙於此得道又有葛嶺葛塢天竺山丹井治平寺雙井西湖遊覽志智果寺葛井上方下圓陳善杭州府志有葛谿聶心湯錢塘縣志翁家山有葛井水樂洞後

龍井見聞錄卷十

五

有丹井並以洪著兼風篁龍井是錢塘已居其十又案咸淳臨安志臨安縣九仙山新城縣寶勝院亦以洪著新城又別有丹井又案浙江通志宣波府定海縣葛仙峯在金塘山有丹井上虞縣龍頭山有洪坐石西莊山有洗藥谿金華府金華縣葛公山一名葛仙峯三峯山有鍊丹所義烏縣有鍊丹石紹興府會稽縣有諸葛山又有葛仙巖丹井湖州府烏程縣有葛仙山並以洪著是在浙江所屬又居其十四又陳善杭州府志昌化縣有武隆山丹井海鹽縣有紫薇山丹井他如江南丹徒之

丹井江西袁州之洪陽洞贛州府興國縣之洗藥池廣東惠州之蓬萊閣載之地志不可悉數而湖州府志謂烏程居其一殆不然也竊詳本傳洪丹陽句容人生平僑寓廣州最久得仙亦在羅浮僅一至吳興一至洛陽仕於金陵如此而已何緣浙東西棲隱之所至二十餘處耶或謂此皆得仙後隨處顯著靈蹟則不可得而知矣

封篁

咸淳臨安志辯才泮治脩篁怪石風韻蕭爽名曰風篁而快雪堂集概作封篁初非寫刻之誤未詳

龍井見聞錄卷十

六

與龍井聯屬諸山水寺院

赤山北連麥嶺東接湖濱下爲赤山步有惠因寺卽高麗寺寺側有澗秦觀遊記濯足於惠因澗是也案西湖遊覽志澗出自赤山經寺前以入湖陳善杭州府志又有筍箕泉在赤山之陰流出合於惠因澗其北爲法相寺卽長耳相寺周必大記遊午飯後過長耳相院是也其西靈光庵有靈光泉見咸淳臨安志西湖遊覽志謂之錫杖泉六通寺在長耳巷更北爲大麥嶺咸淳臨安志嶺與步司左軍寨相連路通放馬場西湖遊覽志又有小麥嶺

西支徑通大麥嶺則咸淳臨安志所無也嶺有積慶教忠寺旌德顯慶寺慶安院咸淳臨安志積慶寺有君子泉天一泉慶安院卽水陸庵充旌德驛院又大麥嶺山後有花家山三賢堂後相對亦見咸淳臨安志更北爲靈石山卽積慶山有靈石寺崇報顯慶院崇因報德院咸淳臨安志山在西山放馬場側而靈石山靈石塢靈石凡三見可爲複冗又崇報院在放馬場卽舊棲真院獨不著崇因惟歲寒泉下云在龍井山崇因院武林舊事靈石山崇因報德院有靈石泉又名歲寒泉西湖遊覽

龍井見聞錄卷十 七

志繫院於雞籠山側足補咸淳臨安志之闕廟一靈應廟祀宋蔣通在小麥嶺下飲馬橋邊見夏時正杭州府志道觀一太清宮咸淳臨安志所謂在履泰鄉龍井山路者也靈隱觀據武林舊事改仁壽院矣以上寺觀惠因法相而外西湖志並云久圯又法空寺咸淳臨安志不言何地西湖志繫麥嶺亦云久圯

九谿十八澗通江不滙龍井

九谿咸淳臨安志云在赤山煙霞嶺西南通徐村出大江北達龍井十八澗咸淳臨安志云在龍井之

西步司左軍寨後路通龍井西湖遊覽志在龍井西路通六和塔李賢等明一統志云在龍井山西東出錢塘江所謂達龍井通龍井者謂循谿而行有路可至龍井非谿澗之水與龍井滙也西湖遊覽志又云龍井之南爲九谿其西爲十八澗蓋亦指路而言

三獅子峯複一

龍井獅子峯以辯才十詠存之此峯極峻四望皆見在天竺乳竇峯之右以是靈竺諸志亦皆采列然志西湖者不可以此爲例西湖遊覽志於南北兩

龍井見聞錄卷十 八

山並列獅子峯西湖志從之複矣又魏嶺錢塘縣志獅子峯在寶石山以形似名繫北山則非此獅子峯也故今西湖志有三獅子峯

三茯苓泉誤

南泉噴月泉僧錄泉本在淨林廣福院茯苓泉本在無垢院西湖志山水以噴月泉僧錄泉繫暗竹園以南泉茯苓泉繫廣福寺似未知暗竹園之卽爲廣福寺者雖淨林無垢後皆爲廣福寺要已參錯不倫而前此鷄雞峯下又據魏嶺錢塘縣志列無垢院之茯苓泉是一而爲二矣後此北山路又據

西湖遊覽志列靈隱後山之茯苓泉是又一而爲三矣北山之誤沿西湖遊覽志之舊案武林舊事無垢院舊在石人嶺慶元中韓平原移寺於此故後來修靈隱寺者並載無垢院不詳更改之由宜其誤也石人嶺咸淳臨安志在靈隱寺西武林舊事無垢院次演福寺之上西湖遊覽志亦繫之風篁嶺畔今西湖志從之可見

兩君子泉

南山積慶教忠寺有君子泉北山定業院亦有君子泉見武林舊事案兩湖塵談錄鳳林寺有乳泉石

龍井見聞錄卷十

九

上刻君子泉鳳林本宋喜鵲寺寺與院俱烏窠禪師道場當時二地相去不遠意者年歲既久其一已亡故指院以爲寺與

兩噴月泉

南山廣福院有噴月泉六和塔亦有噴月泉見西湖遊覽志

一地兩名

地志諸書訛復不可枚數咸淳臨安志無垢院之鷓鴣巖卽鷓鴣峯西湖志亦名了髻峯咸淳臨安志之靈石塢卽靈石山魏嶼錢塘縣志之鉢泉卽武

林梵志之鉢池庵聶心湯錢塘縣志之金沙泉卽天馬山之金沙井趙抃詩之龍泓亭卽元淨詩之龍井亭武林舊事之飲馬橋卽咸淳臨安志之永福橋咸淳臨安志之德威亭卽過谿亭武林舊事之寂照閣卽咸淳臨安志之寂室照閣魏嶼錢塘縣志之鏡心堂卽武林舊事之鏡清堂魏嶼錢塘縣志之浣沙池卽西湖遊覽志之浣花池或舛易其名或兩名並列良以書成非出一手遂致傳疑茲錄類多削而不登附辨於此

寺名先後重出

龍井見聞錄卷十

十

龍井寺宋淳祐六年改延恩衍慶額其名壽聖者在衍慶之前并在廣福之前其實卽此寺也魏嶼錢塘縣志列龍井寺於寺觀列壽聖院於古蹟西湖志南山路列衍慶院於衍慶下又列壽聖院俱複誤與西湖遊覽志麥嶺列淨林廣福院風篁嶺亦列淨林廣福院正同

龍井演福爲一

宋元以來龍井演福並嘗被燬然演福屢興而龍井無聞焉觀林右志敘荒涼在目演福盛則龍井衰以是名流詩文多演福僧而及其紀遊則直以龍

井之名加之演福大抵龍井寺址與演福木相鄰並又或元明之交併歸演福若所謂下院子院者亦未可定如僧澄湛堂住演福見黃潛寺記又見宋濂圓照若公塔銘而虞集龍井詩有澄公愛客至句則又似當爲龍井僧又王逢遊龍井詩爲曦上人作而跋遊龍井卷亦以曦爲湛堂孫裔蓋無分彼此也田汝成作西湖遊覽志時演福久廢西湖志亦云燬於元末其址咸淳臨安志謂在小麥嶺積慶山而西湖遊覽志附之風篁嶺畔今西湖志從西湖遊覽志疑亦約略之詞案馮夢禎日記

龍井見聞錄卷十

十一

頗多道演福寺者亦不言舊址何所然則明末當尙有知者

他寺併歸演福亦稱龍井

不獨演福也他寺亦有焉如淨林廣福院咸淳臨安志不言所在而下有主僧可全語附姜白石四詩詩題有全老又有銛樸翁聰自聞二僧其爲淨林之僧何疑而蘇籀有龍井僧全一詩中歷敘辯才淨白聞聰以及全則亦爲龍井僧考其實蓋淨林廣福院後爲演福寺而淨林廣福遂廢具載武林舊事及西湖遊覽志演福以龍井著而併歸演福

之淨林廣福院亦以龍井著矣又考程秘遊記月林辯才所廬今爲廣福寺廣福乃衍慶以前額証以西湖遊覽志知後來復爲廣福寺然則其始也衍慶爲廣福其繼也衍慶廣福並歸演福此亦衍慶衰而演福盛之一証也他若咸淳臨安志之無垢院亦不言所在而武林舊事亦云後爲演福寺遂廢西湖遊覽志云與廣福院俱併爲廣福寺武林舊事之劉庵註云今歸龍井寺武林舊事之白蓮院北礪集白蓮院翻蓋法堂榜註云在風篁嶺下程秘遊記云傍佛舍獨白蓮爲近俱此淨林廣

龍井見聞錄卷十

十二

福院無垢院白蓮院與武林梵志之鉢池庵歷來地志並云在風篁嶺又靈隱西無垢院半山古松婆娑下有甘泉見咸淳臨安志武林舊事松下有茯苓因名茯苓泉魏嶮錢塘縣志院在鷓鴣峯下淨林廣福院有南泉噴月僧錄二泉在南山暗竹園廣福院咸淳臨安志寺下泉下互見西湖遊覽志則云噴月僧錄二泉在淨林廣福院暗竹園下是皆考龍井故實者所當知也

普澤院

宋孫沔有龍井普澤院仁法師行業記惟見魏嶮錢

塘縣志據咸淳臨安志嘉會門龍山六和塔沿江一路有普澤院舊名靈源治平改額似不得屬之龍井疑當時以普澤爲龍井之下院如武林舊事劉庵併入龍井又如快雪堂集海寧三十二都有龍井田之類

演福僧

演福與龍井爲一此以寺言也僧則不在此例見咸淳臨安志者一堂僧紹祖環薪自焚見馮夢得寺記者一僧可湘主寺事見黃潛寺記者二淳祐戊申天台圓庵果開山才公名必才字大用嗣法於

龍井見聞錄卷十

十三

湛堂至元丁丑住山見徐一夔夕佳樓記者一至正中佛海弟子海慧與王文獻張外史交海慧卽繼絕宗亦見宋濂學士集見宋濂學士集卷十圓照若方巖則愛山靜玉岡蒙潤天岸唐大山仲歸替菴顯示東溟慧日良謹如玘或住演福或爲上座玘亦見一夔詩見西湖遊覽志者二元僧清古源澤雲夢疊主寺事見上天竺山志者一我庵本無見湛堂於演福今錄所列非繫然龍井僧不入附此備考亦因以見元明間演福徒眾之盛

禪教互易

上天竺靈感觀音院至元淨始以教易禪龍井爲教寺以此演福初建實爲教寺越十四年易教爲禪馮夢得寺記可考而據西湖遊覽志則元至元中復爲教院

魏嶸錢塘縣志外復

魏嶸錢塘縣志成於康熙五十七年其書外復極多不可勝舉卽以龍井論山川門列龍泓龍泓下列歸隱橋寂室照閣閒堂訥齋潮音堂秋月堂滌心沼鏡心堂薩埵石諸天閣方圓庵諸勝蹟而寺觀門列龍井寺寺下又復列諸名又去秋月堂鏡心

龍井見聞錄卷十

十四

堂增鉢池庵辟塵爐片雲亭與時亭古蹟門列壽聖院院下又復列諸名又去寺觀門之鉢池庵與時亭增三賢祠神運石插劔池浣沙池浴麟池與眾亭至諸天閣本出武林舊事今於龍井旣已三見而於演福寺下又見諸天閣又秦觀遊記題名鄭清之跋題名山川寺觀兩載全文一何重複外謬至此

夢梁錄因襲

吳自牧夢梁錄二十卷向少足本近多有之其所載山谷谿井寺塔坊橋之類大概抄錄咸淳臨安志

原文毫無增益刪潤每段末自註云依咸淳志敘之殊爲不解卽如咸淳臨安志噴月泉在南山暗竹園廣福院僧錄泉在南山暗竹園福聖院暗竹園無兩院福聖乃廣福此咸淳臨安志刻字之誤而夢梁錄亦依之不改仍作福聖其他可知也西湖遊覽志亦作福聖誤同而朱存理朱彝尊極稱其書殆未深考

詩文編錄之誤

蘇轍訥齋記見欒城集而咸淳臨安志誤作蘇軾西湖志及上天竺山志從之楊傑院記陳善杭州府

龍井見聞錄卷十

五

志誤稱爲訥齋記又傑訥齋寂室照閣三詩魏嶠錢塘縣志誤以爲趙抃詩又傑風篁嶺詩誤以爲楊蟠詩至我

聖祖仁皇帝五巡浙西未至龍井魏嶠錢塘縣志卷首

天章一卷稱龍井

御書一聯云禪心澄水月法鼓聚魚龍謹案西湖志雲林寺

載康熙三十八年

聖駕再幸

御題一聯正此十字疑當時住持僧人後來或有退院歸龍

井摹刻以往遂傳本寺魏嶠不知載入雲林寺而

繫之龍井極爲疎略是皆不可不辨

趙抃詩不見本集

趙抃龍泓亭詩并敘見咸淳臨安志其事當時縉俗咸樂稱道之然今清獻集不載而西湖志云見清獻辭才諸集非也

元淨著述

陳起聖宋高僧詩選四十三人續選十九人陳世隆宋詩補遺三十二人不錄元淨詩續文獻通考釋老門元淨在名釋傳不與道潛同在詩僧傳知不以文詞見也元淨詩見咸淳臨安志及上天竺山

龍井見聞錄卷十

六

志者五古一首七律二首五絕十首七絕二首文則心師銘一首又上天竺山志詩散句十七字更無遺者圓事理說見塔碑及釋傳燈天台山方外志魏嶠錢塘縣志經籍有釋元淨字無象著辯才集今亦不傳疑不必果有其書

元淨詩入蘇軾集

上天竺山志元淨有次韻參寥子寄秦少游三絕時少游舉進士不得蓋道潛原倡秦觀亦有次韻而施元之註蘇詩以元淨詩繫蘇軾莫可考然詳詩格知非蘇也詩云秦郎文字固超然漢武憑虛意

欲仙底事秋來不得解定中試爲問諸天一尾追
風抹萬蹄崑崙元圃謂朝躋回看世上無伯樂卻
道鹽車勝月題得失秋毫久已明不須聞此氣崢
嶸何妨卻伴參寥子無數新詩咳唾成道潛參寥
子集彭門書事寄少游三首云我思君處君思我
此語由來自謫仙欲借野人傳紙尾詩憑新鴈寄
遼天戲馬臺邊駐馬蹄迴廊曲院總攀躋秦郎前
日曾來否試拂凝塵覓舊題百尺黃樓拂杳冥樓
前風物極崢嶸東州詞客渾爭詠獨怪相如賦未
成秦觀淮海集次韻參寥云武林漁子入花源但

龍井見聞錄卷十

七

見秦人不得仙會有黃鸝鳴翠柳何妨白眼望青
天長安仕路與雲齊倦僕羸驂不可躋但得元暉
曾折簡何妨平子更安題且折花枝醉復醒人間
時節易崢嶸大瓠肯自羞無用畫虎從人笑不成

元淨詩誤入蘇軾集

元淨次韻參寥四照閣七律一首蘇軾嘗書之而跋
其後其跋見元淨外傳今刻本猶列元淨詩於跋
前馮景蘇詩續補遺以此詩爲軾作此因軾書而
誤者也

名媛詩

西湖志用西湖遊覽志香奩一卷錄閨秀詩一卷遊
龍井者得二人焉張瓊如字赤玉杭州人龍井七
律一首縹緲旛幢綠樹低山門斜路夕陽西古壇
危磴千層嶂細路遙通九曲谿松際谷聲清磬合
竹間雲氣小樓迷禪心已與塵緣斷不礙孤猿午
夜啼見名媛詩歸徐媛字小淑姑蘇人遊龍井殢
雨漫成七絕三首玉液泠泠走碧沙芳池碎璧散
冰霞花深古徑啼鶯澀黛溼雲寒染露華珊瑚奇
樹亂棲鴉龍窟遊鱗嬉淺沙繚繞青莎浮幾點憑
流怪石似靈槎細霧輕煙小徑斜半空寒雨洗亭

龍井見聞錄卷十

六

花山厨不作伊蒲饌拾得松丸自煮茶見林下詞
選

婦人中官附著

今錄旣以祠墓諸賢繫人物惟婦人中官別無可附
婦人可考者三一吳越王妃仰氏咸淳臨安志在
龍井放馬場案十國春秋仰氏湖州人父仁詮以
牙將事文穆王有功績官至宣國軍節度使天福
八年忠獻王納爲元妃一宋劉婉容攢所武林舊
事劉庵孝宗朝劉婉容攢所今歸龍井寺案宋史
有劉婉儀傳無劉婉容傳婉儀傳稱婉儀與婉容

俱高宗妃同被寵此云孝宗疑誤一宋主簿關君妻曾氏曾鞏撰表云在錢塘縣履泰鄉龍井之原表見元豐類藁中官可考者一明德西湖遊覽志德高麗人幼警悟讀書一目下數行洪武間黎王以獻高皇喜之俛事左右歷事五朝頗著勞績鎮守兩浙卒教葬風篁嶺下又稱正統中嘗駐龍井云

三賢祠塑像

龍井故有元淨畫像見蘇軾書贈劉浙僧程瑛遊記則增范仲淹蘇軾蘇轍道潛凡五人張雨詩則增

龍井見聞錄卷十 充

胡則趙抃秦觀而無仲淹凡七人而敖陶孫臞翁詩集註云龍井寺有辯才師趙清獻蘇文忠塑像疑卽三賢祠中所祀也

海棠

元淨海棠見咸淳臨安志塔前有海棠二株乃師手植是也蘇軾海棠見二老堂雜志寺有海棠一株蘇公手植是也

顯應廟有二

顯應廟祀宋胡則案咸淳臨安志府治又有顯應廟乃淨因寺土地也

於潛三賢祠

西湖有兩三賢堂既載入軼聞矣案趙之珩於潛縣志亦有三賢祠祀蘇軾及於潛令刁璣毛國華刁毛有德政蘇軾倅杭行縣至潛皆爲賦詩東坡集於潛令刁同年野翁亭詩有云我來觀政問風謠皆云吠犬足生鶯捕蝗至潛戲令毛國華詩有云羨君封境稻如雲自識人人不識君其人之賢可知

兩元淨

兩辯才已見軼聞案上天竺山志元皇慶二年住持

龍井見聞錄卷十 干

竹屋元淨是又有兩元淨也

四辯才

宋高僧傳明律篇唐朔方龍興寺辯才姓李氏襄陽人是又有三辯才也東坡集有龜山辯才師七古又有潁川龜山長老四書王註龜山在泗州盱眙縣同時又有一辯才是有四辯才也案馬汝礪盱眙縣志龜山有二一在縣西南名上龜山一在縣東北臨淮河而仙釋止載宋二僧自性廣辯豈卽此辯才耶東坡集海月碑海月名慧辯又有南華辯公住曹谿亦稱重辯長老又釋氏稽古略有南

山法師慧才皆同時人續文獻通考有泗州山水
陸院曉津禪師臨濟宗

蘇軾戲問辯才師墨蹟

蘇軾問辯才法師復歸上天竺以詩戲問真蹟舊藏
海寧某翰林家有南宋緝熙殿印及元虞集草書
跋翰林後彫落鬻歸他姓今不知輾轉何所矣

辟塵爐不藏龍井

西湖遊覽志六通律寺有辟塵爐非木非石叩之鏗
然纖塵不染魏嶼錢塘縣志既載入六通而於古
蹟復次入龍井名勝之列殊屬不倫其誤則不待

龍井見聞錄卷十

三

考也

入山之路

西湖泊舟入山之所類稱曰步其一茆家步見咸淳
臨安志丁家山橋下武林舊事茆家步繫大麥嶺
下輟耕錄作毛家步今作茆家步西湖遊覽志花
家山瀕湖而登爲茆家步陳善杭州府志在飲馬
橋北其一赤山步見西湖遊覽志赤山由湖而陟
此者近定香橋爲赤山步陳善杭州府志在赤山
路口其一則見陳善杭州府志在茅家步北且稱
俗皆曰埠又武林舊事第六橋通歐家步港當在

棲霞嶺下然不著陳善杭州府志亦無之此上三
步則入山所必經矣凡遊者航湖登陸以至龍井
有赤山步茅家步二道而赤山步又有二道一由
支徑過小麥嶺飲馬橋與茅家步路會蓋自東而
西折而西北不經大麥嶺積慶山一則經大麥嶺
積慶山如卷一田汝成所記則亦自東而西又折
而北然後迤西北行茅家步路過九里松臙脰嶺
則先自北而南然後自東南迤西北行與赤山支
徑會當其未西北行稍折而北則至天竺路也由
赤山步爲南山由茆家步爲北山入山之路大略

龍井見聞錄卷十

三

如此考昔人紀秦觀則云出雷峯度南屏濯足惠
因澗入靈石塢得支徑上風篁嶺周必大則云出
暗門上風篁嶺午飯後過長耳相院由支徑至石
屋水樂洞上煙霞嶺歸休淨慈程秘則云出清波
門經淨慈寺過白蓮院上風篁嶺正皆赤山步路
然諸賢不由北山而南山且不由南山赤山埠入
而必經南屏淨慈者蓋因出清波門陸行不及航
湖若秦觀則既航湖矣又因過南山約道潛同行
是以亦由此路要之北山茆家步大路也較赤山
爲近此路當日已有特遊者偶無記述耳如馮夢

禎厯龍井還孤山詩則必由茅家步出入無疑也然周必大既至嶺寺又稱午飯後過長耳相院則當其入山初未經法相分赤山大路必經法相而與茅家步會之支徑則不經法相又知必大亦由今赤山支徑至嶺也然此支徑又非秦觀所由之支徑蓋秦觀既入靈石塢然後得之此則不經靈石靈石卽積慶也昔人遊厯台之於今大略如此若乃寺門之外亦有二道一過東北則南北兩山入寺大路一稍南益上至風篁嶺嶺自巔南下近江矣此路中間未及嶺顛過寺右新舊小門不一

龍井見聞錄卷十

三

里又分一路繞今寺牆外迤西北其路在嶺巔經楊梅塢抵天竺極崎嶇今土人謂之新開路疑天門獅子峯在焉又今由茆家步入山未至寺門嶺東又有一路從此而南則爲翁家山煙霞嶺石屋諸勝此正周必大到寺以後出山之支徑矣蓋大路此外其近嶺旁達支徑可知者又如此

餘論題後

一卷之書不勝異議志家爲甚何則其地滄海成田則今昔遷改其書成不一手則彼此參差考其異同得失而論述之匪以云辯也蓋或庶

幾思者千慮之一得

龍井見聞錄卷十

龍井見聞錄卷十

四

跋

臣孟錫草莽微末知聞短淺於乾隆十五年叨與本省鄉解十六年辛未二十二年丁丑兩逢皇上巡幸兩浙臣以計偕春官不獲隨士民後恭迎聖駕泊居里肄業備聞我皇上恭奉

天安由江入浙童叟扶攜謠頌載路於時

大澤溥洋與江海俱長

溫言稠疊視家人父子加暱臣每以未得與觀聽自憾二十六年

龍井見聞錄卷十跋

美

皇上軫念南民

特諭二十七年正月三舉南巡典禮浙之士民忭舞騰躍而臣以初未與觀聽之列今得仰覩

天顏欣喜尤倍伏聞

補助之餘不廢瞻眺惟浙江杭州龍井者以龍神著稱其地山水幽邃在宋為壽聖院經高僧元淨住持交遊名賢如趙抃蘇軾輩風流照映於今未泯守土臣工躬率居民訪稽勝蹟冀留

宸賞臣竊考元僧以仁撰龍井志林右敘之志久失傳故實遺闕臣因詳覈地志旁及諸家編輯龍

井見聞錄十卷敬謹繕寫進呈

御覽自今以往

天章炳煥泉石增光萬一

敕修寺志臣書雖猶淺褊略或得比於小說家之雜識叢編聊備採擇則臣之榮幸實甚浙江嘉興府秀水縣舉人揀選知縣臣汪孟錫恭跋

龍井見聞錄卷十跋

美

附宋僧元淨外傳卷目

卷上

於潛出家之所

杭州曾經住持之所

流寓

教祖

本師

禪友

弟子

繼起之僧

龍井見聞錄附傳目

龍井法嗣

上天竺法嗣

卷下

眞贊

東坡集尺牘

道俗依仰

辯博

誦咒祛邪

書拒左道

緣契

問答

寄題龍井題名

元淨詩

著文

塔銘未刻石

復書龍井題名後

題名書後不入石

蘇軾乞塔銘

蘇軾致茶果

蘇軾紀夢

龍井見聞錄附傳目

遺像

郡紳平塔

龍井得歛視

手植山茶

嶺塢皆名蘇子

附宋僧元淨外傳

汪孟錫恭纂

卷上

於潛出家之所

於潛縣西菩山明智寺

咸淳臨安志明智寺在縣西十八里波亭鄉初山之西有光巨天現菩薩像僧道志立茅廬其下元祐間因建佛殿遂名西菩寺治平二年改今額熙寧七年八月蘇文忠公同毛君寶方君武訪參寥辯才遂留西菩山留題建炎間重修秦少游之子

龍井見聞錄附傳上

一

湛為記有清涼池明月池雙峯堂滌軒賢秀軒西資閣見山亭又秦湛寺記略云於潛之西菩有光屬天現菩薩像其時僧道志茅廬其下遂聚邑人之錢而廟佛焉號西菩寺實唐天祐中也本朝改曰明智今謂其山猶曰西菩辯才既從此山行道吳越山中之徒思踵其武踴躍精進云云明智以有道者之故棲學佛者望之如仲尼之徒於闕里其氣象景物又蓋境內自於潛十有三里至山之麓未及之五里上松旁澗與道委蛇仰可以蔭俯可以鑑循環曲折乃得平直兩峯屹然如立長人

如獲居迎來五老九華未易伯仲泉湧西巖之址盛暑常寒筒引錯落遍於百室是以居者忘出遊者忘歸云云自有此寺已數百年土殖木壤風雨入室像設不嚴威儀不成雙峯既歸未嘗有求邑之富於力者相率施所有寺為之一新云云余先人與辯才善余兒時先人對辯才語必令旁侍其高世之論至今能記一一而辯才物故前先人十年今龍井天竺間雲容山色或誨人愁其能念先人乎余每見來自吳越者未嘗不問辯才門人何如故聞雙峯之名久矣杜門錫山之下一旦蒼頭

龍井見聞錄附傳上

二

告余曰門有道人吳語而文亟出見之乃常樂性禪師也謂明智重葺欲余為記且曰先太史常為辯才記龍井今記明智非子可乎余不敢辭雖然雞鳳異調大方之家豈不笑我

蓮案秦觀為元淨作龍井記而其子又為常樂作明智記亦宗門嘉話也咸淳臨安志載記文本係節錄今從之又釋居簡有西菩造五鳳樓疏註云辯才參寥受業寺則參寥亦出家西菩矣蘇軾有遊西菩寺詩王註於潛圖經毛君寶同遊西菩山明同遊西菩山明智院石刻存焉

杭州曾經住持之所

上天竺靈感觀音院

咸淳臨安志嘉祐末守沈禮部文通以爲天竺起於司馬晉時逾七百載而觀音發迹西峯甫及百年遂分爲二所謂上天竺也大士以聲音爲佛事非禪那所居卽謝去住持智月以辯才法師元淨爲其主仍請於朝以教易禪賜名靈感觀音院時曾魯公公亮爲相實獎其事既而蔡端明襄出守魯公以錢十萬爲扁委蔡公爲書之蓋魯公慶厯間道杭同行僧元達至天竺瞻禮途中見衣素婦人謂達曰上座同曾舍人來耶舍人五十七入中書語訖無所見已而如其言事具石刻元淨乃益

龍井見聞錄附傳上 三

鑿山闢地增廣殿宇魯公又以經五千二百三十卷遺元淨西廡爲藏

又肅儀亭辯才建蔡襄名

謹案蔡襄名者爲肅儀上天竺山志云郡守蔡襄有銘不存蓋誤以名爲銘

上天竺山志山門橋在上竺山門外中竺天正殿前橋右宋時辯才重建雪坡亭東坡訪辯才法師適雪霽構亭厓下以紀其勝夜講臺治平中辯才淨法師演說無倦嘗謂鬼神少威德則不敢隨眾晝聽乃爲夜分講經故名莫考厥初至辯才更建又李綱上天竺天台教寺十六觀堂碑曰辯才淨

法師於嘉祐熙寧間兩住本山兼統禪講二教律三宗賜詩褒美東宮復書歸隱之額聽其退居興福

謹案碑文千言然不載李綱梁谿集賜詩書額惜他無可証所謂歸隱豈卽歸隱橋之謂耶興福字誤

陳善杭州府志治平中元淨益鑿前山闢地二十有五尋殿皆重檐

大悲寶閣院

見蘇轍辯才碑詳卷八

下天竺

龍井見聞錄附傳上 四

佛祖通載元豐二年謝去天竺居龍井六年居南屏明年復歸龍井時靈山虛席師以慈雲師祖道場俯就眾請及月餘定中見金甲神跪前曰師於此無緣不宜久住旣受冥告遂還龍井

南屏興教寺

見楊傑院記詳卷二

謹案楊傑院初住錢塘法惠院之寶閣蓋卽大悲寶閣院而咸淳臨安志不載法惠院大悲寶閣院名案淮海集有法慧院記東坡集有法慧院詩正此院也據佛祖通載又知元淨之住下竺最淺云

流寓

秀州真如寺

佛祖通載杭守祖無擇坐獄樵李師以鑄鐘例被
追辯幸得釋寓止真如蘭若

教祖

天台智者大師

姚鉉唐文粹梁肅天台智者大師碑
師得道之所長安大比邱然公昭大
遺烈以學門人安大比邱然公昭大
其先顯川陳氏世大比邱然公昭大
別傳昔如來乘一世界因緣華容感
華嚴肇開至雙林高會無小大歸佛
雄示滅學路別派世諸外道乃說智
士病之乃用權略師諸外道乃說智
微言東流我惠大文禪師當得之由
門以授南嶽思大師當得之由簡密

龍井見聞錄附傳

上五

不能廣被而

空存諸宗扇惑方夏及大師受之於是開止觀法
門其教大略即身而指定慧即言說而詮深
心離化城示滅茲山是歲隋開皇十七年也
號時謂頂有威德人纂其言行於後世曰章
元珠相付高議遠超悟辯已達凡祖師之教
以崇德引而感不可悉數之達凡祖師之教
見蘇轍辯才碑辯才曰吾祖智者聖人也詳卷八
又見海月碑銘詳卷下

釋氏稽古略天聖四年始詔天台教師入大藏流
行天竺僧思悟焚身日觀庵前用報佛恩
學士集天竺圓照若公塔銘天台一宗自法智尊

者之後分爲廣智神照南屏三家而南屏最盛

謹案肅又有天台法門議止觀統例各一篇載
唐文粹上天竺山志亦列教觀一門知天竺住
持概宗天台智者蘇轍碑稱元淨因講摩訶止
觀悟道是也又傳燈指月等書俱稱智者爲應
曰聖賢人故

本師

法雨

見蘇轍辯才碑詳卷八

遵式

咸淳臨安志遵式本姓葉字知白其母始乞靈
嘔血兩足皮裂願力堅固以著儀行世號慈
雲二主天聖中滅度弟子百餘人學徒千數崇
之力量侍郎王古述其行事紹興三十年旨賜號曰

龍井見聞錄附傳

上六

懺主禪慧大法
師塔名瑞光

見蘇轍辯才碑詳卷八

西湖高僧事略師台州宣海人母夢曉明珠而生
出家於東掖山傳天台教於寶雲通未幾繼其席
祥符八年刺史薛公請居靈山天竺寺王文穆出
守重師之道奏復天竺名尋賜慈雲號依經撰集
諸懺法盛行於世常行三昧以九十日爲期感應
非一凡爲法祈禱必燃指惟存三焉天聖九年歸
東嶺草堂明年示寂累謚法寶禪慧溥祐八年其
徒明禪禱晴獲應加謚聖應溥祐十一年復應加

證正覺

咸淳臨安志下竺靈山教寺理宗宸翰八其五曰
瑞光之塔曰靈應大法師曰靈應正覺大法師曰
靈應正覺應濟大法師曰靈應正覺廣濟普照大
法師

謹案此皆慈雲身後賜額

又有慈雲禪師真贊及行業記

又胡宿下竺寺記祥符中州人聯牒叢叩府下請
大士遵式領其眾演天台教觀式公辯博明解遠
近向慕智者之學自是益振天禧初文穆王冀公

龍井見聞錄附傳上 七

臨州一見加禮為奏復天竺舊額遞承可報冀公
親題其榜筆力殊勁且有敕旨許作十方講院主
持還朝又表其高行賜號慈雲仍施錢萬緡為營
佛殿侍郎胡公繼典是郡又捐已俸於是哀合眾
施凡百十餘區又造旃檀觀音像置三昧堂中慈
相穆如智者之遺法也初寺有楹枯至是柯葉復
茂眾目之曰重榮楹乃蘭若中興之兆

又強至寺記王冀公呼主藏者取緡若百萬俾新
殿宇

謹案咸淳臨安志師證靈應則西湖高僧事略以爲聖應非也然正覺之後又加廣濟普照亦

祖韶

失之又佛祖通載敘孤山國智法師事有云王欽若出使錢塘慈雲遺使邀園同遊之園天謂和靖集有送慈雲師謁王相國詩

見蘇轍辯才碑詳卷八

咸淳臨安志胡宿寺記慈雲告老庵於東嶺傳寺
事於明智大師祖韶韶公亦宿植德本密資覺力
延棲海眾晏坐道場二紀有餘百事無曠
又強至寺記慈雲夏臘高樂退巖屋傳其事於門
人高弟明智祖韶孤標獨行克遵師業建教藏院
以聚本經禮也建延壽院以養病孤仁也建冀公

龍井見聞錄附傳上 八

祠宇不忘外護義也建慈雲真堂不忘先稟孝也
是四善皆釋子之難能者而明智兼有焉明道歲
王人左藏黃副使元吉將命過杭得師歡甚因還
侍上懇求御書願賜為叢林榮皇祐改元始賜飛
白字凡六軸

謹案二記皆爲祖韶作遵式祖韶俱未住上竺晁公遡嵩山居士集有明智法師碑姓陳氏名中玄明州鄞人常折高麗僧談辯此又一明智也

禪友

道潛

咸淳臨安志道潛於潛浮谿村人本姓何字參寥幼不茹葷以童子誦法華經度爲比丘於內蘇軾爲寫而刻諸石軾守錢塘卜智果精舍居之

軾南遷道潛欲轉海望之試以書戒止當路亦摺
其詩語謂有譏刺得非返初服建中靖國初晉肇
言其非辜詔復視髮崇宣末歸老西湖其法孫穎
川其詩集行世又道潛嘗賜號妙總大師墨莊漫
錄本名曇潛子

了元 又十國春秋吳越時別有一道僧
陳善杭州府志佛印浮梁縣人
俗姓林性穎異禪印不茹葷三
篇稍長從師通經義因讀佛印
然有悟遂從師通經義因讀佛印
志不載元臨安宗賜號佛印

惠辯 蘇轍海月塔碑名惠辯字訥翁姓高氏從詔於
師韶之將受天台教習西文獻通考海月寺惠辯
法明智送氏子生時有異父母出家普照寺得
其行一合掌坐化遺言須東坡至方台龕四日

龍井見聞錄附傳上九
軾至見其跌坐
如生賦三詩焉

參寥子集詩當年吳會有名緇盡是人天大導師
自註大覺海月辯才

釋氏稽古略祖韶有二弟子曰慧辯海月曰元淨
辯才海月華亭人受業普照寺

上天竺山志在別傳

謹案東坡集有海月真贊樂城集有塔碑
詳卷下慧惠傳富字誤大覺亦詳卷下

元素

見蘇轍辯才碑詳卷八

熙仲

見蘇轍辯才碑詳卷八

高麗僧統 仁孝王第四子出家名義天

咸淳臨安志惠因寺吳越王建元豐八年高麗國

王子僧統義天入貢因請從淨源法師學賢首教

詔許之

見楊傑院記詳卷二

弟子

懷楚

達上人

懷益

龍井見聞錄附傳上

十

散老

並詳卷三

雙峯

見咸淳臨安志詳上

繼起之僧

圓照 咸淳臨安志淨慈圓照禪師宗本字無詰本姓
大管招善本居上座圓照退居善本繼之泊宅編
時稱吳中二本

東坡集書贈惠臻杭州圓照律師志行苦卓教法

通洽晝夜行道二十餘年矣無一念須有作相自

辯才歸寂道俗皆宗之

謹案蘇軾有淨慈寺謝圓照本禪師詩又書贈惠臻稱善本日小本禪師

龍井法嗣

聰自聞

見太倉稊米集詳卷三

謹案龍井僧自懷楚四人外系元淨者惟聰自聞一人可考

上天竺法嗣

慧日上天竺山志東溟名慧日天台赤城人宋丞相下竺又遷上天竺至元元年位名碑第四十三代

上天竺山志心安房在雙檜峯麓祖嗣辯才法師為元東溟法師退院至明嘉隆間析為三日心大

龍井見聞錄附傳上 七

心南心外

又宋源梵法師東溟門人

學士集普濟大師東溟日公碑銘所度弟子下竺則圓興等十人上竺近二百人而妙思妙本妙修為最先嗣真法系者則思齊行樞允鑑允忠良謹普智文會元琇景梵各闡教於一方繼師任上竺者即妙修也

謹案上天竺山志宋源梵法師疑即景梵又有性源修疑即妙修

附宋僧元淨外傳

臣汪孟錫恭纂

卷下

真贊

咸淳臨安志趙抃贊師去天竺山空鬼哭天竺師歸道場光輝大士大悲師實焉依師乎真乎真金琉璃教宗智者法嗣韶師須彌有壞至道無為稽首慈相仰之贊之皆無妙幻豈勝言思

東坡集贊余頃年嘗聞妙法於辯才老師今見其畫像乃以所聞者贊之即之浮雲無窮去之明月皆同

龍井見聞錄附傳下 一

欲知明月所在在汝唾霧之中

咸淳臨安志楊傑贊月白風清雲閒水淥犀柄金爐寄天竺老龍頭角縮寒巖膏雨人間霑足

東坡集尺牘

久不奉書愧仰增深比日切惟法履佳休某忝冒過分碌碌無補日望東南一郡庶幾臨老復聞法音尚冀以時為眾自愛

以下俱翰林

某向與兒子竺僧名迨於觀音前剃落權寄緇褐去歲明堂恩已奏授承務郎謹與買得度牒一道以贖此子今附趙君齋納取老師意剃度一人仍告於觀

音前略祝願過悚息悚息

某少有微願須至仰煩切料慈照必不見罪某與舍弟某捐納乙百疋奉爲先君霸州文安縣主簿累贈中大夫先妣武昌郡太君程氏造地藏菩薩一尊併座及侍者二人菩薩身之大小如中形人所費盡以此絹而已若錢少卽省鑲刻之工可也乞爲指揮選匠便造造成示及專求便船迎取欲京師寺中供養也煩勞神用愧悚不已

某啟法孫至領手教累幅伏承道體安康以慰下情前此所惠書信皆領無狀每荷存記感忤亡已眞贊

龍井見聞錄附傳下 二

更煩刻石甚愧不稱維摩贊近杜介刻脫卻數字好笑好笑唯金山石本乃是也信口妄語便蒙印可罪過罪過聞老師益健更乞倍加愛重且爲東南道俗歸依也某衰病不復有功名意此去且勉歲月纔得箇退縮方便卽歸常州住也更告法師爲禱諸聖令早得歸爲幸此是眞切之意勿令人知將爲虛僞迫行冗中不宣

杭州還朝

某啟別來思仰日深比來道體何如某幸於鬧中抽頭得此閒郡雖未能超然遠引亦退老之漸也思企吳越諸道友江山之勝不去心或更送老請會稽一

次老師必能爲此一郡道侶少留山中勿便歸安養不肖更得少接清遊何幸如之惟千萬保重不宣

俱穎州

近日百事懶廢寢食之外頽然而已寫此數紙書一似小兒逃學來人催迫日推一日相知惠書皆不能答如相怪且爲道此意老病不足責也

道俗依仰

東坡集杭州與大覺禪師書某啟奉別二十五年幾一世矣會見無時此懷可知到此欲奉書因循至今辱書具審起居安隱南方耆舊彫落惟明有老師杭

龍井見聞錄附傳下 三

有辯才道俗所共依仰蓋一時盛事比來時得從辯才遊老病昏塞頗有所警發恨不得一見老師更與鑽磨也歲暮山中苦寒千萬爲眾自重不宣

辯博

始豐稿西嶺草堂續記古之桑門上首積行累業蜚聲一時名垂後世蓋亦不鮮以錢塘言若聖達觀之神異辯才淨之辯博孤山圓之孤峻咸所宜慕者

誦咒祛邪

淮海集記龍井辯才事熙寧九年秀州嘉興縣令陶彖有子得疾甚異形色笑語非復平人令患之乃大

出錢財聘謁巫祝厭勝百方終莫能治是歲辯才法師元淨適以事至秀法師高僧也隱於錢塘之天竺山傳天台教學者數百人又特善咒水疾病者飲其所咒水輒愈吳人尊事之令素聞其名卽馳詣師具狀告曰兒始得疾時見一女子自外來相調笑久之俱去稍行至水濱遺詩曰生爲木卯人死作幽獨鬼泉門長夜開衾幃待君至自是屢來且有言曰仲冬之月二七之間月盈之夕車馬來迎今去妖期逼矣未知所處願賜哀憐師乃許諾因杖策從至其家除地爲壇設觀音像於中央取楊枝霑水灑而咒之三

龍井見聞錄附傳下 四

繞壇而去是夜兒寢安然不復如他時矣明日復來結跏趺座引兒問曰汝居何地而來至此答曰會稽之東卞山之陽是吾之宅古木蒼蒼師又問汝姓誰氏答曰吳王山上無人處幾度臨風學舞腰師曰汝柳姓乎乃驟然而笑師良久呵曰汝無始已來迷已逐物爲物所轉溺於淫邪流浪千劫不自解脫入魔趣中橫生災害延及無辜汝今當知魔耶非魔魔卽法界我今爲汝宣說首楞嚴秘密神咒汝當諦聽痛自悔恨訟既往過愆返本來清淨覺性於是號泣不復有云是夜謂兒曰辯才之功汝父之虔無以加焉

吾將去矣後二日復來曰久與子遊情不能遽捨願一舉觴爲別因相對引滿旣罷作詩一章曰仲冬二七是良時江下無緣與子期今日臨岐一杯酒共君千里遠相離遂去不復見余聞其事久矣元豐二年見辯才於龍井山間之信然

書拒左道

釋惠洪林間錄杭州上天竺法師辯才悟法華三昧有至行宏天台教稱第一東吳講者宗尙之秀州有狂人號回頭左道以鼓俗流宣言當建率堵坡爲吳人福田施者雲委然憚入杭境以辯才不可欺故也

龍井見聞錄附傳下 五

不得已旣來先以錢十萬詣上天竺飯僧且遣使通問曰今以修造錢若干願供僧一堂淨答其書曰道風遠來山川增勝誨言先至喜慰可量承以營建淨壇爲飯僧之用竊聞教有明文不許互用聖者已遺明誨不知白佛當何以辭仁聞報章卽令撰疏文也狂人大驚慚見其徒然淨之門弟子亦勸且禮之以化俗淨厲聲曰出家兒須具眼始得彼誠聖者吾敢不恭如其誕妄知而同之是失正念吾聞聖者具他心通今夕當與爾曹虔請於明日就此山與十方諸佛同齋卽法法嚴敬跪讀疏文焚之明日率眾出迎

而所謂狂人者竟不至學者皆服

緣契

東坡集跋舊與辯才書軾生平與辯才道眼相照之外緣契冥符者多矣始以五年九月三十日入山相對終日留此數紙明年此日在潁州作書與之有少留山中勿便歸安養之語而師實以是日化去又明年其徒惟楚攜此軸來為一太息五月十一日書

問答

上天竺山志東坡一日禮大士見座前普門品袖手展讀云咒詛諸毒藥所欲害身者念彼觀音力還著

龍井見聞錄附傳下 六

與本人東坡喟然歎曰佛自仁心豈有免人之一難而害人之一命乎是亦去彼及此與夫不愛人者何異也我體佛之意而改正之曰咒詛諸毒藥所欲害身者念彼觀音力兩家都沒事問辯才曰何如辯才笑而不答

謹案東坡集東坡居士曰觀音慈悲者也今人遭咒詛念觀音之力而使還著與本人則豈觀音之心哉今改之云云其文不同不言與辯才問答

寄題龍井題名

東坡集題秦太虛龍井題名記覽太虛題名皆余昔時遊行處閉目想之了然可數始余與辯才別五年

乃自徐州遷於湖至高郵見太虛參寥遂載與俱辯才聞余至欲扁舟相過以結夏未果太虛參寥又相與適越云秋盡當還而余倉卒去郡遂不復見明年余謫居黃州辯才參寥遣人致問且以題名相示時去中秋不十日秋潦方漲水面千里月出房心間風露浩然所居去江無十步獨與兒子邁棹小舟至赤壁西望武昌山谷喬木蒼然雲濤際天因錄以寄參寥使以示辯才有便至高郵亦可錄以示太虛也

元淨詩

東坡集書辯才次韻參寥詩辯才作此詩時年八十

龍井見聞錄附傳下 七

一矣平生不學作詩如風吹水自成文理而參寥與吾輩詩乃如巧人織繡耳
上天竺山志東坡過上天竺謁辯才款語間因言窗
前兩松昨為風折一枝悵悵成一聯竟未得續其後
舉以示公云龍枝已逐風雷變滅卻虛窗半日涼坡
續云天愛禪心圓且潔故添明月伴清光

著文

天台山方外志圓事理說辯才淨師撰

謹案此說本見蘇轍辯才碑又碑稱示寂時出偈告眾揚傑記又云元淨與趙抃倡酬偈頌蓋俱失傳傳者惟心師銘一首而已

塔銘未刻石

東坡集惠州與參寥書海月真贊許他二十餘年矣因循不作因來論輒為之不及作慧淨書幸付與此本也表忠觀記及辯才塔銘後來不見入石必是僕與舍弟得罪人未敢便刻也此真贊更請參寥相度如未可且藏公處也

復書龍井題名後

東坡集跋太虛辯才廬山題名某與大覺禪師別十九年矣禪師脫屣當世雲棲海上謂不復見記乃爾拳拳耶撫卷太息欲一見之恐不可復得會與參寥

龍井見聞錄附傳下 八

師自廬山之陽並出而東所至皆禪師舊迹山中人多能言之者乃復書太虛與辯才題名之後以遺參寥太虛今年三十六參寥四十二某四十九辯才七十四禪師七十六矣此吾五人者當復相從乎生者可以一笑死者可以一歎也元豐七年五月十九日

慧日院大雨中書

謹案蘇轍才元淨以元祐六年示寂年八十一逆計元豐七年正月七十四而俗本題跋作四十七誤甚今從東坡集正之然此段乃跋大覺山題名亦誤大覺曰四明阿育王寺見蘇轍與寶覺禪老書載又嘗為大覺頌記稱廬山僧懷璉皇祐中賜號大覺亦見與寶覺書

題名書後不入石

東坡集黃州與參寥書聰師相別五六年不謂便爾長進詩語筆蹤皆可畏遂為名僧法足非特巧慧而已又聞今年剃度可喜太虛只在高郵近舍弟過彼相見亦有書來題名絕奇辯才要書其後復寄一紙去然不須入石也黃州絕無所產又窘乏殊甚如便不能寄信物去只有布一疋作卧單懷悚懷悚

蘇軾乞塔銘

樂城集辯才碑子瞻謂辯才徒曰我固知師矣余弟子由知師不在我後我為汝請轍以公命不敢辭

龍井見聞錄附傳下 九

又天竺海月法師塔碑餘杭天竺有二大士一曰海月一曰辯才皆事明智詔法師以講說作佛事而心悟最上乘不為講說所縛吳越多禪眾聞其言者皆曰說教如是是亦禪也故吳越之人歸之與佛菩薩無異熙寧中余兄子瞻通守餘杭從二公遊敬之如師友後余與子瞻皆自嶺外得歸而子瞻終於毘陵餘杭參寥師弔余穎川既而曰辯才以子瞻故得銘於公海月獨未有銘公以子瞻其亦勿辭余亦許之今住天竺德賢師實公之高弟以銘授之俾刻之石銘曰佛本說一乘無二亦無三空洞無一物應物無

不在欲以是教人人或不能信以其不信故示以方便方便皆是幻是惠爲真實有方便惠解無方便惠縛有惠方便解無惠方便縛惟惠惟方便更相爲縛解縛脫解亦除然後至佛乘智者古智人具惠與方便示人西方觀其實則是幻由幻而得佛於以度眾生會歸於一乘何者非佛法海月辯才師智者之孫曾由教而得禪皆僧中第一我不識其面知其心中事作銘書塔石二公知其然

上天竺山志東坡乞辯才塔碑於黃門與書曰兄自覺談佛不如弟及黃門作海月塔碑以東坡與之遊

龍井見聞錄附傳下 十

故云我不識師面知師心中事惜乎火失其書翰也

蘇軾致茶果

東坡集穎川與參寥書兩得手書具審法體佳勝辯才遂化去雖來去本無而情鍾我輩不免悽愴也今有奠文一首并銀二兩託爲致茶果一奠之穎師得書且喜進道紙尾待得閒寫去餘惟萬萬自重

又文曰孔老異門儒釋分宮又於其間禪律相攻我見大海西北南東江河雖殊其至則同雖大法師自戒定通律無持破垢淨皆空講無辯訥事理皆融如不動山如常撞鐘如一月水如萬竅風八十一年生

雖有終遇物而應施則無窮我初適吳尚見五公講有辯臻禪有璉嵩後二十年獨餘此翁今又往矣後生誰宗道俗歎獻山澤改容誰持一杯往弔井龍我去杭時白叟黃童要我復來已許於中山無此老去將安從噫參寥子往奠必躬豈無他人莫寫我胸

蘇軾紀夢

東坡集海月辯公眞贊并引錢塘佛者之盛蓋甲天下道德才智之士與夫妄庸巧僞之人雜處其間號爲難齊故於僧職正副之外別補都僧正一員簿帳案牒奔走將迎之勞專責正副以下而都司總領要

龍井見聞錄附傳下 十一

略實以行解表眾而已然亦通號爲僧官故高舉遠引山棲絕俗之士不屑爲之惟清通端雅外陟世而中遺物者乃任其事蓋亦難矣余通守錢塘時海月大師惠辯者寔在此位神宇澄穆不見愠喜而緇素悅服余固喜從之遊時東南多事吏治少暇而余方年壯氣盛不安厥官每往見師清座相對時聞一言則百憂冰解形神俱泰因悟莊周所言東郭順子之爲人人貌而天虛緣而葆眞清而容物物無道正容以悟之使人之意也消蓋師之謂也與一日師卧疾使人請余入山適有所未暇旬餘乃往則師之化四

日矣遺言須余至乃闔棺趺坐如生頂尚溫也余在
杭州夢至西湖上有大殿榜曰彌勒下生而故人辯
才海月之流皆行道其間師沒後二十一年余謫居
惠州天竺淨惠師屬參寥子以書遺余曰檀越許與
海月作真贊久不償此願何也余矍然而起爲說贊
曰人皆趨世出世者誰人皆遺世世誰爲之爰有大
士處此兩間非濁非清非律非禪惟是海月都司之
式庶復見之眾縛自脫我夢西湖天宮化城見兩天
竺宛如平生雲披月滿遺像在此誰其贊之惟東坡
子

龍井見聞錄附傳下

三

遺像

東坡集書贈劉浙僧到杭一遊龍井謁辯才遺像仍
持密雲團爲獻龍井孤山下有石室室前有六一泉
白而甘當往一酌湖上壽星院竹極偉其旁智果院
有參寥泉及新泉皆甘冷異常當特往一酌仍尋參
寥子妙聰師之遺跡見頰沙彌亦當致意靈隱寺後
高峯塔一上五里上有僧不下三十餘年矣不知今
在否亦可一往元符二年五月十六日東坡居士書

郡紳平塔

上天竺山志辯才法師骨塔在老龍井山中萬歷間

村鄰父老傳爲郡紳李某平之

龍井得歛硯

蘇詩續補遺偶於龍井辯才處得歛硯甚奇詩馮景
註硯譜玉兔朝元硯此爲細羅紋刷絲歛石圓徑六
寸高寸五分面有葱色兔月二像巧若畫成更無凹
凸眞五代前物也旁刻建中靖國二年改製下刻篆
書一卷石兮呈祥俾翰林兮增光出煨燼兮不敗伊
蘇氏兮其昌張九成識又二行子子孫孫永古用之
案蘇氏其昌豈卽先生辯才處所得硯與又先生做
毛穎戲作萬石君傳云羅紋歛人也其上世嘗隱龍

龍井見聞錄附傳下

三

尾山

手植山茶

上天竺山志辯才法師手植千葉山茶二本在白雲
堂下雪液池上自宋歷元柯葉暢茂若有呵護

謹案志又載釋道衍雪液池詩註云上有辯
才手植山茶今無則明初人已不及見矣

嶺塢皆名蘇子

上天竺山志梯子嶺一名蘇子嶺在華嚴塢嶺由東
坡與辯才得名又華嚴塢俗呼心安塢以谷中爲心
安房也今深處有華嚴山居本名蘇子塢相傳東坡
辯才嘗優游於此

宋僧元淨外傳跋

宋僧元淨嘗住上天竺龍井其退院也沈遵請天竺易禪爲教意問答機鋒足罄南山之竹而宋釋惟白續傳燈錄明瞿汝稷指月錄一無所載所作偈頌亦復不傳獨魏嶸錢塘縣志經籍載集一卷西湖志亦謂與趙抃倡酬詩見本集然今亦未之見也傳元淨者有咸淳臨安志諸書率以碑銘爲本少所潤益臣因編輯見聞錄之次雜取載記元淨事蹟釐爲外傳二卷每條加以標題不敢聯屬成文致失原書面目大抵

龍井見聞錄附傳跋

蘇軾集居十之六七考軾仕杭樂又外惠辯道潛了元仲殊思聰惠勤惠思清順可久宗本善本之流不可悉數而盛稱元淨與四明懷璉爲道俗所仰道潛詩亦以元淨懷璉惠辯爲大導師其高風淨行殆可想見仰惟

睿鑒周宣考求故實如因龍井而及元淨則茲外傳之附見聞錄後或希節取焉乾隆二十七年上元臣汪孟錫熏沐敬書

文

瀾

閣

志

光緒戊戌季夏刊成

文瀾閣志卷首

繪音

乾隆四十七年七月初八日內閣奉

上諭朕稽古右文究心典籍近年命儒臣編輯四庫全書特建文淵文溯文源文津四閣以資藏庋現在繕寫頭分告竣其二三四分限於六年內按期蒞事所以嘉惠藝林垂示萬世典至鉅也因思江浙為人文淵藪朕翠華臨蒞士子涵濡教澤樂育漸摩已非一日其聞力學好古之士願讀中祕書者自不乏人茲四庫全書允宜廣布流傳以光文治如揚州大觀堂

文瀾閣志卷首

一

之文匯閣鎮江金山寺之文宗閣杭州聖因寺行宮之文瀾閣皆有藏書之所著交四庫館再繕全書三分安置各該處俾江浙士子得以就近觀摩謄錄用昭我國家藏書美富教思無窮之盛軌欽此

乾隆四十七年七月初八日奉

上諭四庫全書現在頭分已經告竣其二三四分限於六年內按期蒞事並特建文淵文溯文源文津四閣以供藏庋因思江浙為人文淵藪允宜廣布以光文治現特發內帑銀兩雇覓書手再行繕寫三分分貯揚州大觀堂之文匯閣鎮江金山寺之文宗閣杭州

聖因寺內今擬改建文瀾一閣以昭美備著傳諭陳輝祖伊齡阿盛住等所有大觀堂金山寺二處貯藏圖書集成處所其所空餘格甚多即可收藏貯四庫書若書格不敷著伊齡阿再行添補至杭州聖因寺後之玉蘭堂著交陳輝祖盛住改建文瀾閣并安設書格備用伊齡阿盛住於文淵等閣書格式樣皆所素悉自能仿照妥辦至修價格式等項工費無多即著兩淮浙江商人捐辦伊等情殷桑梓於此等嘉惠藝林之事自必踴躍觀成歡欣從事也將此各傳諭知之欽此

文瀾閣志卷首

二

乾隆四十七年九月初二日奉

上諭據陳輝祖奏遵旨改建文瀾閣安設四庫全書一摺內稱勘得玉蘭堂逼近山根地勢潮溼難以藏書擬於玉蘭堂之東地勢下藏書堂後堪以改建並稱據商總等呈請改建等項及雇覓書手繕寫之費情願按數呈繳等語玉蘭堂既據陳輝祖奏稱地勢潮溼難以藏書現在盛住奏請陛見且俟伊到京後詢明該處情形將文瀾閣式樣帶去再行辦理至商總等呈請捐項自辦該處改建文瀾閣出自伊等情殷桑梓踴躍輸忱尙可准行至雇覓書手繕寫現已飭動

官帑辦理前據伊齡阿奏揚州商人請捐辦大觀堂金山寺二分繕書費用已於摺內批示不必令仍動官項所有浙商呈請公捐之處亦不必將此傳諭陳輝祖並諭盛住知之欽此

乾隆四十九年三月奉

上諭前因江浙為人文淵藪特降諭旨發給內帑繕寫四庫全書三分於揚州文匯閣鎮江文宗閣杭州文瀾閣各藏皮一分原以嘉惠士林俾得就近鈔錄傳觀用光文治第恐地方大吏過於珍護讀書稽古之士無由得窺美富廣布流傳是千箱萬帙徒為插架

文瀾閣志卷首

三

之供無裨觀摩之實殊非朕崇文典學傳示無窮之意將來全書繕竣分貯三閣後如有願讀中祕書者許其陸續領出廣為傳寫全書本有總目易於檢查祇須派委妥員董率其事設立收發檔案登注明晰並曉諭借鈔士子加意珍惜毋至遺失污損俾藝林多士均得殫見洽聞以副朕樂育人材稽古右文之至意欽此

光緒七年十月十六日奉

上諭譚鍾麟奏修復文瀾閣請頒發匾額方略並將搜求遺書之紳士獎勵等語浙江省城文瀾閣毀

於兵燹現經譚鍾麟籌款修復其散佚書籍經紳士丁申丁丙購求藏弄漸復舊觀洵足嘉惠藝林著南書房翰林書寫文瀾閣匾額頒發並著武英殿頒發勅平粵匪方略一部交浙江巡撫祇領尊藏主事丁申著賞四品頂戴以示獎勵欽此

奎章

高宗御製文瀾閣詩

四庫鈔書成次第因之絜矩到南邦壬寅秋以四庫文瀾文源文津四閣已次第就藏因思江浙為人文淵藪宜令廣布流傳敕發內帑雇覓書手再繕全書三分安置揚州之文匯金山之文宗及此杭州之文瀾俾東南士子得就近觀摩並有旨令不必新固准

文瀾閣志卷首

四

願鈔寫者鈔寫但不可致錯亂遺失以班傭此實官昭我國家藏書美備教思無窮之至意始隱終南山時帑發盧徑彼殊眾力扛按唐盧藏用始隱終南山時晚乃就徵拜徇權利司馬承禎將還山藏用指終南山曰此中大有嘉處承禎曰以僕視之仕宦之捷徑耳前辦理四庫全書四分時准各體錄之仕宦之捷徑耳為終南捷徑者既慮有礙選法亦非策勵人才之意是以後次續繕全書三分發內帑銀百餘萬兩覓書手予值繕寫不致致遺議敘乃於銓政無礙衮鉞必公慎取捨淄澠細辨斥蒙厖范家天一於斯近幸也

高宗御製趣亭詩

文源取式逮文津御園之文源閣繼山莊之文津閣而建其南屏以假山俱有趣亭月

臺文津閣詠月臺有米家范氏兩兼
奇之句茲文瀾閣亦倣其式爲之 亦有趣亭棲碧
岫寄語將來鈔讀者文瀾不外史經循

高宗御製月臺詩

巖石爲山路不長月臺重肖米襄陽月臺見米芾限
於地異平湖好登望微嫌似面牆此臺在文瀾閣前
是以近牆故戲及

文瀾閣志卷首 舉人 臣 孫樹禮貢生 臣 孫峻恭錄

文瀾閣志卷首

五

文瀾閣志卷上

建置

文瀾閣在聖因寺旁乾隆四十七年四庫全書告

成

皇上垂念江浙多好古之士願讀中祕書官給鈔胥繕

寫三部頒發江浙建閣貯之其建於杭州聖因

寺者為

文瀾閣開五間中貯

欽定古今圖書集成一部閣上貯

欽定四庫全書閣前有池池旁有亭四十九年

文瀾閣志卷上

一

聖駕臨幸

賜題敷文觀海扁額有

御製詩

案浙江大吏於乾隆三十八年採進遺書杭州

鮑士恭吳玉墀汪啟淑孫仰曾汪汝璉各以所

藏書籍進

呈擇其善本

御題簡端給還藏皮為藏書家希觀之遇茲復頒

欽定四庫全書俾好古者得以窺繹

教思無窮之澤益闋遠矣乾隆杭州府志

高宗純皇帝命儒臣編輯四庫全書建

文淵

文溯

文源

文津四閣藏皮羣籍復念江浙為人文淵藪宜廣

布以光

文治

命再繕三分

賜江南者二浙江者一浙江即以舊藏圖書集成之藏

經閣改建

文瀾閣志卷上

二

文瀾閣并仿

文淵閣格式藏貯閣在孤山之陽左為白隄右為

西泠橋地勢高敞攬西湖全勝外為垂花門門

內為大廳廳後為大池池中一峯獨聳名仙人

峯東為

御碑亭西為遊廊中為

文瀾閣閣建三成第一成中藏圖書集成後及兩

旁藏經部第二成藏史部第三成藏子集二部

皆分皮書格凡四庫書三萬五千九百九十冊

為匣六千一百九十一圖書集成五千二十冊

爲厘五百七十六總目考證二百二十七册爲
匣四十委員掌之有願讀中祕書者許其借觀
傳寫設楮登注勿令遺失汚損所以嘉惠藝林
者至矣夫前代書籍多藏祕府牙籤錦帙外人
莫得而窺聞有頒賜給借已屬僅事如我

朝之以四庫縹緗津逮末學嫻嫻福地徧及東南誠

曠古所未有也猗歟盛哉

兩浙鹽法志

文瀾閣在孤山之麓乾隆四十七年

高宗純皇帝命儒臣纂輯四庫全書告成垂念江浙多

好古之士官給鈔胥復繕三分

文瀾閣志卷上

三

頒發江浙建閣貯之其建於杭州西湖者

錫名文瀾內貯四庫全書及

欽定古今圖書集成全唐文閣凡三成閣前有池池旁

有廊四十九年

賜敷文觀海額有

御製詩浙人士願讀中祕書者皆得就閣恭鈔咸豐庚

辛閭兵燹閣燬同治開官嘗委員估修以工鉅

而止光緒六年巡撫譚鍾麟布政使德馨委郡

人鄒在寅鳩工庀材卽舊址建閣臨湖暨坊并

建宮門二重左右角門待漏房內爲閣之前門

池東爲

純廟御碑亭中建平廳五西爲亭爲廊閣之東爲太乙

分青室堅固宏敞氣象一新疊石濬池兼植花

木獨占全湖之勝散佚之書經丁申暨其弟丙

披購於流離轉徙之中萬有餘册嗣復依目錄

補鈔全書完斯舊觀七年復奏請匾額蒙

頒發文瀾閣滿漢合璧匾額一方並平定粵匪方略

一部尊藏閣中俾纂修志乘者有所考核焉


光緒杭州府志


圖說

文瀾閣志卷上

四

文瀾閣圖





文瀾閣志卷上

五

高宗純皇帝命儒臣編輯四庫全書建

文淵

文溯

文源

文津四閣藏度念江浙爲人文淵藪宜廣布以光

文治

命再繕三秀

賜江南者二浙江者一浙江卽以舊藏圖書集成之藏

經閣改建

文瀾閣弁仿

文淵閣格式排架藏儲閣外爲垂花門門內爲大廳廳後爲大池池中植巨石高四丈許名仙人峯東爲

御碑亭西爲游廊中爲

文瀾閣閣建三成第一成中藏圖書集成後及兩旁藏經部第二成藏史部第三成藏子集二部皆分度書格凡四庫書三萬五千九百九十册爲匣六千一百九十一圖書集成五千二十册爲匣五百七十六總目考證二百二十七册爲匣四十擇人典守願讀者許到閣借觀傳寫迨

文瀾閣志卷上




六

咸豐庚辛之變閣書散佚郡紳丁申丁丙收殘籍於兵火中幾瀕於危計得九千餘册事平閣雖幸存棟宇半圯難以尊藏稟請大吏暫儲杭州府學尊經閣及巡撫譚鍾麟重建之奏入蒙

旨俞允

頒發滿漢合璧文瀾閣三字匾額並平定粵匪方略恩至厚也譚鍾麟敬將

宸翰恭摹勒石築亭以奉之更於閣之東築屋三楹額曰太乙分青俾願讀中祕書者憩止以昭慎重焉張大昌恭紀



文淵閣志卷上

七

乾隆四十七年

四庫全書第一分告成排度於

文淵閣書凡三萬六千冊計經部十類六百九十
 五部一萬二百十四卷二十架九百六十函史
 部十五類五百六十三部二萬一千三百五十
 九卷三十三架一千五百八十四函子部十四
 類九百三十部一萬七千五百六十六卷二十
 二架一千五百八十四函集部五類一千二百
 八十二部二萬六千七百五十七卷二十八架
 二千十六函

高宗純皇帝念江浙為人文淵藪又於揚州大觀堂之

文匯閣鎮江口金山寺之

文宗閣及杭州

聖因寺之

文淵閣各儲一分俾士子得以就近觀摩真盛事
 也其儲藏之書格經史部及圖書集成每架四
 屨子集部每架六屨屨各四撞撞各三面圖書
 集成黃絹面經部葵綠絹面史部紅絹面子部
 月白絹面集部黑灰絹面書用涇縣白棉紙長
 官尺準七寸七分闊連中指行準三寸九分半

文淵閣志卷上




八

頁凡八行行二十一字每部首列提要一篇附
 總纂官總校官臣姓名末綴謄錄生校對生臣
 姓名另黏黃簽詳校官臣姓名每冊首頁印鈐
 古稀天子之寶白文後頁印鈐

乾隆御覽之寶朱文印上另襯素紙以禦油硃每冊底
 面絹裏黏釘不壓綫每函用香楠木匣收儲匣
 內襯以香楠夾板便抽納也素綾牙籤冊中夾
 冰麝樟腦包各二以辟蠹每歲盛夏暴書凡一
 月由鹽運使派儒學官掌之可想見
 東璧琳瑯之美備矣同治元年十月陸光祺恭紀

第 135 頁

文淵閣分欄圖



文淵閣志卷上

九

禮生也晚不及見曩昔陳設之盛而坊閒所刊
簡明目錄凡二一為館中初稿內閣中書趙懷
玉錄副歸鮑氏知不足齋刊行者杭本也一為
湖州沈氏照京板本翻雕附總目後者館中刪
定本也彼此校勘或有或無仍多歧異幸舊時
文淵閣書目劫後刑部主事嚴辰收得歸於閣中
始克周知某部某書若干冊為昔日所恭藏而
按冊繕錄遂有準的凡杭本目錄所無而總目
湖本目錄舊冊所有者如別本周易本義

欽定詩經樂譜

欽定遼金元三史國語解

欽定平定三逆方略

欽定石峯堡紀略

欽定臺灣紀略尙史

欽定河源紀略

八旬萬壽盛典

御定千叟宴詩

欽定千叟宴詩松泉文集又杭本湖本目錄所無而總

目舊冊所有者如

欽定古今儲貳金鑑又總目湖本目錄所無而杭本目

文淵閣志卷上

十

錄舊冊所有者如同書讀書錄書畫記又總目杭
本目錄所無而湖本目錄舊冊所有者如宋稗類
鈔增補武林舊事又總目杭本湖本目錄均無
而舊冊所有者如

純皇帝御製文三集餘集御製詩五集餘集問學錄又

總目杭本湖本目錄所有而舊冊注未到者如

欽定繙繹四書五經皆得據以恭補至杭本目錄所有

而總目湖本目錄舊冊不載者如歷代不知姓

名錄諸史同異南北史合注南唐書合訂蕭山

縣志刊誤閩小紀明諡考印人傳書影孫白谷

詩鈔完玉堂集詞藻又杭本湖本目錄均有而
總目舊冊不載者如鄭敷文書說中庸集解國
史考異衛生十全方奇疾方菊山清雋集雲泉
詩集歸愚集又總目湖本目錄所有而杭本目
錄舊冊不載者如琴譜合璧又總目杭本湖本
目錄所有而舊冊不載者如春秋例要治河圖
略詩品皆姑從闕如而不鈔以當年欽奉

頒發者皆敬載諸冊也且書有續奉
頒發者如

純皇帝御製文三集餘集御製詩五集餘集首葉印鈐

文淵閣志卷上

十一

嘉慶尊親之寶末葉印鈐

侍聞詩禮懍心傳又

欽定八旗通志二集總目杭本湖本目錄舊冊均未載

而閣存殘本首葉印鈐

稽古右文之寶末葉印鈐

嘉慶尊親之寶此陸光祺前說所未詳今分別部居

如舊惟易架為嚮第一成中列十六幅尊藏

世祖章皇帝勸善要言

欽定古今圖書集成

欽定全唐文

欽定平定粵匪方略左右室分列十四幅尊藏經部

第二成分列二十四幅尊藏史部第三成左右

室分列二十四幅尊藏子部中列三十二幅尊

藏集部每冊仍黏釘不壓綫惟持節經費易楠

木匣為銀杏夾板改絹面為紙而圖書集成黃

色面經部葵色史部赤色子部藍色集部褐色

悉如其舊屬張啟瑞別為一圖與舊存目錄並

珍藏之庶後之典守者有所考焉光緒二十年

六月孫樹禮恭紀

公牘

文淵閣志卷上

十二

候選主事丁申恭繳閣書擬暫儲杭府學尊經

閣稟

敬稟者竊西湖孤山之麓乾隆年間

敕建文淵閣尊藏四庫全書三千五百餘種計三萬六

千餘冊准士子鈔寫誦習

嘉惠藝林誠亙古未有之

曠典亦海內罕邁之鉅觀也咸豐庚申辛酉杭城再陷

閣既僅存遺址書亦散佚無餘職與第丙當虎

口餘生之際每見叢殘遺籍上鈐

御寶知繫閣書即留心敬謹珍收密藏僻地茲幸省城

克復重觀

昇平所有陸續收獲閣書共八千六百八十九本
恐蹈襲藏之咎理應恭繳惟閣未建復無地尊
藏查有杭州府學尊經閣焚後歸然尙存堪以
珍度謹繕書目清單呈祈察收擬請檄飭府學
教授驗明暫儲遴派董事督同管理并請轉詳
各憲備案嗣後遇有遺書隨時續收恭繳是否
有富伏乞公祖大人察核俯賜施行實爲公便
右稟杭州府正堂薛同治三年十一月初十日
書閣董事候選主事丁申收藏閣書請轉詳咨

文瀾閣志卷上

三

部稟

敬稟者竊奉鈞諭內開案奉鹽憲案行同治十
年六月二十日准戶部咨復司中每月局解銀
五千兩所有高前司以前高前司以後各任自
三年四月初四日起至八年十二月底止所收
局銀解支各款造冊彙報一案內奉部指查四
庫全書彙書經費一款現時書籍兵燹之後是
否完存礙難稽考行司查照辦理等因奉經前
署司當查四庫全書同治三年十二月開據前
杭州府詳明董事丁申所收庫書請藏府學尊

經閣內由該學教授督同管理呈有書目嗣於

五六七八九十等年該董事皆有續收之書茲
奉部飭前因自應將各年先後所收之書一并
查明彙開書目以憑詳請咨部備案開支經費
除札飭杭州府學查復外論到該董事即便查
明造冊稟送以憑轉詳請咨等因奉此伏查前
收恭繳四庫全書八千六百八十九本十年以
前五次續收恭繳三百七十一本均經分貯藏
度遵奉憲飭將前收續繳彙合歸類分別部目
計經部二百六十八本史部八百七十五本子

文瀾閣志卷上

四

部一千九百三十二本集部五千一百十四本
圖書集成六百七十三本續收四庫書一百九
十八本共計九千六十本與前收及五次續收
之數相符謹照原書格式繕成書目呈乞察收
分別轉詳請咨備案實爲公便右稟兩浙江南
都轉鹽運使宗室靈同治十一年五月二十二日
詳送書目咨部奉到撫批鹽運使飭知
兩浙江南鹽運使司宗室靈爲飭遵事本年七
月初三日奉撫憲楊批本司詳據該董事稟呈
四庫全書前共收九千六十本目錄詳咨備案

緣由奉批仰候鹽院衙門批示繳冊存等因又於本月初七日奉鹽憲楊批同前由奉批仰候咨明戶禮二部查照仍候撫部院衙門批示繳書目存送各等因奉此除移明藩司外合並諭遵爲此諭仰該董事即便遵照謹敬管理毋違特諭

同治十一年七月十二日

計鈔詳

爲詳咨事案奉鹽憲案行同治十年六月二十日准戶部咨復司中每月局解銀五千兩所有高前司以前高前司以後各任自三年四月初

文瀾閣志卷上

五

四日起至八年十二月底止所收局解銀支各款造冊彙報一案內奉部指查四庫曬書經費一款現時書籍兵燹之後是否完存礙難稽考行司查照辦理等因奉經前署司當查四庫全書同治三年十二月間據前杭州府詳明董事丁申所收請藏府學尊經閣內由該學教授督同管理呈有書目嗣於五六七八九十等年該董事皆有續收之書茲奉部飭前因自應將各年先後所收之書一并查明彙開書目以憑詳請咨部備案開支經費就經札飭杭州府學並

論該董事查明造冊稟送以憑轉詳請咨去後今據書閣董事職員丁申稟稱查前收恭繳四庫全書八千六百八十九本十年前五次續收恭繳三百七十一本均經分貯藏度遵奉憲飭將前收續繳彙合歸類分別部目計經部二百六十八本史部八百七十五本子部一千九百三十二本集部五千一百十四本圖書集成六百七十三本續收四庫書一百九十八本共計九千六十本與前收及五次續收之數相符謹照原書格式繕成書目呈乞察收分別詳咨

文瀾閣志卷上

六

備案等情前來本司伏查西湖之旁舊有文瀾閣謹儲四庫全書咸豐十年十一年省垣兩次失陷藏書蹂躪不堪有候選主事丁申者被陷賊中潛出湖邊檢拾閣書密運西溪而赴滬瀆迨克復後又於市肆中先後購得八千一百四十本又震澤生員徐葵之在滬收集五百四十九本統計八千六百八十九本並據丁申五次續收書三百七十一本共計前後收書九千六十本均經收儲杭州府學尊經閣由該學教授選派學識門斗封鎖守護每年由丁申稟請

詳給曬書經費銀六十兩在案茲據遵飭呈送書目到司核與該董事前後所收閱書共計九千六十本均屬相符合將該董等呈送書目二冊備文詳送伏候憲台察核詳請鹽憲轉咨禮戶部查照

書閱董事候選主事丁申續收閱書詳請咨部

敬稟者竊恭照四庫全書經職先後呈繳九千六十本造送目錄稟請詳咨在案本年春間職道經禾郡見有元釋圓至牧潛集二本係屬閣

文瀾閣志卷上

七

書給價購回仍送尊經閣歸併存儲呈祈察核並請轉詳兩院憲咨部備案施行實爲公便右稟兩浙江南都轉鹽運使宗室靈同治十三年五月十二日丁祭局董事陸檀張景雲丁丙姚士隆等接管

閱書稟

敬稟者竊同治十三年九月二十七日奉鈞諭內開據書閣董事丁申稟稱伏查四庫全書經職劫後收集呈繳奉府學教授選董四人經管節次收購歸併截至本年止共計書九千六十二本蒙轉詳撫鹽憲先後咨部在案惟前舉董

四人今僅職一人設有疏虞咎將誰任再四思維查府學新設禮樂庫即在尊經閣之外現奉撫憲札派陸檀等爲司庫司禮樂該職等春秋既須執事每月亦相輪視以之兼管閱書事屬兩全爲此稟乞諭飭該職等接管嗣後督率曬書請領經費卽由該職等承辦等情據此除批准並分別呈報移行外合行諭飭到該董等即便遵照敬謹接管毋稍疏懈仍將接管日期報查毋違等因奉此職等奉諭之下同詣尊經閣將贖存之全書九千六十二本排比點查並無短少遵卽會同敬謹接管隨時督夫照看茲屆光緒元年夏伏曝曬之期應需冰麪料價及閱夫管費銀六十兩理合備具押領呈乞察核俯賜給發俾資公用實爲公便計呈押領一紙右稟兩浙江南都轉鹽運使宗室靈光緒元年六月初一日

文瀾閣志卷上

六

修建 文瀾閣布政使照會

浙江布政使德爲照會事本年九月十二日奉撫憲譚札據丁紳丙送到修建西湖行宮頭門及圍牆

文瀾閣暨平廳走廊并臨湖大牌坊工程圖摺前來札司立即遵照移知釐捐局在於絲捐款項下支給如有不敷則由善後項下借支并即移知應紳實時會同丁紳辦理計發圖摺二紙等因奉此除移釐捐總局在於絲捐款項下陸續給領如有不敷即遵飭在於善後項下湊給與辦外擬合照會貴紳請煩查照希即會同赴領趕緊建造工竣造冊送司驗收詳銷並希將領款數目與工日期復司備查望速望切右照會前江蘇按察使應紳等

光緒六年九月十四日

文瀾閣志卷上

九

前江蘇按察使應寶時江蘇特用知縣丁丙呈報修建文瀾閣開工日期并領款呈

為呈覆請領事竊本年九月十四日奉藩憲德照會

照會開九月十二日奉撫憲譚札開修建西湖

行宮頭門及圍牆

文瀾閣暨平廳走廊并臨湖大牌坊工程圖摺札

司遵照移知釐捐局在於絲捐項下支給如有

不敷由善後項下借支并即移知辦理等因奉

此除移釐捐總局在於用絲項下陸續給領如

有不敷即遵飭在於善後項下湊給與辦外擬

合照會希即會同赴領趕緊建造工竣造冊送司驗收詳銷並希將領款數目與工日期復司備查等因奉此查摺開工料其計洋一萬二千九百一十三元今謹擇吉於十月初八日丑時開工所有甄瓦木料均須趕緊採辦擬先請領洋六千元俾得分頭應付合備領紙一道仰請察照撥給實為公便計呈覆領一紙右呈浙省釐捐總局

光緒六年十月初三日

文瀾閣志卷上

十

為請領事竊本年九月十四日奉藩憲德照會九月十二日奉撫憲譚札開修建西湖

行宮頭門及圍牆

文瀾閣暨平廳走廊并大牌坊工程札司移釐捐

局在於用絲項下支給如有不敷即在善後項

下湊給與辦等因奉此除移釐捐總局查照外

擬合照會希即會同赴領趕緊建造等因奉此

遵於十月初八日吉時興工並領過洋六千元

鳩工備料茲已將圍牆修築一百餘丈頭門及

平廳閣門穿架已成於本月二十八日上梁其

書閣前後兩池已濬清通山下瓦礫草泥亦已
除淨上海採辦大料板木將次到工一切支用
正需續應又職丙奉撫憲發交

欽定古今圖書集成鈔補缺卷裝釘成書配製夾板各
費遵奉面諭鈔工紙張卽同工程一併領辦茲
擬請領第二次洋三千元俾得分頭應付後再
分別報銷台備領紙一道仰請察照撥給實爲
公便計呈職領一紙右呈浙省釐捐總局

光緒六年

十一月

前江蘇按察使應寶時江蘇特用知縣丁丙呈

文瀾閣志卷上

三

報各工將竣并第三次領款呈

爲請領事竊上年九月十四日奉藩臺德照會

九月十二日奉撫憲譚札開修建西湖

行宮頭門及圍牆

文瀾閣暨平廳走廊并大牌坊工程札司移知釐
捐局在於用絲捐項下支給如有不敷卽在善
後項下湊給興辦等因奉此除移釐捐總局查
照外擬合照會希卽會同赴領趕緊建造等因
奉此遵經兩次領過洋銀九千元所有圍牆頭
門平廳閣門工已完具並添造外平房九間

文瀾閣梁柱均已竣工

欽定古今圖書集成鈔補將完一切支用甚殷擬請領
第三次洋銀三千元俾資公用合備領紙一道
仰請察照撥給實爲公便計呈職領一紙右呈
浙省釐捐總局

光緒七年三月初七日

前江蘇按察使司應寶時江蘇特用知縣丁丙
續添工程估價請款呈

爲呈請事竊上年秋閒准奉照會案奉

行宮頭門及圍牆臨湖大牌坊

文瀾閣平廳走廊等工計招開工料洋一萬二千

三

九百一十三元業經遵式修建完竣嗣將全址

草泥瓦礫清出始知圍牆舊基與

聖因寺周圍聯併因一律圍築計添造假山亭一

座二宮門一座東西角門左右邊門各一座待

漏房九間已不敷千三百二十元又奉照建

御碑亭一座及東偏平廳三間平屋五間廚房四椽備

典守鈔錄肄習之所業經呈送估摺計工料洋
一千八百九十元此外重刻碑石及假山卸落
之處後池已斷之橋山上山下積垣圯級皆須
撤舊補新又簷前格漏座落几案皆不能概從

省路業於撫憲臨視工程之際奉諭照辦遵經
核實估計共需洋八百八十元又鈔補圖書集
成二百四十七本計字六百十二萬四千零繪
圖校對筆貨暨裝釘修補五千二十冊夾板五
百二副製木櫥十六座等計需洋一千元有奇
統計前項經費洋一萬八千元除領釐捐局發
過洋一萬二千元外尙應請領洋六千元理合
陳明伏乞察核施行移咨釐捐總局俾得次第
具領一俟全工告成書籍移度謹卽造具細冊
稟請驗收實爲公便右呈浙江布政使德光緒七年

文瀾閣志卷上

三

六月十一日

撥給 文瀾閣續添工程經費布政使照會

浙江布政使德爲照會事准貴紳等呈稱上年

秋間准奉照會奉撫憲飭修建西湖

行宮頭門及圍牆臨湖大牌坊

文瀾閣暨平廳走廊等工計捐開工料洋二萬二

千九百一十三元業經遵式修建完竣嗣將全

址草泥瓦礫清出始知圍牆舊基與

聖因寺周圍聯併因一律圍築計添牆一百五十

丈並添造二宮門一座及東西角門左右邊門

各一座待漏房九間假山亭一座已不敷洋一
千三百二十元又奉照建

御碑亭一座及東偏平廳三間平屋五間廚房四椽備

典守鈔錄肄習之所業經呈送估摺計工料洋

一千八百九十元此外重刊碑文及假山卸落

之處後池已斷之橋山上山下積垣圯級皆須

撤舊補新又簷前格漏座落几案皆不能概從

省路業於撫憲臨視工程之際奉諭照辦遵經

核實估計共需洋八百八十元又配鈔圖書集

成二百四十七本計字六百十二萬四千零繪

文瀾閣志卷上

三

圖校對筆貨暨裝釘修補五千二十冊夾板五

百二副製木櫥十六座等計需洋一千元有奇

統計前項經費洋一萬八千元除領釐捐局發

過洋一萬二千元外尙應請領洋六千元理合

陳乞察核移咨釐捐總局俾得次第具領一俟

全工告成書籍移度造具細冊稟請驗收等情

到司准此查修建西湖

行宮頭門等處工料洋一萬二千九百一十三元

前奉撫憲札飭移局撥給卽經移請釐捐局查

照給領並移知軍需局查照在案現在既有添

建前項圍牆各工並經應紳等核實估計前後
共需經費洋一萬八千元除領過洋一萬二千
元外所有不敷洋六千元自應仍由釐捐局核
明撥給除詳明並移釐捐局核給暨移軍需局
查照外擬合照會爲此照會貴紳請煩查照希
卽會同赴領造具實用細冊送司驗收詳銷望
速望切右照會前江蘇按察使應紳等
光緒七年七月
二十七日
會議 文瀾閣鈔書章程并管理經費布政使
照會

文瀾閣志卷上

三

浙江布政使德爲照會事本年七月二十一日
奉撫憲譚札開照得

文瀾閣工程告竣丁紳擬將舊時所收殘書仍藏
閣中以備諸生泛覽然必有經理者始免失散
查有沈紳燦堪以經理其每年應支薪水及看
門人役工食并每歲零星修理之費或於用絲
捐款內酌提由善堂首士經管支發應如何嚴
定章程俾可經久之處除逕委外札司卽便會
同應紳丁紳等妥議復核毋延等因奉此擬合
照會爲此照會貴紳請煩查照希卽將前項薪

水工食以及每年歲修等費應如何支給妥議
章程復司詳辦望速施行右照會前江蘇按察
使應紳等
光緒七年閏
七月十八日
江蘇特用知縣丁丙送呈補鈔閣書章程并議
定經費稟
敬稟者竊奉憲臺照會內開奉撫憲譚札開照
得

文瀾閣志卷上

三

文瀾閣工程告竣丁紳擬將舊時所收藏書仍藏
閣中以備諸生泛覽然必有經理者始免失散
查有沈紳燦堪以經理其每月應支薪水及看
門人役工食并每歲零星修理之費或於用絲
捐款內酌提由善堂首士經管支發應如何嚴
定章程除逕札委外札司卽便會同應紳丁紳
妥議復核等因奉此合行移會貴紳妥議復核
等因奉此伏查閣地甚爲寬曠庫書實宜慎重
經理須常川看守薪水似宜從優每月擬支錢
二十四千文司事一人幫理曬書督率收拾技
草薪水每月給錢五千文看門司爨人役擬募
二名每月每名擬支錢四千二百文所有芸香
樟腦巾帚茶水零星每月約計錢一千文至修

理一項現當落成原無大修惟湖山風日較烈且傑閣凌虛圍牆高繞非隨時黏補不能保其永固除木石兩作不計外每歲約錢二百四十千文漆作大小牽計每歲約八十千文金鈎明瓦玻璃工料每歲約錢五十千文以上統共連過閣之年數在千串之則按季由善堂董事核實造冊呈請釐捐局於用絲捐內給發仍擬就近會同濬湖局董事經管修理工役等事互相照料以期周密閣內既有藏書卽不得任閒雜人等恣意游玩每歲擬請憲臺示禁一道俾知

文瀾閣志卷上

三

敬畏如有士子請書觀覽卽知照沈紳至閣取出就別舍繙覽或鈔或摘不准移借流損並不准借觀書之名作游湖之寓每屆曬書查點一次報案備考此擬備經費與嚴定章程大畧也更有請者乾隆四十七年奉頒四庫全書三分藏皮鎮江之金山寺揚州之大觀堂杭州西湖行宮恭讀

御製文瀾閣詩注繕寫之資費帑金一百餘萬兩

嘉惠士林實亙古未有之

曠典時丁浩劫鎮江揚州兩分悉罹兵火片紙無存杭

州幸覩陳編得以涵濡

聖澤者止此殘書一萬餘冊然計當時繕寫之資已費帑十餘萬矣茲蒙重建

文瀾閣又購

欽賜鮑氏古今圖書集成一部補鈔完全尊藏閣中尤東南文教之轉關浙省藝林之盛事也謹按遺書全者凡三百餘部闕者尙有九百數十種其中除十三經二十四史各省通志佩文韻府部大字多不及鈔寫者則備價購藏此外先將缺卷無多及版本希少各書儘職家藏并另借底

文瀾閣志卷上

三

本館人寫校仿照閣本紙紅格絹面之式每冊估計約銀一兩每年以二千冊爲率加以校對筆墨添置書嚮裝潢殘帙添配夾板又另購刻本大部價值如蒙仍酌提用絲捐通年需錢五千串責成善堂首士隨鈔隨購實力經理按年報銷大約四五年後可復舊觀並會議補鈔章程是否有當呈祈察核詳請示遵實爲公便此稿先與應紳商議因在苦次未經列銜合併聲明計呈補鈔章程兩扣右稟浙江布政使德緒

七年八月二十九日

附補鈔閣書章程

茶陵譚公撫浙之明年創修

文瀾閣既竣以閣本散佚現存者纔什之四五闕

帙尚多遂有移借補鈔之議方伯德公樂成其

事議於用絲捐項下按年提款舉辦詳奉允行

茲開辦之始必須議定章程俾知遵守仰副各

大憲拾遺補闕上神

聖天子嘉惠士林之至意與事諸君幸始終慎恪毋

怠毋忽以襄厥成所議條件別繫於左

一書中遇

文瀾閣志卷上

堯

廟諱

御名均須敬避恭缺末筆

聖諱除

園丘之丘及經書白文不避外餘敬避加卜作邱

一四庫館諸臣恭撰總目提要今借來之書或

有或無宜照鈔在序文之前第一行頂格寫

欽定四庫全書六字第二行低一格寫某某書名第三

行低二格寫提要二字第四行低四格寫臣等

謹案某書若干卷某朝某人撰下照刻本鈔寫

提要全文一篇後列年月其年月無可考者於

年字上空二格月字上空一格又寫恭校上三

字另一行起低十一格寫總纂官臣紀昀臣陸

錫熊臣孫士毅計十四字排緊擠寫到底又另

一行低十一格寫總校官臣陸費墀計七字上

三字之下空格下四字照寫四格

一每書原序第一行寫一序字第二行頂格寫

序文作序人姓名即寫於原序之末接下直寫

不另提行序有兩三篇者即於首篇序後提行

接寫次篇後接三篇不必另紙亦不必每篇一

序字

文瀾閣志卷上

舜

一閣書格式每頁十六行每行二十一字每卷

之首第一行頂格寫

欽定四庫全書六字第二行低一格寫本書之名第三

行低十三格寫朝代下空一格寫撰書人姓名

下又空一格寫撰字如子夏易傳則寫周空一

卜商空一撰他類倣此若為本朝人則稱官銜

如不知官銜或本無官銜者留空一行俟覆校

酌定第四行以下接鈔本文題目低二格子目

低三格詩文題目下之小注均照原書每卷尾

頁末行如在前八行畢則第八行低一格寫某

某書名卷某在後八行畢則第十六行低一格
寫書名若第十六行寫畢則另下一頁之第
八行低格寫書名總之低一格者不敢與卷首
之

欽定字樣並也

一書心上居中寫

欽定四庫全書六字魚尾下夾行前面空二格寫書名
後面寫卷數書僅一卷者不寫又下界朱絲於
前面朱絲之上寫張數

一鈔牘紙張皆朱絲直格無橫格另備墨絲橫

文淵閣志卷上

三

格分給以便套寫上每格皆畫圓圈字須齊圈
線不得過大過小字之筆畫粗細亦以圈線為

準不得過粗過細違者罰令重寫

一此係閣書不准添注塗改以昭敬慎每頁或

僅錯二三字許挖補一頁不得過五處失一二

字者許挖去三四字擠寫須排當勻淨而每失

落處不得過五字每頁擠寫不得過三處又不

準割幅違者罰令重鈔汚墨汚油以及潦草不

成字體行款欹斜筆畫歪扭顯為幼穉所寫皆

不收帳責成經手人賠紙

一校字除

廟諱改寫外均照原文校出錯誤失落少則挖補多則

重鈔若疏略不校一經覆校凡所經手鈔成之

書統行扣除校資以便另請他人校正

一每張鈔畢共計字若干注明書邊不可近角

必須離高寸許以便留切訂地步每卷鈔畢亦

須共結若干每本鈔畢亦須總結若干以便逐

頁逐卷逐本核算外包紙亦須填寫字數

一收發書籍以東城講舍為匯總之所每月以

初五十五二十五三期收發屆期已集西散風

文淵閣志卷上

三

雨無阻

一書籍收發專請一人稽查登記簿內注明某

人於某日領得某書一本計幾卷每人每期以

書十本為限厚簿簿中每本作一行分寫卷數

第二期欠繳幾本即扣發幾本仍合前後為十

本不得徇情多領遲逾三期不繳者停發責成

經手人將原書繳回

一收到新鈔之書必須與原書同繳誤忘原書

概不暫收如原書略有傷損責成經手人賠補

務以珍惜慎重為要

一收到鈔書當時檢看格式符合於發書簿上
蓋用收書月日紅戳交核算字數者照數先給
一半筆資不合者罰令重鈔

一鈔貨每千字錢肆拾文校資每千字錢拾文
核算發錢專歸一人經理另立簿籍注明計若
千字某期付錢若干某期付清凡繳書之日先
付筆資一半餘俟字數核準覆校無誤隔期我
給

一收付紙張不能預計多寡另立一簿注明某
人領紙若干張收鈔成書若干張存若干張按

文瀾閣志卷上

三

期結算每發紙百張外另給十張作為破碎抽
換之用不得徇情多給至油污墨污以及罰鈔
紙張均須自購賠償

一經手領書必須自覓薦保注明簿上因此事
重大書多移借恐有損壞遺失稍涉泛濫齟齬
易生非故為逆億實慎重之意諸君諒之

一鈔書之人先寫字樣一張下注名姓交經手
領書者送閱擇其書法精謹者方準承領如字
畫潦草不合格者即由經手辭復

給發 文瀾閣經費布政使照會

浙江布政使德為照會事本年八月十三日奉
撫憲譚批本司詳丁紳丙稟

文瀾閣委員等薪水以及鈔補殘書經費請於用
絲捐內提用由奉批如所議行准於用絲捐內
每年照數提用務須實力經辦按季造冊報銷
仰即轉飭遵辦並移釐捐局查照等因奉此查
此案前據具稟到司即經批示在案奉批前因
除移釐捐局查照核給外擬合照會為此照會
貴紳請煩查照希即赴局請領造冊報銷仍將
前項各經費應於何季起支復司查考施行右

文瀾閣志卷上

五

照會江蘇特用知縣丁光緒七年九月初十日

前江蘇按察使應寶時江蘇特用知縣丁丙修
闢工竣請委員驗收呈

為呈送報銷冊結請委驗收事竊照上年秋閒
准奉照會奉撫憲譚飭修建西湖

行宮頭門及圍牆臨湖大牌坊

文瀾閣暨平廳走廊等工計摺開工料洋一萬二
千九百一十三元又於本年六月閒呈請續建
二宮門一座東西角門左右邊門各一座待漏
房九間

御碑亭一座東偏平廳三間平屋五間廚房四椽並

聖因寺周圍牆垣及鈔補圖書集成二百四十七
本書櫛夾板器具傢伙等先後統計需洋一萬
八千元隨於七月二十七日准奉照會既有添
建前項各工核實估計前後其需經費洋一萬
八千元除發過一萬二千元外所有不敷洋六
千元自應仍由釐捐局核明撥給除詳明並移
釐捐局軍需局查照外即便會同赴領造具實
用細冊送司驗收詳銷等因遵將經費會同領
回並催集工匠趕將原估及添建各項工程於

文瀾閣志卷上

三

前月內一律完竣所有舊存杭州府學尊經閣
四庫全書遺冊一萬餘本又鈔補古今圖書集
成五千二十冊並以職丙家藏

欽定全唐文一千卷一律恭移分三十二櫥珍藏交憲
派管書董事沈燦收掌合將所用工料逐細造
具清冊同保固切結一并呈請察核委驗施行
惟是山坡上下地勢寬廣工程隨作隨添仍覺
未能周備即如

行宮

聖因寺兩處

御碑多有損裂閣前花樹扁對之類皆在續估以後始

行扶砌補植若再加請經費事涉煩瑣均由職
丙承辦合並聲明計送清冊四套固結四紙光緒
七年十月
初六日

浙江巡撫奏報修復 文瀾閣請頒給

御書及平定粵匪方略并獎勵紳士片

譚鍾麟片再杭州西湖孤山之麓乾隆間

敷建文瀾閣珍藏

欽頒四庫全書圖書集成及全唐文各種書籍准士子

謄寫誦習此邦士人得以誼濡

文瀾閣志卷上

三

聖教者垂百年矣咸豐庚申辛酉省城再陷全書散軼
時有五品銜主事丁申與其弟江蘇特用知縣
丁丙不避艱危潛拾殘編深藏僻地迨省城克
復繳存杭州府學編集書目尚存一萬餘冊 臣
前守杭州時深嘉其志己卯冬奉

旨調撫浙江到任後訪問該紳兄弟頻年留心收繳
又增百數十冊并照四庫全書目錄徧覓底本
冀陸續鈔補以復舊觀統計將及九成其苦心
孤詣實為人所難能而費資竭力固無論矣惟
原建書閣兵燹後僅存遺址 臣 上年秋購得圖

書集成一部欲度置府學而其地狹隘不便士子翻閱因親詣舊閣查勘籌款修復派丁丙經理其事今幸煥然一新將所存府學書籍移藏其中而丁申兄弟又以家藏全唐文一部益之現經另派董事看守酌給紙筆之費令該紳等將底本依樣鈔補期復鉅觀以副朝廷右文之盛治當日閣名係

高宗純皇帝御書可否仰懇

聖恩頒賞文瀾閣三字俾壯觀瞻至丁申兄弟於兵戈擾攘之際尙能搜求遺書購覓底本俾後進

文瀾閣志卷上

七

之士得窺

內府陳編其卓識迥越尋常所費亦難以數計可謂篤行敦本之士矣查丁丙爲大學士左宗棠撫浙時保舉知縣隱居不仕杭城善舉悉賴以經營直隸山西兩次賑捐出力均堅辭獎勵不求利祿淡泊可風合無籲懇

鼓勵出自

天恩准將五品銜候選主事丁申加四品頂戴以示
逾格鴻慈再浙省亂後各府縣志蕩然無存現雖先後設局補修而文獻無徵恐庚辛之變紀載失

實應請

特恩頒給平定粵匪方略一部尊藏閣中庶修志者有可查考迂疏之見是否有當伏乞

聖鑒訓示謹奏

光緒七年十月十六日

頒發

御書文瀾閣扁額布政使照會

浙江布政使德爲恭錄照會事本年十一月初七日奉撫憲陳札開本年十一月初四日准兵部火票遞到辦理軍機處咨開本月十六日據升任浙江巡撫譚

文瀾閣志卷上

美

奏浙省修復

文瀾閣請

頒發匾額當經奉有

諭旨茲於本月二十二日

發下文瀾閣匾額一方相應恭錄

諭旨一道暨匾額一方由驛遞交祇領懸挂可也等

因到院恭錄札司即便移行欽遵即將匾額一

方謹敬摹挂計恭錄

諭旨一道並發匾額一方等因奉此除行杭州府分別移行欽遵外擬合恭錄

諭旨並將匾額照會貴紳等查照欽遵謹啟摹挂通
報備查毋違右照會前江蘇按察使應紳等緒

七年十一
月初十日

委員驗收工程布政使照會

浙江布政使德為照會事案奉陞任撫憲譚批
本司詳明移局核給應紳等承建西湖

行宮並添建各工經費由奉批查此案已據該紳
等具稟到院即經批飭釐捐總局於用絲款內
動支洋六千元給發收領並移該紳等知照在
案據詳前情仰即查照仍俟工竣照例委驗保

文瀾閣志卷上

五

固取造冊結詳候核銷繳等因奉經照會貴紳
等赴領仍俟工竣照章造具工料細冊同承辦
保固切結送司委驗詳銷在案茲准貴紳等呈
稱竊照上年奉飭修建西湖

行宮頭門及圍牆臨湖大牌坊

文瀾閣平廳走廊等工又於本年六月呈請續建

二宮門一座東西角門左右邊門各一座待漏

房九間

御碑亭一座東偏平廳三間平屋五間廚房四椽並

聖因寺周圍牆垣及鈔補古今圖書集成二百四

十七本書蠟夾板器具傢伙等先後共需洋一
萬八千元會同領回催集工匠將原估添建各
工于前月內一律完竣所有舊存杭州府學尊
經閣四庫全書遺冊一萬餘本又鈔補新成圖
書集成五千二十冊並全唐文一千卷謹恭移
分三十二齣珍藏交管書董事收掌合將所用
工料逐細造具清冊同保固切結一併呈請察
核委驗等情到司據此查貴紳等承建西湖
行宮工程先後據估需工料洋一萬八千元均奉
陞任撫憲譚批飭准於用絲捐款內如數給發

文瀾閣志卷上

早

領辦現據報明一律完竣造具冊結呈送委驗
核銷前來查有候補知縣孫壽彭堪以委令勘
驗並令出具承勘不扶印結稟候核明詳銷除
呈報並札委外擬合照會為此照會貴紳等請
煩查照一俟委員到工希即逐一指明俾便按
照驗收出結詳辦望速施行右照會前江蘇按
察使應紳等

光緒七年十
二月初三日
江蘇特用知縣丁丙領藏平定粵匪方略稟

敬稟者竊照本年七月二十七日奉憲札開據
藩司呈稱案奉憲札據京提塘朱朝陽稟稱奉

兵部派員協同提塘親赴

武英殿領得方略全書計四百二十本因前項

御書緊要之件又兼書本較多不能隨報封發而摺

差又不便齎帶惟有仰懇恩准暫行存塘俟另

派員弁來京齎帶回浙等情札司查照遇有委

員解餉進京飭令順帶回浙所需川資酌量核

給等因奉經札飭管解京餉委員候補同知趙

寶申攜帶去後茲據該委員申報將前項存塘

方略全書一部計四百二十本攜帶回浙呈繳

前來理合呈送察收轉發等情到本部院據此

文淵閣志卷上

聖

合將奉到

御頒方略全書一部凡發札到該紳立即查照敬謹

收儲

文淵閣尊藏具覆毋違等因奉此遵卽檢點本數

收儲惟謹查原書係屬草釘並無底面理合裝

釘成冊分函加配夾版置榻上鑰交管理閣書

董事沈燦敬謹尊藏所有領到置辦恭藏緣由

遵具寸稟伏乞憲察施行右稟浙江巡撫陳緒

八年八月十四日

前江蘇按察使應寶時兵部郎中金日修刑部

主事王同江蘇特用知縣丁丙呈續議補鈔閣書章程呈

爲呈報事竊奉光緒七年閏七月十八日准奉

藩臺德照會內開奉撫憲譚札開照得

文淵閣工竣查有沈紳燦堪以經理每年應支薪

水及看門人役工食歲修之費准於用絲捐內

酌提由善堂紳士經理支放遵經議章並鈔補

欽定四庫全書每年酌計冊數錢數呈請藩臺詳准並

移釐捐總局查照嗣奉陞任撫憲譚行知

奏准鈔補緣由各等因歷將按季領發管費歲修

文淵閣志卷上

聖

專款報明在案查上年五月間起遵照原存書

式購備紙張刊印板格擬就鈔補規約集倩膳

錄諸人所有閣書雖由職丙將家藏底本應發

而書手多至一百餘人其間分別全鈔補鈔詳

審底本是否與提要相符勻酌紙張指示格式

按期收書發書核算字數付給鈔資隨後尙有

卷首之提要另行恭錄書中或表或圖均須界

絲繪畫事極輾轉繁瑣紳等公同酌商擬以職

同並訂副貢張大昌恩貢孫樹禮專理其事另

延司事二人幫爲料理各議辛資俾有責成俟

鈔補成數千整册再行裝釘間有從前閣書散失在外此後如有歸繳無論現在已補未補仍擬給價購回以重

御寶并將續擬章程六條繕請察核並乞轉報備案實

為公便計呈續擬章程兩扣右呈浙省釐捐總

局光緒九年三月初四日

附續擬鈔書章程

一舊存殘本陸續領出立册備查鈔成時新舊合并束以夾板標明某書原存若干卷恭配若干卷繳閱將前册注銷

文瀾閣志卷上

呈

一舊存殘本經粵匪毀棄間有漬水沾泥汚油及塗抹違礙字樣均應逐葉細檢按次更換其全本霉爛者專留前後

御寶其餘另行恭繕

一舊本均有

御寶理應恭繳第鄉僻散遺慮不能免如有陸續恭繳

者姑念鄉愚無知寬貸襲藏之愆仍擬隨書多寡酌給川資庶使離省較遠之人均知鼓勵呈獻不得以書之全缺有所低昂即使繳到或遲已經補鈔者擬仍將舊本歸入抽出新本所給

用資年終開報

一鈔成之書本擬裝釘因分次切去毛邊恐參差不齊擬俟排齊甲乙切釘庶可一律勻整現均束版藏庋

一配鈔照舊閣本如現鈔東坡書傳提要及簡

明目錄均云十三卷而閣存殘本卷十六十七

須借二十卷本恭配如此類者不能盡依提要

一舊存書目册數開有舛錯如史部平臺紀略

目錄云三册而閣存殘本四册其為不止三册

可知集部林和靖集目錄云十册而書祇四卷

文瀾閣志卷上

呈

其七十餘葉其不能分為十册可知如此類者

裝釘時酌改

前江蘇按察使應寶時等議復補鈔閣書展限

呈

為恭補閣書遵照核覆事竊九月二十八日准

奉照會內開九月十一日奉撫憲衛批釐捐總

局詳

文瀾閣配補殘書經費可否暫行停鈔由奉批據

詳用絲捐存款無多自屬實情惟查原案該紳

等呈內聲明通年提錢五千串鈔補之書大約

四五年可復舊觀等語以時計之事在垂成今一旦停止則盡棄前功未免可惜且劉前院任內局詳請將用絲捐款改作正項亦經批俟海防事定仍照原案存儲等因在案現在所鈔之書已成若干未成若干尚須經費若干約在何時可以告竣仰布政使會同釐捐總局移會該紳逐一核計詳細議覆由司核明詳奪以示限制而重公款毋違繳詳鈔發等因奉此擬合照會貴紳等請煩查明詳細議復以便轉詳施行等因奉此竊照光緒七年七月間修建

文瀾閣志卷上

巽

文瀾閣工竣奉委沈紳燦經理藏書並飭鈔補全書維時恭讀

純皇帝御製文瀾閣詩注云鈔寫之資費帑金一百餘

萬今恭補西湖

文瀾閣殘書以三閣之一並除去原書殘本照原辦銀數應須銀二十餘萬兩時值艱難何能籌此鉅款擬請除十三經二十四史各省通志佩文韻府等書部大字多者則備價購藏俾稍節省先將缺卷無多及版刻稀少者覓人鈔寫每年以二千冊為率提用絲捐錢五千千文大約

四五年後可復舊觀呈請陞任藩臺德詳奉八月十三日前撫憲批如詳所議行嗣經前撫憲譚恭照乾隆三十八年四月二十八日

上諭四庫全書無論應刻者另須繕寫即應鈔者皆一律繕寫裝潢收儲其外省進呈鈔本大小長短不齊與現在陳設不能畫一仍須給還等諭因於九月二十六日附片

奏請酌給紙筆之資令將底本依樣鈔補以副朝廷右文之盛治懷奉之下是前請備價購藏大部之議已與

文瀾閣志卷上

巽

奏案未符書既不購自應全歸繕寫年限不展而展經費不多而多且全書之中有雙行夾注有夾注中夾注有卦象圖畫有篆隸鐘鼎有滿洲蒙古字有橫表有八綫表有朱墨並書有五色夾寫有擡頭空格有通天出格有眉端

御批有每葉化十六行為十八行每行化二十一字為二十五字事非呆版約計鈔資亦屬不易所備底本有殿版有官版有民間家刻有宋槧有元明舊刻有精鈔本有影鈔本有大典本有叢書本購既不易借更為難且有同是一書閣本所

收爲某某刻本而細核提要所案不符雖有底本不能照鈔仍須另覓又有提要云若干卷數而所存殘缺閣書反在若干卷數之外須舍不足本而另借別本忝配數年以來遠而京師近而蘇滬甯紹嘉湖或買或借欲求其全殊非易易其宋元珍本不能遠借者又須另倩安人就地往鈔一書鈔就必經十數轉手方得告成若非遵奉經理斷不知此中如是艱苦也茲奉撫憲批飭查明事理謹查簡明目錄凡三千五百二十七種舊存檔冊凡三萬六千四百八十四

文瀾閣志卷上

聖

冊自光緒八年秋季起至本年冬季止計四年半約已成書二千八百種共二萬八千本是全書種數與冊數均在八成之則計先後領過錢三萬串另加以今年我款與原估每本需銀一兩之數幸不離譜今查未成之書約七百餘種計八千餘冊如底本借覓齊全再有兩年之期經費一萬四五千串當可告成伏思恭補

閣書按照舊存檔冊種數及提要卷數自有一定限制不容稍糜公款除呈釐局外理合細核呈復仰祈轉詳撫憲俾竟全功實爲公便右呈浙

江布政使許光緒十二年十一月初八日

鈔書展限奉到撫批布政使照會

浙江布政使許爲照會事本年十二月初四日奉撫憲衛批本司詳覆鈔補

文瀾閣殘書請轉限兩年豫估經費以竟全功由奉批如詳辦理仰即移飭遵照繳等因奉此除移釐捐局查照外擬合鈔詳照會爲此照會貴紳等請煩查照希將未成之書趕緊借覓鈔補以竟全功望切施行右照會應紳等光緒十二年十一月十五日

文瀾閣志卷上

聖

頒發勸善要言浙江巡撫照會

浙江巡撫崧爲照會事案准兵部火票遞到軍機大臣字寄光緒十七年八月初八日內閣奉上諭朕恭讀

世祖章皇帝御製勸善要言一書仰體

天心特垂明訓精詳切實俾斯世遷善改過一道同風實足變滄俗而臻盛化惟原編祇有清文特令繕書房加譯漢文發交武英殿刊刻成書茲據奏刷完竣裝潢呈覽著每省頒發一部交各該將軍督撫照式刊發各屬學官每月朔望同

聖諭廣訓一體敬謹宣講用示朕欽承

祖訓輔教牖民之至意欽此遵

旨寄信前來承准此當經恭錄札行書局遵式敬謹

模寫恭刊呈送去後茲據該局刊竣成書申送

頒發並繳原書前來除分札頒發各屬欽遵辦

理外相應照會為此照會貴主政煩請查照希

將

欽頒勸善要言原書一部恭送

文瀾閣尊藏施行計送書一部右照會王紳等

光緒十七年十二月十二日

文瀾閣志卷上

癸

刑部主事王同江蘇特用知縣丁丙舉人孫樹

禮貢生孫峻領收勸善要言藏閣呈

為奉發

欽頒勸善要言敬謹尊藏事竊本月二十四日奉照

會內開案准兵部火票遞到軍機大臣字寄光

緒十七年八月初八日內閣奉

上諭朕恭讀

世祖章皇帝御製勸善要言一書仰體

天心特垂明訓精詳切實俾斯世遷善改過一道同風

實足變澆俗而臻盛化惟原編祇有清文特令繙

書另加譯漢文發交武英殿刊刻成書茲據奏刷

完竣裝潢呈覽著每省頒發一部交各該將軍督

撫照式刊發各屬學官每月朔望同

聖諭廣訓一體敬謹宣講用示朕欽承

祖訓輔教牖民之至意欽此遵

旨寄信前來承准此當經恭錄札行書局遵式敬謹

模寫恭刊呈送去後茲據該局刊竣成書申送

頒發並繳原書前來除分札頒發各屬欽遵辦

理外相應照會為此照會貴主政煩請查照希

將

文瀾閣志卷上

辛

欽頒勸善要言原書一部恭送

文瀾閣尊藏施行等因奉此遵卽祇領恭送到

文瀾閣一體尊藏理合備文呈復仰請察核施行

右呈浙江巡撫崧

光緒十七年十一月二十五日

轉發閩省聚珍板叢書札

浙江巡撫廖札省城紳士江蘇特用知縣丁丙

知悉光緒二十一年五月十八日准閩浙總督

部堂譚咨開為照閩省原存

武英殿聚珍板書現經本部堂補刊完竣裝釘千

本咨送查收飭發等因到本部院准此合行札

發札到該紳即便查收轉發

文瀾閣存儲此札計發書一部光緒二十一年五月二十五日

江蘇特用知縣丁丙領到閩省聚珍板叢書儲

閣稟

敬稟者竊本年五月二十五日奉憲札開光緒

二十一年五月十八日准閩浙總督部堂譚咨

開為照閩省原存

武英殿聚珍板書現經本部堂補刊完竣裝釘千

本咨送查收飭發等因到本部院准此合行札

發札到該紳即便查收轉發

文瀾閣志卷上

五

文瀾閣存儲此札等因奉此遵即檢點本數配製

夾板送閣收儲理合具覆右稟浙江巡撫廖光緒

二十一年閏五月初二日

文瀾閣志卷下

藝文

文瀾閣賦

王芭孫

皇帝御極之四十有七年四庫全書告成既肇營乎

文淵重蓄繕於

武英裝褫報完部次以呈包括萬古蒐求八紘作

我一經迺副諸於承德又尊藏乎

上京貳文昌于天邑倬雲漢于名城闢躔乎東壁

之府麗垣於太微之庭徧布肆設鏤日羅星文

命誕敷諸役嗣興崇宮傑構豐碩瑰閣固已相

文瀾閣志卷下

望崢嶸矣

皇上凝神穆清丕冒無外睠然曰予茲觀乎人文以化

成天下眷維東南實人文最魁儒碩生蔚乎鏘

翮歆嚮之日久矣且夫杭州之野於越之地桓

桓大邦江海交會庶幾地靈鍾焉豈無翹秀豈

無鴻肆跂斯美懿資其講肄旦夕希冀天文乎

緯曜愚者得與乎觀也地文乎流峙賤者得假

其利也聖文乎文章天下得識其義也朕方欲

磨礪選造箝持淫詖夫何曠此之茂製而慙弗

與昭示乎於是浙江行省拜四庫全書之

賜視江南焉三事九司

詔令是恭宣露

德意下浙西東歡聲雷同快視龐鴻小大和會話譚總

總以為豐矣穹矣普矣充矣

天子之恩誼隆矣頓首疏謝遂謙度乎聖因之工迺昌

言曰不壯不麗不足以重當時不飾不美不可

以為後儀吁大觀之在上必藏弃之勤思庶就

高而擇爽誠可尊而不可卑昔惟神禹藏書會

稽亦越韋羌石室篆披金庭玉匱削劣岷嶺攀

險陟峻僅而得窺此皆閭名之謬記無聊之虛

文瀾閣志卷下

詞寂寥乎太古隔限以崆峒猶然誇詫盱眙頌

揚靈祚以為兩浙文字之禧也矧夫聖因者固

耆閭之覺地應金方而在西懿乎哉又

天子之行宮在焉曩者

省方五停六飛西湖一勺浸為天池遐邇臻嚮陰陽胥

宜背郭面流可因為基且

天子託瞻浙土而幸齋之矣其必親近

嘉德震以淫威左右斗杓依附

聖誕乃可以一當世之耳目鞏億祀之絲規既卜筮之

僉協遂走趨而偕來于是遠埃場居光昌工師

定墨將作稽章與天諷日除地開場周而四顧
切齊中央顯翼翼營堂堂壁畫界限躊躇向方
道其鬱起奮以方攘據神靈之寶勢仿太紫之
殊鄉搏顛氣而絕出收湖波之汪汪以丕作乎
斯閣誕造天而高翔以文瀾而爲號貽萬世其
允臧伊斯閣之巍巍兮羌輪函而崛吻載

天文之隣隣兮嗟璘璫而絕蔚抗坻堦之將將兮羅疏
柱之汨越飛欄企以翬翬兮反宇熾以鼈馭垂
環玼之瓏玲兮窈叫窳而郵傷齊總總以搏搏
其相轆轤兮拂虹霓而未歇悅曉曉其曖曖般

文瀾閣志卷下

三

以紛拏兮層枝柱而齟齬矯伏柴僂開閉帥霄
迤靡屯屬縹緲詭譎離婁摧唯絲蠻律矼騫霄
軼景戢香捷獵神踣鬼呵懾此嶒崢捫摸星宿
天漢戶闔故其華絢則輝輝熿熿丹碧躍空欲
抑且揚若岷嶠之山瑤臺十二層城九重也其
祕奧則連卷黓霽轉側妨礙若華嚴法界金銀
之宮彈指相從意外不可詰窮也旣櫛比以攢
集又鴻網而嚴做攀躋偃蹇至者懊喪前後要
遮不常厥狀遠而望之若覩蓬萊而隔茵蕙迫
而象之若仰麒麟而戴垂雲游鷗不能自遠翹

魅窺而下翼桁梧複疊勢合形分何雙渡其配
藜或蠶蛸其難循此其大較也若其參塗方軌
九楹範街有平其道蕩無歧表石級鱗次中唐
錯牙玉鳥承跋金楹旁阿青瑣銅鋪槐栢周羅
雙枚固闔重桴排柯陰叫陽馬撥爾網簪脰脰
喙呀妥貼頗斜厥庸孔多繚以巖牆夾以堊壁
編以粹疏嵌以綺榻迎陽召風天光中書渲染
鞞鞞班閒賦白錄狄蹲轆雕獅守柵文瀾之字
斗大縣額縱橫十丈鈎填縹白髻漆彈具赫其
奕奕至於蘭栢重積藻棻枝梧臥梁虹跨衡棟

文瀾閣志卷下

四

龍龕檝植各落以次列欒拱天矯而交扶臨楣
劑刷傍栢爬梳倒茄被蕙跳躑魑魍廂个要紹
繡繪模糊瓦縫鈎鬪輒鐫削除絲飾累巧不可
一二而書夫此猶未見乎閣之勝也且非閣之
所以名也於是而觀其中則嚙架森列緇繩逕
重囊表則細素錯設籤軸則犀玉兼攻匣以枘
琢縹以緋蒙繕之萬手校過百通積石不足以
爲倉二酉不可以爲宮金薤玉篆披倡鬱蔥鼎
彝旁午球圖西東徒覽其目眩眩倥傯莫知所
從漢畧魏簿齊錄唐收隋修陳皮宋纂明成以

若班荀之所撥拾虞阮之所鈔膳同條共貫經緯有程元素赤青甲乙丙丁簿錄萬萬極并重分用多取精排當乎几榻充塞乎奧榮其經則皇墳帝典十三區部箋疏是非注錄取予毛鄭孔伏二戴徐許異同水火輩行門戶歸我鴻鑑蒼萃一處其史則廿一廿七遷固託始新舊備陳綱目撫摛誅詠起廢以爲美訾春秋卓義筆削有指矧夫

御批爲之綱紀暗服萬載玉鑑懸只其子則周秦以來僞真譌舛收拾零碎包括裁翦革其膚淺存厥

文淵閣志卷下

五

奧衍寬甄嚴取豪忽痺闡虞初九百小說繫件非恢說邗職是精選非資辯固譬猶博典其集則代無遺賢人罔遺編類分時聚有萬其千雜家餘體別傳外篇下者存目闕則補全勿苛勿濫或合或專如彼編鐘悉鏗於縣凡蓋棺者去取精權窮士仰屋惟恐大年網絡鉅細無有後先自有書契眾言道起天慢歎泄不得闕止斷爛爲期士私非是斯文之歸而統繫莫理神徂聖伏維紐解弛比之匪人纂緝徒侈不樂大典事以韻庀標別失據卽無譏矣天漸闕祕發不

先昏華路藍縷啟我隆軌一大昌會蓋待乎此道揆法守況在

天子進進退退惟

天子視威威祇祇惟

天子俟繩直衡平千聖其協不暇諾唯既概括乎曩民

復標的于今士爰頌置乎江南別

救藏乎浙水屹高閣之嵯峨驚冊府之濛汜入淵敷以

靡涯兀中流而峙砥喻觀海之綦難庶津逮于

勿止嗜瓊譎乎斯文淵之所以名焉乎而其勝

願未已于是觀其外則西湖臺臺方諸掛秋滯

文淵閣志卷下

六

涵瀾漫凝若無流淡不可收橫塘查下眠隄曲兜結駟方舟陸行水浮簫簫權詭盈嘉迥迥晨晷夕雁翡翠鸞鷗鮪鱮鯨沉濫其上羣羣而遊尻尻又鈎露往霜來上下相求躡蹻衆穆煙耕水獲舫尉郵店敬雪爭售沿湖起伏羣山糾繆松杉破缺側見臺樓桂箭荷箭紛敷甚稠列寺百數駢生聯陬在湖之洲鼓鐘鼙鳴登閣而聽曾未咿嚶西則月波風篁竹閣相堂平臺領要玉蘭之房樓口瞰碧庭稱鶯香迴巧獻媚奔湊陸梁隱隱莫詳巷市衙衙屈折交相

御碑之亭虎蹲螭躡畫戟桁杵呵警關防其東則攬勝

有齋春秋名閣照膽之臺輝映灼燦鱗鱗萬雄
望見城郭闐闐流溢雜賄踴躍馳道如砥在擁
履錯都人士女喧譁呶嘍紅塵晝甞亭候約畧
提攜籃榼包裹穉弱燒香而還濟濟蹻蹻少選
其遲城門下鑰其北則滄泉貯月雲岫靈雲澄
觀作新竹涼四照參差相因崢嶸嶮峭溝口兔
缺山腰蠶紋版橋草屋歪欹未勻風午煙晨出
沒紛紜高高下下或邱之窠或湖之垠他若窮
極瞰眺物無遁探就離位而啟牖臨前端而開

文瀾閣志卷下

七

襟則蘇隄曙霞花港三潭望春聚景有屏諸山
豐融癭瘦繞湖趁趨雷峯夕照倒涵蔚藍南高
北高矗立相駢斷橋歸鶴指數可尋千彙萬態
又畢立乎閣之南俯眾有而突兀兮洵叶稱乎
閣中之所淵含焜其舒以濛濛兮軒以望之耽
耽言乎人文也則如彼言乎地靈也則如此郁
郁乎煥哉上覽古在昔或日不暇給或竭蹶而
罔成焉未有勤勤懇懇欽修盛作為壯觀上儀
如今日者也文瀾之役卽費不盈皆抑豈非希
世無前不天之極建也哉於是鳩始某年落成

某年實維某月某甲子朔事畢功闋不疾而速
于是

天子詔舉高選又將展義于斯矣繼俊髦錫庶福
天光所臨滌蕩故穆然則臻乎閣者載巍巍履肅肅金
科玉條驅勉伏讀鋪衍

湛恩宵旦澡沐因以恢崇

國家祇庸燦德懿和之風廣彼摺紳講習言諫箴
誦之局豈不休哉豈不卓哉乃為之賦以據下
情而宣

上之徧德蜚是英聲洋溢滂澤大文瀾于無極亂曰彤

文瀾閣志卷下

八

彤文瀾巋巋湖干頡有光兮帝錄皇圖窳窳苞
苻繇亮章兮浙江滔滔東海來朝同富藏兮
皇帝有道為我有造懋何昌兮聖之作之以瑞我浙會
皇極兮神之營之以瑞我清配貞靈兮文字之祥
以迓

帝釐兮湖之瀾瀾以游

聖涯兮惠我人兮錄美懿于胥德兮麗萬世

鄒志初

行宮熠燿傑閣縣延翰墨流采珠璣耀鮮睇飛甍
之岌業強福地於鄰壤

翠華所御四庫藏焉

錫以文瀾之號貯以瑤華之篇金題玉篆繭牘芸編如
織流之積而成海如長河之醜而為川蓋珍弃
者凡三萬六千餘冊實與江南之

文宗

文雁同上應夫圖書之府列宿之天爾乃金鋪鳳
棲玉鳥龜伏披藻井之辨花交文疏於綺穀外
則佛日交輝內則

宸居纏屬翼層樓以飛丹冠中天而聳擢挹湖水與
湖煙盪芳蕤之馥馥池分

文瀾閣志卷下

九

太液之波典媿羲皇之籙爰有講藝立言之士過
而稱曰此我

國家

聖

聖相承所由聚東西兩浙之才而流耀含英以成其
福祿者也洋洋瓊函泔泔祕籍芝檢贖陳瑤籤
叢積獻書之路宏開汲古之藏並撫參活字日
聚珍排比分夫點畫彙總裁校勘之官備甲乙
丙丁之冊擷魚鳥而吐芳漱煙雲而流液染學
則圖書丹青灑翰則樓臺金碧卷卷汗青行行

別白咸稟成於

睿裁乃齊壽於金石于是大經中經小經觀其備正史
別史雜史示其區擷諸子羣言之粹懲十人九
集之誣其閒九章之術二氏之書異聞域外小
說虞初兵家法家之別詞部曲部之殊無不美
歸陶汰荒闕榛蕪拓偉觀於文府自元明而遡
唐虞以視夫七錄之庫三館之嚮史載隋宮之
蹟畫摹展氏之圖譬望洋於巨浸而沖澍沆瀣
渺瀰淡漫者已大異乎滯熒之水涓滴之渠且
夫曹倉鄴架學者於此收考古之效焉育材造

文瀾閣志卷下

十

士

聖人於此誕文德之教焉矧乃東南麗嘉湖山照耀錦
繡擢其菁英煙霞貢其清妙都會繁華士夫憑
眺一亭則坐對湖心雙峯則遙連雲嶠於以供
息遊於以恣騰越連襪倚裳洞幽抉突比鴻都
之觀經將入學而考校以之奪席則瀾翻舌本
莫不淫淫濫濫激泉石而吐芬也之以之著作則
瀾迴大海莫不沕沕瀉瀉瀉珠玉而過雲也文
體斥晚宋之偽絕學儷茂修之勤州第一而省
冠書萬本而說紛讀蜩者慚陋辨豕者博聞較

天一於范氏猶浩浩而無垠俾傳觀而假借使
自比於張華之宏覽而沈博絕麗以發爲揚雄
之文於是負庠之侶經術之師書太羹而史雜
俎左丹漆而右鼎彝仰

本朝之文物觀乾隆之

御題謂是閣也可以育西泠之秀可以探東壁之奇可
以廣十一郡殫見洽聞之識可以立千萬年崇
文重道之基含和吐氣發爲揄揚之辭將摘華
而挾藻進

彤廷而頌之頌曰龍軒鳳翥金膏墨飮祕閣岩堯

文瀾閣志卷下 十一

文林容與

先皇南巡

六飛暫駐

乙夜勤披

宸遊暇豫我

皇纘承文明丕布湖波浥漉

恩波汎濩雲構觚稜星輝竹素繫惟浙人誦絃是務

矩疊規重今涵古茹既獲覘夫

四庫之全書兮而又何貴乎殘叢柱下之遺祕簡

洞庭之處

陳豪

高宗純皇帝御極之四十七年四庫全書告成特建文

淵文源文溯文津四閣藏皮羣籍大矣哉圖書

翰墨焜燿

神京洵非崇文總目永樂大典諸書所能企及萬

一者也其年適當

巡狩東南

六飛迴蹕

皇帝俯念江浙士子涵濡教澤願窺

中祕

文瀾閣志卷下 十二

特命發給內帑續繕全書三分俾以就近觀摩

頌之浙省者藏書之閣

錫名文瀾地在杭州西湖

行宮東偏美乎縹囊湘帙郁郁彬彬與揚州之

文匯鎮江之

文宗並立而三凡厥人士皆許請於有司資彼宏

覽

聖恩優渥垂示萬年此邦之人懽忻鼓舞不可殫述敬

爲賦曰

懿傑構之峩峩麗文昌而光煜胸祕籍其星羅

儷

履居以雲蟲宮殿彙乎祥霧湖山挹其清馥

天邊雨露之恩下界鄉環之福以研經史洞啟瓊函

以參子集分排玉軸蓋萃古今之大成者三萬

六千餘冊而備載乎全書之目

聖德洋溢肇

錫嘉名維文爲富比瀾之清時則

重熙啟運寰海銷兵殷阜家閭之盛承平雅頌之聲

喜東南之嘉麗洽

文教於滄瀛爰有

文瀾閣志卷下

十三

臨軒之親策爰有甲第之

恩榮莫不揆鴻藻揚

釀化以鼓吹乎

休明

天子曰朕承

列祖之不基紹

同文之邇治爲問小儒下士有聞見未陟登閣者乎僻

壤窮陬有搜采或遺記識者乎奚以造人材奚

以宣

德意迺

命頌

天府之琳瑯普

陶鈞於土類建高閣以藏之使一一其就次其書則

味粹言於先哲鑑治績於往年有上經中經下

經之等具正史別史雜史之全疏箋互異修補

兼權青赤紛臚乎芝檢甲乙分第乎芸編沆瀣

瀆浴浩乎眾浪之紛馳而無不趨於大海也洩

澗激灑淵乎羣流之脈絡而無不納於大川也

而且儒術冠乎九流異聞參諸二氏詞曲之部

不掩偏長兵法之家幸研微指循斐疏允之所

文瀾閣志卷下

十四

傳聞虞夏商周之所載紀自漢唐下迄元明入

我

朝而成極軌其間參同考異因原竟委罔勿待

睿斷以裁成昭全書於粹美方夫分司筆札齊下丹黃

校勘勤於詞苑總裁任乎天潢廣采輯於蠹蝕

辨謬謬於豕羊或全編補其未備或眾說從其

所長讀成書之提要摘

天藻而輝煌卑哉汲古聚棗天一縹細辟江河之有涓

滴烏以草茅記誦而上窺

視府之收藏於是毓秀西洽探奇東壁縱橫乎史家

鏗於平經籍諸子則擷其精英羣集則恣其尋

繹漱泉石以吐芳瀉珠玉而流液則是閣也鬱

氣蔥蘢騰輝金碧玉笈焜煌瑤籤叢集可以見

純皇乙覽之勤可以見

列祖崇文之澤可以起人文於十一郡而上貢

彤廷可以縣

雅化於億萬年而常新寶冊士幸際乎隆平敢勿慙慙

而自策敬為頌曰於鑠

聖清發祥遼瀋肇

宏基兮

文淵閣志卷下

五

聖祖繼

治干戈戡亂寶外夷兮

南巡三駕

皇仁廣浚沛

鴻施兮

後聖纂

緒

巡方詢俗循舊規兮岩峩傑閣接翼

離宮耀湖湄兮繫我浙人以絃以誦慶平治兮渥

茲

嘉惠涵今茹古永無涯兮珥彤廡詠導揚

休美邁軒羲兮

陳通聲

乾隆四十七年四庫全書告成立文淵文溯文

源文津四閣為藏庋之所凡簪筆之士亦既沐

浴

聖化矣

高宗純皇帝復念兩浙為

翠華臨幸之地多士瞻仰

龍光文才蔚起

文淵閣志卷下

六

特命建文淵閣於西湖

行宮與揚州大觀堂之

文匯閣鎮江金山寺之

文宗閣並峙

詔館臣繕寫庫書庋置閣內俾浙省勤學好古之士咸

得觀覽流傳廣布以迄無窮煌煌

宸翰照耀古今末學小儒不揣燕陋謹舞蹈清塵歌詠

聖德而作賦曰大矣哉我

高宗之御宇也秉文德以乘時飭純修而續

緒潤色鴻業昭茲來許奄有天下修文偃武誕敷

聖德兩階千羽五典燦燦百廢具舉於是

四庫之閣建焉將修辭以闡道爰右文而稽古講
藝書圃修容禮圃翔翔道德之藪浸潤英華之
府縹碧千箱鉛黃四部蓋在蘭臺橐筆之官芸
館校書之伍秉簡紀事之傳金馬石渠之侶已
靡不沈酣書籍式歌且舞矣

天子猶以為未徧德於四方也於是駕璚軫垂珠旒戴
交龍駝飛蚪建明月之千旌樹招搖之華輶啟
六飛以

南巡駐虎林而句留施幃幙於旌門設陛楯於林邱寄

文瀾閣志卷下

七

賞心於

宸覽聽明湖之樞謳

揆天章於雲漢洋

闡澤於方州凡綴學立言之士操翰弄簡之儔莫不含

和吐氣而頌曰盛哉乎吾

皇之斯遊

皇帝曰咨予一人之有事於此也豈惟是侈游觀誇奢

靡云爾哉其將以

文教普斯民而使兩浙之人文蔚起也迺

詔守臣飭匠氏樞紐啟房規方定址爰於

行宮之旁建

文瀾閣而經始焉復

命繕寫庫書於焉度置時則玉局詞臣瑤宮侍史辨古
隸於篆籀譬帝虎與亥豕編玳瑁以裝書裁琅
玕而印紙大經中經小經備其文正史別史雜
史區其體二氏九章百家諸子小說虞初堪輿
方技專集合集之異裁詞部曲部之殊軌莫不
縷析條分竟端窮委而於是

閣中之所藏遂煥然而盡美外則黃道犀域紫極
辨方莖盤承露藻井凌霜削翠四壁塗丹八窗

文瀾閣志卷下

八

白榆周阿青芝夾房析若木以荷椽抗虹蜺而
承梁棲霞掩映於右个葛嶺森鬱於左旁南屏
繚繞於前榮孤山回互於後堂面梵唄之法寺
護

御座於中央鎖銅蚪於畫棟舞鐵鳳於飛廊颺翠氣之
宛延曳絳采之禱皇合湖波而激蕩映反照於
夕陽助文瀾之藻麗紛五色而十光內則縹囊
紺帙玉躉金題青簡赤篆繡褱紫泥宛委瑤籤
之續翠媿蘭采之詞朱雀靈寶之珍祕赤虹玉
尺之陸離書太羹而史雜組左丹漆而右鼎彝

其爲冊則三萬六千之數其爲部則三千四百有奇如衆壑之會歸有極如大河之翁受靡遺壯矣哉文海之汪洋激成波濤之恣肆而亘古無以喻其奇迺有東浙雋才西冷詞客金玉淵海之儔繡黻卿雲之匹靡不珥瑄來游巾車止息睹此玉璣金版奇經怪牒瑤笈詭文瑤壇祕峽庖廚百家府庫六籍一乘三藏之珍入繫九晨之別凡夫華林元圃之所未聞蓬觀芸臺之所未識曼衍紛紜罔不燦列信斯文之在茲矧瀾翻而不竭於是流連閣下穆然深思而言曰

文瀾閣志卷下

九

煌煌乎

聖人之德弗可及也已草莽微臣陋識淺見但知末學之膚受未睹

奎章之炳煥謹拜手稽首而作頌曰嶽鬼秘兮川羅珍皇之澤兮被無垠

翠輦來兮色網緼

建傑閣兮茂鴻文源盛事兮說

南巡昭

靈德兮億萬春

胡元鼎

文瀾閣者

純皇帝翠華所御

宸翰親題藏

四庫之祕籍接百尺之瓊梯樂雕椽綺額璇瑁琨簷飛鐵鳳礎列金貌黃帝之扈樓恍觀玉山之策府可躋映明湖而漾采帶南峯而冠霓仰其外則五靈輝燭入其中則十色目迷此誠千古未有之盛與江南之

文宗

文匯並準

文瀾閣志卷下

三

石渠之締構應璫序之壁奎葉葉銀牋熊紫牘筍束鸞繩花排象軸上自赤虹黃玉之文下該繡虎錦心之幅鑿別則

帝覽宸樞校讐則臣居

天祿考木華金扇而訂譌補泉簡脈騰以列橫林

開翰墨之香地占娜環之福

天惠宏頌奇書共讀琅函疊而蘭棟生輝芸帙比而珠

簾散覆綜三萬六千冊而部目以分願億萬千

百年而

恩膏永沐何意狐鳴寒社狼燦秋躔鳥眾雷動蟻陣霧

連

國家承平既久

天討小延遂東南之告陷詎吳越之能全劫火赤地毒
燄烽天嗟飛甍兮轟桶成零壁與殘甄類赤眉
之人而燼典冊非爾朱之擾而散簡編山鬼夜
嘯妖蛇晝眠有志之士咸慷慨扼腕痛秦炬之
等厄盼

湯錢之乘乾方今

皇帝席瑞膺圖

天挺神武

文瀾閣志卷下

三

分命將帥方叔召虎鷹擊雷擊星馳霆怒數年之中蕩
烟塵滌區宇重臣牙建蒸民額舞武功既定文
教斯補况吾浙號為名區又治理冠乎諸部於
是選凌雲之材徵修月之戶苦剔鉅砌芝排銀
柱復炳彪之舊觀宏麗廈之偉觀窗虛而納有
朝暉廊迴而侵無暮雨是

宸遊靈秀之區乃

天上圖書之府遂乃蒐羅散佚釐訂紛紜走書檄以徵
遠齋緣帛以酬勤術定則

睿裁舊稟點勘則俊秀曹分或聚珍請

中祕之副或綴字補藏室之焚紅蟬碧蠹之碎簡
赤雀青鯉之逸文瓊虎漆蚪之殊策錦腦紫舌
之異聞丹粉著義黃屋騰芬鱗鱗櫛櫛炳炳燁
燁莫不復具於斯閣之中以宣

聖朝中興育士

德合元化之網緼則見部別乎大經中經小經目判
乎正史別史雜史綜諸子之微言備百家之殊
軌其間虞初九百海山萬里武略則金弢玉弢
辨其籤文事則有韻無韻異其旨梨檣聯霞雕
架錯綺仍丙丁甲乙之曩題繫赤白青黃而高

文瀾閣志卷下

三

峙陋萬卷以名樓對一亭之在水使笙歌花月
之場兼文藻江山之美凡所以

嘉惠浙人士者豈徒供遊觀壯瞻視蓋將假以宏覽
之資而培其績學之址且夫漢置掌書之官所
以司延閣之縹緗也晉有內府之設所以寶汲
墓之琳瑯也華林披編略之富知梁之重文章
也祕省考簿籍之創知唐之多度藏也然皆緘
之禁苑列之殿堂草莽秀傑之士不能窺其奧
不能損其芳曷若今之中外一視麟彬相望選
出納之典守謹剝蝕於風霜連銀河於太史接

彩幕於文昌如經天日月十一郡之士皆得親

承炙被仰瞻

輝光乃舍和吐氣而作頌日

行宮臨水

高閣聳霄陽馬飛梅柳鶯篋寮玉輦

時巡金根幸邀雲池披錦

寶墨題瑤煌煌穆穆山匝水遙龍漢丁運鼠社煽妖魘

垣雨立零帙煙飄今

皇御宇迅掃麼么甸還奠

禹天復開

文淵閣志卷下

三

堯文翁承

化舉廢崇朝珊臚珠聚鳳構龍標額額籍籍亭亭若

茗慶

聖哲之纘繩卜億世之常昭惟我浙人後來質秀晚

起材翹既獲縱觀乎全書之鴻富又何事尋狐

穴而侈蟲雕

許慶祺

有春明詞客自燕京來者向西冷主人而言曰

大矣哉

帝都之啟宇也九野既闕五城是區千門拱衛萬戶

比閭

帝座高舉於閭闔列宿環衛於周廬其為

先皇帝之所經造則有

文淵

文溯

文源

文津四閣岑崑岌業置四庫而納羣書此皆

睿藻之所纂閱

文德之所誕敷百廢具舉五典燦符鉛黃六藝縹碧千

廚誠右文而稽古包二典與三謨凡在玉局核

文淵閣志卷下

三

書之侶瑤階管筆之徒靡不贊述

聖德宣揚

皇圖雖有天祿石渠之富蘭臺蓬蓬觀之壯曾何足以儗

諸西冷主人日子第知

聖人之博約綜乎古訓而未知

聖人之徧德及乎遠方也溯自吾浙之盛也山川之

甲於諸邦

先皇帝於是載翠帽御雲裳駕雕軫驟飛黃千乘雷動

萬騎星張颺翠蕤之宛延樹華駟之齋皇載止

載行

駐驛古杭眺湖山之圖書俯雲水之蒼茫

寄賞心於翰墨

拔天章之煌煌時則方聞綴學之士莫不仰昭回之宸翰而瞻望

龍光

天子曰咨予一人之來此也豈惟是樂游觀競奢侈侈

卷阿之優游奏柏梁之綺靡其將使兩浙之閒家尚儒學邑崇造士所祈生徒粲粲門子窺金題及玉池釋芸經與瓠史曼衍百家縱橫八體庶幾人才懋而人文起乃

文瀾閣志卷下

三

詔守臣各竭經營是作是屏是修是平規方犀域樞紐

定程折若木以荷棟抗虹蜺而翼庭雕玉璫以嵌棟裁金壁以飾楹高蕢發秀飛栴吐榮於是文瀾之閣建焉蓋與金山寺之

文宗大觀堂之

文匯屹然鼎峙而告成復

命館臣繕寫庫書就閣中藏茂焉於是閭苑華才清都逸客蘭熏雪白之士龍翰鳳雛之質辨金版及玉攷校幽經與怪牒繙青簡之祕文譯紫臺之綠帙讐淮雨與別風別蟬紅與盡碧編玳瑁以

裝書削珊瑚以架筆裁琅玕而分箋飾標襖而映躩區八素與九晨包三藏與六籍但觀其藝文之博咳洵雲誦而波詭焉而文瀾之名由此立外則入窗削綠四壁塗紅盤莖承露棟彩飛虹白榆周阿翠芝夾叢設榷極於旌門抗芬標於蟠螭棲霞盤其西葛嶺環其東其南則南屏回繞隱現而空濛北則孤山盤帶鬱翠氣之蔥蘢面招提之法鏡闡梵唄與晨鐘鋪丹墀而青瑣護中央之

行宮內則濃采藻紛古香雲馥錦暉參差縹緲錯

文瀾閣志卷下

三

落珊樹架紅瑤枝籤綠赤字瑤題丹經玉軸紀官龍與官鳥徵蜚牟與蜚鹿爰閭貢幣之箋覆釜合符之錄庖廚府藏之珍琴箏笙簧之目罔不數賅萃於斯閣盛矣哉文籍之包涵洵乎如大海之波瀾控五湖而納四瀆也則有西浙秀士東越生徒慕卿雲之才思羨瑯嬛之清娛靡不巾車至止珥筆羣趨蹈舞清塵羅拜忭呼睹茲玉躩萬軸縹囊五車靈寶石函之異宛委玉字之儲爲冊則三萬六千而咸備爲部則三千四百而有餘遂乃綺思煥發藻采卷舒兩浙之

開代有偉儒此乃

先皇帝之所以扶植藝林覃敷

文教而

德邁於唐虞者也燕京客聞之爽然改容稽拜而言曰

大哉邈乎今而知

聖德之所以不見而自章也

文命之所以無遠而弗届也爰作頌曰惟

帝惠民民愛戴兮

一遊一豫多士賴兮

寶閣斯建

文瀾閣志卷下

毛

湛恩沛兮積書盈倉吐光怪兮垂之奕禩億萬載兮

馮一梅

存句餘山人問於西湖先生曰竊聞茶陵撫軍

之莅浙也亦既播善政而煥新猷矣今乃揚

國朝之

先烈續

高宗之貽謀葺

文瀾之舊閣乘農隙而方鳩將有意於振興文教

嘉惠士流乎先生曰然山人喟然而歎曰斯誠

曠世之

盛典亙古今而寡儔也雖然事必師其實意識必祚

夫嚮浮將欲膺啟後學景美前修綜括羣籍抗

衡班劉豈惟是絢耀

盛治潤色鴻休而已哉我

純皇帝之

翠華南巡也探二酉之珍祕助孤嶼之清幽羌別開夫

福地怡

宸衷以優游維時侍從之臣鴻博淹雅攷訂研求而舊

家如鄧之范氏歛之鮑氏又皆精奇畢獻羅若

珍羞固已遐邇膺集無美弗揆然而艱在創始

文瀾閣志卷下

天

美或未收佚文墜簡吉光猶留或箬錄於羣經

外集或尙存於十萬卷樓皆資我

聖天子善繼善述以揚其美而拔其尤補昔日所未

備以增輝於天球如僕所見尙慮未周也先生

曰試言之山人乃約舉數端曰胥史繕寫訛脫

紛紜校者妄改治絲益芬較諸宋槧不及萬分

而今則有士禮居之儀禮平津館之說文孟子

則孔刻最善公羊則汪本較羣推之道德攷異

孫吳治軍或誇畢秋帆校勘之善或經顧千里

影鈔之勤又如輿地紀勝則二百卷近刻於東

粵幾何原本則十五卷新譯於西垠千金方則日本存其舊帙聖濟錄則程氏揚其清芬故意林不全有別下齋之完本羣書拾補有抱經堂之多聞斯皆菁華日洩義炳典墳朗如秋月密若春雲似不宜因陋就簡而尙拘於昔日之所云況乎金匱石室久隱必彰或偶遺於當日而漸得夫表揚其尤著者有如眾經音義淪在釋藏太常因革禮傳歐陽乙巳之靈占慕李難經之集注存王堯圃一廬之賦本珍夫宋席氏百家之刻詩備夫唐凡

文淵閣志卷下

无

四庫所未錄實更僕而難詳又有古籍既佚遺美難忘後人搜輯獲見豪芒於是蒼頡篇復觀於岱南之閣神農經完具於問經之堂或鈔遺書於漢魏或按地記於太康證賈服於左氏則有嘉興之李攷經籍於隋志則有山陰之章其目錄或載於鐵橋漫藁其卷帙半鏤於玉函山房斯皆希世之寶煥耀琳瑯而且

國朝著述應運益昌乾嘉以來芝蘭競芳小學以段桂爲最史學以錢洪爲良古文則姚惜抱駢體則袁小倉以至元和之惠武進之莊邵陽之魏

張樂之梁騁妍抽祕各有所長罔不摛華藝圃
挾藻縹緗待異日進呈

容覽而一發其光至於附存所載卷軸紛披雖已經夫定論悉見棄於當時然而汗牛充棟繁富若斯恐未必盡經細討而偶有所遺或因篇帙之過多不遑更錄或以片端之略誤遂摘小疵晏公類要實類書之善本家史新編亦史學之旁枝杭州志尙存成化之舊高麗志備詳外域之奇微籀篆之文則有老子求唐人之集則有樊宗師儻復兼收並蓄亦足以輝美鼎彝又况

文淵閣志卷下

幸

永樂大典之內尙多古逸之辭或更加以按采使祕籍之盡窺其舊帙今藏於文淵之閣而目錄已錄於連筠之篋其他或不免踏駁之病亦究爲攷證之資儻購求而有得似不妨酌量而存之近者四海之內學校如林高文巨冊畢出於今嶺南則通志學海經解鈎沈注疏三典珍若瓊琳梓巢函而羅小學尤番禺陳氏之苦心武昌則蒼萃百子供我披吟叢書屢刻藝苑浸淫閩嶠則聚珍之板已度鴛鴦堂存正誼理學功深姑蘇則五禮通攷寶笈森森

遼金諸史並列奇琛金陵鐫楚辭十七卷之注
川蜀遺漢魏百三家之音維揚留阮文達之書
詰研經籍豫章刻周草堂之集想寄人琴卽如
我浙書局旣以唐宋二史竭力自任猶且長編
玉海功不相侵梓

皇朝三通之巨帙尤爲士庶所咸欽他如粵雅堂已
增續集天一閣尙許登臨張海鵬之學津足資
探討李雨村之函海猶易技尋凡此類者皆可
以購求而得用拓胸襟其必不能得而必待於
鈔補者亦不過十分之一二而奚藉於多金今

文淵閣志卷下

三

日而營此閣也固已費巨萬之資闕文章之府
爲後學之津梁期永傳於亙古道統之維繫攸
關文教之流通聿溥胡弗爲盡善盡美之謀而
奚可自甘於小補易繕本爲刻本斯價廉而功
普并省校對之勞自免魯魚而帝虎儻經費之
獲充或更廓其區宇夫其正楹之中固宜恪守
舊章珍藏四部擬益以左右兩廡別開藝圃左

廡則

四庫未收之書先期快覩或唐宋之古本存先民
之規集或近人之著作接漢魏之步武如此類

者不可悉數右廡則附存目錄之所載酌量而
或擇其體例之略佳不必見存夫門戶如此則
瑜瑾悉收菁英畢聚實足爲

今天子異日釐定之資而亦以免好學者搜討無從
之咎扶斯文於未衰卽中流之砥柱故願獻夫
芻蕘竟自忘其狂瞽惟先生學邃名山化邊時
雨佑啟俊良振發愚魯故大江南北莫不聞聲
而鼓舞或猶可一言以當辟雍之鐘鼓乎

王廷鼎

高宗純皇帝三幸浙邦巡方布化見兩浙人材蔚起文

文淵閣志卷下

三

物懋鍾謂輔世長民首重文教

特命建文淵閣於西湖

行宮之內

詔令分庋庫書俾廣觀覽洋洋學海焜燿今古迨庚申

寇擾湖壖亭觀大半劫灰而斯閣軒皇巍然高

峙今

皇上御極之六年函夏鏡澄關石鈞裕大臣守吏瞻

仰

聖功載懷文治增華敷采煥乎一新將復宏猷邁前

軌矣末學小儒拭目景盛謹舞蹈清時而獻賦

日繫

皇清之開國兮啟文命而承休湖

感聖之育德兮亘乾坤而煥猷瞻

文淵閣之有閣兮紹鴻業於千秋儲菁英於典籍兮

分

東觀之琳瑯備蘭臺之精蘊兮彙八索與九邱廣

士林之蒐討兮入福地而優游瞰氣象之高廣

兮歎天祿之難侔時吳山而並壽兮匯洲海於

南洲我

高宗皇帝之南巡狩也西泠

文淵閣志卷下

三

駐蹕東壁騰氛

挾藻章於雅頌

敷瀾縵於星雲

廣教澤於髦乂

覃德化於埏垠仿鳳樓之傑構輸虎觀之清芬爰

詔將作運匠斤規方址砌礪斲榱椽建斯閣於

行宮之旁考搜圖籍度蓄典墳截瑯玕以標笈裁

錦繡以韜祕別上經中經下經之類為正史外

史雜史之分考及百家諸子小說異聞莫不彙

藏是閣而蒼為大文外則峰標文筆門啟文光

井茄燦日墜藻凌霜碾文螭而粉壁析文木而

承梁棲霞掩映於右个錦帶凌跨於左廊九華

翔翥於前榮金沙濛繞於後堂俯湖光與山色

爭毓秀而成章內而瑤函瑤碣錦帙繡褉赤文

綠字玉躡金眉蒼姬龍韜之冊翠嬀蘭采之詞

簡竹壁經之珍祕籀書鼎篆之陸離綜詩詞章

數之淵藪探經史子集之宗支如眾壑之會歸

有極如大河之翕受靡遺浩浩乎窮千古文海

之大而無以尚之迄今百有餘載

文明照耀

文淵閣志卷下

三

貽澤益深冠髹鋪藻梓杞鬱森峙鳳嶺而扇翼參牛斗

而騰欽摺紳耆老仰止丕欽緬

聖靈之憑式企

宸蹕之重臨敢踵華而增采更闢角而鉤心潤楹標以

丹碧聖節梘以紺黔砌墀磨玉欄楹塗金整瓊

函之簡帙緝珊架之球琳遺冊則釐其籤軸新

編則裹以珠綾承

恩波於藝苑以沐浴乎儒林方今

聖天子典學冲齡憲章故府聲教普天車書合宇於

時三衢兩浙之英春誦夏絃之戶觀此

文致聿新文風振古經籍充盈波瀾澗溥相與流連

閣下冀

鸞輅之式臨而鑿軒鼓舞草莽微臣識見粗魯幸

聖蹟之常存愧

奎章之未觀謹拜手稽首而獻頌曰於穆

清兮

垂焉緒

湛龐恩兮邁舜禹凌傑閣兮浙江濟度宏文兮富元圃

繼

盛軌兮來南土昭

文瀾閣志卷下

彙

靈德兮長僕僕

文瀾閣購補遺書議

丁午

文瀾閣四庫全書綜三萬六千冊內經部六百九

十五部一萬二百十四卷史部五百六十三部

二萬一千三百五十九卷子部九百三十部一

萬七千五百六十六卷集部一千二百八十二

部二萬六千七百五十七卷四部凡三千四百

七十種七萬五千八百九十六卷今伯兄收繳

恭藏杭州府學尊經閣者綜九千冊爲卷二萬

有奇視全書僅四之一其中存目一千二百六

十種全者止三百種集爲多子次之經史尤少

說者謂四部中不急之書儘多其不必補也一

書既叢殘所存不敵所散其不必補也二

國用未杼籌款維艱其難於補也三夔後故家收

藏坊肆儲積悉遭灰燼縱有鈔補經費而底本

無徵其難於補也四執是說者皆未仰窺

御書之燦備與討論典籍之源流也謹案海內七閣東

南幸列其三今

文匯

文宗二閣之書一葉無從訪覓惟我浙之

文瀾閣志卷下

彙

文瀾閣所遺猶得抱殘守缺古人尺幅寸箋尙珍

拱壁況全書曾邀

高宗純皇帝乙覽

御寶燦於卷首

手澤幸貽於今茲凡在率土非特宜儼肅珍護亟當蒐

繕補完然則購補遺書誠今日之要圖也溯自

西溪收覓密運滬上道經烏戍復被攫去四五

千冊其書半散嘉湖兩郡上年曾有言及某處

尙存若干者擬先請曉示凡有收藏閣書者論

其自行呈繳無論全缺察其冊數之多寡酌給

送呈之川資如係士子彙繳多部另酌獎勵則僻壤之零奇祕守不勞購而悉至三月五月之後呈繳既稀統計尙短若干編列闕目由大府入

告請

旨飭派籍隸浙江之京官就都廣集鈔胥恭照

文淵閣本補寫完全齋回杭州遵舊式每部置盛其經費由浙籌解以二萬五千冊計之每冊工價約銀一兩二錢綜銀三萬兩京師備書較眾海船裝寄甚捷一二年間當可告成如此缺者

文淵閣志卷下

三

以全所謂不急之書亦於以大備弁不必慮及東南之有無底本也然則籌款至三萬金其將如何以浙中牙釐歲入數百十萬其一五成之善後經費亦數十萬一切軍餉塘工恆取給於此況今

奏開書局所刊卽皆

欽定經史將來事歲亦不下數萬金豈恭刊之資易籌而補寫之費轉絀邪且恭刊者不過數種若全書一經補完仍遵前

旨許士子願讀

中祕書者入閣借鈔行見家絃戶誦東南文獻未始不基於此也或又謂書之當補固也與其補寫不若擇卷帙繁富而易於購求者陸續補之不但費可減且事易成也然全書浩如煙海無論闕者不能購齊卽如永樂大典內輯出之書半無刊本則仍非鈔補不可且板本參差與文淵閣所存既不一式亦不足以示尊崇是則購必求其原書而補必恭照閣本也芻蕘所及千慮有無一得惟采擇焉謹議

續議

丁午

文淵閣志卷下

三

事貴簡便而易行法必變通而始舉如今日購補閣書何獨不然案閣書四部爲冊三萬六千爲部三千四百七十爲卷七萬五千八百九十六視今繳藏杭州府學尊經閣者書九千冊爲卷二萬相較存者僅四之一缺之當補誠不可緩蒙旨議擬籌款赴都恭照

文淵閣本補鈔俾完舊觀然事須

奏請卽蒙

報可而卷帙繁重其成不能以歲月計轉不若就近購補既省校讐之力且爲費必減於補鈔時日

又不至迂緩是鈔補不如購補之爲得也或曰
東南兵燹後書且淪燬何從覓購況全書浩如
煙海購必不能盡齊不知全書雖有七萬五千
卷之多除全者及雖缺而尙堪補寫者可一萬
數千卷似應補者止五萬卷有奇其閒經部如

御纂七經

御纂周易述義詩義折中春秋直解

日講易書禮記四書解義

殿版十三經注疏七經孟子攷文五禮通攷禮

通攷禮書樂書

文淵閣志卷下

三

御纂律呂正義律呂正義後編康熙字典西域同文志

增訂清文鑑滿洲蒙古漢字三合切音清文鑑

音韻闡微同文韻統叶韻彙輯音韻述微詩經

樂譜說文解字說文繫傳史部如

欽定遼金元國語解二十四史遼史拾遺子部如

御定歷象考成歷象考成後編儀象考成數理精蘊協

紀辨方

御定書畫譜祕殿珠林石渠寶笈

西清古鑑硯譜錢錄廣羣芳譜

御定淵鑑類函駢字類編分類字錦子史精華佩文韻

府韻府拾遺藝文類聚冊府元龜太平御覽錦
繡萬花谷事文類聚記纂淵海山堂考索合璧
事類玉海翰苑新書荆川稗編萬姓統譜喻林
經濟類編天中記圖書編山堂肆考格致鏡原
太平廣記集部如

聖祖

世宗御製詩文集

御製樂善堂全集定本

御製詩文集昌黎集柳先生集臨川集東坡集樂城集

山谷集梁溪集晦庵集周文忠集名賢小集

文淵閣志卷下

四

御定歷代賦彙古文淵鑑全唐詩詠物詩選題畫詩類

四朝詩全金詩

御選唐宋文詩醇文類四書文李善注文選六臣注文

選文苑英華唐文粹樂府詩集唐人萬首絕句

宋文鑑五百家播芳大全元文類新安文獻志

文編詩紀唐宋八家文鈔石倉歷代詩選梅氏

文紀文章辨體彙選漢魏六朝百三家集明文

衡明詩綜宋詩鈔宋元詩會元詩選全唐詩錄

宋詩紀事

御定歷代詩餘詞曲譜就此習見大都已得三萬卷不

難覓購其他零編小種不過二萬卷坊肆稀見
書賈往往居奇不知叢書中多半彙刻說經者
如亭林顧氏船山王氏榕村李氏西河毛氏各
書以及

御批通鑑輯覽通鑑綱目三編開國方略歷代紀事本
末

平定朔漢方略金川方略準噶爾方略兩金川方略臨
清紀略蘭州紀略歷代紀事年表國語國策

五朝聖訓

上諭八旗旗務議覆旗務奏議

文淵閣志卷下

聖

上諭內閣

硃批諭旨明臣奏議

欽定宗室蒙古王公功績表傳八旗滿洲氏族通譜勝

朝殉節諸臣錄

御定月令輯要

欽定日下舊聞考滿洲源流考職貢圖西域圖志

欽定大清一統志熱河志各直省通志

欽定國子監志詞林典故歷代職官表

欽定續通志續通考續通典

皇朝通志通考通典會典則例

幸魯盛典

南巡盛典

萬壽盛典

八旬萬壽盛典

皇朝禮器圖

國朝宮史滿洲祭神祭天典禮八旗通志大清律
例

欽定天祿琳琅書目經義考隸釋隸續

御批通鑑綱目

御定孝經內則衍義朱子全書經史講義

文淵閣志卷下

聖

御定授時通考醫宗金鑑叢書如

皇清經解本通志堂本微波榭本經學叢書本

武英殿聚珍版本經苑學津討源學海類編漢魏

叢書子彙津逮秘書淡生餘苑眉公祕笈百川

學海醫統墨海金壺函海稗海藝海珠塵雅雨

堂棟亭平津館岱南閣經訓堂湖海樓奇晉齋

知不足齋岱園讀畫齋拜經樓抱經堂別下齋

近如錢氏守山閣指海兩種尤多永樂大典內

輯出之本又如汲古閣唐人集元人集宋六十

家詞乾坤正氣集歷代詩話以上各書散布甚

廣未必盡付燹灰果能誠求篤訪當可按圖索
駿去其重複摘其精祕或鈔或購想二萬卷所
闕亦無幾矣仍照簡明目錄編排序次鈔補提
要其舉行購補則於省城書局兼理經費卽於
刊書項下開支惟書必限以定價間嘗約略估
計每書一冊不得越二百錢今應購補者約五
萬卷以三卷爲一冊一萬六七千冊每冊錢二
百則四五千緡可得端緒是亦足備購補閱書
之一說也謹議
重建

文瀾閣志卷下

聖

文瀾閣紀事

鄒在寅

昔祖龍肆毒而尚書藏於孔壁西京燬壞而魯
殿猶有靈光自來羣陰否塞之秋微陽不絕如
綫必有人繇延其際而後大有爲者得憑藉之
而墜者舉廢者興殆亦有天焉憑依支持非偶
然也浙西之有

文瀾閣

天章炳煥祕籍琳琅美矣備矣蔑以加矣咸豐庚辛間
運厄陽九龍威失衛書籍狼戾散棄莫爲典守
沿湖之金碧臺榭悉成煨燼而是閣巍然尚存

棟柱非蒼蒼者留其餘緒以有待歟克復後
從事湖局日往來湖隄上每當鐘聲催暝見碧
琉璃瓦鱗鱗然與雷峯之夕照遙相掩映竊歎
斯事體大提舉爲艱雖大吏投戈講藝崇文詁
經先後建復而書閣獨未之及匪遺忘之懼高
文典冊訪求之不易也光緒己卯茶陵譚公奉
命撫浙公昔嘗守杭稔知丁氏昆季嘗冒鋒鏑掇拾
殘書於兵燹中亟籌款振興之而命寅董斯役
迺憶曩昔鴻規鉅製兢兢焉懼弗克勝又未
敢崇飾侈麗致傷財費也爰臨湖暨坊一座建

文瀾閣志卷下

器

垂花門宮門各三東西邊門二角門二其左爲
待漏房內爲閣之前門閣前舊有池池之南建
平廳五池西爲廊爲亭東爲

御碑亭月臺池之北就舊址築閣三成閣之東別創太
乙分青室爲士子願讀

中祕書者憩息之所又向西爲書室五內外庖瀆
器用畢具山石翠翠整疊苴補雜植花木贊砌
妥貼四周繚以垣牆凡六百八十四丈是役也
經始於庚辰之秋閱十二月而工以成計支用
番銀一萬八千圓有奇

聖因寺之三門暨恭配

欽定古今圖書集成咸取費於其中斯誠東南文運之

轉機浙省藝林之盛事安知

文宗

文匯兩閣不以此爲權輿更得大有爲者出而與舉之歟

文瀾閣補書記

王同

事必豫定於幾先而後盡力爲之十可得其八九若吾杭丁氏之於

文瀾閣補書是也杭郡當辛酉再陷出圍城中者

文瀾閣志卷下

聖

抹死扶傷之不暇而竹舟主政松生徵君賙卹其親故更能不避艱險每夕往返數十里撝拾文瀾閣殘編運至西溪亟思所以寶守之若逆料藉逆之滅在旦夕者是非其識定歟及由西溪至歇浦道出烏戍經逆黨踞要隘盤詰見朱璽纍纍知爲官家物虎視蜂擁舉白刃相向同舟者咸心悸目瞪而二君獨從容剖辨卒能保其所深藏者出虎穴而達滬濱又若逆知天未喪斯文而威武不屈聲色不動者則其神定也泊省垣克復卽買棹載書言旋故里復出資購求

其散佚城鄉者若干種益以震澤徐茂才

所收集者五百四十九冊共約九千有六十冊

尊藏郡庠其苦心稍慰宏願亦少償矣顧所儲

僅三之一又復旁搜博覽竭數年之心力擇可

購之底本購之所不能購者則豫借錄副一時

不及徧借則於簡明目錄下小楷詳註某省某

郡某某家藏某刊本某鈔本或某局刻某叢書

以待商借又若有先見之明豫知

聖朝中興數年後必有昌明文教以仰副

純皇帝嘉惠藝林之至意者迨茶陵譚公奉

文瀾閣志卷下

吳

今天子命來撫是邦倡議建閣鈔補冀復舊觀乃條上章程悉出其入千卷樓珍藏之副本倩人恭繕他如鄞郡范氏之天一閣盧氏之抱經樓錢塘汪氏之振綺堂孫氏之壽松堂海甯蔣氏之別下齋山陰沈氏之味經堂慈谿馮氏之醉經閣長沙袁氏之臥雪廬常熟瞿氏之田裕齋宣城李氏之矍矍石室錢塘吳氏之清來堂仁和朱氏之結一廬湖州陸氏之韻宋樓金華胡氏之退補齋豐順丁氏之靜持齋南海孔氏之三

十有三萬卷堂凡他人插架之書一一按索又

若豫有成約可操券而致者雖其間或函商需時或祭告備禮或酬以縑帛或易以琅函或裹糧而往儼屋傭鈔或航海而歸頻年借補往往有提要所著闕卷如經部魏氏了翁之尚書要義二十卷佚其三許氏謙之讀四書叢說二十卷中庸佚其半論語全佚史氏伯璿之四書管窺八卷論語第十一篇以下佚不可考史部辛氏文房之唐才子傳原本十卷永樂大典本因其散佚釐爲八卷徐乾學之資治通鑑後編卷十一闕不可考子部盧氏之頤之本草乘雅半

文淵閣志卷下

聖

偈原本十二卷闕其二集部曹氏勛之松隱文集四十卷佚其一朱氏右之白雲稿十卷佚其半今皆得其全帙謹爲補足以彌前時之缺憾是亦可謂盡力矣計自壬午迄戊子凡七年實支錢五萬一千六百緡有奇除所收藏原全書三百三十一種外其殘編恭配者八百九十一種補鈔者二千一百七十四種合訂三萬四千七百六十九冊一律分別排比製櫛尊藏其餘求而未得之書別刊訪目隨得隨補所謂十得八九者非耶竹舟昆季以丁顛言因名其樓爲

八千卷其實殆數倍之其子姪皆嗜書修甫和甫先後舉孝廉每計借北上必日夕至琉璃廠訪書恆細載數百冊以壓裝南歸殆卽顛所謂吾聚書多矣必有讀書者爲吾子孫耶其聲氣所同一時如孫太僕衣言金部郎日修夏部郎啟泰朱侍御一新梁太史鼎芬吳太史虞坻徐中書時棟徐中書用福李廉訪鴻裔應廉訪寶時莫觀察繩孫袁觀察初許觀察增錢太守惲李大令世基諸明府可寶吳司馬恆鮑別駕家鼎高嵯尹行篤魏嵯尹錫曾俞孝廉申嘉劉孝

文淵閣志卷下

吳

廉鳳章張孝廉大昌王孝廉蔡高廣文學治徐廣文思綬許廣文仁沐陳廣文其晉朱明經幸淮黃明經學淵徐道士以璋海潮寺僧清道皆四方借助樂觀厥成自戊子至今計又補三十八種矣其所未得者九十餘種一千四百餘冊安知數年後不完備如昔耶同不敏夙嘗承乏其間且典守者有年謹拜手而爲之記
恭配補鈔
閣書體例說
張啟瑞
詩稱率舊章書謂監成憲事不師古而欲免於

咎戾不可得也 瑞隨伯兄 大昌後收發

文瀾閣書讀所刊鈔書章程竊效土壤細流之助

謹贅臆說識諸座右且為寫官告焉

一卷首第二行應寫書名如恭遇

太祖聖訓

太宗聖訓

世祖聖訓

聖祖聖訓

欽定各書

世宗聖訓

文瀾閣志卷下

兗

硃批諭旨等書應用通天格紙出一格板心書名頂魚

尾卷若干仍低二格卷末書名亦出一格如恭遇

高宗純皇帝欽定各書照原全書頂格寫書名板心離

魚尾大半格卷末頂格不得照尋常書低一格

寫

一卷首第三行寫撰人姓名如羣臣奉

旨恭撰則寫全銜某某等奉

敕撰如不著撰人之書則闕而不書如二人合撰則姓

名並列如總集則寫某某編某某輯如集註則

兼寫某某注

一

國朝人詩文集中恭遇

列聖

先皇帝字樣理應用通天格紙出一格三擡第原存

開書亦有一概提行頂格者各照原存本恭配凡

前代人所撰詩文集有空格擡頭處一概接鈔

一凡書皆左行如

欽定繙繹四書五經增訂清文鑑滿洲蒙古三合切音

清文鑑皆右行

文瀾閣志卷下

辛

一書中遇有圖畫大者用全空紙板心之

欽定四庫全書及某書卷若干葉數皆寫在左邊半葉

可畫者用前空或後空紙即前葉鈔書尚有入

行空格亦另用前空紙畫如前半葉鈔書已完

則用後空紙畫

一原存書有朱字有五色字均照舊用鮮明顏

料恭配不得擅改凡界通天格亦用硃標不用

尋常銀硃

一書中細注均夾行平列不得單行注中有注

須分別眉目不得含混

一各書每葉八行每行二十一字但

欽定佩文韻府子史精華等類書亦有每行二十四五
字者須照存本恭配篆隸鐘鼎另刊板式亦不
得誤用

一各書附錄卷首第二行寫某書附錄第三行
不寫撰人名氏板心前寫某書後寫附錄

文瀾閣

柴燕

頒賜恩逾洽

天書下九衢雲霞仙路近經術漢臣須舊史遺陳跡風
謠驗地圖五車堆縹帙歌舞樂

文瀾閣志卷下

五

唐虞集唐人句

八月二十三日同陳秋崖徐也陶高鞠人顧秋
堂孫綠野關漁北暨素尊種之兩婿玉秀弟兒
子士珣士惠恭詣

文瀾閣遂登孤山看桂

黃模

欲雨不雨愁雲繁袷衣小隊風翩翩秘書觀到
天祿閣叢桂攀留處土園兩湖秋好在八月千
里客難共一樽幽賞淺深隨所得各懷綵筆可
無言

文瀾閣閱四庫全書恭紀四十韻王述庵夫子命

作

宋人鳳

麟鳳生

昭代圖書場

聖君巡方道舜典汲古煥堯文建閣丹青麗瀕湖紫
翠紛窗虛羅遠岫樓聳接高雲外府琅函貯名
山寶牘分五車充畫棟四庫隔蘭芬嘉惠江南
士甄陶冀北羣

盛朝施至教寒峻廣遺聞啟鑰容全覽升階已載欣
華林輝朗曜蓬觀護祥雲鄴架應難並曹倉詎
足云搜羅傳道筏去取運神斤玉簡裝經史珠

文瀾閣志卷下

五

囊聚典墳尚占輕識緯講學重河汾更喜榛蕪

關能存翰墨勸譚言知可棄瑣記自當焚

哲后銜裁定儒臣校勘勤字離魚誤魯派別汝為濱

鄭默投鉛槧王充陋齒齷多藏羞沈約博涉恥

劉殷插架臨紅藥盈階繞綠芸文瀾原不竭書

圃自無垠徧閱津堪逮傳鈔日未曛神還留倦

日腕肯息勞筋好把諭糜試頻將篤耨薰飲河

成飽鼠酌海泳輕舫久嘆徒佔畢終難且練縵

散材俸下士儉腹負將軍閱肆從人借挑燈滅

裂帛未嘗虞庫粟空擷魯宮芹此際如登岱何

時等至鄞西崑嘆美富東壁望氛氳漁獵時編
簡驅馳何攝憤心摹如刻楮手錄異書裙仰見
菁華蘊欽惟

宵旰厪會逢均雨露敢不勵昏昕志在千秋業功同
五色纓望洋觀已止霞彩散湖紋

文瀾閣新修落成

陳文述

柳外紅情夕照餘宮門寂寞翠華虛牙籤玉軸
今誰管最憶文瀾閣上書

奉陪中丞師登

文瀾閣觀書

陳文述

文瀾閣志卷下

垂

縹緗滿眼壓蓬萊閣倚明湖曉鏡開玉簡乍披
周冊府漆書如檢漢蘭臺幸陪經舍諸君後冒
校琅嬛七錄來何日卻容東觀讀五雲天際更
徘徊

文瀾閣落成恭紀

應 澧

南國羣瞻散彩雲書頌四庫

帝敦文凌霄傑閣丹迎旭納露虛檐翠鎖質齊慶觀成
標福地寶藏載籍靜游氛壁經漆簡蒐羅富玉
軸牙籤部署分巧濬靈源湖左右暗通香氣霧
氳氳棟梁充處輝藜照卷帙開時爛錦紋知有

龍威來守護許教螢案誦殷勤仰窺
羨畫天題燦加惠儒林藪
聖君

文瀾閣觀書

陳裴之

樓閣層層上軒窗面面開珍逾唐祕監高比漢
蘭臺緗帙珠宮出瑤函

玉殿來丁簾通日月甲觀仿

蓬萊

聖學深淵海

宸章妙溯洄清池涵濬沲奇石立崔嵬七錄先經籍二

文瀾閣志卷下

垂

倉擅史裁何人曾讀竟東觀識英才

文瀾閣落成恭紀

李 芝

湖山佳麗古來聞

今代方能見大文

丹閣凌霄原不祕紫瀾鋪海自生紋江淮河漢通

精意樸棧菁莪詠樂羣直接淵源先聖學共瞻

禮樂萬年

君北辰化壁臨春水太乙吹藜繼夕隲珠玉方圓因共

折鳶魚上下最堪云六橋花柳披書幔三竺煙

霞養石芸浩蕩

恩波涵雨浙

宸章照耀九天雲

文瀾閣閣四庫全書恭紀

徐鉞

麟鳳生

昭代圖書賜

聖君巡方遵舜典

稽古煥堯文建閣飛丹棋沿垣拂翠簣勢崇行殿側

影落上湖濱內府瓊箱發名山寶牘分西泠連

紫氣東壁映祥氛嘉惠江南士陶甄冀北羣霜

林咸踴躍瀛嶼列紛紜舍棹欣瞻宇升梯共曳

文瀾閣志卷下

奎

粉五車充畫棟四庫隔蘭芬善本開華暉春風

馥古芸倚窗翻籍籍鏡水動沄沄仰荷

天家賚欽惟

帝力勤訪求頒

詔語寫校策臣勳散帙珠還浦遺編鼎出汾多藏羞

沈約強識愧奚斤萬卷恩同積三餘業普薰飲

河成飽鼠測海詠輕紛錯愕津難逮留連日未

曛靜披還拭硯敬錄異書裙架有長恩守黎思

太乙焚文瀾資灌溉藝圃足耕耘疇昔親燈火

鑽研乏典墳索塗恒擿植見布或疑廣閣肆償

吾願堆牀樂我員豈知趨俗學那得佩奇芳既

幸親

中秘遺書隘謗聞曾須羅百氏筆欲掃千軍屢食

神符字惟攀委宛雲往來殊不遠福地對鄉粉

文瀾閣典守書籍作

仇養正

文瀾閣上供啟漁也算將身到石渠宦海濫叨三

簞祿名山容讀十年書為官鳴已借蛙鼓食字

仙期化蠹魚稍喜青瑣家裏穩不須風浪上桐

廬

文瀾閣觀書

徐維釗

文瀾閣志卷下

奎

倉頡造字天雨粟千古斯文能嗣續後人闡發

以立言從此簡編有專屬鳥篆蟲書不可追庖

犧一畫無文辭乃知堯典創奇事實為後世文

章師虞夏之朝從簡畧商周之世漸穿鑿漢魏

著作雖精醇六朝才力又浮薄唐文能起八代

衰推其擅長惟詩詞宋儒斤斤明理學亦有無

人得解時及至金遼元明世豈無一長與片藝

要之未能集大成原難悉久而勿替洪維我

朝文運開

經筵史館多宏才

右文特立

四庫局舊書一一從新裁校盡殘編與斷簡校閱
精嚴具隻眼鉅制方從列代參鴻編又見

皇朝撰月且無非秉大公遂使古今相流通萬千典
籍盡蒼萃人事直足補天功書成但覺頌聲作

天子何嘗肯獨樂乃為

頒發示藝林西湖遂有

文瀾閣春遊喜值二月初望幸得見

四庫書觀於滄海難為水何可虛度夫居諸

近聞中丞許詒經精舍士子恭詣

文瀾閣志卷下

至

文瀾閣讀祕書

胡琮

山園傑閣峙千尋近許緝書惠士林萬柳陰中

消夏課松風涼石鎮池心

文瀾閣鈔書貽典守陸掬珊

光祿 胡珽

嬋媛福地重高閣為我殷勤敢獸環清祕舊曾

窺日下士龍真又遇雲間檢尋芸帙牙籤熟澶

染林辭手筆爛便擬攜家歸故里鈔書更對好

湖山

題陳勤齋學博

其泰

西湖掌書圖

徐榮

純皇翠輦幸湖山手把珊瑚種紫瀾四庫傳鈔徵俊秀

乾隆四十七年 賜鈔四庫全書建文瀾閣貯

之湖上鈔書生皆當時舉貢生監書尾許附列

姓百年校理到儒官 閣中書向掌於鹽運兩分

院精舍監 金題玉躡珠宮曉綠幕黃簾碧落寒

好是輕橈來畫裏一編常得倚花看

文瀾閣有懷檢校陸躬珊丈

沈方頤

湖濱高閣尚山陽萬卷難全柱下藏論語代薪

眞慘烈毛詩作燭豈清任氣空星斗三層上峽

亂雲霞五色裝苦憶天隨陸居士流離蹤跡帶

文瀾閣志卷下

至

他鄉

文瀾閣藏書庚申之劫巍然獨存 陸以湑

凌雲傑閣寶光含福地圖書列萬函想見

聖神呵護力常留文物煥東南

重過

文瀾閣有感

陸光祺

先皇樓閣鬱蒼蒼下馬重來問夕陽我愧無才勝元九

一篇宮體賦連昌

殘山廢水付丹青呵護由來自有靈遺籍他年

親詔訪獻書

閣下重雙丁閣中殘書為泉唐丁竹舟松生兩君所撥拾祇曾為繪書庫抱殘圖

遊雲林寺歸茶詣

文瀾閣

李鴻裔

錢和書藏已蒿萊奎閣

文瀾盡劫灰坐擁百城輕萬戶丁家兄弟不塵埃

丁竹舟松生昆季曾收

鐵花吟社諸君借游西湖獲登

文瀾閣觀藏書敬作

江順詒

進不得借石渠天祿之一車退不得見祕閣名

山之萬軸夢亦不入琅嬛寶笈之洞天醒乃仍

文瀾閣志卷下

禿

與黃塵白日相馳逐三十年前心神目力誇強

健終年兀兀但恨無書讀一硯丹黃手離校南

面百城猶不足連天烽火粵西來華屋摧燒化

草萊萬事倉皇況書卷全家歷劫總成灰虎口

一身幸留得庾信悲哀頭已白展卷渾如隔世

逢耽吟窮作西湖客湖上新開萬卷樓拾遺補

缺廣搜求我既不能化作長恩終日供典守又

不能化為脈望飽腹恣遨遊天地缺陷甯有此

西山木石詎能填滿東海之橫流仲冬天寒風

栗冽同人忽買孤山舟旨酒佳殺不暇問導我

先登百尺藏書樓中有圖書集成一萬有餘卷

但讀其目亦須三日留恩恩翻閱苦未竟渴吻

飢腸互相競夕陽催我下船來書癖書淫未為

病古人蟹螯酒杯一生且拍浮况我以書為性

命我恨今生讀已遲讀之未得成書癡徒羨汗

牛充棟他人富願向鄴架曹倉作乞兒

文瀾閣

金和

去天尺五

文瀾閣尚有平生未見書潤州江水揚州月無復

神仙飽蠹魚

文瀾閣志卷下

卒

文瀾閣落成恭記

王景彝

葺亭餘光沈海底瑯嬛福地現人閒大開東壁

圖書府長照西湖水月灣五色縹緲光燦爛千

秋寶墨跡爛斑

皇恩天運同藝煥佳氣遙通二西山

文瀾閣觀古今圖書集成恭紀

王嘉猷

珠緯聯金篋瑤函煥石渠湖濱憑攬勝縹緲用

藏書蘭室叢編聚蓬山祕典儲奎光騰錦繡寶

氣爛瓊瑤羅列盈千卷分排別五車陳庚情共

切探西願同墟入手標題認從頭部伍居西崑

開策府東壁集舊畚訓本傳經式文應載道舒
夔龍資黼黻班馬盡簪裾論託烹鮮候神游化
蝶初百家供撫拾二氏未刪除碑記參辛受詞
章匹子虛術還紛衆技理亦著堪輿博采徵彌
富遐菟嘆莫如杖青藜照案帶碧草縈廬字合
殊蚪蚪謫曾訂豕魚宏才慚賈董待詔引嚴徐
眼界縱橫拓毫端約畧疏精英探不竭

裁定

萬幾餘

文瀾閣敬觀四庫全書

董紹舒

文瀾閣志卷下

空

東壁祥光耀西湖傑閣寬全書宏武庫嘉號

錫文瀾寶牘千篇輯瓊箱萬牒攤藝林按墜簡詞苑採

靈藟鈿軸牙籤合金題錦躡完奇編探宛委秘

笈陋叢殘經緯諸天備娜嬛福地看心花開極

樂眼界拓彌歡文囿餘佳趣山淵得偉觀十年

思補讀一夕幸盤桓梨几祛蟬蠶瑤階憶鳳鸞

書巖欣不遠津逮及清寒

敬觀

文瀾閣四庫全書

王廷鼎

傑閣輝煌仰石渠文光照耀到窮岡微臣眼福

何修得也讀黃香未見書

文瀾閣銅鹿引

袁昶

古稀天子六省方

帳殿金屏照水黃當時故物獨銅鹿口銜芝菌望

幸長與二仙禽列爲四舊存其一今亡矣玉獅

化去田螭郎金銅仙人爲墮淚眼見陽和八八

春嘉慶己未宮中時憲書猶稱乾隆六十四年鑄始乾隆金十斤更

湖

景陵遺老盡上方龍象下方雲摧牙落角苔花綠亂領

妖要應怒觸盛時藉草孤山陽兵後泥痕湖水

文瀾閣志卷下

空

曲枯槎猶擬長生牌蒼鼠唬向空壇菱銅池水

涸守吏去賸有殘僧拾墜柴巋然傑閣空梁在

二十萬卷猶堪採

睿思親解塵角譎文物當年盛煙海宮前老翁曝背言

今是乾隆幾葉孫

先皇不寶四白鹿再拜溪毛薦水蘊

文瀾閣志卷下終

文瀾閣志附錄

書庫抱殘圖記

孫衣言

西湖

文瀾閣向藏

四庫賜書咸豐十年燬於粵賊後三年賊棄杭州去予友錢塘丁君竹舟松生兄弟甫入城即購求殘本得其十之三四移度郡學而為圖自紀其事大帥某為之名曰書庫抱殘圖丁君復屬予為文以紀之予謂丁君曰唐安史之亂郭子儀李光弼以諸道兵討賊克復兩京再造唐室

文瀾閣志附錄

一

功烈偉甚其麾下爪牙往往起屠沽躡將相天下之勢一折而趨於藩鎮武夫悍卒儼然肆於人上以致唐亡而其禍遂延於五代迄宋初而後止蓋自唐之衰人君漸不悅學而士大夫方競於進士浮薄之習不復深求大道雖以陸贄韓愈李翱劉蕡之賢不能少行其志至五季之亂則禮義廉恥蕩然盡矣此其勢之所以一折而歸於藩鎮而武夫悍卒之所以能禍天下也哉今日粵賊之禍無異於安史然自湘鄉相國以文學大儒倡義鄉里而胡文忠江忠烈羅忠

節皆一時儒者左提右挈卒夷大難雖一時後先攀附類多汗馬之勞然每克復省會守土官即以興學為事

天子復下詔風厲之使求遺書刻經籍與學者更始惟杭州受禍最慘當時所謂達官貴人張皇戎馬日在奉旗斬級之間而於丁君之收羅散佚亦若有深喜焉豈太史公所云識時務者耶然或謂董晉裴度辟用韓愈于頃以禮聘温石二處士未嘗不崇重儒雅卒無救于唐之衰豈勢之所趨固不可返耶抑虛聲浮慕彼固不足以

文瀾閣志附錄

二

知之耶要以

明天子在上方以崇儒重道綱維國本而士大夫憂危患難之餘孳孳向學如此此

國家氣運之隆所以異於唐之季世者矣而丁君此舉又能仰維

祖宗右文之澤首為士林讀書之倡則其事尤可書已

章 盞

余弱冠赴省試輒至湖上

文瀾閣天祿琳瑯敬謹瞻仰以寓省日少未克請於守者祇受而讀之吾郡天一閣藏書甲於海

內伏讀

高廟御製詩有范家天一於斯近幸也文瀾乃得雙之句余家相距里許然亦於髫年一至其地而已未獲登閣觀書既通籍久離鄉時往來於胸不釋辛酉都城陷次年克復余適由粵西差竣假歸省親思觀天一閣書而存者絕少深以爲憾省垣被害尤烈甲子方收復

文瀾閣僅存積垣而丁君松生乃能與令兄竹舟於賊未復時掇拾遺書於昏夜之中尙得什一用心可謂摯矣君急公好義協理善後事宜全

文瀾閣志附錄

三

活難民無算制軍左公應

詔求賢遂以君薦君懇怛而有條理余觀此圖益信余忝膺講席區區之忱竊願偕多士先行後文刮浮華趨本實與君商鈔閣書刊本儒先遺籍冀有志者企吾鄉慶歷清熙諸先生私淑紫陽何王金許諸子與夫正學文成蕺山楊園清獻之遺風而無沾沾於藻繪詞章之習君頗以余言爲然則所以正學術端士品者尤望於君之匡其不逮矣

丁壽祺

書之難聚而易散自古爲然秦始皇燬詩書墳典掃地由漢迄明屢聚屢散雖復有增益古籍淪亡所存者蓋十不一二矣我

高宗純皇帝俯念江浙爲人文淵藪

特發內帑繕寫四庫全書三分於揚州

文匯閣鎮江

文宗閣杭州

文瀾閣各藏度一分嘉惠士林俾得就近鈔錄傳

觀英賢蔚起二百餘年稱極盛焉自粵匪北犯

江浙相繼失陷祕閣存書蕩然殆盡聞有存者

文瀾閣志附錄

四

兵燹餘生人方獲再甦之慶誰復於泥塗瓦礫中收羅遺佚以爲此不急之務哉竹舟松生兩宗長修學好古杭城收復後獨親赴

文瀾舊址檢儲廢墜污穢者滌之斷缺者整之得數傳原書之二繪書庫抱殘圖以紀其事所存雖鮮而嗣此以往斯二分之書已爲尺璧片羽勿再散則幸矣豈非經世之鉅功哉昔元李仲常從世祖入鄂將士爭取金帛公獨收書萬卷以還中原兵火後人家少藏書至是遠近學者詣公借讀無虛日文風漸起嗟乎軍興以來膺

上賞擁專城以功名相競者殆不乏人而守道抱缺獨煢煢兩書生爲之其事其志亦可悲矣余與竹舟未嘗識面先大兄守嚴郡曾以學問相友善未一年而先大兄因郡城被水禦災致疾歿於官竹舟昆仲經紀其喪並祀木主於郡城之名宦祠是豈因同姓而獨厚哉干戈倣擾禮義陵夷非有真讀書者爲之撐拄孔孟之道不著楊墨之說日與人心風俗之害可不懼哉家丁頗有言吾聚書多矣必有好學者爲吾子孫信而有徵予將爲竹舟松生卜之焉

文瀾閣志附錄

五

高心夔

聖清宙合兩戒江海休豫康熙乾隆間歲

巡岳南人望見

宮車前五而後六方是時

文治覃演慶鍾揚越弦歌應轂

皇心愉愉卽鎮江金山建藏經樓杭州西湖建

文瀾閣並

頌四庫書實之人閒如鄞縣范氏天一閣賜籍差比

文瀾金山中揚子江梢室從楫西湖傅郭岸塾林

匯浙中艾儒秀生習窺祕府琳琅甲第蒸風各

擁萬軸熏赫百有餘年物燬而盈極於否剝金陵之陷燬入京瀾天目潰癘貫漸蕪淞杭之六橋三竺連蔽槍櫓芸廚錦障一朝板宕學者恫焉。同將相剋平東南吾友獨山莫君子偲首承江督曾文正命求金山亡書無幾所獲則聞杭有佳士曰丁松生與厥兄竹舟出家錢羅都肆數歲而獲

文瀾天一之書十四五或言遠者致自交廣歐閩閒君與子偲異薦同

詔以牧令發江蘇者不仕而劬於書抑同也君獨能使

文瀾閣志附錄

六

文瀾載新遺書半復其所書船指閣山藪開曜會恪靖伯左公撫浙歸君鴻雅趣寫茲迹迺撰巨卷二受諸賦誦恪靖署其池曰書庫抱殘圖一子偲題如之吳越談士遂交稱二丁能吾累欬久已大盜興起五領焱煽九域弃城守速糜爛者所在皆是杭城從已破後門拒巷戰退鷲搏而完危巢效死二年爰底後陷陷時忠臣烈士肩踵相藉無所哀劇世謂南人柔脆今杭獨然者其固涵淹德莩性發藻絜畜之豐而樹之陵歟故夫呻吟爲儒非徒飮糟醜階金紫也將師

鏡文獻修崇聖典光我郵化不幸履變猶抗節
玉立與星漢爭華君材又雋汲汲以抱殘鳴亦
令後進愾乎省方觀民設教之義所馨澤何如
哉吾由子偲知君悼子偲不訖事而黔北青田
墓已宿草吾交杭士如邵蕙西伊禹賡輩苑奇
絕學皆翦爲國殤君安肥遯福祚號一州最
文瀾之功天道嚮君矣西湖吾所泳游恨無緣因
從君道古對君神觀展吾契弛吾息同官吳仲
英君之姻手是卷來訊辭而報之云

吳昆田

文瀾閣志附錄

七

范氏敘東漢儒林有云董卓移都之際吏民擾
亂自辟雍東觀蘭臺石室宣明鴻都諸藏典策
文章競其割散及王允所收而西者裁七十餘
乘道路艱遠復棄其半後長安之亂一時焚蕩
莫不泯盡焉夫敘儒林而先紀書籍之散佚良
由文以載道有衰微而無廢墜絕續之機在人
而已孔壁之藏伏生之授其卓卓也西湖
文瀾閣珍藏庫書百有餘年粵賊之亂武林不守
丁君昆仲於礮火光中掇拾塵燼一一披而揀
之庫書十得三四嗚呼可謂勤矣余於同治六

年之武林見其仲氏松生於伯平座上問以兄
則方出遊瀕瀆仲氏人所稱精敏果毅人也武
林收復後勞來安集仲氏之力爲多大吏以聞
於

朝可謂樂樂大材矣然吾獨信其篤於學而豈第
之懷爲不可及也昔人謂爲人刊訂遺文比於
哺棄孩收枯骨況於庫書之重大者乎嗚呼學
之不明久矣丁君以豈弟之懷信道篤學抱殘
守缺孜孜不倦其必能昌明正學於絕續之交
無疑他日儒林傳中二難並列爲不朽矣伯平

文瀾閣志附錄

八

示余此圖爲書後以告天下之嗜學者卽以質
之丁君云

陳銛

懿夫我

巨清之融皇風也邇隆光乎中業

聖天子下武丕承思文克配潤色鴻業授祕龍威天祿
騰太乙之輝地軌邇夷庚之化

六飛時邁

駐蹕湖濤揚玉鸞之警警攬金牛之彌瀾湖山洵美文
獻堪徵維時六合救康萬彙朋悅穉子肄淹中

之禮野人恥短後之服時文載郁冠冕南州

乾心降愉嘉茲淑麗

詔頒副墨津逮菽林締傑閣之嶒嶸鬱古芬之苾苾蔚

蕤馭逕煌煌乎神明之式也運替極豐道消小

否龍漢應劫蛾賊成羣中原沸戎馬之聲大韋

埽女牛之分遂使榛蕪蔽地荆棘參天鐵騎雲

屯琅函星散三月咸陽之火秦籍誰收百年昆

明之灰胡僧莫問松生徵君偕其家督惜此國

華少忍須臾偏授煨燼偶獲之積垣斷甃之間

復登之清廟明堂之上重倂綿襲移度膠庠方

文瀾閣志附錄

九

慶生存便諧古趣雖勵存十一於千百而已覺

寡二而少雙於是朝美傾心時賢抗手繪圖挹

潤灑翰搗華或以為嗜古之勤或以為善道之

篤或以拾遺補闕有體國之忠或以增美釋回

得居鄉之義而僕有餘慨焉其故可略言乎竊

惟小醜跳梁大綱解紐恥尚遷賢耆舊淪胥關

捷徑於終南詆讀書為風漢望金銀之氣上徹

青雲號冠帶之倫坐銷白日雖復比年考校謬

定丹黃要知末士明經原期青紫免園一册便

稱百斛龍文雁塔三升奚取千秋盡屑而兩君

獨耽故籍別具深衷損求田問舍之光陰通典

學懋修之風論直若離騷下酒毋使論語代薪

以古參稽與今更始蓋自比肩鄴下美擅雙丁

豈徒抱膝隆中閒披二酉蹟其慕義若渴從善

如流一言重於展禽萬事問之伯始勤恤民隱

教養兼施稟式王章愆忘胥泯善雖微而必錄

美胡隱而弗甄何莫非抱遺訂墜之功而為此

救弊扶衰之舉所冀一鄉矜式百廢具修謝安

石請視此蒼生蘧伯玉恥獨為君子庶幾斯干

松茂中祕萍陳復追正始之風其入華胥之夢

文瀾閣志附錄

十

從此一新運會青犢彌災非惟三食神仙紅蟬

起舞也已

書庫抱殘圖跋

陸光祺

竹舟松生兩昆季慕義嗜古當辛酉避地西溪

得

文瀾閣藏書萬餘卷皆昏夜暝搜獲諸積垣敗瓦

閒其掇拾可謂勤矣余從事閣中十餘年咸豐

庚申之變會垣慘被兵燹而閣獨存書籍無恙

不虞辛酉之復遭蹂躪也萍漂滬濱得遇賢昆

季於流離瑣尾之餘談次得悉閣中崖略余惟

雜揚金山各

賜書皆化雲煙而吾浙收藏家如四明之天一閣二老

閣嘉禾之知不足齋杭州之小山堂繡谷亭振

綺堂俱散佚殆盡獨此

閱書經賢昆仲收合遺燼雖僅十分之二而守缺

抱殘非有心人其能冒險擔此耶同治甲子春

會垣再復重返里門因作是圖以紀賢昆季慕

義之殷不僅嗜古云爾

譚鍾麟

經籍之亡昔人不咎祖龍而咎蕭何當入關之

文瀾閣志附錄

士

初羣經之在咸陽者未盡漸滅蕭何不此之務

惟圖籍是求此所以爲刀筆吏歟咸豐庚辛間

杭州再陷竹舟松生昆仲閒關歸來以接求遺

書爲亟亟故

文瀾閣所藏十猶存四五雖卷帙殘缺而掇拾補

綴俾後進之士得窺故府陳編識過鄼侯遠矣

松生以薦得官不就而杭城義舉悉賴主持凡

所規畫必務其大者遠者藏書其一端也

湯肇熙

於戲昔我

高宗純皇帝命儒臣纂輯四庫全書以江浙爲文藪
發內帑繕寫三分度藏於金山之

文宗閣揚州之

文匯閣其在西湖者曰

文瀾閣粵匪之亂杭州淪陷曩時碧甍朱栊僅餘

敗址積垣滄桑之感閱歷又二十年辛巳余權

宰錢塘邑紳丁君松生請於中丞譚公撥款新

之時譚公以時艱樽節度支停止一切工用獨

於此不惜巨貲議者私疑事可緩而不必其汲

汲也先是杭州克復丁君兄弟避亂歸甫入城

文瀾閣志附錄

士

卽於瓦礫中拾其殘廢得原本十之二三積年

補綴洎今閣成而書亦光復舊物丁君出是圖

示予予曰昔高祖入關諸將皆爭取金帛獨蕭

何收得圖籍以是知天下形勢利弊君事實相

類而竊有以知君之志焉軍興以來流離播徙

士氣不揚久矣武人驕卒恃以橫草之功恣肆

而蔑視儒冠而邪說異端又因賊民充斥得乘

機以爲簧鼓煽惑此世道之大患維禮教昌正

學非文無以載道非書何以有文哉今各行省

守土官吏經畫善後仰承

朝廷興學之意無不投求遺籍於燼餘剗剔以廣流傳我浙書局之設亦歷多載豈皆不識時變爲此不急之務哉人心不可一日無道天下不可一日無書矧

文瀾閣者尤

先皇嘉惠遺澤而士民永永奉爲瞻仰者也然則譚公之志固卽君之志特君之志於今者猶非所難志於昔之勤懇懇懇而在憂患餘生者斯真難耳君尙義行砥品勵學當路嘗舉以應求賢之詔家富藏書網羅遺佚多所表章此則尤事之體大

文瀾閣志附錄

三

者子故樂爲之跋而歸之

文瀾歸書圖記

王麟書

士君子伏處不出豈遂無益於世乎不盡然也昔在乾隆中葉

天子頒四庫書於東南建閣度之在浙之西湖者錫名文瀾牙籤玉軸排比完好承學之士例許入閣借

觀所以

嘉惠士林垂聖澤於無窮也咸豐之末粵逆倡亂庚申辛酉兩陷杭州自大僚以及守土多慷慨殉難不則跳身官軍以圖規復人民百萬櫻鋒刃而

殲道路者不可勝數斯時雖尊藏如閣書亦祇覆沒於斷垣荒梗之中無復顧問又誰知劬力保護俾將亡而復存者乃在流離奔走無位之人而亦卒以受

聖皇非常之寵眷是誠可驚愕而贊歎者矣吾友丁君竹舟松生曩季並文學士辛酉之歲松生歷萬險出海上竹舟先日造西溪葬親而鄉人倉卒以城陷報西湖地在西溪稍南竹舟旣困兵燹時延緣葦間尋至其地垣墉傾圮萬卷狼籍枕目劇心嗚咽不能自己幸非賊覩絕無關闕迺

文瀾閣志附錄

古

昇退而約諸西溪民之好義者跋涉十數夜昇書萬餘卷次以計給賊絡驛載海上與松生合弁而寶守之於戲

先皇帝之恩澤於是常留遺於千億萬世非偶然也同治三年大帥復杭州竹舟松生旣歸乃以瑯嬛祕寶噉諸大府暫尊藏於杭州府學之尊經閣兩君又復時過西溪訪

閣書之流落民間者以善價購又次第得數百冊皆入尊藏於戲歷鋒鏑之餘生塌一家之手足豈非所謂劬力保護者耶又十餘年吾師譚制

軍來撫浙江師舊杭州太守諗知其事於是籌
資重修西湖

文瀾閣數月功成遂奉舊

四庫書於原所制軍加購圖書集成一萬卷竹舟
松生又出家藏全唐文若干卷以益之洋洋乎
鉅觀蓋不啻前日矣會制軍權任陝甘驛車將
發上其事於

朝廷

聖心嘉許

命翰林院臣敬書

文瀾閣志附錄

圭

文瀾閣滿漢兩體並

恩賜鄒平粵匪方略竹舟舊官主事

特恩加四品銜松生亦荷

獎諭

恩榮之盛史冊罕有薄海士流同聲羨美矧吾竹舟

松生之躬被休美者宜何如感激忻忭此

文瀾閣歸書圖所由作也圖成郵書西江屬記於

余余惟竹舟既受

寵命松生亦舊官知縣其先時並伏處不出其心能
以

國家之事爲事歷險阻不避非常之遇宜乎有自
來矣豈偶然哉豈偶然哉

方宗誠

成周之世易藏於太卜詩藏於太師禮藏於太
史三皇五帝之書邦國之志藏於外史小史諸
官古者竹簡漆書繁重艱鉅外史惟達書名於
四方而不能悉頒全書使山陬海隅之遙人人
獲觀也惟中夏諸國爲王者政化所及尙能得
詩書禮樂以教於中國故見於左氏所記凡敦
詩說禮炳炳烺烺者多北方之學士大夫而於

文瀾閣志附錄

圭

東南無聞焉倚相世爲左史始能讀三墳五典
八索九邱吳季子出聘宗邦迺得備聞詩樂蓋
荆吳之地與上國不通先王之文物典章實有
不可得而見者矣自子游子學成南歸而東南
文學乃甲於天下夫文學特聖教之一耳賢者
得其一體遂足以衣被萬世而況

聖人在上文德之誕敷又何如哉乾隆四十七年

四庫書成

高宗純皇帝以江浙爲人文淵藪

特命如

內廷所藏繕寫全冊建三閣於江浙兩省以儲之

其建於揚州者曰

文匯建於鎮江者曰

文宗而

文淵閣者則建於杭州之西湖當是時東南學者

聞風舞蹈莫不深幸生

聖明之世得備觀古今載籍之全各思自奮以承

文教而高材碩彥自是成就彌多矣庚申辛酉之際粵

賊兩陷杭州

文淵閣藏書狼籍不可言錢塘丁君竹舟撥拾萬

文淵閣志附錄

七

餘卷與弟松生載至海上甲子杭州平乃運回

藏府學中更贖其散失民間者數百冊補之越

十餘年茶陵譚公巡撫浙江重建閣以藏原書

并捐廉購圖書集成一部納其中竹舟松生又

益以全唐文若干卷譚公止其事於

朝

天子賜文淵閣滿漢各三字用為匾額加竹舟四品

銜松生亦承

獎諭松生乃作歸書圖以識

恩榮而以書屬誠為文以記之夫粵賊造難凡舊家

經籍所在摧殘即

文匯

文宗諸閣所貯亦無有一存者矣而浙之士人乃

得復見全書無異當年之盛則竹舟松生為功

於學者甚鉅也我

朝

列祖

列宗右文稽古士君子涵濡於文教者久各有其尊親

君上之思故卒能削平大難佐成中興之業天

下既平士安弦誦羣博觀於天祿石渠之美富

文淵閣志附錄

夫

以宏其器而大其才其無負我

高宗作人之心則微特東南文學之興無有涯涘將所

以助

朝廷作育文治之盛者益不可紀極也夫

宦懋和

東南為人文淵藪藏書之富甲於海內

翠華南巡時特頒四庫全書於

文淵閣一時士大夫濡涵教澤力學好古遂競以

藏書為務

本朝若新城池北書庫王氏虞山絳雲樓錢氏吳

中傳是樓徐氏禾中倦圃曹氏長水曝書亭朱氏鑣塘小山堂趙氏振綺堂汪氏皆號藏書家然易世而後散佚不存其存之久遠者惟四明范氏天一閣爲最自粵逆倡亂明越二州並苦兵

文瀾閣已鞠爲茂草而天祿琳琅昔時所聚往往散在人閒有心者蓋黯然傷之松生明府委稟絕人通經學古亂定歸來購求遺書凡得十數萬卷益訪求四庫經史子集補綴完備進獻

文瀾閣前侍郎譚公鍾麟

文瀾閣志附錄

九

奏聞得

旨嘉許

優子獎敘因爲歸書圖以紀事余惟軍興以來高岸深陵屢經遷易況此朽蠹之簡烏能不隨兵燹以俱沒而杭州兩次不守其故家甲族所藏金石彝鼎法書名畫與夫經籍圖史蕩焉無存卽幸獲什一於千百又或篇簡殘佚字句脫落無復別其真贗考其同異今此十數萬卷者得明府網羅散佚卒輾轉而歸

文瀾閣以復我

國家稽古右文之盛其有功載籍不小吾知明府匪徒嚶嚶然足其所好且將取善本重爲釐正以行於世俾遺文脫句如久亡者一旦而獲歸其鄉也歸書之義其在斯乎質之明府以爲然遂書之以爲記

張大昌

夫孟堅掌書閣啟仁壽彥昇編籍園闢華林校舊輯遺東晉總錄題之 補殘續闕南陽綜正本之藏幸際銷兵實勤 典右文綦重伊古有聞而況

文瀾閣志附錄

二

天祿寶書

思濡草莽聖湖傑閣棟充芝栢赤子潢池其瓦雖殊秦炬紫臺巨典所得重倍楚弓錦軸牙籤題徵健藥玉攷金冊璧返卿媛荷

天語之褒嘉

九重溫詔仰

璇題之絢麗萬卷古香此竹舟松生兩丈

文瀾歸書圖之所由作也在昔

高宗省方屢舉值

翠華臨幸之勝

頌黃圖中祕之藏江寺

文宗山堂

文匯列眉所度鼎足於斯於以覆疇莪林津梁寒
暖蓋由來舊矣屬值吳越飛雪蚩尤睽星塵氛
倏昏弦誦遠矚私家所度人失謨觴福地俄空
盜啟局鑰圖書縑素作軍卒帷囊簡冊汗青入
販傭薪爨時則兩丈昆弟險履虎尾之啞靈乞
龍威之言出入阨危接求散失滄江之虹貫月
挂席頻移羽陵之蠹飛霜壓裘自重比還邦族
戰地猶墟偶涉肆鄰亡書時出於是啟靈光之

文瀾閣志附錄

三

殿巍然廈支窺太乙之藜熒然燄續益且爬羅
塵污萃輯奇零四五年經浩劫而未灰九千冊
守故藏之所寶初假尊經之閣暫嚴祕籍之儲
此其行權之策也及光緒紀元之六年茶陵尚
書譚公來撫兩浙籌款重建

文瀾閣成傑構凌雲勞工不日請

頌新額俾復舊觀爰乃賃足移囊分肩擔簾紅撓烏
榜載如萬牛之充芸笥柙廚責重雙龍之守編
排分度掌錄稽自

先朝宸集上閣頭銜拜承

龍命所尤難得者平定方略

許頌

天府之新編圖書集成適獲故家之遺籍洵屬一時
盛業焯焯乎日月重光庶償廿載苦心隱隱有
鬼神相助者已今且全唐人文接從鄴架影宋
善本槧覓吳傭玉枕石函極八求而問目墨丸
麻紙道
四庫以授毫大昌方從書局以典司竊幸閣藏之
復覩丹青入手與披紀事之圖細素分題最諗
程公之略命題短記敬綴蕪篇願長陪西泠雅

文瀾閣志附錄

三

遊湖山無恙待重葺

南巡盛典翰墨流芳

文瀾歸書圖跋

譚鍾麟

竹舟松生昆仲前有書庫抱殘圖為恪靖侯相
書維時杭城初復

文瀾已燬所拾殘編置尊經閣頌年補綴完者十
四五光緒庚辰夏余從鮑氏購得圖書集成全
部亦多殘缺松生為之補繕完好以彙藏之念
尊經地狹不便學徒翻閱乃謀復

文瀾之舊費取諸公而鳩工庀材松生任之經營

一載而閣以成於是舉所藏者歸之閣中并爲是圖以紀其盛蓋松生昆仲十餘年披羅撥拾之勤至此始償其夙願可謂有志竟成矣然考提要書目所闕尚多此後訪求遺籍俾復舊觀仍不能不藉松生之力余因署是圖而有餘望焉光緒辛巳閏七月

王同

文瀾閣補鈔四庫全書之役子實與焉五年而成而其原書之尚存者皆丁丈收集于辛酉劫火之餘而當其收集之時初不料今日之能補鈔

文瀾閣志附錄

三

也今日之補鈔者亦重賴此僅存之原書有以立其基也否則隻本無存誰從而議補哉然而

是書也

天章璀璨采飾裝潢

先皇帝所以賜全浙之人設閣以藏之而丁丈猶能于全浙淪陷身家莫保之時入虎狼不測之地購求而收集之承平之後呈請大吏議建閣議補鈔還我巨觀其爲人之存心豈庸庸者比乎夫人之異於庸人者以其行事必求有益於人視其地之所處與其力之所能至以求其心之所

安而後已否則自事其事事或無關於己者推諉趨避焉則雖撥魏科膺廕仕豢養庸福生無益於人歿與草木同朽天地間亦何賴有是人哉吾友竹舟松生兩丈以同治元年初識于振撫公所其時予司記室松丈見而躉之子亦躉松丈之所爲逮三十年來舉凡事之有益于鄉黨者昆季互商子弟分任無鉅細力爲之至今如一日也不求人知并不求人諒存非笑之齟齬之者不爲動毅然視其力所能至而後已雖拂意挫折勿輟也夫一家之中其祖父所留遺

文瀾閣志附錄

三

事之涉於公眾者賢子弟能繼述之其否者則曰此非予一人之事予何事焉故事涉公者每廢置不顧而家亦漸替丁丈其於鄉黨間鉅細事之有益於人者視如家事且急於家事其存心爲何如哉

文瀾閣歸書一事拾殘帙于兵火之中完全書於承平之日特其一端而已

文瀾閣抱殘歸書二圖跋

彭樹森

光緒戊子秋季余至浙江吾鄉張蕤生觀察出錢塘丁氏書庫抱殘

文瀾歸書二圖屬余跋余受而觀之自

純廟賜書建閣逮兵燹閣燬丁君竹舟松生兄弟所以拾遺於烽煙矢鏑之中補殘缺於城復之後費金累鉅萬歷年幾二十而後歸書復閣拜

寵賜則有瑞安孫琴西年丈之文與吾鄉王逸吾同年四川李眉生之詩備詳願末又得貴州莫君子偲題額與孫文李詩王詩稱四美焉吁其不朽矣古人大勞役必作彝器銘功烈以詔來世流及數千載好事者猶摹其款識俾之不散洎後圖畫詩文集興彝器不作兵火之餘每有好

文瀾閣志附錄

五

古深思之士掇拾煨燼不使盡泯滅豈非其事其人足以爲大道之楨幹故歷劫不磨歟秦始皇舉聖聖創垂之法櫛付一炬使中國二千年蚩蚩然無一能知天地之高遠陰陽之往復山川之阻深草木禽獸之蕃鮮猛鷲凡五行百產所以養育斯人者皆不能探微馭變以致動爲災沴禍至今未弭可謂極矣孔壁一藏縣延餘緒每繹其精以推於粗凡治天地人物鬼神者皆可會意而創法苟有人焉必卓然同符於先聖則雖謂孔壁之功與洙泗之教爭烈焉亦奚

不然今丁君力爲孔壁矣尤願讀書者習考據則毋矜訓詁必推之法度談義理則毋襲空疏必措諸日用庶婦女可知天文童人可知朽壤五帝三王之遺制燦然復觀此則毋負丁君之功而不獨斯圖與斯閣之藏足爲斯文慶也夫

孫鏘

桐城劉海峯氏論古書之亡不亡於秦政而亡於蕭何何旣入關僅取丞相府圖籍而聖經賢傳竟付咸陽之一炬然說者謂秦所不禁者方伎雜家之書其在於今尠存者而詩書雖燔

文瀾閣志附錄

五

漢唐以來儒者未嘗無羣經可讀其故何也吾意當時必有抱殘守缺隱約自全若蘇子留侯論所稱隱君子者其人特不得董鼂諸公之傳授故其名遂泯泯不著耳秦漢至今歷二千年所中更兵戈水火書籍之亡十有八九漢志隋志已不逮昔況其後者抑又何說迨我

聖清文治丕煥

欽定

御製之書煌煌累千萬卷爲亙古所未有自四庫館開而天下獻書之路益廣

高宗純皇帝留心典籍儒臣考訂一稟

睿裁迺

命疆吏至浙東范氏天一閣量計藏皮書格以爲定式

又

特發帑金繕成全書三分

頒賜江浙若杭州西湖之

文瀾閣亦其一也咸同之交粵匪陷浙生民塗炭救死不暇故家遺籍蕩焉無存吾郡盧氏抱經樓書郵人楊方伯憩棠得之滬瀆陳太守魚門力勸還樓而盧氏之書獲覩舊觀天一閣之書

文瀾閣志附錄

毛

粵匪據郡時頗似道光閩西夷之例封禁樓門而城中土匪乃毀其後牆暗運賤售紙戶得之恣意改造經當道查禁已三分去其二矣至如杭州之陷較甯波爲甚宜更有難爲力者而文瀾閣中諸書有錢塘丁竹舟松生兩先生從礮林彈雨中收拾煨燼積至九千餘冊事平奉藏杭州府學尊經閣可謂勞已前大中丞茶陵譚公規復

文瀾閣俾府學之藏歸還閣中未備之書賡續鈔補而又奏請

御賜滿漢文匾額一方

頒給平定粵匪方略一部層基傑構輪奐一新前輝

後光遂爲湖山生色而其籌貲購補不辭勞勩

終始其事者則丁氏兩先生也竊讀左文襄公

奏議同治初年奉

詔保舉賢才而公首以錢塘丁丙鄞縣陳政鑰入奏均

蒙

欽賞陞銜分發錄用乃陳丁兩先生皆負鄉邦重望力

籌善後事宜不肖一受羈束惟視公事如家事

任勞任怨歷久不懈亦庶幾無負所知哉顧吾

文瀾閣志附錄

美

觀歸書一事陳氏處其易丁氏處其難似亦有不同者今兩家子姓接踵賢書才俊蔚興儲爲國器則天之所以報之者均不可謂不厚也已余不及見竹舟丈年來數數從松生丈鈔書若本堂集松鄉集刻源佚文詩余既刻而行之矣今丁丈藏書不下三十萬卷署曰八千卷樓余家藏書不盈萬亦竊署讀書之樓曰七千卷雖各以先世流風自相緣飾而丁丈之謙適以形余之侈已茲緣獲觀抱殘歸書二圖竊有感天一閣之不能復舊而慶

文瀾閣與鄞抱經樓之得人遂不揣鄙陋而敬跋之如此

文瀾歸書圖贊

俞樾

文瀾藏書因亂而失失而復歸伊誰之力惟兩丁君是菟是輯既營傑閣仍羅細帙乃為斯圖俾後有述

吳肇嘉

天日之山靈氣所鍾竺生二哲觥觥荀龍粵氛大橫毒痛四國圖緯鬱沈

賜書亦蝕曠彼傑閣浙垣上腴胡乃蹇尼瓦木燹餘二

文瀾閣志附錄

无

子偕出抱殘西溪綴記纂言補苴舊題二子悃悃請於大府營葺修繕光復宏矩乾隆甲辰海宇絃歌咸豐之季天地干戈盛衰之理匪可研治持盈斡虧是在傳者丹青具列是究是章學校之寶彝訓之光

王堃

卓哉丁氏

文瀾藏書網羅散佚補綴漏疏棟宇重啟籤軸攸居靈長萬帙披美三餘儀先虞踵葆資不虛攬圖記而載詠咸庶馳其令譽

題書庫抱殘圖

楊晉藩

祖龍劫灰後億載車書同典墳半缺略按討難研窮

聖朝文治光炳如日再中

天章爛雲漢

四庫騰玉虹縹緗八千帙

睿斷由

宸衷羽陵部盈萬提要秉至公

翠華紀南幸膠序敦儒風名山儲寶笈推錫

恩波崇歷祀二百餘多士啟昏曹昭回互日月彪赫垂

文瀾閣志附錄

辛

蒼穹文獻不終盡運會相污隆曹倉與鄴架浩劫隨飛蓬竹松大雅士曹杜有遺風蒼萃得殘燼呵護神靈通時棟寄分陝翦逆起衰瘡兜渠既手殄菟葺代天工敷文冠儒冕振墜求遺弓兩生抱殘籍仰鏡德符充虞庠返璣璧藻館關屯蒙正雅宅元圃思文詠闕宮朏魄雖不完補天賴奇功偃伯寇氛埽懸衡

景祚融湖山歸月旦壇坫列巖終九皋孤鶴鳴蜚聲

達

天聰時雍再

臨錫川嶽還呼嵩

徐樹銘

龍飛天目垂兩乳坐聽清冷勝鄗祿天昌

聖運

聖右文聖湖閣迴森羣玉儒林士句靈編福霸國風還

古初俗英賢將相出高門

邨洽中天炳瑤燭弄兵誰縱潢池澳劫餘翻灰碧山

足承義撫宿撥餘輝例敷遺難骨生肉乘危潛

攫迹堪駭耆古劬今功足錄嗟余數作湖上遊

徧繞湖山曲中曲披圖歷歷餘心印夢冷山堂

文瀾閣志附錄

三

古絲竹何當展帙高閣陰幽芬韻對秋蘭菊

薛時雨

誰知秦劫重經後魯國諸生尙抱殘避地人歸

爭負笈補天功大比迴瀾關書未敢供談祕獻

冊何嘗冀拜官卻憶

翠華臨幸日縹緗

特賁五雲端

黯黯湖天燐火青長恩掩泣卷零星携蒲慣質

華林略惟蓋多資石室經一代名山虛二三百

年墜緒寄雙丁高齋學士饋錢富

召對終應貢

大廷

何兆麟

文瀾傑閣起湖濱重皮瓊煨埽劫塵水綠山青猶

昔日寶殘守闕有斯人校讐未讓鐫中壘淹雅

今逢井大春盛事修文方偃武看他衰鄂畫麒

麟

秦細業

高閣

文瀾啟

文瀾閣志附錄

三

先皇首重文異書徵范鮑祕笈萃杭鄞光映然藜火香

留辟蠹芸於今曲江士津逮尙多聞

大盜俄來粵焚書竟等秦誰知兵燹後猶有守

藏人古壁仍絲竹殘編亦寶珍傳聞江上閣胥

化劫餘塵

朝廷

命將帥吳越靖烽煙重觀昇平日難求甲乙編雙丁能

好古

四庫賴流傳振綺飛鴻後靈光獨巋然

比設刊書局遺經次第刊縱堪資後學未易賢

奇觀紹述龍泓舊菟羅蠹簡殘文樓借未建只

向畫圖看

李鴻裔

純廟初開四庫館

幾餘耆古如昌歌文樓遺佚蒐大成

武英寶刻承先躅四庫書先從永樂大典哀輯四

各省所進獻其罕見而有益於世者分別刊

文獻大成由左調者旁求猶未已挹海探珠山

采玉逸經斷策出大航離卦殘篇接老屋羽陵

賡蠹章可編虎觀諸儒豪盡禿隄糜給札十三

文瀾閣志附錄

三

年梯褐分函六千積大綱悉踵開元部條例詎

亞崇文錄欣逢仙幔捲隨宮陋彼書林誇孟蜀

翰林朱紀最錚錚從事始終尤嶽嶽朱大典疏

樂大典發其端紀河間撰全書提要綜其成考

其制仿唐人開元四部其細目則參用歷代正史

藝文志崇文總目馬氏通及晁氏讀書志陳氏

解題曰淵曰源曰津湖既刊既鈔既存目臣向

編摩甚矣切

帝馮歌詠俞而嘒既甄語錄近談禪更削青詞妄祈福

二事俱見乾隆三十八年 乙覽裁定去留古本

省采進之書均經 御製詩題其卷端

聖言雖遠百世道

離照無遺九陽燭當時宇內徧蒐訪惟有浙中閣卷軸

洞庭宛委禹餘函福地瑯嬛華未讀孫吳范鄭

暨二汪益以鮑家知不足孫仰曾壽松堂吳玉

一閣鄭大節二老閣汪啟淑飛鴻堂集編甲癸

汪汝璣振綺堂鮑士恭知不足齋

還置閩卷盈五萬猶堪續浙江采進書目自一

集至十一十二次續編閩布颯婀娜貢蘭臺官

集共進書五萬六千餘卷

本聯翩

文瀾閣志附錄

三

詔瀕江介羣三閣

恩逾十緡酬一篇義取百川歸四瀆閣名七六

臨太史河南溟珠麗文昌曲浩浩

文瀾波萬頃翼翼孤山雲兩角劫灰飛燼到積魴

祕籍淪七付青犢滕囊惟蓋棄誰收猿鶴蟲沙

化同速丁侯弟兄不縮胸武林文獻斯繫屬鋒

鏘不知身在何掇拾還同苴與菽紙塵鼠跡驚

欲眩煤尾蛛絲動盈掬將毋六丁與護持竟令

二酉重排妮聞君孝友出天姿更耽墳典如嗜

欲古文今文辨蠅隸柔日剛日相駮服精鏐廣

購缺斯完繭紙重鈔新未觸都人共美西齋吳
逸詩還問東海復珂鄉耆舊富遺編文苑流傳
資後學屢經兵燹梓其書如遇荒年與人穀生松
近刻丁金魏吳麟臺故事有繼述龍泓餘韻猶
邵諸先生遺集
撈獲後之來者視此圖永與大文傳百六

張維嘉

湖瑞宮樹鬱蔥龍寶冊騰輝欲貫虹敬釋

睿音增奮勉人文淵藪浙西東

豸虺無端遍草萊故家文獻亦殘推儒生久被
洒濡澤忍覩瓊函付劫灰

文瀾閣志附錄

三

聖籍片言尊九鼎洋洋謨訓啟

中興延津劍合珠還浦

高廟神靈寶式憑

補亡幸際

中天運祕閣宏規已復初深賴雙丁勤護惜名都尙
有曲臺書

張景祁

翠華巡幸日馳道孤周廬地敞

奎章閣山藏苑委書排籤娛

乙覽充棟曠

辰居文物供清祕行都有石渠

留貽經累葉津逮啟前聞一自龍華劫難按册府文羽

陵餘蠹簡金匱散細芸身世倉皇日何人念典

墳

嗜古丁居士搜尋徹曉昏幾經樵火爨猶有劫

灰存直向蛟龍攫渾忘虎豹蹲羣靈呵護久端

不賴長恩

湖山付憑弔妙畫陸探微碧瓦朱甍在牙籤玉

軸非然藜思往事閉戶息塵機三篋亡書補餘

生願重違

文瀾閣志附錄

三

龔嘉備

仙閣臨西湖

賜書媿東觀人文淵藪盛

天藻日星煥蒐輯別部居

鑒裁稟

宸斷鉤元四庫羅

稽古百王冠藝苑得根柢翹材儲楨幹祕書行多虞圖

籍收陋鄧平陂占泰交西南值蹇難翠鳥海毛

絢紅羊劫灰換洪鈞幹貞元物理觀聚散蠹簡

羽陵軼鴻儒棘墟竄正學墮榛蕪讎言恣欺謾

誣天性源塞鱗祖民彝亂承業熱服鄭好文雜
絳灌曾是必經綸疇與拯塗炭

寶命凝中興祥暉啟復旦策收賈董醇謨拜皋益贊
翹羽鳳鳴閣懷音鴉集泮斯文識在人後起責

難道俊才得儀虞緝學逸秦漢購捐金贏多箴
排錦軸粲校讐慎脫簡鈔寫集柔翰寶積藏深

嚴

彤墀誠褻玩經傳眾說邪道萃羣情渙匪用貽孫
子方將起頑懦任重力能全功倍事豈半嘉惠

歌譽髦

文瀾閣志附錄

三

神靈慰

宵肝環庭蘭玉摧擣藻雲霞燦拜獻資瑤編駟翔定
蓬館樛材分匏落琴韻愧桐爨發秘窺琳瑯觀
成仰輪奐腹無千卷拄筆莫一辭讚披圖綴短
詩薇露手先盥

樊增祥

永嘉舊本付何人劫火光中喜脫身若為書生
留畫象故應天祿勝麒麟
一炬真燔萬縹緗羽陵塵劫大悲涼祕書狼籍
如花落一道蘇隄是鶻梁

側聞君家富異書牙籤玉軸多藏儲非惟能藏
亦能讀盡日丹鉛苦未足明湖閣本昔所鏡廿
年駒隙風輪馳殘編珍重比瓊玖令我披圖一
回首

黃國瑾

鶴去焦山藏室空令威神秀見宗風訪書湖上
圖重寫文武何曾道竟窮阮文達於焦山置書
藏董其役者丁公百
川靈隱書藏亦文達置何夢華繪訪書圖
文達題詩有靈隱置書藏更扣西湖舷句
是否雲門大小山波清峯綠兩翁閒波借清涼
頻合槩峯

文瀾閣志附錄

五

貪濃緣不分林君家龍吼山聯牀風雨警淮別
人聖因寺句也閣在寺右
定有黃衣夜叩關

厄餘興集幸逢期樓閣湖山感係之猶似武林
耆舊事瓶花振綺進書時吳氏瓶花翁汪氏振
綺堂望衡於九曲巷

乾隆中兩家均
以進書受賜

鄉關迢遞影山堂影山堂吾鄉莫子
德先生故居也 老客諸侯

甫自傷同備三州延訪使一編書目惜琳瑯子
先生晚客金陵曾文正公命訪文宗文匯
書因游湖江諸邦得天祿琳瑯書目於維揚
市中事見所著經眼錄
東觀書林未見多舛頭市上強蒐羅孤山許準

廬山約公擇仁心到老坡

金曰修

西湖晴好雨亦奇孤山宛在水滿陂

文瀾高閣接霄漢照眼碧玉黃琉璃停舟敞閣蕭

衣入萬軸牙籤甲乙集人間始信有瑯嬛十年

未讀嗟何及雙丁抱圖爲我開紙上變色風生

埃山殘水賸圖籍散書生大膽探奇來虎豹狺

狺險莫測斷玉零珪無暇拭抱歸兀兀西溪濱

夜午潛行月陰黑洗兵雨淨故鄉山書卷終留

天地閒校讐太乙夜吹火典守龍威晝閉關如

文瀾閣志附錄

完

延津劍合浦珠補亡挾册羣工趨藝林嘉惠賁

天語范鮑而後世所無我佩兩君有獨至不僅區區

抱殘意斯人不出蒼生何爲善一鄉亦足多

王頌蔚

孝惠始除挾書律屋壁山巖稍稍出是時篇牘

極重大聯以縹繩書以漆孝經行疏策謙半禮儀

疏酒誥文解簡脫一漢書苑蜀客奏賦鈔須懷

吳人炙字青乃殺通風俗代以縑素便齋持書之

赫蹏致堅密自是篇卷匙淪蕪荀經阮錄代增

益觀文寶儲五十副江陵尚存七篇帙長興雕

印既權與孟蜀書林更初濫官本監本繡梓精

晁氏陳氏簿錄悉勤有堂惟仁仲道元之建安

書堂當是睦親鋪迺道人設宋陳道土書籍鋪

仁仲之後睦親鋪迺道人設在臨安府樹北睦

坊金於平水置書肆元之興文務刊刻有明一

代尅善本嘉隆而後槩尤劣秦晉趙府並刻書

不及會通與蘭雪姚皇吳山趙常沈文好篇寫

葉文顧大錢蒙毛晉善鑒別天水舊本什湮九

賴有諸賢訂堅缺我

朝稽古軼漢唐延閣尊藏切雲棗

文瀾閣志附錄

罕

汲冢攜護師春逸序錄校上義放劉活版排成

製法畢草茅未闕中祕書三閣儲珍逮英哲家

家競獻雞文典人人許入龍威穴然脂懷餅士

鷹來從此儒風振揚越上者古訓鉤鄭服次亦

騷情揜賈屈餘子斷斷講版本赤軸青紙森羅

列振綺汪息拜經吳百宋一廬最奇岫云何菑

阮極庚辛焚如毒甚瀉池厄豈獨縑帛充帷囊

直以聖經代薪燕湘鄉相公老開府手歸凶櫬

扶日月邵亭兀兀求遺書曾文正定安慶命莫

既復江甯開四部先刊甲與乙同時爰有丁龍

祀

祕閣篇亡心苑結抱持更比杜林藉蒐集無逾任

防切禮典遑遑出秦餘目錄一一稽魏闕隋志魏闕

書目錄珠零錦斷好護持劍合珠還漸充實其

功不在陳農下此事留待程與說程俱麟臺故

甚備永嘉真本世尚多安得先生盡摹頡

見楚辭章句疑耀駱丞集皆邇來橫海肆樓船

漢廷未暇修儒術頗聞守藏史不謹文德官書

半放失永樂大典藏翰林子雲好事釋輶軒油

素齋歸卻精絕楊惺吾黃文在日本按羅古籍

文瀾閣志附錄

聖

中土所海外不乏欲向流錦暉芸籤肆鉤抉人

未見也忍江全善森立之同纂經籍我思拄杖醫無閭

訪古志所載各書類多奇秘我思拄杖醫無閭

一訪東丹讀書室日人得慧琳音義於高麗可

瞿鴻禨

三閣儲書盡散亡羽陵塵劫閣滄桑藤囊帷蓋

空零落屋壁山巖誰護藏隻手擎天抱遺卷一

時還浦起文昌可憐魯國諸生力功與蕭何足

雁行

崢嶸福地故依然鉅典重光日月懸孔壁金絲

尊海內漢京圖籍照湖天河開好寫無遺美中

壘精讐賴眾賢獨愧軒車數來往空遊羣玉負

鑽研

顧雲

狂寇縱橫日書城那復完急如頭目衛重是

聖神頌故國驚千里名山閱百艱當時多捆載誰似此

開闢

君家兩兄弟功定策長恩不逐秦灰燼端和魯

壁尊蒼鵝輕作劇碧蠶編留痕食德饒書味醴

醴逮子孫

文瀾閣志附錄

聖

繆荃孫

聖清重文德求書

命陳農七閣皮四庫東南瀾匯滄借讀許士子嘉惠垂

無窮蟻賊漬金隄城市血流紅焚坑等秦灰藏

壁少魯共丁君武林彥手障狂瀾東索諸煨燼

後援之塗泥中瑤函及錦暉風雨藏烏篷開道

出險阻長恩敢言功卽此抱殘圖斯世誰與同

文瀾歸書圖詩

汪士鐸

斯文興廢卽由天能輓時艱在後賢寶藏昨潛

河內屋虹光今見米家船千秋劍復延津返百

斛珠從合浦還

文匯

文宗遺址在陳農奉使待何年

徐樹銘

峩峩浮岑宮峻嶒憑雲霄奇文被天波焱劫何
繇燒掇拾紛異逢仙音聆諛韶道隆運難蹇神
存德彌昭璧完導趙蘭寶善師昭敖度儲度千
齡聚合追

累朝疆臣欽同心祕編叢一寮河圖與鳳鳥存見輝軒

姚

文瀾閣志附錄

聖

高學治

祕籍儲藏芸閣峻縹囊色燦芝泥印舊錄郇虞
未足陳當時一一都經進自從劉展溯江來是
處池亭化劫灰城邑邱墟桑柘盡誰尋蟬簡向
蒿萊丁君自是振奇人獨對陳編暗愴神睠念

時巡文思洽

奎章勵學耀貞珉急思哀集存千百整妮牙籤勝零璧
眯眼干戈道路難卻歎行滕緘素冊重來倚棹
向湖邊棟折檣崩閱歲年十乘瑤華留不得空
遺餘恨付雲煙

王 莖

伏授遺書有董匡增騰秦火燼餘光野燐榛莽
文幾喪壁腹航頭籍半亡賴有雙丁羅散失居
然二酉復收藏展圖動我千秋想悔不枌榆効
贊襄
力挽斯文已倒瀾輝煌高閣耀坡鑾聖湖重見
金牛湧鄴架何嗟霧豹寒起廢一朝功不朽收
歸萬卷志難刊至今回首西溪路猶是心傷縹
帙殘

蔡玉瀛

文瀾閣志附錄

聖

聖皇昔右文傑閣湖濤峙中藏

四庫書墳典及經史牙籤次第排嘉惠海宇士忽
焉劫運來兵燹連年起殿宇荆棘生卷軸草莽
委憑眺多欷歔伊誰紹芳軌賢哉兩丁君避地
西溪里苦心購散亡搜羅遍坊市幸有舊本存
叢殘復整理扁舟海上來不同砥柱圯先向郡
庠藏不同江陵燬復建閣凌雲大吏告
天子賜額各一方日月懸金祀夜靜文光起高冲斗
牛裏繪圖示後人此事千秋矣

秦緝業

文瀾有閣凌碧虛乾隆以來貯

賜書津逮測士千百俱勝登天祿闢石渠一朝烽燧逼
越都名勝大半成邱墟高閣圯矣庭院蕪叢殘
幸逃秦火餘雙丁自是范鮑徒藏弄家已富五
車庫書胡忍聽闕如收集不惜千金輸度置有
地典守無他日或恐飽蠹魚茶陵公來撫浙區
右文稽古尊師儒集成大典原無殊購得日對
史與圖高文典策不自娛願公同好恣獵漁重
營傑構復厥初遺編新帙同此儲承平榛莽罔
弗除締造恨只仙佛居名臣名士識遠模治本

文瀾閣志附錄

聖

烏容經術疏

文宗

文匯有是夫虹光夜夜燭聖湖

李桓

庭竹弄雪寒窗虛故人天末貽良書問詢佐以
新詩俱一讀一快忘軒渠爲言於越稱名都曩
被兵燹成邱墟

文瀾傑閣敬平蕪貝笈零落空梁餘邇年修復鳩
工徒遊舫艤權門停車層樓竊若欄環如琳瑯
四部誰人輸司徒世業今時無耆古兀兀笈蟲

魚網羅散佚勤分區冀輔

聖治與師儒郡蠻度置原無殊歸之

賜閣眞雄圖我昔與子墳篋娛長願把臂隨樵漁
歸來寂寞仍如初插架萬卷雖多儲霧花滿眼
徒獨除老友慰我離羣居鴻篇寄示情無疏千
秋盛典還規模有圖有詠如斯夫幾時展對臨
西湖

王先謙

魯壁藏孔鮒楚典負蒙穀古文河閒收漆書杜
林握天寶韋侍郎實錄弄山谷建隆朱學究遺

文瀾閣志附錄

吳

書奏當軸貯樓葉居雪刊史并在蜀皆於喪亂
時力使斯文續錯落名古今儀型存簡牘雙丁
耀吾代用心追往躅咸豐歲辛酉粵寇再肆毒
驚騰沸聖湖飛箭集天目崔巍

文瀾閣浩劫付青犢

賜書部逾萬頃刻委塵黷君時避西溪攬取如私蓄冥
搜瓦礫埋廣購市塵鬻懷高識更到誠至氣甯
縮天倫德不孤古抱生是獨區宇就清晏樓閣
更營築重移祕籍還頓覺壯觀復浙人述君行
一一邁流俗孝友顏閔期治生計范足名章洞

天奧經緯繁滿腹剖劄存先緊文獻攸繫屬茲
事尤奇偉輝映日月浴功爭入咸陽名勝校天
祿薦剡動

玉陛掉頭謝羈束閉門友琴書掃徑伴松菊身入高
士傳人推老尊宿作歌聲前美海內千兔禿揚
鎮雙閣燬片楮誰見錄坐令

盛典虛讓此靈光轟披圖苦壞緬雲閣湖山曲何
時理煙艇從子然藜讀

張鼎

劫餘呵護有神功蟻負辛勤積華嵩不廢江河

文淵閣志附錄

畢

流萬古

熙朝文治日方中

傑閣重新應列躔瑯嬛仍在六橋邊夜深寶氣
看牛斗天下文明浙最先

吳兆麟

蘭臺祕笈資

時巡學者津梁二百春莫向咸陽問秦火西山猶有抱

殘人

文宗

文匯蔽江流獨障迴瀾卷軸接插架何曾少班史

幾人充食亂離秋

魯壁遺經締古歡隱囊終日對晴巒賈耽亦有
圖書癖挾冊金階豔拜官

嗟我高閣聖湖邊結構何緣似昔年笑我奢懷
同脈望願從蠹簡覓神仙

王景彝

天子南巡首重文弦歌

雅化播虞薰特開東觀

頽金石從此西湖富典墳萬簡戲鴻存古藻千芸辟蠹

發清芬無端小墮紅巾劫竟其秦坑一例焚

文淵閣志附錄

吳

灰燼之餘不可尋殘膏賸馥付消沈千秋恨事

留文苑二子高風起武林慨以蒐羅爲已任最

難兄弟有同心散亡購盡完吾願劉恕出來不

惜金

樓臺金碧入虛無祇恐丹青費撫摹詞客揮毫

風滿紙相公題額字聯珠合成大雅扶輪手寫

出瑯嬛福地圖翻笑鄭虔與祁岳惟將山水助

清娛

曝書曾記泮林西廣廈重開傍白隄已展瑤籤

三萬軸更登雲閣十尋梯六丁餘燼都歸篋太

乙神光復照藜好古名傳入宮禁
天恩新下武都泥

章際治

稽古

先皇聖生今處士賢秦灰千古賸越產二難傳在昔
宣宗末初聞粵寇延南都淪草莽東國逼烽煙浙省

文瀾閣荆榛沒斷篇痛心誰過問蒿日不成編卓

彼雙丁子輕拋萬貫錢購求勞采輯鈔補費鑽
研

北闕恩辭渥西湖地不偏度基重結構插架近完全

文瀾閣志附錄

吳

熙皞春臺樂收藏夏屋連

中朝新運啟四庫

舊恩緜事寫丹青好圖成日月懸棣華聯輝輝

帝澤守拳拳壯舉推同志豪情莫比肩鎮揚雙閣燬

盛典竟虛捐

葉維幹

多病難游學窮居苦嗜文伏生堂訪濟范氏閣

登鄞珍挾雕蟲策香盈辟蠹芸望風一翹首嘉

話故鄉聞

偉作琴西叟

孫琴清吟數李習生秦淡如武林
西丈廉訪觀蔡

留盛事文苑盡傳人此意高千古如饑享八珍
獨將書種子逃出劫灰塵

寫官勤補錄落紙染雲煙一洗祖龍毒重排天

祿編頭銜承

帝錫手校出家傳久別階盈尺披圖思渺然

昭代羣經說吾師為續刊一癡煩許借三本得參觀

正益吾師有續刻皇清經解之
後余從丁丈得數十種借錄副本丹墨催人老

風霜逼歲殘春回湖上望好作畫圖看

樊增祥

三閣巍巍鼎足分

文瀾閣志附錄

辛

賜書牙玉照千春竹西浮玉今何有始信錢唐大有人

記拂苔碑讀

御詩銅鋪青瑣玉果恩湖山已過秦燔劫依舊

南巡駐蹕時
癸未夏曾
至湖上

撥棹曾經向剡溪興闌不見戴生歸卻從鳳閣

鸞綸裏識得西湖兩布衣

蜜酪功成極苦辛春風來往外湖濱寫官已了

三千卷更助尚書接

聖因文瀾閣左即聖因寺去歲彭
大司馬募修未果望二君藏之

潘衍桐

烽燼初停喪亂餘無人收拾到遺書雙丁才雅
今重見可惜荆花一樹虛余博交松生從入千
卷樓借書至多惜竹
舟先致不及
共文燕也

依稀舊址認湖邊傑閣新成又廿年兩度登臨
今老矣垂楊綠水故依然

收將萬卷寫官忙籤表齊勻似

內藏為憶

文淵校書夜五更官燭尚分行余曾充
文淵閣
校理每於真刻入
直

文宗

文淵閣志附錄

至

文匯誰曾問此事流傳賴有人幾部叢殘待蒐訪

他時寄與慰勞辛閣書闕者余門人孫和叔
為寫目宅日訪得當錄到寄
之

西泠才雋甲東南盛舉真能助美譚儻許借書

來閣外豐湖有約不能貪閣上書不能借恐
致失落吾友梁節庵

主講豐湖書院時建有書

藏定借書約詳明可行

靈隱當年有書藏紅巾一炬竟飛灰儀徵往事

君堪繼未許焦盧獨步來阮文達公建書藏於
靈隱寺建書藏於
欲踵起以編詩勞迫未成此事當讓於生
矣文達在焦山亦建有書藏今歸然僅存

吳興氏

湖山曾奉

翠華移想象乾隆全盛時掌錄仍歸秦博士畫圖爭識
漢官儀

中朝文物終明備天祿琳瑯共護持重讀吾師舊

題句嶽雲湘雨動遐思長沙王逸梧師校刊
皇清經解續編其與

吾浙建閣度書相後先也比復恭校
天祿琳瑯書目重刊故連類及之

卅載東南久洗兵湖堦傑閣重經營抱殘

天獎耆儒志卻聘人知處士名媚古要須通治術劬

書一意謝浮榮

先朝恩澤臣家幸懷抱長同聖水清

文淵閣志附錄

至

張上和

盛典溯

翠華百靈朝風雨築宮面聖湖層巒盡低俯東南啟文

藪殺青儲冊府從蹕皆鴻儒巨霆發聾瞽異書

獲瑯嬛奇字證响嘍或向晏楹鑿或從淹里取

津逮徧吳越分餉等雜俎浩劫歎紅羊海內紛

猘猱叢編付一炬巍閣成焦土瘡痍尚滿日軍

書亦旁午碩彥半彫零斯文絕如縷雙丁鄴下

賢屹然靈光魯痛此祕本亡一朝委蠹腐四部

手自鈔七錄力能補藝文與經籍投別具辛苦

太清樓更新琳瑯散復聚遂使天祿藏煌煌映
寰宇圖此傳後昆觀者庶眉舞讀書續郡齋何
必晁公武嗟嗟大雅羣高風邁千古

費念慈

抱殘補闕伊誰力廡後儀先願不違大好湖山
無恙在月明連舸載書歸

江干劫火燔餘後無復明山副墨探會典書成
開

四庫請

顏圖籍到江南

文匯 文宗兩閣藏書庚辛後散佚無存己丑五月王廉生前輩曾奏

文瀾閣志附錄

聖

請重開 四庫館 詔俟會典告成 命下即乞建閣寫書也

翁長森

東南光曜燭天起自三閣照入荒

聖世古文古無匹襟江帶湖紛琳瑯皇皇奎壁采俄斂

小劫一昨罹紅羊妖氛汎埽傑閣轟

文瀾壯闊瞻錢唐當時卷帙惜多佚君家掇拾經

滄桑或從秦火攫拏得爲鑿孔壁什襲藏或懷

趙璧走倉卒爲反魯弓追逋亡或予高價珠百

珎或輸賤直錢一囊赤文綠字無弗具籤軸一

一加裝潢載歸汗牛庋充棟雲漢依然爲天章

豈徒嘉惠徧後學雅化用翊

昌期昌吁嗟乎三閣峩峩丁陽九蕪城一炬達京
口舊觀獨還明聖湖盛事絕無得僅有昨來湖
上游瑯嬛許我題詩附不朽圖畫自然千秋傳
如聞上帝詔羣后書城畀君世世守

東允泰

倉聖造字洩元精珠囊金策羅菁英瑯嬛福地
不能到瑞氣忽照錢塘城

先皇南巡涖茲土

翠華所至增寵榮

文瀾閣志附錄

齋

賜書特闕

文瀾閣千卷萬卷俄縱橫遠近霑溉遍逢掖傳鈔
紙貴生光晶盛極遂爲造物忌六丁收去誰敢
爭茶陵尙書昔戾止重修傑閣輝雕甍拾遺補
缺尙有待君家昆弟聲錚錚周游訪購歷歲月
所費何止金滿籬徑捐藏度惠當世但見柶載
皆瑤瓊湖船銜尾數往復縹緗遠映湖水清我
來西泠愧承乏典守尤切心怵怵披圖想見按
輯瘁零縑斷素求合弁哲兄久返玉樓去追念
當日同經營雙丁之功在藝苑石渠天祿常崢

嶮異書應許就君讀今雖老矣猶眼明

顧雲

江浙三閣往同燬

文瀾

文匯兼

文宗浙

文瀾閣今復建宗匯江南迷舊蹤二閣亦聞數議

復昌言始發曾南豐繼以督學宗室彥南皮尙

書尸厥終盛心至今皆中阻嘉惠矧孤

純廟衷丁家儀廩雖好古非有大力如諸公樂器獨似

文瀾閣志附錄

五

昔人抱舟車所至恆相從亂平捆載返桑梓遺

闕甄補紛郵筒仍請大吏重建閣巍然

四庫垂無窮歸書圖信非苟作呵護豈獨神靈功

我爲西湖涉江至度藏幸得瞻閣中更題斯圖

忽有觸諸公當日嗟誰同文物世並稱江浙吾

鄉學者宜追蹤

繆荃孫

甲子值上元妖氛掃檣槍偃武乃修文傑閣增

煒煌丁君抱書歸珍重陳練細燦然復舊觀補

綴且不遑迄今承學流日夕飭謨賜惜哉匯與

宗蔓草繁積牆中朝數人物孰過曾與張上書

告

天子復有溥侍郎任事少君儔修復仍渺茫南望祇

文瀾奎壁騰光芒

文瀾閣志附錄終

文瀾閣志附錄

五

廂 廂
十 十
高 高

古年
子春
開
出

蓋聞感緣境起故登高者能悲文以情生故懷秋者
易怨辨琴中之曲志在高山添頰上之毫神如秋水
又况橫沙隄曲潮飛虛白之聲殘照籬邊峰滴遙青
之韻衣裁荔葉溼紅露于芙蓉艇泛瓜皮訂香盟于
鷗鷺西風寒未落葉蕭然有不引奇客之幽懷動騷
人之逸興者乎吾友書農胡子乙夜功深胸羅半豹
丁年名重目少全牛輯懷舊之詩歌殘紅豆擬感甄
之賦鈔徧烏絲尙憐爨下琴材中郎未遇忽訝山中
蠟屐謝客重來半挂詩囊藉奚奴撥開蘆雪一肩遊
榼共村叟來就菊花晚飯燈前買誰家之白墮曉脰

定鄉雜著序

一

溝畔刈千頃之黃雲正看穫稻天忙漫訝催租客至
地鄰杜曲曾開東灤之腴人似柳州更訪西山之勝
錦衣有樹鐵弩無聲峰轉月輪嶺紆酒庫溯陂塘于
東渤絕勝金牛望宮闕于南朝傷心白燕偶孤筇之
扶過詫絕壁之橫開豎七十五丈之奇煙蘿忽阻類
一百八盤之險捷徑難攀青雲渺爾同登樵風幾里
暮色蒼然而至明月三人于是以邀以遊再信再宿
既奇觀之不厭亦韻事之頻傳則有挾策少年簪花
新婦抱兔園之冊便誇價重雞林恥狐媚之工那免
形如鳩拙或且飾衣冠于優孟敝等結鶉效牧字于

兒童力慙馴象將易觀而相笑每卽境而成愁嬉笑
盡屬文章咳唾亦成珠玉豈漆園盡荒唐之論惟青
衫多憔悴之情然而紅塵道上袞袞羣公何如白版
扉前閒閒一客物情可見吾道甯非偶披冰雪之文
如入煙霞之窟我之懷矣尋詩向紅葉村中子好遊
乎結屋到白雲深處竹洲許乃濟

定鄉雜著序

二

訂山川之知己半屬幽人觸景物之蕭然時牽別想
蓋清暉照眼最宜白雪之孤標而與境盈前易振青
霞之逸氣况峯嵐合沓從鄮君注內搜來浦漱縈迴
似謝傅毫端繪出感慨者誰能遣此蕭瑟兮未免有
情吾友胡子品重儒林詞推文苑編蒲作簡夙號經
神綴錦藏詩雅耽吟癖吐牢騷之致織女文成含楮
墨之清水仙賦就呵毫咏舊情依秋水蒼葭刻燭酬
詩韻繞春山紅樹才名藉甚此士無雙然世重齊鹽
痛捧心於西子俗珍燕璞悲剛足於南人五噫爲梁
鴻發興之端九詠盡宋玉不平之氣偶遊村郭粹就

定鄉雜著序

一

新篇不棄顛愚俾觀雅製巖無蘊趣直如柳令探幽
文貴傳真不學莊生善幻蓋定鄉者地殊梅冶俗似
桃源爲先人負郭之餘借小史攜裝而至扶鳩黃髮
欣呼佳客重來跨犢兮齟爭詢此君何自旣而橐囊
盈集雞黍歡陳玩茲數頃桑麻幾忘晚晚不習九章
粟米遽較贏餘草堂寫村叟之天真僻地動謝公之
雅興其地有定曇諸山記車塵於武肅發妙詠于休
文標峯綠野之間插嶺綵虹之外傾崖斜豎白雲過
宿猶屯絕頂孤圓碧樹經秋尙茂然奇容峭蒨窄徑
難登怪石嵯峨弱藤易折列御寇誠難決踵韓昌黎

似欲懸縋始焉野次迷塗漢涖止問沮之駕旣焉崖
端卻足山陰迴訪戴之舟夫別蘊奇懷廬岳且堪夢
至盡祛凡想天台本可圖觀何必捷類猿升俊如鶴
健學左右望誇盡致於巖嵐作轉旋升矜竭情于瞻
眺哉且是時也老楓作醉旭日鋪綿小徑同繩行踏
幾堆落葉遠天如墨望窮數點寒鴉旣尋山畏峻險
之容且問俗學輜軒之使新嫁孀歸纔三日已改羞
顏鄙書生讀未終篇敢抒狂態籬前敲觥依然跋扈
將軍野外闍黎剩有穹窿古佛演前朝舊事聽唱中
郎入才子靈襟均非烏有兼以前邨杳杳故徑昏昏

定鄉雜著序

二

燭隱中塗祇林隙星輝烟爍浦橫隔道聽水濱風響
奔騰石如元獸之相蹲樹化青人而欲撲問茲遊險
未匪陰陵失道之軍覺我興陶然似赤壁再來之客
凡茲逸事盡屬遊蹤嗟乎多攬勝之緣君真雅士負
好遊之癖僕本羈人盧鴻無託足之鄉身伴春絮潘
岳少閒居之福淚灑秋風擬到天池巨浸豈乘槎可
泛欲登穹嶽遙區非裹飯能遊作白眼以看人未逃
世網向青天而搔首誰假長風何地有名山願著屐
扶筇而偕往茲鄉誠樂土請攜家築室以爲居選樓
汪家禧

定鄉雜箸卷上

紀游

仁和 胡敬 以莊

錢塘之南有定鄉以定山得名沈休文早發定山詩
蓋指此余家有饋粥田數畝在其下歲時徵租每一
過之曩時作定山雜詠百絕句紀其風土蓋余之游
是鄉屢矣而茲游爲最勝云孟冬二十日曉起襪被
從一僕至江干過月輪峯喚烏雅舟舟小如葉篷低
坐不能仰舳舫橫小槳一舟人仰臥以兩足盪之迅
若飛鳥沿洄繞江岸行見岸旁山多爲潮水衝刷沙

定鄉雜箸卷上

一

石剝落作赭黃色人從亂石子中行有巨艦數十下
碇淺瀨間多以母蠣飾窗梢作燕尾形上梢婆倚舵
笑語被服華豔貌冶而淫想見目挑心招多錢賈買
醉篷窗纏頭濫拋光景而花蕊峯臨流矗立娟秀可
人舟已過猶戀戀不置俄聞雞犬聲喧然舟人曰至
梵村矣起推篷遙望五雲山翠竹丹楓掩映瑟瑟微
風忽至如聞梵音村之西有嶺曰牛坊南渡建酒庫
於此今則茅檐挂望子止一二老嫗賣酒其閒勝事
不常江山如昨可慨也延攬旣久倦而假寐須臾僕
起而呼云已至乃捨舟登岸僕以青竹枝擔小行囊

在後遵田間徑屈曲凡數折乃至佃農成姓家有羣
兒戲於門見予譁曰徵租客來矣主人出迎延入茆
堂婦女輩各出問訊如舊戚屬予因詢西成熟否皆
曰今年好天公較去歲多收得數斛穀乃出草具勸
食食閒相與話農桑耕植勞苦予內念以不耕坐獲
殊自媿晚乃倚壁設竹榻藉草臥枕上成江行詩一
絕旣成無寐側耳聽僕已鼾聲雷動時時作夢謔語
語瞽亂不可辨諦審之多道演劇場中事復聞村犬
吠聲如豹唁唁不絕朔風吹庭樹終夜蕭屑有聲夜
過午方倚枕成睡比醒朝曦射檐罅已光滿榻上矣

定鄉雜箸卷上

二

遂起爲摒擋田事計升斗簸糠粃一切瑣務皆委之
僕而予以端居無事乃思游山鄉有曇山勝境也予
夙聆之暇思一登陟以時方病腳氣時作時止憚遠
行意猶豫未果主人從旁從與予謂茲山去此不過
三五里客能往吾願與客偕卽偕行過雙漚沿石龍
山山竟體皆石無纖微土壤居人多採石燒堊鑿石
聲錚錚然折而西一清谿當前上橫竹爲畧約已朽
斷予苦屨不能涉佃農乃負予而過復前行境愈幽
邃多土山絲延夾道時小春候暖有草花開若列錦
映山爲赤計前後行已六七里許而曇山尙不至亟

問之曰前塗卽是及至又前進如是者再至一山佃農指示曰此是也余睨之黃土醜惡一小部婁耳因曰此非是曇山果何在農語塞吐實曰予亦徒耳其名未嘗身至是地聞人言在此實不識此山真面目予意沮欲歸而來此已一由旬念無空返理躑躅間有樵豎荷薪而至迎問之曰曇山不遠轉過小山背卽望見復大喜旣踰小山土地豁然夷曠遙望有石山孤撐突兀巒嵒烟疇翠隴閒直上作巒嶂重巒森森若萬朵芙蓉挺秀霄漢旣抵山下捫四圍皆峻岫翠石無攀援可容足趾處閒有微徑又茆塞不通而

定鄉雜著卷上

三

峭壁閒石脈墳起隱隱若鑿刻及迫視多漫漶不可辨有奇石類伏虎臥隴側牛礪角其上歲久光瑩然於是繞山一而終不能上而惆悵以歸歸問塗於田父得捷徑較來時近三之一歸塗默念使置是山兩峯三竺間則騷人逸士歌吟嘯傲埽苔蘚而題名石上者殆歲無虛日而琳宮梵刹曲欄疏榭紅裙翠袖相與高高下下左右映帶其閒以爲茲山生色者又不知凡幾奈何荒煙蔓草風號雨泣麋鹿之與處而樵夫牧豎之與游好游者百不一二知予旣已知之而又得其淺而忘其深取其貌而遺其神中道棄捐

與不知者等因以歎人世間難爲知己之感如茲山者何可勝數如是輾轉枵腹胸中塊壘槎枒欲出旣抵舍亟買村醪沃之是夜酣寢絕不復措一思慮比明甫盥漱畢鄰人許姓者過予盛道風水洞之勝以爲較曇山尤美欲攜壺榼邀予往游予旣病足蹇於行復恐蹈昨游故轍辭不往而予所止佃農成姓家故在定山之麓負山結廬山若屏幃定山高數百丈自踵至脊藝茶樹殆徧主人爲予言每歲春時村中婦女攜都籃荷笠採茶山上銀釵丫髻唱採茶歌山前後聲相應予私念山雖高旣婦女可上不至險

定鄉雜著卷上

四

復思一登陟以訪所謂龍門禱雨潭及錢武肅校武臺諸勝景而主人兒請導予笑指予敝羊裘曰山上自有黃繇襖無須此乃單著短絮襖子一領戴氈渾脫行希裏兩足主人復出草屨令著之云此健步予笑曰古人且蠟屐登山子素履何礙置不著啟屋後戶以出望山徑若修蛇盤草中乃攘袂登初甚奮未及半草枯葉脫履蹴之滑欲傾跌偶下視見山勢嶮巖壁立目眩轉怳怳欲墮兩足重不能舉旁又無樹木可把握遂遷延蒲伏至稍平夷處委身坐草間流汗喘不止而主人兒已聳身健步直上山巔連呼曰

客可上予謝以不能乃大噱翻身還扶掖予以下下
繞山麓渡一小石橋入茅庵坐佛前蒲團上有白禿
沙彌捧茗甌至啜茗閒與主人兒道村中風景漫語
曰汝村中何無人修飾庭宇縱饒富入其室悉埃壒
眯目令人無容膝處兒曰吾儕勤動何暇事此且使
室中空洞無一物卽貧窶可知予因悟夢穢者得錢
財世事類然惡不潔而求財之豐身之榮可得耶坐
既久體覺寒主人兒爲取敝裘來著之是時鄉中爲
秋報多賽神而田家力作晝不暇嬉故迎神作樂恒
以夜白日既匿聞前村鼓聲夔夔然行人籠燈往來

定鄉雜著卷上

五

田塍閒絡繹相繼星星如螢火予因挾主人兒往視
之會演琵琶劇梨園弟子老矣優孟衣冠襤褸殊甚
乃失笑曰蔡中郎固一寒至此胡太宰公亦爲人擔
擗殆盡乃爾有觀呀然不知予道何語因復憶陸劍
南身後是非誰管得滿街聽唱蔡中郎句爲歎息久
之歸煮薄粥啜少許遂擁衾臥而明日乃有板橋坂
之行未至板橋道由定山陰折而北至袁氏莊莊有
鯨山相傳唐以前地尙沒江湍中是山兀傲江心舟
觸此輒覆滅疑若吞舟然故曰鯨或曰琴山山有石
平若列案上可布席坐撫琴故曰琴山是二說邑乘

皆不載而琴山爲近是村中有鄭姓者予舊嘗主其
家猶憶去歲時薄暮躡衣登是山箕踞坐危石上南
望固陵西眺富春直北視五雲龍泓諸山見開化寺
浮圖尖隱約露木末短止扶寸寒潮瑟縮狀春蛇秋
蚓蜿蜒蠕動於煙波浩淼中舉頭見西日銜山射林
薄作胭脂色俄乃蒼然暮靄橫空自海門至少鮮皓
月飛上儼爛銀盤光盪盪尙溼倒影浸江波中江波
盪漾作萬頃白琉璃晶熒閃爍不定頃之天風颯然
吹毛髮欲立乃策杖徐步下蓋茲山高祇數仞徑平
易登之無慮失墜而瘦石巖峭削足與曇山相伯

定鄉雜著卷上

六

仲以予游之屢領是山佳趣獨悉惜暫游輒舍去不
能若子厚之籠而有也今重來爲延訪鄭姓者知妻
子已沒身寄人廡下春其從兄又以臘月燒山被燔
死噫亦足悲矣旣少畱復偕佃農東度浮山山形樞
而長緜延至江口首尾昂然中稍平頂若牛背有樵
徑可緣以上山椒多磐石嵌空突出履之聲琅然清
越下有澄潭潭清淺有魚日影透波中魚鱗鬣纖屑
可辨岸旁多蘆葦霜寒著花望若殘雪野鷺千百飛
鳴逐隊其中見人來輒飛起境致蕭瑟疑游西谿道
中因歎息如曇山者久之而佃農向予言是潭春夏

閒有尊羹時曾採歸食之漉去涎沫擇深碧大葉細切沃谿水鑊煮之味苦辛遜露葵霜菘遠甚予因笑而授以作羹法乃閉目搖手曰須如是不如且喫花豬肉矣予始笑其不知味繼思之殊有理既踰浮山彌望皆曠野行炊許投一小佛龕少憩龕無廟祝云因饑久遁去祇木居士在焉復迤邐行數里乃至板橋主人某者年六旬肅容貌甚恭家頗贏餘然時猶躬負米有老父年八旬餘須眉皓然亦出見坐甫定老父遽起脫青袖衫衣短裋履不借持斧逕出門上臨池烏柏樹斫柏實予因驚起固止之老父但斫不

定鄉雜箸卷上

七

顧斫已徐下笑曰客見我老憊恐致傾跌耶我慣此可無慮寒天暑短語閒回視日影已照屋角上而是村去止宿處十餘里恐歸程昏黑欲辭去主人者固畱爲烹伏雌醑白墮杯盤羅列二子出侍意思勤懇有淳古風飲已辭出而日入已三商矣僕乃執燭首塗塗中佃農爲予言某歲是村多虎一月噬四十餘人過停午家率閉門不敢出於是且行且談虎行一二里僕偶以指去燭炮撲燭滅是時越望後已八日黃昏海月未上仰見明星在天參斗橫斜燦若碁布而咫尺自帶以下卽茫味不復辨欲乞火又旁無廬

舍乃牽連扶草循山崖行山色深黑如墨崑崙逼人而立迴風衝盪巖穴作虎嘯聲崖邊林木鬚髻狀奇鬼猶險可畏農乃前導不復談虎而抗喉唱插秧歌吳語纏綿亦諧媚可聽逡巡乃迷失道陷入田坂中時秋潦已涸農人栽麥鞭地若鏡平縱橫躡之意京華輒紅塵不是過遠望見微光燭地若隱若現謂是篝火從林薄間透出者乃其奔赴至則臨前大谿谿波映星光燭燭浮動谿旣深不可越而四顧昧南北農亦皇遽罔知所從秧歌聲亦絕不復作矣僕素慙乃從旁鼓掌大笑遂緣谿行許久得魚梁橫跨谿上

定鄉雜箸卷上

八

予懼墮以足步步捫之乃得渡渡則得石子徑遵之行稍稍望見定山遂相率狼狽歸歸而足痛不可忍暖水濯之是夕困頓甚思得一覺黑甜鄉而主人家嬰兒以畏寒終夜嘔呱呱達旦聲不絕鷄鳴起主人子婦爲具食食畢辭主人至江口村傭皆擔米至遂買舟載米身踞米囊坐顧視舟中皆臧獲輩無可與語過梵村舟觸沙磧水淺不得進舟人乃脫衣下推舟口中作邪許聲比推舟入深流而清風冷然自南來急張帆當之舟乃驟進舟人皆袖手坐船尾篙櫂不施浩歌自得轉瞬閒乃悲歡不同已如是至江干

過友人汪詩藍家劇談久之歸至家日已暮嗟夫子性夙好游乃如定山者既峻不克登曇山又以借游不得人廢然返身所能至者獨琴浮二小山耳不知古人游匡廬峨眉雁蕩天台奇險或什伯定山何勇往無畏乃爾豈游山亦自有福命耶抑畏怯固非所以成事耶然此數山在是鄉得來游如予者亦僅矣子因山之遭而并有慨於予之遭也記山游遂取數日閒所聞見牽連書之

成姓農家畜一老牯牛鼻穿久破碎以草繩交午絡之若馬施銜勒然一童子朝驅之出上屋後山齧枯

定鄉雜著卷上

九

草飽則紡崖樹閒童卽與羣兒鬪草游戲相徵逐暮復騎以歸旦旦如是予以爲馴易狎也一日步山麓牛方屈前兩膝蹲石上予迎視擬撫其角距數武牛忽蹶起作牴牾撐拒狀予驚辟易數十步牛怒目視以角觸崖樹膚盡裂鼻息聲咻咻然予心悸久之憮然曰有是哉物莫不安於所習或以力相制或以巧相勝或飲食芻豢相悅服不此之務而遽思束縛馳驟焉牛雖瘠吾知其難矣龍之變化也豢龍氏擾之馬之馮駕也郵無卹御之狡狴白澤犀象虎豹麋鹿之恣睢而桀驁也神仙佛子乘雲升降而控縱之以

至雞鶩村媪握一把粟口中作朱奚聲則搖尾帖然至物莫不安於所習也桀狗則吠堯越狗則吠雪吠所怪耳嗚呼獨牛也乎哉

村居多暇飯後捫腹過舍南北與田父話晴雨占候一少年仰面入昂然據上坐顧壁間臥耳水具注目視之曰是何物田父具以告又曰安用是田父曰盛夏旱熯資此以溉禾稼因言屛水事甚辛苦少年曰苟如是曷不坐俟雨而務此勞勞焉予聞而驚意謂若人殆有癡疾及進叩所業則曰業儒家城中適借父徵租來此予因舉坡老無錫道賦水車詩告之以

定鄉雜著卷上

十

爲古人體物瀏亮乃爾少年懵然不知所謂曰予知攻譽子業耳一切詩賦及子史父兄戒勿讀云詩能窮人且賈禍子史熟則宜於古不宜於今以故未嘗一留意子因卽所稱宜於今者徐詰之少年乃媿媿談不倦其於揣摩簡練如田父占晴雨事甚熟予於所謂今者故曾肄習之特以性不近稍嘗輒棄去及聞少年所稱道某也文某也文者予亦懵然不知所謂然少年已罄然折節坐下坐相視爲莫逆矣旣別去予思少年有類成氏牛者遂漫筆之次說牛後鄉人有娶婦者甫三日田父拉子過其舍視新嫁孃

坐既定其婿起贊曰新婦出予徑前諦視之年可十
六七許梳高髻鬢閒插銀釵梳作鸞鳳狀製甚古眉
不畫素面兩頰微紅著青紬襖袵有露中衣舊茜色
裙爛爛如紫椹不曳地雙趺瘦削然行步甚安舒知
不事妝飾見客斂手立平視不作羞澀態逡巡入室
淪茗自戶間授婿出供客噫今之世家大族所娶婦
率貴倨不知縫紉酒食事日斂手安坐房闥內施蘭
澤被阿錫粉白黛黑環瑜佩玉籠蒙其視治由其笑
以媚所謂夫婿者婿亦暱愛之顛倒黑白縱疥且痔
視之如王嬙傅子等此婦雖無過人顏色使得如戚

定鄉雜著卷上

七

里稱時梳裏眉約翠脣注丹衣薰衙溼之香手盥蓄
薇之露以邀寵希幸爭妍取憐未知與世所號稱佳
麗者位置何等徒以長寒鄉配牧牛兒作鄉里樵薪
織履齷齪蓬牖下不數歲鮐背雞皮皤然一老嫗矣
因思西子當日若長浣紗苾蘿村中人亦但村婦目
之羅敷採桑而行者爲之躊躇徒虛語耳獨不知談
文少年見之又驚怪何如也

定鄉雜著卷下

雜詠六十二首

仁和 胡敬 以莊

余家有祠祭田數畝在定山之陽歲時索租一至其地覽其山川竊謂曠如奧如足與西溪分擅其勝顧西溪多前賢吟詠茲鄉自漁浦潭風水洞暨錢思復江上山十詠而外寥寂無聞善乎思復之言曰定山古迹不逮他山蓋無好事者稱述耳舊會作定鄉百詠自秦望至橫山凡名勝之隸江上道為往來所經及茲鄉風物之美備誌之長夏無

定鄉雜著卷下

事其繁蕪存之故麓自媿謫劣攷索多缺不逮西溪百詠幸覽者匡所不及焉

碧谿丹澗瀉淙淙半注澄湖半入江湖水自清江自濁本同源卻派分雙咸清臨安志九谿在赤山煙霞嶺西南通徐村出大江北達龍井又十八澗在龍井山西步司在軍寨後路通六和塔清露眞珠玉練槌和豐和樂總堪悲南都酒庫今何處茅店西風望子垂咸清志行在贍軍激賞酒庫所南徐村在六和塔南徐村市中徐村在六和塔南徐村市中詩帖舊會標八社當時壁壘想森嚴穎湖老去風流絕村酒山歌冷月巖西湖八社詩帖月巖詩社勝果梵天鳳凰山萬松書院五雲山

六和塔浙江湖月巖亭天眞寺龜田三一泉海鮮寺秦望山諸勝屬焉穎湖主之

休更紅羊慨汴都殿尋望祭但平蕪滌宮空傷冬青樹麥飯何人奠一盂夢梁錄牛羊司在權貨務後掌御膳及祭之牲有滌宮在六和塔之南

諸楊千樹壓茅檐燠嶼南山色自兼漫道法華天下最較徐村遜十分甜陳敬亭萬麻杭州府志楊梅有早南山多晚燠色並有之晚色燠色數種北山龍井法華山產者為天下冠徐村產尤佳美

熬波猶記舊場名村外寒沙已徧耕父老不知亭戶苦輸糧翻愛有田輕泊宅編元豐初盧秉提點刑獄楊村上流接睦歙等州與越州錢清場等水勢稍澹以六分爲額楊村下接仁和縣湯村爲七分

定鄉雜著卷下

二

志鹽事所錢塘場在錢塘縣界浮山又魚山渡在大朱橋鹽場夢梁錄貨之品鹽湯鎮仁和村鹽官之地新興下管上管蜀山巖門南路茶槽等場常產江一帶尚多竈田其田之征視民田輕什之六七蓋場有煎竈壑竈之別此田係屬壑竈者今猶在仁和糧場

石冢追尋已渺茫揚旗蹟著捍江塘排山山下叢祠廢剩有寒潮弔夕陽西湖游覽志協順廟在石冢其廟敗之死而為神紹興開海潮衝激江岸神激陰兵石冢追尋已渺茫揚旗蹟著捍江塘排山山下叢祠廢剩有寒潮弔夕陽西湖游覽志協順廟在石冢其廟敗之死而為神紹興開海潮衝激江岸神激陰兵湖山便覽次於浙江渡上誤矣

盡南蕩空傳舊日村
宋史蘇軾傳知杭州議自浙
為漕河引浙及谷諸水二餘里以達於江又
並山嶺不能十里以達龍山古河古慈浦北
折於龍山管里四曰避浮山徐村牛坊南蕩
定山北鄉管里四曰避浮山徐村牛坊南蕩
與排山牛坊管里四曰避浮山徐村牛坊南蕩
河狀云前知信州侯臨山因葬生母於南蕩
濱相視地建議自侯臨山因葬生母於南蕩
里名如舊據里斷之凡石門之在里者皆南蕩
浦按石門諸傳志不詳所伏弩在湖濶進龍
狀其地正相合云元少師絳弩在南蕩山見咸
軍政南朝苦不諳鎮須防北卻防南獨松關上無兵
戍空置臨安砦十三宋史兵志建炎砦兵兩浙西路
茶槽南蕩東梓上管赭山黃灣砍石奉口許村下塘
乾道臨安志諸塞土軍一十三處南蕩巡檢司寨

定鄉雜著卷下

三

在錢塘縣界元額
管土軍九十六人

偽學羣公姓氏垂西林雅望孰攀追賦成才動完顏
主身歿名存黨籍碑武林紀事趙鞏字子固錢塘人
清問下民賦非汝作乎歎服進士嘗使金問曰皇帝
甚眾號西林先生時禁偽學編入黨籍咸洎志趙
都運鞏墓在
徐范村之問
苗劉變起建炎年睿聖宮中帝夜遷復辟功推呂元
直不知誰建義旗先之夢梁錄殿撰周杞墓在徐范村
常州值苗劉之變倡義勤王洪內翰邁跋其檄書謂
公聞變憤踊即飛表請反正邁常恨世徒知忠穆復
辟之功為大而周公首
倡大義則少有能言者
吳越當年此築臺英風想見射潮迴祇今惟有山頭

月會照錢王校武來
江月松風集將壇在定山北每
戰於此縣志吳越時習水戰於此西將游覽志
定山按錢思復定山十詠以定山標名實則所
馬指定山如風水二洞云在定山南龍門鳳山
專定山西朱梁五雲山六和塔將壇在定山北
在定山十餘里遠者三十餘里自田氏誤以爲
距近者十餘里遠者三十餘里自田氏誤以爲
定山之景於合龍門將壇浮嶼皆屬之定山與
各志均沿其誤據思復詩言將壇在定山北與
五雲六和塔書法正爾
其地應在徐范村間爾
長隄改磬石縱橫從此江行路砥平寂寂新砂進龍
鋪年來無復捍江兵
四朝聞見錄杭州江岸率多薪
隄上十二里以防江潮既成杭人德之慶歷中立廟
因置捍江兵士五指揮專探石塘乾道臨安志載
捍江凡五指揮共額管二千人今自萬松公館歷范
村新砂凡八鋪兵止四十餘名斯
則保障功深江波效順之明驗也

定鄉雜著卷下

四

雪表山僧獻歲關高樓百尺禁中看官家自賞豐年
瑞那問龍沙玉輦寒
江月松風集五雲山在定山北
臘前主僧必奉雪表進黎明城中霽猶未集蓋其地
特高寒云乾道起居注八年元日太上官家甚喜移
綠堂看梅未乾道起居注八年元日太上官家甚喜移
至明遠樓張燈進酒節使吳琚進喜雪詞云看來不
是飛花片片
是豐年瑞
秋月春風悔昔非身香行樹了禪機而今晴日寒江
路誰記芳名覓草衣
列朝詩集小傳王微廣陵人七
心禪悅自號草衣道人長至入雲棲詩晴日
寒江路松雲入望深身香然五分行樹拔千尋
豈必才輸臥月工青蘭吟伴有黃鴻如何老懺言情

作齋版禪床號石公
馬一見五杭州府志顧若輩字不
望匡廬越大庾嶺汎瓊海探奇覽勝文益橫慙彭蠡入
雲棲隱於緇流所著石公稿情之顧超士益橫慙彭蠡入
序略云羣不佞所讀父書言情之顧超士益橫慙彭蠡入
氏而馬先生尤嘖嘖於父書言情之顧超士益橫慙彭蠡入
妻黃字鴻氏所為聞晚吟

范浦荒寒滿徑苔市門無復面江開編茅莫訝村居
陋曾有平章待罪來
輔有宿范浦詩寰宇記載錢塘郡三姓全范浦崔國
范氏所聚族也萬麻府志近年客商十月貨多於此則
始朝重華都人皆大喜先是丞相雷正以論姜時立
待罪范村凡一百四
十日至此方召還

發難功同定難論墓原今尚護山村離離黍長康陵

定鄉雜著卷下 五

偏更有何人爵一尊
蕭純中錢塘縣志胡世甯永清
甯藩奸狀落籍後柄兵持正議忠義鯁直為時
名臣墓在五雲山岡萬麻三十五年心湯修葺
清真樂府擅風流守冢孫今幾箇畱寂寞吟魂江上
月竹林應共長官游
咸淳志周都尉邵墓周待制邦
山之北鄉 蕭志都尉邵墓周待制邦
蕩山中所稱周邵字開祖錢塘人嘉祐八年進士即東
坡集字下各志仍之而清與邦俱從邑乃妄改為第
於邦嗣後各志仍之而清與邦俱從邑乃妄改為第
周邦遂為周長官之弟矣
萬年橋夾兩山崖壓擔青松閒落槐小艇載將城市
去價高云是貴人柴
麻府志萬年橋在范村南萬
略云萬年橋非舊名也舊名上諸橋以濱江湖激履
此乃徙入百餘步相其地蓋兩山之麓相夾於道若

有侍者先是改建之日有敝道人乞食人請以萬
食名橋道人為記此萬年橋也忽不見橋成里人請以萬
年名橋道人為記此萬年橋也忽不見橋成里人請以萬
志朱橋相傳昔貴人朱清擔柴路也
廢址韓家何處尋陸門高閣峙江潯通江名合千金
喚一寸江波一寸金
蕭志韓家閣近廢山之中為
朴庵葛公墓先是朱橋至百丈田凡千頃每旱魃為
災則河身龜坼庵子東橋公建開以匯流而乘
未者優游矣德厚者澤長故其曾孫肥瞻谿流而乘
馬多按葛田氏今猶居開苑之午山其地以有開瀆
田又名其開日千金關裏
心學憑誰嗣浙東陽明而後道傳公圓盤村外雙旌

返知己真無媿太沖
柴虎臣葛寅亮傳葛寅亮字水
居先整黃道周負人倫之望嘗稱浙東劉念臺浙西
裁峻是黃道周負人倫之望嘗稱浙東劉念臺浙西
萬水鑑其風操素為衣冠所宗進士授南禮部儀制
萬水鑑其風操素為衣冠所宗進士授南禮部儀制
人主事累遷少司農西湖志引舊邑志寅亮北定鄉
母氏不學宗陽明於其派貴後為子著錄者無慮數百
城圓盤村聞國變絕粒以死繼之薦起為太常行至浦
以頭觸盤釘而卒孫宇台祭公之子愚古先生文所稱
司農捐軀為報國忠烈一家方之可無媿色矣
吾鄉三陸為戚屬忠烈一家方之可無媿色矣
無名畢竟擅才名地下羅含恨可平尙有詩人匹
里苔磯空表葉唐卿
舊五代史羅隱節度使錢鏐
為從事年八十餘終於錢塘歸鄉里節度使錢鏐
年吳越王表奏為錢塘令遷著於梁開平二年授
給事中三年遷發運使是年卒葬於山金部郎
中沈崧銘其墓咸淳志吳越事在錢塘
縣定山鄉萬麻府志葉元素墓在雲山按世傳

定鄉雜著卷下 六

定鄉雜著卷下 六
萬水鑑其風操素為衣冠所宗進士授南禮部儀制
人主事累遷少司農西湖志引舊邑志寅亮北定鄉
母氏不學宗陽明於其派貴後為子著錄者無慮數百
城圓盤村聞國變絕粒以死繼之薦起為太常行至浦
以頭觸盤釘而卒孫宇台祭公之子愚古先生文所稱
司農捐軀為報國忠烈一家方之可無媿色矣
吾鄉三陸為戚屬忠烈一家方之可無媿色矣
無名畢竟擅才名地下羅含恨可平尙有詩人匹
里苔磯空表葉唐卿
舊五代史羅隱節度使錢鏐
為從事年八十餘終於錢塘歸鄉里節度使錢鏐
年吳越王表奏為錢塘令遷著於梁開平二年授
給事中三年遷發運使是年卒葬於山金部郎
中沈崧銘其墓咸淳志吳越事在錢塘
縣定山鄉萬麻府志葉元素墓在雲山按世傳

羅隱墓所在各不同今考舊五代史載隱終於錢塘
第一清官紀考功庶僚何僅隸司空魏佗十九侯門
客也得名參四子中諱尚友錢塘人月中崇禎辛未進
士起家長樂令六載考授工部主事懷宗皇帝時
於守令之優異者往往先至前口稱知縣
其樸誠如此帝矜而憐之然不得異數也
友為長樂令此帝矜而憐之然不得異數也
馮來聘陳之煌為定鄉清官第來聘於萬亮與尚
亮同舉於鄉天啟二年進士官常州推官來聘與
禎六年舉於鄉天啟二年進士官常州推官來聘與
為中表通籍後附魏進士官常州推官來聘與
寅亮亦為真論所輕云
兩張劉各戰勳存韓岳功高許並論四將紛紛多異

定鄉雜著卷下

七

麻府志鄭王劉光世墓在定山北鄉府志按咸淳
志及成化府志皆作劉錡萬麻志因鄭王字誤改作
劉光世然即宋史所明譏豈克當哉今改正
世不肯任國事史所明譏豈克當哉今改正
人隨鴛牒赴秦關幾度巫招更不還小字銀牌好畱
在再生來探印金環七修類稿錢塘定北鄉大青嶺
皆不生育年復生一子小字回官既越上月士賢行於
鄰左沙中見白物隱起九之得二牌之背又有花籃二
凡二對等字乃與士賢之子相同牌之背又有花籃二
月回官亦死此不可曉者
怪底甘泉溢夢中幽人茶癖過盧全銘成祇恐山騰
笑一勺無多未是功銘序功海錢塘之定北鄉古
名洋井如吸有泉一穴冬夏湛碧與虎跑泉並煮
亦隨升如古之釣突有友人攜券茗與虎跑泉並煮

嘖之較香味尤勝予性嗜水弱冠夢舍新井泉湧以
屢屢豈意驗於茲乎乃占得井之上爻其詞曰井溢
在陽剛中乃命其地曰功山泉
兩代奇勳史策垂遺阡蕭屑野風吹蓮花山下修修
路來訪陽明舊墓碑王公誌銘桓桓襄惠兩峯傑
實屏始仕聲聞已揭於泉是於藩益宏以騫略於西
惟爾子治冠既荒南服帝日迤暨爾總予師寇於北
天懷舊臣公長不齒西湖之孤逸其成卒以老充
幸榮終始其公則如穆正稿之有鬱其詩此貞石
垂公諱瞻祖字貽孫伯如穆正稿之有鬱其詩此貞石
傳撫南顧下車未幾而萬餘人燬員子山等二十餘
分路合勳一千一百七十餘人燬員子山等二十餘
婆總等一而公提銳勇以先之數月起遂檄諸郡兵

定鄉雜著卷下

八

贛州之賊平而公遠以勞瘁乞骸骨歸里家居年七
十墓有九而卒定北鄉東穆祖蓮花
山其會孫左都御史瞻祖蓮花
零落僧寮青豆腐隔林仙梵聽飛揚重來不遇廣長
舌一佛聲中一放光武顯慶元年高明禪寺在定山北
寺明善導和尚說法開山至百馬志如師念佛一聲即
志道光山有光中出自唐貞觀悟明尊之說與吳氏陳氏
見此山光明所繞繞寺名貞觀悟明尊之說與吳氏陳氏
時代之意亦異俟考
勝境文通別墅開鄉音何事費疑猜黃山有浦休文
記強弩曾經破砦來江山土人呼黃山浦東軍據岸結農
山府志按錢塘舊有黃山浦東軍據岸結農
反強弩將軍任農夫向黃山浦東軍據岸結農

南麓通江處如謂橫山浦者即此山

社起登樓各策勳陸家羣從盡機雲講山迹跡梯霞

老一死蒼黃最痛君進就正稿陸行而歸庭傳鯤庭成

主乃於甲申九月趨南公汝霖論祭准王將復命而王

使副吏科給事中熊公嶺嶺嶺嶺嶺嶺嶺嶺嶺嶺嶺嶺嶺

乃下浙江君在橫山又處士嶺嶺嶺嶺嶺嶺嶺嶺嶺嶺

行節陸山疑不八橫山又處士嶺嶺嶺嶺嶺嶺嶺嶺嶺嶺

容貌儼然也問其故山未成獨往陸嶺嶺嶺嶺嶺嶺嶺嶺

七尺珊瑚鬪石崇利吾財爾事成空煙霞別擅無窮

福不向江南作富翁歲寒堂存稿沈萬七秀公畫像

七秀公像屬為記子展卷蕭觀宋文憲公濂作傳載萬

定鄉雜著卷下

九

雲南初以聚寶盆築南京城門者九以壽終文憲述其

博學多才秀公避跡橫山年七十九以壽終文憲述其

有聞於當世此何以稱焉

高談雄辨到更闌前輩風流憶道安游伴不來吟社

歇萬峯煙翠一僧寒黃梨洲思舊錄江浩字道安武

懷洞達無塵瑣纖毫之累後亦與之月夜汎舟偶爭一

義則呼聲沸水至於服後亦與之月夜汎舟偶爭一

又鄭文鉉字元子崇禎中四方文社最盛而杭有讀書

社以文鉉字元子崇禎中四方文社最盛而杭有讀書

皆與焉當時稱岐然力學卓犖

清宗致孝友深沈而鉉卓犖

秀削芙蓉照眼前可眞畱隱有焦先卻看絕頂雙厓

劈始信龍門本在天蕭志栗山西為黃山其最高者

其上者夢梁錄龍門山在長壽鄉大

悲山塢萬麻府志焦山南為龍門山

刺水秧鉞夾岸栽南風六月捲黃埃礮車雲起雌霓

挂爭向龍潭禱雨來江月松風集龍門在定山西兩

禱寺之輒應龍門寺前勝隱志龍門山在西谷南上

有縣志曰老龍潭有兩龜王殿曰鸚鵡石曰盤谷下

縣志曰老龍潭有兩龜王殿曰鸚鵡石曰盤谷下

邦定玉山浦通山長壽峰按龍門山在焦山南有龍潭

每於此禱雨與定山相距甚遠魏氏沿遊覽志之誤

遂實於之日下為定山浦於龍門山乃合定山為一

矣此為甚謬

天日蒼蒼翠靄浮一支分派落江洲翻盆雨過峰如

洗鳳髻雙盤玉女頭萬嶺起雙峯如髻故名江月松

定鄉雜著卷下

十

近浦田容買十雙高樓好啟讀書窗草堂試數三朝

跡南礪橫山更曲江張光弼集南礪草堂在九谿張

詩江西谿梵隱樊榭山房集明江元祚邦東六松林

草堂攜家隱焉有驢名曰梭翠除夕山居詩云靜隱

空山無箇事祇憐淞水一年梭翠除夕山居詩云靜隱

詩話元錢思復塘復常赴浙省鄉試時出浙江朝賦三

人皆不知錢思復塘復常赴浙省鄉試時出浙江朝賦三

日曲於前列思復按歸江草堂在雲山下

貞珉畱有誌堪援好補遺人屬道元相國文莊新論

葬錢塘南邑象山原杭世駿道古堂集大學士贈太

定山東西對峙各志俱失載今據誌銘補入

老託奇山入眼多休文出守此經過五臣舊註分明

在江浦錢塘漫辨謬
為東陽太守然定山東陽道之晚文早發定山詩
六合山在六合縣南有六峰即江浦之定山也
緣海有四縣記錢塘有彭氏以謝雲運富春詩引吳郡
出浦之為一山當無疑矣
前村漁火望中明茅屋雞催客曉行畢竟海神還懼

婦早潮經過靜無聲
篠林虎與人爭路茅屋雞催客曉行畢竟海神還懼
定山在縣西四十七里屋突出江數百丈又按郡國
志云潮至此輒抑過此便雷吼怒其上
有可避潮處行者賴之云是海神婦象
淮南諸將各爭雄定亂誰如左衛功周寶已歸劉浩
在樓船直下海門東
五左衛大將軍是歲淮南大亂

定鄉雜著卷下

十一

潤州牙將劉浩逐其帥周寶勸官歸寶病
帥鏐等進將成及杜稜等攻常州取寶以歸寶病
卒稜等進將成及杜稜等攻常州取寶以歸寶病
讀史方輿紀要唐光啟二年錢鏐遣將自定山出海
潤州即此山
百級浮圖累蕘成當年樵牧怕山行祇今野廟數楹
在挂塔不聞鈴語聲
乏食深更施其飲食少積高僧傳德秀律府嘗哀陽
山遷神入塔秀齒上舍利之民傾誠畏服後終於定
塔或發之見蛇蟻屈舍利之民傾誠畏服後終於定
成題定山寺詩鏐不夜撞鐘千指迎古屋松張孝
止聞掛塔一鈴語鏐不夜撞鐘千指迎古屋松張孝
國歷陽烏塔人紹興二見野廟數楹不蔽風雨無問
塔在南渡時尚存今止野廟數楹不蔽風雨無問
鐘之千指即掛塔今止野廟數楹不蔽風雨無問
語亦不聞聲矣

昭武防秋老此都久紆籌策靖菴符即今歐粵通商
賈尙有丸探赤白無事趙寬昭武將軍浙江都指揮
輔承平遷安人宏治改元赴兩浙備倭在浙土
十年以久涉風波感疾而逝遺命葬定山之原
思遠何心老弄兵定山下孔奴平倘同賈客東歸
去足了平生嗜酒情
宋書孔頴傳永光元年出為尋
事時上流反叛遣都水使者孔頴入東慰勞至
說吳郡太守顧琛據郡同反吳言正月遣書
塘遺鎮北將軍沈思仁彊弩將軍吳喜等至錢
黃山浦東軍據岸結若農夫等破之乘風舉帆直
趨定山自定山進向漁浦斬其軍主孔奴於是散
重南史思遠謂曰汝輩忝士流何至還東作賈客耶
性嗜酒後以吾平生所好
求酒曰此吾平生所好

定鄉雜著卷下

十二

何處青帘賣酒家潮回莽莽但平沙試登泉井山頭
望幾樹風開苦棟花
張翥浮山道中詩處人煙有
府志浮山南為泉井山按翥字仲舉晉甯人嘗隨
父宦杭據是詩則元時茲山之麓為行李往來孔道
今則茅屋數椽而外彌望平疇經行止一
二村農飛絮酒旗無復曩日之風景矣
嵌空磐石峙岬巉樵徑彎環草不刪捲地潮來風雨
驟浮山端合號巫山
方輿勝覽浮山在舊治東南四
在錢塘縣東今號浮山頭最為險處
頭名廟山又謂之祿山按浮山今土人呼巫山頭
蓋浮與巫一聲之轉然據夢梁
錄則定鄉本自有巫山頭耳
回頭休更惱江波清淺蓬萊喜再過兩壁斜分一泓
貯玲瓏潭影魚多
江月松風集浮嶼在定山側浮

湖出海口中分爲兩派東派沿越岸向富春西派
抵茲山而回諺謂之回頭浪西派游覽志定山
有浮田氏於定山條云定山有浮嶼而別出
爲近耳田氏於定山條云定山有浮嶼而別出
浮山是潭尚存廣可數頃中今浮嶼
山下有潭尚存廣可數頃中今浮嶼

舉網何人得雉呼一雙網得玉花鱸回船晚泊鮎魚
口漁火星星映荻蘆咸清志漁浦潭晏公輿地志在
浦在浮山西今俗稱鮎魚口按陶篁村全浙詩
話辨漁浦爲蕭山地然潛氏似不應有所誤也

江上山誰一一攀界峰何處峙巖屏千言鄭氏箋從
缺漫把包山當已山元和郡縣志石山在州西南
浦釋皎然界石守風望天竺靈隱二山詩則界石必
近於江矣漢時凡錢塘之山統名武林六朝後專以
靈隱爲武林唐以北路諸山爲靈隱南屏大慈五雲等名而界
石至宋時南路漸有龍鳳南屏大慈五雲等名而界

定鄉雜著卷下

三

石以無專指而晦按水經注縣東有定已諸山皆
西臨浙江箋云已疑作包趙誠夫注釋徑改公穀考
包通作浮左傳隱九年公及莒人盟於浮來公穀考
包來蓋包與浮一轉又包已說文包象人裹
姪已聲足中是則謬包作已轉又包已說文包象人裹
之形聲足中是則謬包作已轉又包已說文包象人裹
域志載錢塘有長山今浙山有浮山元豐九
人尚仍其錢塘有長山今浙山有浮山元豐九
不自名耶

名勝舊傳尊聖寺蜂房高下倚巖開無緣靜對蓮峯
坐輸與山泉得又來萬麻錢塘縣志白巖山有尊聖
幽勝有十景曰白巖山蜂房巖天池寶鑑池又來泉
炊香泉珠峰石蓮花峰歸龍橋思君子徑自膝村至
歸龍橋數里夾道皆修
竹縣西南山此爲最勝
武林水自匯錢塘源與金牛各一方強把西湖號明

聖靈蹤誰訪定南鄉按趙誠夫刺潛文稿西湖非明
武成化府志之謬卓然可信然於所著水經注釋及
刊誤均不載此說
豈因駭俗削之歟

湖步名猶舊里呼靈泉此日耀靈無地尋白森還雙
漢何處渟泓是石湖湖在縣南引劉道真錢塘記明聖
牛古嘗見其映寶雲泉照耀流精神化莫測遂以明
聖爲名南沿山一帶地名雙湖按石湖近楊
考惟地名南沿山一帶地名雙湖按石湖近楊
村有地名南沿山一帶地名雙湖按石湖近楊
證以趙氏在定山南鄉之說亦合

仲晦銘傳石上刊數行蝕盡薛爛斑青山一一天然
在只欠圍亭似次山紹興甲寅閏十月癸未朱仲晦
父南歸重游鄭君次山園亭周覽巖泉之勝徘徊久
之林擇之方叔朱耀卿吳寶之趙城父王伯純陳
秀彥李良仲喻可中俱來仲晦父因題石上信手
銘廉臆所願君弗鑿然見茲山一皆天作

定鄉雜著卷下

四

長路漫漫傍水湄風流蘇李此追隨斷橋流水空蕭
瑟繫馬巖花更有誰東坡集往富陽新城李節推先
長橋漫傍江浦此間不可無君語又
谿橋曉濤浮梅萼知君繫馬巖花落

貓頭戢戢長春前壓擔黃山筍味鮮別有名呼南路
好慈嚴院側嶽祠邊咸清志筍南路山壘山又壘
有小巖祠夢梁錄筍有數名曰南路白象
牙哺雞貓兒頭黃鶯晚篁又有紫筍邊筍
捨宅會聞葛稚川風巖水穴徑彎環丹砂採得從句
漏未許人間載取還咸清志風水洞在楊村慈嚴院

洞立夏清風自生立秋則止故名多石子紅點稚如川
持出即隱置於內如故 又慈嚴院太康間葛稚川
曾捨宅 為寺

寺訪南山地最偏更無園竹但林煙鐘魚粥鼓荒寒

甚何處淵堂噴月泉 咸淳志廣福院開運三年吳越
王建舊名寶福舊志有淵堂噴

在南山晴竹圍廣福院

錢江分置自錢鏐那得唐先郡邑收苦向山尋寒水

石可真杜若產芳洲 十國春秋吳越割錢塘鹽官各

膏山 太平寰宇記石塘縣僅錄此西五十七里府

志按通典州郡錢塘縣錄此西五十七里府

錢塘仁德山仁德山仁德山仁德山仁德山仁德山

依其道里當與九里暗山相近仁德山仁德山仁德山

江在梁龍德二年錢江之易名仁和在宋太平興國

定香雜著卷下

五

四年杜氏作通典時未嘗分也今定鄉諸山不聞有

塘當是據通典所載縣名 日黃鶴間潛氏之標明錢

而未深考其分置之故耳

萬羅山下水從派匯分金淡竹雙錯道錢江曾割

取錢江不近富春江 萬麻府志九里暗山西為萬羅

治西南 洪貽系西錢江初立時縣志及順存錄十嶺而

來秋俱有割富春長壽安吉二鄉之說據咸淳臨安

志二鄉乃錢塘所管即今所謂上四鄉之二地正與

富春鄰接非錢塘所管即今所謂上四鄉之二地正與

江能遙領也

新茶採向定浮巔都冒龍泓未雨前真偽世間誰辨

得此中還有惠山泉 咸淳志惠泉在錢塘大老山泉

天井應先六井成為沙為石任呼名須知萬斛泉源
瀉江許山椒一例清 咸淳志後廢又真際院亦有天井大旱
不竭 夢梁錄六合塔峻峭有石井旱不涸 又胡
家嶺在長壽鄉其嶺極峻峭有石井旱不涸 又胡
徑草盤盤撥不開經過猿鳥亦相猜奇探我欲然茅
入徧歷前山七洞來 縣志前山有七洞山僧會以竹
滴之如鼓聲山罅流泉涓涓
地割仙山里數增兩鄉長壽舊同稱赤亭南去無多
地望見雲中白鶴昇 按咸淳志富陽縣仙山鄉管里
吉富陽縣志云原額十鄉七十三里今既分置錢江以塘
隸錢塘故止七十二里蓋梁時既分置錢江以塘
地隘乃割富春益之仍其舊凡十五里不改也郡邑都圖
多土名無足考然如此鄉凡十五里不改也郡邑都圖
轉塘以地名滕村徐村楊村以人名分金排山牛坊
南蕩淡竹大斗凌嶺以山名而白昇之名殊不
可解據富陽仙山鄉有昇仙橋上人名言赤松子昔乘
白鶴於此上昇白昇命名之意或以此觀富春有白
昇里則其名亦於割
置時沿襲至今者矣
無才難賦曲江潮風土詩成藉解嘲十詠清新誰繼
作時中而後竟寥寥 歸田詩話錢思復以浙江潮賦
實發源於太末試官喜之遂選蓋滿場無知羅利
為浙江別號者 按瞿氏此說則思復以號知羅利
名與南濠詩話所載不同然思復年白號曲江老
詠及劉時中待制之言為正江月松風集載有定山十
和十詠作詩以謝詩

定鄉雜著卷下

五

水 函

白 門 哉 否

魏本存署眉



光緒壬午冬
錢唐丁氏雕

定鄉小識卷一

錢塘張道少南

山水記 月輪山路

江上為月輪山頂有天井有噴月泉持正泉
山澗底有金魚池山北為毛湫峪山下為龍
山渡折而南古有秦望山山東南舊有羅剎
石又東為靈泉為沙井又徐村有馬鞍山南
峯為大灣山西為小康塢東為雲棲塢塢口
為雞冠隴隴南為百丈塢又南為鷄籠山為
唐家塢又南為高麗山又西南為排山又古

定鄉小識卷一

一

有石壁山沿江為徐村嶺為礪馬嶺雷嶺牛
馬頭嶺直至范村為九龍頭又九溪出江為
徐村浦

月輪山 咸淳臨安志在龍山西南瀕江以其形圓
如月故名西湖游覽志其上為月輪峯湖山便覽
龍山支阜也在大慈山南二里康熙錢塘縣志在
龍山南瀕江形如月頂廓為月輪峯旁倚六和塔
月輪山中隆旁構彷彿半月岸江危石壁立若
島古藤老樹陰鬱蔽日游人炎夏登陟涼風扇
秋可以消暑山東為龍山鄉以溪為界定北之

轄實首是山

釋契靈

月輪峯

東南好峯如月盈開窗相見若為情松聲謖謖晚
煙澹澗小瑤瑤秋月明

許承祖 字繩武號復齋自稱雪莊居士海甯人乾隆庚午副貢有西湖漁唱

月輪山

鏡圓山勢月輪同影落清江一色空信宿西巖蟾
魄度置身如在廣寒宮

天井 萬厓杭州府志月輪山之上有天井二大旱

定鄉小識卷一

二

水不竭湖山便覽月輪山有天然井

噴月泉 持正泉 西湖游覽志並在六和塔開化

寺康熙錢塘縣志塔院有噴月泉持正泉

金魚池 咸淳臨安志在開化寺後山澗底有金銀

魚康熙錢塘縣志塔院有金魚池

池亦稱金鯽池東坡游風水洞詩金鯽池邊不

見君指此

蔣之奇 字穎叔自興人未知杭州軍州事

金魚池

全體若金銀深藏如自珍應知嗅餌者固自是常

鱗

毛湫峪 西湖游覽志在六和塔之北康熙錢塘縣志月輪山北為毛湫峪

龍山渡 成化杭州府志在六和塔下對蕭山縣漁浦康熙錢塘縣志月輪山下為龍山渡湖山便覽月輪山江面為龍山渡

渡久廢今聚浙江驛前然月輪山徑對蕭山之冠山非漁浦也又成化志六和塔下又有漁山渡云與西興相望不遠攷漁山渡宋時在朱橋今在王安寺前辨詳漁山渡下此特別諸

定鄉小識卷一

三

秦望山 咸淳臨安志兩朝國史志錢塘有秦望山舊志云在錢塘縣舊治之南一十二里一百步高一百六十丈周回一百步姜元獻公輿地志秦始皇東游登此山欲度會稽後唐同光中錢氏於秦望山建上清宮有巨石二十餘株自然成行名曰金洞門夢梁錄諸山巖低處謂之秦望山湖壩雜記秦望山一名秦亭山秦始皇登山眺望見江濤洶涌不敢渡江處也上祀真武顯赫非常西湖志纂秦望山在錢塘縣南十二里湖山便覽秦望山吳越備史云唐咸通中望氣者言錢塘有王氣命

侍御史許渾等賁壁瘞此山以厭之後唐同光中錢氏於山頂建上清宮今人但知會稽有秦望山錢塘秦望莫有能指示者矣月輪以南至於定山岡巒連屬多無名號著稱秦望山應即在是間也合舊志治南十二里說地正相當

秦望山今無定處可攷據南北史濮陽太守徐熙子孫三世結廬是山徐村命名實由徐氏則山當在徐村矣明夏時湖山勝槩記云南高峯其麓四出一過慈雲嶺登雲臺出包家鳳皇秦望三山多有吳越南宋故迹今建風雲雷雨山

定鄉小識卷一

四

川壇并報國勝果天龍龍萃諸寺邊焉則是山與包家鳳皇相連當即御校場其西宋有冲天觀似即上清宮與舊治南十二里合又錢武肅王排衙石詩刻有建瑤壇禮玉京顯真靈鎮上清語與秦望山建上清宮事相合且排衙石兩行排立與晏公所稱巨石成行者同狀其地高曠極江山奇偉之觀秦皇駐輦或在此處然攷咸淳臨安志記錢王新築羅城云自秦望山東互江干城門十南曰龍山今在六和塔西則秦望山亦宜近六和塔之西也愚案塔西近徐村

有大王山與五雲山東西對峙高峻雄傑意由秦皇得名或秦望省筆訛為大王今縣志稱大灣則又音之轉也又咸淳志既云山高一百六十丈而周回僅一百步與形勢不類一百步上當有脫字又陸氏誤以秦望為秦亭不知棲霞嶺後近西溪處自別有秦亭山相傳亦祖龍駐蹕處不得合為一也惟所云上祀真武似與吳越建上清宮事類又月輪至定山相去二十里今縣治至定山約三十里舊治益遠翟氏以此處岡巒無名號者當之云合舊志治南十二里

定鄉小識卷一

五

之說夫定山而下龍門鳳髻諸山名號甚繁難於更僕彼自不知耳況遠近費然且無論舊志所稱舊治在錢塘門道里不合即今治亦不合也

薛

據字 河東人天寶六年風雅古調科及第仕至尚書水部郎中贈給事中

登秦望山

南登秦望山極目大海空朝陽半蕩漾晃朗天水紅溪壑爭噴薄江湖遞交通而多漁商客不悟歲月窮振縉迎早潮弭棹候長風予本萍泛者乘流任西東茫茫天際帆淒泊何時同將尋會稽迹從

此訪任公

全唐詩極目作目極透作遙長一作遠

馬

湘字自然錢塘人或曰鹽官人少為吏好經史工文學後得仙去

登杭州秦望山

太乙初分何處尋空留麻數變人心九天日月移朝夕萬里山川換古今風動水光吞遠嶠雨添嵐氣沒高林秦皇漫作驅山計滄海茫茫轉更深

羅

隱字昭諫餘杭人吳越給事

秦望山僧院

巉巖危岫倚滄洲聞說秦皇亦此游霸主卷衣纔二世老僧傳錫已千秋陰厓水漱松根直蘇壁苔

定鄉小識卷一

六

侵畫像愁各是病來俱未了莫將煩惱問湯休許承祖

秦望山

羅刹森嚴障碧瀾江流滾滾海漫漫仙山悵望知

何處始信乾坤玉宇寬

徐

渭字文長號天池山陰人

登秦望山

素情忻晏游碩人事永矢上此萬仞山復沿北溪水顧瞻江海流神去蒼茫裏後峯千里來旁嶂兩川起往昔窗中翠今茲巔上視佳哉是觀游吾鄉

亦信美

秦望山東南下折有峯紫鐵色錯豎似花蕊

土人呼雄鵝突余贈名花蕊峯

錯如鐵色紫出土幾千古寒空蕊尙繁秋水蓮難吐刻削差可擬帶插不添嫵宛如齒齟齬張吻訟所苦千秋獻組繡名號未得主直少讓中岑他山視應父借言花蕊峯來春開何處

右天池二詩有吾鄉信美之語味詩意當咏會

稽之秦望山蓋錢塘秦望山明時已晦也而二

詩康熙魏氏志已列入藝文姑附存之又柳亭

定鄉小識卷一

七

詩話云陸放翁有登鵝鼻峯絕頂訪秦刻石詩

鵝鼻正在秦望山東南據此正天池所云雄鵝

突也天池題畫每署鵝鼻山農以此

羅刹石 北夢瑣言杭州連歲潮頭直打羅刹石吳

越錢尙父俾張弓弩候潮至逆而射之由是漸退

羅刹石化而爲陸地遂列廩庾焉咸淳臨安志秦

望山晏公云近東南有羅刹石六石崔巍橫截江

濤商船海船經此多爲風浪傾覆因呼爲羅刹每

歲仲秋既望必迎潮設祭樂工鼓舞其上李建勳

詩曰何年遺禹鑿半里大江中白居易詩曰嵌空

石面標羅刹壓捺潮頭敵子胥後改名鎮江石五

代開平中爲潮沙漲沒羅隱詩羅刹江邊地欲浮錢塘縣志錢

塘江又名羅刹江田江心有羅刹石風濤至此極

險樵書郎瑛云錢塘江舊有數石橫截江濤舟楫

多爲所壞因呼爲羅刹石而江亦名之姚靖西湖

志唐時郡守每歲仲秋既望迎潮設祭樂工歌舞

羅刹石五代時已漲沒陶篁村全浙詩話爭爲

蕭山地詩話云按輿地志云近秦望山有大石

崔巍橫絕江濤商船經此多爲風浪所傾因呼

爲羅刹每歲仲秋既望必迎潮設祭樂工歌舞

定鄉小識卷一

八

其上後改爲鎮江石五代開平中爲潮沙漲沒

今不復見考紹郡秦望山在會稽山中錢塘秦

望山在縣治南十二里見於臨安志然此石離

西興岸只三里許故羅刹潮聲尙爲蕭山八景

之一則石屬蕭山不屬錢塘輿地志所云近秦

望者誤矣因有羅刹石故江卽名羅刹江今江

中或漲沙數里操船者必沿流上下避出此沙

纔能轉篙對渡俗名套刹其刹字蓋本此按羅

刹列蕭山景中以浙江名羅刹江而蕭山西臨

江口也非專指是石者故樵書云羅刹石今不

知所在今蕭邑志列入景中有羅刹潮聲誠通人之論也夫西州羅刹之謔西州正指餘杭若石近西興當歸越轄微之何不自嘲而反嘲白傅陶氏駁晏志豈未見白詩耶況錢王射潮亦以直打是石之故郡守迎祭端爲杭州至於江中沙渚隨處皆有套刹之名總緣江起定鄉江面號刹通者不一烏得據爲典要總之陶氏嫻於吟咏而疎於攷據漁浦之爭要亦猶此然漁浦跨屬三邑尙隸公家若是石究難移也許氏西湖漁唱題注羅刹石按越絕書錢塘浙江有

定鄉小識卷一

九

岑石長丈四尺南北廣六尺漢天漢五年四月岑石不見至七年岑石復見又杭州府志載康熙十九年四月望日岑石復見不審卽是石否錢塘西湖諸志皆不載錄之俟考按岑石乃浮石宋天禧五年亦有此異至康熙年丁文策明云浮石自西逆潮而下非羅刹有柢者比許氏何妄度也又岑石魏氏志載災祥門云失載非白居易字樂天太原人長慶二年七月自中書舍人出守杭州微之重誇州居其落句有西州羅刹之謔因

嘲茲石聊以寄懷

君問西州城下事醉中疊紙爲君書嵌空石面標羅刹壓捺潮頭敵子胥神鬼曾鞭猶不動波濤雖打欲何如誰知太守心相似底滯堅頑兩有餘

按微之重誇州宅且暮景色兼酬前篇末句詩落句云爲問西州羅刹岸濤頭衝突近何如又寄樂天第二首落句云休學州前羅刹石一生身敵海波瀾又去杭州送王師範落句云得得爲題羅刹石古來非獨伍員冤又樂天和微之三月初三日詩有石奇羅刹踞語

靈泉一名虎跑泉咸宜臨安志靈泉廣福院有靈泉一

泓覆之以亭湖山便覽在六和塔南徐俯蘇詩註言廣福院亦有虎跑泉卽謂此靈泉也

靈泉別名虎跑特同名耳後夏氏郡志田氏游

定鄉小識卷一

十

覽志緣是泉名遂以定慧爲廣福翟氏於定慧寺下辨云徐俯注蘇公虎跑泉詩旣引圖經二虎跑地之文又云廣福院有虎跑泉蓋杭有兩處此特旁引以備其說非謂寰中所居爲廣福院也廣福舊名靈泉潛志別載在龍山路徐氏亦明明自言杭有兩處豈得遂緣此混誤爲一沙井 夢梁錄六和塔南沙上曰沙井上以鐵井闌護之湖山便覽沙井在六和塔南上有鐵井闌明一統志云昔有蛟龍自井出攻損江岸錢氏鑄鐵闌鎮之刻八卦其上以象八方南宋以鐵井闌爲

城南廂之南界

靈泉沙井今已無蹟可求以定鄉之界自六和塔西南隸於定北泉井當在界中翟氏月輪山卷中列秦望山前今增後

馬鞍山 咸淳臨安志馬鞍山在兒門武狀元坊步司左軍後形如馬鞍故名夢梁錄諸山巖低處名馬鞍山康熙錢塘縣志馬鞍山郡志在五雲山稍北高五十丈周二里近黃山阪湖山便覽馬鞍山在八角峯東南臨安志云山在步司左軍後形如馬鞍故名步司左軍寨舊在山東面西為小康塢

定鄉小識卷一

十一

有澗水自塢注溪澗在軍寨後說於此可攷信也山起二峯今以北峯為馬鞍其南峯別名大彎馬鞍山中為平岡而東西二峯對峙其形酷肖宋趙履常保壽院記云出臨安城而南沿江西行十餘里又支行逗入山崦五里峯巒錯峙前後環立如屏嶂複重保壽院於是在焉院山源發天目龍行騎奔派為五雲又別為保壽之山鞍旋鐙迴至是始就坦迤四旁諸山聯絡圍繞如拱如顧如與左右輔翼皆秀媚可愛此保壽山之大略也翟氏據是文次保壽院於馬鞍山

下且云今馬鞍山塢中有卵石砌道寬平處階礎宛然土人相傳為此院基趙云鞍起鐙迴者其卽指馬鞍山形言歟然則馬鞍山可名保壽山矣又聶氏志云焦山之支東南行為馬鞍山黃山阪魏氏志誤讀是文卽云近黃山阪不知黃山阪在橫山路口徑由朱橋轉塘而進與馬鞍相去十餘里烏得以黃山之馬鞍為徐村之馬鞍耶蓋黃山自別有馬鞍近黃山阪也

陸彥龍

字驥武錢塘人明孝廉陸振奇之孫善詩古文有焚餘集

自虎跑厯馬鞍山憇九溪石壁精舍

定鄉小識卷一

十二

佳氣盈春山鳴珂轉前綬臨風一徘徊縱橫任所思所思在深林佳茗皜於絲沉煙煮茗水鑿味別澗溜幽賞動移晷晨光何熹微高興陟層山絕頂窮巍嶷猿狖向人笑虎豹為我啼從游懽心目悲風傷春蕘策杖獨行邁鳴澗緣遙支列館疏傾厓石壁延高棲披榛覓新術迴步迷故蹊三徑開蔣生庭無求羊綦冥坐悟物化達理不可欺誰能同妙善存情與推移

大灣山

一作大灣山俗呼大王山

康熙錢塘縣志大灣山郡志

在五雲山東五里高一百二十丈周四里湖山便

覽馬鞍山起二峯今以北峯爲馬鞍其南峯別名
大彎縣志云大彎山在五雲山東五里高一百二
十丈而馬鞍山未識臨安志則又無大彎山山既
取象馬鞍宜有二峯蓋馬鞍其總名矣

魏氏志次馬鞍於大灣下翟氏譏其未識不知
何故

小康塢 湖山便覽馬鞍山西爲小康塢有澗水自
塢注溪

雲棲塢 湖山便覽八角峯對岸爲雲棲塢因有路
達雲棲故得名

定鄉小識卷一

三

鷄冠隴 湖山便覽雲棲塢口爲鷄冠隴龍井水注
溪之所

百丈塢 湖山便覽鷄冠隴南半里爲百丈塢臨安
志云慶善院初名百丈山夏英公竦請充功德院
改額舊有迎雲亭正觀亭百丈亭養高堂諸蹟五
燈會元載百丈慶善院僧淨悟語此百丈塢得名
始也

魏氏志於蓮池說法之雲棲塢下云雲棲塢前
爲百丈山蓋誤以溪上之塢與范村之塢同名
而百丈亦移於彼矣

鷄籠山

唐家塢 湖山便覽百丈塢由此南越鷄籠山爲唐
家塢百丈唐家二塢皆洩五雲山水注溪

高麗山 康熙錢塘縣志高麗山郡志在五雲山南
二里高二十五丈周二里湖山便覽唐家塢更南
爲高麗山

排山 咸淳臨安志排山在定山之北鄉夢梁錄范
村北鄉名排山康熙錢塘縣志排山郡志在五雲
山東一里高三十丈周三里

定鄉小識卷一

四

山下云排山嶺在定山南鄉排當作牌嶺似在
金家嶺通白沙塢處辨詳白沙塢卷中山有胡
胡端敏公墓

石壁山 湖山便覽九溪之西爲百丈塢相近有石
壁山有石壁寺吳越時建宋大中祥符時賜保勝
院額有僧行靖行紹居之紹於景祐初圓寂築塔
院西契嵩作塔表云石壁寺去杭二十里走龍山
而西窅然入深谷有溪流巖石之美據文當在百
丈五雲間今山名不著惟 國初陸彥龍有憩九
溪石壁精舍作

石壁山今無其名吳尺鳧南宋稊事詩注云朱存理鐵網珊瑚倪瓚題虞堪八世祖雍公古劍歌序云余訪青城山樵於錢塘之四壁山案此山之名咸淳志不載後來作志者均失之豈石壁卽四壁之譌歟然皆不可攷矣

釋契嵩 字仲靈居靈隱山永安蘭若有鍾津文集二十卷行世

入石壁山

身似浮雲年似流人間擾攘只宜休老來已習青蘿子隱去應追帛道猷直入亂山甯計路定看落葉始知秋他時谷口人相過莫問裁詩謝五侯

定鄉小識卷一

五

徐村嶺 咸淳臨安志徐村嶺一名薑擦子嶺在定

山北鄉夢梁錄徐村嶺俗呼薑擦子嶺湖山便覽嶺下有徐村酒庫及抽解竹木場

薑擦子湖山便覽作江擦子

礪馬嶺 咸淳臨安志在錢塘定山北鄉

雷嶺 夢梁錄在錢塘定山北鄉

牛馬頭嶺 夢梁錄在錢塘定山北鄉

此二嶺疑卽咸淳志礪馬嶺而析之者也顧礪馬以馬墮言取峻險之義雷嶺不知何義牛馬頭則又以形名也似非一嶺蓋自徐村而上岡

嶺連接要爲九龍頭之有名者耳

九龍頭 在徐范村之間自六和塔至徐村爲嶺者

泗徐村至范村爲嶺者五凡九嶺懷古田舍詩集自錢塘江口至梵村凡過九山諺謂九龍頭

九龍皆面江不甚高峻瞰江如削時有崩圯而

赭峙不改諺云十龍九斫頭一龍不斫頭趕到

長河頭卽此舊志所載薑擦子嶺牛馬頭嶺皆

在九龍中嶺下瀕江有沙灘行旅憚於踰嶺徑

行沙石間然江潮怒漲拍岸衝厓必翻九龍頭

焉行者苦之

定鄉小識卷一

六

徐村浦 在徐村受九溪十八澗之水以達於江萬

麻杭州府志云九溪通徐村出大江明一統志云

十八澗東出錢塘江湖山便覽云九溪自煙霞嶺

下楊梅塢發源西南流會青灣宏法猪頭方家佛

石雲棲百丈唐家小康九塢之水以達徐村以其

九水合成故謂之九溪老龍井水自西北注合於

此浦上有橋曰徐村橋

定鄉小識卷一

定鄉小識卷二

錢塘張 道少南

山水記二 五雲山路

五雲山上有天井東有長嶺西有五雲山嶺南面江為姜釵嶺為清風嶺又山西為雲棲塢塢東為壁觀峯下有青龍泉塢北為迴耀峯峯東為寶刀隴西南為黃泥隴為蕭家塢中峯下有聖義泉西岡下有金液泉塢西為梅家塢有關嶺塢口為雲棲塢溪出范村古為范浦今為范村浦西為牛坊嶺

定鄉小識卷二

一

五雲山 咸淳臨安志五雲山在錢塘縣約高一百丈周回一十五里有真際院夢梁錄低處名五雲山萬麻杭州府志在縣治西南二十里高千丈周回十五里山半有伏虎亭梯以石礮以便往來至嶺平岡名月輪江三折當其前萬麻錢塘縣志天門山之支南行者曰五雲山高百丈俯瞰江江三折當其前雲棲紀事五雲山在府治西二十餘里先是山之巔有五色瑞雲盤旋其上因名西湖游覽志五雲山高數百丈周回十五里五峯森列駕軼雲霞盤曲而上凡七十二彎俯視南北兩峯若

雙錐朋立長江帶繞西湖鑑湖棧帆往來若鷗鳧出沒宋時每歲臘前得雪寺僧必捧雪表進城中霰猶未集蓋其地特高寒云湖山便覽五雲山天門山之支也五峯森列林壑蔚起陟江干盤紆而上凡六里七十二彎石磴千有餘級頂有平岡長江三折正當其面相傳舊有五色喬雲旋繞山頂故以為名宋故事每歲臘前城中霰猶未集山僧必奉表以早雪進蓋其地特高寒也山腰有二亭最上為真際院東北為白沙塢西北為雲棲塢西湖志纂五雲山在府治西二十里

定鄉小識卷二

二

五雲山在徐村以五峯矗立高逼雲霄故名五雲自蓮池創為五色瑞雲盤繞山頂之說後人從而和之其語荒渺出於附會且雲棲塢亦以塢在五雲西古有棲真院合呼雲棲耳乃云五色雲飛集山西塢中因號雲棲塢亦叵信也山高出羣峯俯視江上山如兒孫羅列山巔竹樹蒼鬱森秀雲表與阿育王山相類山麓直跨范村其經由徐村三夫人廟西入山進五雲石碑樓大路而上東達九溪西通雲棲宋薛梯廳元錢曲江皆結廬於此山產蘭蕙最香又聶氏錢

塘縣志於五雲山下云其東北有白沙塢五雲
去白沙塢三十餘里且在西北非東北也翟氏
襲其文而承其譌殊不可解豈山東北別有一

白沙塢耶

田藝衡

字子藝錢塘人副使汝成子教授應天博
學善屬文世比之成都楊慎

游五雲山記

乙卯秋八月二十四日余寓西井李鄴侯祠與徐
子導鄉約爲五雲山之游適余赴酌吳子宗河家
而徐子亦訪盛子汝誠遂寄宿法輪禪寺越日丁
亥將乘輿獨往未及登輿會黃子惟岳吳子子明

定鄉小識卷二

三

來訪聞之躍然遂聯輿而出出湧金門而南過靈
芝崇福律寺故址蓋近爲防盜所焚也折而西南
由長橋過淨慈禪寺道經大慈月輪秦望諸山直
登五雲山絕頂五雲山去城南二十里許高數百
丈五峯並峙迥出雲霞週迴可十五里逶迤而上
凡七十二彎其半分建二亭以接足力最上爲眞
際院梁普覺禪師道場俯盼長江曲折東下沙渚
迴伏間風帆煙艇若鷗泛鳧翔出没無際定山浮
山諸峯羣奔赴壑若渴蚪飲江而龕楮兩山對立
海濤中逆之東南奇覽轉睫可盡院之前有天井

二覆之以亭舊稱大旱不枯僧言甲寅秋亢旱泉
源亦竭取汲山下固甚艱也飯罷舉酒數酌其惜
徐子之不與佳會甫出院百步而徐子肩輿追至
相對撫掌興亦劇矣復入院投齋移時而返坐第
一亭北眺西湖如露半鏡雙峯髻聳足下江湖之
勝此其兼之復登月輪峯入開化寺振衣六和塔
之第七級塔燬已久中存宋理宗眞武像康伯可
等策寫佛說四十二章李伯時觀音像俱石刻無恙
又入大慈山游定慧禪寺漱於虎跑泉味殊甘冽
顧囊有佳茶惜日暮不暇煮嘗也少憩亭上誦蘇

定鄉小識卷二

四

子瞻詩及宋景濂銘未終篇爲僕夫催去過發祥
祠游淨慈禪寺閱五百阿羅漢像閱麗爲五山之
冠餘不及徧歷投宿於蔣公廟衆謂斯游也夜雨
新霽秋氣正清盍登賦之朋極江山之賞雖日出
而往日入而還所樂旣已多矣宜爲之記以續游
史余於是乎書之

林景初

宋人

同金日新會宿五雲山

山氣清如沐林扉夜不扃月明苔徑白松暗水瑩
青幽蕙臨風辨孤泉過石聽何當凌

康熙錢塘縣
志作臨非

絕頂萬里極滄溟

戴表元

字帥初奉化州人咸淳中官建康教授轉國子主簿德祐之變避兵走鄰郡明年兵定歸里寓居於鄞授徒賣文以活

題五雲山圖

林廬深插紫屏顏一點漁舟帶暝還但得身閒無

俯仰人間處處五雲山

方

回字萬里桐廬人宋隨州教授入元授建德路總管著讀易軒釋疑宋季稌傳諸書

題臧子雲五雲山圖

不濃不淡煙中樹如有如無雨外山尺素展看空

想像何由身着畫圖間

定鄉小識卷二

五

錢惟善

字思復號曲江老人錢塘人著有江月松風集

登五雲山

普覺遺衣久不傳五雲山

萬麻康熙兩縣志均作故

色尙蒼然

斷崖蘿薜三千丈喬木風霜四百年龍井雨深泉

獨厚

兩縣志厚均作響

漁村潮上月初圓寶坊金碧紅塵

聚何似茲山更絕緣

馬

字志道號虛中大德中嗣天師張與材至燕京行內醮虛中與焉著有霞外集

五雲山寫望

少乏超絕姿瘦鶴存野格乾坤心自放頗覺塵土

窄安得千金橐使得窮地脈征途多荆榛此志甯

復得今晨躋山巔納納瞰南陌正東臨大江彷彿

海外國孤帆揚長風靜入秋氣白層巒引列嶂下

有雲霧隔不知誰家樓突兀立遠色禹穴指顧中

歷歷禾黍黑簸揚千古愁人世一過客高歌據苔

石坐見日車仄目極窮冥搜一雁沒空碧

呂希周

江口入五雲山

江上秋濤滾滾來羣山東赴海門開松陰百轉紆

黃蓋石磴千盤擁碧臺細草披雲穿徑出淺莎排

浪觸山迴仙壇尺五瞻天漢萬里銀河映斗台

定鄉小識卷二

六

許穀

登五雲山

名山高擁五雲層危磴重重躡屐登西望諸天應

咫尺東來疊嶂總邱陵海門遙指三山樹梵殿常

懸七寶燈便掃蒼苔題短句乾坤高覽記吾曾

沈明臣

字嘉則鄞人在胡少保宗憲幕府受知遇獨深少保死請室明臣走哭墓下持所為誄徧為訟寃世高其義

五雲山

偶凌吳岫恍蓬壺直駕長風上帝都石割鴻濛秋

色重路盤霄漢鳥飛無白雲東盡天連海青嶂西

來日滿湖信有胡麻堪飯客荷鋤於此作潛夫
許承祖

五雲山

石磴千盤倚碧天五雲輝映五峯顛遙看下界寒
光遍白玉花開紀瑞年

天井 在五雲山頂咸淳臨安志五雲山嶺上有天
井大旱不竭萬麻杭州府志五雲山有天井二大
旱不竭萬麻錢塘縣志五雲山巔有天井

田子藝游五雲山記云真際院之前有天井二
覆之以亭舊稱大旱不枯僧言甲寅秋亢旱泉

定鄉小識卷二

七

源亦竭取汲山下固甚艱也據是文則井亦有
時而涸矣

長嶺 在五雲山東萬麻杭州府志在五雲山東北
三里通九溪十八澗康熙錢塘縣志五雲山有長
嶺長二百丈高十五丈通九溪十八澗湖山便覽
東有長嶺通九溪十八澗

龍井即當嶺下之關嶺西有山徑上五雲山疑
即長嶺也

五雲山嶺 夢梁錄五雲山嶺在徐村及雲棲山俱
可往來

姜釵嶺 在五雲山南萬麻杭州府志在縣西南二
十里路登五雲山康熙錢塘縣志五雲山有姜釵
嶺長一百二十丈高八丈登山者取徑焉

嶺即徐村入山處徑也姜釵之名不可解當爲
鋼父之譌又徐村嶺一名江擦子嶺江擦與姜
釵音亦相近豈即是嶺耶

清風嶺 在范村江口上有斥堠烽墩下距江塘古
嶺頭清芳亭故名今呼清風亭

雲棲塢 康熙錢塘縣志在五雲山西一里有雲棲
寺釋祿引雲棲寺記五雲山有五色瑞雲已而五

定鄉小識卷二

八

雲飛集山西塢中經久不散時人異之號爲雲棲
塢湖山便覽沿塢竹樹茂列幽蘭叢生如是者經
七八里游人品爲湖山第一奧區李流芳有雲棲
曉霧畫冊

李流芳 字長蘅嘉定人

無際游句餘將便道參雲棲走筆送之

六和塔前潮水渾西興渡頭山色昏歸來且莫翻
天竺一路沿江到梵村

聞啟祥 字子將錢塘人著自娛齋集

雲棲晚歸原擬取道十八澗以多虎有戒心

不果

禪林歸路晚逐伴且兼程殘雪消猶在寒潮落更生望煙知郭近畏虎避山行忽忽孤清景還家意未平

王

微

字修微廣陵女子七歲失父流落北里所與游悉名士已而忽悟道歸禪悅徧游江楚築生壙於武林自號草衣道人卒於華亭性好名山撰名山記數百卷自序行世

長至入雲棲

晴日寒江路松雲入望深身香燃五分行樹拔千尋忍土如家舍交光映夙心還疑晏坐處猶發妙巖音

定鄉小識卷二

九

雲棲六景

湖山便覽青龍泉聖義泉金液泉三

泉與壁觀峯迴耀峯寶刀隴皆僧祿弘所名謂之雲棲六景

壁觀峯

雲棲紀事在雲棲塢東董其昌雲棲寺記

由東岡而上有壁觀峯

釋祿弘

字蓮池

壁觀峯

九年少室坐岑崑此地何人更效顰拂袖便歸千嶂外不來從爾問安心
張元朴 字陽和

壁觀峯

觀心廿 康熙錢塘縣志廿作 載坐蓮臺不覺蒲團
繡戶 縣志作閉 緣苔獨有孤峯常對面卻疑少室又飛來

許承祖

壁觀峯

翠律孤峯翠作窩蓮臺縹緲俯雲蘿蒲團不覺苔花秀面壁何人似達摩

青龍泉

雲棲紀事壁觀峯下有青龍泉出焉

釋祿弘

定鄉小識卷二

十

青龍泉

百竿青筧出流泉飛舞東西起復眠過客 李氏西湖志作 不知來處遠祇疑香積有龍涎

迴耀峯

古名迴雁峯

康熙錢塘縣志在雲棲寺後高峻

插天

宋周博士詩云無端忽被閒雲引迴雁峯前掩竹扉迴耀乃迴雁之譌也是詩後人誤以為余知閣作然其名已古翟氏以六景皆云蓮池所名非

釋祿弘

迴耀峯

東方初出漸當陽使得人間萬事忙轉軸西來山
欲暮寶元依舊映窗紗

沈 澗 字瀛洲

迴耀峯

遲遲日影漸西流倒入空巖紫氣浮莫向桑榆愁
景暮輝光長映碧山頭

許承祖

迴耀峯

林巒回合五雲飛息影曾傳掩竹扉滿目靈光何

定鄉小識卷二

十二

處是西來山色映斜暉

寶刀隴 康熙錢塘縣志迴耀峯東岡為寶刀隴

隴形如刀故名蓮池禪師塔院在焉

張元抃

寶刀隴

大冶千年鑄寶刀江干突兀立青霄不須暫試屠

龍技怪鱷狂螭孽自消

黃泥隴 康熙錢塘縣志迴耀峯西南為黃泥隴

蕭家塢 康熙錢塘縣志迴耀峯西南為蕭家塢雲

山窈窕草樹蒙茸真勝地也

聖義泉 雲棲紀事中峯之旁有泉名聖義

沈 澗

聖義泉

金液青龍夾道中分明別有一泉通涓涓不管流
年渡花自芳菲草自叢

朱守一 字化卿

聖義泉

卓錫甘泉噴雪飛青山薜荔客來稀可憐瑞靄盤
空谷幾度逢師浣衲衣

金液泉 雲棲紀事西岡之麓復出一泉名曰金液

定鄉小識卷二

十三

董其昌雲棲寺記涓涓甘冽波灌不竭

陳光贊 字方石

金液泉

寶池池底布黃金靈液涓涓出梵林山靜雲開明
月下寒光浮動見天心

梅家塢 在雲棲塢西北上即當嶺達天竺越山而

東即老龍井東為羊棚塢踰塢可達大青嶺

關嶺 在梅家塢

雲棲塢溪 萬厓錢塘縣志溪水經朱橋入於江

雲棲溪水合梅家塢之水以洩於范村之感應

浦卽古范浦也聶氏以爲經朱橋非

范浦 在范村神州古史攷范村在府西南三十里

濱江唐時稱爲范浦崔國輔有宿范浦詩

范浦卽范村浦今呼感應浦者也又錢塘別有

一范浦咸淳志云錢鏐新築羅城自秦望山由

夾城東互江干泊錢塘湖霍山范浦周七十里

者也非此

崔國輔 字 吳郡人官集賢直學士

宿范浦

月暗潮又落西陵渡暫停村煙和海霧舟火亂江

定鄉小識卷二

三

星路轉定山遶塘連范浦橫鴟夷近何去空山臨

滄溟

范村浦 在范村西卽古范浦受雲棲塢梅家塢五

雲山西諸溪之水入浦從兩山間夾行而出以洩

於江上有橋曰感應故亦呼感應浦浦西岸爲牛

坊嶺

牛坊嶺 咸淳臨安志牛坊嶺在定山北鄉萬厓錢

塘縣志黃山之支東南行爲牛坊一作嶺上有天

池一作寺康熙錢塘縣志牛坊嶺亦在定山北鄉

近江湖山便覽徐村嶺與礪馬嶺牛坊嶺俱在定

山北鄉

牛坊嶺在范村浦西午山之東孤島危厓俯懸

江表狂濤寒浪衝拍腳底征篷如葉出沒波間

東瞰海門南對浮嶼高覽遠眺頗聚江山之勝

嶺上有神宇及亭西麓爲天池寺攷夢梁錄南

宋有滌宮在六和塔之南嶺正滌牛所觀北山

路羊坊橋爲滌羊所義可見皆所以備望祭也

今俗以名不雅更呼爲留芳嶺亦作流芳嶺非

定鄉小識卷二

定鄉小識卷二

四

定鄉小識卷三

山水記 三 橫山路

錢塘張 道少南

焦山西北為大青嶺嶺北為東墓嶺下為東
 穆塢中有蓮花山塢西為趙西塢為白栗山
 為望江尖鄭公尖近西溪又西南為橫山有
 箬帽峯有凌影潭東南為橫山大嶺東北為
 桐塢有青龍山又南出而東為馬鞍山為功
 山泉又南出而西為觀山山西為石蜂山北
 為石板山又北為龜山又東為青山又焦山
 南為大斗山有小斗塢又大斗南為鳳皇山
 又黃山南出朱橋為仙人山又東為青龍山
 又東為中和山又東為外高山飛鳳山南近
 朱橋港為百子山為午山西為百丈山下有
 斗門浦百丈東為張家山柴家山西為柏子
 尖又東南塢口為楊梅山覆船山下為孫家
 灘又橫山之支東南行為范嶺為石馬山為
 烏雉嶺又西古有黃山浦上接橫山溪南出
 朱橋浦江口有朱橋渡又西至轉塘有廟山
 為轉塘浦有轉塘渡又橫山古為南蕩山

定鄉小識卷三

一

焦山 萬厯杭州府志境中諸山惟茲最高萬厯錢

塘縣志栗山西其最高者曰焦山周二十里境中

諸山無出其上者巔舊建貞武廟康熙錢塘縣志

郡志在縣治西南四十里高一千二百丈周二十

里境中之山無出其上者西北度大青嶺

焦山俗呼老焦山高插天漢猿鳥莫攀多虎人

跡罕上

大青嶺 咸淳臨安志大青嶺在東墓嶺之南夢梁

錄大青嶺在東墓嶺南萬厯錢塘縣志焦山之支

西北行為大青嶺有妙靜寺康熙錢塘縣志焦山

定山小識卷三

二

西北度大青嶺西溪志又二里曰大青嶺有千畝

廬太尉墳大青嶺切逼大嶺此會城與溪鎮之總

脈西溪百咏序大青嶺在西溪之南山田石澗徑

竹巖松窈然森秀

釋大善 號虛閒道人明末僧著有西溪百詠

大青嶺

大青嶺上白雲屯嶺下煙霞接范村草舍哺雞留

笋母竹林思鳳養桐孫坐聽水碓餘千響遠望江

潮露一痕幾片征帆隨月動遙遙天際出龍門

許承祖

大青嶺

彷彿桃源度大青巖松徑竹間畦叮四時畫本誰
描得第二橋邊估船停

進浦雲生第二橋
釋大善咏朱橋句

東墓嶺 咸淳臨安志在靈隱寺之西近東穆塢墓
者穆之轉音也

東穆塢 成化杭州府志東穆塢在靈隱寺西西溪

梵隱志在白栗山之東三里許西溪志東三里為

東穆塢有太保洪襄惠公神道踰穆塢即三天竺
矣其山自龍門黃梅來而為穆塢盡於秦亭

蓮花山 在東穆塢中有明洪襄惠公墓

定鄉小識卷三

三

趙西塢 西溪梵隱志在白栗山之西三里許西溪

志西三里為趙西塢有趙太師墳本縣龍門生出

焦山而盡於趙太師西塢

白栗山 錢塘縣志在留下西南三里其前為百丈

里宋開慶間董氏築以通江道

望江尖 錢塘縣志高可眺江旁有大嶺接大青嶺

即三天竺

鄭公尖山 錢塘縣志高四百丈周五里其山多產

新篠

橫山 古名
黃山 萬厓錢塘縣志栗山西為黃山江元祚

黃山草堂記黃山舊名橫山土人呼橫為黃遂謬

為黃山康熙錢塘縣志橫山舊邑志作黃山在粟

山西案郡志無黃山詢之士人云稱橫山蓋羣峯

綿接總諸山而名也一沿江自徐村經茱萸柏子

而入一由西溪留下經百丈桐塢而入大嶺中分

橫山古原名黃山胡氏崇雅堂詩集注云府志

按錢塘舊有黃山浦宋書孔顛傳顛據郡反強

弩將軍任農夫向黃山浦東軍據岸結若農夫

等攻破之所謂黃山浦者即此山南麓通江處

如謂謫橫為黃非矣橫山為境甚大一自上陳

定鄉小識卷三

四

埭六泉院許家埭以抵光明寺一自黃衙莊葛

衙莊橫山廟慈母橋以抵龍門阮均名橫山沿

江入山徑自轉塘經崇明橋而進魏氏以為自

徐村經茱萸不知徐村僅有二路一通理安寺

及十八澗一上五雲山與轉塘尚遠十里且茱

萸尖在白沙塢皆非

吳太沖 字默寅錢塘人崇禎辛未進士官至中允

橫山

皆是宋時留下路野翁描出路邊亭黃鸝坐語無

人聽山送溪流醉未醒

厲 鵠字太鴻號樊榭錢塘人康熙庚子舉於鄉乾隆丙辰薦舉博學鴻詞著樊榭山房集

擬游橫山不果回舟有作

市盡松聲孤野曠山勢遠橫山不可到深秀紛挂

眼永懷江居士高眠絕異患靜笑泉出溪冷愛雲

在巘穿翠若飛梭嘉名錫策蹇伊予有同心未愜

結廬願誰云惜早芳惆悵回橈晚明江元祚邦玉築橫山草堂攜

家隱焉有驥名曰梭翠除夕山居詩云靜隱

空山無箇事祇憐溪水一年忙高致可想也

張 葵字丹厓錢塘人隱居定鄉以著述自娛著有丹厓詩鈔

游橫山 曉起山窗薄薄寒山林隨處可盤桓美人作伴梅

定鄉小識卷三

五

千樹君子同盟竹萬竿花鳥有情歸綠酒煙霞無

礙寄層巒相逢盡是樵雲客便欲移家卧澗槃

箬帽峯 康熙杭州府志橫山箬帽峯以形如笠故

名林泉幽邃頗得山村雅趣 國朝處士沈學曾

葬於山麓墓尚存

凌影潭 在橫山江元祚游記抵驕龍廟再折而進

可里許渟泓淵深鮮翠可掬上覆危石坐鑑鬚眉

余因名曰凌影潭

橫山大嶺 杭州府志在黃山左平坦如掌北達西

溪南通長江萬厓錢塘縣志黃山有大嶺范村通

西溪道也康熙錢塘縣志黃山左有黃山大嶺平

如掌長二十里北達西溪東通長江

黃山大嶺近大青嶺其通江處為朱橋洪氏西

溪志云黃山路口南出十里即朱橋江是也聶

氏以為范村通西溪道正與釋大善大青嶺詩

所云嶺下煙霞接范村均為闡於地理也蓋范

村在牛坊嶺東入山為雲棲塢及梅家塢

桐塢 萬厓錢塘縣志焦山之支西北行有塢曰桐

塢康熙錢塘縣志桐塢在百丈里前即橫山界

桐塢在橫山有裏外二塢裏桐塢最深邃幽絕

定鄉小識卷三

六

外桐塢達橫山大嶺北至西溪明季陸忠節公

殉節於桐塢即此

厲 鵠

桐塢

桐塢我舊過陰森翳叢篠隔林見梅花謂是山月

曉花深不辨徑地寂惟聞鳥但看香雪繁似覺青

翠少此中饒僧廬粥魚出煙杪後游鬢絲增初春

澗聲杳無事為佛事益以詩自擾

吳錫麟 字洛書號箬村錢塘人

桐塢

長松入雲裏見雲不見松直出松上雲雲又迷數
峯逆鼻旃檀香過耳聞黎鐘禪棲據沃衍花氣諸
天濃爾故樂爾居我行舍我筇鱗鱗晚風起身其
驂玉龍

青龍山 在裏桐塢

馬鞍山 萬麻錢塘縣志焦山之支東南行為馬鞍

山黃山阪

山與五雲山東之馬鞍同名魏氏志誤援是文
於彼山下遂云近黃山阪辨詳五雲山卷中

功山泉 在定北鄉洋井阪見名山勝概記

定鄉小識卷三 七

黃嘉惠 字海陽人

功山泉銘 并序

功山在錢塘之定北鄉古名洋井阪阪有泉一穴
冬夏湛碧一日培土三尺泉亦隨升如古之趵突
有友人攜芥茗與虎跑泉並煮啜之較香味尤勝
予性嗜水弱冠夢舍旁井泉湧溢屢屢豈意驗於
茲乎乃占得井之上爻其詞曰井以陽剛為泉上
出為功今泉在山中乃命其地曰功山

觀山 萬麻杭州府志高七十丈周回六里萬麻錢
塘縣志栗山西為觀山康熙錢塘縣志郡志在縣

治西南四十五里高十六丈周回六里

石蜂山 康熙錢塘縣志郡志在觀山西一里山多

石形如蜂故名

石板山 康熙錢塘縣志郡志在觀山北五里

龜山 康熙錢塘縣志郡志在石板山北一里

青山 萬麻錢塘縣志白巖之支東南行為青山俗

名密家灣有光明寺康熙錢塘縣志郡志在觀山

東二里高十丈周一里

大斗山 一名岱 康熙錢塘縣志郡志在焦山南

咸淳志疆域門長壽鄉有大斗里

定鄉小識卷三 八

小斗塢 一作小 在大斗山下

鳳皇山 一名了 江月松風集鳳皇山在定山西其

頂有雙峯儼如髻然萬麻杭州府志龍門山南為

了頭山巔起雙峯如髻故名康熙錢塘縣志了頭

山郡志在大斗山南一里雙峯如髻故名胡敬崇

雅堂詩集注了頭山即鳳山

元錢思復有鳳皇雙髻詩 詳名 又思復游光明

寺詩云上脫冠巾鳳髻雙亦指此也李氏西湖

志不知定鄉有鳳皇山遂於萬松嶺側宋大內

之鳳皇山下別標曰雙髻峯而引思復詩以實

之譌矣元時山下有雙鳳山居思復又有題雙鳳山居圖詩翟氏湖山便覽亦誤列於宋大內之鳳皇山辨詳古蹟山去定山龍門甚遠舊志標名例取境內名山耳

許承祖

雙髻峯

鳳飛天目愁東南雙髻玲瓏擁翠嵐銀漢橫秋回織女阿誰分得玉爲簪

許氏題注云江月松風集鳳皇山頂兩峯儼如髻形宋錢惟善有鳳皇雙髻詩是直不知集爲

定鄉小識卷三

九

錢著錢爲元人也其誤爲宋大內山更無論矣

以是山題詠絕少姑錄之

仙人山 在朱橋港北形如仙人仗劍

青龍山 在中和山西

中和山 在朱橋嶺有真武廟此與雲泉山北之大

和山龍門山東之小和山同以和名背爲雲棲塢

外高山 飛鳳山 並在中和山東

百子山 在朱橋港口

午山 在牛坊嶺西近朱橋山平衍橫漫互於江濱

泥赤色如丹其麓爲明葛湖南故里

百丈山 萬厓錢塘縣志黃山之支折而西爲百丈

山百丈山在轉塘午山之北山下有斗門埭西爲

孫家灘東有百丈庵明葛湖南之曾祖朴菴寔

於此山平坦至巔凡百丈故名

斗門浦 在百丈山下

張家山 在百丈山東

柴家山 在百丈山東

柏子尖 萬厓錢塘縣志黃山之支東南行爲柏子

尖山錢塘縣志迴耀峯西南爲柏子尖李氏西康

熙錢塘縣志柏子尖舊邑志在黃山東南黃山溪

定鄉小識卷三

十

經此出江

柏子尖山高峻秀傑四圍互翠饒幽蒨之致山

半有小菴危峭入雲望如畫圖山口松澗夾道

數里游人嗟勝背爲雲棲塢魏氏以爲黃山溪

經此出江非是

鄭永祺

偕友游柏子尖山

衮風蠟屐兩安排對面青山好放懷歌倚長松孤

鶴起醉眠芳磴落花埋雲開峯出如圖展萍散池

明似鏡指何處游筇知到此風光今日屬吾儕

楊梅山 覆船山 並在柏子尖東南塢口皆平岡

孫家灘 在百丈山西

范嶺 在朱橋港北

石馬山 在朱橋港北高偉尊嚴

烏雅嶺 在石馬山南嶺下古有寶相寺東為葉婆橋

黃山浦 康熙杭州府志按錢塘舊有黃山浦宋書

孔顛傳顛據郡反彊弩將軍任農夫向黃山浦所

謂黃山浦者即此山南麓通江處

黃山浦即今黃山溪入江處蓋近山則名溪近

江則號浦也

定鄉小識卷三

十一

黃山溪 萬厯錢塘縣志黃山溪從陡門開大朱橋

入於江

朱橋浦 在午山西受橫山諸溪之水東自大青嶺

橫山大嶺東北自桐塢北自小和山西北自龍門

山白龍山午潮山西自大斗山鳳皇山胥合注於

此傍江之浦以是為大每秋時江潮怒漲舟艦避

潮者多泊浦中元錢思復有朱梁夜泊詩春渚紀

聞循江過六和寺由南蕩朱橋港西溪梵隱志黃

山渡口出十里為朱橋江

朱橋渡 在朱橋其船皆烏篷網釣橫山一路入縣

者由此宋時有魚山渡

廟山 在轉塘康熙錢塘縣志郡志在縣西南三十

里高十五丈周六里山多石萬厯志云舊志謂去

縣五十里者在富陽非此

廟山孤峙出坂間甚低小以山南麓有梵宇故

名與在富陽之廟山異咸淳志所云突出江心

者高卑絕異

轉塘浦 在轉塘

轉塘渡 在轉塘與朱橋渡同入縣渡雖析為二其

船戶仍合一步也

定鄉小識卷三

十二

南蕩山 杭州府志攷錢塘定山北鄉管里四曰排

山徐村牛坊南蕩則南蕩自與排山牛坊嶺同在

定山北鄉東坡文集乞開石門河狀云前知信州

侯臨因葬生母於杭南蕩往來江濱相視地形建

議自石門鑿為運河今山名雖改而里名如舊據

里斷之凡山之在其里者皆南蕩山也

南蕩山在未時甚著名攷咸淳志及夢梁錄如

都尉周邠待制周邦彥少師元絳三墓並在南

蕩山而侯敦夫亦葬母於此南宋時且設南蕩

山巡檢司寨額管土軍九十六人程秘城南廂

廉壁記云往昔南北二廂設於關外而分任之地皆六七十里顧南廂所統尤爲延袤北至良山南抵南蕩五方雜居水陸互市然則南蕩亦一市鎮矣據咸淳志疆域門次南蕩於徐村牛坊下春渚紀聞述東坡開石門河道里云由南蕩朱橋港其地當在朱橋轉塘之間山亦疑近橫山一路乃李氏西湖志以諸山無南蕩之名移元少師與二周墓於駝巘嶺下不知山川里陌古今異名顯晦緣候詎庸概削之也

定鄉小識卷三

定鄉小識卷三

三

定鄉小識卷四

錢塘張道少南

山水記四龍門山路

龍門山有石關有魚石有四顧坪有鸚鵡石有盤谷旁有九曲嶺有堰埭兜有冷水孔山北近西溪有瑪瑙池山南近橫山有倒吊嶺又南為千丈巖下有千丈洞山東為小和山下為龍門阮有牛滑嶺山西為龍門嶺有獅子巖又西為白龍山有白龍潭又西為午潮山

定鄉小識卷四

一

龍門山 咸淳臨安志在西溪之欽賢鄉地高峻上有龍池寺江月松風集龍門在定山西兩壁立如門萬厯杭州府志焦山南為龍門山萬厯錢塘縣志焦山之支西北行為龍門山錢塘縣志龍門山在粟山西北地高峻上有龍門李氏西湖志所引康熙錢塘縣志定山西有兩峯壁立名曰龍門許氏西湖漁唱題注龍門山俗稱小和山杭州府志在縣西南四十里高百丈長五里西達餘杭界錢塘縣志作龍門嶺云在粟山西北靈隱寺志作龍門峯云在烏石峯西西湖志從靈隱志誤入北山按粟

山與西溪接靈隱西去數里龍門在西溪西又去粟山數里故府志以為去縣四十里也且聶心湯縣志亦載入西溪曰焦山之支西北行為龍門山審地勢已非北山明甚富改從西溪路為是

龍門山在小和山側乃定北鄉所轄咸淳志屬欽賢鄉者山北鄰西溪處也龍池寺宜作龍門寺錢思復江上山十咏皆以定山為主其龍門曉雨詩注故云龍門在定山西魏氏志誤據是文於山川門失列龍門竟附於定山下胡氏駁其合龍門定山為一誠是辨詳白龍潭條下又

定鄉小識卷四

二

胡氏定鄉雜咏注引夢梁錄云龍門山在長壽鄉大悲山塢與諸書異今攷吳氏原本云西溪龍門山長壽鄉大悲山塢乃類敘之文胡氏於龍門山下增一在字遂使龍門改隸長壽譌甚

徐翹

龍門行

龍門之山飛從天日來丹崖翠壑迴霞奔霧突不知數混元蟠結長崔巍神工不能劈鬼斧不能推誰知山下怪有飛騰物精光透出千年胎鱗角屈伸動天昏白日頽忽然地底走風雷劈崖推

壑雙門洞開上有千仞摩天之絕壁下有一尺沒
履之荒苔不識神龍在何許但見飛泉挂壁零秋
雨寒裳濡足窮冥搜巖傾澗仄路修阻何如躡峯
頂探龍湫洗滌肺腑明雙眸跳珠濺玉空中起翠
黛濃疊羣峯稠捫崖倒瞰不見底心魂搖墮龍湫
水能令見者忽驚驚不止寒鳥哀啼古道旁玄猿
嘯匿深叢裏日落慘澹激陰風恍若棲我蛟龍宮
乾坤既兩闢萬古無鴻濛塵世難久處搔首問蒼
穹吾將喚起老龍騎向天目去坐看東海日月摩
盪無終窮

定鄉小識卷四

三

許承祖

龍門山

夾路松含鱗甲奇小和山下屈蟠宜便思獨向龍
門宿坐看噓雲掛雨時

龍門八景 西溪梵隱志龍門寺前佳勝曰石關

曰魚石曰千丈巖曰四顧坪曰老龍潭曰龜王

殿曰鸚鵡石曰盤谷

石關諸勝康熙錢塘縣志列入古蹟然天生

名勝宜歸山川又縣志無四顧坪今補龜王

殿仍詳古蹟

石關 康熙錢塘縣志在龍門山江元祚游記越
是為龍門山悟空寺存焉北則相傳蠻酋所據石關也
魚石 康熙錢塘縣志在龍門山

四顧坪 在龍門山

鸚鵡石 一名鸚鵡峯

康熙錢塘縣志在龍門山

卽江邦玉游記所云南有鸚鵡石亭立崇岡宛

如琢就者也

釋明方

字石雨住仁和報國院

鸚鵡峯

問君獨立何所以松聲溪聲解我語常憶麓西長

定鄉小識卷四

四

不歸朝朝暮暮悲風雨有情端的到無情欲飛不
飛思伴侶伴侶因人棲華梁那知人競憐毛羽

龍門諸景 三首之一

鸚鵡峯

名自何年命凌風勢欲飛無情能克肖有恨復誰

歸立雪懷西隴披雲學舞衣老僧禪定久爾亦竟

忘機

盤谷 康熙錢塘縣志在龍門山

九曲嶺 在龍門山

釋明方

九曲嶺

一歌登一曲汗漫不為遙逼面雲連石過頭杖沒腰竹疎生就癩松老養成驕鎖得溪聲住流泉不可招

坂埭兜 康熙錢塘縣志在龍門山

冷水孔 康熙錢塘縣志在龍門山西溪百咏序在

西溪之南大嶺坡下泉水清瑩逼人客至臨流無不涼生肺腑

許承祖

冷水孔

定鄉小識卷四

五

清泉出穴冷侵膚一色精瑩似有無引脈試教歸

瑪瑙笑看寒月浸冰壺

瑪瑙池 康熙錢塘縣志在龍門山西溪百咏序瑪

瑙池在西溪南出百丈源清如碧澁池底皆細石

圓秀如瑪瑙狀

倒弔嶺 江元祚游記出千丈巖百數武上倒弔嶺

俱屬鳥道盤曲身在空行

千丈巖 一名千仞巖 近龍門山江元祚橫山草堂

記山後又有白龍潭千丈巖可暢游覽

釋明方

千丈崖

孤危成人立一嘯振崔巍鳥已銜花去猴難縣志作猶摘果來風雲磨歲月草木避塵埃小劫論初關龍門自此開

千丈巖洞 江元祚游記千丈巖下有巖洞洞有清

泉游覽者至此輒止

小和山 康熙錢塘縣志郡志在焦山南二里

小和山在龍門山東多竹樹游人登山行翠霧

中山徑盤曲十步一折南出龍門阮抵轉塘以

達於江北下西溪絕頂有金蓮寺定鄉之山以

定鄉小識卷四

六

和名者三大和山在湖步中和山在朱橋其次

為小和山也雁行伯仲序若弟冑究厥命名未

明何義惟大和聶氏志作大湖似以近石湖而

名仲叔二和羌無別論然三山鼎峙而小和特

以神字著名

厲 鵝

宿龍門山巢雲上人房山在錢塘之西俗名小和山

山樓出樹杪夜宿萬山中虎嘯不驚定鐘聲疑在

空背窗棲鳥影滅燭聽松風明日尋階水應添十

二筒按樊榭以小和山為龍門山語

張葵

小和山

遙探絕境入深山指顧雲煙縹緲間西抱春江東
越水上連天府下塵寰風迴空谷幽蘭馥日落疎
林倦鳥還多少游人曾到此可能比卻老僧閒

夏日游小和山

雲橫山色半陰晴夾道叢篁漏日明溪鳥齊聲如
喚我野花雖豔不知名咒蓮座上同留飲題鳳門
中獨背盟正是肩與人苦熱一天涼雨送歸程

龍門阮 在龍門山下

定鄉小識卷四

七

厲鶚

由牛滑嶺至龍阮

山腰多農家茅茨映山色暝煙歸樵人溪光帶禪
客樹遺鶴毳鮮泉瀉龍髯白愛此欲移居惆悵振
輕策

牛滑嶺 康熙錢塘縣志在龍門山西溪百咏序望

若濃黛松竹陰森不能通步

龍門嶺 萬厯杭州府志在縣治西南四十里西達

餘杭縣界康熙錢塘縣志焦山西北度大青嶺有

龍門嶺高百丈長五里達餘杭路

嶺北接上埠嶺

獅子巖 江元祚游記越龍門山進有獅子巖

白龍山 卽白龍潭山也

鄭永祺

楊大友仁卜居白龍山巖林

卜居遙向翠微岑路入江村徑轉深清磬悠悠聞
古寺澹煙遠遠出疎林雲迷山色半窗畫風遞泉
聲一路琴君去嗒然遺世累笑子猶戀濟時心
高人結習戀林泉俗物無緣到眼前興至竹間聽
鳥坐倦來松下抱雲眠塵心淨盡何非道身世清

定鄉小識卷四

八

間卽是仙此去莫嫌溪水小好騎龍背舞青天

白龍山訪楊大友仁

穿松過竹短筇支遠上青巒訪舊知山路凸凹行
處險芒屨不于步來遲孤村列翠峯如畫斜日明
溪客欲詩好景相迎誰敢戀入雲先快話離思

由白龍山過龍門嶺

水村行盡又山村樹遶峯圍嶺色昏此後不須愁

點額躡雲幸已過龍門

老龍潭 一名白龍潭

在白龍山與龍門近江月松風集

龍門在定山西兩峯壁立上有龍潭能興雲雨歲

旱禱之輒應康熙錢塘縣志定山西有兩峯壁立名曰龍門上有龍潭下爲定山浦通長壽溪

胡敬崇雅堂詩集注云按龍門山在焦山南其潭卽江邦玉橫山草堂記所稱白龍潭是也至今歲旱鄉人每於此禱雨與定山相距甚遠魏氏沿游覽志之誤遂實之曰下爲定山浦於是龍門山乃合定山爲一矣諸山之譌莫此爲甚攷思復江上山十咏皆以定山爲主故云龍門在定山西縣志於定山下引此數語殊可不必蓋思復詩序意指龍門不指定山也顧其下云

定鄉小識卷四

九

下爲定山浦則仍屬定山言魏氏體例每於一山下襍載數山水無論遠近信筆書之是其謬也胡氏摘譌尙未抉剔盡致耳

江元祚字邦玉錢塘人築橫山草堂明馬元調有橫山游記紀其勝

游記

山水貴幽奇余結茅橫山陽境深奧矣求其奇峭士人以千丈巖白龍潭對余試往游徑由草堂折而北行萬竹間小橋流水縈迴三里抵嬌龍廟廟有古松夏雲摩日陰蔽重宇再折而進仍行竹樹間溪聲潺潺韻人齒屐如是可里許溇淵深鮮

翠可掬上覆危石坐鑑鬚眉余因名曰凌影潭潭之西崇岡相續如紫霞萬片層疊而成蒙絡翠蔓隱映修竹從是數武一折若斷復連皆就溪石蒲草間置戶戶奔流沸白如沱練如濺珠如疊雪如奔馬而危嵐夾翠如劔鏑如蓮花如奇獸如落星種種莫可枚舉如是者又二里途徑轉仄或墮下或援上至最深處巍巖矗立氣凌蒼漢勢欲壓人爲色也類紫玉爲狀也儼瓊臺翠篠碧蘚可望不可卽是名千丈巖下有巖洞洞有清泉游覽者至此輒止再進飛瀑怪石爲荆茅豺虎所梗塞非

定鄉小識卷四

十

甚好奇者不能一縱屐齒出巖百數武上倒弔嶺俱屬鳥道盤曲身在空行余嘗謂不奇不快不險不奇正此謂也越是爲龍門山悟空寺存焉峯岫屏擁結址蕭遠南有鸚哥石亭立崇岡宛如琢就北則相傳蠻酋所據石關也進此有獅子巖逶迤起伏下嶺復上可四五里達聽法庵庵寄萬峯頂景色幽迥非復人世下二百武爲白龍潭險澁異常僅可側足不容正步兩巖中劈崢嶸如牛角虎牙齒齒相峙斧鑿劊削層磊成巖且苔蘚陰鬱寒飈襲人毛骨俱悚大類天台雙闕及閻龍潭伏地

猶懼倩人拽足乃得縱觀潭深千尺奔流下注如
潑萬斛珠於碧玉峽其瀉響作聲轟雷疾霆哀絲
急筑莫喻其變山水奇邃至此極矣

徐如翰

老龍潭

昔我游天台最奇歎雙闕今來探幽勝雙闕儼在
睫茲山關雄傑云是白龍穴我思神龍德天高并
海闊卷之藏一掬乃在危崖窟想其初闢時萬靈
供劈裂割露切雲霞紫碧競紛撝矯立復徐行折
旋而勁決層疊豈砌壘凹凸似嗽齧迴復疑揖讓

定鄉小識卷四

十一

昂俯互矜軋磴仄杖履愁莽深衣袖滑導迷藉老
僧十步九顛蹶入險援而垂履巉躍且躓以譬代
足行磨襯及胸頰覓徑地已盡窮險天轉豁微風
拂羣木忽作雷霆發瑟瑟細泉鳴逗澗倏飛雪側
臥欲俯窺曳足懼隕越遙見石脈縱隨風噴珠沫
倚巖仰面看萬峯翠攢匝流雲墜鼻端卻與噓氣
接詭幻鬼所驚靜奧神所說恍恍鍊魂形森森豎
毛髮願蓄霖雨資乘時消赤魃勿佐海若狂嘯波
恣溘沒當令雙闕名從茲遜靈絕

田藝衡

白龍潭

薄暮登山興若何又從楓樹嶺頭過斜攀鳥道凌
虛人俯探龍湫歷險多瀑布白天飛怪雨石門如
峽鎖驚波好奇翻抱臨深悔魂夢搖搖挂薜蘿

釋明方

同公履次倫游龍潭次韻

蛟戶風迴度石關此番卻值遠游還搏珠返擲當
兒戲屑玉飛空似等閒不爲詩人消渴想亦應於
我破顏顏情知世界紛無緒何事歸山又出山
午潮山 在白龍山西上有道院山西南即白沙塢

定鄉小識卷四

十二

東塢山

定鄉小識卷四

定鄉小識卷五

山水記 五 白巖山路

錢塘張 道少南

白巖山上有天池下為水塢有炊香泉山東為蜂房巖西有又來泉塢前為寶鑑池西南塢口為珠峯為石蓮花峯出塢西北為胡家嶺為黃梅山山下為戴家塢塢南為金家嶺為陸太師嶺嶺東為飛鳳形山為旋網山白巖東南為轉手塢塢南為牛卵山東為龍尾塢又東為范家嶺又南為白沙山山南為紅

定鄉小識卷五

泥嶺又白巖東北為鷺鷥嶺下為犁頭塢南出為楊家門山至桑柳畝為眠牛山為定南山有人大嶺為水牛山又南為象山山下為馬浦又東近江為杜家浦為王安步又東為曹家步又白巖西南為白巖嶺南出為滕村嶺為張家山為仙家隴至村口為九泡山為鳳凰山田中為龜山又南為飯包山沿江而南為長壽溪合於凌溪

白巖山 咸清臨安志城東北諸山有白巖山夢梁錄城東北有白巖山萬厓杭州府志在縣治西南

五十里高九百二十丈周回十五里萬厓錢塘縣志粟山西為白巖山康熙錢塘縣志郡志在縣西南五十里高九百二十丈周十五里山形峯粵多石極為險阻舊邑志有尊勝寺自滕村至歸龍橋數里夾道皆修竹縣西南山此為最勝案馬郡志白巖有二一在城西南將二十里或山有二亦未可知第云有尊勝寺則誤矣

白巖山高摩青漢氣象尊嚴定鄉諸山自焦山而外無與弟第雖岷岷天宮茱萸譚經諸峯尙作兒孫環列矣山勢危厓壁立峻絕莫攀樵父

定鄉小識卷五

莛童罕抄其徑脫巾仰睇欲墮瑤簪但見蒼嵐白雲冠覆峯頂乃眾山之鼻祖一鄉之雄鎮也山自餘杭徑山分支西南數十里山胥屬雲初其大幹直趨富春

白巖十景 康熙錢塘縣志案白巖有十景白巖山蜂房巖天池寶鑑池又來泉炊香泉珠峯石蓮花峯歸龍橋思君子徑

十景皆釋淨符所名歸龍橋列隄約思君子徑列古蹟略

釋淨符 字位中 廬陵人

白巖

雖是峻嶒絕所依千峯仍不礙來歸風光直與日
爭耀劈面還多險峻機

釋佛臣 汀州人

白巖

萬斛晴光照翠微岱嵩隱隱望中低煙飛雲卷仍
多致異翮靈蹄日是依

天池 在白巖山絕頂大旱不涸池中時有雲氣猴

鳥飲浴樵蹤罕至

釋淨符

定鄉小識卷五

三

天池

溶溶絕頂玉光浮水性因微偏且周來歷此中君
欲究霞蒸霧捲是源頭

釋佛臣

天池

湖海無心作巨流一泓清澈貯峯頭浴殘夜夜星
和斗變化偏多鱗甲儔

水塢 卽白巖山塢尊勝寺正居塢中

釋淨符

山居詩

結茅鄰水石不爲學寒灰閒掘松根芷和雲種綠

苔

幽花無姓氏古木不知年終日茅檐底相看靜若

淵

花木遠籬種無如多種竹來春雨水調便可齊茅

屋

撥火尋煨芋開軒望遠峯溪風情更好送到隔林

鐘

茅屋兩三間閒僧四五個飢尋烟樹村倦便巖臺

臥

定鄉小識卷五

四

秋氣入林泉別開詩眼目閒攜七尺藤月下尋新

菊

炊煙寒石竈樵語冷山亭欲有新成句牀前蘚陣

青

峯潑滿空翠桐鋪匝地陰小亭二三子六月話冰

心

峯影侵簾幙松聲冷夢魂爐煙寒不耐飛出到柴

門

十年炙手地一旦參天早誰信我林泉虛空堪竝

老

松枝掩洞門花瓣亂樵路竟日杳無人泉聲聞隔樹

疎雨斂秋霄乃生遲月想山邊與澗邊獨自成來

句 一雁入雲中銜書竟何去累我半年思不得詩成

無聲乃天籟有言非至音蒼厓摩 碧萬古道入

心 山窗開萬竹相對殊無俗路險不聞樵棋聲有茅屋

定鄉小識卷五

五

除去雲來往誰爲曲磴行歸禽臨薄暮卻慣認溪聲

自攜影子息巖陰霜雪忘來兩鬢侵無法可煩僧史筆祗餘一片寂寥心

喜開窗着樹梢房臥看山光又水光舒卷快人心眼處匡廬好可不思量

榮辱無從入夢侵石牀饒臥萬松陰自無鹽醬勞人吻贏得清苔一徑深

黃葉慵拈註小兒甘同蛇虎歲忘機白雲也懶爛斑去溪口鋪橋自把持

指斷前溪石作關此生深許一身間日長自覺無餘事斜倚孤松數亂山

遲遲寒日挂煙蘿冷澹門牆客罕過卻笑歌聲烘手地於今空有綠陰多

肚皮紫束三條篋門徑饒堆十丈苔未許春風來報道山南海又換柔栽

日煖風輕草色妍空山無事晝堪眠竹牀不作人間夢多在古松流水邊

老屋年年補綠蘿自憐嬾散笑還歌石苔路滑風難立除卻白雲誰更過

定鄉小識卷五

六

衲衣染就烟霞色瓦竈煨殘草木年卻笑近來生計拙春風只在饗頭邊

蕭疎山徑盡莓苔繞屋梅花冷淡開最是牽人情思處三更月下鶴飛來

疎散慵將禮數存客辭猶嬾送籬門年來卻有閒情緒踏雪尋梅過遠村

曉起披衣寐不成難禁山鳥更多情翻思昨夜松棚月有語從人說未明

濃塗淡抹曉山煙似有還無斷復連仙彩筆頭收不得祇應天遣贈枯禪

鑿得池方一丈慳堆堆寒影只秋山要添亭子淵
來坐指點松杉去取間

嫩涼爽氣賸南軒清政何妨理硯田天亦愛人幽
致好盡扶花影壓低煙

春晴楊柳鳥關關洞口人來只問山笑指那邊青
靄裏茅庵一個老僧閒

衲解襪移洗怒濤輕寒猶挂綠楊梢山頭春事成
狼藉十里溪流總碧桃

插槿編籬關月色披沙洗篔簹活泉聲就中一段居
山事幾度分題咏不成

定鄉小識卷五

七

瘦影擎秋竹數竿小窗長日見高寒未須灑入幽
人墨戀戀枝頭只素鸞

一徑苔深古磴幽陰陰老木夏生秋過橋層疊雲
如鑊不放鐘聲下翠樓

破窗不拒零星月老屋愁支偏彊風寒到嬾裁荷
葉禦地爐有火賸通紅

雲蒼蒼處水泠泠贏得清閒一白丁隱几無聊堪
對語好山插漢向人青

溪窗雨醒瀑聲麤絕壁雲看畫裏無別出一枝干
丈石撩天柳栗倩誰扶

老樹扶疎夏亦涼小窗橫敞看雲忙卻嫌日子閒
難過細數鷺鷥泛野塘

剛詩几上初憑月移菊籬邊每趁秋生計近來尤
喜別墨花灑處翠巒幽

萬斛松陰覆薜墀日供清賞亦何私雀雛似爲憐
春去對對銜花上故枝

山鳥啼煩爭出谷梅花開老半侵苔更憐野寺鐘
聲好時嫁東風送嶺來

繞徑苔花帶雨肥祇緣山外客來稀軒窗竟日間
無事聽嬾春禽啼落暉

定鄉小識卷五

八

曉嶂雲開翠堪掬風打瀑花濺寒木樵歌牧唱聽
未闌詩聲又在尖頭屋

半山水處竹籬邊細雨斜風屋數椽好殺畫圖收
不得祇堪分付與詩禪

漠漠煙凝洞口津碧桃花放阮郎春叮嚀莫遣靈
雲見賺殺謝家船上人

翠岫新抽雨後煙泉聲重理伯牙絃前溪古寺春
仍在繡壁苔花大過錢

萬斛炎雲一雨清竹軒高敞快人情黃鸝話我青
山句隔木雙雙有底聲

天生骨氣薄封侯坐石聽泉足自由十里梅花殘
雪徑無人一日幾回游
茅堂除卻往來雲面面軒開只此君相對豈惟差
免俗風前時散好清芬
青山饒我挂瓢棲疊石編茅喜近溪信是虎蛇堪
作侶果然鳧雁不須齊一池荷葉晴隄外十里烟
村古渡西最是屋邊松頂鶴長年肯代報更雞
疎籬雨打柱根斜破落家風許自誇蛙語荒池喧
鼓吹苔痕古壁走龍蛇窗前竹漸齊高樹架上書
多掩落花昨夜門忘關竹笠案頭案尾總煙霞

定鄉小識卷五

九

谷靜煙寒未肯流卻宜瓢笠話休休鑪炊春午餘
松粉幔卷秋煙曠月鉤屋後修篁撥碧落山前斜
磴傲公侯莫言出語便棱角住處多因在嶺頭
已把形骸齊槁木年來又得好思量千山躡屐看
雲浪十里攜筇探藕香蘆粟收完三畝月砂柑種
熟滿林霜明春尙有前溪霧不學當年住首陽
日用巖居事事便春風細草勝輕瓊綠蔬陰塢栽
濃霧破衲晴樓洗瀑泉午夢無人驚竹榻地爐有
火示薪傳自從入得山來住石爛苔枯知幾年
鳥欲留春忍亂啼雲飛遠岫屋檐低蘭苞未瀉風

前玉笋指先伸雨後泥村曲到山唯探放古人入
夢只夷齊石厨不是無煙火餐贖松花飲贖溪
位中山居詩五絕凡百十六首七絕九十首七
律三十餘首茲採其尤佳者錄諸

炊香泉 在尊勝寺香積厨後引流接篋汲以供炊
晝夜潺湲不絕泉味清甘絕似湖上六一泉
釋淨符

炊香泉

爲助金牛舞意殊涓涓流入到香厨人如點滴沾
脣吻毛骨當令頃刻蘇

定鄉小識卷五

十

釋佛臣

炊香泉

源頭究未許人知足供烹炊事事宜就裏有般香
味別頓令飲者豁雙眉

蜂房巖 在白巖山前尊勝寺左巖石空洞形如蜂
房故名

釋淨符

蜂房巖

天成層疊宛蜂房尤羨尊卑做廟廊日釀雲蒸年
更好就中有味異瓊漿

釋佛臣

烽房巖

玲瓏天設趣何多絕勝蜂成釀蜜窠春暖花香風
響處主臣尤見有山阿

又來泉 在白巖山西塢中久涸釋淨符結茅山中
泉復至故名釋明禪位中禪師行狀先是山西塢
有泉甘甚涸數年矣及師至泉復湧出鄉人驚異
聚觀呼為又來泉

釋淨符

又來泉

定鄉小識卷五

五

出處因徵與道符被人剛把又來呼化鵬起蟄渾
閒事別有功滋帝者都

釋佛臣

又來泉

澤枯何法已多年此日緣誰返固然可見山靈微
有待應其時乃復涓涓

寶鑑池 在白巖山路口釋淨符所鑿山居詩云鑿
得方池一丈慳堆堆寒影只秋山又云鑿池邀古
月皆指此白巖山水自尊勝寺西溪流過歸龍橋
折而入池乃洩於長壽溪池圓如鑑故名世傳池

岸投物不能越池戊申冬子往游以石試之信然

池今已涸

釋淨符

寶鑑池

澈底澄清萬象該果然鑑照越秦臺魚龍不礙恣
游泳尤見涵泓化育才

釋佛臣

寶鑑池

青山鑿就水連連一鏡澄清月似圓峯影參差爭
出沒魚龍尤見躍雲天

定鄉小識卷五

五

珠峯 在尊勝寺前塢口寺之案山也山不甚高而
圓淨如珠故名登寺中祖燈閣以望孤圓聳翠宛
如羣龍戲珠

釋淨符

珠峯

仙子遺來此地妍精光何啻媚山川幾回曲盤據
眸處絕勝龍姬獻昔年

釋佛臣

珠峯

漫比龍姬價萬千精光燦燦媚山川神蛟不敢輕

偷採千古雲頭色更鮮

石蓮花峯 在尊勝寺前塢口珠峯之西石峯巉巖竦立形如蓮花瓣今居民煉石為堊鑿削日滋已破損不堪矣

釋淨符

石蓮花峯

何年落地湧來殊不假中天雨露濡巖巖碎磷開有韻寄言周子見曾無

釋佛臣

石蓮花峯

定鄉小識卷五

三

陸地何生菡萏枝令人欲賦費沈思嚴霜酷雪難摧折別有奇香扇閭維

右位中與佛臣白巖十景偈今各錄八首其歸龍橋思君子徑詩別錄位中本工詩是偈乃禪家祕機別有寄託與山居詩殊致不可以詩律繩也佛臣和偈似屬下乘以位中集所附載且十景題咏絕少故存諸

胡家嶺 咸淳臨安志胡家嶺在長壽鄉極峭峻頂有石井旱不涸夢梁錄胡家嶺在錢塘長壽鄉其嶺極峭峻有石井旱不涸康熙錢塘縣志分金嶺

北達餘杭路又有胡家嶺亦北達餘杭

黃梅山 康熙錢塘縣志郡志在縣治西南五十里高八百丈周十里山麓綿逸而東經二十里溪水環集多植竹里人取竹為紙

山俗呼黃梅十八塢自戴家塢東北而入皆是相傳山稅為定南諸里散納每冬日瀕江村民千百入塢採樵弗禁洪氏西溪志云黃梅山有光明寺謠光明寺在青山非與黃梅近者也乃傳聞誤耳

戴家塢 在黃梅山南有陸太師墳出南為金家嶺

定鄉小識卷五

西

金家嶺 在戴家塢南嶺極平坦東西高峯夾峙一澗橫流竹樹廬舍揖青圍碧極幽峭雋秀之致嶺上為金姓聚居下嶺二里許入東北為戴家塢指北直行達餘杭折而西抵金子隴為白沙塢南出滕村水洩長壽溪

陸太師嶺 在金家嶺下

飛鳳形山 在金家嶺東

旋網山 在飛鳳形山東

轉手塢 在白巖山東南

牛卵山 在轉手塢南

龍尾塢 在轉手塢東

范家嶺 在龍尾塢東

白沙山 在龍尾塢南土白如堊泡浮浪捲不生草

木

紅泥嶺 在白沙山南殷赤如血其浮捲與白沙山

同不生草木父老言昔勦山寇時礮擊所致形家

云天牛所耕終莫知其故也嶺與白沙山相去百

餘步丹鮮雪素絕不間襍四時如赤城之霞江中

望之遙遠皆見

鷺鷥嶺 康熙錢塘縣志白巖山北有鷺鷥嶺高二

定鄉小識卷五

五

十丈長五里杭州府志在白巖山北高二丈長

五里

嶺平坦不險峻踰嶺而北為崇覺寺

犁頭塢 在鷺鷥嶺下

楊家門山

眠牛山 萬厯錢塘縣志白巖之支東南行為眠牛

山俗名桑柳坂康熙錢塘縣志舊邑志眠牛山近

青山俗名桑柳坂

定南山 康熙錢塘縣志桑柳坂有定南山

人大嶺 萬厯錢塘縣志白巖之支東南行為人大

嶺康熙錢塘縣志定南山旁為人大嶺

人大嶺今俗呼牛駝嶺

水牛山 在人大嶺南

象山 崇雅堂詩集注按象山高數十丈與定山東

西對峙各志俱失載今據誌銘補入

象山在定山東桑柳坂水口山也形如臥象而

定山別名獅子山各肖獸形山古有彌陀寺乾

隆中相國梁文莊公 諭葬於此杭葦浦撰墓

誌銘胡氏所據誌銘此也

馬浦 在象山下

定鄉小識卷五

六

杜家浦 在定山東受桑柳坂定南山下諸溪之水

遶象山而西入浦以洩於江浦上有橋即杜家橋

浦外塘下今已漲沙成田浦流淤塞但存形勢矣

王安步 在杜家浦此步命名不解何義豈黃岸之

謠耶與王安寺名同莫詳其始

肖家步 在王安步西

白巖嶺 萬厯杭州府志在白巖山南康熙錢塘縣

志白巖山南有白巖嶺高三十丈長一里

嶺在白巖山西踰嶺為金家嶺

滕村嶺 咸淳臨安志滕村嶺在錢塘縣舊治西南

到縣五十里康熙錢塘縣志白巖山有滕村嶺高
十丈長二里南達楊村

嶺與石龍山小嶺通踰小嶺爲湖步魏氏志云
南達楊村蓋昔時楊村爲地甚大與湖步近也

張家山 在滕村南

仙家隴 在滕村南

九泡山 鳳皇山 竝在村口

龜山 在定山北田中甚低小形如龜

飯包山 在石龍山頭之東近凌溪

長壽溪 萬厓錢塘縣志長壽溪自石龍山出定山

定鄉小識卷五

七

浦入於江

溪受金家嶺白巖山諸水自滕村沿石龍山達
於凌溪入定山浦

凌溪 咸淳臨安志凌溪在錢塘縣長壽鄉

凌溪宋時屬長壽鄉故咸淳志疆域門長壽鄉
有凌溪里今屬定南鄉是溪在石龍定山之間
水入定山浦宋時有凌姓居此故名溪上有橋
今猶呼凌家橋

定鄉小識卷五

定鄉小識卷六

錢塘張道少南

山水記 六 白沙塢路

白沙塢西南為天官山為茱萸尖為大羊山塢中為青山為紅旗山為米篩山為鳳山為獅山為童子山為美女山為五鬢山為竹馬山為童山又塢南為譚經臺山為板壁山為青簷山下有鯉魚山又南而東為徐家山為眠牛山為牌山下有牌山嶺嶺東北為金子街為萬寶石山為鷓鴣嶺為東塢山又塢東

定鄉小識卷六

一

而北為九里暗山為萬羅山為獅象山古有石膏山又塢北為分金嶺為澹竹嶺又北而西為龜山為蛇山為水孔山為沙嶺為天姥岑為寒洞山為西塢山為高阮嶺塢水匯流為盧家溪

塢

長壽鄉古有青木嶺狗頭嶺玉兒潭大悲山大老山惠泉

白沙塢 萬厓錢塘縣志天門山之支南行者曰五雲山其東北有白沙塢

塢在胡步北踰石灰大嶺即白沙塢矣四圍高峯削翠亂山巉巖濃青不斷環若桃源中間平曠方數十里有水竹田廬之勝東近白巖山北達餘杭西通富陽南出胡步塢去五雲山甚遠約五十餘里聶氏特以是山標塢所在耳然在五雲山西北非東北也

天官山 在白沙塢南尖峯挺立上際雲霄

茱萸尖 在白沙塢南萬厓錢塘縣志粟山西為茱萸尖康熙錢塘縣志舊志茱萸尖石微赤以色名

茱萸尖高峻險峭不可名狀樵人卻步白沙塢

定鄉小識卷六

二

諸山此為最高其旁即天官山或云以產茱萸得名山背屬富陽近雞籠山

大羊山 在白沙塢西南茱萸尖側高峻與茱萸尖

齊山背屬富陽

青山 在白沙塢高十餘丈周一里餘低小而秀潤

蒼蔚可挹有青山廟

紅旗山 在盧家溪口

米篩山 在紅旗山東

鳳山 在米篩山東

獅山 在米篩山北

童子山 在獅山北

美女山 在獅山北與童子山比肩齊高小而秀潤

形如美女

五髻山 在美女山北

竹馬山 在五髻山北

童山 在竹馬山北

譚經臺山 在白沙塢東尖峯聳峭高不可止相傳

昔仙人譚經於此故名

板壁山 在譚經臺山南

青筍灣山 在牌山西與牌山雙峯對峙高數百丈

定鄉小識卷六

三

形勢峻峭中爲大嶺宛如天闕越南爲譚經塢

鯉山 在牌山側青筍灣山下

徐家山 在牌山西一名甌桶山

徐 某

徐家山記

山以徐名卽氏而名也自有天地卽有是山徐氏之居此三百年耳然則前此山不名乎吾不得而知也山與天地爲終始名則或有時而變今日徐之氏山烏知他日之山不氏徐則徐之長有是山興否亦不得而知也夫山以興雲雨宅神靈植材

貨而毓英賢爲大環白沙間東有譚經之勝南有

茱萸之奇西有峽峯寒洞之雄北有岷岫白巖之

峻攬形望勢以爲中必有異人焉而宅其下者至

於今無所聞矧茲山之卑小者也然則山其重累

夫徐乎抑又聞之愚公名其谷匡君氏其山古今

畸人偉士結廬託足遺蹟所存往往動後人思千

百載下履其地如接其人今徐無以爲山重而強

氏焉然則徐其重果夫山乎雖然徐之有是山而

山之樂有徐也非一年矣扶輿蜿蜒蟠鬱於斯石

嶺簪峯枝聯幹貫故其面方而體圓居正之德也

定鄉小識卷六

四

眾峭特而互合此含和而中立謙尊之光也至於

日月耀其華雲霞被其秀其文明之象乎徐之人

觀其象而效其德行規步矩所以居正也樽節退

讓所以鳴謙也敦典庸禮所以文明也相與耕鑿

於其下絃誦於其中蒼松抱秀綠竹挺節雖謝傳

之東山羊公之峴首豈遽遠哉若其學巉巖以爲

奇喜險峻以爲巧壘塊居心谿壑成欲則山且不

屑蒙其名而徒貽山靈笑也懼矣

眠牛山 在石灰嶺北形如臥犢子故名明馮御史

來聘窆於此

牌山 在青窳山東俗作牌山山自白巖山發支過
金家嶺崛起峯巒高數百丈周回十餘里青屏黛
嶂聯絡障互入金子街望之高峻秀傑如南山五
老峰迤西爲石灰嶺形勢全趨富陽

牌山嶺 在牌山下咸淳臨安志牌山嶺在錢塘縣
定山南鄉夢梁錄牌山嶺在定山南鄉

牌山下有橫嶺長約三里逶迤而下甚平坦嶺
北爲金子街山踰嶺而東出金家嶺今屬縣之
長壽鄉宋時隸定南蓋宋分金勝村皆屬定南
此嶺在分金勝村間故云定山南鄉咸淳志又

定鄉小識卷六

五

於山川門排山下注云排山嶺在定山南鄉屬
仁和縣排山在徐村志中疆域門定北鄉有排
山嶺既云在定南不應附此山下且定鄉四境
不與仁和鄰志著屬仁和縣四字更爲難解而
橋道門在徐范村之排山橋反譌排作牌總之
排山嶺當作牌山嶺牌山橋當作排山橋兩字
音同各致訛舛豈傳鈔鏤刻之故耶今爲訂正

金子街

一作街

萬厯錢塘縣志粟山西爲金子街

其太祖則禹杭之徑山也由粟山至金子街五十
里而遂爲南北兩山祖其西南遡錢塘江上爲定

山南北安吉長壽四鄉山與富陽餘杭接疆其西
北沿苕溪康熙錢塘縣志茱萸尖下有金子街舊
邑志金子街以人名由粟山至金子街凡五十里
爲南北兩山祖西南溯錢塘江定山界

金子街在白沙塢牌山北塢東界也踰牌山嶺
更東爲金家嶺金子街與金家嶺皆以金氏得
名今嶺上尙有金姓族居其地皆隴阜錯連形
家所云懶坦牛皮漲也山爲棚民翻刷殆徧濯
濯然童而疥矣又聶氏志以是地爲南北兩山
之祖故云西南溯定山南北安吉長壽四鄉山

定鄉小識卷六

六

西北沿苕溪云云所云定山南北乃二鄉也魏
氏割取定山而棄南北安吉長壽四鄉山九字
直云定山界誤矣

萬寶石山 在白沙塢東

鷓鴣嶺

一名桃紅嶺

在白沙塢東北嶺下爲東塢山近

施家園踰嶺而東南出金家嶺

東塢山 在白沙塢東山中別爲一塢廬舍竹樹環
宅山麓越東爲午潮山

九里暗山 萬厯杭州府志在縣治西六十里高百
丈周回二十里萬厯錢塘縣志白巖之支東南行

爲九里暗山康熙錢塘縣志郡志在縣治西南六十里高百丈周回二十里地多虎人不敢獨行有分金嶺之水繞山直達西溪閑林埠

萬羅山 萬厯杭州府志九里暗山西爲萬羅山康熙錢塘縣志郡志在九里暗山西二里高八十丈周回四里羣峯環迴如羅

獅象山 康熙錢塘縣志郡志在九里暗山北二里高八丈周回二里

石膏山 咸淳臨安志錢塘縣西五十七里有石膏山出石膏若雪瑩白成化杭州府志去城西北五

定鄉小識卷六

七

十七里出石膏如雪一名稽留山無毒獸惡蟲通典錢塘有石膏山敷用爲最太平寰宇記石膏山在縣西五十七里夢梁錄城東北有石膏山

杭州府志云按通典州郡部錢塘縣僅錄此一

山自咸淳志合錢塘仁和山川爲卷以石膏山次列於佛日黃鶴之間近志遂誤系仁和然咸淳志亦自標明錢塘縣也依其道里當與九里暗山相近胡敬定鄉雜咏詩注中引此而駁之云按錢塘之析爲錢江在梁德龍二年錢江之易名仁和在宋太平興國四年杜氏作通典時

未嘗分也今定鄉諸山不聞有產石膏者其山或自在佛日黃鶴間潛氏之標明錢塘當是據通典所載縣名而未深考其分置之故耳浙江通志引成化郡志列於仁和今考咸淳志云山出石膏若雪瑩白且云錢塘縣西若仁和則非縣西矣古今山川同名者多或兩處均有是山姑從府志次九里暗山後

分金嶺 咸淳臨安志在錢塘縣舊治西南到縣六十里夢梁錄在錢塘舊治西萬厯錢塘縣志白巖之支東南行爲分金嶺可達西溪閑林埠有集福

定鄉小識卷六

八

寺康熙錢塘縣志郡志在縣治西南六十五里平坦不高長十五里近富陽界北達餘杭路水東北行直達西溪

分金嶺水南流白沙塢盧家溪北達西溪入餘杭西出富陽水由此分故名嶺下爲白沙塢東塢山咸淳志疆域門分金里屬南鄉今隸長壽澹竹嶺 洪瞻祖西溪志其水自分金澹竹二嶺而爲鎮河

龜山 在白沙塢西

蛇山 在白沙塢西

水孔山 在白沙塢西

沙嶺 在白沙塢西

天姥岑 在白沙塢西

寒洞山 在白沙塢西

高阮嶺 在白沙塢西一名交界嶺近富陽界以兩

邑交界故名

西塢山 萬厯杭州府志在縣治西南六十里高二

百丈周回二十里康熙錢塘縣志西塢山郡志在

縣治西南六十里高二百丈周回二里

據志列洞子山云在西塢山東五里洞子山在

定鄉小識卷六

九

湖步則是山當近湖步然白沙塢有東塢山西

塢當對東塢而名故列塢西諸山後

盧家溪一作羅家溪

在白沙塢西北自分金嶺發源經

東光頂畝環楊家埭匯東塢山金子衙牌山青筋

山諸溪之水出橫溪橋而西直趨富陽金剛山人

高橋浦達於江塢中東南北三面皆高峯橫嶺障

隔重疊惟塢西山巒舒豁溪出其隙會為大流以

洩於富春江

青木嶺 咸淳臨安志青木嶺在錢塘縣舊治之西

到縣四十里

狗頭嶺 咸淳臨安志狗頭嶺在錢塘縣舊治之北

到縣五十里夢梁錄狗頭嶺在舊治北

右二嶺以道里計當近滕村今不可知矣

玉兒潭 咸淳臨安志玉兒潭晏公志云在郡西五

十里葛澧錢塘賦潭則浣沙玉兒

大悲山 夢梁錄長壽鄉有大悲山塢

大老山 咸淳臨安志長壽鄉大老山泉自地湧出

惠泉 咸淳臨安志惠泉在錢塘縣長壽鄉大老山

泉自地湧出亢旱不涸有寺以泉為名夢梁錄惠

泉在錢塘縣長壽鄉大遮山惠泉寺

定鄉小識卷六

十

吳氏以大老為大遮譌大遮山自在安溪鎮也

胡書農定鄉雜咏詩云真偽世間誰辨得此中

還有惠山泉

自青木嶺至惠泉今無可考大約皆長壽山

中山水故列白沙塢後

定鄉小識卷六

定鄉小識卷七

錢塘張道少南

山水記 七 定山路

定山古為浙山山下有定山浦東古有界石
山今為石龍山西南蜈蚣山東南今有浮山
古為已山山東麓有驚泊渚西麓有浮山嶠
山下為浮嶼潭又西為長山山西為湖東隴
下為長山湖湖西為湖下山其陰為泉井山
又浮山西北為琴山南為浮山浦有浮山渡
定山一名獅子山 吳郡緣海四縣記錢塘西南五

定鄉小識卷七

一

十里有定山去富春又七十里橫出江中濤迅邁
以避山難辰發錢塘已達富春水經注錢塘縣東
有定已諸山皆西臨浙江元和郡國志定山濤至
此聲輒抑過此便雷吼霆怒上有可避濤處行者
賴之云是海神婦家太平寰宇記定山在縣西查
行蘇詩補注引太平寰宇記作在杭州西南四十七里突出浙江數百
丈太平御覽謝靈運詩朝發漁浦南暮出富春郭
定山緬雲霧赤亭無淹泊即此山也清祐臨安志
定山俗傳是海神婦家咸淳臨安志定山在錢塘
高七十五丈周回七里一百二步太平寰宇記云

定山突出浙江數百丈又郡國志江濤至是輒抑
聲過此則雷吼霆怒上有可避處行者賴之夢梁
錄低處謂之定山唐詩鼓吹注定山在錢塘南四
十七里定山出浙江數百尺潮至此輒抑聲過復
雷吼霆怒西湖游覽志定山高七十五丈周回七
里一百步突出江中風濤至此輒抑聲過此復雷
吼霆擊萬麻杭州府志一名獅子山在縣治東南
四十里萬麻錢塘縣志石龍之支東南行為定山
康熙錢塘縣志定山一名獅子山在縣治西南四
十里高七十五丈周回七里萬麻志高五十丈突

定鄉小識卷七

二

出江心江濤至是輒抑吳越時春秋習水戰於此
有帥臺存焉李氏西湖志定山一名獅子山西湖
志纂定山在縣治西南四十里姚氏西湖志定山
宋時春秋習水戰於此有將壇存焉湖山便覽定
山謝靈運富春渚詩定山緬雲霧即此山有龍門
定山在凌溪馬浦之間橫峯孤峙雄踞江濱東
聳高巒巖壁立逶迤互伏曳為平岡西北略
起峻峯正如海外神獅昂首翹尾伏地蹲臥之
狀故名獅子山東峯遙對海門每當旭月初升
凌高遐眺霞紅海碧龕楮在眉睫間今俗呼其

地爲獅子口山下周回皆田隴圍遶旁無毗倚
左去江口半里爲江塘盡界塘下漲沙彌漫非
復曩時之橫突江心矣西麓有定山寺攷錢塘
諸山自武林山靈隱山外惟茲山著名爲最古
而余鄉北接禹航西連富春周回數十里間以
是山爲統轄之主故唐五代以來山南山北析
著二鄉而元錢曲江定山十咏標名特著雖名
勝如五雲龍門白巖雲泉胥卻立而讓避焉山
去今縣治三十里爲石龍出江之支南去爲蜈
蚣浮山諸山與龍門山相去遠甚自錢曲江龍

定鄉小識卷七

三

門山曉雨詩注云龍門在定山西兩峯壁立如
門而田氏志卽隸龍門於定山下嗣後魏氏志
沿襲其譌李氏志又引魏志而錄曲江詩入定
山至翟氏遂云定山有龍門矣又將壇亦非在
定山者田氏緣曲江浙江耀武詩注指曰宋時
習水戰於此後姚氏襲其文魏氏復移屬吳越
而定山將壇便成故實矣二者總緣曲江詩注
而誤今胡氏定鄉雜咏注中辨之甚當又郡國
志文諸書所引互有異文都錄如右胡氏注引
濤皆作潮海神婦家作海神婦冢又山突出浙

江數百丈郝氏作數百尺濤至此聲輒抑魏氏
落一聲字均誤又水經注縣東萬厓郡志縣東
南東字俱當作西

沈

約字休文
吳興人

早發定山

夙齡愛遠壑晚遊見奇山標峯彩虹外置嶺白雲
間傾壁忽斜豎絕頂復孤圓歸海流漫漫出浦水
濺濺野棠開未落山櫻發欲然忘歸屬蘭杜懷祿
寄芳荃眷言採三秀徘徊望九仙

殷雲霄

字近夫壽張人宏治乙丑
進士官南工科給事中

定鄉小識卷七

四

夜登定山

朝泛桐江水夜坐定山石延蘿踞虎豹嘯波動潮
汐俯瞰馮夷宮疑入羽人宅林靜江有聲雲昏岸
無迹懷哉坐哀聽戚矣闕遠觀風勢依峯峻月色
連江白飛鴻鳴遠浦潛蛟舞深澤飄飄千里舟脈
脈獨游客乘桴嗟有志棲巖悲失策薄宦竟何有
幽期誰與適覺迷道有獲含欲情無逆眷言咏白
駒聊以慰今夕

徐應亨

字伯陽蘭溪人萬厓四十二年舉嘉善選
授增城教諭以親老乞量移改慶元著有
吳越集十笏齋集庚甲篇邊事
詩羅浮集南海集樂在軒稿

定山次沈約韻

昨宿赤亭渚茲辰發定山洪波鼓木末翠巘疊波
間游魚弄藻景搖曳不成圓迴潮流活活觸石水
濺濺抵平綠如翦林繁花欲然佳期遲歲月雜佩
寄蘅荃還顧望松子淹留於九仙
許承祖

定山

定山突兀兩峯東雷浪聲喧聽不同謝客舊留漁
浦句依然雲霧遶長空
諸葛謨 字巽言蘭溪人

定鄉小識卷七

五

擬沈休文早發定山卽用原韻

解纜赤亭畔挂席富春山危巒淡煙際絕壁朝霞
間迴潮激岸白曉日出波圓叢蘿聚蒼翠觸石鳴
湍濺花鳥異人境林壑俱天然僕夫戒清旦余心
寄香荃卻顧嶺頭雲翹首赤松仙

桑調元

字伊佐號破甫錢塘人雍正癸丑舉通知
性理賜進士官屯田主事著有殘甫集

定山

扁舟直上大江間芳草青青過定山空際一螺攢
窈窕雨餘孤翠洗屏顏秋看樹色新搖落人逐潮
聲數往還誰肯耕墾白雲裏阿邱便已隔塵寰

先南園先生

秋日同友登定山絕頂看潮

四扇海門開喧騰動火雷六鼇翻躍上萬馬怒奔
來遠浪通漁浦雄聲逼釣臺登高同眺望杖叔有
清才

浙山 顧野王地志浙江發源東陽新安不與岷山

接至錢塘江有浙山正居江中潮水衝山卽回入
海故曰浙山亦曰定山咸淳臨安志虞喜志林云
今錢塘江口浙山正居江中潮水投山下折而曲
夢梁錄浙江內有浙山正居江中潮水投山下曲

定鄉小識卷七

木

折而行一統志浙江在杭州府城東三里江口有
山居江中潮水投山下折而曲故名樵書虞喜志
林注曰今錢塘江口浙江山正居中潮水投山下
折而曲江有反濤水勢折歸故云浙江王琦李白
詩注浙江虞喜云潮水投浙江下折而曲一云江
有反濤水勢折歸故云浙江盧肇曰浙者折也蓋
取其潮出海屈折而倒流也湖山便覽按虞喜志
林言錢塘江口浙山正居江中酈道元又言錢塘
有定已諸山皆西臨浙江今浙山已山不聞豈卽
浮山等之古今異名歟

浙山之爲定山自來無知者古人但據志林而不見地志真不可解浙江以折名則山亦可曰折山然毛西河蕭山縣志刊誤注云太平御覽載虞喜志林赭山原名折山以折字音近赭遂作赭越紐遺書折山與浙江並稱後改作赭據此則浙山與折山又不得混合也第志林今無傳本未知果一條或別一條耳願按正居江中之說則其非赭山爲確鑿也又來倘湖以志林爲志林注浙山爲浙江山所引互異豈別一本耶

定鄉小識卷七

七

定山浦 萬厓錢塘縣志長壽溪自石龍出定山浦入江康熙錢塘縣志定山下爲定山浦通長壽溪定山浦受白巖山金家嶺滕村凌溪之水遶石龍山南入於浦折而東經袁家莊以洩於江卽沈休文定山詩所云出浦水濺濺者也浦上有橋曰定山橋

界石山 元和郡縣志錢塘有界石山在州西南四十九里浙江通志謹案唐沈仲昌狀江南詩云雷是樟亭浪苔爲界石錢卽此山也今述其舊名莫定何處湖山便覽臨安志紀沿江一路寺院有定

明院云建隆二年吳越王建舊名界石治平二年改額元和郡縣志錢塘有界石山今無知者院所或在或卽此山然其定址并無可考矣又云唐元和郡縣志錢塘有靈隱界石二山靈隱則武林矣界石今不復聞據陶翰乘潮至漁浦詩云樟亭忽已隱界峯未及覩釋皎然有界石守風望天竺靈隱二寺詩其山當在江湖之間似卽今龍鳳諸山祖名綜而論之漢時凡錢塘諸山統名武林六朝謂之靈隱唐以靈隱屬北路諸山別稱南路山爲界石五代兩宋漸有南屏玉岑大慈靈石龍鳳等名

定鄉小識卷七

八

而界石以無專指而晦亦猶靈隱天竺諸名立而武林晦也此條在卷一南宋雜事詩注元和郡縣志錢塘有二山一名靈隱一名界石今界石之名宋志已無今不可考

界石山唐時屬南路南路者五雲至雲泉江上山一路也故宋時雲泉出笋曰南路笋翟氏乃以南路爲西湖南山路遂云爲江湖間龍鳳諸山祖名譌矣夫界石與靈隱齊名其高大必爲一郡之望鄙意今江上山惟石龍差足當之蓋石龍綿亙十餘里星峯雄拔層疊起伏傑偉峻

挺天矯若龍登高眺遠可及靈竺左撐凌溪右
距湖步羣山擁護俯首夾行石龍處中東顧西
盼頤指兒孫有如界然況山下界石院尙存雖
院址遷移而相去咫尺斷非南屏玉岑諸山可
蒙其名也翟氏於界石院下云院所在或卽此
山其言信然或曰界石院今俗呼解頭寺聶氏
志所云解頭山有解頭寺是也解頭山今呼公
館山解者界之訛解頭當爲界頭界頭疑卽界
石昔倚山而建寺今據寺以定山矣不知公館
山在石龍山之前古名界頭正指其當界石山

定鄉小識卷七

九

頭而言且是山唐時下臨曲江西指漁浦皎然
守風之所登陶翰乘潮之所過胥在於此則以
界石爲石龍似非鑿空乃後人圖牒鹵莽失書
而魏氏志并以石龍爲諸山總名噫石龍且不
知何論界石名山勝地顯於唐而晦於今豈亦
緣時會歟敢存臆見以俟博雅

沈仲昌

臨汝人天寶九年進士

狀江南 仲秋

江南仲秋天鱗鼻大如船雷是棹亭浪苔爲界石
錢

釋皎然 字清晝湖州人謝靈運十世孫居杼山

界石守風望天竺靈隱二寺

山頂東西寺江心旦暮潮歸心不可到松路在青

霄

吳

焯 字尺鳧號繡谷錢塘人諸生議敘正
八品著有藥園詩集陸渚鴻飛集

南宋雜事詩

傳道尋春四壁還江清湖淥有無間元和圖牒分
明見何處沈羅界石山

石龍山 在湖步凌溪之間萬厯錢塘縣志粟山西

爲石龍山康熙錢塘縣志舊邑志云土人言石當

定鄉小識卷七

十

作十山迭起迭伏如十龍盤聚而一龍遠在長河
岸畔此山以數名非如五雲山之東石龍山以形
名也

石龍山滿體戴石巉巖奇嶮峻衍飛翔勢如游

龍長互十餘里正以形名較五雲山東龍華山

之石龍 咸清臨安志石 僅以一石得名者更爲

偉特彼據偏端此規全體也然星峯疊起名以

十龍亦無不可至云一龍遠在長河岸畔俗有

十龍九斫頭一龍不斫頭趕到長河頭之諺長

河在蕭山西門外其地有冠山來倚湖樵書所

云天目飛舞至錢塘江有浮山在江畔面江屹
立伏江暗渡至浙東首出冠山形家言石龍前
見蜈蚣山而伏自浮山渡江起潭頭半片山以
趨冠山龍能渡江理或有之但徐范村間九龍
面江正與冠山對峙嶺岸直削真如斫頭俗諺
指彼而不指此豈諺所云十龍乃石龍歟魏氏
志語鶻突疑亦合九龍石龍而約略言之故其
下遂云案郡志亦無石龍山疑亦羣山之總名
此皆未嘗親履其境而臆解者山左自滕村以
抵凌溪右爲湖步兩處居民有於是山煉石爲

定鄉小識卷七

十一

聖山疑卽古界石山詳界石山下條辨

蜈蚣山 在定山南山脚斜奔形如飛天蜈蚣故名
俗傳龍性畏蜈蚣食其腦石龍當飛舞渡江見蜈
蚣而止也

浮山 一名浮嶼 古名巳山 清祐臨安志浮山舊圖經云在錢

塘舊治之東南四十里 蘇詩王注引圖 咸淳臨安

志浮山在錢塘縣東坡守杭日開河奏云潮水自
海門來勢若雷霆而浮山峙於江中與漁浦諸山
相望犬牙錯入以亂潮水洄狀激射其怒百倍沙
磧轉移狀若神鬼雖舟師漁人不能前知其淺深

坐視舟船覆溺無如之何今號浮山頭最爲險處
夢梁錄諸山巖低處謂之浮山江月松風集浮嶼
在定山側浮江如磐石下有潭聚魚玲瓏可觀潮
出海門中分爲兩派東派沿越岸向富春西派直
抵茲山怒激而回諺謂之回頭浪方輿勝覽浮山
在舊治東南四十里峙於江中萬厯錢塘縣志石
龍之支東南行爲浮山西湖游覽志定山下有浮
嶼又浮山之險時有覆舟蓋潮入海門分爲兩派
東派沿捍江塘向富春西派直射浮山怒激而回
諺稱回頭浪者是也名勝志定山又五里爲浮山

定鄉小識卷七

十二

查初白蘇詩注以此句爲太平 姚氏西湖志浮山
裏宇記文誤馮星實已駁正矣 浮山在縣治西南
四十五里突出江心與對岸漁浦諸山錯出江濤
至此瀕洞若浮蘇公石門河狀極論其險潮入海
門分兩派東沿捍江塘向富春直上西入射浮山
怒激倒回諺謂之回頭浪浙江通志浮山方輿勝
覽在縣東南四十里蘇子瞻奏狀云潮水東來勢
若雷霆而浮山峙於江中犬牙錯入以亂潮水樵
書天目飛舞至錢塘江有浮山在江畔面江屹立
伏江暗渡至浙東首出冠山湖山便覽浮山在定

山南江面崇雅堂詩集注浮山今土人呼巫山頭
蓋浮與巫一聲之轉然據夢梁錄則定鄉本自有
巫山頭耳又錢思復言在定山側者以較龍門諸
山爲近耳田氏於定山條云定山下有浮嶼而又
別出浮山是分浮山浮嶼爲二矣

浮山孤懸江面支麓橫撐形如半月蛾眉之狀
四面望之別無殊致自龍山五雲西眺定鄉赴
江諸山至茲而盡故形家以爲石龍奔舞出江
見蜈蚣而伏再起浮山入江暗渡東起半月山
以趨蕭山之冠山倘湖之言洵非誣也山坦迤

定鄉小識卷七

三

巔頂甚平高不及定山之半而旁無障翳數十
里外遙望悉見東面巖石巉險狀類獅峯昔時
突峙江中浪洶濤泊正其壓捺潮頭之處是以
浮江瀕洞泛若泡漚浮山命名義取是矣然逆
濤儻海覽勝者比諸仙島蓬壺而觸石掀波江
心橫互官檣估舶時覆壞於雲厓石浪間唐江
中之患以羅刹石爲先宋覆舟之險以浮山頭
爲鉅也故蘇東坡乞開石門河狀中極言浮山
爲害議自石門開內運河以避其險其相視新
河詩有云又將回奪浮山險又云坐睨浮山如

累塊皆指其事厥後東坡去郡林子中代焉悉
力排之功以不就然其心不可沒矣乃南宋以
來江沙漸漲昔之蒼海竟變桑田浮山外之洲
潭陵阜湧出者不復失去錢塘江水束流如綫
千艘夜下如泛晴湖而浮山遂爲藝茶之地矣
東坡斥鹵桑田之詠至今竟驗未始非天鑿其
誠也山惟東岸距江尙近 國初丁飛濤詩有
江心孤嶼之句蓋爾時山麓猶齧江波耳宋時
山下有鹽場今土人呼浮山浮讀若巫乃古音
魚虞尤之通樵書云符音同陪浮亦音符與陪

定鄉小識卷七

四

通用詩載沈載浮法言引作載沈載無可證又
濱祐志舊圖經舊治東南當作西南又咸濱志
引東坡開河奏與原本互有異又田氏志引江
月松風集東派沿越岸更爲沿捍江塘越岸在
東捍江塘在西當作越岸爲是魏氏襲其誤文
豈未嘗耶又魏氏承田氏志定山下有浮嶼之
語亦於定山下云江濱有浮嶼而復列浮山均
未免胡氏之譏也然胡氏詩注引咸濱志在錢
塘縣東坡守杭日之東字誤以縣東句亦非

丁

澎字飛濤號藥園錢塘人順治乙未
進士官禮部郎中著有扶荔堂集

浮山

江心孤嶼鬱崔嵬曲磴盤蘿四面開漢使星槎隨
去住仙家螺舫即飛來風生淺瀨魚爭出木落寒
潮鳥正迴浪說三山人不到分明此地有蓬萊
許承祖

浮山

羣山奔赴走龍蛇浮嶼凌空似海槎萬頃江光涵
夜月迴流蕩漾碧蓮花

盛綸字嘯厓錢塘諸生有曲江倡和集

浮山

定鄉小識卷七

圭

包巫一聲轉此山千古留孤嶼勢若湧何必江心浮

巳山 水經注錢塘縣東有定巳浙江通志引此諸
下云疑作包字

山皆西臨浙江水流於兩山之間崇雅堂詩集注

按水經注縣東有定巳諸山皆西臨浙江箋云已

疑作包趙誠夫注釋徑改從包考包通作浮左傳

隱九年公及莒人盟於浮來公穀作包來蓋包與

浮一聲之轉又包从巳說文包象人裹妊己在中

是則譌包作巳轉包為浮本屬一山六書之形聲

足證矣然志林載錢塘江口有浙山元豐九域志

載錢塘有長山今浙山無考長山在浮山側土人

尚仍其名而諸傳志皆失載以此例之烏知昔日
不自有巳山之名耶

包浮通轉乃古音蕭肴豪尤之通通雅云古呼

包如孚睥與胞桴與枹李與苞桴與抱之類同

原相因故互通詩雉離于學說文引學作蜀則

包山為浮山非強附會矣若巳則傳寫譌脫也

然亦當作巳不作己說文云包象人裹妊己在

中象子未成形也元氣起於子子人所生也男

左行三十女右行二十俱位於巳為夫婦裹妊

於巳巳為子十月而生男起巳至寅女起巳至

定鄉小識卷七

圭

申故男年始寅女年始申也然則巳山乃辰巳

之巳非戊己之巳胡氏亦未辨定也顧胡氏據

水經注釋文雖引申其說而意注復古義尚闕

疑故其詩云千言鄭氏箋從缺漫把包山當巳

山深惜趙氏之徑為改釋也然據水經注水流

兩山間之文則今定山浮嶼之間南北相去里

許正為古時江地巳山之為浮山無疑矣又水

經注縣東疑縣西之譌六朝時錢塘縣治尚在

靈隱自治抵定山總屬西南路也又胡氏引說

文襄譌作裹

驚泊渚 在浮山東麓瀕江有大石周數十圍高二
三丈平砥可登昔時帆檣夜泊觸石屢驚故名今
已為湖沙所漲其上有斥埃

浮山嶠 在浮山西麓即近長山處路可達獅子山
浮嶼潭 江月松風集浮嶼下有潭聚魚玲瓏可觀

姚氏西湖志定山下有浮嶼潭深聚魚康熙錢塘
縣志浮山盤石浮江下有潭玲瓏穿穴聚魚可觀
錢惟善所謂浮嶼藏魚是也崇雅堂詩集注今浮
山下有潭廣可數頃中產蓴

定鄉小識卷七

七

有潭深黝不測魚避潮汐多聚此道光初有黑
魚長六尺餘人猶見之今已漲沙矣此蓋據魏
氏志盤石浮江下有潭之語而為此說也不知
錢思復云浮江如盤石特以盤石況山耳非指
驚泊渚大石也魏氏刪如字而倒引其文潭遂
居盤石下矣若胡氏詩注產蓴之說似以今長
山湖為浮嶼潭豈湖即潭之異名耶

長山一名眠 元豐九域志錢塘有長山萬厓錢塘
縣志石龍之支東南行為長山

長山在浮山西平岡橫衍而南盡處有醜石形

如臥獨故名胡氏詩注引元豐志文而云長山
在浮山側土人尚仍其名諸傳誌均失載豈胡
氏未見聶氏志文歟

湖東隴 俗名梧相術 在長山湖下山之間即其匯流為
湖處也

長山湖 在長山下西至湖下山岸山成湖廣約七
十畝南岸築埂以埭湖水灌湖下畝田二百餘畝
湖稅為省垣佑聖觀所納灌水之田輸租觀中遠
近鱗接以次額輸傍湖山田旱歲無涸圻之患漑
注以時湖水渟滲多藻荇產蓴尤佳美惜居民無

定鄉小識卷七

末

知者魚亦極肥屢師釣叟蝦籠蚌燈每春雨初漲
山月夜沉漁話波聲空谷互答湖濱山壁俯瞰澄
潭樵女茶孃往來岸畔湖口兩山抱互環合一鑑
中涵渟泓山腹墨鷺編鷗狎浴晴波真能漫衍不
迫吐納光景者也昔秦少游龍井記有云岸江之
山多為所脅而不暇以為泉是湖近江獨克滯聚
不屈於豪悍以虧疏其氣抑何以致耶湖形勢與
銅鑑湖相似而較小胡氏以為浮嶼潭未知孰是
然其云廣可數頃則與湖之廣闊亦不合也
湖下山 在長山西以東麓傍湖故名陰為袁家莊

泉井山一作旋井山 萬厯杭州府志浮山南爲泉井山

萬厯錢塘縣志石龍之支東南行爲旋井山

琴山一名餘山 在浮山西北定鄉紀游由定山陰折而

北至袁氏莊有鯨山相傳唐以前地尙沒江中是

山兀傲江心舟觸輒覆疑若吞舟然故曰鯨山或

曰山有石平若列案上可布席坐撫琴故曰琴山

浮山浦 在浮山下迴龍庵前有埗曰浮山埗洩浮

山之水東流入江今爲風濤衝齧爲浦者數處矣

浮山渡 在浮山浦口近山諸村西路入縣由此曉

去夕還與袁浦渡吳浦渡爲定鄉沿江入縣三渡

定鄉小識卷七

充

定鄉小識卷八

錢塘張 道少南

山水記 八 曇山路

湖步東路南出為洞子山為董家青山為堂

芝塢為石牛灣為雞籠山為小嶺又傍石龍

而南為蔣波山為獅子山為姚家塢為陸家

嶺為豬孃山為花山山麓為花山嶠西為曇

山有仙人洞有石鼓有丹窟有棋枰石有石

浴室北為小嶺南為饅頭山又花山南古有

明聖湖宋為石湖今為銅鑑湖又南為瓜藤

定鄉小識卷八 一

山為筆山又南至瀟橋為虎頭山為挂榜山

出公館山為解頭山有公館井又東為鯉魚

山

洞子山 康熙錢塘縣志郡志在西塢山東五里又

東二里接廟山

山在湖步東與楊梅隴東西相對去廟山甚遠

郡志說非

董家青山 在湖步東

堂芝塢

石牛灣

雞籠山 在湖步東

小嶺 在雞籠山東為石龍山初起處可達滕村

蔣波山

獅子山

姚家塢 在湖步東

鄭永祺

春盡日游姚家塢

緩步徐吟過小橋飽收春景只今朝田翻麥浪流

雲去風約鶯聲逐絮飄數點落花浮水面幾家茅

屋襯山腰眼中正戀韶光好無那東風別柳條

定鄉小識卷八 二

陸家嶺 在湖步東

豬孃山 在陸家嶺南

花山 在曇山東宋鄭次山築園亭於曇山種花於

此故名

花山嶠 在花山麓與曇山連腳處

曇山一作 萬麻錢塘縣志石龍山之支東南行為

曇山四圍皆石玲瓏秀巧康熙錢塘縣志曇山一

作曇山郡志在西山東二里山石玲瓏北有小嶺

達定南公館

宋咸信志云曇山在錢塘縣去城五十里近廟

山在楊村有慈嚴院夢梁錄云楊村曇山慈嚴寺之後名風水洞皆誤以雲泉山爲曇山而曇山則未著錄也山在雲泉東二里卽郡志所云西山東蓋雲泉俗呼西山也山東南面微有土餘盡石峯奇秀靈巧如樓閣人物仙禽怪獸者莫可繪狀皴皺瘦透巖穴百出雖雲林畫幀未殫其秀傑也湖上諸山惟飛來峯香林瑞石山差堪伯仲蓋石龍聳拔奇峭靈氣旁洩故曇山以花山爲禰而酷肖其祖形如蹲獅山石上有纜痕深刻數寸相傳昔時山岸瀕江帆檣上下

定鄉小識卷八

三

負纜所過處宋鄭次山曾築園亭於此石間階級遺跡尙存朱文公兩游曇山題名石上

朱文公

題曇山

頽然見茲山一一皆天作信手銘巖牆所願君勿鑿

右詩在曇山棋枰石側磨厓甚低字跡猶彷彿可讀此公初游曇山時作故有頽然忽見之意萬厓錢塘縣志引文公紀事紹熙甲寅題名下云晦父因題石上云云則以此詩亦爲甲寅作

矣且以信手作起句於詩語便索然其譌不待辨而明也稱公爲晦父亦非君者鄭次山也

仙人洞一名精虛洞

在曇山萬厓錢塘縣志曇山有仙人洞洞門石關一石從空駕其上

洞在曇山西廣丈餘高約五丈許洞口雙石侍立如門入門徑凡三折長五十餘步石厓撐覆形如厂宇洞上石笋橫眠孤擎俯仆約十餘丈若伸長臂游人仰睇驚將墮壓上有紹熙三年磨厓篆書清虛洞天四字當爲鄭次山輩所題一石孤圓駕空風吹欲墮洞外石壁卽朱文公

定鄉小識卷八

四

題名處

沈九如字宣子錢塘人著七柳軒集

仙人洞

峭壁橫江浦陰厓望或開石門懸雨露玉洞鎖風雷每憶乘驟去時聞跨鶴回金丹求道至彷彿見蓬萊

吳棠禎

仙人洞

石室神仙窟曇山尙未歸笑迎三雅爵長見五銖衣大火留丹竈春雲守釣磯高空有笙鶴重與叩

巖扉

石鼓 在仙人洞內萬厯錢塘縣志仙人洞內空明有石鼓

洞內又有石床石几諸勝皆仙跡也石鼓康熙錢塘縣志入古蹟

丹窟 在曇山仙人洞側萬厯錢塘縣志仙人洞旁

有小窟奇石空洞康熙錢塘縣志曇山有丹窟

去仙人洞數十武有石室廣五丈餘高二丈餘

中可坐十數人相傳仙人鍊丹於此俗亦呼為

仙人洞魏氏志入古蹟

定鄉小識卷八

五

棋枰石 在曇山朱文公題詩處平砥可弈棋左右

石磴有凹可二人對坐疑為鄭次山園亭中遺蹟

也旁有石危立皴瘦如畫

石浴室 在曇山石形如竈有窪如釜相傳仙人澡

浴處

小嶺 萬厯杭州府志在曇山北東達定南公館

饅頭山 在曇山南孤突低圓四圍皆田

明聖湖 宋時名石湖今名銅鑑湖 劉道真錢塘記明聖湖在縣

南父老相傳湖中有金牛古嘗見其映寶雲泉照

耀流精神化莫測遂以明聖為名水經注錢塘縣

南江側有明聖湖父老傳言湖中有金牛見神化

不測湖取名焉咸淳臨安志明聖湖劉道真錢塘

記云湖在縣南二百步父老相傳湖中嘗有金牛

見遂以明聖為名酈道元水經注此湖在縣南江

側又仁和縣東十八里亦有明聖湖崇雅堂詩集

注按趙誠夫東潛文稿西湖非明聖湖辨據水經

注咸淳志定以武林水為西湖而明聖湖別在錢

塘定山南鄉其駁正成化府志之謬卓然可信然

於所著水經注釋及刊誤均不載此說豈因駭俗

削之歟

定鄉小識卷八

六

明聖之強屬西湖久矣趙氏創辦其非胡氏續

伸其說其定鄉雜咏有強把西湖號明聖靈蹤

誰訪定南鄉之句見駝為馬腫背聞者不無駭

然然據縣南江側之語西湖古不通江田氏游

覽志及毛稚黃己力辨之則湖之在定南瀕江

處信矣今父老相傳言曇山有金牛大霧則見

蹊田齧禾蹄跡宛然湖去曇山僅半里許神物

耀靈容或有之況錢塘記云映寶雲泉照耀流

精雲泉者風水洞山即俗呼西山者也雲泉與

湖東西踞勝金牛寶氣光映是山矣趙氏之說

洵非虛也夫湖西之山尙號雲泉湖旁之地猶名湖步則銅鑑湖卽石湖石湖卽明聖湖確有明證要非強爭矣乃翟氏踵李氏志於西湖引水經注下竟云湖一名金牛一名明聖湧金門卽金牛出見之所且云咸淳臨安志但云舊名錢塘湖不知尙有武林水錢水錢湖明聖湖金牛湖及龍川錢源諸名在矣豈未見趙氏文耶夫湖步自曇山水洞而外古皆傍江是以錢塘記僅云縣南水經注確指江側至咸淳志引記文於縣南下增二百步三字考六朝縣治在靈

定鄉小識卷八

七

隱如縣去湖僅二百步則顯湖甚近何以處靈隱諸山之互隔也蓋潛氏不知石湖卽明聖湖故卷中又別出石湖而於此處第引舊文弗加論斷可知湖在宋時其隱晦已如此然其不爲西湖則確也若所云仁和東之明聖湖疑卽葛澧錢塘賦中之明星湖星聖轉譌形聲悉近而魏氏錢塘志誤會是文又似知石湖之爲明聖者遂云石湖在南鄉仁和界鞞鞞模糊何以信今傳後耶

趙一清

字誠夫號勿藥一號小林仁和人著有東齋文稿

西湖非明聖湖辨

今上御極之六年制府彭城李公以西湖歲久葑合其旁且占爲私田顧錢盡拓其舊水利用興亭樹花木百度煥新事無留難役不煩擾又以先皇翠華所曾巡幸請

行宮爲衣冠游廟

御書聖因寺額志乘弗備懼無以昭示後世遂開館於南權關署敦禮魁儒碩學主其事余以謫材謬膺授簡分得藝文物產寺觀詩話四門草創略就公適

定鄉小識卷八

八

入
觀京師而志事遷延未卽上於時有謂西湖卽故明聖湖者考漢書地理志錢塘西部都尉治武林山武林水所出西湖之源實出南北諸山溪谷縷注下有淵泉百道瀦而爲湖則武林水卽西湖也舊名錢塘湖白文公詩湖號錢塘瀉綠油者亦曰上湖見於石記未聞別有所名自成化杭州府志作而明聖之名乃強加矣蓋吾杭郡志宋有圖經南渡後以臨安府爲行在所周濂撰乾道志僅存三卷施愕撰淳祐志今失傳傳者惟潛說友咸淳志百卷而已明洪武初

天台余大章一夔為郡學博士始克修之以簡明稱美繼是永樂景泰正統三朝皆有成書竝散亡無可考成化十年夏太常時正復修為卷六十有三田副使汝成輯西湖游覽志頗徵引其書而不知書之多誤也按成化志云西湖在郡西劉道真錢塘記云西湖在舊縣南二百步父老相傳湖中嘗有金牛見名明聖湖後以在郡西遂名西湖亦名錢塘湖源出於武林泉周迴三十里考之咸淳志則云西湖在郡西舊名錢塘湖源出於武林泉周迴三十里在三十卷二卷余初訝其脫略卒讀之又云明聖湖劉道真錢塘記云

定鄉小識卷八

九

湖在縣南二百步父老相傳湖中嘗有金牛見遂以明聖為名鄺道元水經注此湖在縣南江側又仁和縣東十八里亦有明聖湖在三十卷不禁快然曰誤在是矣夫成化志既襲用咸淳志宜乎不改其舊而竟鈔變其辭遷就己說卷帙不相屬條目不相貫何鹵莽滅裂之甚耶乃前人既徇名而失實後人復文過而遂非一誤再誤伊於胡底如游覽志總序云西湖故明聖湖也漢時嘗有金牛見湖中人言明聖之瑞遂稱明聖湖夫以父老相傳之陳迹而確然指為漢時以神化不測之荒詞而公然謂為瑞事未知出何

紀傳是何年月迄今二百餘載莫覺其非或致難曰惡是何言也是出水經注者也而何敢重非則請申水經注之文可乎注云縣南江側有明聖湖父老相傳言湖中有金牛見神化不測湖取名焉按劉道真錢塘記曰明聖湖在縣南父老相傳湖中有金牛古嘗見其映實雲泉照耀流精神化莫測遂以明聖為名鄺氏所引蓋出於此也縣有武林山武林水所出也此語全本班志觀其文義自縣南江側至湖取名焉為一節縣有武林山云云又為一節注分著明聖湖與武林水而必欲混為一區尤可怪也或曰子之說甚辨然明聖湖今無其地烏知湖之近南一方者非其故址乎余曰果如若言

定鄉小識卷八

十

則明聖湖不過與孤山路水心寺分西湖之片景段奇耳猶之宋時嘗建德生堂以湖為放生池不可云西湖一名放生池也明孫山人一元泛舟湖上舉酒屬客曰此可名高士湖矣未得云西湖故高士湖也倘明聖之地合并於西湖作書體例咸淳志但當牽連附見奚用二卷分列為此喋喋者哉然則明聖湖究在何所曰在錢塘定山南鄉定山南鄉有沙蕩湖步藤村分金四里見咸淳志吳自牧夢梁錄云定山南鄉有名湖劉道真錢塘記云明聖湖在縣南二百步定山一名獅子山太平寰宇記云突出浙江數百丈萬厓杭州府志云在

錢塘江口去縣治東南四十里按當是十里是與縣南四里之誤江側一語正相脗合迤邐而西向阻月輪山五雲山龍山南屏九曜諸山踰嶺越澗直須五丁之手以通此一綫西流之水也有是理乎或又曰成化志之誤亦因郡有金牛湧金二池皆與西湖水脈相通遂借水經注金牛見湖之事以爲佐證耳殊不知金牛池乃唐六井之一而湧金池又吳越守將曹杲所鑿文穆王特賜此名親書刻石總與明聖毫無關涉使早知仁和縣東亦有明聖湖則瑞應亦屬尋常必不羨此佳名以自蹈無稽之咎矣且成化志之說最叵信

定鄉小識卷八

十一

其志水利云西湖莫詳何始唐宋之間靈隱寺詩門對浙江潮是時靈隱山址猶潮汐之地迨李泌刺杭州以城中水鹵惡引西湖水爲六井以便民汲以此觀之杭之有西湖其在之問游靈隱之後泌刺杭之前乎紕繆若此真同嚼語而猶奉爲典型垂爲掌故何夢夢也況自三唐兩宋歷元以迄於明初白蘇二公外歌詠此湖者人不下數百家詩無慮數千首又如白廷玉之二賦文成數千言曾有一字一句之及明聖否葛澧錢塘賦云城之外有西湖焉又云湖則御息明聖陽陂臨平南上南下明星建寧其特舉而

類列者固昭昭也惟南宋人周輝作清波別志載同時許仲啟云廊道元水經注錢塘湖本名神聖湖自炎祚中興高宗嶽狩於此及議諡號遂帶此二字夫水經注何嘗有錢塘湖本名神聖之文且又易明聖爲神聖以強合於帝王之諡號小說家之妄誕無徵類如此試觀元和郡縣志太平寰宇記元豐九域志方輿勝覽輿地廣記夢梁錄武林舊事乾道咸淳兩臨安志考核精審奚至紛紛擾擾明湖聖湖爭以新奇互相標榜總因咸淳志一書編簡浩繁寓目者少是者恨不復傳而傳者往往失其所是今年冬書

定鄉小識卷八

十二

既勒成將以廣其傳苟默焉不一伸其說俾後之覽者摘其所誤於前人者而訾笑之則余之懼滋大矣李氏西湖志成於雍正十三年辨蓋是時作也趙氏因志有云西湖古稱明聖湖漢時有金牛見湖人言明聖之瑞因名而凡例中且云考漢時金牛見湖瑞應明聖 國朝鼎興重熙累洽恭逢聖祖仁皇帝軫念蒼黎屢舉省方之典

巡幸至浙駐蹕湖山明聖之瑞昭然千古其言未竟因成化郡志游覽志而更爲附會故特作是文以破積譌援據明確辨駁雄偉數百年來隨聲附和

之習一掃而盡然猶有誤焉者蓋趙氏據夢梁錄定山南鄉有石湖之語斷以明聖屬定南又以定山標鄉之故遂以明聖屬定山而臚引太平寰宇記萬厯郡志之言定山者以實之為與縣南江側一語相合不知宋時定南所轄地境四散不相聯屬如湖步在石龍西今屬安吉滕村在石龍東今屬長壽沙蕩為瀕江地今屬定南安吉分金在白沙塢北近餘杭界今屬長壽非皆附麗定山者即定山特總轄之主名實不與湖近惟湖步舊緣石湖得名趙氏知石湖即明聖而不知石湖所在強坐定山總由非躬親歷

定鄉小識卷八

三

覽故仍鵲突耳又夢梁錄石湖誤作名湖萬厯郡志云定山去縣治東南四十里其言東南當作西南而道里頗合乃云當是十四里之誤又月輪五雲諸山在定山東而云迤邐而西考據均為未的
石湖 咸淳臨安志石湖在定山南鄉夢梁錄錢塘定山南鄉有石湖石一本康熙錢塘縣志又有石湖亦在南鄉仁和界崇雅堂詩集注按石湖今無考惟定南沿山一帶地名雙漚雙漚之西南近楊村有地名白淼春水時至沮洳瀰望定鄉恆苦旱而是里獨病於潦或即石湖舊址歟證以趙氏

在定山南鄉之說亦合

石湖以在石龍山下故名趙誠夫所云定山南鄉之明聖湖即此魏氏志不知何據增仁和界三字定鄉四境無與仁和鄰者也胡氏知石湖之為明聖湖而不知銅鑑湖之即石湖因以雙漚白淼當之夫雙漚即桑柳今俗作雙流在凌溪東象山下白淼即白瀟在外板橋村南乃瀕江地名今為江湖衝齧殆盡去楊村五里去桑柳約二十里今舍眼前之瀉而強指虛遠之地良猶耳聞臆揣非親踐履故也然胡氏詩云湖

定鄉小識卷八

古

步名猶舊里呼靈泉此日耀靈無則知是湖之近湖步而其下乃云地尋白淼還雙漚何處停汎是石湖即自注石湖無考云云不更矛盾耶
銅鑑湖 在湖步口近瀆橋東距石龍山下之陸家嶺南北山脚插入湖中惟西岸當兩山衍豁為湖口居民築隄自南訖北以埭湖水湖周回約三四里水灌瀆橋阪田旱涸無憂至今賴之湖水清澈產魚極肥菱芡之利不可籌計秋菘尤佳埭於湖湖湖藏山腹境絕幽遠煙鷗雪鷺伊軋唼飛浴於蘋花荻笋之間終日不絕茶歌樵唱激響晴波

紅樹青林一川如畫惜乎窮村僻壤游賞罕經雨
激風汀寂寥終古矣湖在漢時名明聖湖南宋更
名石湖湖步里以是湖得名湖底不甚深而泥鬆
善陷俗名香灰泥與西湖同

瓜藤山 萬厯杭州府志在白巖東迤邐而來羣峯
起伏勢若瓜藤高四十五丈萬厯錢塘縣志茱萸
尖之支東南行爲瓜藤山康熙錢塘縣志在白巖
山東高十五丈迤邐而下羣峯起伏勢若瓜藤

山在白巖山西石龍山小嶺南似卽湖步東路
諸山然自瓜藤而筆山而解頭而鯉魚嶽舊志

定鄉小識卷八

五

某山在某山東鱗次排序似又在銅鑑湖南路
諸山姑存以俟考

筆山 康熙錢塘縣志郡志在瓜藤山東高十五丈
虎頭山 在涪橋庵後

挂榜山 在涪橋近公館山山岡平畫如張榜故名
解頭山 古名界頭
今名公館 萬厯錢塘縣志石龍之支東南

行爲解頭山有解頭寺康熙錢塘縣志郡志在筆
山東高三十丈有解頭寺傍有定南公館

解爲界之譌以在界石山頭故名界頭其寺卽
定明寺古界石院也今移建鯉魚山麓明時山

下有定南公館是山遂名公館山矣
公館井 在公館山下井水清甘大旱不涸汲以烹
茗不減龍泓虎跑定鄉山居者取汲溪澗瀕江者
汲飲浦澈井泉特稀惟此爲一鄉之勝

鯉魚山 萬厯錢塘縣志石龍之支東南行爲鯉魚
山康熙錢塘縣志郡志在解頭山東半里高八丈
萬厯志云在瓜藤山東回環十八里

山甚低小孤懸無麗郡志八丈之說信然回環
約僅二三里非有十八里也山面向西處今有
定明寺

定鄉小識卷八

六

定鄉小識卷八

定鄉小識卷九

錢塘張 道少南

山水記 九 雲泉山路

湖步西路南出為石灰山有石灰嶺嶺下為

地塢為松花塢為楊梅隴為鏡架山為魚頭

山為前山有前山洞錢王洞泉為大湖山為

靈山為鮑家嶺為雲泉山有風水洞下有觀

音井遶山南出為湖步溪出王安浦折而西

至新塘為燕子山至社井為石和尚山下為

社井塢又西為羅帶山為翠屏山為印山又

定鄉小識卷九

一

西為神山山北為道士山為萬丈山山北為

麻車山又神山南為塘山為筆架山又西近

富陽為長嶺山又東為石嶺又西為西山為

報山至富陽界為算帳嶺

坵 湖塘山廟山

石灰山 康熙錢塘縣志郡志在石和尚山東六里

高九十丈山惟石里人煉石為堊山半有大嶺高

五百丈長二里

石灰嶺 萬厯錢塘縣志粟山西為石灰嶺康熙錢

塘縣志茱萸尖下有石灰嶺舊邑志石灰嶺以業

名

嶺在湖步北俗呼石灰大嶺形家以為富陽祖

龍昔董蔗林相國曾禁鑿石今嶺上有廢石宕

二深不可測旁則鑿燒如故也踰嶺為白沙塢

去茱萸尖甚遠

地塢 在石灰嶺下

松花塢

楊梅隴 在湖步

鏡架山 在湖步

魚頭山 康熙錢塘縣志郡志在石灰山東一里高

定鄉小識卷九

二

三十丈

前山 康熙錢塘縣志郡志在石和尚山北三里高

八百丈

前山洞 古名錢王洞

萬厯錢塘縣志大湖山有洞曰錢

王洞洞門二皆丈許中廣二三畝不見日泉乳所

結有長一二丈者紆回二十餘洞底有小窟窟下

大潭深不可測取石投之聲如洪鐘康熙錢塘縣

志山有七洞僧祖子曾以竹茅熱火入三洞內微

明有巨石擊之如鼓聲山鱗流泉涓涓滴下病目

即愈

山口第一洞縱橫約廣三四丈高丈餘穹窿如蓋石乳下垂第二洞偃僕而進高廣倍之第三四洞非臥行不能入洞內有石床石几石釜石鼎石書匣相傳昔仙人鍊形於此最後一洞有潭甚深蒼黝澄澈不可逼視中龍寶藏焉投以巨石其聲硤礫移時始絕潭岸石徑僅廣寸許不能容趾游者心悸此洞彷彿有光餘洞皆晦父老言二十餘洞昔盡明爽明季山寇柴日乾亂時居民避難入洞有孕婦媿子於內洞遂昏暗自後游人當然火而入矣道光乙未歲大旱有龍見於洞昂首洞外形如牛吟聲如鐘數口乃隱洞中石氣陰寒而夏無蛇蝎亦一奇也洞在前山或曰泉山洞以其地近雲泉山也聶氏志云大湖山非

定鄉小識卷九

三

錢王洞泉 康熙錢塘縣志在大湖山

大湖山 俗作大和山 萬麻錢塘縣志茱萸尖之支東南行爲大湖山山頂平廣可五六十畝

山與雲泉山峯巒連屬山巔有曲徑可上路口有雙石壁立如門廣僅容馬一人當關萬夫莫入真險隘處也入石門則土地平曠竹樹陰翳

彷彿古桃花源四圍峭壁聳翠形如削成不能梯緣宋季先少傅越國公殉節匡山公子隱姓名溷跡樵父遜居於此至死足不入城市所居處礎石猶存明末山寇柴日乾結岩山中

靈山 康熙錢塘縣志郡志在縣治西南六十里高二百丈周回二十里

鮑家嶺 萬麻杭州府志鮑家嶺在縣治西南五十里東達官路至富陽

嶺在雲泉山側居人以鑿石燒灰爲業

雲泉山 俗呼西山 在湖步口近楊村高聳奇秀挺入雲

定鄉小識卷九

四

際下有風水洞洞側爲慈嚴寺

是山從來舊志失載惟聶氏志云慈嚴寺在安

吉三圖雲泉山下而山川門乃繫風水洞慈嚴

寺於大湖山下則又誤合大湖雲泉爲一矣咸

淳志又誤以雲泉爲曇山遂云曇山在楊村有

慈嚴院不知曇山自在雲泉東也而翟氏湖山

便覽引咸淳志云曇山在楊村一名雲泉山有

慈嚴院今汪氏仿宋雕本咸淳志無一名雲泉

山五字蓋翟氏亦知咸淳志之誤而不敢徑標

雲泉故臆撰以通其說然非偵耶山半石壁有

宋人篆書雲泉靈洞四字則此山之名雲泉久矣又林和靖風水洞詩云因緣偶入雲泉路林下先間接客鐘作志者何未見也

風水洞

古名恩德洞一名雲泉洞

在雲泉山杭州圖經洞去錢

塘縣舊治五十里在楊村慈嚴院洞極大流水不竭洞頂又有一洞清風微出故名曰風水洞白樂天長慶三年秋九月來游觀泉石竹木留詩咸信臨安志在楊村慈嚴院舊名恩德院有洞極大流水不竭頂上又一洞立夏清風自生立秋則止夢梁錄楊村壘山慈嚴寺之後名風水洞西湖游覽

定鄉小識卷九

五

志下洞流水潺潺大旱不涸萬麻錢塘縣志大湖山下有風洞立夏風生立秋風止有水洞水極清澈風洞在雲泉山之半石竅甚窄其旁大石壁立宋人篆書雲泉靈洞在焉水洞在山麓慈嚴寺右深廣五六丈嵌空玲瓏石乳倒懸彷彿靈隱飛來峯下洞口下垂如重簾半捲洞內高遠明豁有石乳結成僧伽像背石面水左首右跌宛如琢畫洞北石壁有罅水之所出可容一人深黑莫測人不敢入水清見底綠淨如空以手探之始驚及腕水紋圓暈方知波動終古涓涓不

見其流入溪乃聞泉聲冬日有氣如釜上蒸暖同溫泉夏則清冷徹骨偶一洗濯冷然汗止巖山之雪西域之冰無以過之其應時協候與風洞同也水源自大湖山有人以浮物驗之故酷旱不涸洞昔有烏龍乃一童子所化慈嚴寺僧圖其形藏之歲旱懸畫龍於洞門禱雨甚驗道光乙未大旱龍自洞出村童投以石亦不動洞外唐宋人摩厓題名十餘處雖石蘚剝蝕字跡可讀蓋唐宋時江沙未漲波濤淼漫士大夫憚於渡江皆緣山行故留題者多今則僻處窮村

定鄉小識卷九

六

空山寂寂惟山僧樵父往來登眺峯猿澗鳥晨昏飲浴而已游蹤久希名蹟遂闕矣又夢梁錄及聶氏之謬辨詳雲泉山

白居易

長慶二年七月自中書舍人出守杭州

予以長慶二年冬十月到杭州明年秋九月始與范陽盧賈汝南周元範蘭陵蕭悅清河崔求東萊劉方輿同游恩德寺之泉洞竹石藉甚久矣及茲目擊果愜心期因自嗟云到郡周歲方來入寺半日復去俯視朱綬仰睇白雲有媿於心遂留絕句

雲水埋藏恩德洞，簪裾束縛使君身。暫來不宿歸

州去，應被山呼作俗人。

范仲淹

字希文，吳縣人。累官戶部侍郎，卒贈兵部尚書。諡文正。皇祐元年正月乙卯，自知鄞州移知杭州。

風水洞

神仙一去幾千年，自遣秦人不得還。春盡桃花無

處覓，空餘流水到人間。

林逋

字君復，錢塘人。

風水洞

平昔嘗聞風水洞，重山複水去無窮。因緣偶入雲

定鄉小識卷九

七

泉路林下先聞接客鐘。

元居中

錢塘人。康定中，台州守官。至太常少卿。熙寧二年，與知杭州祖無擇詩人張先同游。

風水洞

二洞標奇古，連巖葺宇新。涼生清桂曉，暖漲碧桃

春。間擁東方騎，來尋北隴人。破雲拖蠟屐，琢句寫

霜筠。譚劇頻飛屑，歌長口落塵。為探瓊巖勝，不記

玉觴。巡下客，慚長穎。高筵飲德醕，追蹤到峯頂。疑

化九霄身。

蘇軾

熙寧四年通判杭州。六年正月二十七日，游風水洞。時公年三十八。李節推名必見。

烏臺詩案及傅藻紀年錄。

往富陽新城李節推先行三日留風水洞見待

春山磔磔鳴春禽，此間不可無我吟。路長諸書引

今從集本漫漫傍江浦，此間不可無君語。金鯉池邊不

見君，追君直過定山村。路人皆言君未遠，騎馬少

年清。且婉風巖水穴，舊聞名只隔山溪。夜不行溪

橋，曉溜浮梅萼。知君繫馬巖花落，出城諸書引

集三日尚遲，遲妻孥怪罵歸。何時世上小兒誇疾

走如君，相待今安有。

風水洞二首和節推

風轉鳴空穴，泉幽寫

李志西湖志作石門虛心閣

定鄉小識卷九

八

地籟妄意覓桃源，過客詩難好。居僧語不繁。李志

志作煩今歸瓶得冰雪清，冷慰文園

山前乳

李氏西湖志作雨今從集本水隔塵凡山上仙，風舞檜

杉。細細龍鱗生亂石，團團羊角轉空巖。馮夷窟宅

非梁棟，御寇車輿謝轡銜。世事漸艱吾欲去，永隨

二子脫譏讒。

蘇轍

字子由，與兄同登進士舉制科。

和子瞻題風水洞

風送江湖滿洞天，洞門可聽入無緣。土囊鬱怒聲

初散，石齒聳牙勢未前。樂奏洞庭真跌宕，歌傳帝

所亦清便何人隱几觀遺韻重使顏成問答然

趙字開道西安人 十年五月癸亥自知越州資政殿大學士知杭州

大學士右諫議大夫移知杭州

風水洞

風穴有聲連水洞聽風觀水暫閒身杭州未入從

容甚且與南山作主人

司馬樞字才叔温公光之從孫 生薦應制舉中等遂為錢塘幕官才

叔之游風水洞其在省兄幕中時歎

游風水洞

藤梢蔓荒寒蕪花蔭空青窈窕石竇中兩耳風雨

定鄉小識卷九

九

并初聞聲蕭騷活火急銅瓶再聽逗餘響萬羽起

寒汀我疑此山空石腳連滄溟中有蛟龍蟄鼻息

隱雷霆又疑仙翁去丹竈留巖局至今爐鼎中水

火爭不停山前老比丘霜眉眼如螢能傳古老語

濯吾耳昕醒便欲委塵凡脫拔隨爽靈

張商英字天覺蜀州新津人 大觀三年十二月以龍圖閣學士知杭州

風水洞

嶺頭松竹自生寒兩穴茫茫徹鬼關風竊虎威時

弄草泉欺龍睡故離山不嫌浙瀝驚人耳聊挹清

冷洗病顏窗外月高湘簾冷更無閒夢到人間

許字仲途泗州人與蘇東坡游蘇有次韻 元發許仲途素少游及次韻許遵詩

風水洞

水洞連風洞精藍兩洞前山高易藏日樹老不知

年板有華宗什名留少傅篇煙波門外境寂寞變

桑田

錢惟善

風水二洞

空穴風來自吸噓垂巖出水綠李氏西湖志作廣 渠渠天

門此際通閩闔海眼何年洩尾閭隱者難招應化

鶴飛仙可挾西湖志 更乘魚留題太守懷蘇白好

定鄉小識卷九

十

事今無五馬車

吳農祥字慶伯號星叟一號大滙山樵錢塘人康熙己未薦舉鴻博有梧園集

風洞

隣江石屋見曾稀鮮鷗長夏寒侵衣紅雨青精結

乳竇丹梯綠樹開巖扉春深鹿女采藥去日暮龍

神持鉢歸江干勝事頗幽絕與君攜手又斜暉

魏字步庵南樂人康熙丙戌進士知 嶺塘縣事廉潔自矢有循吏風

風洞

富春潮退長漁竿石洞爭披薜荔看夜夜月華生

白芒年年江雨浴紅蘭

十里層巒洗眼看參差風竇影珊瑚與君滿酌玻璃酒堪敵江干六月寒

鄭永祺

風水洞

水洞兼風洞低昂兩竅張四時微籟起千古一流
長僧院依泉靜松陰遶澗蒼小亭通廣陌曲徑達
崇岡籜粉含新色藤花吐細香蟬喧幽樹迥雲定
翠巒涼撫景神先爽消閒暑已忘蘇公會眺覽白
傅昔徜徉人去山靈怨詩留石壁荒雅游誰復繼
清嘯我何妨過客登臨寂鷲禽雜遝翔殿傾塵疊

定鄉小識卷九

十一

風水洞

風轉水流恩德洞披風激水縱閒身留題千載懷
蘇白句裏笙簧韻更新

蘇軾

臨江仙

風水洞

四大從來都徧滿此間風水何疑故應為我發新
詩幽花香澗谷寒藻舞淪漪借與玉川生兩腋
天仙未必相思遠憑流水送人歸層巒餘落日草
露已沾衣

嚴

字子贊號顯亭餘杭人順治乙未
進士官戶部侍郎著有舉園集

水洞

水洞泉聲靜冰輪月色寒紅霞逼香漢碧雨動波
瀾驚鵲知秋曙潛魚躍夜闌秋毫真可數倚棹許
誰看

顧豹文

字季蔚號且庵錢塘人順治乙
未進士官至御史有世美堂集

定鄉小識卷九

三

水洞

水府泉新落江門月上初斜飛金蟾竦爭碾玉蟾
蜍瑤闕沉深夜銀河下太虛相思不相見東望渺
愁余

觀音井

夢梁錄楊村路上有觀音井

今風水洞側有穴流水成池池中有石突出名

曰觀音洞疑卽井也

湖步溪

一作塢

萬厓錢塘縣志塢埠溪環大湖山

出楊村王安浦入於江

溪有十八曲相傳烏龍由溪入江聞母呼哭聲

則一回頭凡十八回溪遂有十八折俗名望孃十八灣

王安浦 一名楊村浦 萬厯錢塘縣志塢埠溪出楊村王安浦

安浦

浦在楊村上接湖步溪下達周家浦入江緣浦有閘有壩以時開閉灌田甚廣

燕子山 康熙錢塘縣志郡志在石和尚山稍東高十丈

十丈

山今在新塘以形如燕故名

石和尚山 萬厯杭州府志石和尚山在縣治西南

定鄉小識卷九

三

六十五里高六百丈周回十里山巔巨石如僧伽狀故名萬厯錢塘縣志茱萸尖之支東南行為石

和尚山康熙錢塘縣志郡志在縣治西南六十五里高六百丈周回一里山巔巨石狀如僧伽故名

山在社井塢山頂石峯矗列如龍脊鱗鬣有石如人竦立山巔遠近望之奇肖

社井塢 在社井山中有龍池寺

羅帶山 萬厯杭州府志主山高百丈周回二十里左右羣峯迤邐環繞若羅帶然萬厯錢塘縣志茱萸尖之支東南行為羅帶山康熙錢塘縣志郡志

黃尖之支東南行為羅帶山康熙錢塘縣志郡志

在縣治西南七十里高百丈周回二十里羣峯環列縹緲若羅帶縣西南諸山惟此多虎

翠屏山 康熙錢塘縣志郡志在羅帶山北三里

印山 康熙錢塘縣志郡志在羅帶山東三里溪水環圍形若浮印去南五里為富陽界

神山 萬厯杭州府志在縣治西南六十里高四百丈周回四里萬厯錢塘縣志茱萸尖之支東南行為神山康熙錢塘縣志郡志在縣治西南六十里高四百丈

道士山 康熙錢塘縣志郡志在神山北一里

萬丈山 康熙錢塘縣志郡志在神山北三里山形險絕至者卻步

麻車山 康熙錢塘縣志郡志在萬丈山北一里今近社井有地名金麻車其卽山所在歟

定鄉小識卷九

西

塘山 康熙錢塘縣志郡志在神山南一里

筆架山 康熙錢塘縣志郡志在神山南三里

長嶺山 康熙錢塘縣志郡志在神山山西三里接富陽山其北為餘杭山

石嶺 萬厯杭州府志在神山東峻極人不易登南通上埠

通上埠

通上埠

通上埠

通上埠

通上埠

通上埠

通上埠

通上埠

通上埠

西山 萬厯杭州府志在縣治西南六十里高七百丈周回二十里康熙錢塘縣志郡志在縣治西南六十里高七百丈周二十里西連富陽界之廟山

報山 咸淳臨安志報山近廟山

新嶺 俗名算帳嶺在富陽界嶺東為錢塘嶺西為富陽二邑於此判界然實平坦非嶺也

湖塘山 俗名大嶺頭

湖埭山 俗名大嶺頭

廟山 古名廟子山 咸淳臨安志去城 康熙錢塘縣志引城字上有州字

定鄉小識卷九

五

五十里突出江心潮勢至此方殺夢梁錄巫山頭名廟山又謂之椽山成化杭州府志在縣治西南去城十五里 十五乃五之訛 康熙錢塘縣志廟山西去

為富陽江界湖山便覽在曇山西近富陽縣境處

宋史袁韶傳云韶知桐廬縣錢塘岸歲為潮齧

率取石桐廬韶言廟子山有石不必旁取鄰郡

遂得永免嘉定四年召為太常寺主簿父老旗

鼓蔽江以餞至於富陽泣謝曰吾曹不復輸石

矣所云廟子山即此至夢梁錄巫山椽山之名

久不著胡敬崇雅堂詩集注云浮山今土人呼

巫山頭蓋浮與巫一聲之轉然據夢梁錄則定

鄉本自有巫山頭胡氏亦不能確指巫山為廟

山也是山跨屬錢塘富陽故兩邑志乘皆著於

錄今已屬富陽宋時潮殺於此今定鄉已為桑

田江身束狹潮至潭頭渡漸次殺小不俟至廟

山矣

王同祖 字與之號花洲金華人清祐中官建康府通判改差沿江制置使機宜文字著有初稿

初稿

廟山道中

蕭蕭疎雨點孤篷舟子招呼語順風小麥青青春

定鄉小識卷九

六

卻半一犁江上看田翁

定鄉小識卷九

定鄉小識卷十

山水記 古漁浦路

錢塘張 道少南

浮山西江流為古漁浦有漁浦渡

漁浦一名魚浦亦名漁潭一名魚潭 吳郡記富春東

三十里有漁浦十道志漁浦舜漁處也咸淳臨安

志漁浦潭晏公輿地志在郡西南夢梁錄漁浦潭

按今輿地志在郡西南嘉泰會稽志漁浦在蕭山

縣西三十里姚靖西湖志定山下有浮嶼潭深聚

魚對岸為漁浦謝靈運詩所謂宵濟漁浦潭是也

定鄉小識卷十

一

康熙錢塘縣志江濱有浮嶼對岸為漁浦謝靈運

詩宵濟漁浦潭是也又稱鮎魚口康熙富陽縣志

漁浦在縣東南三十里靈峯村東流入江吳郡記

曰富春東三十里有漁浦文選邱希範有旦發漁

浦潭詩謝康樂錢起咏漁浦皆有佳句湖山便覽

浮山下為漁浦在浮山西謝靈運詩朝發漁浦南

暮出富春郭是也今俗稱鮎魚口一統志浙江東

西渡口西興漁浦為往來之要津

漁浦古浙江上流異名也實即江樵書云浙江

之水自富春達於錢塘海甯龕楮兩山以入於

海始名浙江其前此則浣浦漁浦蘭谿桐谿不

一其名是也其地跨屬錢塘富陽蕭山三邑故

吳郡記屬富春輿地志屬錢塘會稽志屬蕭山

而陸放翁詩隨潮入縣之句則正專指富陽蓋

江北岸自錢塘浮山西至富陽廟山界江南岸

自蕭山潭頭以在漁浦潭南抵漁浦街在義橋

三折而西至富陽漁山以山臨漁界中流東西

約三十里南北約二十餘里胥名漁浦江面岸

山田漫無際波濤湧洞形勢險惡錄異記云潮

頭越錢塘過魚浦方漸低小潘閔詩有漁浦風

定鄉小識卷十

二

波惡句故宋時士大夫皆憚於渡此今蕭山尚

有潭頭漁浦街諸地名且於義橋鎮設漁浦巡

檢司故蕭山漁浦之名特著富陽尚有漁山漁

溪以在漁諸地名故富陽漁浦之名亦傳而錢

塘浮山而外大江中流沙洲涌漲化為桑田矣

咸淳志中定南鄉管之沙蕩里即古地名更變

漁浦地今余里及瀕江諸村地皆是無復古稱志乘荒畧不為著錄惟翟氏有在浮

山西之文然亦仍屬鶻突而魏氏志僅於定山

下附見且遠指諸對岸古名隱晦肇於此矣魏

志浙江條下有云沿江有浙江渡龍山渡鮎魚

口一折二折三折諸名頗與所云俗稱鮎魚口
之文相合而鮎魚口之地在蕭山

今范村對岸沙洲地名鮎

魚嘴去潭頭若干里於是志蕭山者爭於東譜富陽者攘

於西尺喙紛呶迄爲聚訟而越人悻然辨漁浦

爲蕭山地不知吳越環爭三江自春秋越大夫

已言之中流之號統之則共署析焉亦分屬故

如太湖萬頃漫流江浙瀟湘如鏡跨接楚蜀攬

形志勝彼此兼收漁浦之地要亦猶是惟成化

杭州府志有云龍山渡在六和塔下對蕭山縣

漁浦而姚氏志浮嶼對岸之文

魏志本此後李氏西湖志引魏

定鄉小識卷十

三

志文去對岸二似亦東指蕭山與會稽志明文

字則屬錢塘矣

同義然究不得專坐蕭山而遺錢塘與富陽也

至錢氏富陽志不知漁山以臨漁浦得名乃以

漁山谿谷澗浦之水當之遂云漁浦在靈峯村

卽漁山地名東流入江亦未識山下之江卽爲漁浦

也漁亦作魚古通用李嘉祐送從弟永任饒州

錄事參軍詩水宿山行魚浦西正作魚云潭者

狀其深也六朝時岸設漁浦邏主寮劉宋永平

間任農夫斬曾稽太守孔頸軍主孔奴於此南

宋時岸口有郵亭

又陶氏全浙詩話云按漁浦詩自康樂以下有

邱希範常建陶翰潘閔陸游諸名作流傳後世

或以爲在浮山西屬錢塘或以爲與臨浦相近

屬蕭山然蕭邑八景中所謂漁浦煙光者卽此

且此地設巡司管轄其來已久考成化杭州府

志言錢塘之龍山渡在六和塔下對蕭山縣漁

浦又言魚山渡亦在六和塔下與西興相望不

遠潮勢至此已殺憚於渡漁浦者由此然則漁

浦之爲蕭山地無疑夫臨浦江古不通大江自

明時鑿磧堰山堵麻溪壩然後引金華諸暨之

定鄉小識卷十

四

水入於浙江若云漁浦與臨浦近此乃不達古

今形勢之語也至漁浦煙光之景正與羅剎潮

聲同義漁浦羅剎爲江面公家名目屬吳屬越

原無專指如錢思復定山十詠有漁浦春潮詩

別錄不得云漁浦僅屬錢塘而蕭山無漁浦也

儒者持論貴明通胡可執一廢一耶若夫成化

郡志最爲叵信所云龍山魚山二渡旣在六和

塔下對岸正指冠山而漁浦在西西興在東俱

非徑對且漁山渡一節正襲成淳志文而小變

其說卽六和塔下潮勢烏能便殺況漁浦在塔

西南直上文義未為明晰余於漁山渡條下詳辨之陶氏所據僅對蕭山縣漁浦六字烏得援為定讞也胡氏定鄉詩注僅以潛氏不應有誤駁之尚未足以關其口耳

漁浦

春至百草綠陂澤聞鷓鴣別家投釣翁今世滄浪情漚紉為縵袍折麻為長纓榮譽失本真怪人浮此生碧水月自闊安流淨而平扁舟與天際獨往誰能名

邱遲字希範吳興烏程人

定鄉小識卷十

五

旦發漁浦潭一作早發

漁潭康熙富陽縣志霧未開赤亭風已李氏西

亦賜權歌發中流鳴鞞富陽縣志響杳紹興

非踏障一作村童忽相聚野老時一望詭怪石異

象嶺絕峯殊狀森森芳富陽縣志李氏西湖志

齊析富陽縣志析寒沙漲藤垂島易陟崖傾嶼難

傍信是永幽棲豈徒暫清曠坐嘯昔有委富陽縣志

委紆與卧治富陽縣志今可尙

文選注云遲為新安太守經此潭宿中流作

孟浩然字浩然襄陽人

早發漁浦潭

晨旭早蒼茫渚禽已驚聒臥聞漁浦口橈聲暗相撥日出氣象分始知江路闊美人常晏起照影弄流沫飲水畏驚猿祭魚時下獺舟行自無悶況值晴景豁全唐詩晨作東注一作晨早蒼茫作早光芒注一作光蒼茫已注一作似路作湖注一作路起注一作然一作常下作見

漁潭值雨

日入林島異鶴鳴風草閒孤帆泊在渚飛雨來前山客意念留滯川途忽阻艱赤亭仍數里夜待安

定鄉小識卷十

六

流還

陶翰潤州人開元十入年中進士第又擢宏詞科官禮部員外郎

乘潮至漁浦作

艤棹富陽縣志乘早紹興府志潮潮來如風雨樟

亭紹興府志李氏西忽已隱界峯西湖志莫及觀

奔富陽縣志騰心為失浩蕩目無主風停萬縣志

風亭作灑灑紹興浪始開漾漾入漁浦雲景富陽縣志

景作共澄富陽縣志霽江山相吞吐偉哉萬縣志

富陽縣志造化工陽縣志均作靈此事從萬縣志

縣志均作終古流沫誠作富陽縣志足戒商萬縣志

縣志富陽縣
志商均作高
富陽縣志
心均作念
陸游字務觀號放翁山陰人

漁浦二首

桐廬處處是新詩
漁浦江山天下奇
得移家常住此
隨潮入縣伴潮歸

漁翁持魚叩
欲從從
潘閻

欲從從
潘閻

潘閻

定鄉小識卷十

七

歲暮自桐廬歸錢塘晚泊漁浦

久客見華髮孤棹桐廬歸
新月無朗照落日有餘

暉漁浦風波惡
志道遙集波惡作水急錢塘燈

均作龍山煙火微時驚
驚作聞沙上雁一一背南

南道遙集飛

真山民
宋季遺民名姓韜晦後人約畧揣測以為

漁浦旅懷

西風吹夢越中游
翦翦輕寒入短裘
雁字不將鄉

信寫蟲聲空和旅吟愁
郵亭細雨孤燈夜漁市斜

陽一笛秋是處山川即吾土
仲宣何用賦登樓

柳貫
初起翰林待制兼國史院編修官及卒門

早發漁浦夕宿大浪灘上

張帆得順風飛鴻與爭疾
後浪蹙亦舒前山過如

失桐江轉數灣上瀨未入日
篙工享安便坐穩頭

屢櫛人生倚造物物理微難究
詰處順安可常離憂

詎能必白鷗知此情故向波間沒

王逢
字原吉號席帽山人有梧溪集

定鄉小識卷十

八

復如乾封晚經漁浦

窮曠經漁浦寒水白如練
總總星東出獵獵風北

轉眼中獸蹄過笛裏魚狀變
稍聞刁斗應漸喜燈

火見誰家長林根繫艇沙渚
面天含瀟湘思山錯

吳越甸承平謝憂患少壯忘
羈賤瓜橋往未遑雲

源訪殊便明涉子陵灘桂酒
同一奠

金涓
字德源義烏人從許謙黃潛游友宋濂居

舟次漁浦

雙溪入東
浙終日坐危舟
流水遠明

目小篷低壓頭煙村鴉入暮江國雁賓秋一片淒涼景安排獨客愁

徐應亨

漁浦潭次邱遲韻

湯湯廣川綠獵獵驚風颺積雲擁吳濤層陰開越嶂綠蕪菱芋眠白蘋遙望煙巒各異觀雲峯倏殊狀葵隄觸浪驚沙岸乘流漲渦盤水易激湍險崖難傍鳳山眇威紆漁潭瀟清曠於焉濯塵纓聊以寫元尚

朱彝尊

字錫鬯秀水人康熙己未以布衣召試博學鴻儒科授翰林院檢討著有曝書亭集

定鄉小識卷十

九

自漁浦挂席至富陽二首聯句

扁郎唱櫂雨初消查慎行突起東風送客船百里晴

山低似屋朱彝尊一江新水健於潮自注舟人謂江

上得攜老伴無拘束慎行縱是貧游未寂寥況有

月波春甕在彝尊隔船不乏酒人招慎行

江山小船急浪衝彝尊疾若鷺鳥凌霜冬慎行

環忽轉赤亭岸彝尊俄頃不見南高峯慎行

出網白尾尾彝尊烏柏夾路青茸茸慎行井西道

人畫不得彝尊暖翠浮嵐如此濃慎行

蔡仲光字大敬蕭山人明諸生國變後高蹈康熙二十年以山林隱逸徵不起著謙齋詩集

漁浦

日暮雲飛漁浦村秋江風急水流渾射潮未發三千弩惆悵歸來早閉門

張磬字叔安號梅厓宋末為傭令著有梅厓集

綺羅香

漁浦有感

浦月窺檐松泉漱枕屏裏吳山何處暗粉疏紅依舊為誰勻注都負了燕約鶯期更閒卻柳煙花雨縱十分春到郵亭賦懷應是斷腸句 青青原上薺麥還被東風無賴翻成離緒望極天西惟有隴

定鄉小識卷十

十

雲江樹斜照帶一縷新愁盡分付暮潮歸去步閒

階待卜心期落花空細數

是詞見周草窗絕妙好詞屬樊榭箋引會稽志云漁浦在蕭山縣西三十里十道志云舜漁處也樊榭僅知漁浦在蕭山而不

知錢塘富陽之胥臨漁浦也

漁浦渡 在漁浦宋時衢睦處婺宣歙饒信及福建

路八州皆由此渡其地當次浙江龍山二渡之上

咸瀆志山川門不別標名惟魚山渡下有憚渡漁

浦之文而夢梁錄自有漁浦渡與浙江波竝稱岸

之船甚夥初非一色海舶大艦網艇大小船隻則公私浙江漁浦等渡船買賣客船皆泊於江岸則

宋明有此渡矣又馬臻浙江晚眺詩有落日正明

漁浦渡之句可知是渡在元時尙存顧江面漫廣
風波滉瀟乘潮挂席奔騰震心東坡所云錢塘江
天下之險無出其右要以漁浦爲最故浙東士大
夫皆憚於渡此今漁浦已爲平陸渡亦竟廢

定鄉小識卷十

定鄉小識卷十

十一

定鄉小識卷十一

山水記十一江浦路

錢塘張道少南

定鄉襟遶五十里為錢塘江湖地瀕江地有

孔家瀧潭有長瀧潭又東為鮎魚瀧潭又東為沿江浦有袁浦渡又南為吳家浦有吳浦渡又東南為潭頭渡為閭堰渡為西汪渡折而稍西為小笠山渡又西上為黃沙渡為墅溪渡為濤庵渡為新浦為白瀧渡為漁山渡為周家浦有周浦渡為駱家浦為上沙渡

定鄉小識卷十一

一

錢塘江 萬厓錢塘縣志錢塘江自富春來經定山五雲山至龕赭二山入於海在邑疆者凡七十餘里錢塘縣志錢塘江在縣東南本名浙江虞喜云潮水投山下折而曲一云江有反濤水勢折歸盧肇曰浙者折也潮出海曲折而倒流也一名浙河山海經禹治水至浙河又名漸江水經漸江水北過餘杭東入於海又名曲江枚乘七發觀濤於廣陵之曲江又名羅刹江因江心有羅刹石風濤至此極險又名錢塘江因縣得名也屬錢塘疆者凡五十里郡城外以龍山東南與仁和分界西南直

上至廡山與富陽分界中流與蕭山分界沿江有浙江渡龍山渡鮎魚口一折二折三折諸名

錢塘江由縣得名非定鄉所得私也然以浙山名浙江以羅刹石名羅刹江自浮山而西接富春江名漁浦浙山羅刹石漁浦均隸定鄉而縣志且云龍山東南與仁和分界則龍山渡六和塔以西此五十里之鯨波蜃沫屬錢塘者正隸定鄉矣元明以前江流浩瀚秦望五雲之上獅峯浮嶼曇山水洞以至廟山皆臨大江故公私憚於渡涉往來新安七閩者緣山陸行為多今

定鄉小識卷十一

二

則自定山抵廟山沙洲鋪漲涌成平陸而東江渚前江面僅闊二里餘與對岸蕭山間堰諸處鉦柝相聞至周家浦上沙渡口對富陽沙兩岸桑竹在望人語遙答江狹束如溝瀆淺涸時可洄而過且中流突起沙渾到處碁布江不絕者如綫惟徐村以至轉塘江面稍闊而對岸七條沙橫互波中自潭頭而下隨江勢環曲為岸無復古昔之洶涌矣滄桑變易不可意測如此今採甯氏志及李氏所引縣志今魏氏志無此文有合於定鄉故實者錄卷中其題詠諸作義例同

李剛

渡浙江

理權適桐江隨潮過漁浦山寒雪猶積江迴月初吐御氣凌煙霄乘槎渡星渚空濛老龍吟彷彿翠蛟舞境清人自愁夜靜氣尤古獨坐不成眠霜晴聽津鼓

馬臻

浙江晚眺

昔年吳越事并吞留得青山只斷魂落日正明漁浦渡歸鴉遙點范家村雲分雨脚同沙激帆趁潮

定鄉小識卷十一

三

頭出海門欲問淒涼千古意鴟夷何處有兒孫

厲鶚

晚發江干

落日挂帆去背人飛鶴鵝風煙秋半淨江水晚來波漁浦山爭出樟亭樹忽過尋源意飄蕩一聽越

鄉歌

張葵

渡江訪友

鼓櫂向南征孤篷舊有情波翻雲影亂風靜浪花平雁認晴沙落人逢斷岸驚草堂何處是林外鶴

鳴聲

秋江晚渡

寂寂樟亭挂落暉蓬窗晚眺思悠哉岸容顛頽憐紅樹沙面迷離積翠苔風促浪花隨水去山移雲影過江來獨憐小艇輕於葉遙指漁潭打棹回

鄭永祺

夜步江上

寒塘夜步酒初闌渡口人家半掩關沙渚月明鷗夢冷釣磯霜老蘚痕斑數聲風笛蒼茫裏一點漁燈縹緲間水色天光相皎潔翠螺倒影見浮山

定鄉小識卷十一

四

葛

暮

字口口號肥樊錢塘人稟生居定鄉有螺洲老人詩集

次韻史蘭石渡江曉行

一棹侵晨發客來漁浦東煙空波淨綠雲澹日嬌紅芒履草間露葛衣林外風高齋知不遠曉色漸曠曠

葛其淵

字雲門諸生螺洲老人從子有雲門詩鈔

夜發浙江

魚潭瑟瑟帶秋聲一陣西風緊水程人語乍稀村漸遠漁舟欲近火先明月沈篷底客三箇潮落灘頭夜五更聽得鄉音喧市舶前途知是越王城

江湖 錄異記錢塘江湖昔傳伍子胥累諫吳王忤
旨賜屬鏤劍而死臨終戒其子曰抉吾目於南門
以觀越兵來伐吳以鱖魚皮裹吾屍投於江中吾
當朝暮來潮以觀吳之敗自是海門山潮頭洶涌
高數百尺越錢塘過漁浦方漸低小朝暮再來其
聲震怒雷奔電激間百餘里時有見子胥乘素車
白馬在潮頭之中因立廟以祠焉水經注錢塘縣
東有定已諸山皆西臨浙江水流於兩山之間江
川浙江通志引川作水急迅兼濤水晝夜再來應時刻以月
晦及望尤大至二月八月最高峩峩二丈有餘吳

定鄉小識卷十一 五

越春秋以為子胥文種之神也

潮非獨為錢塘有也矧於定鄉體例不宜錄入
然秋風捲海月滿江高龕赭東來濤山浪屋五
雲牛坊獅巖浮嶼諸峯策筇登眺偉為壯觀元
錢思復定山十詠有漁浦春潮詩別錄名勝則潮亦
定鄉一勝槩也況潮頭怒上徐范村而西沿江
石隄暨浮山以至社井瀕江村落往往為潮衝
齧崩圯入江而江岸諸田賴潮以活桔槔曉屨
喧軋於灘牙浦尾之間潮於定鄉其利害不掩
有如此今即錄異記水經注二書故實及定鄉

山川者附著江後其題詠諸作亦援是例

羅隱 江湖

怒聲洶洶勢悠悠羅刹江邊地欲浮漫道往來存
大信也知翻覆向平流狂拋巨浸疑傾底猛過西
陵似浙江通志引似作只有頭至竟朝昏誰主掌好騎赤尾
問陽侯

蘇舜欽字子美梓州人景祐中進士累遷集賢校理監進奏院終湖州長史有滄浪集

浙江觀潮湖山便覽引作宿錢塘安濟亭觀潮

支肘聽潮聲喧歷久未停隨風過漁浦伴月出滄

定鄉小識卷十一 六

溟鱗穴何湖山便覽作復時滿胥神果有靈連天捲雲霧
徹曉下雷霆拾楫游心倦憑闌醉魄醒誰窮造物

意擬訪酈元經

俞桂字晦都錢塘人著有漁溪詩稿二卷乙稿二卷

江湖

漁浦山邊白鷺飛西興渡口夕陽微等閒更上層
樓望貪看江湖不肯歸

蘇軾

瑞鷓鴣

觀潮

碧紗影裏小紅旗儂是江南踏浪兒拍手欲嘲山
簡醉齊聲爭唱浪婆詞 西興渡口帆初落漁浦
山頭日未移儂欲送潮歌底曲樽前還唱使君詩
隴潭 在何家步西廣五百餘畝大旱不涸潭甚深
曾有人以纜懸石投百餘丈莫至其底相傳有龍
蟄焉雖漁父釣師不敢泗入魚肥大有長至丈餘
者網弗克舉宋教授孔端思結廬於潭曲故至今
呼孔家隴潭咸豐四年夏為潮沙漲沒
盛家隴潭 在葛家埭後視孔家潭稍小俗呼盛家
隴潭咸豐四年夏亦漲沒矣

定鄉小識卷十一

七

鮎魚隴潭 在沿江浦西潭去余里僅半里西近雲
洞阪有橋曰鮎魚橋其旁又有中隴潭裏隴潭今
江水時漲水落沙留潭心已淤淺矣

沿江浦俗呼袁家浦

在定南鄉九里去浮山四里餘緣

浦有袁姓居此遂謔為袁家浦西通白瀟新浦江
潮灌輸遶余里曲折而東以入於江沙口有東江
插今湮廢余曾伯祖丹厓先生築浦南草堂於此
張 葵

浦南卽景

藉草為茵坐野塘風來饒有稻花香重重林外皆

如畫雨後秋山半夕陽

葛 暮

夏日浦口納涼

浦澈溶溶上暮潮送潮風玉暑全消柳陰隔岸濃
如畫隨着蟬聲過板橋

不須占雨聽鳩鳴別浦潮回浪已平網得隨潮魚
數尾漑鷺閒看老妻烹

早稻平疇欲放花夕陽深樹數歸鴉相將橋畔乘
涼去赤腳科頭理釣車

袁浦渡 在沿江浦口浦上諸村入縣者渡此農篙

定鄉小識卷十一

八

販檣朝發暮歸陸放翁漁浦詩所云隨潮入縣伴
潮歸也與浮山渡吳浦渡為定鄉瀕江東路入縣
三渡皆有載讀若在俗以渡船為載船船父老言百年前渡在
普寧庵邊其地尚名江口後新沙漲遠渡亦屢移
今船泊新開浦東岸徑對蕭山堰斗近年秋風潮
上江中編艦避泊於此估櫓妓舫聯碇竝艫燈火
笙簫喧闐月餘始已

張 葵

袁浦曉渡

買棹去輪糧寒凝艇上霜遙憐珠閣女正在夢魂

鄉

袁浦渡舟次感懷

兩岸芙蓉一葉舟片帆高捲泊沙頭沉沉夜色初
涼雨渺渺秋江不斷流漁火棹歌人未靜青衫紅
粉酒交酬明朝此去知何處聽著琵琶憶舊游
吳家浦 在長壽鄉一里去沿江浦稍南水東入江
鄉人呼吳音同漁當卽漁浦舊地名之僅存者今
吳姓居此遂名吳家浦亦如沿江浦譚袁家浦也
吳浦渡 在吳家浦口凡東江渚東路諸村入縣者
皆由此朝發夕歸與浮山袁浦二渡同

定鄉小識卷十一

九

潭頭渡 在小沙窪後對岸爲潭頭江闊二里餘然
風濤頗險

間堰渡 在外張村後對岸爲間家堰江闊與潭頭
渡同

西汪渡 在東江渚對岸爲西汪橋江較潭頭諸渡
稍闊

小笠山渡 在東江渚對岸爲小笠山江自西來東
南逕渡口折而北流自潭頭至此四渡均渡蕭山
故皆署對岸地名

黃沙渡 在黃沙上對岸爲石門厓鵝諸沙

墅溪渡 在繆家村浦沙頭對岸爲墅溪山隸富陽

濤庵渡 在瀟裏村南舊渡口有僧院曰濤庵今已
崩圯入江

崩圯入江

新浦 在瀟裏村西受雲洞水南流入江東與沿

江浦通浦口爲漁船聚泊之所夕陽曬網曉霧鳴

榔頗得漁村之景

白瀟渡 在白瀟村舊時渡口有堦亭今崩圯數里

渡已近鎮江庵矣

漁山渡 一作魚山渡 在白瀟渡西以渡對岸漁山得名

漁山屬富陽

定鄉小識卷十一

十

宋時渡在朱橋咸淳志云魚山渡在大朱橋鹽
場兩岸相望不遠潮勢已殺浙東士夫憚於渡

漁浦者多由此又夢梁錄云漁山渡在大朱橋
及鹽倉前兩岸相望不遠江勢可畏浙東士夫

憚於渡漁浦者多由此渡據二書則漁山渡爲
浙東所由非徑渡漁山者不知何以名也而吳

氏文則朱橋鹽倉又析二處且易潮勢已殺爲

江勢可畏疑誤又湖山便覽引成化杭州府志

云漁山渡在大和塔下與西興相望不遠潮勢

至此已殺憚於渡漁浦者由此乃襲咸淳志文

而小變之者顧塔與西興東下十里而近相望
甚遙文語鶻突形勢舛迕宜趙誠夫有叵信之
譏也明時渡在王安寺前萬麻錢塘縣志云漁
山渡有王安寺今鄉人販漁山紙者春時酬神
演劇猶在寺中俗有走盡天下路難過漁山渡
之諺當指宋時渡言今江流恬鏡已失其險矣
周家浦 在安吉鄉八里周家埭受湖步溪楊村浦
之水西入於江緣浦有周姓族居故名有大壩洩
水浦上爲小市

鄭永祺

定鄉小識卷十一

十一

周浦

百錢沽酒杖頭懸小別深山入市屢眼底忽驚花
影亂隔溪流出釣魚船
醉餘信步踏平沙高柳垂垂影半斜一路花間聲
不斷浦南浦北響縑車

周浦渡 在周家浦對岸爲富陽沙江流狹小水淺
時牧童叱犢徑渡翹足牛背水不及脛喚渡人語
聲兩岸鷹答

葛 謦

次韻史蘭石曉至周家浦渡江抵長沙

晨光纔動亂蟬鳴傍水穿林不計程村樹烏鷺殘
月落溪橋客趁曉風行帆飛遠映青山色岸圻新
摧白浪聲此去江邊尋徑入蘆花淺渚宿煙橫
舟子招呼趁便船幾篙點破碧波天峯巒夾岸青
於洗洲渚浮空曠若懸長沙四江帘影晴搖茅店外
雞聲午隔竹籬邊主人定有淵明癖貯得家醅自
臘前

駱家浦

在安吉鄉八里駱家埭以緣浦有駱姓居

此故名

上沙渡

在社井江口亦渡對岸爲富陽沙

定鄉小識卷十一

十二

定鄉小識卷十一

定鄉小識卷十二

錢塘張道少南

山水記 附石門河

石門河 宋史蘇軾傳軾知杭州浙江潮自海門東來勢如雷霆而浮山峙於江中與漁浦諸山犬牙相錯洞狀激射歲敗公私船不可勝計軾議自浙江上流地名石門竝山而東鑿為漕河引浙江及溪谷諸水二十餘里以達於江又竝山為岸不能十里以達龍山大慈浦自浦北折抵小嶺鑿嶺六十五丈以達嶺東古河浚古河數里達於龍山漕

定鄉小識卷十二

一

河以避浮山之險人以為便奏間有惡軾者力沮之功以故不成蘇轍東坡先生墓誌銘元祐四年公以龍圖閣學士知杭州浙江潮自海門東來勢如雷霆而浮山峙於中與漁浦諸山犬牙相錯洞狀激射歲敗公私船不可勝計公議自浙江上流地名石門竝山而東鑿為運河引浙江及谿谷諸水二十餘里以達於江又竝山為岸不能十里以達於龍山之大慈浦自浦北折抵小嶺鑿嶺六十五丈以達於嶺東古河浚古河數里以達於龍山運河以避浮山之嶮人皆以為便奏間有惡公成

功者會公罷歸使代者盡力排之功以不成施宿

蘇詩注浙江潮自海門東來勢如雷霆而浮山峙於江中與漁浦諸山犬牙相錯洞狀激射歲敗公私船不可勝計前知信州侯臨葬親杭之南蕩往來相視地形反復講求建議自浙江上流地名石門竝山而東鑿為運河引浙江及谿谷諸水二十二里以達於江又竝山為岸凡八里以達於龍山之大慈浦自浦北折抵小嶺鑿嶺六十五丈以達於古河浚古河四里以達於龍山運河以避浮山之嶮人皆以為便時公與前轉運使葉溫叟轉運

定鄉小識卷十二

二

判官張壽同往按視如臨言遂奏疏以聞乞令三省看詳支賜錢物委臨監督而公以是月召還役竟不成春渚記聞元祐中先生指東坡以內相出典杭州水官侯臨相繼出守上饒以嘗渡江敗舟於浮山遂陰畫同江之利以獻從公相視其宜一自富陽新橋港至小嶺開鑿以通閑林港或費用不給則置山不鑿而令往來之舟搬運渡嶺由餘杭女兒橋港至郡北關江漲橋以通運河一自龍山關西出循江過六和寺由南蕩朱橋港開石門平田至廟山然後出江道二十里至富陽公詩坐陳

三策本人謀又云上饒使君更超軼坐睨浮山如
累塊知所議出於侯也乞於朝已得請而公入爲
翰林承旨林子中爲代有諛者言龍山姥嶺正犯
太守身因寢其議長公外紀公在杭州開石門河
今整龍山姥嶺正犯太守身故
寢其議按此條與春渚紀聞同

石門在黃山巖今呼石門塢去富陽城二十里
春渚紀聞所云開石門平田至廟山然後出江
道二十里至富陽正在江之上流宋時屬錢塘
今爲富陽管轄今以東坡開河狀道里形勢計
之大約其河自廟山江口引入石門平田東過

定鄉小識卷十二

三

算帳嶺竝山東行過社井諸山經風水洞曇山
折而東南行過界頭山穿界頭鯉魚兩山之間
以抵石龍山自石龍山前東過凌溪遶定山之
陰走山宋時半突出
江中故必遶其陰經定南山出桑柳畝東逕
象山折而北東緣橫山口一路即宋時稱
南蕩山者迤邐
東趨復向南抵牛坊嶺嶺島凌江不克開鑿於
是遂引河入江狀所云自浙江上流地名石門
竝山而東或因斥鹵棄地鑿爲運河引浙江及
谿谷諸水二十二里以達於江是也谿谷者即
凌溪桑柳溪橫山諸溪其達江或因朱橋浦洩

水處也自石門至朱橋港凡二十餘里正與狀
合所云斥鹵棄地指楊村浮山鹽場言也於是
由牛坊嶺而東凡范村徐村以至六和塔臨江
皆危厓峻嶺濬鑿無所施力則竝江築隄捷竹
固石以障之而引河流入於進龍浦即大慈浦
進爲龍山故名大狀所云又竝江爲岸度潮水
慈山塢水所出也所向則用石所不向則用竹木凡八里有奇以
達於龍山之大慈浦是也自牛坊嶺至進龍浦
隄江岸山河勢直趨無有紆曲故道里與今正
符於是由進龍浦而入遶白塔嶺之陰俗呼爲
烏龜山

定鄉小識卷十二

四

北行抵五子嶺一名樵歌嶺平坦而短故云小
嶺虎跑大慈山塢達江干路必
由卽春渚紀聞所云姥嶺
此卽春渚紀聞所云姥嶺
詩云公隄不改作姥嶺行開新幽夢隨子去松
花落衣巾蓋公倦倦新河猶欲來杭州成此志
也詩中姥嶺與春渚紀聞語合王注乃云姥嶺
則天姥山其陋如此查慎行曰咸淳臨安志龍
山有姥嶺公意言若得嶺下爲大慈山塢徑道
再至杭當復開此嶺也漸高河無所容故鑿嶺以通於南引河東逕阿
育王山支麓以洩於江干之貼沙河即古河今
如溝狀所云自大慈浦北折抵小嶺下鑿嶺六
十五丈以達於嶺東之古河是也於是貼沙
河以注於渾水壩之運河同流入城卽今江狀
干裏河

所云古河稍加浚治東南行四里有奇以達於今龍山之運河是也其道里形勢之可指者有如此惜乎山川名蹟古今各殊宵人忌功役復不就而東坡狀中石門大慈僅記始訖中間山水曠括不明所上地圖無有傳本石門之地遂終湮沒而後人志乘從未書載別標何其畧也今胡氏索搜不得強以進龍浦之石門當之其定鄉雜詠注云石門諸傳志不詳所在陸次雲湖壩雜記進龍浦下有石門進此者每爲伏弩所射以證坡公開河狀其地正相合云攷陸氏

定鄉小識卷十二

五

雜記六和塔條云進龍原作龍浦下有鐵嶺關說龍是宋江藏兵處有石門進此者每爲伏弩所射是說蓋委巷鄙談本不足爲左證况自石門至大慈浦凡三十里有奇狀中自某達某指如畫掌而乃以爲自浦中石門發軔顛倒舛迕誰其信之且是石門爲關而造以石築門端由人力竝非地名而浦居浙江下流尤難避嶮胡氏於道里形勢胥未攷鏡遽云與狀相合然則東坡風水洞詩有云泉幽瀉石門亦可云石門在風水洞耶又楊升庵蘇隄記作石門山記云公又

欲鑿石門山運河以避浮山之險當時妒者盡力排之蓋以石門竝山之語而譌也石門運河本未開濬無關山水不宜列入但王氏玉海紀元中於歷代未用年號一體詳載今仿其例附

卷末

蘇軾

乞相度開石門河狀

臣謹按史記秦始皇三十六年東游至錢塘浙江水波惡乃西百二十里從狹中渡始皇帝以天下之力徇其意之所欲出赭山橋海無難而一本此下有獨

定鄉小識卷十二

六

字畏浙江水波惡不敢逕渡以此知錢塘江天下之險無出其右者臣昔通守此邦今又忝郡寄二十年間親見覆溺者無數自溫台明越往來者皆由西興徑渡不涉浮山之險時有覆舟然尙稀少自衢睦處婺宣歙饒信及福建路八州往來者皆出入龍山沿派皆江江水灘淺必乘潮而行潮自海門東來咸淳志引作潮勢若雷霆而浮山峙於江中浮山便覽引作與漁浦諸山相望犬牙錯入以亂潮水洞洑激射其怒百一本沙磧轉移狀如鬼神咸淳志引作往往於洲一本潭中湧出陵

阜十數里旦夕之間又復失去雖舟師榜一本作
志引人不能知其深淺以故公私坐視咸清志引
作漁船二覆溺無如之何老弱叫號求救於湍沙之門

聲未及終已為潮水卷去行路為之流涕而已縱
有勇悍敢往之人又多是盜賊利其財物或因而
擠之能自全者百無一二性命之外公私忘失不
知一歲凡幾千萬而衢睦等州人眾地狹所產五
穀不足於食歲常漕蘇秀米至桐廬散入諸郡錢
塘億萬生齒待上江薪炭而活以浮山之險覆溺
留礙之故此數州薪米常貴又衢婺歙等州及

定鄉小識卷十二

七

杭之富陽新城二邑公私所食鹽取足於杭秀諸
場以浮山之險覆溺留礙之故官給腳錢甚厚其
所亡失與依託風水以侵盜者不可勝數此最其
大者其餘公私利害未可以一二遽數臣伏見宣
德郎前權知信州軍州事侯臨因葬所生之母於
杭州之南蕩往來江濱相視地形訪聞父老參之
舟人反復講求俱得其實建議自浙江上流地名
石門竝山而東或因斥鹵棄地鑿為運河引浙江
及谿谷諸水凡二十二里有奇以達於江又竝江
為岸度潮水所向則用石所不向則用竹木凡八

里有奇以達於龍山之大慈浦自大慈浦北折抵
小嶺下鑿嶺六十五丈以達於嶺東之古河一本
有因古河稍加浚治東南行四里有奇以達於今

龍山之運河以避浮山之險度用錢十五萬貫用
捍江兵及諸郡廂軍三千人二年而成臣與前轉
運使葉溫叟轉運判官張璠躬往按視皆如臨言
凡福建兩浙士民間臣與臨欲奏開此河萬口同
聲以為莫大無窮之利臣縱欲不言已為眾論所
迫勢不能默已臣聞之父老章獻皇后臨朝日以
江水有黃天蕩之險內出錢數十萬貫築長蘆起

定鄉小識卷十二

八

僧舍以拯溺者又見先帝以長淮之險賜錢十萬
貫米十萬石起夫九萬二千人以開龜山河今浮
山之嶮非特長蘆龜山之比而二聖仁慈視民如
傷必將捐十五萬緡以平此積嶮也謹昧死上臨
所陳開石門河利害事狀一本及臣所差觀察推
官董華用臨之說約度工料及合用錢物料狀一
本并地圖一面伏乞降付三省看詳或召臨赴省
面加質問仍乞下本路監司或更特差官同共相
視若臣與臨言不安乞自朝廷孽畫支賜錢物施
行臣觀古今之事非知之難言之亦易難在成之

而已臨之才幹眾所共知臣謂此河非臨不成伏望聖慈特賜訪問左右近臣必有知臨者乞專差臨監督此役不惟救活無窮之性命完惜不貲之財物又使數州薪米流通田野市井詠歌聖澤子孫不忘臣不勝大願謹錄奏聞伏候敕旨

狀爲元祐六年二月所上與相視新河詩皆在其時而東坡卽以是年寒食去郡林希代之極力沮排役竟不果候臨字敦夫嘗知岷縣

見紹興府志葉溫叟字澹老鹽官人嘉祐二年進士馮應詩合注續通鑑長編元祐六年正月兩浙路轉運副使葉溫叟爲主客郎中先生作詩時尙在

定鄉小識卷十二 九

浙江又溫叟爲先生同年見避暑錄話張璠字按此時溫叟已內罷故東坡狀有前字

全翁安陸人他書璠或作濤非是攷全翁宦杭日時與東坡游覽山水故相河之役同赴

其同游如穎光題名云蘇軾張璠楊傑王瑜元祐五年二月二日同游

才老而罷眉山蘇軾子瞻洛陽王瑜中王安陸

張璠全翁九江周燾次元來饒蘇若二月晦日

書又龍華寺題名云蘇軾王瑜楊傑張璠同游

龍華元祐五年歲次庚午三月二日題又麥嶺題名云蘇軾王瑜楊傑張璠同游

查慎行蘇詩補注咸淳臨安志全翁作金翁施氏王氏諸刻本作全者謬本集有與張秉道同

相視新河詩施注云卽張璠則金翁乃其別號

未可知耳馮應榴蘇詩合注張璠先以朝奉大夫爲京東路轉運判官見續通鑑長編元祐元年七月又五年七月侍御史孫升言兩浙轉運判官張璠違法徇私詔別與差遣又按東坡卒

杭時有仁和令徐璠字全父則正與張名字同義查氏云作金者謬又按宋安陸王得臣塵史其書多言鄉邦掌故有云安陸郡城枕涇水張

全公朝議與余泊士人僧俗同列狀以訴於州乞置水約又云張全昌朝議爲余言曰潞州有一農夫五世同居云云又云余里光祿鄉張君

靖年六十六致仕其子朝請大夫璠任京東提刑年六十九致仕皆康甯無疾據此知璠本字全昌後乃更全翁耳公應翁之謬

蘇軾
與葉澹老侯敦夫張秉道同相視新河秉道有詩次韻二首

定鄉小識卷十二 十

君不見元帥府前羅萬戟濤頭未順干弩射至今鳳凰山下路長借一箭開兩翼我鑿西湖還舊觀

一眼已盡西南碧又將回奪浮山險千艘夜下無南北坐陳三策本人謀惟留一諾待我畫老病思

歸眞暫寓功名如幻終何得從來自笑畫蛇足此
事何殊食雞肋憐君嗜好更迂闊得我新詩喜折
屐江湖癡了我竟歸餘事後來當潤色一庵閑卧

馮云七集本洞霄宮并有丹砂水長赤
荆溪父老愁三害下斬長蛇本無賴平生倔強韓
退之文馮云七集本字猶爲鱷魚戒石門之役萬

金耳首鼠不爲吾已隘江湖開塞古有數兩鴿飛
來告成壞勸農使者非常人一言已破黎民駭上
饒使君更超軼坐睨浮山如累塊髯張乃我結襪
生詩酒淋漓出狂怪我作水衡生作丞他日歸朝

同此拜
定鄉小識卷十二
十一

按舊志僅引開河奏此二詩從未著錄今特檢
蘇集補諸施氏注云勸農使者非常人謂溫叟
上饒使君更超軼謂侯臨也溫老溫叟字敦夫
侯臨字張秉道乃吳興六客之一時客於杭也
髯張指秉道公送襄陽從事李友諒歸錢塘詩
云髯張旣超然老潛亦絕倫亦指秉道王注云
髯張老潛李子皆杭州人髯張不知爲誰眞乃
夢夢馮應櫛曰先生有辛未離杭至潤別張弼
秉道臨江仙詞一閱首云我觀髯張歸去
好末云君王如有問結襪賴王生惟作張弼與
施主作張瑋不同按瑋字全翁瑋字秉道具兩

人坡詩於溫叟稱使者侯臨稱使君而秉道
呼髯張其非運判更可知况施注但云吳興
客之一時客於杭並不以爲即張瑋至查氏
游西湖詩題注云本集有與張秉道同相視
河詩施注云即張瑋於送李友諒詩注云髯
名瑋字秉道吳興六客之一則牽合實由查
若施氏只云溫叟字敦夫侯臨字而查氏
云秉道張瑋字也查以此強坐施氏馮氏亦
正爲駁

定鄉小識卷十二

定鄉小識卷十二

十二

定鄉小識卷十三

古蹟略

錢塘張道少南

望峴山碑輒思羊叔子摹稷帖緬想內史風
流不置如入蘭渚蓋懷古之情然也定鄉於
錢塘特稊米又去郡僻遠勝具叢夫西溯名
賢達士登臨嘯咏罕有留跡何足動人流連
顧自六朝下逮明季舊墟遺蹟若滅若沒於
烟蘿雪浪之間於以振蛛塵祛蝨屑條而出
之亦往往標寄慨想以為千古善志江老

定鄉小識卷十三

一

人之言曰江上山紀古蹟不敵他山蓋無好
事者建置使湮沒耳山川之賴賢人自昔然
矣今茲掌錄要師此意惟故乘寥落而漁師
樵叟復野樸無可諮覓僅存所見之崖略而
已至若江聲別墅時代非遠以樊榭讓谷諸
名勝累有題詠附卷末焉時咸豐丁巳冬杪
書於江麋草堂

南果園 在月輪山咸淳臨安志吳越王就南果園

開山建塔武林梵志錢氏南果園在月輪峯旁

秀江亭 在月輪山武林梵志在月輪峯開化寺旁

湖山便覽釋仲殊嘗有題詞蓋建自北宋也

樓 鑰字大防鄞人隆興元年進士官至參知政事有政集

次韻六和塔秀江亭壁閒留題

江外參差列萬山我家深在萬山閒好山正不用
錢買但要未老身先閒長江比愁終似少江水能
回愁不了扁舟何日過西陵鄞山佳處吾歸老

李宗勉字強父富陽人開禧乙丑進士

題秀江亭

經行塔下幾春秋每歎無緣到上頭今日登臨方
覺險不如歸去臥林邱

定鄉小識卷十三

二

鐵井闌 在六和塔南沙井明一統志在六和塔寺
南昔有蛟龍自井而出攻損江岸錢氏鑄鐵井闌
以鎮之刻八卦於上以象八方湖山便覽南宋以
鐵井闌為城南廂之南界

吳越龍山門 在秦望山七修類稿在六和塔西康

熙錢塘縣志五代錢王則又新築羅城於外自秦

望山有門曰龍山湖山便覽月輪山西為吳越時

龍山門基

六朝徐氏故廬 在秦望山吳溝橋東晉濮陽太守

徐熙自東海南隱秦望山以醫名子秋夫孫道度

世工其術秋夫有爲芻人醫鬼事宋文帝以道度療疾爲錢塘五絕之一見宋書及南史

徐氏三世居秦望山至道度遷東陽宋帝猶以錢塘稱之金華耆舊補云所謂錢塘蓋指故所居秦望而言據此知徐村命名之古而秦望亦確可指其地已

朱衛清叔寓居 在六和塔下四朝聞見錄衛公涇字清叔吳門石浦人先是廷唱一人任僉幕垂滿必通書宰相爲謝然後遇次榜廷唱放召命以某日降旨入修門公以通書宰相非是唯任其遲速

定鄉小識卷十三

三

可也時王淮當國殊以不通書爲訝雖已召降命而不與降入國門引入見指揮公翱翔於江上六合塔下幾三月不得見適鄭公僑以吏郎召與公遇塔下鄭曰清叔何爲在此公語之故鄭引見畢卽面詰丞相丞相曰某幾乎忘了翌日降旨趣公見宋抽解竹木場 在徐村咸淳臨安志轉運司抽

解竹木場又名木稅場一在徐村湖山便覽徐村嶺下宋有抽解竹木場俞文豹吹劍錄外集客板每百片將作監臨安府轉

運府二處共抽解二十四片

贍軍激賞酒庫 在徐村咸淳臨安志行在贍軍激

賞酒庫所大庫十三徐村庫在六和塔以南徐村夢梁錄點檢所酒庫徐村庫在六和塔南徐村市中各庫有兩監官下有專吏酒匠掌其役但新煮兩界係本府關給工本下庫醞造所解利息聽充本府贍軍激賞公支則朝家無一毫取解者

姚靖西湖志云行都官酒庫每歲清明前開煮中秋前賣新先期諸庫呈樣點檢所所以呈府既中擇日開沽以白布三丈餘揭竹竿頂題曰某庫選到酒匠某人醞造上等醞辣無比高酒三五人扶之而行以鼓樂妓女雜技前導聯鑣

定鄉小識卷十三

四

穿市觀者如堵酒匠則新巾紫衣乘馬從之以府中所賞綵帛錢會銀梳駝負馬前謂之迎酒楊炎正詩云錢塘妓女顏如玉一一紅狀新結東問渠結束何所爲八月皇都酒新熟酒新熟浮蛆香十三庫中誰最強臨安大尹索酒嘗舊有故事須迎將翠翹金鳳烏雲髻雕鞍玉勒三千騎金鞭爭道萬人看香塵冉冉沙河市琉璃杯深琥珀濃新翻曲譜聲摩空使君一笑賜金帛今年酒賽珍珠紅畫樓突兀臨官道處處繡旗誇酒好五陵年少事豪華一斗十千誰復校

又賽酒則往酌諸廟謂之乞利市高九萬詩云
賽罷洞山賽二郎酒行明日欲開張愚民可是
多忘本香火何曾到杜康

方厓小隱 隔凡關 林壑甕在五雲山薛梯颺故

廬也余集絕妙好詞續鈔薛夢桂所居西湖五雲
山曰隔凡關曰林壑甕通命之曰方厓小隱

曲江草堂 在五雲山錢思復宅也李衛西湖志引

錢塘縣志曲江草堂在五雲山下錢惟善故居南
濠詩話錢思復嘗赴浙江省鄉試時出浙江潮賦
三千人中皆不知錢塘江爲曲江思復獨用之蓋

定鄉小識卷十三

五

出枚乘七發考官得其卷大喜寘於前列思復歸
乃構曲江草堂暮年自稱曰曲江老人

湖山便覽引詩話云歸構曲江草堂於徐范兩

村間又李志於思復西湖竹枝詞下注云號曲

江居士列朝詩選亦云號曲江居士豈暮年乃

稱老人耶又瞿宗吉歸田詩話云以羅刹江得

名與都氏異余有攷異別錄

易 恆

題錢思復曲江草堂

浣花寂寞鍾山遠今見風流在曲江八十儀型猶

有幾三千詞賦總無雙屋頭秋老淩霜樹竹下春

閒聽雨窗好向兩村尋舊隱月輪風礪響飛龍

此詩似於思復退居吳江後訪草堂而作兩村

指徐范村月輪山近五雲風礪則十八澗也讀

此詩知思復之高

顧

祿 麗堂詩話國初顧祿爲宮詞有以爲言者
朝廷欲治之觀其詩乃用洪武正韻遂釋

懷思復錢先生

每憶錢夫子才名世少同賦傳羅刹盛詩擬拾遺

工儒術翻多誤官資惜未崇空令虞學士期薦玉

定鄉小識卷十三

六

堂中

讀此知思復曾爲虞伯生所薦矣

清芳亭 在范村今廢萬厓錢塘縣志五雲山其西

北溯江上有清芳亭

清芳俗呼清風明季副將劉穆駐師於此

三聚亭 在范村北湖山便覽由范村北行數里爲

三聚亭范村與雲棲天竺合徑處也

洗心亭 在范村北近雲棲寺西湖志纂雲棲寺在

五雲山西地名梵村山半有洗心亭湖山便覽由

范村北行數里爲三聚亭再折而北林竹無際沿

竹蹊入又數里一泉澄碧覆以亭署曰洗心由亭
而進則雲棲寺也西湖漁唱洗心亭西湖志在雲
棲寺門外里許適當梵村之半筠篁蒙密仰不見
日清泉鏡開作天碧色奔流不絕游人至此豁然
心朗萬慮頓釋故名

亭爲明蓮池禪師建梁上懸大榭珠一串游人
憇此輪轉其珠聲鑿鑿然亭前引泉爲池形如
廚刀俗傳亭側山形似母豨某氏營塚焉形家
於寺不利禪師乃鑿刀池使轉榭珠爲抽腸以
厭之某氏遂敗此齊東語也

定鄉小識卷十三

七

厲鶚

洗心亭看竹

遮檐萬玉翠森森迴合空潭倒影深若似此君何
用洗多生無垢亦無心

桑調元

雲棲洗心亭

入山轉幽邃徑緣千筵筍西坳一池水有亭俯清
虛暖苻魚策策打飯雨疏疏春燈上塔外夕烟過
澗初寺僧擔薪歸濕翠兼松栲今夜樓蘭若我心
方晏如

金志章

初名士奇字繪甫號江聲錢塘人雍正癸卯舉順天鄉試官至口北道

洗心亭池上坐月

老筍騰空綠烟晚新蟾瞪目奔妻返一泓冷浸水
晶丸漉漉寒光射波滿星芒曆曆橫蒼山露華細
滴青琅玕夜深坐久不歸去二十五聲蓮漏殘

王芳洲

字蘭汀嘉慶閒吳山清秀山房道士著松山鄉人詩草

憇洗心亭

四圍迷竹色雙屐破苔紋適趣如遺世扶闌且看
雲風枝交亂影樵唱隔林聞心淨還須洗悠然對
夕曛

定鄉小識卷十三

八

許承祖

洗心亭

千層飛瀑萬篔簹六月僧堂似水涼行到洗心亭
子上浮嵐溼翠滴衣裳

宋隨龍余知閣寓宅

在雲棲塢釋祿弘雲棲寺記

紹興初有余知閣者扈蹕南渡隱於寺側後捨宅
歸寺湖山便覽雲棲紀事云建寺時掘地得斷碑
題以宋隨龍余知閣宅界旁爛石間隱隱有詩蓋
知閣扈宋蹕南來因家於此後捨爲寺想見其人
高士也

按知閣佚其名斷碑之詩乃博士周靖所作昔人以爲知閣者誤

趙昱字功干仁和人乾隆丙辰薦舉鴻博有愛日堂詩集

南宋襍事詩

南遷蕭寺寄流離知閣荒臺餘斷碑認取隨龍多漫漶亂雅清句起悲思

趙氏詩亦緣雲棲寺志所誤也

宋國子監博士周靖寓宅 在雲棲塢迴雁峯周氏

譜博士公諱靖宣和甲辰年二十三舉進士歷任

柳州錄事靖康時國事已去屢下求言詔公懷疏

定鄉小識卷十三

九

欲陳宗社大計爲柄人所抑棄官歸娶李氏濟州

李翰林某其內父也公嘗省某濟州值汴京陷蕩

覆無遺有洛陽名園鐘鼓沈句道從思陵至歸德

循而南紹興三年量養生徒置國子監博士二員

正錄二員起公正錄明年遷博士越九年辛酉自

錢塘徙家諸暨之紫巖公詩云千里旌旗擁六飛

投簪欲上釣魚磯無端忽被閒雲引迴雁峯前掩

竹扉蓋公初寓杭之雲棲欲移家富春迴雁峯在

雲棲朱子紫巖周氏譜序至始遷祖諱靖字天錫

世居祥符扈蹕南渡爲國子正錄居杭遷於諸暨

周恪譜序諱靖字天錫者當宣和閒登進士第授

太學正錄陞本監博士朝散郎取世戚李翰林女

生一子諱亥行二十從父扈蹕南渡居於杭登紹

興九年進士任大理評事文林郎卜居越之諸暨

紫巖周文郁譜序自正錄府君扈蹕南渡僑於杭

元董華處士周希菴墓誌銘初博士公扈蹕南來

僑寓杭之雲棲夏賚周氏譜序同里周氏家世南

康以扈蹕南渡僑於杭

按朱子序作於慶元丙辰秋七月中浣周恪爲

靖曾孫登紹定五年進士官宣義郎遷殿前承

定鄉小識卷十三

十

旨序作於寶慶元年乙酉仲春望日文郁爲恪

子序作於景定甲子正月上元日董華元時爲

富陽教諭夏賚序作於嘉靖戊辰小春月中浣

皆在明雲棲僧蓮池前蓮池掘地得碑則千里

旌旗一詩在焉以旁有宋隨龍余知閣宅界字

遂以爲余知閣詩然紫巖周氏譜作於宋時較

蓮池說爲信辨詳詩後

周靖字天錫祥符人宣和閒進士官國子監博士

卜居雲棲

幾年魂遠浙城西十里荷花漾錦陂踏徧兩峯三

竺路又隨青嶂入雲樓

千里旌旗擁六飛投簪欲上釣魚磯無端忽被閒

雲引迴雁雲樓紀事及諸書俱作雁峯前掩竹扉

洛邑名園歌舞沈周氏譜引邑作亂鴉啼破幾深

林萬麻錢塘縣志湖山便覽深林何人學得香山

老十載精廬有梵音

按右詩蓮池雲樓紀事云建寺時掘地得斷碑

題曰宋隨龍余知閣宅界旁爛石間隱隱有詩

又云掘地得石有詩以意補葺三首萬麻錢塘

縣志遂引為余知閣詩時蓮池亦與修志之役也

定鄉小識卷十三 十一

而翟氏湖山便覽據以意補葺語為之辨云詩

為祿弘擬補自紀頗明近志竟謂余知閣作輯

宋詩者亦以編入恐未為傳信也今觀周氏

譜則詩固非余知閣作亦非蓮池葺成蓮池第

補其土薛剝蝕處而翟氏竟屬諸蓮池可乎况

千里旌旗一詩尤無脫誤者也意博士當日或

與余知閣扈蹕南來遂同僑居於此第宅比鄰

立碑表界碑云宅界明乎其為界也此碑為博

士所鑄無疑紛紛聚訟可以息矣又按譜知迴

耀峯乃迴雁峯名尤雅

六朝范氏族居 在范村湖山便覽寰宇記載錢塘

望姓凡三日褚日全日范晉宋齊梁開錢塘范氏

代有顯人此其聚族所耳近志作梵村非

范氏在六朝如子安叔孫子元伯珪皆著名元

馬霞外詩歸鴉遙點范家村指此明時尙有范

老人也今此姓絕無矣

范伯珪蔬筍園 在范村伯珪有避盜蔬人及為橋

於溝以渡盜筍者事見南史

留丞相寓廬 在范村齊東野語紹熙四年十月戊

寅上始朝重華都人皆大喜先是丞相留正以論

定鄉小識卷十三 十二

姜特立待罪范村凡一百四十日至此方召還

續資治通鑑作待罪六和塔去范村近也

宋滌牛宮 在范村牛坊嶺夢梁錄滌宮在六和塔

之南

南渡以諸陵在西洛每歲時伏臘遣官望祭先

期滌牲宮不一處如赤山埠羊坊橋皆是西湖

志宋牛羊滌宮在赤山埠此則牛坊所由名也

葛湖南宅 在午山葛孟真湖南行述先世由越徙

錢塘世居錢塘之定北鄉

朱清擔柴路 在朱橋西溪梵隱志朱橋相傳貴人

朱清擔柴路也

橋側昔為朱氏聚居故名清元初以海運功官轉運所萬戶

宋朱橋鹽場 在朱橋咸濱臨安志魚山渡在大朱橋鹽場

宋鹽場在定鄉者三曰楊村見宋史曰浮山見潛氏志及夢梁錄曰朱橋即此所書也潛氏於鹽事所祇錄浮山場其楊村及此均不載入按夢梁錄漁山渡在大朱橋及鹽倉前則又屬兩地豈潛氏文有脫落所云鹽場即指浮山場耶

定鄉小識卷十三

十三

胡氏崇雅堂集云楊村浮山朱橋鹽場今其址不可考惟沿江一帶尚多竈田在仁和場輸糧南蕩巡檢司寨 在南蕩今朱橋轉塘地乾道臨安志諸寨土軍一十三處南蕩巡檢司寨在錢塘縣界元額管土軍九十六人咸濱臨安志土軍南蕩巡檢司寨在錢塘縣界額管九十六人宋史兵志建炎砦兵兩浙西路臨安府十三砦外沙海內管界茶槽南蕩東梓上管赭山黃灣硤石奉口許村下塘

周莊 在南蕩咸濱臨安志周邠周邦彥墓在南蕩

今子孫居定山北鄉

葛衙莊 在橫山路口葛湖南築別業於此後人猶居此也

沈萬七秀寓廬 在橫山歲寒堂存稿萬七秀公避兄禍始移家錢塘之橫山兄即萬三秀公國初以聚寶盆築南京城門者也卒以財賈禍編管雲南七秀公避跡橫山年七十九以壽終文憲宋源述其博學多才慷慨任俠而未嘗有聞於當世此何以稱焉

定鄉小識卷十三

十四

橫山草堂 在橫山江元祚邦玉別墅也明季燬於火吳本泰西溪梵隱志橫山草堂在妙淨寺東六松林畔為江氏別業西湖漁唱在錢村妙淨寺東草堂有蓄翠泉漱雪橋鹿籬扁岫門竹浪居空蘊菴香夢窩挂屐寮雲髻軒巢松閣雲肆悠然見南山軒浴硯溪留屨泚筆壘卻月廊花源雲構醉山樓借隱室藏山舫霞外亭諸勝一時山水臺榭之美甲於錢塘今則荒松蔓棘落寞於烟嵐溪月閒而已吳偉業送胡彥遠南歸序曰武林有橫山江氏兄弟隱於橫山者二十年天下言隱居善避兵者無如橫山矣已而武林亂

橫山先受兵余疑焉或曰江氏固高皆有圖書
玩好朋友聲酒之樂富於居山者也余迺歎曰
江氏之及也宜哉

江元祚

橫山草堂記

客詰橫山樵子曰達人安於容膝子居室之外有
澹圃竹樹池臺亦云侈矣又況結境幽奧城市之
中儼然邱壑能閉門卽深山也何又營草堂得無
取境過奢乎山樵曰噫余豈貪於取境者哉蓋欲
以可進可退之身寄之山林城市者也故兩營焉

定鄉小識卷十三

五

客曰子言是矣第草堂奚加於澹圃每見子過澹
圃如寄入草堂如歸何哉山樵曰澹圃之不得匹
草堂猶培塿之不可當衡華也請爲子言之草堂
結於黃山黃山舊名橫山土音呼橫爲黃遂相傳
爲黃山離吾家五十里許其途有二一由湧金門
以平湖長江爲徑歷淨慈而梵村入朱橋一由錢
塘門以古梅修竹爲徑歷東嶽而西溪越大嶺二
徑俱勝一蕭曠一幽邃入山宜幽予多取道西溪
焉西溪抵吾庵路過半矣沿途茂林森夾碧澗紆
流村落茅亭不數里一憩且轉折烟迷加入武夷

九曲非止行山陰道令人應接不暇也今菴二百
餘武更有六松大數十圍高可百尺古幹龍拏蒼
姿翠滴每箕踞其下清冷之氣逼人不能爲橫山
翹楚卽三竺九里亦避下風惜局於社垣之閒殊
未得所耳然峭峙路旁與佛慧古樹法華老梅均
爲吾往來快觀若干百年來豫爲山居關此佳徑
也由是漸入深壑竹陰轉密日影不漏有溪一灣
潺潺橫瀉雪浪激石齒閒子磊石爲橋卽名漱雪
更植桃其岸傍有一泉尤清澄可鑑中涵竹色因
以蓄翠題焉過此則白雲蒼靄斜封小徑而一種

定鄉小識卷十三

六

幽深之致能令人意自遠再歷高阜松筠夾道透
迤而入編竹爲扉曰鹿藩藩內復闢曠地植梅數
十本冬月香雪平鋪亦不減孤山疏影此處一望
翠竹成窩青山作障兼多林木掩映茅檐而籬垣
一帶橫互山腰如作闕柵因顏其額曰肩岫進此
有堂高出竹杪風枝掃月如奔綠浪遂名竹浪居
從此左支五折而進淨供梵王則名空蕙菴菴前
梨樹一枝疏秀入畫及夫花發春雨微濛嬌香令
豔瀟灑風前也左曰香夢窩子寢榻在焉右曰挂
屐寮以款吟侶稍後曰雲髻軒峯露橋頭如人行

於牆外而見其髻庭北有閣二松翠翳目雲壑挂
窗署曰巢松曰雲肆閣之南又有軒結境虛敞桐
陰蘇石點綴階前竹露松風時送秋響更枕小湖
旦夕沸聲非特眼盼閒遠抑且耳際多韻偶舉陶
句曰悠然見南山取其面山而悠云耳稍下數級
臨所枕澗因堪浴硯卽以名溪溪上架一艇曰留
屨令得凭欄醉目觀星浪碎飛或汲流煮茗坐以
談玄故來游者不致徒涉而過越是地多奇石子
稍爲布置可倚可憑曰泚筆壘就其高下屈曲嵌
一修廊宜吟宜步曰卻月廊廊盡另闢一竇背山

定鄉小識卷十三

七

臨流曰花源雲構內有厥閣三楹山翠環擁大爽
人意當雨雪之晨霞月之夕挹嵐光之變幻觀浮
雲之卷舒能令骨癡心醉李九疑先生題曰醉山
深得此中之趣者也下有曲室曰偕隱謀畜妻子
處再進有半閣曰藏山舫兩厓相夾如泊富春山
下境之最幽絕者出樓南曲徑陰深蜿蜒而上構
一亭曰霞外參差峯岫浪擁肩際寥廓江海鏡鋪
目端加之朱氛煥衣白雲擁足子每登眺便覺體
氣欲仙稚圭故霞外之句予向喜其立論超曠
而今竟得其實際矣他如菴後有玉峽水豹躍泉

足供瓢飲何莫非山樵清享山後又有白龍潭干
丈巖可暢游覽何莫非山樵樂地乃知草堂之構
卽屏以崇山峻嶺復遠以茂林修竹前則江湖梅
松爲徑後則巖石泉瀑爲鄰誠爲造物所鍾必厚
以天福而後樂此子薄福人願依棲焉敢自期耶
子言歸澹圃如寄子真知我者矣

李日華

字君實嘉興人萬曆壬辰進士累官至太僕少卿著有恬致堂集

橫山草堂記

武林山水秀甲天下人所競趨在明聖一湖而韻
者乃走西溪得其清深窈窕盤紆演衍之致至於

定鄉小識卷十三

末

竹翠萬屯梅香十里耳目清映口鼻芬霏似非塵
境矣然朝往夕返春濃夏寂有時日之玩無彌歲之
歡猶淺之乎其爲適者昔眞實馮先生溯溪抵留
下曰此中大有佳境因策杖運肘期規百弓地爲
香山西林之續不意竟爲湖面所昵僅築快雪於
孤山而歸其蛻於此可歎也余友江邦玉代襲組
圭夙耽緗素一日擔書負筴從留下孤進又廿里
達橫山之趾顧而樂之歸罄篋笥歲月規置遂有
卓茅之地若干畝又以餘暇秉鋤旁近刷山肝之
腴引海眼之溜磔確者堵以佐培塿竊吝者導以

輪涓灑絕則布圮高則沓級平則空以延月翳則翦以逗雲凡剔舊壤十之四得新泉七之五而後垣之簷之屋之堂之樓之閣之亭之榭之漏之庑之柵之構結之事因材於山呼匠於谷設繩於心司契於目不筮不兆不驗不祈不謀於室不告於常所往來而山居成戊辰春余適在武林遂偕懶宜主人秦心卿邦玉兒亨各御軟輿游焉時西溪梅已半殘樹頭零玉陌上陸鈿猶堪拾也比日春陰醞雨未就放晴無期氣候殊美輿所經俱在翠光竹樹淙流灑浙間有時驀然震地則山民治楮

定鄉小識卷十三

九

之確澁澁曳行則野樵荷薪之聲山靜日長真同太古從是抵山居泉益壯爲蓄翠泉竹柏影涵浸如軟琉璃也橋其上曰漱雪白波嚙石齒狀色與聲也從橋漸進不拾級而趾益高遂達平曠織竹緯荆曰鹿籬籬南列垣門曰扇岫是居不徒遠障週遮而山之玉骨孺姿巉然彌布內壑扇之者表內美也又南爲竹浪居簣簣篠簟之屬森映踰畝輕颺拂之簸揚成漪得竹最親處也繇左五折爲空蘊菴以奉大士左曰香夢窩主人燕息所也右曰挂屐寮以奉來游之賓後當西嶺松栝蔦蘿糾

纏蔽翳僅露峯杪類窺牆之警曰雲髻軒庭北曰巢松閣左曰雲肆轉南正當午峯曰悠然見南山稍西又闢一境度澗爲修廊廊之端架虛閣小閣可凭橫木可坐泉落珊珊可俯窺可側聽曰留屣其廊屈曲曰卻月廊有溪如沼泚可濯曰浴硯溪溪左右奇石纍纍可拊可就曰泚筆壘吟咏揮運選勝遊幽必此其最也又緣溪而進啟一戶曰花源雲構內有傑閣三楹遠近諸岑窮詭極變頽然頽之曰醉山樓樓下曰偕隱又北曰藏山舫山蹠四距屋其中軒檻洞明兩厓對峙可勝可琴舟以

定鄉小識卷十三

十

任載游移而泊然置之壑中根深壑極道之奧也出樓南一小峯亭之曰霞外放目寥廓龕楮擊雪之濤滄溟沃日之浸萬晦億疇千蹊百綫俱挾翠嵐紅景與雙瞳相值觀止矣余來宿挂屐寮三昔又閒道走千丈巖奔雷鬪霆之下班坐石上縱談劇謔勺泉飲之爽同沆瀣歸而執筆敘述宜有秀韻而竟不能也廬山西林必香山自記始無遺情余徒歎邦玉膽智神韻與福絲之厚爲真實先生所遜而已不足增草堂之槩也

按戊辰爲崇禎元年也

釋明方

和橫山草堂詩

橫山草堂武林江邦玉偕隱處也訪之欲

有言以入集素其題指歷幽勝復出文起

文公所詠視余余歸躬耕閒就題攜饌依

韻和之

漱雪橋

石梁千尺雪且作漱流觀十載忘歸道於茲一倚

闌

鹿籬

定鄉小識卷十三

三

初防鹿女心銜花亂幽景不覺老維摩默然深以

靜

肩岫

山有囊雲岫溪無流水花漁郎從此去著意斂餘

霞

香夢窩

游夢入爪香若為香所轉覺起坐巖窩爐烟裊餘

篆

雲肆

酒徒初散霧茶侶乍生烟物物蜃樓耳長生不是

仙

悠然見南山齋

採菊意何深無絃空控琴南山亦在望真得古人

心

卻月廊

每當明極處不忍坐其下挈影就迴廊深於愛月

者

醉山樓

酒其可解醒何物不堪醉所以江家樓對山有酣

致

定鄉小識卷十三

三

許承祖

橫山草堂

春來萬景列洪纖妙淨東行里俗恬滿榻清風消

白日一山橫臥擁牙籤

半山亭 在龍門山

釋明方

半山亭

信是來時道忘來知幾年澗分蠻暑外橋度早秋

邊瘦策支還歇枯藤斷復牽躊躇當進止巖背一

亭懸

龜王殿 在龍門山西溪梵隱志龍門寺前佳勝曰

龜王殿康熙錢塘縣志龜王殿在龍門山

龜王一作蠻王鄭念齋游龍門寺詩云草長迷

蠻殿注云蠻王殿故址猶存蠻王不知何時人

卽江邦玉游記所稱蠻酋也殿與石關魚石干

丈巖四顧坪老龍潭鸚鵡石盤谷爲龍門八景

鮑三孃梳妝臺 在龍門山鄭念齋游龍門寺詩蛙

鳴集鮑家注云鮑三孃梳妝臺故址猶存鮑三孃

亦不知何時人故老相傳已久姑識之

陸忠節公寓廬 在橫山桐塢卽成仁處也南疆佚

定鄉小識卷十三

三

史陸培字鯤庭錢塘人少負俊才美丰儀善屬文

行誼修謹登崇禎庚辰進士不謁選歸而讀書里

中多名士培時初冠出與之上下議論咸以爲弗

如也其所爲詩文一時爭效之號西陵體南都授

行人十月朔副吏科熊汝霖祭奠淮安知國勢已

去不復命便道歸家與其友陸彥龍結壯士數百

人謀保障鄉土 大兵至浙謁巡撫張秉貞請兵

拒守而秉貞已與陳洪範謀挾潞王降令曰太后

在此危駕者誅培痛哭去曰事難立矣吾不死無

以報國乃攜家避橫山之桐嶺道遇其友陳廷會

語以故廷會曰君職行人無守土責且天下事未

可知無已國亡與亡不亦可乎培仰天太息曰需

乃事之賊後日將有求死不得者子不見北都某

某乎遂長號而別俄聞潞王降索酒飲將自裁其

妻晝夜防之嚴乃止一日給其妻他往脫身歸故

居鍵戶自經妻兄子破壁救之甦培大恨曰柰何

若我夜上書辭母作絕命詞揖其二僕以繩授之

日我爲烈士若輩宜成我志坐方床從容就縊死

年二十九閩中贈尙寶司少卿諡忠毅南疆釋史

勘本甲中之變培長號卽欲殉國其婦亟止之曰

定鄉小識卷十三

三

君素稱讀史不聞晉宋閒事乎宜有待已而南中

報王立拜行人棲遲冷署凡十閱月乙酉江防潰

亂奉母居鹽官尋入桐塢過其友陳廷會家握手

涕洟曰行將別矣婦勅左右守之始縊爲左右救

大愠越夕呼紙筆爲書三緘冠帶叩頭北嚮五南

嚮三以結襪繩付二僕再拜屬其成所志年僅二

十又八康熙錢塘縣志培號部婁甲申游閩之溫

陵聞北都陷慟哭而返 王師下浙江培入橫山

桐塢嶺作絕命詩二章遂自經卒時年二十八吳

農祥陸行人鯤庭傳 王師下浙江君在橫山桐

塢嶺慟哭訣其母裘太夫人乃縊年二十八又處
士陸梯霞先生墓誌銘鯤庭殉節橫山疑不敢斂
君獨往江干營壘呼曰行人司行人陸某死於橫
山未成斂也敢告甲者出見君之容貌儼然也問
其故而憐之語曰已解揮之去乃斂毛奇齡陸三
先生墓誌銘王師收杭州下令鄉官在籍者投名
授職里胥到門時行人君避兵橫山老母裘太夫
人尚在堂夜起呼先生徬徨曰是地去橫山遠將
欲使汝至橫山促之來非吾意不來此吾家門事
且此隙所係大死忠死孝未可以母命亂其意如

定鄉小識卷十三

五

之何先生俯首不能答詰且而橫山訃至曰行人
君死牛鼻繩矣先生乃扶母告廟爲位而哭遂奔
橫山收其尸投牒軍門曰行人司行人陸某身死
取驗狀訖

鯤庭爲吉水令運昌第二子吉水從葛湖南游
鯤庭亦執業焉如蔡氏之於紫陽也 國朝乾

隆中 賜諡忠節又康熙錢塘縣志王道焜

傳云與陸行人培同日縊死時乙酉六月初三
日又吳氏所作傳云鯤庭成進士未改除秩而
還江南新立主乃於甲申九月趨南京謁選授

行人司行人與溫氏佚史合而縣志本傳乃云
庚辰成進士授行人非又殉節時諸書皆云二
十八佚史作年二十九忠毅之諡魯監國所贈
佚史作閩中均非又釋史勘本云乙酉江防潰
亂是時江東未立國畫江之潰乃在丙戌五月
李氏喜摘人繆乃復善誣如此又余師陸雲九
先生忠節公後也嘗語余忠節雉經於古樹下
有一黃犬從犬視公既絕奔入城銜其兄麗京
先生衣悲號躑躅麗京知有異乃語之曰汝曷
爲汝盍前導予汝從犬遂前行至縊所跑地嗅

定鄉小識卷十三

五

吠既斂犬不食觸樹死今其家祀祖作佛事於
地下設盂飯祭義犬阿黃云

雙鳳山居 在鳳皇山見江月松風集

雙鳳卽錢思復江上山十咏所云鳳皇雙髻也
俗名了髻山翟氏湖山便覽以此古蹟列於萬
松嶺側之鳳皇山非

錢惟善

題雙鳳山居圖

雙鳳山人茅作屋五雲閣史繡爲衣寫將瀟灑滄
洲起留待風流二老歸歲月無情遺墨在江湖多

事夙心違寒藤古木西江道惟有當年白雁飛

思君子徑 在白巖山尊勝寺前入寺徑也穿竹中

行幽翠撲巾裾如雲棲道中康熙錢塘縣志白巖

山十景有思君子徑

釋淨符

思君子徑

楊李風流準此來對君高節日徘徊寶坊不獨堪

頻涉引鳳招鸞有大媒

釋佛臣

思君子徑

定鄉小識卷十三

毛

盛暑陰生一徑涼杖頭牽動好思量高人果有龐

楊輩自肯驅車訪石房

定山水戰將壇 在定山江月松風集將壇在定山

北每歲春秋萬夫分兩翼帥士卒習水戰於此西

湖游覽志定山高七十五丈宋時春秋習水戰於

此有將壇存焉姚靖西湖志定山宋時春秋習水

戰於此有將壇存焉秋時蓋以八月十八日爲期

郡人多聚觀爲戲今以是日觀潮仍故事也縣志

吳越時習水戰於此康熙縣志將臺吳越練兵地

將壇今無定址可考爲吳越爲宋亦難確指胡

敬崇雅堂詩集注云按錢思復定山十咏以定

山標名實則所咏非專指定山如風水二洞云

在定山南龍門鳳凰山云在定山西朱梁五雲

山六和塔將壇云在定山北相距近者十餘里

遠者三十餘里自田氏誤以爲皆屬定山之景

於是合龍門將壇浮嶼皆屬之定山嗣後各志

均沿其誤據思復詩言將壇在定山北與朱梁

五雲六和塔書法正同其地應在徐范村間耳

又武林舊事云浙江之潮天下偉觀也自既望

以至十八日爲最盛又云每歲京尹出浙江亭

定鄉小識卷十三

亥

教閱水軍又云江干上下十餘里閒珠翠羅綺

溢目車馬塞途據此則將壇不必在定山也胡

氏之言誠然今俗以八月十八日爲潮生日有

司祭潮於秋濤宮士女看潮者至浙江驛而止

非復如宋時喧闐徧徐范村矣西湖游覽志云

郡人觀潮自八月十一日爲始至十八日最盛

蓋因宋時以是日教閱水軍故傾城往看今猶

以十八日爲名非謂江潮特大於是日也攷八

月十八看潮北宋已然蘇東坡催試官考較戲

作云八月十八潮壯觀天下無鷗鵬水擊三千

里組練長驅十萬夫紅旗青蓋互明滅黑沙白浪相吞屠紅旗青蓋正指水軍王注以爲弄潮非也又八月十七復登望海樓自和前篇詩云賴有明朝看潮在萬人空巷鬪新妝明朝指十八也而錢塘潮候圖乃云八月十八日獨大常潮則其說附會矣將壇亦作將臺錢思復所咏詩目僅云浙江耀武初未確指何地今姑從田氏之舊標以定山而著辨焉

錢惟善

浙江耀武

定鄉小識卷十三

五

年年江上習舟師故事相傳劫火池春日樓船觀晉將秋風弓弩學吳兒素車白馬迎旗隼紫鳳元夷畏虎貔日暮元戎歸細柳散花洲畔凱歌遲

戈 珽

將臺

割據分吳越千秋指將臺銘功留玉帛宴賞賜尊罍風雨樓船壯江淮鼓角哀平沙遺鐵戟高嶺更徘徊

宋葛侯斬蛟處

在定山西口口口葛相公廟碑

記神姓葛諱雯

洲歙縣人爲邑諸生慷慨好義

有英烈風鄉國重之販木至錢塘將過定山人告江有崇祭以羊豕乃得渡否則傾溺神不信猝遇風漂其木神怒曰敢爾吾誓誅之以除民害遂仗劍入水是夕風雨迅至江濤拍天舟皆引匿遙聞搏擊聲厥明神立水上鬚髮畢張衣襟盡赤挾一物長數丈有似蛟然俄而澄江朗照一物無見蓋妖絕而神亦殞矣時宋高宗紹興元年也夫人程氏悲號江上亦以身殉由是舟楫慶安瀾里人德之構祠並祀第惜廟碑燬於火剝落無全文茲僅披煨燼之餘并故老之傳說記其大略如此嗚呼

定鄉小識卷十三

三

神之勇敢有爲雖不必遠駕昌黎化鱷魚以南徙方之周處斬橋下蛟又何多讓則信乎無愧於禦災捍患生而爲英死而爲靈者矣惜當日未聞於朝故至今祀典缺然後之君子表揚神蹟尙其覽於斯文

鄉中父老相傳昔有神人斬龍於錢塘江然後沙洲漸漲以爲江村原始又云昔漁山渡口有物怪能作風濤舟船覆溺張真人朝京渡江以法除之乃篋索也中有腥血皆無稽未可徵信卽神斬蛟事南渡諸文人未嘗有載筆者其祠

廟不入郡邑乘第商估私祀而已然龍山江上血食七百餘年非神之忠信英毅烏克膺此夫重淵大澤靈怪所宮東坡以波濤雄險歲有壞溺府獄於浮山而不知乃蛟之爲患也其後江洲之漲實基於此斬龍之說特傳聞異耳然則定鄉江村繫神所肇造不特估舶感之已也

宋浮山錢塘場鹽場 咸淳臨安志鹽事所錢塘場在錢塘縣界浮山夢梁錄貨之品鹽仁和湯村鎮浮山新興下管上管蜀山巖門南路茶槽等場常產之地所轄諸鹽場十有二曰錢塘

定鄉小識卷十三

三

按唐至北宋鹽場在楊村南渡以定鄉漲沙水勢漸淡移至浮山後又移至朱橋或曰三處並

燒鹽也

盧秉言楊村下接仁和湯村則浮山自在其間

鄭月菴故里 在浮山村月菴舉孝廉後閉戶讀書足跡不入城市今舊廬已火僅存垣礎惟野池桑竹搖映清風而已

漁浦邏軍寨 古在漁浦江上咸淳臨安志齊永明三年唐寓之向富陽抄掠令何洵告漁浦邏主發村男丁防援

漁浦自浮山西上江流異名蕭山富陽共之此

寨若在北岸則屬定鄉也古蹟久湮但存其略云爾是時邏主爲從係公

定南公館 在界頭山萬厓錢塘縣志縣南出鳳山門抵富陽縣界爲公館者一曰定南又曰解頭山有解頭寺旁有定南公館

公館唐時已設尤表全唐詩話云周匡物字幾本漳州人元和十一年李逢吉下進士及第時以歌詩著名家貧徒步應舉至錢塘乏僦船之資久不得濟乃題詩公館云云郡牧見之乃罪津吏正此地至宋時猶爲士夫往來憩息之所

定鄉小識卷十三

三

曾旼慈嚴院記有來訪是山步枯杓憇荒館凡經日而後至之語曾游在元豐初元館以荒名則已有頽圯之漸矣其後蘇東坡游風水洞亦假榻於此其詩有云風巖水穴舊聞名只隔山溪夜不行所爲夜者蓋宿公館時也公館與風水洞去約三里許故曰只隔山溪唐宋江沙未漲宦游車蓋憚於渡江緣陸爲多而是館當富春驛程之衝故弗能廢惜潛氏郡志官寺門失載遂不知創始之繇館康熙時尙設門役魏氏錢塘縣志門子半役銀三兩遇閏加今解字久廢惟銀二錢五分定南公館一名

其地尙稱公館也又縣志古蹟門云在解頭寺似借設梵宮者顧爾時蕘礎未湮寺下當脫旁字耳

周匡物爵里見上又全唐詩小傳仕至高州刺史

應舉題錢塘公館

萬里茫茫天塹遙秦皇底事不安橋錢塘江上一作

無錢渡一作又阻西陵兩信潮

此詩輿地紀勝繫蕭山云於西陵館題詩云云

浙江通志以爲自龍溪徒步西上當自越之杭

審詩意亦阻於西興云繫蕭山是然尤氏明著

定鄉小識卷十三

至錢塘語與詩旨合安得他屬耶又詩或作施

肩吾作略易數字施肩吾錢塘渡口詩天塹茫茫連沃焦秦皇何事不安橋

錢塘渡口無錢納已失西興兩信潮

宋鄭次山園亭 在曇山次山名濤爵里無攷朱文

公曾挈及門再游於此山亭占巖壑之勝有石棋

枰仙人洞清虛洞諸蹟石上礧級宛然刻穴歷歷

其布置廊榭欄楯處也

鍾縣令故里 在胡步馮村鍾不知何時人明馮氏

自甬東徙此鍾族遂替

葛稚川丹廬 在風水洞側卽慈嚴寺也咸淳臨安

志慈嚴院太康閒葛稚川捨宅爲寺

稚川往來錢塘湖山閒多有鍊丹遺蹟如天竺

葛塢葛嶺龍井諸處此則司馬才叔風水洞詩

所云又疑仙翁去丹竈留巖扃者也水洞溪中

有紅點石持出卽隱卽稚川傾丹藥處

宋楊村鹽場 在楊村宋史食貨志熙寧五年以盧

秉權發遣兩浙提點刑獄仍專提舉鹽事秉請諸

場皆定分數錢塘縣楊村場上接睦歙等州與越

州錢清場等水勢稍淡以六分爲額楊村下接仁

和之湯材爲七分鹽官場爲八分湖山便覽楊村

定鄉小識卷十三

宋有鹽場見泊宅編

攷唐杭州設鹽場一日杭州場特不知地所在

唐書食貨志吳越揚楚鹽有連水湖州宋初仍

越州杭州四場沈亞之有杭州場壁記未幾廢可攷

其制宋史食貨志在兩浙者曰未幾廢可攷

化閒復置宋史張綸傳淳化閒除江淮制置發

課百五十萬宋史仁宗紀明道元年旋卽復其地

實統轄錢塘之楊村浮山仁和之茶槽湯村鹽

官之上管下管蜀山巖門南路袁花黃灣新興

諸場蓋於浙而郡之曰杭州場元祐六年蘇東坡乞開石門河

狀備葵睦欽等州及杭之富陽新城二邑於郡
公私所食鹽取足於杭秀諸場亦統郡言於郡
而縣之曰錢塘場潛氏郡志夢梁錄皆曰錢塘
場雖宋季書要本舊制又歐
陽修胥致堯墓誌致堯咸平開監杭州推排岸
司浚浙江龍山二關廢河堰以通杭人便之據
此知致堯所監正在錢塘仁和場宋設買納監
其推排岸司者場屬官也談鑰催煎廳
檄監仁和納場使鹽官場盧秉但稱鹽
官場統之也於縣而
地之曰楊村場浮山場云爾郡屬轉運使縣爲
買納場地爲催煎場兩浙鹽法志乃云唐設杭
州一場宋分仁和錢塘二場仁和日湯村錢塘
日楊村是但據盧秉所言僅著二場之名而於
沿革統析之制有未合也盧秉於錢塘不言浮
山仁和不言茶槽安
得便以爲無此二場耶蓋二場在楊村下湯至
村上所云楊村下接湯村二場已在其間矣至
南宋杭陞臨安有場十楊村未知存廢玉海紹
興三
二年鹽額浙西路鹽場臨安及潛氏爲郡志僅錄
浮山而楊村晦入元并錢塘場於仁和場元史
志大德三年定產鹽之地立場有差鹽場三十
四首仁和場按元本襲宋名兩浙鹽法志言改
名者非也今仁和不特楊村浮山之名廢卽茶
槽湯村亦廢矣楊村昔岸江唇地宜煎煮東坡
開河狀所云自石門並山而東因斥鹵棄地鑿
爲運河正指此地故其相視之役特與轉運使
葉溫叟轉運判官張璠兩浙鹽法志職
官門璠失載同行以

定鄉小識卷十三

姜

二人典領離職諳識地勢也今其旁近地名曰
鹽塘爲昔累鹽處有日柴場爲昔厝薪處而楊
村土人浚池至深獲黑泥如劫灰蓋猶所積竈
燼也其遺跡略可考見云又盧秉爲鹽使方勺
泊宅編作元豐初與宋史志及本傳異
鄭思菴故里 在社井今子孫尙藏有明景泰中誥
綾每歲正元日懸於影堂環拜之樸魯無士人繼
起可憫也
江聲草堂 在范村西金觀察志章別業也志章字
繪占錢塘人未遇時築草堂於此遂自號江聲白
沙新羅山人華岳秋岳爲之圖繪占在都門時有
題同年陸龍岡舍人不負草堂圖詩云我家草堂
漸江上君家草堂惠山下江山勝槩雖各殊風景
依稀略相亞我貧終歲苦飢驅慚負山靈計終差
又云感君高致同古人我亦思歸夢煙淡秋風一
棹曲江濱臥聽潮聲喧日夜蓋指此也後自塞北
宦游歸嘗襍被居之名其詩曰漁浦歸耕集以草
堂可眺漁浦也
金志章
江聲草堂歌

定鄉小識卷十三

姜

屋外清江屋後田綠陰彌望樹橫川櫻鞋桐帽吟
帆處慚負鶯時與筍天

松粉飄花近石窗藤衣垂蔓過魚缸暖風更憶纖
纖麥綠徧高田四十雙

人日集江聲草堂以昌黎初正候纔兆涉七
氣已弄爲韻分得涉字

七日程最靈獻歲候已涉初陽煦微和老樹冒新
葉登高事可循嘉會款屢接翦蔬釘春盤探梅遲
畫盤時樊榭有探分題追韓豪拈韻鬪温捷羣公
各張軍硬句盤妥帖簾空景浮浮几淨香浥浥翹

定鄉小識卷十三

七

首望南山屋角青幾疊

厲·鵲

題金繪卣江聲草堂圖

時將入都

江聲主人江上住范村西去綠江路草堂彷彿木
香村竹嶼依稀鐵爐步門前江色晴黏天屋角嵐
霏畫搖樹柳絮着水魚正肥花片入簾燕新乳主
人急裝將遠游風光似此盍少留塵中知己苦寂
寂鄰生枚叟徒沈浮爲言頻年役衣食人生識字
寧無憂有田十雙我將老息壤在彼盟諸鷗華君
岳墨戲今倪瓚下筆烟雲互凌亂歸來舊徑在眼

黑風吹水水怒立江岸荻花秋撼撼洪波巨浪日
夕春千山萬山倒影碧我家別業山水間別有天
地超塵寰梵音漁唱互相答時復夜潮聲往還山
前山後平疇綠負耒閒循曲江曲沿溪野草漲春
烟鳴鳩一聲新雨足秋來禾黍各已黃稻花十里
遠近香陂塘水落人築場枯槁四起夜未央蕭蕭
颯颯協宮商恍與波濤鏗鞀聲抑揚聲生聲滅元
無住聞性聞聞隨所遇誅茅十笏偶經營天地遽
廬此亦寓他年三立有一成枕流此地聽江聲抽
思作歌寫側理鴻飛冥冥遙山青

定鄉小識卷十三

三

雨後吳寶崖頂霜田張錦龍蘇月槎集江聲

草堂分韻

雨霽河干一棹來草堂荒徑掃莓苔山從屋後飛
晴翠酒過牆頭瀉綠醅夜靜涼催銀箭水燈明花
結玉蟲煤興酣未許匆匆去醉擘吟箋更舉杯
馮南山以題江聲草堂詩見投依韻賦謝
江天蕭曠可憑襟小結茅茨就綠陰種竹儼成千
畝意讀書長抱十年心潮回別浦吟帆遠花落閒
階玉雪深多謝蘭成詞筆健小園時許賦中尋

春暮憶江聲草堂

中隔浦低橋青不斷貧無送子雙玉瓶展畫吟詩
反覆看他時相約力著書釣石猶堪置柔翰

周天度字心羅號西隱一字讓谷錢塘人乾隆壬申進士宰清苑縣入爲主事出知許州著

有十誦齋詩集

題金道園先生江聲草堂圖

錢塘好景天下無雲容水勢抱郭俱先生家在錢
塘曲門前遠映千菱蘆壯年結髮辭故里廿載江
聲不到耳暫還尋復理游裝爲謝江神豈得已重
重烟水疑清思夢裏分明憶見之新羅山人今好
手有聲畫具無聲詩攜持出入藏懷袖臥游且當

定鄉小識卷十三

完

家居守花落閒階玉雪深吟諷纏綿能去口塞北
今看振佩珂欲歸其奈蒼生何先生豈辦買山隱
況有老屋棲岑阿坡圖指點參差似曾是當年讀
書處寒江自遠定山流眼中歷歷看鄉樹

翟灝字晴江仁和人著無不宜齋稿

江聲草堂圖爲金江聲觀察題

蟬噪那說林逾靜伐木奚云山更幽獨坐草堂傾
兩耳方知兩語不虛浮
枚叔雷行狀最工弘農鼓作意毋同碌旬稟滯諸
奇字好向齋垣寫一通

定鄉小識卷十三終

定鄉小識卷十三

罕

定鄉小識卷十四

錢塘張道少南

隄約記

濤山浪屋需障防之功石礪沙涇賴瀦洩之術政屬水利祭在土庸至於杠長荷短雪瀑所經拖屐褰裳寒流弗病苟備識夫興廢即可知其塞通定鄉境瘠陬偏為水利也微矣顧其流由溪澗而達浦瀆徑洲渚而赴江溟脈竝貫注勢恆需賴故山田愴其順出利俾之淳以蓄洩時灌漑江田震其逆入利使之

定鄉小識卷十四

一

卻以隄防資捍禦是在相夫形勢司其消息而已若夫渚唇浦尾雲插霜梁駐馬卸帆時

佐吟賞崖君路轉之詠虛谷寒塘之什卷中所引崔國輔句及朱橋下

范家村畔筍瀆夜橫梁范伯珪有為橋以度盜

事 恩德洞邊梅澗曉跨蘇東坡風水洞詩

則尤足以洗繪郊景觸撥羈情雖無當於它

山水利之編要亦竝夫西溪梵隱之志焉爾

江塘 康熙錢塘縣志錢江之水昔稱浪屋濤山瀕

江居民室廬田園所恃以無恐者賴此一帶子塘之保固耳塘潰則民有其魚之嗟塘成則戶有安

澗之慶實闕郡生靈命脈所關非僅便行人免病

涉已也自錢武肅王築塘以來宋自大中祥符至

嘉熙凡七修築明自洪武迄成化凡八修築中間

衝決不常大約皆隨時補葺未有一勞永逸之圖

也歲丙申按是歲為康熙五十五年霪雨連綿江水暴漲怒潮

衝刷自徐范二村以至轉塘壞數百餘丈不惟行

人苦之而附塘之室廬田園皆岌岌有不保之勢

今制憲覺羅滿公按名保字雲岫滿洲人

觀經臨惻然念之首捐清俸會同撫憲江西朱大中

丞按名軾字可亭高安人康熙甲戌進士檄委杭守張公按名為政字鳳崖山

定鄉小識卷十四

二

東蓬萊人康庀材鳩工及時修築大方伯河南段

公按名志熙字百淮濟源人以蔭入仕仰承兩憲之心力為任之共

修塘七百二十餘丈用過料工銀六千八百七十

兩有奇經始於康熙五十六年十月十一日竣工

於五十七年三月二十二日不動民間一夫不數

月而告成功焉一望康莊不惟行道坦坦民未病

涉而濱江之人歡聲載道咸以為繼自今乃有田

園室廬之樂偉哉功不在大禹下也

沿江石塘屬定鄉者自六和塔月輪山麓始西

上抵徐村有塘經范村有塘兩村之間九龍諸

山嶺岸江錯間每於隙處榷築踰牛坊嶺而西
由朱橋轉塘曲折以抵定山綿亘不斷定山塘
盡處有石柱石獅植立塘上以為標識攷塘在
唐時即有之崔國輔詩路遶定山轉塘連范浦
橫正指此一路江塘特未知是土是石耳至吳
越錢王經營版築其及定鄉與否載籍無明文
宋置捍江軍士後復專設修江司隄凡數修大
詳符七年潮直抵郡城守臣成綸漕臣陳堯佐
請累木為岸實土薪以捍之或言非便命轉運
使李溥按視十月壬戌溥請如錢氏舊制立木
積石以捍潮波從之時水大溢踰年不就九年
郡守馬亮禱子胥祠潮為之卻又漲沙數里隄
乃成天聖四年二月辛酉侍御史方謹言請修

定鄉小識卷十四 三

江岸二斗門景祐中隄復壞轉運使張夏築隄
自六和塔以下凡十二里置捍江兵士五指捍
采石修塘人爲立祠慶厯初六月大風潮隄壞
守臣楊偕漕臣田瑜築隄二千二百丈丁寶臣
作記六年漕臣杜杞築隄起官浦至沙陘其後
七十餘年事無可攷至紹興十年從轉運副使
張滙請招填捍江軍十年修石隄二十二年吏
部尚書林大節言潮爲吳忠其來已久捍禦之
策見於浙江大節言潮爲吳忠其來已久捍禦之
號激烈千霆萬鼓民以自江流失道潮與洲門怒
置一司詢故老究利病脈絡而後興工且言羅
制江濱舊有吳英烈王廟墟於回祿乞靈無所
乞付有司營葺從之乾道七年十一月十八日
帥臣沈夏修石隄又增石塘九十四丈嘉熙二
年秋潮搗月塘頭壞廬舍四里十一月十八日
京尹趙與權修築因請於旁近先築土塘爲救
急之計然後內築石塘又言近觀潮勢忽覩異
物非龍非魚什伍鼓鬣揚鬣欲望奏告上
帝或施強弩火炮以絕其妖又奏役殿步司官
五千五百餘人并募夫工及修江司軍士三千

餘人貼立石倉夾植椿笆板木晝夜運土填自
水陸寺之下江家橋之上近江港口築壩南北
長一百五十丈自圍圍頭石塘近江築壩水塘
長六百丈自六和塔以東一帶石隄添新補廢
而工畢水復其故書史所言皆統紀之未有專
指定鄉者惟嘉熙中海潮壞隄四十里則江路
亘遠必及定鄉矣況南渡立國之後地近輦轂
宦估繁輳江塘爲入閩歛要衝采石桐廬歲爲
修築此事勢要然惜乎簡冊之略也元室日促
修制無間明惟成化粗有模跡成化八年八九
工部侍郎李顯亦未析言其處康熙間雖屢修
整築始復舊亦未析言其處康熙間雖屢修
輒決壞故魏氏有包定二山沒入浪花如綫一

定鄉小識卷十四 四

塘安能抵拒之言前哲皆因錢氏舊址增加故
難况頻年以來龜縮亦爲沙土所壅潮更北徙
滔天之勢包定二山沒入浪花如綫一塘安能
抵今惟徐范二村時爲海潮衝齧其朱橋西上
直抵定山塘下江沙漲遠已爲乾隄矣若夫由
定山東之杜家橋直抵新嶺一帶驛路出郡溯
自六和寺至杜家橋皆沿江行過橋從馬舖西
上不復行江塘遠定山之陰經凌家橋抄公館
山麓過清橋楊村要即古昔江塘故址故楊村
社并以達新嶺
西有地名新塘焉
土堤 定鄉江村惟北近山麓其東起定山西抵黃
山魯南岸大江延袤二十餘里都屬漲沙有溝瀆

無圩塘東面海潮自浮山衝擊田爲汙萊勢無可防西南承睦歛之水往往橫溢壅障爲亟父老言昔時水道疏通江患極罕近則中流橫亘沙洲自富陽觀山下至漁山渡口凡二十餘里此沙漲自明初西屬富陽東隸錢塘及仁和鹽場其餘復有南沙小沙諸處忽連忽斷崩漲不常未有村廬僅可種藝流旣不暢而上游山縣長官復不行伐蛟之政故夏秋之間毒蜃乘風雨出江忽暴漲溺壞田廬兼以山戶棚民賃地耕掘土膚剝損力不滲水卒遇大雨沙礫逐流而下填淤江腹無以容波此定鄉所由多水患也南面舊有土隄地旣

定鄉小識卷十四

五

崩圯隄亦隨之道光末頻歲患水西面新築土隄頗資捍衛而南面闕如咸豐乙卯父老共議榷障賺錢召夫余分監五百丈有奇督役百餘日痼疾大作余有詩紀之是秋無水患田稍有獲丁巳五月洪水怒溢浸及半扉隄盡摧壞七月復大水他所築隄無存焉者矣惟余所監尙堅屹無恙而水漫濱四溢稻卒不年嗟乎天棄此土如楚瘦氣脈弗周牧令以僻遠不觸於睫無有籌畫甦吾民者閭左又瘠窮力弗任榷石之役故但期累土塌流而沙性浮薄勢不持久區區一粟屢爲橫流所注

里日貧困譬之疾也肘柳而背瘍千創百孔治療非易徒束手浩歎而已

附詩

春夏之際江口修築南塘余分監五百丈有

奇積勞三月舊疴復劇

江村之南江連天村夫日種江邊田江高沙互水爭道漲時直過桑麻顛平地魚龍出人路歲攬稻梁入海去城中官府瘦且龔但促胥奴督租賦父老奔走議各張豈容量水輸官糧五行剋制有古法捧泥捍水需陂塘窮村無力役奮掘醫瘡還割

定鄉小識卷十四

六

父老肉東西履畝稅私錢抵榷淇園萬千竹賴肩汗脊勞汝躬綫路亦須千夫工五百丈隄首尾屬一眼修互如晴虹不敢水衡費大府但勸汝莫吝疲苦縱然僻陋形勢微封埤丸泥豈無補我聞漢時吾郡華功曹賺民棄土揜厥勞失信於眾我何敢日虞不給形神焦又聞吾家司封築隄十二里勳與錢王略比似我今不請內府錢赤手搏沙終自恥且與江斐酌一尊息壤要汝盟吾言壓捺濤頭逐水怪護我一撮毋我吞但得隄高水落沙田歲歲熟便使不才老病日服百藥亦不惡

志水利者隄塘之外例及橋梁埭壩蓋溪浦通塞之故於是可攷見焉第地狹隘建制希有無可分編故就所知者聯綴諸

環翠橋 在六和塔南江岸入塢爲蕭園

吳溝橋 舊在秦望山麓東爲六朝徐氏故廬錢塘縣志徐秋夫宅在吳溝東

徐村橋 在徐村咸淳臨安志在徐范村浙江通志徐村大木橋通富陽驛道爲往來要衝舊係木橋雍正五年總督李衛改建石橋

牌山橋 在徐村咸淳臨安志在徐村

定鄉小識卷十四

七

五雲山東有排山塢牌宜作排

范村橋 在范村咸淳臨安志在范村

橋在范村浦上過橋而西卽牛坊嶺嶺麓舊有

感應菴故亦呼感應橋

外度橋 在范村北雲棲塢口西湖漁唱外度橋在

七佛寺北由江干清風亭至范村入雲棲必經橋

上青龍聖義金液諸泉會合於此入江

義橋 今廢無攷咸淳臨安志在徐范村

是橋潛氏列徐村橋前其址久圯名亦弗存

朱橋 一名大朱橋亦稱朱梁又

在百子山前江口

咸淳臨安志在徐范村又漁山渡在大朱橋鹽場萬厓杭州府志萬年橋在范村南十里萬厓戊子杭守余良樞建萬厓錢塘縣志上諸橋一曰大朱橋萬厓二十四年僧祿宏耆德葛廷祿修造西溪梵隱志土人相傳朱橋是貴人朱清擔柴路康熙錢塘縣志上諸橋一曰大諸橋萬厓丙申雲棲善知識蓮池大師卓錫於此里人葛廷祿修造湖山便覽在范村西江船抵暮避風者多泊橋下

春渚紀聞敘東坡請開新河道里有南蕩朱橋

港語則橋名舊矣昔橋側爲朱姓族居朱宣慰

定鄉小識卷十四

八

實宅於是聶氏以江干有諸橋別之曰上非也

橋本跨江岸明余太守移建港次北繫百子山

南繫午山記所云兩山之麓後蓮池僧與葛東

橋仍築江口卽今處也規制堅鉅江上各橋以

此爲壯東指海門雲帆雨檝隱隱濤雪之中夕

則篷燈漁火鱗泊江次搖射如畫相傳梁鹽官

朱世卿橋隱處凌岱春詩卜隱遂令橋得名指

此其說未知是否

余良樞

建萬年橋記

萬年橋舊名上諸去郡城三十里許濱錢塘江潮
激屢圯耆民胡璋募修復舊未十年復圯子聞之
乃捐俸伐石工徒竝作屬邑爭率錢佐費有差督
幣三河孫公又大捐助竝付僧如通者主之工未
強半復圯於潮予大驚異曰潮日再至屢修屢圯
是終不可成乎然潮波吞岸濱江不宜橋也盍徙
入百餘步相其地蓋兩山之麓相夾於道若有待
者爲文告於馮夷移所運石改建其地始今年四
月之朔日告成於秋四閱月計爲工凡幾糜金凡
幾下累址捲石爲甕高五丈有奇廣二丈餘東西

定鄉小識卷十四

九

長各五丈有奇規制比舊更飭頗稱堅好行人胥
慶先是改建之日有敝衣道人乞食工所食既道
人曰此萬年橋也道人忽不見人竝異之至是橋
成里人遂以萬年名橋云

方回

朱橋早行

田間夜打稻茅茨耿明燈客行過籬外吠犬似可
憎放馬齧露草小憩寒塘墜坐念今民間貪吏無
以繩幸此歲稍稔庶足供科徵不然豈不窘況乃
軍旅興往者孰柄國未謂杞遽崩僞心感咎證水

早長頻仍茲獨有年屢天仁良可憑緩轡忽得句
數星陂水澄

錢惟善

朱梁夜泊

長虹下飲逆流渾雪色沙寒石鬪喧晚飯鐘催鄰
驛寺宵漁火映竝山村月明欲解江靈語風橫難
招海賈聶氏志魂忽憶楓橋曾繫纜一篷烟雨夢
吳門

釋大善

朱橋

定鄉小識卷十四

十

江潮不畏海門遙進浦雲生第二橋乍入松濤旋
作雨忽翻竹浪又爲潮遠來貨物舟人識初到商
人店主招夜泊客燈漁火伴月明沙岸草蕭蕭
三子橋 在黃山路口萬厓錢塘縣志在定北鄉

崇明橋 在黃山路口萬厓錢塘縣志在定北鄉

橋俗譌爲瓊林黃山諸水合此入江橋柱欹殆
圯經久不折相傳建橋時有跛丐過此頓足而
歛眾怒詰之笑曰但歛耳弗圯也忽失所在至
今以爲仙蹟云秋夜橋上望月最勝

吳橋 在黃山萬厓錢塘縣志在定北鄉

葉婆橋 在黃山萬麻錢塘縣志在定北鄉

橋向在黃山烏雉嶺東潛氏以為在徐范村非

梁婆橋 萬麻錢塘縣志在沿江路通富陽驛

慈母橋 在黃山

杜家橋 在象山下杜家浦

歸龍橋 在白巖山錢塘縣志白巖十景有歸龍橋

釋淨符

歸龍橋

橫身路口接來機三笑猶然響翠微不用構亭煩

引領人龍時有望雲歸

定鄉小識卷十四

十一

釋佛臣

歸龍橋

架石成虹大有由為緣烟水抱珠流山前接得皆

頭角要使為霖潤九州

凌家橋 在定山西萬麻錢塘縣志在沿江路通富

陽驛

橋在凌溪上受金家嶺滕村諸水入定山浦潛

氏以為在徐范村誤矣宋有凌氏居此故名今

子孫徒富春

定山橋 在定山浦萬麻錢塘縣志在定南鄉

橋畔多荒塚夜行者時遇鬼魅故俗以定山橋為惡地

永慶橋 在良戶村萬麻錢塘縣志在定北鄉

橋極小石有字云明嘉靖三十四年乙丑庚子

月重修聶志言定北恐別一橋

戚家橋 在佑聖觀側

涓橋 在虎頭頭山下涓橋菴前

橋自宋有之咸涓臨安志所記邽置有涓橋斥

堠而不列於橋梁何也定鄉地名最有古意者

曰涓橋良戶直是天成對偶可見昔日風俗之

定鄉小識卷十四

十二

美橋雖平小為富陽驛路要衝

無私橋 在胡步馮氏里萬麻錢塘縣志在安吉鄉

橋一石約耳聶氏著錄不知何意相傳橋為明

馮斗萃御史所築聶氏修邑乘葛司農實與書

局馮葛世友善故及之

橫溪橋 萬麻錢塘縣志在長壽鄉

邵家橋 萬麻錢塘縣志在長壽鄉

雲洞橋 萬麻錢塘縣志在長壽鄉

周家橋 萬麻錢塘縣志在長壽鄉

姜婆橋 萬麻錢塘縣志在長壽鄉

六畝橋 萬麻錢塘縣志在長壽鄉

杜家橋 萬麻錢塘縣志在長壽鄉

此與杜家浦之橋同名

沈朴橋 萬麻錢塘縣志在長壽鄉

柴家橋 萬麻錢塘縣志在長壽鄉

按潛氏郡志定鄉之橋云在徐范村者七義橋徐村

橋范村橋朱橋葉婆 聶志云沿江路通富陽驛

者六徐村橋牌山橋 云上四鄉路者十

六三子橋崇明橋吳橋葉婆橋永慶橋定山橋

橋六畝橋橫溪橋邵家橋雲洞橋周家橋姜婆

定鄉小識卷十四 十三

溪諸橋也而沙村未著錄今自浮山而外始余

里以暨周浦市略紀其跡焉

太平橋 在永福菴側

何家橋 在緣江浦上余里東葛螺舟挫足詩沿隄

度石橋迤邐登隴首指此

竹橋 在余村廬北

鮎魚橋 在余里西

孫家橋 在余里南

鏡澄橋 在余里南

夏家橋 在鹽塘元有隱士夏純陽善治疾今鄉中

夏姓絕少橋當卽宅處也

張官橋 在王安寺側明初余遠祖有官河東鹽課

提舉司諱士期者居張家衙橋或其所築與

板橋 在鄭村以橋名

楊村橋 在楊村湖步溪水洞諸水出此橋下通富

陽驛

攀桂橋 在楊村

耀河橋 在周浦市

埭門開一名千 萬麻錢塘縣志在定北鄉久廢居

定鄉小識卷十四 十四

民葛廷祿同子大成重建灌田數十頃西溪梵隱

志先是朱橋至百丈田凡千頃每旱魃為災則河

身龜坼朴菴子東橋公廷祿建閘以滙溪流而秉

耒者優游矣德厚者澤長故其曾孫岷瞻先生嘯

起焉崇雅堂集葛氏今猶聚居閘旁之午山其地

以有閘瀦水多腴田土人呼為閘裏田又名其閘

曰千金閘

閘在百丈山東麓山有朴菴墓形家言司農之

興由此墓惜閘水聲潺潺驚散龍氣故一振卽

衰替云今閘石堅完啟閉以時守規不變東橋

明德遠矣定鄉水利惟此及浮嶼潭銅鑑湖獲
灌溉之澤他則山田苦旱江田苦潦歲屢不年
韓家開 萬厯錢塘縣志在定北鄉近廢

開舊在象山東清平菴前瀦洩桑柳溪之水土
人言爲陳式匡司李所廢然聶志已有近廢之
說司李明季人此譌傳也

渡上開 在安吉鄉湖步之曇山北潮水自曇山浦
入恐留濁淤故設此開

永慶開 在定南鄉良戶村瀦洩瀆橋公館山之水
卽永慶橋也

定鄉小識卷十四

五

浮山開 在定南鄉浮山村迴龍菴前瀦洩浮山浦
之水其地名開裏村今爲江潮衝圯

楊村開 在安吉鄉楊村亦名永慶開瀦洩楊村浦
之水

東江開 舊在東江渚故名嘉慶中移建定南鄉新
沙瀦洩緣江浦之水今爲潮沙漲塞

大壩 在周浦市江口瀦洩湖步溪之水溪自湖步
緣山東流合風水洞溪水出楊村浦以達於江溉
田甚廣顧近溪之田苦低利瀦近江之田苦高利
洩每致持鬪爭訐至今斷斷也

定鄉小識卷十四終

定鄉小識卷十四

六

定鄉小識卷十五

錢塘張 道少南

石墨略

近世饒金石家亡友沈二癖嗜之嘗手拓曇山風水洞摩崖示余此道光丙午春事遂約搜摭故山事蹟實肇於此間輒同游危崖叢薜間睇玩忘勦既沈君以學古文中輟且旋物故可痛也朱文公題名見聶氏志唐元和諸刻見兩浙金石志顧多謬損弗完完者忘友種杵之力也取其拓本釋之疏之粲然矣

定鄉小識卷十五

一

復旁錄他刻成是書魏氏縣乘於金石析四例首金刻定鄉一粟地卽金刻無古且佳者雖未如無有也故但曰石墨略言石墨尙略耳吳越鐵井欄刻八卦文雲棲余知閣宅界石西湖志錄之余弗取也存說於古蹟略魏氏例不入墓志近諛且納幽也吳夫人誌碣寶躍諸土書蹟可玩視李氏所錄唐姚處士朱孫花翁二志無文字者有間矣禾中新郡志鼎敦碑甌多取張氏藏類一家私書矧易徒非法定鄉卽窮僻時有購獲者要弗敢

羈此書志也嗟乎生人非貞石遊者之墓草數青矣弗獲覩是書之成然抑烏知石丈不盡壽而諸刻假翰墨乃克千古耶是又數之不可必已

宋曹勛六和塔碑記 舊在六和塔 文詳梵剎志

宋尙書省牒碑 在六和塔內

尙書省牒 大字 牒文 小字 正書 行書 文不錄 牒奉敕宜賜

開化寺爲額牒至准敕故牒 大字 行書 少保尙書左

僕射同中書門下平章事簽書樞密院事兼權參

知政事錢 押 同簽書樞密院兼權參知政事虞

定鄉小識卷十五

二

押並大 隆興二年十二月日牒 大字 尙書省印 付僧

智曇劄 押臨安府印 小字 正書 文不錄 付開化寺劄 小字 正書 文不錄

乾道元年七月日 押臨安府印 乾道元年八月日

押臨安府印

宋修六和塔碑記 在塔內磚刻字陽文首題大宋

國末書辛巳四月

宋觀世音經像碑 在六和塔

佛說觀世音經 前有 大士 圓光 小像 經文 小楷 細書 袖珍 本經 不錄 已定

居士董仲永向施小字觀音經後以湮沒遂成中

輟今復命工刻經於石用廣其施又求得菩薩妙

相李伯時墨本同刻諸石作無盡施仲永稽首合
掌說偈不時紹興二年歲次壬子中元日記
小楷書此段在經文前
冠以觀音佛跌坐像

宋金剛經碑 在六和塔

金剛般若波羅密經真行書各體不具名款如
經文分三十二段經不錄

昔熙甯盛時賈文元公與名德耆舊三十有二人
為僧智利悟朋共書金剛經一卷今朝廷奠安四
方無虞六和塔主僧智曇請於親貴鉅公接踵前
規合同寫此此跋隸書
下文缺

宋佛說四十二章經碑 在六和塔

定鄉小識卷十五 三

特進尙書左僕射同中書門下平章事吳興郡開
國公沈該第一 左正奉大夫守尙書右僕射同
中書門下平章事縉雲郡開國公湯思退第二
左中大夫知樞密院事陳誠之第三 左中大夫
參知政事陳康伯第四 左太中大夫同知樞密
院事王綸第五 左太中大夫權吏部尙書賀允
第六 左朝請郎試尙書吏部侍郎兼史館
修撰兼侍講葉義問第七 左朝請大夫試尙書
兵部侍郎兼侍講兼直學士院楊椿第八 左朝
散郎試給事中兼直學士院兼同修國史周麟之

第九 左朝散郎試中書舍人兼權樞密都承旨

洪遵第十 左朝散大夫充敷文閣待制提舉佑

神觀楊傑第十 左朝奉大夫權尙書吏部侍郎

沈介第十 左中奉大夫權尙書戶部侍郎趙令

諤第十 左朝奉大夫權尙書禮部侍郎兼侍講

孫道夫第十四 左朝請郎權尙書工部侍郎王

晞亮第十 左朝請郎權尙書刑部侍郎兼權詳

定一司敕令黃祖舜第十 左宣教郎試起居舍

人兼權中書舍人張孝祥第十 左朝請大夫太

常少卿兼權中書門下省檢正諸房公事朱棗第十

定鄉小識卷十五 四

八 左朝奉大夫守宗正少卿金安節第九 右

朝請郎守大理少卿李洪第十 右朝議大夫司

農少卿董莘第二十 右中大夫行太府少卿錢

端禮第二十二 左朝奉大夫將作監張宗元第二

十三 左朝請大夫軍器監張運第二十四 左

朝請大夫尙書吏部郎中楊朴第二十五 右朝

奉郎守尙書戶部郎中兼權金部郎中莫濛第二十六

段 右奉直大夫尙書刑部郎中路彬第二十七

左朝散郎守尙書工部郎中張廷實第二十八

左奉議郎守尙書吏部員外郎兼權尙書右司郎

官周操第二十九段行書 左朝奉郎尚書吏部員外郎

兼國史院編修官兼權樞密院檢詳諸房文字葉

謙亨第三十段行書 左朝奉郎尚書吏部員外郎兼國

史院編修官胡沆第三十一段行書 右朝散郎尚書司

勳員外郎陳俊卿第三十二段行書 左宣教郎守尚書司

封員外郎鮑彪第三十三段行書 左朝請郎尚書考功員

外陳棠第三十四段行書 左朝散郎尚書禮部員外郎楊

邦弼第三十五段行書 左朝奉郎尚書祠部員外郎兼權

國子司業張洙第三十六段行書 右承議郎尚書刑部員

外郎黃子清第三十七段行書 左朝請郎尚書都官員

外郎兼玉牒所檢討官兼權戶部員外郎楊傑第三十八段行書

左奉議郎守尚書比部員外郎沈樞第三十九段行書

左朝請大夫行尚書屯田員外郎韓彥直第四十段行書

左承議郎秘書丞兼國史院編修官兼兵

部員外郎虞允文第四十一段行書 右奉議郎秘書省校

書郎兼國史院編修官兼權尚書駕部員外郎洪

邁第四十二段行書 聖宋紹興乙卯冬十一月旦西

蜀布衣武翊跋跋不錄 都勸緣住持傳慈恩宗教

僧智曇立石正書 李氏西湖志云六和塔大小諸經榻俱極一時

定鄉小識卷十五 五

書人之選且字畫完好可玩

宋刻真武像碑 舊在真聖觀高祚間命摹本 進理宗為製贊

右碑魏氏以為在塔而翟氏云在塔側真聖觀

言道士汪師隆藏有吳道子真武像清祐間鄭

清之摹刻於石拓本上進理宗御製贊說本潛

君高臨安志真武為道家崇奉宜在觀也然明

田藝衡游五雲山記云六和塔燬已久中存宋

理宗真武像石刻無恙則久自觀移至矣

宋歐陽修小草秋聲賦歸雁亭詩石刻 舊在真聖

觀雁或作鶴

宋洪邁撰陳鑄城南堂記石刻 舊在真聖觀

宋趙汝談保壽院碑記 舊在保壽院今不存文詳 梵刹

宋龐承寵天池寺碑記 舊在天池寺文詳 梵刹

明劉夢謙雲棲免役碑記 在雲棲寺

明馮夢禎雲棲蘭若志石刻 在雲棲寺

明陶望齡雲棲寺碑記 在雲棲寺文詳 梵刹

明董其昌雲棲寺碑記 在雲棲寺文詳 梵刹

明余良樞萬年橋碑記 舊在范村南萬年橋側

萬年橋即朱橋

定鄉小識卷十五 六

宋詹昌縣太君吳氏墓誌銘 在定南山

資政殿學士通議大夫知江甯軍口提舉本府學

事兼管內勸農使口口南東路兵馬鈐轄上輕車

都尉河東縣開國伯食邑九百戶薛昂撰文

朝散大夫試禮部尚書騎都尉口口縣開國子賜

紫金魚袋強淵明書丹

朝奉大夫充顯謨閣待制提舉杭州洞霄宮口都

尉文安縣開國男食邑三百戶賜紫金魚袋蔣靜

題蓋誌十九行每行二十七字末行十七字除空

末行八字計文五十六字碑尾書錢塘陶揆模

定鄉小識卷十五 七

字俱正書文詳古考攷

是碑道光中桑柳村鋤山所獲兩石俱完好攷

誌文以政和六年四月丁酉奉夫人耐於杭州

錢塘縣定山朝奉君之墓次則定南山古亦統

隸定山矣薛強蔣宋史俱有傳昂字肇明杭州

人元豐八年焦蹈榜進士官至資政殿大學士

吳越太尉居正三世孫淵明字隱季錢塘人至

子與薛昂同第歷濟杭二州教授大觀三年知

越州見紹興府志卒贈資政殿學士淵明與兄俊明

陟明齊名後明熙寧九年進士崇寧三年官靜

字叔明宜興人第進士官安仁令後以大司成

出知洪州告歸加直學士是碑書法俊挺逸秀

近虞褚無碑版習氣且完好可玩石縱長二尺

五寸橫徑三尺淵明能書顯宦而名僅附見父

傳固亦有幸不幸然由志乘率苟故也又刻工

陶揆亦鑄字世家也揆之先有陶翼陶拱家嬪

是業見慈雲嶺石龍院石刻僧冲羽書心印銘

鑄字天宋皇祐癸巳歲七月草堂揆拱疑為兄

僧慎微糾同志刻于石龍院之厓弟行又越中金石記載薛昂崇寧四年皇帝賜

辟離詔後序銜稱承議郎試大司成兼侍講武

定鄉小識卷十五 八

騎尉保寧縣開國男食邑三百戶賜紫金魚袋

臣薛昂奉聖旨撰并書後有承議郎守國子司

業兼同編修國朝會要武騎尉賜排魚袋臣強

淵明及朝散郎試中書舍人雲騎尉賜紫金魚

袋臣蔣靜等奉敕題額按此序在墓碑前可考

見三人官資所由

宋趙伯衛題名 在定山

趙伯衛牧仲游紹興己卯九月十七日

右摩厓正書二行字徑寸餘伯衛紹興間為錢

塘令見縣志

宋梁安世等題名 舊在曇山

梁安世次張鄭濤次山清熙癸卯六月四日偕游
右題名今已不可覓想為斲石者所損矣梁安
世宣平人登紹興二十四年張孝祥榜進士見
浙江通志又處州府志作麗水人又云安世少
穎異雅志讀書過目成誦與張孝祥為忘年友
清熙間由進士自大農丞出守韶州累官至轉
運使所著有遠堂集又俞文蔚吹劍錄括蒼梁
民懷首創民兵捍禦方臘有功郡縣議上聞民
懷不肯既得子名安世年十九登科安世字次

定鄉小識卷十五

九

張官至司農丞廣西漕次山霄里無攷即當時
築園亭於曇山者也癸卯為清熙十年先於朱
文公題名之歲凡十二年劉昌詩蘆浦筆記清
熙辛丑子客桂林運使梁次張舉似石芥詩今
未忘也擷根山石貯瓶罌柱後緘題見者藉風
味莫嫌無醞藉杯梓甚解作聰明願言則噫傳
心事搔首踟躕散宿醒最是徂徠名道地至今
奸膽亦魂驚按辛丑前此游二年則此游在漕
廣西後矣

宋清虛洞天四大字 在曇山仙人洞內

清虛洞天 紹熙三年夏五月癸巳刊

右四字篆書大徑尺許右題識十字一行正書
仙人洞內一巨石橫出如臂狀欲擊壓人此書
仰鑄石面遊人仰觀翹頷脫幘不知當日何以
書刻也欵不著名想亦鄭次山輩所為

宋朱文公題曇山詩 在曇山棋枰石南側石壁上
頽然見茲山一一皆天作信手銘巖牆所願君勿
鑿

右廿字正書二行每行十字左行文公初游曇

山所題也君者指山主鄭次山曰頽然有乍觀

定鄉小識卷十五

十

之意特不知初遊為何時耳聶氏錢塘縣志引
朱子紀事次是詩於紹熙甲寅題名後云因題
石上云云則誤為重游時事矣且不知詩字左
行復以信手二句為起非是摩崖低傍游履石
薛頑蝕倉卒莫辨

宋朱文公重游題名 在曇山仙人洞側

紹熙甲寅閏十月癸未朱仲晦父南歸重游鄭君
次山園亭周覽巖壑之勝裴回久之林擇之余方
叔朱耀卿吳定之趙誠父王伯紀陳秀彥李良仲
喻可中俱來

右六十二字正書摩厓共十六行每行四字末
行二字字徑二寸文左行縱一尺四寸橫四尺
四寸聶氏錢塘縣志引朱子紀事壑作泉裴回
作徘徊定作寶誠作城紀作純俱誤考甲寅爲
紹熙五年光宗升遐寧宗初立文公以丞相趙
忠定公薦除煥章閣待制閏十月十九日面對
忤韓侂胄去國寓居西湖靈芝寺癸未乃是月
二十六日南歸蓋歸閩也兩浙金石志乃云宋
史光宗紀紹熙二年三月詔福建提點刑獄陳
公亮知漳州朱熹同措置漳泉汀三州經界此

定鄉小識卷十五 十一

云南歸自閩還也則爲辛亥年時事盡談又以
曇山爲定山可中訛作可忠並非從游弟子可
知者林擇之古田人名用余方叔上饒人名大
王伯紀金華人名李良仲平江人名杞四朝聞
元年韓侂胄欲逐趙忠定遂禁僞學朱文公去
國寓居西湖靈芝寺平江木川李杞獨叩請得
窮理之學有紫陽傳授行於世卽是此人但餘
公去國實於甲寅葉氏以爲慶元年非也餘
俟續考勇幢小品云晦翁門人可考者三百三
十八人無考者五十三人之數君者其在無考
之列與鄭次山名濤見風水洞石刻是書剛勁
遒肅確爲文公手書蘇氏以爲用筆結體不似

朱子他刻疑屬弟子代書非也且厓石完好波
畫明麗首數行公題名處石瑩潔如常揚之碑
精采倍常疑有神護可寶也錢塘湖上諸山公
未嘗有題刻惟此山兩題而已詩略漫漶不易
搨是書搨本好事往往裝池成卷詫爲希有乃
兩題尙見聶志而魏氏邑乘略而不錄何歎

蘇愔元 字厚子號芝樵相城布衣

書朱子遊鄭次山園亭題名後

此摩厓題名在杭州西南定山村西曇山仙人洞
側西距風水洞二里餘茲山巖石玲瓏最可游覽

定鄉小識卷十五 十二

按紹熙甲寅朱子年六十五歲寧宗初卽位丞相
趙公汝愚首薦朱子七月自湖南安撫召赴行在
八月除煥章閣待制兼侍講朱子屢辭不允十月
五日乃受命時韓侂胄擅權朱子連上疏論還內
過宮山陵朝綱四事閏十月十九日面對又極言
左右竊柄之失侂胄大怒寧宗亦不悅是日遂以
御批罷侍講除宮觀趙公袖御劄還上固諫侂胄
遣中使徑赴外朱子上奏謝遂行立朝止四十六
日耳十一月還考亭癸未乃二十六日正去國將
歸時也鄭次山不見文集語類林擇之等皆爲弟

子擇之名用中古田人爲高弟從游最久朱子甚愛重之余方叔名大猷上饒人文集有答問李良仲名杞平江人語類有記甲寅所聞其餘俱不見文集語類王伯紀名漢金華人魯齋之叔見弟子考又按此書用筆結體不似朱子他刻或弟子之代筆歟從來聖賢之仕也皆因小人沮之蓋不能得聖君明主而事君既厭正言之逆耳而小人又復多方排擠是以道不能行席未嘗煖而卽去國古聖賢皆同一轍也君子惡小人之誤國小人惡君子之異己君子欲去小人往往勢孤力弱而反

定鄉小識卷十五

三

爲小人所中小人欲去君子則黨眾力齊而讒害君子殆盡矣吁可慨哉錢塘沈君象元家茲山下以題名揚本贈余余因此繫乎朱子出處文集未載志乘亦不著故裝潢而識其大略云

附詩

墨山讀朱文公題名詩

鳳皇翔千仞訓狐嘯喬枝僉王枋國政君子歌維噫賢奸邪正不兩立人國治亂恆視斯三月未暖司寇席五鼎反惑臧倉辭坐致生民日板蕩千秋論世徒傷悲南渡四葉帝當璧紀年未更仍紹熙

歲在甲寅秋七月公正安撫湖南陞宗英賢相老憂國一紙首薦王者師煥章待制兼侍講煌煌宣詔騰丹墀十月五日始受命乃淹兩月何逶遲鋤刈芝蕙植蕭艾定知暮氣難支持抗章屢辭不獲命遂疏四事陳便宜致君堯舜恨無術疇亟鵬咬升皋夔是時平原弄威福熏天意氣如窮奇山河半壁入牛角輒思唾手燕雲窺閏月十九公面對極言左右羅臬鴟公盜太阿召敵衅天下岌岌當阡危老臣不言罪合死陛下不信蓋三思觸忤權倖拂上意遂降御批除宮祠投閒幸不籍邊瘴尙

定鄉小識卷十五

四

免謫逐加鞭笞丞相袖劄亟還上固諫不聽私吁嘯飄然去國上奏謝不遇有命夫何疑立朝四十六日耳小人得志時難爲從此慶元禁僞學榜堂不殊元祐碑要使正士一網盡乃得恣睢行朦欺理學晦蝕兵氣熾後來戎禍叢開禧魏公地下應震怒赤吾族者其繼兒勢敗朽體竟函北此舉直晒南朝衰公歸非特見幾早要揭大道同朝曦徘徊戀闕不忍去寓公湖上棲靈芝時公年已六十五道氣偉健神冲夷考亭歸去實冬仲此行正際將歸時癸未日當二十六按朔猶得推幹支從游

侍杖九高弟門墻航航尊聞知余王吳陳趙朱喻
攀龍附驥聲遐施其間林李更傑出直以孔室顏
曾期公卽懋快不竟用巖壑入手心爲怡况茲奇
秀甲吳越鬼斧鑿削疑神倅名山偃蹇晦幽僻恥
與世俗爭妍媸幸入道眼乃異數如人遇合有偶
奇不見錢塘山萬叠公跡未到氣象卑錢塘諸山
公題名惟
此而風霜摧盪特完好大書深刻神淋漓伸鉤屈
鐵氣獨厚剛健時露孤雄姿忠義激發入翰墨六
十二字蟠坤維老腕未信師魏武何事更數絲與
羲光怪熊熊照幽篁天神祇敬驚魑魅縱橫四尺

定鄉小識卷十五

五

有六寸精采敢許落華滋素志了不玩山水直欲
四海均平治道旣不行作歸計假託游覽供委蛇
公游去今七百載蒼厓閱蹟騎荒茨萬麻縣令頗
搜采掌錄紀事微參差南樂續志總鹵莽賢蹟照
眼胡見遺康熙中錢塘令
魏嶠南樂人儀徵相公麻晴古兩浙
持節搜碣彛移榜獅嶼惜地外羸繆卻要重刊劄
隱侯子孫我良友私懼滅沒登屢屨雲章手扶功
待偉擅杵不憚荆榛披沈君肖雲居近景
山曾手拓示余寶持矜
貴未易得每逢佳士亦分貽海內自今識公筆衣
冠拜讀無瑕疵龍眠老人蘇厚子殷勤題後垂涕

漢道此繫公出處節斯文未喪今在茲但疑使筆
結體別苦引他刻分澗淄甲寅之游實再至初游
早鏤銘巖詩願君勿鑿意戒切天然靈秀毋殘糜
德默逐利彼何識城門火乃殃及池少讀公書愛
公筆護持端賴良有司矧召崑崙帝四出羽妖夜
嘯聲嘻嘻毀侮先賢更宜罪庶幾伸法威氓蚩山
旁
居人采石燒灰毀摩崖數處去題名近勢將及我
且損山脈屢召火患余與沈君請縣令禁之
家去山十里近支筇捫厯行忘疲但恨園亭主人
去寒烟蒼莽橫無涯山中誅茅計倘就臨摹不用
師雲麾

定鄉小識卷十五

六

宋雲泉靈洞四大字 在雲泉山風洞下大石壁
雲泉靈洞
皇祐庚寅元居中篆院僧忠信命蔡才院僧口立
右大字篆書分兩行行二字大徑丈許書法道
古雄健偉爲鉅觀石壁挺立前撲可以避雨無
風霜之虐苔蘚之蝕不溜不剝故至今精采異
常惜乎游筇罕經幽厂永闕潛君高之流遂不
知是山有雲泉之號欵字一行正書庚寅爲皇
祐二年先於熙寧之游二十年矣錢塘元氏爲
甲族少師元絳位至丞弼居中當亦錢塘人也

兩浙金石志元居中邵武人康定元居中嘗知

年以將仕郎任唐興令當必有據歸安縣事見湖州郡志後知宿州見泗上錄泗

錄元居中作宿守郡有官妓小蘇善歌舞令就

座客開彥長求詩贈詩云昔日聞蘇小今朝見

小蘇未知蘇無又治平四年有提刑元積中立

貌得似小蘇無石鹽橋運河岸事見東坡請開河狀當即居中

昆仲又居中有題錢塘千頃院瑰石詩云人久

眾所憎物久眾所惜為負磊落姿不隨寒暑易

見杜綰雲林石譜

宋祖無擇等題名 在雲泉山風洞下石壁

祖無擇沈振元居中張先熙寧己酉孟秋晦日偕

游

右篆書五行每行四字字徑八寸文右行完好

無損按祖無擇字擇之上蔡人進士高第治平

四年十月丁未以右諫議大夫加龍圖閣學士

知杭州明年神宗即位改元熙寧己酉為熙寧

二年正典郡時也邵氏聞見錄祖無擇登甲科

與王介甫同知制誥熙寧二年介甫參知政事

時無擇知杭州介甫密諭監司求無擇之罪使

御史王子韶按治無所得坐送賓客酒三百小

瓶責節度副使安置元豐中復祕書監集賢學

士移知光化軍卒士大夫冤之張先字子野吳

興人天聖八年進士即張三影也是游祖擇之

有慈嚴院詩元居中張子野俱有慈嚴院上祖

使君詩沈振錢塘人字發之以大祠郎起家累

官至司農少卿見沈遼伯少卿埋銘遼言振以

熙寧六年卒年七十三則來游時已六十九矣

而子野正八十亦老健哉

是 澗水燕談錄錢塘沈

振蓄一琴名冰清即

宋周之祥等題名 在雲泉山風洞下

元祐癸酉八月二十一日周之祥履中何志同彥

時黃策子虛來游

正書左行分四行首行八字次行七字三行六

字末行五字周之祥何志同黃策見元祐黨籍

碑餘官第三十三黃庭堅太學試院題名記敘

元祐三年東坡知貢舉時點檢試卷官有履中

當即周之祥也志同龍泉人元祐辛未馬清榜

進士初校讐麟閣靖康中金寇頴昌守臣曾開

懼宰相以志同代至郡勵士死戰會虜以數萬

騎至不敵城陷志同委子女挺身出招散亡時

高宗以大元帥開府濟陽志同率范增等三十

定鄉小識卷十五 七

定鄉小識卷十五 六

騎赴之上見嘉賞先志同書密啟南都祖宗興
王地請正位號及移蹕南都復申前請從之以
志同攝大尹見處州府志策字子虛彥之子中
進士乙科為雍邱縣主簿元符末詔許中外言
事時昭慈既復位號典冊有未盡正者因上書
引古義力爭之崇寧初黨論起名入黨籍羈置
登州會赦還鄉里遂休官號隨緣居士欽廟嘗
書隨緣二字賜之建炎中追錄黨人除直祕閣
見龔明之中吳紀聞癸酉為元祐八年書法頗
肖黃涪翁完善無殘損可玩也

定鄉小識卷十五

九

唐李幼清題名 在雲泉山水洞一

睦州刺史李幼清元和元年十一月廿九日題

右正書兩行行九字字徑寸餘左行完好李幼

清新舊唐書無傳浙江通志李幼清憲宗時為

睦州刺史元和四年任據題名則元年已典郡

矣

唐李夷簡題名 在雲泉山水洞

饒州刺史李夷簡口口游元和二年四月十二日

赴缺

右正書兩行首行簡字下缺次行赴字下缺字

大者二寸餘小者僅四分之一在李幼清題名

右同一厓左行李夷簡字易之為鄭王元懿後

舊書李宗閔傳宗閔宗室鄭王元懿 新書本傳

之後父翽翽兄夷簡元和宰相 云元和時官至御史中丞京兆尹楊憑性驚佻

始為江西觀察使冒沒於財夷簡為屬刺史不

為憑所禮至是發其貪貶臨賀尉史但言屬刺

史觀此刻知卽守饒也舊書楊憑傳祇云在巡

屬更疏矣憑在江西夷簡自御史出官在巡屬

又夷簡刺饒替李吉甫舊書憲宗紀永貞元年

甫為考功郎中知制誥蓋所云赴者當是召為

吉甫內召而夷簡往代也

刑部郎中赴京闕也舊書憲宗紀不載夷簡刺

饒及內召刑部事惟元和四年書以刑部郎中

侍御史知雜李夷簡為御史中丞則自永貞元

年刺饒次年卽元至元和二年內召刑部郎中

四年而擢御史中丞官蹟灼然矣或曰如是時

赴闕宜書新銜不應尙題饒守想別有公赴耳

然石墨無語姑存疑

唐武儒衡題名 在雲泉山水洞

攝都團練口口前國子監四門助教武儒衡元和

二年二月廿日題

右正書五行首行練字下缺次行前字上缺一
字左行考武儒衡河南緱氏人宰相武忠愍元
衡從父弟舊唐書本傳云武儒衡字庭碩憲宗
以元衡橫死王事嘗嗟惜之故待儒衡甚厚累
遷戶部郎中十二年權知諫議大夫事尋兼知
制誥然儒衡守道不回嫉惡太甚終不至大任
尋正拜中書舍人遷禮部侍郎長慶四年卒年
五十六其題名所敘官秩則未遷戶部郎中前
職也儒衡為人偉直明俊嘗疏劾皇甫鏘尤見
忌於令狐楚鄙元稹依倚內官風節粲然是書

定鄉小識卷十五

三

端勁類顏魯公肖其為人又按職官志上元後
改防禦為團練守捉使又與團練兼置防禦使
名前使名有副使判官皆天寶後未見品秩又
國子監四門助教從八品上階

唐鄭敦禮題名 在雲泉山水洞

殿中侍御史內供奉鄭敦禮元和二年五月七日
赴新定□□

右正書左行四行首行六字次行五字三行八
字末行定字下缺是書大者徑二寸小者四分
之一雄健端厚有力絕類顏書家廟碑蓋唐自

肅代後顏書盛行風會使然也鄭敦禮生平無
考殿中侍御史從七品下階掌殿廷供奉之儀
式故稱內供奉

唐盧縝等題名 在雲泉山水洞

范陽盧縝元和四年十月廿五日時縝攝富陽令
鄭暉裴損後到

右正書四行首行七字次行九字三行七字末
行二字完好無剝蝕大者徑二寸許惟月日字
差小書法亦類魯公而雄偉中參以側儻不縛
於法盧縝鄭暉裴損俱無考縝令富陽郡邑志

定鄉小識卷十五

三

亦未載可補富春職官表損或釋作損非是兩
浙金石志載此廿五下缺日時縝三字鄭字下
缺暉裴損三字定香亭筆談陳默齋尉尉訪碑
至定山得唐元和間題名四種皆昔賢所遺足
補志乘也按定山宜作雲泉山

唐沈岫題名 在雲泉山水洞

吳興沈岫口元二年正月卅日題

右正書左行三行首行岫字下缺次三行各四
字字徑寸五分完好可讀紀年不知何元考唐
年號繫元字者高宗上元玄宗開元肅宗乾元

德宗興元貞元則此書尤在元和諸題名前沈
岫無考湖州郡志載唐有孝子沈嶠岫豈其羣
從歟

唐李口舉等題名 在雲泉山水洞

監察御史李口舉杭州刺史曹全口試大理司直
王口

右正書三行隨厓之長短書之每人官秩姓氏
為一行其末王某行厓促字遂縮疊無有年月
監察御史舊書職官志正八品上階大理司直
從六品上階曹刺史名缺不可識自來郡志未

定鄉小識卷十五 三

有載者此與沈岫題名雖莫定其實然為唐人
無疑也兩浙金石志云此與元和題名為山陰
陳總戎廣甯接得皆向來著錄家所未見

宋許道孚題名 在雲泉山水洞內

景祐四年口月二十九日吳門許道孚

右正書左行分三行斜書首行七字次行五字
末行三字書法秀峻如虞永興

宋才翁題名 在雲泉山水洞左右石厓

才翁題名洞中

右正書六字左行二行每行三字大徑二寸許

完整如新惟洞字略損才翁為蘇舜元字蘇別
於洞中題名故標識於外按西湖志千佛頭有
才翁題名云皇祐元年己丑九月提點兩浙
守尚書度史員外郎蘇舜元立石此刻當亦其
時所作然洞中之題則無可覓矣

宋蘇文忠題名 在雲泉山水洞上石厓

蘇軾子瞻

右正書在游茂先題名右連厓相屬考東坡烏
臺詩案熙寧七年為通判杭州於正月二十七
日游風水洞當年再游風水洞而王梅溪蘇詩

定鄉小識卷十五 四

注引詩案作六年其後王宗稷東坡年譜作七
年傅藻紀年錄作六年而邵長蘅以為年譜誤
則是題當在六年也然昇年正月及八月望兩
度皆與節推李似同游後出典杭郡時於元祐
六年二月相視石門新河經道水洞亦有侯敦
夫葉滄老張秉道從行則必同題乃僅存四字
并無年月款識意當黨禁時刻去而後人影樞
他書真蹟就厓隙補刻者今字內及右旁隱隱
有字痕蓋其先曾有他題名也
咸道臨安志城
俸杭凡三年足
跡徧湖山如楊村風水洞
遠在五十里外游且再至

宋魯有開題名 在雲泉山水洞內

□□□□□□□□□□開元翰過此熙寧八年

十二月十八日

右正行書僅存三行首行五字次行五字三行
五字其開字前數行已缺矣字大徑二寸漸次
斜漫向東與許道孚題名連匡其書法亦類東
坡考元翰為魯有開字扶風人施注蘇詩云元
翰名有開乃肅簡公之姪自知南康代還王介
甫問江南如何元翰對新法當為異日惠介甫
怒僅得倅杭公時亦為杭倅與魯同官魯先代

定鄉小識卷十五

美

去七卷有壽星寺饒魯少卿詩即元翰也按東
坡又有送魯元翰少卿知衛州詩後守杭又有
以東川清絲寄魯冀州戲贈詩此魯後來官資
也在杭嘗與東坡游覽如靈鷲寺題名云熙寧
七年楊繪魯有開陳舜俞蘇軾書石屋洞題名
云熙寧甲寅十月二十五日扶風魯元翰游石
屋洞君彥君亮侍行南屏題名云魯元翰熙寧
乙卯仲夏再游下天竺題名云楊繪元素魯有
開元翰陳舜俞令舉蘇軾子瞻同游熙寧九年
九月二十日此題與南屏石刻同是年也或者

釋開作開緣古無開姓以為開元翰不知是行
適首開字其前行魯有二字已缺故也其題識
正與下天竺相同又右邊缺處似非僅一行安
知不與東坡俱游而同題耶

宋游茂先題名 在雲泉山水洞上石厓

建安游茂先行按浙東晚宿慈嚴元符二年八月
二十六日男抃侍行

右正書作四行寫首行五字次行五字三行六
字末行七字左行其男抃侍行四字在左邊別
一行寫字畫完美如新鑄神采煜發用筆結體

定鄉小識卷十五

美

頗似東坡厓又旁連東坡題名不知者遂誤為
蘇書游茂先按浙事蹟無考抃字或釋作林或
釋作柞

宋陶定題名 在雲泉山水洞

新江西提點刑獄吳興陶定被旨奏事乾道庚寅
夏六月癸亥來游

右正書左行分五行每行六字末行二字字徑
寸餘有數字略損可識庚寅為乾道六年其來
游則自豫章赴行都所經也陶定嘗為龍游令
范石湖謄錄乾道癸巳歲正月十二日宿龍

游縣龍邱驛未至有長橋前令陶定所作又活
溪橋上僧舍卽漫郎嘗有陶定書中宮寺榜

宋趙忠定題名 在雲泉山水洞

開封趙汝愚爲正字時聞艾軒口風水洞寺口口
家也九年秋七月解后同游

右正行書分三行每行十字次行中三字漫蝕
不可辨忠定以宗室之賢屏翰羸統其後爲丞
相忤韓侂胄竄死稱開封者以原籍汴京示不
忘中原之意艾軒林光朝字林閩人赴七閩必
道此意艾軒將歸閩中故留寺也風水洞寺卽

定鄉小識卷十五

毛

慈嚴寺寺以洞名標勝也今俗猶呼風水寺九
年當屬乾道癸巳乃不書紀元支幹亦創文也
解后卽邂逅古通字或釋閩爲關家也爲寧己
解爲卧俱非是此題書法秀逸而勁挺忠鯁之
氣溢於行墨

宋淳熙丁酉題名 在雲泉山水洞

定口口口口口口敦同口山口勝概自西口過口
淳熙丁酉六口口口有五口口口口必口口卿

右行書摩崖分五行每行八字可識數字外雖

隱隱有波磔痕如山字下若溪字過字上若祖
字日字下若淨字然究漫滅莫定也丁酉爲淳
熙四年

明大塊一竅四大字 在雲泉山水洞上石厓

大塊一竅 萬厯二十一年九月九日楚郢國人
湯沐書

右正書橫列洞上如題楣然名欸在大字左旁
別一行湯沐安陸人進士明萬厯二十年知錢
塘縣事書法委媚柔脆未見佳勝鐫刻亦淺陋
略曰水洞名勝游人每心醉焉而唐宋題名止

定鄉小識卷十五

天

此白太傅林處士趙清獻張天覺諸君雖嘗游
覽未留煙瀋其他如魯元翰許道孚題名中間
有二月初七日字痕大小參錯重疊蓋緣前刻
漫漶而後復加刻者又洞外一厓僅存慈相江
湖以清亦及八字文義破碎俱不著錄元明以
來祇見湯令四字可慨也已

宋曾收慈嚴院碑記 舊在慈嚴院今不存

文詳梵
剎志

明重修慈嚴寺碑 在慈嚴寺

賜進士第文林郎河南廣東二道監察御史侍經
筵講官三奉命巡按山西江西河南等處地方許

子良撰

賜進士出身中憲大夫奉敕提督學校河廣等提刑按察司副使金學曾書

賜進士出身迪功郎行人司行人沈瑞臨篆

右碑文凡四百五十八字字徑八分首篆重修

敕賜慈嚴寺碑記九字未題萬厯八年歲次庚

辰孟夏上浣吉旦本山住持老僧雲谷房玉澄

立石二十七字又有陳美鑄三字許子良金學

曾俱錢塘人同登嘉靖戊辰進士後皆官至都

御史沈瑞臨未詳是碑向列寺中殿宇既燬仆

定鄉小識卷十五

无

臥榛莽間牧兒羸童嬉戲踐文漸磨損更十

數年必為沒字碑矣文載梵刹志

宋皇祐元年朱宥等石刻 在新嶺

錢塘縣安吉口三大戶朱宥口奉引修路與了皇

祐元年六月日三大戶朱宥趙訓楊洽

右六行字徑二寸年月字徑寸餘吉下疑解字宥下疑等字

宋石刻 在新嶺

錢行口口修路口口方佛口口定光佛口口口

口熙伍年

右六行字大者徑三四寸小者僅寸許以行書

兼篆意如六朝人筆法末紀年熙上缺一字考

宋紀元押熙字者凡四雍熙清熙紹熙嘉熙而

雍熙嘉熙均止四年則此刻非清熙即紹熙矣

願漫漶多不可辨修或釋作條

宋定明院石刻 在新嶺

定明院修造東廊了

右正書字徑三寸兩行無年月款識當亦宋刻

新嶺為達富陽要道前有修路諸刻疑院僧修

造東廊募有餘資於此除道故以是起義其下

必敘及修路之文特剝漫耳不然定明造廊何

定鄉小識卷十五

三

與新嶺事而大書深刻於此耶

明永壽庵重建天王殿碑記 在王安寺

碑大略言正德間殿燹於火至是復建之蘇未

題大明嘉靖三十年歲在辛亥季秋中嶺吉旦

立里人翁某名剝漣莫辨撰崇州張山寺晚釋真川

書僧祖道立石碑係睦州屬石字多缺損無可

玩者碑陰為捐施人姓名永壽庵即王安寺也

文詳梵刹志

附金刻

明慈嚴寺銅鐘 在慈嚴寺

正統十二年歲在丁酉十月吉日置 口口鎮靜
僧眾安口口口口口法輪口口吉祥如意者口寺
僧口 法師口饒 口口 口口 法鬻 法昇
口口 口植 正口 口口 正口 正心
口口 口達口模口口口身口安口口口口洪四
恩

浙江紹興府山陰縣天樂鄉馨浦里麻溪村清化
山寶嚴寺前住山比邱惠幾寓 金臺募緣鑄造
洪鐘一口計重一千斤恭入本寺永遠扣擊專祈
普報三有均資法口有情同緣種智吉祥如意者

定鄉小識卷十五

三

仍將功德莊嚴 開山和尚純一歷代祖師洎及
前願項本亭胡豹宣雄劉氏妙勝父宣子貴母蔣
氏妙口周伯璣伯口伯名伯清金真口顧氏王延
壽俞仲良俞福廣福成傅氏妙口張妙喜周焜口
敬朱英石孟兆王願吳口宗施廣口口葉妙定沈
芳吳氏鄭氏高愷崔氏口口口李旭王能王氏
妙金葉順施彬口傑党氏朱氏妙金
助緣信士葉叔敬妻翁氏女妙貴男文斌文進湯
成追度故父葉大友宣口沈完二孺人信士葉敏
昌妻孫氏弟葉時敏方氏信士梅道安妻陳氏妙

員男道清男婦胡氏妙果孫梅春信官孫魯諧豫
信士姚榮信官姚淵信官潘安王喜趙名信士姚
伯璣伯澄溫福山姚氏胡晉明母陳氏丁壽杜文
顯胡世昌鍾寧陳得寧

右四面正書字徑五分按欵識鐘乃越中物重
大非可肩挈何遂得至慈嚴殊莫解測豈惠璣
初本越僧後嗣法慈嚴猶蒙初號耶然慈嚴開
山為晉齊法師與此所稱純一者殊異則固清
化山物也今以在慈嚴久錄諸

明慈嚴寺銅點 在慈嚴寺

定鄉小識卷十五

三

慈嚴寺住持僧宗智檀越鄭彥章大明成化二年

冬月吉日

右三行正書字徑寸

明慈嚴寺鐵磬 舊在慈嚴寺今在靈山新廟

慈嚴寺本山僧真祥 如云 承慈 海潮 口

口 寂觀 寂然 寂宗 照欽 照陞 口口

照華 普化 普鎮 普順 普詔 口口

通聖 通曉 智才 智暎 大信 信人 口

美賢 口口 陳子明 趙瑞 華子口 吳道

堅 陳實性 沈文俊 宋廿七 口口口 楊

仲庚 方武仁 本山沙彌普文立 萬曆三十三年吉旦

右正書十六行字徑五分不知何時移入靈山

明大湖廟鐵鼎 在大湖廟

信士張棠男張盛張慨孫兆麟兆虬兆熊供立萬年香火祈保一境榮昌吉祥如意者明天啟丙寅年

右正書十三行字徑五分

大湖廟鐵燭臺 在大湖廟

信士張斯文弟□□母鄭氏妻□□氏媳繆氏姪□

定鄉小識卷十五

三

口耀光煜光□□口

右正書五行字徑五分

信士張□□□□

右正書兩行

大湖廟鐵瓶 在大湖廟

信士張□□□母□□□配□□□□□□□□

口

右正書五行字徑五分

靈山鐵鼎 在靈山新廟

杭州府錢塘縣安吉鄉□□里喜捨信士□應全

□□□□祈保□□吉慶人眷平安福有所歸家□□□□□□□□□□□□□□□□

右正書十四行字徑五分鐵燭臺及此年月漫

德大約明物也

西渡庵銅鐘 在東江渚西渡庵

定鄉小識卷十五

定鄉小識卷十五

三

定鄉小識卷十六

定鄉續詠

錢塘張道少南

舊里仙山割富陽而今上四號西鄉詩人須辨錢江

誤石晉當年始諱塘

定鄉古祇定山南北二鄉梁龍德中置錢江縣乃
割富陽之安吉長壽二鄉益錢塘故至今稱四鄉
又以縣下存孝女南春秋俱云割富陽二鄉置錢
別之江錢江即今仁和不與富陽接界蓋割錢塘
以置錢江則錢塘地隘不得割富陽益錢塘耳
又攷石晉時詔避錢高祖廟諱凡郡邑嫌名者胥改
則錢塘亦曾號錢江然當云割富陽二鄉益錢塘
以置錢江語意方明而
梁晉異時終難強合也

定鄉小識卷十六

一

乳鳳山連腰鼓城龍山門外聽江聲眼中雉堞空烟

樹何處琳宮拜上清

錢武肅王新築羅城外起秦望山有門曰龍山
後唐同光中錢氏於秦望山建上清宮一百步翟氏
咸清臨安志以爲在舊治南十二里一連屬多無
湖山便覽云月輪在南至於定山岡巒連屬多無
名號著稱秦望應在是間合舊志治南十二里地
正相當按此語甚確突致六朝徐熙三世居是山
而徐村以名蹟標著而定址遂湮亦志乘缺略之憾
也

秦望山頭鬼夜呼吹燈魃魃覓秋夫葫蘆方藥傳三

世從此江村合姓徐

晉濮陽太守徐熙自東海卜居秦望山有異人授
以葫蘆中有扁鵲經遂世以醫名子秋夫有縛草

醫鬼事孫道度乃遷東陽徐
村得名以此人鮮有知者

爭傳風澗李如雪那及蕭園桃似霞車騎滿山紅雨

裏巡春節使正看花

快雪堂集自九溪至徐村一路李花如雪嘉慶
中徐村蕭園桃花甚盛高峻處彈核種之故滿塢
花紅無際春時遊人不絕阮
文達公撫浙日嘗游觀焉

行盡唐時范浦塘浪傳棹石昉錢王忽然礮落馱馱

馬滿口徐村嶺上薑

唐崔國輔范浦詩塘連范浦橫知江塘唐時已築
非始於吳越也咸淳臨安志徐村有礮馬嶺夢
梁錄作雷嶺牛馬頭嶺蓋卽一嶺而分之者又
徐村嶺一名薑擦子嶺礮馬薑擦皆狀其峻險云

十龍斫却九龍頑江面長撐劍血殷留得一龍渡江

定鄉小識卷十六

二

去浮山東岸起冠山

徐范村岸江有九嶺名九龍頭諺云十龍九頭
一龍不斫頭趕到長河頭卽此蓋自九龍而上有
石龍山其支東南行爲冠山定山之支爲浮山其
脈東渡蕭山至長河頭爲冠山來向湖樵書云天
目飛舞至錢塘江有冠山在江面江屹立伏以
暗渡至浙東首出冠山是也魏氏錢塘縣志乃以
石龍爲十龍云山迭起迭伏如十龍盤聚而一龍
遠在長河岸時不知石龍雖可爲不斫頭之一而
此語殊不明合於

詞人喜說廣陵濤祠廟靈風壓浪高何事却教三竊

窈玉顏花貌坐江皋

徐范村均有三人廟祀宋廣陵侯陸圭女清祐
中封三女爲顯濟通濟永濟夫人今俗額爲通天
夫人非也崇雅堂集注云侯廟自定北排山里
以駭麗氏次浙江上之誤然兩村舍侯而祀女又

不知叻何時矣 朱竹垞講廣陵侯廟詩音聞江
月松風客賦證錢塘是曲江不見郊園廣陵廟
風長拂 舊廟轉

林壑幽藏小窺天隔凡關裏雪塵緣可知江月松風
地早被梯廳占百年

宋薛夢桂築室五雲山曰林壑裏曰隔凡關通名
曰方厓小隱梯廳夢桂字元錢思復亦築曲江
草堂於此

簇蝶金泥布施還寺旁駕塚泣青山誰家封號詹昌
縣片碣能留薛字斑

宋薛夢桂妻金氏葬保壽寺側趙汝談寺記云永
嘉薛君始徙籍錢塘僧以復院告屬君有悼亡之
悲乃捐錢二百萬俾議興葺且以資其室人金氏
其福然力殫粟乏不續於成乃議驚寺旁閑地君

定鄉小識卷十六 三

復高其估酬之為葬金氏之地 近時桑柳坂駟
地獲古墓誌碑石村婦以之杵練及洗讀則宋詹
昌縣太守吳氏墓撰文者薛昂

書丹者強淵明題蓋者蔣靜也

曲江詞賦浙西傳僅博儒官冷一 檀回首草堂歸不
得烽煙頭白老桐川

元錢惟善字思復號心白道人至正中以省試浙
江潮賦得名官浙江儒學副提舉張據杭州避
地吳江之桐川見洪武初辛巳年已喻入十矣
復嘗為永嘉山長利得名都元詩集話則云以
云思復以賦用乘曲江利得名都元詩集話則云
江潮賦用乘曲江利得名都元詩集話則云
名曲列朝詩集從之意今攻思復所賦是聖說江
句云惟羅別有巨意今攻思復所賦是聖說江
知浙江為羅剎之巨意今攻思復所賦是聖說江
己傳羅剎賦頌懷思復詩云賦復友言實可信若
年雖少於錢而其伯元範與思復友言實可信若

其草堂命名乃取枚乘之說耳況思復江上山十
詠於五雲山云為江三折當其前折者曲也取義更
明自都氏創為隱說後人隨聲附和殊為
耳學至田氏竟更為羅剎江賦則尤非矣

雙魚贈我五雲神野店燈紅佐酒新更約親朋作高
會范村蘿葡大如人

明季二士人於九日登五雲山巖卜神祠問能入
城否神示以不能士人脫衣而笑不願及下
山見溪中雙魚極肥乃脫衣而笑不願及下
薄暮攜入酒家烹之久不熟釜則神前雙
雲也而郭門已下鑰矣此崇禎癸未事見陸次雲
湖濡雜記及吳寶巖曠園雜志次雲又記一事
云范村有老人素誠朴遠游歸言曾見天所釋此
疑久之果掘得蘿葡其大如人

黃葉堆門薛縛牆題楣京兆有祠堂彈好幸子丹墀

定鄉小識卷十六 四

杖鐵骨錚錚入地香

明京兆尹查秉彝墓在五雲山樹塢范村江口有
京兆祠 秉彝字性甫號覺庵以劾嚴嵩廷杖
迴雁峰前鴉亂啼四圍青嶂遠幽棲誰將詩句傳知

閣未識當年博士題

宋博士周靖庵西十里荷花漾錦披有詩三絕云幾
年魂遠浙城西十里荷花漾錦披有詩三絕云幾
路又隨青嶂入雲樓千里旌旗擁六飛投簪欲上
釣魚磯沈沈忽被雲引同旌旗擁六飛投簪欲上
名園鐘鼓沈沈忽被雲引同旌旗擁六飛投簪欲上
十里精廬有梵音見宋人深林何人學得香山老
池僧掘得詩碑以旁有宋人深林何人學得香山老
詩蓋不知博士與知當時同居雲界字疑為知閣
作陶篔簹村以蓮池有以意補葺今語指詩為蓮池
莫笑山僧饒舌頻因緣夙世悟前身冤魂蠟燭庵邊

路灰販猱夜捉人

雲棲蓮池僧著竹窗隨筆多果報語 陸麗京冥報錄載有武林蔣仁瑞居蠟燭庵對門病中死去復蘇云為上四鄉賣石灰者捉去

草鞋跨虎五雲西禪榻惟留法喜妻不信兩家成佛

後青鴛骨塔却雙棲

雲棲蓮池師行兩草鞋尚存寺中 師出家後其妻湯夫人亦為尼名祿錦今亦塔雲棲塢中 杭州仙佛夫婦成道者丁野鶴與王守素蓮池與錦尼師也

江面峇峇 閱武樓

高宗翠輦此巡游戈船隊隊魚龍舞不數錢王水戰

秋

定鄉小識卷十六

五

乾隆四十九年

高宗南幸 御校水軍於范村 閱武樓 定山有吳越水戰將臺或云南宋所築錢思復江上山十詠所云浙江范村正與今 閱武樓地暗合

雲泉南路綠翹翹桐塢橫山玉版饒更羨范家籬笋

好月沈偷過小溪橋

宋時雲泉山出笋曰南路笋今已少矣惟橫山產為最佳 梁范伯珪家無復草竊 伯珪范村人為橋以度之 盜大斲一鄉無復草竊 伯珪范村人為六朝時范村為諸范族居如平如叔孫如述曾如伯珪皆產於此今范村已無范族而其名不改 明人以其地為雲棲所從入易為范村殊謬

范村西去水淙淙帆影吟邊暮入窗投老歸耕漁浦

好草堂支枕聽秋江

乾隆間金觀察繪自築江聲草堂於范村西屬樊榭有題草堂圖詩云江聲主人江上住范村西去緣江路草堂仿佛木香村竹嶼依稀鐵爐步

南屏菴祭酌秋風歲遣祠官掌滌宮雪塞龍髯何限

恨年年望帝血啼紅

牛坊嶺為南宋望祭滌牲之所 夢梁錄云有滌宮在六和塔之南即此今俗名為留芳繆甚

少師荒塚翠微灣侯母周郎共一山漫把桃源換南

蕩朱橋港口認螺鬟

南蕩山今無知者實即橫山口東抵牛坊嶺西傍轉塘一路也咸淳臨安志所載定鄉里如定南安吉長壽皆錯雜不相聯屬惟定北一鄉以次排序自徐村而排山而牛坊而南蕩南蕩次牛坊下正近朱橋春渚紀聞述東坡奏開石門河明云由南蕩朱橋港也 宋少師元絳及周邦彥周邦彥墓

定鄉小識卷十六

六

俱在南蕩山侯臨亦葬母於此見東坡開河狀李氏西湖志不知南蕩所在以元氏世墓在馱嶺馱嶺俗呼桃源嶺

柴擔歸來月滿門樵翁尚住貴人村橋邊不見朱宣

慰誰買春醪醉老溫

元朱清官宣慰賤時以樵自給朱橋其擔柴路也 畫說題云昔有朱買臣今有朱宣慰兩箇擔柴夫並為金紫貴朱大喜曰我果然曾賣蘆柴和尚知我遂厚酬之 日觀名子溫

寺尋寶相但煙坡西傍溪橋問葉婆惆悵象峯禪磬

杳茗花埋沒古彌陀

寶相院晉天福九年吳越王建廢址在葉婆橋東與烏維嶺近土人猶呼其地為寶相基 象山古

有彌陀寺宋乾德五年吳越王建大中祥符中
改額法性今廢為茶園時擬得柱礎瓦爐等物

一粟妖星照賊刀山中呵殿柘黃袍竹梢月黑腥風

過血舞人腸十丈高

明季山寇柴日乾葉婆橋人少有勇力嘗曉起負薪草露方盛有線衣女子前行步甚疾而履不沾
匪柴怪之要問所往女子言某氏新上梁時日觸
犯耳某氏柴之舅家也因止日汝衣縗素不祥乞
無往某子不可柴終不見柴賣此往賀適日者少
柴解圍余去矣矣忽不見柴賣此往賀適日者少
柴何也日者曰是日曾觸天喪星居君卜日特無
善柴以與女子語合遂自負崇禎末中微沮制無
乃為盜結寨橫山中出入警蹕藉袍鑿輅儀如王
者有袁某家巨萬柴索餉不應掠之去抽腸囚髮
法先極於地縛囚其上人不挽竹使俯繫囚髮
腹腸盡出血垂地矣其慘酷如此袁為余鄰

定鄉小識卷十六

七

其事
信也

數里松門傍澗秋遶峯煙翠一笳收雲開半露杉皮

瓦樹杪亭亭冠佛樓

柏子庵在柏子尖塊中高踞半峯四山互翠幽深
峭蒨絕非塵境徑自毛竹庵緣溪而入老松夾道
古磴漸高仰視危亭畫檻岩巖雲
表頰似黃鶴山樵秋山蕭寺圖也

湖山講學布衣尊一瓣心香拜墓門不與東南競旗

鼓滿懷風月欲忘言

應潛齋先生擢謙墓在橫山 潛齋抱節講學康
熙中三徵不起時海內大儒如李二曲傅青主黃
梨洲各樹一幟而先生敦行
實踐聞然不華品尤醇粹云

翠脫冠巾雙髻髮煙嵐新沐對禪關支笳倘聽光明

梵悔認南朝鳳味山

鳳皇山有雙峯如髻故名了頭山鑄思復定山
十詠所云鳳皇山雙髻也山下為光明寺思復有同
陳君瑞游鳳皇山立雙髻峯而引思復鳳皇雙髻詩
內之鳳皇山創覽雙髻峯於大內鳳皇山誤列光
於下翟氏湖山便覽亦於大內鳳皇山誤列光
寺而引思復湖山便覽亦於大內鳳皇山誤列光
明云左瞻劍戟龍門並上脫
冠巾鳳髻雙不可強移也

不須多事怨江湖雙鳳青青入畫圖記取風流成二

老山人應屬老僧無
錢思復題雙鳳山居圖詩雙鳳山人茅作屋五雲
閣史繡為衣寫將瀟灑滄洲趣留待風流二老歸
歲月無情遠墨在江湖多事風心違寒藤古木西
江道惟有人當年白雁飛雙鳳即鳳皇山二老用
杜詩疑山人即指光明寺中老僧也翟氏亦
於大內鳳皇山列雙鳳山居引思復詩非是

定鄉小識卷十六

八

古翠摩天千丈崖猿攀九曲嶺雲埋游笳落龍潭

險放脚何人試笋鞋

龍門山有千丈崖亦名千丈岩又有九曲嶺極險
峻須攀藤而行西去為白龍潭亦曰老龍潭錢思
復所云能與雲雨者也潭深不可測江元祚游
記云及瞰龍潭伏地猶懼倩人曳足乃得縱觀

石關拔地控蠻王廢殿龍門賸夕陽花近妝臺紅不

斷風流齊豔鮑三娘

龍門山有蠻王殿遺址蠻王不知何時人曾據山
中石關見江元祚游老龍潭記 鮑三娘梳妝臺
亦在龍門山

煙裏鐘聲落寺樓龍門曉雨萬山秋老僧糞火煨黃

獨日暮詩成跨白牛

悟空寺在龍門山亦曰龍門寺明石雨禪師卓錫於此師有石雨詩集吳江顧茂倫選刻之集中煨黃獨及騎牛歌最佳錢思復有龍門曉雨詩

焦山絕頂縛茅庵松葉香吹盞飯籃風雪滿山無覓

處白頭騎虎化瞿曇

焦山境高峻諸山無出其上者素多虎人跡罕至嘉慶中有老僧年九十餘結庵頂上日下山負籃募盞飯喃喃念佛不輟有虎臥庵外候老僧歸以為常一日大風雪老僧騎虎而去不知所終

浴硯溪邊隱士家詩寮畫舫看晴霞白頭兵起青山

火殘卻春風一塢花

明江邦玉元祚於六松林畔築橫山草堂有蓄翠泉漱雪橋鹿藩局岫門竹浪居空蘊庵香夢高挂辰寮雲髻軒巢松閣雲肆悠然見南山軒批筆墨浴硯溪藏山船霞外亭卻月廊花源雲構醉山樓

定鄉小識卷十六

九

留屨閣借隱室諸勝草堂在錢村外靜寺東明季燬於兵火吳梅村送胡彥遠南歸序云武林有橫山江氏兄弟隱於橫山者二十年天下言隱居善避兵者無如橫山已而武林亂橫山先受兵明季浙中義兵以烈皇大故以白布抹額山寇效之名白頭兵

瀑布聲巖亂午雞一鞭梭翠竹橋西茅亭樹隙安雲

碓山女簪花坐對溪

魏氏錢塘志黃梅山溪水環集多植竹里人取竹為紙白龍山下多水碓李日華橫山草堂記云有時鷺然震地則山民治楮之碓江邦玉居橫山時有驢曰梭翠

少宰當年香火龕山僧檀帽禮和南桑籃曉入龍池

寺箔掩山門學養蠶

鷓鴣嶺下崇覺報親院宋大觀三年少宰劉正夫請為功德院龍池寺在社井塢中後唐清泰

定鄉續詠自序

王子暮春負瓢青麓借榻丹房語燕睇人巢鶯趁客旅情非惡遊興不孤而乃虛館天涼疏窗雨積煙裏樓臺之影湖邊笠屐之圖但許埋頭未須浪迹幾緣春事替花片以擔愁卻憶故山翻竹枝而覺譜於是偶然拈句寫出田園聊與遊懷編成風土弄水嘲山之味燈紅酒綠之宵亦復擁鼻孤吟掀眉狂喜蓋僕也系本樵孫居鄰漁弟略諳鄙事頗拾遺聞傳耆舊夫襄陽記歲時於荆楚將以補水經闕糾地史疏收拾眼光爬羅掌故晨書暝寫粗有叢編俗紳塵驅未

定鄉小識卷十六

續詠

一

遑脫稿遊跡久浪野趣難忘乃倦念平昔賢曾暢抒其妙句曲江老人之作感興風流書農學士之章寄懷天末敢為貂續自寫蟬吟鄉畫四區體裁百衲嗟乎山川一粟僻地埋來人物千秋大江淘盡遙遙今古莽莽風塵阿灰箋恨夫雨簾老鐵恣狂於湖笛舊感雲赴閒愁日生操土風則權唱山歌選遺韻亦懊儂阿子非關學步大可解嘲吟邊籠畫堞春煙歸去話松棚夜月山殘水賸尺幅都收牛券魚經遊囊整富便可漫歌酒市賺渠兩頰之紅料誰關畫旗亭唱看雙鬢之綠五月朔日錢塘張道識於吳山紫霞閣

錢塘定鄉以定山名有定南定北安吉長壽
四鄉據治上游故亦名上四鄉出會城南門
自六和塔起界富陽而止東望蕭山北拊餘
杭面江負山咸隸是鄉昔者定山浮山蠡峙
江心濤瀾抨激往往覆舟是以北依羣山岸
江置驛長官過客軒車孔路題名紀遊輝暎
山谷元明以降定浮之麓積淤成田久乃益
廣坦坦平野羅刹失險東坡斥鹵桑田之詩
若爲兆焉於是行李往來便安舟楫山驛阻
幽涉跡者寡曩之名勝堙鬱而已鄉之人愿

定鄉小識卷十六跋

一

樸力農旣鮮文雅從無著錄惟道光間仁和
書農胡先生有定鄉雜詠之作 先君子少
長是鄉以蒐葺爲己任旣廣爲續詠百絕句
以補胡氏之缺因稽訪故籍博諮鄉老口耳
所窮繼以登涉久乃纂爲定鄉小識一書析
門者八曰山水曰古蹟曰梵刹曰隄約曰耆
舊曰藝文曰石墨曰田里而祠宇古窆埒焉
書成爲城中仁和黃丈取去將以付梓而庚
申二月城陷書沒賊中旬日賊退檢歸僅存
山水古蹟隄約石墨四種葉背血殷濡縷也

辛酉賊再至大縣於鄉盡室出走不肖挾

先君子撰述諸稿自隨壬戌秋 先君子棄
養蕭山寓次於是不肖孤露奔走於明越之
間卒乃依湘鄉蔣公戎幕囊負先集出入險
難瀕失復得遺佚什五可爲深痛是四種者
亦倖而存也自甲子賊平將二十稔不肖困
禮部試有年負米四方以養慈母先集在楹
無力問世去冬自鄂歸里丁君竹舟松生舅
弟方有杭郡叢書之刻來索是書竊思書闕
過半往欲補綴一二以竟先人之志以備故

定鄉小識卷十六跋

二

鄉之籍而嬰亂以後文獻彫喪不肖身陋又
瘁飢驅網羅無暇謹承 先君子手稿之舊
以副丁君之意日記曰畧各標篇目明非完
書其續詠百絕句尙存卅四首並乞丁君埒
刻於後亦從其類也嗟夫佳山勝水前賢遊
覽文字之所在與夫沿革興廢之跡何地無
之矧曰治之尤古如吾錢塘者而定鄉去城
市遠名僑足跡不至傳述遂罕幸而 先君
子搜揚而薈萃之庶稍稍著矣而兵火之厄
書不克完又遲之久而四種之存僅乃行世

然則地之顯晦亦猶夫人固有數者存邪丁君舅弟彌汲汲於鄉里掌故者讀是書當益慨然耳若夫遺書獲傳不肖子孫且世世感之又不獨爲定鄉幸也刻旣成不肖方從李尙書於合州謹述是書存佚之由寄告丁君俾著於卷尾焉光緒壬午夏月不肖預謹跋

庚子首夏

東城記
錄

朱作榮署檢



錢唐丁氏
梁穀武昌

序

自來游武林者輒曰西湖西湖然城外以西湖爲勝而城內則以東城爲勝閒坊曲巷僧廬道觀多南宋以來舊蹟名人韻士游屐所經寓廬所寄往往在焉經臨其地令人悠然有懷古之思厲樊榭先生所著東城雜記二卷四庫全書著錄敘述典雅考核詳明雖偏隅小識言武林掌故者不能廢也然先生自敘謙言見聞陬隘推廣成書尙將有待况自先生至今百有餘年遺聞軼事可采錄者又豈少哉粉園楊君自少刻苦自厲博通羣籍曾以優行貢成均光緒

東城記餘俞序

一

初又以孝廉方正徵亦武林一耆宿也所著書甚多而東城記餘二卷則繼樊榭而作者原書凡八十五條而記餘得九十五條視原書贏其十記地記事并記其人一如原書體例丁脩甫孝廉以鈔本寄示擬刻入武林叢書而乞余爲之序余讀其中大普興寺一條稱其奉乃也里可溫之教有十字者乃其祖師麻兒也里牙之靈迹上下四方以是爲準與景教流行中國碑所云判十字以定四方者其說相合惟所敘源流不同而稱其地薛迷思賢在中原西北十萬餘里則與今歐羅巴道路遠近正復相合豈利瑪竇

之徒果出於此歟若景教流行興於大秦大秦國古謂之梨軒本朝職方會覽名如德亞去歐羅巴絕遠轉與利瑪竇蹤跡不甚合矣異說支離不可究詰然寺建於元至元十八年亦杭郡一大古蹟鑒古者所宜知矣而樊榭之書竟未之及此亦見楊君拾遺補缺之功焉余未得與君相見而君之子曰泳生則詰經精舍高材生也余忝主講席三十一年幸有一日之知茲因脩甫之請序君此書并勸早刻之與樊榭書並行於世異日國家重開四庫館亦必有取於是書矣曲園俞樾序

東城記餘俞序

二

清故孝廉方正楊君墓誌銘

桐廬袁昶撰

嗚呼欲致天下於有道之世則必使士皆尚實行而不使徒尚浮偽詐僿瑣綺詭璵之言人心其庶有瘳乎若仁和楊君者其素行殆可以教授於一鄉一州使一鄉一州之人儉然覲然綴綴然督督然簡靜端慤而不使侈然自放於非禮義之域如君之所成就宜若可以風世而今已矣君諱文杰字廷英粉園其號也世爲仁和縣人曾祖父鼎達祖父爾振考勝凱君自爲學官弟子少孤貧佐質庫治經物簿以生間則治五經章句漢宋箋傳延誼闡誦而默識之久之

東城記餘墓誌

一

兼通於解故音均字形偏旁之學未嘗立意著文偶筆之爲經說則博以達持身廉潔寡欲與人語諄諄若恐傷之終日積然不見崖岸然遇交親雖樸陋鄙夫必爲之盡死則於君乎玲殯未嘗矯志厲俗而其積行則慤以和嘗丁同治辛壬間之變家產蕩盡妻孥餒斃而先生氣完然若無所傷亂既定自歸於杭納婦生丈夫子二時年已六十餘矣前督學吏部侍郎泰興吳公聞其賢而稱之凡行省科舉優行以貢太學俗例多拔善書或年少爲功令文華美者吳公獨首辟君曰吾以爲多士勸也君之持守殆遇水火

陰陽盜賊有時而不能爲沴然則今世之士觀於君亦何憚而不爲善邪光緒元年府縣學官辟君孝廉方正君以疾辭不應 召試不服其冠四年七月邁疾卒年七十有一孺人胡氏程氏前卒徐氏殉難子二長鈞生次泳生以後其兄皆繼室馬氏出以庚辰六年庚辰三月庚辰十有三日庚辰時葬茅家埠之原其孤以狀數千里走京師乞昶銘銘曰惠之元同而返其宮在約不窮永甯厥躬

東城記餘墓誌

二

光緒杭州府志文苑傳

楊文杰字廷英號粉園仁和人同治六年優貢光緒元年舉孝廉方正少孤貧依甬東外家嘗爲人飯牛或佐市肆會計刻苦自厲借書夜讀通四書五經章句漢宋箋傳閤誦默識遂精解故爲一時冠旁及卜筮星命青烏家言皆有心得其教誨生徒文字之外尤重立品時舉惠吉逆凶之語相勉戒四年七月卒年七十一桐廬袁昶誌其墓著有續經稗十二卷羣經札記十四卷大學古本訂一卷說文重文考闕文考逸文考各一卷東城記餘二卷堪輿雜說四卷

東城記餘傳

一

仁和楊文杰粉園

駐蹕街

乾隆庚子三月初三日

純廟南巡臣民咸在

慶春門街接 駕街右有駐蹕街當是 翠華暫駐

於此後人因以流傳且有訛為朱碧者

檢校所

杭城批驗所在艮山門內新橋之南里人呼為所巷

即元時檢校所舊址按唐代劉彤有請檢校鹽鐵表

其名或由昉歟元史百官志大德三年於杭州嘉興

東城記餘卷上

一

紹興温台等處設檢校四所掣驗鹽帛母過常度兩

浙鹽法志職官表大德三年任杭州檢校所提領大

使赤瑛顯忠字遂良遼東人延祐六年罷之至正二

年中書省奏准復各立檢校批驗所兼驗鹽引明初

立批驗所四杭紹嘉温復增甯台為六宏治間仍廢

甯台崇禎十三年增松江 國朝順治初設杭紹嘉

温四所十三年增松江康熙五十年裁温州額存四

所今所署門東向中為甬路為正廳西瀕東運河其

南為掣廳鹽政按掣時鹽船三日前齊入艮山水門

泊太平橋掣畢給號票候程開運

鹽義倉碑記

李敏達公鹽義倉碑記曰從古鹽筴之制裕國便民

而歷代以來百弊叢生遂有上虧國課下瘁民生至

商亦兼受其困則體恤之心未至也伏惟 聖

祖仁皇帝軫念浙離恩膏疊沛我 皇上承乾

御極益以加斤減費蠲課賑災商力既舒故民價不

增而課額易辦於是眾商感悅因見 皇上勤

求民瘼歲支正項儲穀備荒乃願共捐銀一十萬兩

帛襄積貯亦足以見 聖德入人之深而感人之速

矣衛職兼離務不敢壅於上 聞既奉 俞旨遂令

東城記餘卷上

二

別建義倉遴選誠實之商輪加經理或當出陳以易

新或當糶三以存七隨年豐蓄與時變通庶幾穀日

益多濟日益普雖有水旱可以不為民害焉夫天下

熙熙攘攘大抵皆為利往來耳以諸商各出資費奔

走海濱馳驅團舍誰不欲利益什百為肥身家貽子

孫之計乃昔之恐失錙銖者今捐數萬金不惜則豈

非厚生正德之化風動於不自知哉是倉也卜築於

艮山門內錢氏園基其地約四十畝其厥計百四十

間其貯可八萬五千石其於水近可便搬運其為地

燥可免溼蒸其屬禁城可以數稽查其遠民房可以

避煙火周圍有牆牆高而厚布版有版版闊而堅版外有場場寬而平場前有廳廳高而敞有門可以杜閒雜有廟可以依倉神後有同志更擴充而推暨之其愈廣 皇仁於無際也夫見兩浙鹽法志

永濟倉

永濟倉舊名廣豐倉卽明預備倉在艮山門倉巷康熙三十五年設鑄錢局於此三十八年停鑄五十四年巡撫徐元夢具題卽舊址建造倉廩二百四十間改名永濟杭捕同知金上志勒石紀之其記云夫創建興修以昭垂永久而勿替者必得其地得其人而

東城記餘卷上

三

後可得其地而不得其人則無以經始得其人而不得其地則無以成功猶必因時制宜審財量力之爲愈焉故靈臺之建庶民子來不日成之引古證今若將符契而不悖者有如永濟倉之興建者歟倉基在武林艮山門內始爲廣豐倉繼爲寶龍局歷有年來興替不一茲今康熙五十三年七月十二日奉 上諭截留漕米二十萬石以備不時賑濟之需眞乃浩蕩 皇恩惠愛元元未雨綢繆之至意前古之所未迨也雖分貯在省各廩恐徵收新漕勢難並儲必得另建倉廩堆貯方克有濟恭蒙 皇仁會同司道各

憲周詳至慮卜基於廣豐倉舊址興建倉廩二百四十間折給工料題明在案原委縣監造估定工料銀一萬一千一百三十四兩有零續增瓦片亂石木植等物以及添造大堂捲篷大二門共十二間又折造倉王廟并看倉人役住房共二十九間又補砌甬道暨造碑亭等項連前原估計工料費用銀一萬三千一百六十九兩七錢一分五釐後職奉委督造潔已奉公加意節省實上用銀一萬零一百七十一兩四錢三分隨於康熙五十四年九月初一日開工平基一面採辦木石磚瓦至十月十二日定礮豎柱於五

東城記餘卷上

四

十五年二月初三日工程告竣誠以 皇仁憲德加惠斯民立此萬世不磨之業若不另顏其額無以表如天之浩蕩又何以慰動地之歡欣乎是以仰請撫憲定額書聯并編置倉廩字樣以便刊刷懸記再者凡事關 國計民生罔不創立碑銘照得此項留漕旣出 特恩而建置工料又屬捐給眞千古一時似難膜置俯祈頒賜碑文勒諸貞珉以誌一時之盛將見後之守此土者仰 皇恩之深厚體憲慮之周詳用勵職守出給因時俾兩浙蒼生咸慶豐盈于永久豈特紀事已哉蒙易倉名曰永濟職緣奉委監造躬

逢盛舉敬將顛末敷陳勒石昭垂不替紀事直書漫不計文之工拙也謹記時大清康熙五十五年歲次丙申仲春月吉旦浙江杭州清軍驛傳總捕同知加三級紀錄一次金上志撰里人程之麇篆額書丹

昭忠祠

浙江全省昭忠祠在清泰門內金衙莊先是咸豐十年粵匪陷杭城死難者十萬餘人紳民建崇義祠於吳山工甫竟而城再陷克復後祠宇重成採訪未徧僅奉總牌十年紳民請建斯祠門堂恭摹御書匾額正饗堂二前祀官後祀紳東堂二前祀弁勇後祀

東城記餘卷上

五

民人西堂二前祀官眷後祀紳婦北堂一祀民人婦女分龕立位次序秩然祠旁舉園水木亭館之勝則備祠祭憩所園之外爲太湖蕩蓄魚放生禁止網罟同治十二年巡撫楊昌濬奏列入祀典豁免錢糧并撰碑記文曰浙水東西禮義而文顧近弱國生斯土者與官斯土而用其人則亦曰近弱也然而句踐以報疆吳抗中國錢氏立國傳世戰守卒完其域譚戚名將以浙兵雄九邊則夫血氣之奮禮義之歸時爲之與國家全盛博大之氣或漏氛斂芽燄日星晦亭於是乎有廣西之亂令長不職遂勸將帥縱橫萬

里鋒鏑塞乎中原狂走十餘年卒逃死於浙江浙江復而兵事漸解遂以救平浙江之繫於天下大矣唐宋以來袁鼂董昌方臘張士誠亦云代有然所殘掠或數城數十城已耳若夫外寇憑陵肢體折腹心潰枝葉槁本根拔千百年所未有也夫浙江四達襟帶江海而背歐吳咸豐八年戊午三月賊犯上游旁略數縣形勢尙格逡巡遁走自皖南魚爛廣德績溪門戶盡撤而後有庚申之事省會不守大臣死封疆賢傑死扞衛匹夫匹婦慷慨於水火繩藥者相望何其烈與援師如雨五日而歐豺虎顧未大創也東南蠶食已徧壯健日死亡東壩陷而喉吭絕蘇州亡而唇齒失糧匱鄰蹙智勇困矣備分力單賊來無方而後有辛酉之事是時列郡淪沒未下者二三城皆艤杭無以濟可謂危矣文武官吏抗橫草之憤膏血塗野而不顧士大夫之有志節者提名義號召前殲後繼赴義如渴百戰悍暴投死包村析骸易子湖州比於睢陽時乎艱難則莫彊乎禮義矣豈多文者固必弱哉今恪靖伯左公奉命於鼎沸之日誓師於荆棘之野三衢一隅開府以謀克復揚威靈時蔣公益澧爲前驅而昌濬亦以書生參軍事馳驅知已效鉛刀

東城記餘卷上

六

之用擐甲數十百戰窮獸猶噬大韃大膊羣力允宣
師武不賈浙東既下乃以同治三年甲子之春攻復
杭州廓清郡縣子遺黎民十不得五國殤之哀貴賤
同之 朝廷教忠典制顯顯一命以上晉階錄孤尊
者易名崇祀下不遺於氓庶既厚且廣左公乃延攬
賢大夫士資其聞見采掇遺烈網羅幽潛開採訪忠
義局於甯波府城後移杭州具籍入告仰邀 褒卹
歲月久淹以名達者二十餘萬人蓋繼左公者荷澤
馬端敏公合肥李公湘鄉蔣公及昌濬封事既陳
恩施沛然前後入 奏者三十有三京曹陳請恆有

東城記餘卷上

七

增益欽承 詔書考之成憲擇地東城金衙莊糜公
府巨金闕建祠堂奉文武官瑞忠壯羅壯節王壯愍
而下鄉大夫戴文節趙忠節而下需次之吏庠序之
士逮夫庶人婦女死封疆死捍衛死水火繩藥者堂
夾房室粟室類從復崇坊表一如律令其有浙人而
死事於外者附祀焉主採訪者今湖州府知府楊榮
緒金華府知府徐寶治浙江候補知府朱志汾浙江
候補道秦緇業王景澄吳大廷林聰彝梁恭辰王蔭
棠前國子監司業仁和沈祖懋前四川永甯道富陽
高應元前內閣中書錢塘張應昌忠義祠創始同治

十一年四月落成十二年二月戊工者浙江候補知
府周李燮仲春宜祀俎豆肅離衣冠在列車馬來下
周旋興起乃銘麗牲之碑銘曰 皇帝中興沐

浴日月重輪重光宵衣南顧女牛所照如沸如羹篤
生將率運民水火掃厥橈槍漸水之流大越之山重
秀而明奪人虎吻還女饋粥弔死扶傷溝壑原野無
完家室嗟乎遺賫爰咨爰詢疇殉疆場疇抗戈兵萬
死不視陷胸決脰凜乎若生上告 天子榮賁

九原禮在太常贈秩卹後復啟崇祠牲物來享相茲
棟宇鬱乎沈沈翼然東城旁延林皋妥幽降靈百世

東城記餘卷上

八

馨香痛深創鉅職守土者內安外攘彼都人士毋狃
於故忘危忘亡羣靈在天消戾化慝百穀用成孫子
忠孝蹈乎賢智肅承王章庶幾古語無兵燹來跡
斯銘同治十二年歲在癸酉仲冬之月

林氏家乘序

明胡應麟自號石羊生嘗爲林氏家乘序曰錢塘都
會甲天下闡閩之富饒閩閱之豪鉅薄海內外鮮與
倫焉而其尤顯著特聞者無若忠清里之林氏錢塘
之有林氏也其先世蓋徙自汴都徙當宋南渡時譜
系綿邈弗可考勝國初提領公首以仕聞提領生士

民士民生居義居義三子仲曰榮入皇朝以孫章貴
贈通議大夫太常寺卿榮子三才文森才隱德弗耀
文永樂庚子舉於鄉歷官柱下史森亦以子章貴贈
官如父榮才子秀性至孝博通三教書爰自吳山大
井巷徙今仁和之褚家里森子章幼穎敏工八法景
泰中有司以神童薦歷官太常寺卿從一品馳封三
世子二長應祥以蔭官太僕寺主簿次應禧亦用有
司薦入中書爲人強直正德間不肯阿逆瑾掛冠去
瑾敗復召歷官尙寶卿順天府丞父子皆飭好修相
繼縮簪組登九列立朝餘七十年負郭廬無寸溢州

東城記餘卷上

九

里偉其爲人至方諸胡威父子秀子二曰巒曰岡巒
生宏及奇奇生梓梓進士起家至雲南按察副使岡
負氣任俠業賈賓客傾四方以同事中傷劾縲絏識
者悼其非辜扼腕天道嘗有後俄五子舜受愛乎爵
咸克世其業以高貲雄里中旣而受嗣絕從子懸嗣
愛子念絕繼功嗣愛孫萬春絕之蕃嗣世代數更子
姓岌岌如綫林氏此時號中衰而舜子恩恩子文明
始皆用儒術自奮恩年十一孤弱冠入太學負場屋
聲弗售齋志沒文明十二亦孤再試太學不利絕意
進取屏居一室以經籍自娛讀史傳綜古今成敗得

失利害至端木計然諸傳喟然曰大丈夫當身名俱
泰巖處長貧賤誠足羞史遷因是至欲後之人諱談
仁義則惑滋甚也陶朱氏三致千金而散之吾師法
蓋不遠始大肆其力於治生身與僮僕嘗甘苦視百
貨緩急而時操其奇贏旣饒智計多億中亦會數有
天幸不訕之歲入益稔益規恢其已成之緒不數十
年而武林田園室廬腴上者相率歸太學家一時里
中素封靡敢差甲乙迺其好施子利澤人出天性比
閭族黨空乏以情告人人使厭其意去數損已貲佐
太學當亡重嘉其誼爲綽楔樹閭間太學子曰之盛

東城記餘卷上

十

之芳長芬之盛少卓犖不凡雖寢處膏粱而下帷焚
膏與寒素士競佔嚙聲藉甚冠諸生丙子與余同計
偕再上公車報罷慨然躡屣登岱宗拜闕里周歷大
河淮泗已浮扁舟入石頭弔古秦淮北固間歸而學
殖彌邃諸儕輩爭俛下之方淬勵壯年據夙抱以建
樹當世而會太學嬰疾終母安人亦偕逝之盛執二
喪苦土中傷功名未建怙恃相繼溘焉卽異時萬一
適逢而終天之恨殆不可復於是乘幽憂餘隙捃摭
先世積累之自爲林氏家乘傳之諸子若孫謂不佞
年家子宜有言序首簡不佞辭不獲輟因之盛所自

述而稍次第之以俟後之紬金匱石室者且以徵林之所繇碩大繁昌非一朝一夕之故云

樣宜忽木刺大普興寺

至元十八年本路副達魯花赤薛里吉思建儒學教授梁相記其略曰薛迷思賢在中原西北十萬餘里乃也里可溫行教之地愚問其所謂教者云天地有十字寺十二內一寺佛殿四柱高四十尺皆巨木一柱懸虛尺餘祖師麻兒也里牙靈迹千五百餘歲今馬薛里吉思是其徒也教以禮東方爲主與天竺寂滅之教不同且大明出於東四時始於東萬物生於

東城記餘卷上

十一

東東屬木主生故混沌既分乾坤之所以不息日月之所以運行人物之所以蕃盛一生生之道也故謂之長生天十字者取像人身揭於屋繪於殿冠於首佩於胸四方上下以是爲準薛迷思賢地名也里可溫教名也公之大父可里吉思父滅里外祖撒必爲大醫太祖皇帝初得其地太子也可那延病父外祖舍里八馬里哈昔牙徒眾祈禱始愈充御位舍里八赤本處也里可溫答刺罕至元五年世祖皇帝召公馳驛進入舍里八賞資甚多舍里八煎諸香果泉調蜜和而成舍里八赤職名也公世精其法且有驗特

降金牌以專職九年同賽典赤平章往雲南十二年往閩浙皆爲造舍里八十四年欽受宣命虎符懷遠大將軍鎮江府路總管府副達魯花赤雖登榮顯持教尤謹常有志於推廣教法一夕夢中天門開七重二神人告云汝當興起寺七所贈以白物爲記覺而有感遂休官務建寺杭州薦橋門建樣宜忽木刺大普興寺見至順鎮江志

漆野園鶴

湯鄰初土橋縱步詩徵君已載雜記矣尙有飲東城翁承美漆野園觀鶴舞四詩吳志上曾採入武林耆

東城記餘卷上

十二

舊集特錄之以助掌故水邊精舍面高城養鶴年來始學鳴忽向尊前相對舞主人翻擬問園丁胎禽曾跨上仙來瘴海吳雲曠九垓何意雙雛方刷羽見人渾識是仙才曾到焦山古洞前華陽遺刻尙千年于今寥廓方無礙好共聯翩入紫煙臨皋江上一輪孤曾向蘇公問樂無此日羽衣同舞罷夜來應得夢方壺下注萬厯乙巳四月旣望書於五粒軒想志上先生所見係真蹟也

錦杏軒記

金幼孜文靖集錦杏軒記云太醫院御醫金剛中世

家測之錢塘代以其術顯錢塘之人有抱札瘥疾疾者不之他氏必詣金之廬而請焉自其祖父至於剛中以其術濟人多所全活剛中居家時愈人之疾未嘗有責報之心欲效昔董奉事第令種杏數年之間杏皆成林根株益固枝葉蒼蔚春陽時至千葩萬萼一時競吐各披綵纈如烘丹砂如點絳雪如蒸赤霞光采穠麗絢爛雲錦剛中顧而樂之乃築軒杏林之中而顏之曰錦杏旣而以選召至京師隸太醫院以拜今官嘗從容爲予具道其軒之勝且徵文以記余聞董奉居廬山治人疾愈不責其報但令種杏歲久

東城記餘卷上

三

成林後奉竟以仙去其迹誕漫不經故後人間有一造其境則荒煙白露漠然徒見山高而水深欲求向之紅霞萬樹燿然可愛而賞者已皆不可復得然則奉之杏與其出處果信然否歟是固不可得而辨已今剛中之學世有顯著而錢塘實其故業杏林之錦誠非詡誇無實之景而及今又得以其術遭遇聖明之世列官於朝爲國上醫則其名譽事迹赫然光顯視向之種杏如奉者蓋霄壤不侔矣雖然錦杏之在軒固爲可愛而四時代謝有不可以常得孰若活人之心如春陽之澤物使疲癯天閔者皆得如杏樹之

敷榮暢達不復枯槁則其可愛又當何如哉姑書此以復剛中以爲信然否也今金郎中巷卽剛中故居

于忠肅玉帶

金壇段大令玉裁經韻樓集有改皖桐章甫撰觀于忠肅公玉帶記云杭城東北隅之慶春街有紺宇穹隆曰顯真道院建自南宋沿今增修弗替以祀火德星君余承乏仁和場官歲一循例致祀初祀禮成有紳士指神服玉帶告曰此明少保于忠肅公帶也常年珍襲賽期一被神躬時不敢瞻玩亦不暇詳詢顯末閱數日偕二士人詣院命守院者啟櫝觀之圍約

東城記餘卷上

四

四尺餘嵌碧玉十三版古色蒼然間有損璽余問曰旣爲公物公墳廟近在西湖盍歸其子孫爲宗器乎士曰此忠肅公意也公舊居東里距道院非遙少時讀書院中曾許異日爲神莊嚴及繫獄後乃遺命以斯帶供神御至今不改嗟乎忠肅公之於明室豈非再造功哉當其力阻南遷扶掖監國功成事定決迂回鑿雖唐之郭李何能比焉特石亭徐有貞輩忌功日久奪門之後不容厠足必滅此朝食乃可大逞恣睢故喪心造誣構陷殊死而論者或以不諫易儲爲公憾不知公諫易儲一疏請復儲二疏明臣獲見之

而天下後世罕知之仁和阮氏泰元讀于公旌功錄
志感詩序可證用此知英宗升遐見公魂魄英宗之
媿於公多矣公則一無所媿於英宗也公自任患以
來懸宋文丞相畫像於卧側蓋公未嘗一刻不以丞
相心爲心矣丞相以衣帶書銘言志公以玉帶酬神
公之不欺神者公之不欺其心也公之不欺其心者
公之所以不欺君父也與文丞相之用心有異乎哉
是帶藏於斯院公靈爽式憑其必能庇蔭民物又無
論謹齋心澣筆記其崖略備公逸事焉胡比部理聽
香齋集有詩云顯眞院公讀書慶春街公舊居九門

東城記餘卷上

五

團營九邊策想見十圍腰腹中能儲四百餘年留一
帶故物畱傳明景泰良工琢就銜十三蟒玉當時特
恩拜公事英廟臣節堅迎鑾竭力身仔肩輕裘緩帶
度嫺雅指揮譚笑推也先公輔廊王臣志瘁易儲事
未爲公累紅鞋犀帶畫像懸託孤何殊文宋瑞庸材
誤國江與陳金帶欲換工謀身見深之廢由二相禍
延璧碎諸廷臣公於此時非不諫履霜嚴凝初集霰
磨盡品瑩玉鏡光可奈君心不如面公於此時胡不
歸點瑕免使蒼蠅飛也知挂帶比還笏好將初服更
朝衣公非保身之明哲君恩太深計難決畱得蔥河

虹貫天誓灑孤忠一腔血七尺軀爲盛名誤欲酬主
知家不顧尙方珍賜密室局籍沒時隨帶歸庫此帶
不遭裴晉公口占謝表福考終此帶不逢曹使相身
被殊榮誌家狀猶幸莊田共給還遺澤摩挲喜無恙
平生不解禪機深山門畱鎮非公心帶和魂返斷齋
處祝融祠宇陰森森吁嗟乎七年天子一方玉投向
井中汪后哭織兒競論奪門功戢戢萬釘如筍束石
駙馬曹吉祥齊叨紫綬懸金章冰山轉眼盡消釋惟
公此帶千古遺甘棠張舍人應昌彝壽堂集有詩云
西湖岳于兩少保雙忠作鎮雙高峰墨敕畫像武勝

東城記餘卷上

六

印鄂王手澤駢鐘鏞忠肅錢塘是鄉里墓祠乃無遺
器供道院寶帶補其闕照耀湖西藏城東此帶服御
小物耳對之頑懦披丹胸想見宣德明良會輕裘緩
帶鸞鳴離朝廷三楊共洪楫晉豫千里揚仁風俄逢
正統土木禍端委束帶鶴立恭南渡前車重根本北
門筦鑰銷煙烽景泰嗣位定大計奠安國家如泰嵩
金帛不許和不可請帶弗與眞威雄如何僉壬任誣
構奪門挾釁持南宮吾帶欲更爭擁翊營蠅苟狗毒
蠶蜂不殺無名亨等意徇私昏闇嗟英宗輦帶三褫
付談笑一腔血灑襟袍紅須與徐石竟何在千秋廟

食題旌功豈獨奔走拜松栢珍此一帶伴璜琮帶兮
三朝歷治亂袞職無闕完初終曾與袍鏡弓劍伍賜
予封職各恩隆取義成仁圭璧潔懷人留物縞紵通
古院當年讀書處有僧早識端黼容英魂毅魄此憑
式玉梁金鏤光熊熊摩挲遺帶重感湖公與武穆異
寶同並排和議敵仇愾並嚴軍律善戰攻報國一心
盡劬瘁安邊三策麾寇戎獄成意欲莫須有二字三
字同冤蒙功烈志節一無異異在事勢殊遭逢若使
宋高察檜惡亦返二聖飲黃龍若使景帝聽理策安
保一統完居庸大臣易地皆然耳河山帶礪昭雙忠

東城記餘卷上

七

雙忠作鎮雙高峰乃覺金山留帶徒禪鋒我瞻此帶
拜祝融袞衣恍觀清明躬我捧此玉尊球弓瑜色如
見精白衷獨舉赤手擎蒼穹爲國砥柱爲崇墉對之
頑懦披丹胸安得垂紳正笏如于公吁嗟乎安得垂
紳正笏如于公

回回墳

陳良謨見聞紀訓云長興滅損齋應奎少時有舅氏
某者宦游閩中託祈夢于九鯉湖用卜一生窮達其
舅氏詣神祈焉夢神告曰正去採絲瓜見赤毛羊三
箇繫在園中喫草覺而述其言以復莫可詳解漫不

畱念久矣迨正德丙子損齋偕弟應璧赴試於杭俟
舟於回回墳旁有廢圃一區圃中有絲瓜棚瓜垂垂
焉甚多損齋漫就而採之轉盼間忽有三羊繫藩毛
色皆赤損齋乃大驚詫呼其弟曰昔夢云云今果驗
矣然不知其何兆也是歲損齋中鄉舉明年試禮闈
中式與予爲同年間以語予如此

揚清祠

祠在忠清里嘉靖間知府陳一貫改疑真庵爲之祀
王僉憲琦項郎中麒林璐歲寒堂存稿揚清祠記云
揚清祠者何祀鄉先生僉事王公琦刑部郎中項公

東城記餘卷上

六

麒而建也肅皇帝時御史唐公鳳儀採少保胡端敏
公言忠莫如唐褚公清莫如明王公項公異代同里
乃樹坊於里門曰忠清置二公木主附褚廟以祭學
使孔公天胤曰二公生同里接武同朝宜專祠與褚
公同表曰揚清與褚公異在昔翰軒使者激揚風聲
其勤且慎不苟同如此嗚呼古稱鄭公鄉高陽里胥
是意也歷今百餘歲雖國家代興未嘗不崇忠孝尙
廉節鄉先生歿而得祀於其鄉居斯里者想見吾祖
吾宗未必不望衡聯宇勁節高風於今爲烈前賢之
失傳後人之羞也幸也里中父老猶能舉其名也按

王公始以孝廉事文皇帝自學正擢御史再陟外臺
領山西學政備兵川東西視項公位不爲不顯服官
三十年不爲不久卒以寒餓死余嘗咨嗟歎息當太
平盛世迹比首陽意必谿刻自處好名爲甚顧令里
中人悲縉紳以餓死不亦辱朝廷而羞當世之士乎
哉及考其行事寬仁平恕活囚至七十餘人誘掖多
士無峻容倨色行部蜀中盜賊解散類如此然後知
公之守己爲極嚴耳嚴則辨義利矜細行無論卻餽
遺辭廷賜甚至黃麻一冊義無重受相傳公絕糧久
夫人出耳環易粟詰其由來若將浼已者亟起墮諸

東城記餘卷上

九

河給夫人曰是贖物也以故遂不得食而卒藩臬賻
金殮焉明興以來未之有也項公生平不少概見端
敏去古未遠其言不妄王公苦餓項公亦苦餓王公
有室廬項公無室廬晚年御史某爲闢地誅茅居焉
嗚呼惟王公能卻天子百金惟項公能受御史一廬
貧窶家居三十年項公不效王公而清與王公同冷
曹郎署當景泰天順間時勢紛更較之文皇時臣節
稍媚矣吾讀其應詔陳言一疏未嘗不凜凜也其略
云李賢王翱當曹吉祥之變不能奮身死義甘心屈
膝以圖苟免不知節義廉恥爲何物宜正刑章以訓

有位夫李賢王翱賢者也公親與同朝必有以洞悉
其本原而侃侃形諸章奏公之立身益可知矣以視
褚公爲忠爲清皆臣極也父老生其里者亦與有榮
施哉是爲記又仁和令姚公光宇重修揚清祠記曰
同治九年十月九日光宇試東城講舍與邑人士談
藝之餘尙論鄉賢僉謂講舍近忠清里里以昭忠揚
清二祠得名揚清湮沒已久地且爲居民佔光宇亟
詣勸清故基捐廉倡復里紳丁君申林君一枝鳩資
集材踴躍爲助五閱月而工竣糜錢一千緡有奇復
請提講舍羨餘錢二十千爲香燭修葺費由講舍紳

東城記餘卷上

十

董暨觀成堂綢業董事互相守理丁君請記顛末光
宇按祠中舊碣惟存崇禎間禁約一石嘉靖間杭郡
太守陳公一貫祠記石刻雖亡邑志可考康熙朝林
鹿菴先生有記著錄歲寒堂稿光宇自慚不文懼林
記之久而失傳也爰補鏡於石而附識重建之繇以
冀後之守是土與居是鄉者共維持於無斁云十年
十月朔記

周都司

周啓字明溪其居第在錦衣巷東後人因名其巷爲
周都司張瀚奚囊錄餘周參將墓誌銘云余蚤歲與

元風山光祿弟子清中丞同受經鄉塾一時皆英特士而參將明溪在焉已各駸駸貴顯明溪獨偃蹇不偶世廟庚戌後四方稱兵加意武備往往起閭閻韋布之雄立致將帥於是明溪走都下當時同宗容齋京已仕爲錦衣都指揮使因隸籍登武科尋以騎射韜略舉會試第一按志嘉靖中嘉靖三十五年進士名動京師例授錦衣副千戶未幾進指揮僉事守備贛州以功能再進都指揮僉書吾浙專闢拜鹽城參將再奉璽書移守嶺西高肇等處不數載累官三品不啻貴顯崇盛矣豈非遇時而命也哉何前嗇後豐也迨余督兩廣諸

東城記餘卷上

三

軍明溪爲裨帥一見輒稱病余察知病狀方圖請易會有被逮之報覈之頗不得實心跡既白而明溪卒抱憂憤以歿悲夫功而得過信乃見疑古今聖賢豪傑所不免獨一明溪哉明溪姓周氏名慤字嶸伯世仁和人曾祖全祖信父傑母毛氏正德乙丑七月三日生賦質清粹通朱氏周易義善詩文作眞草書道勁有法性孝友事兄平溪繼終始無間爲將多機警馭下恩威並用孚心士卒故屢有平定功在贛日威行諸山寇不入境浙中酌議屯政切中時宜鹽城弭盜防倭保障允賴嶺西平尖嘴等巢擣黜酋全仕侈

等素著績殊偉紀功者聞于朝兩有白金文綺之賜督撫巡臺廉其才咸薦獎之若御史大夫南岷王公司空鎮山朱公推引尤亟陽春之役余猶勉以力疾終事而疾劇竟不可強不知者方以避難引疾疑之彼敘功受賞彰明較著如此顧云罪浮於功曾不知中於嗾者之口欲以服將士之心作遠臣之氣豈不難哉元配謝氏詩人可山惠之女婉慧貞靜主中饋旁及書算技藝靡不通解始可山本奇其女一見明溪輒又奇之竟以女託焉處窮約以勤儉濟其無遇拂逆以命數寬其憂當遠遊以振奮鼓其氣迨利達

東城記餘卷上

三

以患害惕其衷至於謹祀事端闔儀相夫子匡不逮馭臧獲均慈惠教允子用義方凡此可謂克全婦道矣嘉靖丙寅十一月十四日卒於家春秋五十有七隆慶己巳十一月十八日明溪卒南雄道中春秋六十有五嗚呼明溪挾儒術以待聘卒不售而以武功顯誠命矣其不遂首邱之願與淑人敦篤懿範而皆不享壽祺孰非命運天定豈必憂能傷人哉子男沂隨征有功劄授冠帶武生女適順昌唐合之子佐孫男某女二沂聞訃奔粵奉旅櫬來還併舉淑人柩合窆焉因風山兄來乞銘且跽而泣曰遵遺命也余不

忍辭爲之銘曰困維心亨豈不偶不知其人視其友
錦組輝煌絢當晝蕩滌氛祲動伐茂煩言爍金內何
疾我生不有命途邁武功既究文亦售婉誌同封世
相守巖壑迴環得明秀堅貞不磨銘不謬

張樗寮書華嚴經

宋張樗寮卽之手書華嚴經八十一卷小楷奕奕有
神舊藏潮鳴寺與戴靜庵功德畫同爲鎮山之寶世
傳樗寮爲水星降凡其書能辟火尤爲人寶重後寺
僧不能守漸散落人間胡秋白曾得二卷魏稼孫得
一卷皆其殘帙也

東城記餘卷上

畫

息廬

章藻功字豈績康熙癸未進士官編修著有思綺堂
詩及四六文集行世兄曰戡功字服伯錢塘諸生撫
功字仁豔錢塘貢生爲淇上孝子士斐之子萬九沙
曰章氏昆弟繼淇上先生文章極盛之後而伯叔昆
季皆稱建輪拔戟自爲一隊以雄於藝苑斯亦奇矣
時人語曰秀才不要狂恐遇土橋章蓋指淇上父子
兄弟也今從思綺堂文集錄其息廬二序以見天才
駿發文思豪放之不可及也其前序云僕自乙丑之
春迄於癸丑之夏周流萬里孟浪九年所在傷心王

粲之依人作客那堪回首馮誰之有母無家間或暫
歸都非長策嗚呼每當風雨輒念敝廬不耐星霜須
營負郭匪榮蘭而陋棘願託鷦鷯何繞樹而依枝偏
驚烏鵲又況世情之險殆甚羊腸則知家食之安不
妨蟲曉今者自七閩而返爲四壁之謀隱不買山歸
惟卜宅雖晏嬰近市勿憚葺塵而潘岳閒居且圖色
養從容上壽扶杖而卻版輿整頓西偏鑿牖而成茅
室行常僂僂不至礙眉坐足徜徉豈真容膝左几右
几儘教滑淨堪書南窗北窗甯必交疏相結三十幅
壁間舊畫懸掛隨心五百卷架上殘編翻來信手管

東城記餘卷上

畫

甯坐榻亦因徐穉而懸中散揮絃便識淵明之趣鼠
鬚麟角蠶繭間揮龍尾馬蹏犀紋偶試豪放則干言
片刻疏慵則一字經年買未曾見之古書聽不必然
之時事而且危樓丈許月出一鉤老樹尋餘風飄萬
點梅橫窗而早發影與雙清蘭入室而自香性偏獨
善亂石插三竿之竹卽教柢沓根攢小盆畜二寸之
魚母慮鉤牽網止但畱故舊樂莫樂兮相知最恥干
求得不得曰有命起居坦坦俯仰閒閒絕似羲皇何
論魏晉遠塵俗養天和題以息廬終焉可矣夫盈虛
消息祇任自然藏修息游庶幾有獲擊壤而知日入

之候筮隨而得嚮晦之占豈六月而飛徒侈談於莊
叟卽百發而中尚取笑其由基奚必終歲營營悵飄
零之靡所因人錄錄須富貴兮何時嗚呼一枝不借
於上林萬間無求乎廣廈花飄蓮炬已負平生蓬戶
桑樞何曾奢望旣悟倦遊之理思結契於相如欲知
願息之方問事親於孔子後序熙熙攘攘笑我無能
擾擾云云問人何事似窮途之阮籍罔計前途本迷
路之楊朱況當末路與之俱走總是三癡倘肯相扶
依然兩瞽遇無故物知昨日之都非歸有放人幸餘
年之可假揚子雲居惟寂寂司空圖亭只休休題以

東城記餘卷上

五

息廬終焉可矣顧疇昔倦遊意在欲行且止而今茲
落職序因翻舊而新有可以息者三不可不息者五
嗟乎九萬里鵬搏乍息六十年馬齒虛加菽水言歡
甯辭百里樹風且痛奚假千鍾生則未能綵錦紙羅
金花是救歿則徒然蘋蘩蕓藻水草堪羞於中之耿
耿難言以外之栖栖何益此可以息者一也彼夫渺
渺青雲登梯未便昭昭白日逐杖爲勞負辛苦於平
生都成夢想信科名於來世未卜因緣而余久困曝
顛忽驚燒尾槐花而忙舉子歌出鹿鳴櫻桃以宴文
人送將鳳集雖玉堂間阻虛傳鈴索之聲而土窟周

旋忝列簪纓之會此可以息者二也他若詩書史漢
業不能興南北東西聲將俱墜徒費析薪之力曾無
跨竈之稱而乃三行斯敦性根孝友一經可教世繼
文章無以立而無以言大者頗多領悟不知路而不
知罵小者絕類專愚琴書似可長留富貴聽其自有
此可以息者三也旣時宜之不合又世故之未諳脾
睨於積尸列柩之間蹙蹙於輦壁輿金之側一不可
不息也無端出口每好盡言略試轉喉便多觸諱人
飲恨而勿覺已悔過而莫追幾曾觀周廟之緘將必
及伯宗之難二不可不息也過市者夕而非朝舉碁

東城記餘卷上

五

者冷而不暖肯因老病以給豬肝違念始終而來羊
舌但慨羅門之雀究成枯肆之魚三不可不息也精
神倦憊則卧早而起遲筋力衰頹則坐多而立少且
嬾且慢或因叔夜而寬不揖不迎難必之推所善如
逢下令那遽改容若是梁松定教獨拜旁觀者責其
傲傳說者笑其狂四不可不息也頭童齒豁而後思
以祕拙力疲心爛之餘臆於夢出集名十卷成功已
九仞之山梓有六編謀費若五丁之石便當退而卒
業乞以合尖拓萬古之心胸畢千秋之著述蠶未死
而絲不盡蚌將病而珠以成五不可不息也又况羊

腸最險蝸角相爭世態人情一至於此則不若考槃
寤宿衡泌棲遲閉門而耳目俱清高枕而夢魂自適
平鋪碧瓦四週薜荔之牆迴隔青樓百尺芙蓉之杏
清風明月搖映窗紗枕茗爐香安排書几枯棊一局
休論靜死動生濁酒半壺莫管我醒人醉畫有千巖
萬壑挂將素壁而看地當三竺兩峰昇著藍輿以往
猿鶴之驚不必夔龍之讓何須果眞量腹度形克盡
天年之樂甯至觸機挂網輒甘人事之危也哉

飛鴻堂

歛汪啟淑字秀峰號詵菴官工部都水司郎中寓小

東城記餘卷上

毛

粉場顏其廳事曰飛鴻堂嗜古有奇癖藏書百櫃乾
隆三十七年 詔訪遺書啟淑家進六百餘種 恩
賞古今圖書集成一部士林榮之得古印幾萬紐彙
爲集古印存三十二卷凡同時工鐵筆者不惜重聘
延與商訂務斲悉合于古亦盈萬紐彙爲飛鴻堂印
譜四十卷又續得漢銅舊刻成漢銅印叢十二卷可
謂極印人之大觀矣雜著不一種其一則小粉場雜
識也

周亦耕

欲覺聞鐘錄仁和周亦耕名駿發居東園巷世家機

業雍正十三年二月生亦耕夜鄰居任顯文夢周氏
之門輿馬雜遝無數衣冠輩擁一七品官進堂覺而
心疑詢知周氏是夜生子卽以所夢告之亦耕登乾
隆壬午會榜出爲江西貴溪都昌南昌等縣令以兆
有前定引疾告歸杭郡詩輯則稱亦耕六十後乞骸
骨歸築小圃于東城與顧涑園盧匏廬余松巖余松
屏何春渚蔡卧雲曹仙耨黃相圃爲九老會舊袂花
交新懷酒寫優游林下者復十餘年著有薌溪都村
錦昌南望湖亭卧陶軒遂初諸集

蔣靜山詩集序

東城記餘卷上

天

厲徵君序云杭有隱君子曰靜山蔣先生爲明少宗
伯良夫公之後少苦貧年十二釋書營什一于市獨
喜爲詩從先輩毛稚黃先生學詩卜一廛于古清河
坊曰吾爲買矣富賈而鄰于文簡札旣廢蔡侯以興
或網或繭或竹或楮或密香陟釐吾質是以給口實
而資其餘以給吾詩不亦可乎暇則取唐人詩讀之
最工五七言律嚴于格調餘于性情甯平易而不務
險澀蓋稚黃先生之得派于雲間陳黃門者流風故
未墜也中年以後屢遭鬱攸慨然曰給吾詩者天能
厄之終不能厄吾詩乃徙居城東其地風土閒曠饒

水竹豐蔬菰先生樂之歲丙申予昏于蔣氏先生爲予妻之世父屢得從先生論詩見先生貧且老或不能給朝餽而胸臆坦然無蹙迫咿嘸之狀終不欲以非分取一絲一粟與人交竟數十年無一語之欺謾然後知先生殆古之有隱德者益足徵其詩之稱心而言矣噫今世操不律爲詩之士少窺聲病卽挾其技走四方務妍悅人耳目以要名取利詩而眞孰若先生之賈而詩也哉况其始于賈而終于隱也

舟庵記

舟庵者吾友吳可堂比部顏其錢塘城東僑居西偏

東城記餘卷上

三九

之屋蓋本其尊甫先生生平所自號也可堂之言曰余家歙之溪南自先大父卽寄籍仁和爲諸生先君早列膠庠試必高等性喜吳越山水每扁舟出游於杭之西湖尤注意焉水光山色朝酣夕飲曾有吟草一編藏之篋衍及垂老倦游時時寤想不置不肖因買武林屋已數日將奉先君來此稱入表鵬於湖上用博老人一笑不意前數月遽棄養痛可言耶服闋移家因以先君自號署此屋用以寓風木之悲云爾子可爲我記之否予謂之曰君子於親之亡也思其居處思其嗜好若可堂之爲蓋有合於此也曾子不

忍食羊棗嗜好也而居處不存焉東坡改宜與獨山爲蜀山居處也而嗜好不存焉夫嗜好之在物者莫清於山水居處之在山水者莫宜於舟先生之以舟爲庵也無住而住隨寓而安之達觀也可堂之以庵爲舟也有願未伸觸目驚心之孝思也屋之外有池淪漣有石谿衍槐柳桐竹之屬列植而交映先生儻神游其中風晨月夕徒倚軒檻與波上下以爲舟也可以爲庵也無不可而可堂之心不且少慰矣乎先生諱某字雲襄縣學生贈刑部貴州司主事見厲徵君樊榭山房文集

東城記餘卷上

三

通聖廟記

厲徵君東城雜記載東城機杼起于褚河南九世孫載善織作綾錦今褚家塘通聖土神是也仁和姚震洪武丙子解元憲官有通聖廟記云杭古吳越交會至福建按察副使之地隋建爲州唐因之褚公遂良實州之平安里人貞觀永徽間直言極諫有裨治道卒以諫立武氏貶潭州都督復徙桂州未幾貶愛州刺史以死孤忠大節爲唐名臣人敬而慕之立廟崇祀扁曰助聖復以公所居是里旣久族屬眾大乃名其地爲褚家堂崇奉香火不絕迨宋高宗南渡駐蹕於杭詔移廣凌壇

花來植其里故吳慶忌居第舊基創飾園囿立神尸之先是遂良九世孫名載者性行端潔學問該博人咸敬仰其先家廣陵獲織綾錦法世襲爲業載歿厥後數顯靈於人復降筆曰今承上帝之命以吾忠臣苗裔平生正直有善無惡得以廟食本園汝輩知之於是里人相聞郡邑大夫立廟祀之祠厥牲牢題曰通聖凡有水旱災患經營出入禱之無不響應迄今一鄉之人織綾錦爲業由乎神之始也助聖通聖初皆有碑以紀厥事元季兵火居民凋敝廟宇坍塌碑亦顛仆獨遺神像風雨剝落士人李用沈榮富虔奉

東城記餘卷上

三

香火年久永樂癸卯二君歎曰神爲有唐忠臣之後覆庇吾鄉人多賴之今茲廟貌頽圯神何依焉尙義之士一十有八乃各捐貲鳩工重建以妥精靈冀在神有所主靈有所施里境平康老幼安謐庶幾助聖與通聖二祠相附密邇一鄉之間妥佑吾人香火傳之永久顧不美歟肇工於是歲六月甲子落成於九月丙戌二君又以不可無文以垂告來世乃具其實介予友金士宗徵辭勒諸貞珉以侈其傳予既第其神之本末如右復繫之以辭曰存爲善兮歿爲神保茲土兮仗神靈人樂業兮里安甯替於昔兮隆於今

香火永今人之忱神其靈兮恆來臨園之邃今聞且深春秋祀今神居歆

東城產菊

咸清志歲貢城菊產自東城慶春清泰望江三門采進以囊枕能清目許渾錢唐詩云丹雨下高閣黃花垂古城是也城隅隙地有馬塍藝花之風最勝者爲胡憇春園四季百花千紅萬紫園可百畝秋菊尤盛刀茅巷項氏嘗拗花結亭臺幢塔鳥獸龍魚器用之狀五色燦爛傾城往觀余猶及見之鄉先達胡書農學士主講崇文書院以東城菊圃賦課士姚古芬伊

東城記餘卷上

三

憲賦序云夫南柴北米通衢九市之區桂子荷華畫舫雙隄之路一則肆塵輻湊旣渺平疇一則山水金銷頗希幽賞求其十弓地曠六枳門閭在人境之中而塵喧能遠訪園林之舊而秋色未荒則東城菊圃爲最勝也其地街連菜市址接蓮居古碣摩挲慈雲院繞橫河屈曲小粉場通隔瓦子之句關淒淒野草分版兒之門巷落落人家馬坡一條雉堞十里松池竹館一邱一壑之遺芋隴瓜田半郭半村之景蓋選勝固隱栖所託而居民復時植易饒早蔬摘而晚蔬香煙苗分而露苗活清霜稜稜儘多庾信寒畦流水

涓涓大有柴桑別徑則若橐駝家世種樹爲生漢陰
丈人抱甕而出誅茅闢舍栽棘編籬腰短鍤以鋤煙
汲清泉而噴玉野花詩裏招卿子爲芳鄰秋雨擔頭
開臨安之曉市爛漫寒英之吐高低土盜之排或細
翦鶴翎縛成洞戶或拗分蠟瓣疊作樓臺有色皆佳
無枝不韻爭紅亭之酒價奚止十千割綠畝於山莊
但須一半於以展重陽之會聯素友之蹤催租不聞
綦履共逐青楊白楊之巷金鈴玉鈴之花相與品芳
名嗅琦蕊西風老屋晚香坐而徐餐落日平橋遠爽
因之並挹向藥欄而移買有時秋可平分指栗里以

東城記餘卷上

三

過從信足涉而成趣者矣今夫登卿相之貴亦遂歸
田爲花木之娛豈無別墅然而金衙再換富景空題
畫錦堂開笙歌沸聒平泉人去臺榭蒼涼閱彼繁華
係之感慨而斯圃也城隅隱隱菊信年年客號灌園
不改荒皋小築社賡雜興猶餘諸老風流豈非心遠
者地可偏物盛者勢易反乎商飈告謝露萼未殘愜
我幽游綴爲小賦尋春綺陌漫誇北勝之花學圃閒
居請種東門之菜

可羨園

項秋伊布衣懷隱于闐闐家居良山門成衙營口闢

圃編籬圍種芙蓉灼爛若錦踴地線繞栽菊數千本
英大于盤枝高及肩皆各種也曾蓋茅亭揭詩版于
中看菊人來淪茗爲餉出紙索詩周午亭孝廉顏曰
可羨園戴文節寫可羨園圖并題七律爲贈有句云
坐中媿我非陶令此後逢人說項斯伊少沂通守贈
聯云闢徑欲追陶晚節堪娛莫辜負風亭月榭看花
爭說項名園可羨好商量酒政茶經陳覺庵春曉聯
云秋士澹如斯栗里非遙我老有情思送酒伊人居
宛在柴門頻叩客來無日不投詩秋伊嘗自賦云榛
蕪闢盡露英華小景還宜點綴加石砌魚鱗幽徑繞

東城記餘卷上

三

竹編鹿眼短籬遮添來罨畫三間屋種得迷離徧地
花漫說喧闐城市近風光不減野人家桐鄉陸教授
以恬贈詩云結廬近傍古城隈萬朵黃花手自栽高
士不妨居市井名園何用起樓臺町畦位置都超俗
簾幙經營亦見才省識惜芳心鄭重繁英歲久益滋
培所惜劫火蒼黃詩篇灰燼園亦鞠爲茂草矣

單斗南

李允升堂緣庵詩話載其師單斗南云先生諱炤富
陽諸生寓居仁和茶園街韓城王文端爲督學時愛
其才將貢之成均以不就試而罷先生秀容儀妙言

語博極羣書於經史詩文源流派別靡不窮究詩宗少陵顏其齋曰杜可學者稱杜可先生朱青湖先生贈句云識途似我年差晚談藝惟君眼最明其推挹如此尤熟精內典故又號華藏居士停車問字豎拂諮禪者踵相接老而寄居城東靜修僧舍以終易養神明湛然詩文脫稿輒棄門弟子所錄十才三四耳如夜坐怡雲閣云明月如良友黃昏亦肯來早梅云數點香初洩春風竟不知冬日雨窗述懷云積雨疏朋屐新寒侮客衣梁溪晚泊云溪水澄沙白窑煙借樹青送江抱村至閩云橘花蠻洞合榕樹驛樓陰郭

東城記餘卷上

姜

外云草柔黃犢喜花暖白鳩啼蘭云葉長偏伍草香遠不因風失題云秋山多刻畫霜樹益精神慧山泉云龍脊宛延流不息虎跑甘冽味應同皆極精鍊

抱鑑圖

今武林門內觀橋立有桑孝子坊孝子名天顯字文侯居城東大樹巷鬻簞爲業幼喪母父病翻胃日必熬肉粥以進父死乃日夜抱鑑而泣其子歿雨水部爲繪抱鑑圖徧乞題詠丁敬身七古云人生失怙情難述况復親存抱奇疾通腸入胃百不能除卻鑑瘳無異術豚糜羊糜漸謝功子心如沸一鑑中明明

親在養不得豈待泉魚撓木風宛轉親亡腸欲裂忍見團團煮糜鐵抱鑑哭絕咽無聲啾啾有耳鑑應泣詩爲當日傳誦水部名調元雍正癸丑 召試通知性理 賜進士官屯田司主事薦試博學鴻詞以幼受業于勞餘山先生闢餘山書屋于東皋別業論文講學盛比河汾著有論語躬行實踐錄如錢宗伯籀石廬學士抱經皆出其門而學士又其館甥也好游日能步行百里徧涉五岳自署獨往生詩曰孝子不置永錫爾類未始不肇端于抱鑑屑涕時也

景菊公

東城記餘卷上

姜

桑菴甫水部調元傳曰先生姓景名星杓字亭北仁和人父邦彛字三岳豐于財性任俠出貲爲人排大難三人呼爲景三俠先生生而磊落不拘小節常集畫艦數十招詩人酒徒劍客遨遊禾之鴛鴦湖故通音律方洪飲援筵作數弄隔湖人偃耳嘹亮有奴曰青猿最趨捷酒酣耳熱起射林薄間命青猿疾取箭爲樂赴友難白晝刃人都市中散萬金如流水難得紓家業洗如意頗侈以爲豪已而幡然折節讀書葺尾城之東皋花木叢竹環蔽之不見廬舍屏妻子獨居三十年名曰劫堂自爲之記詆世事多失直吾勃

之畸人騷士叩扉劇談茗飲終日顧壯志不能遏謂
豪傑非天生乘時得志便見奇節論世事成敗輒奇
中慷慨吐論聲如洪鐘精心種菊秋光環麗爛如華
蓋流蘇花時達官貴人變童豔妾趾相錯類不見主
人而去因自號曰菊公尋厭其喧遂弗種散菊種數
百於東城數年後人猶呼爲景氏菊賣文爲活連遇
歉歲奇窮義不苟取元日益無粒粟屑薯蕷爲食而
已不問晴雨恣游湖上諸山憑弔古今詩成自歌震
蕩林木所著有菊公詩五十卷拗堂詩十卷醉翁詩
二卷拗堂詞一卷松風詞一卷拗堂文十六卷文羹

東城記餘卷上

毛

一卷山齋客譚十卷蝶史三卷俱手錄書法絕類黃
山谷晚器後進桑調元慨然許託焉庚子秋疾作故
妻王孺人已下世于二留次子侍疾易簀前一日命
檢詩文稿授調元屬他日編存吾集甯簡無繁枕上
咏別同好詩浩然而逝其日爲重陽日壽六十有九
葬方家峪水部有方家峪上菊公先生塚云元廬護
雲嵐宿草秋更綠風流渺山河清淚一溼目杰士蹇
不遇老死葬厓谷餘事作詩人竹素留清馥天空澹
孤月露白疏羣木魂來我不知靈風吹蕭蕭今秋南
屏樓荒峪近往復古歡不可追寒泉薦芳菊集中尙

有讀景菊公先生詩集賦贈過菊公先生拗堂避雨
菊公先生枉過山齋奉陪先生悼亡答先生以拗堂
詩集見託之作輓菊公先生諸詩卒爲刊其遺詩爲
拗堂詩集八卷序之曰先生之詩絕空依傍直吐性
靈潛居蝸廬獨吟自豪絕不與人競名抱知希我貴
之意歿後二十三年厲樊榭過調元所雜誦之目其
五言出屈翁山上瞻慕風節以平生不識景文爲恨
嗚呼先生歿不多年已得一揚子雲矣後世之揚子
雲豈少哉然先生俯仰寄意吾寫吾真今後世之子
雲有無固弗之計矣原藁分菊公拗堂醉翁三集今

東城記餘卷上

毛

統標曰拗堂嗟先生之志也集故富先略爲撰次八
卷足以見水部之敦古誼矣菊公有城東草堂夏興
云竹樹栽差久蕭蕭漸有情筍穿間地出花傍短檐
明已覺遮蟾影還應助雨聲草堂無九夏爲汝密陰
生

憶樗園賦

錢塘汪韓門先生師韓上湖文編云康熙五十五年
師韓年十歲隨先君儼居城東蒲場巷卽古菖蒲巷
也從處士馬樗園先生受句讀先生手錄經書中名
數可紀者若三桓七穆多至三百六十日回晦令強

記之題曰雜課閱兩年先君卜宅芳潤橋先生亦移居張卿子巷逮師韓年十八補縣學弟子員衣藍衫拜於先生之堂顧而色喜逾年先生沒矣乾隆五年師韓居曼旋里訪先生故宅已再易主或曰先生子聖源者死且數年一孫爲縣小吏自傷卑賤諱匿名居求之不可得自茲以後師韓坎坷憂患旅無所容而少小所經時一夢至其處忽忽三十年當其夢游不自知其既壯且強而將老也向見先生著楞園文集手鈔約五六寸楞園者先生所居草堂旁臨魚池編竹籬時雜花屋角老楞一本半朽而結實纍纍先

東城記餘卷上

堯

生自題其額曰楞不材木也而吾取以名吾園今僅記此二語其自況績學不見材於世乎先生體癯瘦白鬚朱顏耽禪悅常僧帽而方袍終日危坐從無怒罵每學童散閉門落然亦無朋徒過從聞其中年遊迹徧天下垂老歸爲童蒙師師韓自七歲延師家塾爲族叔祖文學越干先生最後則從同姓郡守泮尊先生遊文學有賢子孫登科目郡守以進士入爲清郎出守劇郡而獨先生之身與其子孫若是之闐寂也哀哉先生諱泰來字亨九號定山本俞姓沒時年七十餘云南湖之偏有小園方一畝而未足雜花

時以繽紛兮游鱗撇波而澆澗編疏籬於苔徑兮構茆齋而斧木聽書聲之琳琅兮有童子凡五六人哦鄭谷之俚詠兮諷史游之異文坐銀鬚之一叟兮手丹墨以冬春師者所以學爲君兮童子其猶遂古之民先生薄榮譽兮鄙不談乎舉業核名數於載籍兮誘靈檀於對帖罕朋徒以酬酢兮獨循楞而日涉貴知希於編集兮示逃禪於破衲幸余昔始垂髫兮得高賢以爲師日執經於函丈兮嗟穉駿之無知遂悠悠以卅載兮勞夢想於緇帷儼對夫水木之明瑟兮從下學而戲嬉倏自顧其頽落兮蠟斑鬢以離披痛

東城記餘卷上

卑

吾師之末由復見兮空涕淚之四垂

柴雲齋

柴步高字亦之號雲齋錢塘人乾隆庚子副貢其高祖方伯公諱望曾祖御史公諱謙祖司馬公諱載庸父諱麒生雍正丁酉孝廉借補浙江兩淮鹽大使伯父掌科公諱潮生里黨稱祖孫父子兄弟世甲科云雲齋性孤高廉介善屬文陳句山先生之高弟也乾隆庚子與姪廷直同榜已中第八十一名舉人因詩經多中一本易經少中一本雲齋習詩經遂與副車中易經卷互易因改貢副貢隨疊遭家難不復應試

久遊天津河南山左山右諸郡縣乾隆壬子以疾卒於曹南館舍年四十九柴穆堂先生其弟也官萬年開官時延雲齋於塾中得詩百餘篇卒後錄爲一冊題曰東遊偶存草見吳退庵杭郡詩輯所居在趙索麪巷

東河龍舟

陳春曉字杏田號覺庵錢塘廩貢生平奉母教弟備嘗辛苦初依舅氏移居城東新橋著有晚晴書屋詩鈔覺庵續詠所詠東河龍舟詞頗爲藝林傳誦其詞云纜過插柳又懸蒲競渡端陽笑且呼今日東河真

東城記餘卷上

望

絢爛銷金不獨是西湖東船西舫太居奇待到來朝買已遲多少曉妝人出郭篷窗紅日乍臨時傾城人海壓重圍臨水家家盡啟扉我愛榴花紅似火照他一色淡羅衣鐃鼓喧天渡口過鞦韆上下疾於梭驚紅駭碧如飛燕險絕還疑墮綠波花樣旌旗五色飄船頭結束健兒超中流忽掉神龍尾爲要爭先奪錦標蘭橈齊泊半山塘看到龍頭第七行待入城來剛日午梨園一部正登場吏隱同爲不繫舟相逢忽訝雪盈頭豪華我憶孫公子轉眼滄桑四十秋注云是日與趙雪門舟中話舊里門有孫公子曾創龍舟勝

會事隔四十餘年矣又有彩虹競渡詩云奪錦誰誇獨占先黃頭結束健兒便相傳此地彩虹渡又見當年畫鷁船細葛香羅當夏五驚鴻駭燕墮秋千紅裙如殺榴花色近水人家望若仙

孝慈庵

余得支那本孝慈庵集孝慈庵卽厲記所載半畝居是也集中如相國張文貞公王書錢氏肇修彭氏兆聲胡氏埏陳氏所裕皆有序張氏垠吳氏農祥宋氏士標宋氏應啟金氏日彰金氏麟五雲道者淨挺皆有記周氏西釋明慈並有讚釋明源有放生池節略

東城記餘卷上

望

息菴禪師有緣起王氏文光有傳蔡氏承宗釋超任並有溪筠禪師語錄敘蔣氏淑應氏晉銘胡氏埏楊氏承祖陳氏廷度釋超芝超任明善普澤超義德鍾皆有詩篇庵有冰檠堂周氏子兄爲溪芷弟爲溪筠毋姓宋氏稱濟川老人若士標應啟皆其姪也集中文字多不勝錄惟鄉先輩張岳庵先生玲記備列檀越尤係文獻云聖王以孝慈治天下則赤烏翔壽星見仁慈育萬民則醴泉冽嘉禾出易稱善既有應詩美求福不回雖周孔格言亦佛氏明訓誠哉孝慈之爲義大矣孝慈庵在城東偏居有半畝以奉佛水有

一方以放生乃溪芷溪筠二大師迎母歸養之所其
母少寡秉志幽閒性安樸簡守柏舟節三十餘載課
二子成就淨行復命徧禮諸方尊宿及報恩玉林和
尚精心契道曉夕忘疲澄慮研思悟隨機化歷二十
有餘年始辭歸事母因構庵名曰孝慈厥義深矣及
歸見母喜親供母食其如齊道紀乎荷擔母行其如
隋敬脫乎故母一杯菽水數樹松花法喜半瓢有逾
祿養笑嘯孺慕膝畔經行衣袂縷飛彩衣宛若團圓
而共話無生俯仰抑奚容愧怍以故四眾皈依一燈
炳燭蓮社勝友則有如少司徒灑亭嚴公郡司馬石

東城記餘卷上

望

庵陸公冬官郎槎濤陶公少參駿聞彭公狀元肯堂
陸公明府南池陸公通守俊伯宋公閻憲又庵陳公
履上倪公明威將軍淇園允文孫公掌卿嚴公繼銘
金公孝廉鑑彰孫公玉擊李公及諸子高漢年鄧奕
天高志凌戴右文陶韞玉錢允生胡潛九洪聞遠高
序皇高鑑侯陳躬玉張士貞高次斌王采飛金非池
曹靈孕徐聖公陳王升等若而人檀護居士則有如
大中丞文侯徐公大司成立齋徐公督部伯臣吳公
中憲起三周公通守麟長宋公甸洪吳公麗符陸公
在泮范公曰可朱公席公黃公靜山蔣公敘吾嚴公

斗山莫公及諸子王紳甫楊于王鄭開先孫泗如陳
理緒李君寵章雲卿章羽卿胡雲客洪殿音陸長餘
楊仁趾陳元公李遠公王集生章季卿章文卿胡衛
京王炳榮章天如王友琳竺鳳鳴等若而人咸以淨
土爲業放生爲事六時翹勤禪誦不輟薰修戒定廣
化有情抖擻身心虛空踏破滿前盡烏翔星見醴洲
禾嘉無著天親道場儼然在望是爲記時康熙三年
孟夏上澣後一百二十五載爲嘉慶八年德清許宗
彥復爲重修記曰孝慈庵在杭之東園本半畝居故
址乾隆五十五年道源大師從天目來杭應願涑園

東城記餘卷上

望

居士之請開法于此庵素隘小未備禪林制度師始
增修堂序詳太守前記中師道行醅白宗風高峻緇
素景仰主行瑜伽法事靈驗著聞學徒日眾乃于嘉
慶六年創建法堂五楹樓其上樓念佛侶關西偏菜
圃爲選佛堂規宇宏敞退息之寮庖漏之所次第以
興蔚然叢林氣象矣餘文在鑑止水齋集

鳳凰亭

艮山門壩址橋上亭子舊有鳳鳥飛集亭上因名見
姚春梅東河權歌爲一方之蔭咸豐八年亭無故自
焚旋有庚申辛酉之難絲市機聲蕩焉灰滅里諺不

爲無徵相傳東城業機亭形類絲車

七十二峯閣

王樹字禮堂號石交仁和人德溥次子石交隱居北郭後遷城中頭髮巷性愛石有米南宮癖收藏奇石甚富選其尤者七十有二梁山舟侍講書七十二峯閣額以貽後又得倪文貞公石交圖深喜古人遺墨與已字合懸之閣中暇卽靜對以爲樂有題七十二峯閣壁詩峯巒七十二高閣貯雲煙面目廬山具精神泰岱全論交呼石友題額得名賢相對數晨夕因之號米顛又得倪文貞石交圖書以誌喜卽次元韻

東城記餘卷上

墨

詩輪困磊落亦吾徒得似奇礪到石無珍重前賢遺墨在儕予骨相不嫌粗頻羅庵遺集有爲王石交樹題倪文貞公畫石交圖跋禮堂王君有愛石癖嘗以石交自號今年春偶游吳淞於友人處見倪文貞公畫石交圖立幅狂喜購以歸張之壁間從此七十二峯閣中又添一品石矣不特此也文貞所與交之石實自其胸中吐出磊磊落落之石非凡所謂石也石交以文貞所交之石爲交當其靜坐一室形影相對不啻日與正人君子周旋誠有如詩中云交盡世人唯得此者其平日滿堂滿室摩挲把翫之具不過輪

扁之所謂糟粕又其次焉也已

小雲棲

丁雙湖蕪小雲棲演法堂記曰小雲棲者同人慕雲棲放生舊事從而推廣之先是顯諸中丞阮公請于西湖復古制未果行嘉慶歲癸亥廉得東城餘庵爲余氏所捨有殿廡寮房池之大可二三畝卽卜此爲課佛放生所嗣以牛欄羊圈豚欄雞棲不備具旋購鄰庵兼買民居聯絡而拓其址更蓋牲版魚池並潔構三楹奉蓮祖像落成時以小雲棲名蓋法五雲舊事而規模小之也榜募周忠介公順昌書按錫山計

東城記餘卷上

吳

六奇用賓輯明季北略忠介忤逆璫魏忠賢因被逮緹騎在門神色自若顧左右有一素榜曰此龍樹庵僧屬書者向已許之今日不了亦一負心乃呼筆題小雲棲三字字大如斗體法道勁復書周順昌題并識年月日投筆而起意氣浩然世之重公者輟轉摹勒茲地尤巧合阮儀徵于榜題後跋數語又吳穀人祭酒有正味齋集有吾杭小雲棲作放生會來索詩因用坡公岐亭韻寄之云吾慕太常齋鼎俎謝腥汁斷齋香自清搗甲露猶溼憬彼飛躍姿所樂生趣得物物各有情何苦煎太急長養鄭國魚哺飼比鄰鴨

池通活水環樹積翠陰羈痾瘵總一體愛惜如保赤
因推慈悲量重爲我佛白殘吏每放手自謂岸儒幘
可憐一路哭有甚過河泣園丁昨挑菜來補山厨缺
適逢今朝會作詩寄諸客福幸不唐捐有約早來集
又吳孝廉上尊城東雜詩之一云鐘聲隱隱隔招提
一路桑麻趁杖藜拓得放生園幾畝夕陽人問小雲
棲又碧溪詩話吳西林先生游東園餘庵于僧厨亂
書中得白生詩文樂府手稿一冊冊端不著姓名以
卷中印章得證爲馬翔麟國朝杭郡詩續輯留采其
詩然則餘庵之自來已舊矣

聽園

東城記餘卷上

聖

戴笠人道亨菊人道峻居中正巷高堂廣厦右有聽
園時花美竹水石明媚牡丹時縱人游觀園中諸景
久已膾炙人口今錄吾山道人卽景十一詠靜中飛
躍蒼蒼者曰彼淵淵也如此此中含性靈其狀不可
指我欲告世人亦曰飛躍耳濯錦陂逼水有平陂花
發爛如錦本爲富貴花濯出神仙品試看春風裏晴
波光滄滄安字廊負手步長廊盡是眼前景豈知躑
躑間天涯已馳騁非關跬步嚴隻字出奇境蟾隱舉
手懷天香月窟安可詣此間一角山聊作天香計有

時謫蟾蜍翻爲預所憩輭虹橋南天斷白虹化作西
山石琢石跨清泉快飲空潭碧軟軟橫波間波寒神
脈脈警雲洞拳拳復卷卷玲瓏縮雲髻窈窕曲延清風
亦足留雲憩任爾繡苔紋不是山中勢盈虛自然盈
虛者爲數自然得其理可動不可溢依然靜而止如
何是洗心常視此環水不浮天鼓樵臨中流不知風
浪惡片雲從空來勢急已難泊何如不浮天穩穩安
杯酌補竹處美哉青琅玕蓋補人間隙著意養新篁
瑤光分翠席欲使龍孫飛莫教風雨窄淵爾池旣得
淵爾淵胡爲塞爾塞有智不涵容淵流徒湜湜餘潤

東城記餘卷上

吳

及四圍四圍被其澤散策隅喜得留餘地老人拄長
策徐步覓蒼苔纍纍嵌白石坦白無等倫卽此見心
迹柳榮和詩十一首靜中飛躍高閣凌虛接水天波
痕雲影莫牽連靜中都是爲魚境坐覓鳶魚亦枉然
濯錦陂曉窗開處錦池平映得花枝分外清織就春
風濯春水可憐一幅錦光明安字廊惟有推敲大是
難要將凡骨換金丹長廊踏徧欹欄立從此詩成字
字安蟾隱豈爲蟾蜍種木樨高枝爭似鄧林齊招蟾
甯少人間屋不是天香不肯棲軟虹橋是誰鞭石跨
泉腰擬託飛虹喚小橋池上一經題軟字幾回疑帶

水光搖髻雲洞昆明池上鬢鬟新玉女盆中幾滌塵
是石是雲還是髻能吟方許筆通神盈虛自然翬飛
翼企欲攀雲倒影何曾欠一分若使盈虛亦如此自
然之理復何云不浮天總不浮天不繫樁半溪半谷
半蘭艘檣帆櫓舵都無用一任斜風撲小窗補竹處
夏玉聲清縱未聞軒前已覺掃塵氛翠分嶰谷千竿
雨綠我書窗一段雲淵爾池必隨江海歎無涯一勾
何嘗非水耶如此淵泉苟無本空歌一曲浪淘沙散
策隅樂在家園興倍佳一枝筇杖兩芒鞋逍遙迴與
塵囂隔無限天和屬老懷右石刻爲禹杭董卿長雲

東城記餘卷上

兜

標書似爲乩仙之作款題吾山道人筆己丑閏六月
二十八日吾山道人二印和詩七月二日守元子稿
柳榮之印守元子二印劫後石存蔓草中晶瑩若玉
年餘過之已不可蹤蹟矣急錄之

錢君穎

錢國賓字君穎本廣陵人明萬曆中寓于武林以醫
名尤善治奇證鎮江錢青藜足跟偶響逐漸至頭竟
若雷鳴療治七八年如故國賓曰此骨雷也切其脈
五部皆和惟腎紮大舉之乃見著腎敗證夫足少陰
之經起于小指之下上而貫脊腎虛則髓空髓空則

鳴響自足至頭即雷從地起響于天上也以六味丸
加紫河車膏虎骨膠猪髓枸杞杜仲方治之瘳武林
土橋張林妻卧病三年不起于牀醫以爲瘳國賓診
其脈沉大至骨數十至中一鼓或隱或現形色蒼脫
所居暗室國賓曰此非瘳乃陰邪所干令急徙卧室
檢褥止得白毫數莖其長寸餘始知爲狐魅也張延
道士禳之妖至數反復求救于國賓思之良久因製
毒藥授之令密俾其妻塗于體是夕妖斃于牀下則
一元狐也間生白毫人皆奇其術蓋狐以舌交故中
毒輒斃

東城記餘卷上

幸

萍實滄浪

清泰門內一浴堂明末有道者至暮進浴主人辭水
已濁盍俟易姑少待道者曰無妨我浴後水自清矣
乃許進浴浴已曰汝此後日易一水可也飄然逕去
主人追之懇留名答稱萍實道人非仙也主人遂榜
其堂曰萍實滄浪姚丹甫禮郭西小誌述之蓋本於
吳寶崖曠園雜志者也

海螭溝

田氏西湖游覽志云東青巷內有半井寨海螭溝諸
家志乘均未載海螭溝之命名不知何所取義偶讀

夷堅志云臨安薦橋門外太平橋北細民張四者世以海蠅爲業每浙東舟到必買而實於家計逐日所售入鹽烹炒杭人嗜食之積戕物命百千萬億矣清熙十六年二月之夜蠅在盆者盡絲壁登屋上牀繞衣掃去復集至於黏著肌膚不可脫然張慨然有悟遂發誓云從今日以往不復造此惡業自別尋一營生道路願諸佛子監察言訖悉墜於地甫天明空所蓄投諸江而貨煎豆腐以贍給按今之海蠅溝實太平橋之北豈所投者卽在溝耶事關懲勸與釋氏放生之旨亦合因類記之

東城記餘卷上

五

袁子才舊宅

子才先生築隨園于金陵名滿天下人幾不知爲錢唐人矣然先生舊宅兩在東園小倉山房集中過葵巷舊宅云久將桑梓當龍荒舊宅重過感倍長夢裏煙波垂釣處兒時燈火讀書堂難忘弟妹同嬉戲欲問鄰翁半死亡三十三年多少事幾間茅屋自斜陽又余生東園大樹巷中周晬遷居今六十五矣重過其地云六十衰翁此處生重來屋宇變柴荆想同買德尋鄰叟誰復婆留喚乳名蓬矢挂時桑已盡兒輩湔處水猶清斜陽影裏千回步老淚淋漓洵自傾讀

此可見先生未嘗忘情于故鄉也

暮景塘記

潮鳴寺舊有石刻宋高宗御書蘇詩家在江南黃葉村之語人遂呼其地爲黃葉村今東園石版巷皆其址也胡葑塘濤嘗僦居是地又與朱朗齋文藻結鄰旣以暮景名其塘葑塘因爲記曰武林城東隅古所稱黃葉村也其地卑故多池野樹清波居民疏落遊平此者疑涉郊野癸未夏余徙居焉居當村之北而戶南向戶外雙池夾隄隄南卽村奧如曠如也朗齋朱子蓄意古學洞達經濟日以著書明道爲己任其

東城記餘卷上

五

文鬱然可觀余少與論交歷今二十餘年多所裨益今秋以所居別售去權剖其親屬之宅居之適當村南乃謂之南鄰嗟乎朗齋不以榮辱累其心不以婁子累其身寰區紛紜舉非所願其蹤跡如間雲野鶴不受籠樊則今日之冷雨酸風寺鐘城柝蕭然環堵固宜安之晏如余以嗜好與朗齋同旣卜鄰得晨夕相討論每飯後或招賦小詩一二首或作詞或學篆隸或寫意山水興旣闌相與步村前沿池小塘絕勝處徘徊瞻眺時則夕陽挂林暮煙凝紫遙望西南山色變幻千狀兒童數輩挾書行歌而歸少焉宿鳥驚

飛明月東升矣朗齋笑顧余曰是塘也可以暮景名乎余曰可余因慨夫朗齋出處之窮遇合之艱而潦倒于世也復信夫朗齋操守之嚴氣誼之敦其暮景終非潦倒于世者也爲進而勗之曰君子疾沒世而名不稱時不可失甯使妻子衣食裁足甯使經濟學術之足顯名當時歟朗齋必有以處此矣余將耕于斯鑿于斯以俟子之游也幡然垂白扶筇而追暮景之歡其樂更何如哉又葑塘先生過暮景塘懷朗齋詩云暮景塘邊向晚過月光依舊浸寒波入林沽酒野僧獨緣岸釣魚村豎多回首昔遊成夢幻與君生

東城記餘卷上

垂

事各跼蹉數椽老屋仍無恙門對寒煙鎖薜蘿又按先生年譜癸未三十歲六月移居東園石版巷有詩云自喜幽居好門前水滿坡徑紆人到少竹密鳥藏多野老偏工弈比鄰倍養鵝南風吹日夕散髮出藤蘿此詩正作於此時可想見其水木清華之高致矣

二隱

二隱不知何許人自江南誣逮來浙寓安樂橋憲訊有期矣謂弟子將示寂諸弟子泣拜曰旦日當庭鞫賴師理解師撒手其如弟子何乃止次日事果得白歸命設香湯俟之凌晨爲弟子聖徹授記已問午未

日午矣說偈曰昨日歸家時未至今日歸家正午時夢幻空花留不住此心能有幾人知微笑而逝見康熙杭州府志

浙江始祀先蠶之神碑

江都汪容甫中以校文瀾閣書沒於西湖之葛林園士論惜之著述學內外篇別錄有浙江始祀先蠶之神碑文曰凡物生天地之間其功可被於萬民其精氣著爲列象則必有聰明睿知之人竭其心思變通以盡其利而後世奉以爲神社稷五祀是其官也生民之業惟食與衣祈報由弭田事爲多先嗇司嗇

東城記餘卷上

垂

歲不之享公桑所禮則維天駟意農祥昏覲適當蠶月取于同物比于龍見而雩而嫫祖之祀無聞周官放散是有遺典不然禮貴反本功無不報老婦貪人猶歆其祭况神黃帝之妃西陵氏之女方雷所出姬姓是宗潛化昆蟲垂衣裳而天下治弼成內政其功如是豈有周人修陰禮而沒其先妣者哉漢決以讖菀窳寓氏名實不經魏祀軒轅加牢無配秩宗不修其職學士莫考其文禮失則昏其來遠矣宋氏南遷保聚江湖吳越之郊蔚爲桑土蠶之豐歉利恆倍于穡事乾隆五十有九年寒雨洊至蠶比不登

皇帝從浙江巡撫侍郎臣某之請立廟於杭州城東良山之右以奉先蠶人神同嗜屋而不壇嘉薦孔時無俟奉種於是熊以降縣越千紀始定爲

天子命祀頌以祠官神靈受職大報冠帶衣被天下之功創制顯庸於斯爲至其年十月臣中游學是土欣見嘉會用敢珥筆以美形容其辭曰咨古生民衣皮蓁蓁不田不漁或裸其身有物蠕蠕莫知其利天牖哲人曲爲之制禦我寒威亦昭行禮以蔽以章遂修人紀凡在能言自別攸始外薄四荒咸遵厥軌蔽前有知猶象以鞮矧矣制器闕焉不食禮亡祭法詩

東城記餘卷上

五

失樂章民志靡依神用弗康百世以俟惟 聖有作赫赫明 命神具來格歲秩其常靈宇式啟百職駿奔有咍有醴慎制國典三古所逸刊石海隅以爲民極

許氏科第

陸定圃師以滌冷廬雜識云嘉慶道光以來仁和許氏科第最盛駕部謹身閣墨房評云數來望族寰中能有幾家問到科名榜上視爲故物稱許可云允當又潘文恭太傅思補齋筆記錢塘許小范先生學范乾隆戊子舉人壬辰進士子乃來乾隆癸卯舉人乃

大嘉慶辛酉舉人乃濟嘉慶庚申舉人已巳翰林乃穀道光辛巳舉人乃普嘉慶丙子舉人庚辰榜眼乃釗道光戊子舉人乙未翰林乃恩道光癸卯舉人七子登科海內所未有伯兄季弟先後同年尤科目中所罕見

論褚塘小誌帖

趙誠夫先生一清號瓊花街里人嘗著褚塘閭史著錄於杭州府藝文志鄞全紹衣祖望鮎埼亭集有答趙誠夫論褚塘小誌帖云讀誠夫所纂褚塘小誌其辨河南公世系甚善褚塘在杭城中里社之小者耳

東城記餘卷上

五

誠夫表章桑梓使得與益都錦里並傳後代可喜也已不揣卑陋請得牽連書所聞以爲誠夫疏證之一助誠夫據趙德甫金石錄言元和姓纂錢塘別有褚氏本與河南族系不同以愚核之錢塘固別有褚氏然亦出自陽翟特南遷有先後之不同此在元和姓纂言之甚析而德甫攷之不詳耳褚氏之居陽翟自後漢之重始漢末有鹽官長盛徙居由拳盛生泰仕吳封錢塘臨平侯按臨平當是鄉侯之爵遂居錢塘裔孫陽蕭齊民部尚書駙馬都尉錢塘侯陽生遠民梁鄆陽王國常侍遼民生仁宏陳始興王法曹參軍暨陽令仁

宏生範隋豫章郡丞範生義宗義宗生無量唐左散騎常侍兼侍讀贈禮部尚書舒國公諡曰文此錢塘褚氏自漢南遷之一支其留居陽翟者晉初有安東將軍揚州都督關內侯招招孫碧晉安東將軍徙居丹陽碧生洽晉武昌太守洽生哀晉中書令衛將軍錄尚書事贈太傅都鄉侯諡元穆哀生歆晉散騎常侍祕書監歆生爽晉義興太守爽生秀之宋太常秀之生法顯齊鄱陽太守法顯生炫齊散騎常侍贈太常炫生灃梁中書侍郎湘東王府諮議參軍灃生濛梁太子舍人濛生玠陳御史中丞玠生亮唐左散騎

東城記餘卷上

五

常侍陽翟侯諡康是爲河南公之父徙居錢塘此錢塘褚氏自六朝南遷之一支然愚又攷舒公自遷錢塘以來皆居臨平蓋從其遠祖始封之地其累世坐讀書一事則城中之褚確爲河南公所居而晉初有九真太守陶其末有始平太守含含之子征虜參軍邊邊之子伯玉爲高士梁有五經博士仲都其子武陵王參軍修其末有褚雅亦高士隋有太學博士輝則皆自漢南遷之裔舒公三子廷詢駕部郎中廷誨給事中廷賓渭南尉族姪思光虞部郎中子鈺司

勳員外其族實與河南公一支競爽云愚又讀唐彥謙集言河南公之柩至咸通中始得蒙恩歸葬陽翟其時以平徐肆赦始賜其孫八品官扶護以歸而傳中不載此事表亦不載所賜八品官之孫爲誰則唐書之罣漏固有不僅如誠夫所舉者况仁和志又安足據歟

報國院

院在慶春門內刀茅巷宋紹興間建後燬於兵遂廢明天啟初僧仁慈等十人重建 國朝順治間僧元佐與其徒山懷開拓鼎新光緒初大吏以院近城址

東城餘記卷上

五

河水環流議儲軍火廢爲製造軍裝局寺僧散去全址均併入局巷亦湮塞錢有學集重修報國院記云先是紹覺禪師居土橋之蓮居菴四方學徒麀至往往擔簞裹飯儼邑屋以居仁慈慧公聽講之暇喟然歎曰武林故都會之地方袍圓領之流渡濤江越南海者軍持漉囊往來如織顧不得一茅蓋頭風餐露宿憧憧爲旅人窮子豈吾儕出世爲人之能事乎宋紹興間故有報國院介清泰慶春之間其遺址去蓮居數里而近遂發願修復以爲接眾之地湛然禪師爲文唱導諸方響應淨財雲湧踰年佛殿禪堂告成

又三年桑園菜畦飯僧之田養老之室無不以次庀治是役也不煩鑿鼓不飾竿牘僧眾扶助者什九而善信布施者什一慧公曰吾藉諸佛之力仗十方之緣以有斯院也久之營而自私長子孫而營利養焉其可乎吾聞之佛法付囑國王大臣吾得宰官之外護者爲文證明之以垂於久遠其可以無患于是介嚴子印持款門以請于余余方有母之喪逡巡久之則使其徒曰圓福者徒步搏頰祈必得余文乃去而嚴子助之請益力余乃執筆以記之而復於慧曰嗚呼雲栖逝而淨業微紹覺亡而講席燿魔外交作而

東城記餘卷上

禿

盲禪盛行未有盛於此時也子之作是院也緣起於紹覺而淵源于雲棲其因地不爲不正矣其在今日盍亦思以扶其衰而稽其敝乎今之禪非禪也公案而已棒喝而已河東之論密公曰禪者六度之一耳何能總諸法哉本非法不可以法說本非教不可以教傳豈可以軌迹而尋哉以禪門言之應微笑而微笑應面壁而面壁應棒喝而棒喝皆所謂非法非教不可軌迹尋者也今也隨方比擬逢人演說上堂示眾譬優人之登場禮拜印可類佞童之劇戲貧子數他家之寶愚人求刻舟之劍是不可爲一笑乎東山

法門本無棒喝五花開後互顯機權老僧無法藉黃葉以止嘍童子何知效俱抵而斷指况乎龔瞽交唱狂易相尊揚眉瞬目貶眼宗師豎拂拈椎滿前大慧豈獨戲論未止抑亦妄語既成是可不爲之悲愍乎彼所競相誇詡者曰徒黨之眾也聲聞之廣也利養之厚也夫日中一餐桑下一宿比丘之訓也架大屋養閒漢古德之所訶也以荷澤之顯發宗風宏濟國難知道者猶以固已損法爲譏而况於他乎彼之所羶我之所禁有識者視之如師子蟲如大火聚可也其又可褰裳而從之乎然則將如之何曰甯守淨無

東城記餘卷上

卒

趣禪守雲棲之眞淨無趣今日之偽禪甯灰心挫名種淨因於來劫無吠聲逐響斷慧命于多生吾所謂扶其衰而稽其敝者其在斯乎爲僧徒者守正法不染邪法斯不負如來付囑之意而金湯外護之名亦可以無愧矣乎余之爲末法懼久矣因慧公之請而直舉以告之雖然不獨爲慧公告而已也院之創始在天啓元年其落成則天啓三年又十二年爲崇禎七年予爲之記

趙橫山

橫山名大鯨官至左副都御史所居在批驗所前袁

簡齋撰墓誌銘云本朝以文學受知 今上者禮部
尚書沈公德潛詹事府正詹張公鵬翀而外惟副都
御史趙公公名大鯨字橫山別字學齋雍正二年進
士入翰林楷法秀潤如鋪春雲詞賦修意修言得沈
隱侯三易法入試內廷皆稱 旨遷學士再遷大理
寺少卿左副都御史提督江西直隸學政典雲南湖
南河南三省鄉試四校順天鄉會科以太夫人大耄
乞歸五年卒年六十九葬仁和某原淑人郁氏附焉
子二其次升官庶吉士公督學時遇諸生如弟子每
校卷躬自點勘觀者相環拂衣觸几公勿禁曰取士

東城記餘卷上

空

易教士難使諸生觀吾所以取知吾所以教也衡文
額額顏澀不展卧記某卷佳起再誦再加墨擢之如
不及待旦者然性峭急無威儀送客輒走客前客或
坐未起必問有餘語乎趣爲我言不然時寔事過可
以行矣人有誣諉不可者謝之已負諾捫胸苦記必
踐之而后食飲大中丞永貴公弟子也將撫浙來見
公公問君往政將奚先曰劾貪吏公笑曰貪吏職入
已者勿劾也永愕然曰何謂也公曰職入已而不分
潤大府則大府久劾之矣不待君往也今巧宦全取
之民而半致之上已潤其餘或且全致之上已遷其

官是暗劫民財納已爵也不見捕盜者乎臆篋百萬
有所私焉不敢目憚之其所勘詰禽獲以上計者皆
竊鈇攘雞者也君將奚擇焉永再拜曰微先生無能
言及此者敬聞命矣既抵浙延公萬松書院教諸生
先是主教者面柔曲容濫竽公以爲設書院所以待
高才生非養窶人子若不以才取而徒哀其窮故收
之是恤孤非養士也於是申良拉枯無所聽請及見
士又倨士大不悅飛言如雨公不爲動不數年所噓
揚者異目視者九卿三司茂才高等均從窮約致顯
貴紛然麟鳳羣翔而詬公者如秋蠶冬蠅漸滅殆盡

東城記餘卷上

空

或至今猶堙沈藍縷嗚呼公人倫之鑑果何如也枚
未遇時袖文質公公奇賞之枚乞一授餐所公唯唯
朝送公出暮聘已至卽今大宗伯稽公家也公卒時
太夫人年九十餘故遺表曰沐聖世如春之澤小草
長榮幸慈親垂暮之年反哺難遂誦者皆爲泣下銘
曰無亢不中無過不庸不惡不仁而曰好仁其所好
者亦朦朧黜蹇蹇駕應龍斬曲檣扶青松此豈吾一
人之爲而佻險者竟鶻鶻倂憊以相攻彼何人斯其
爲飄風吾見鏘金腰玉而拜華表者如萬壑之朝宗
嗚呼雖予小子之不肖亦咨嗟涕洟而執筆以銘公

慈雲寺八景

孫宇台集慈雲寺八景詩引曰寺建于周顯德在高陽里之東隅武林之名刹也元至正間築城延寺入內廂廡基址去者過半明洪武初有延禮法師大啟叢林規模拓于舊明故國初歸併冊言院有二寺有六庵有八皆歷歷可數也永樂閒少師姚廣孝題寺中八景詩以知當日名勝在武林城內爲伽藍第一時移歲久今所存者不過殿宇數楹而已追數八景不存一二所謂有其名而無其迹也寺僧祖源柏庭教律精超爲余方外之勝友暇日嘗與盤桓訪舊不

東城記餘卷上

奎

勝今昔之感因各爲五絕一首以貽同志其敢曰楊街之記王少之碑即白雲居云背郭結精廬偏協幽人賞人世閱古今白雲自來往娑羅閣云西域有名花祇園建寶閣百丈冲層霄千春空城郭甘露泉云教義比醍醐金牀玉作綆不須陸羽題已勝葛洪井鸚鵡院云何來白鸚鵡翻向院中翔惜哉禰處士曾未識空王紫芝堂云堂下紫芝秀堂上白馬馱云誰東渡僧不作南山歌赤松亭云欲從赤松遊亭今渺何處徘徊芳草生惆悵仙人去翠竹林云言有瑤華音鬱然翠竹林借問說法者何如此處尋梧桐街云

五月桐花飛花飛覆古道八月桐葉落葉落老僧掃

機神廟碑

厲徵君撰機神廟碑已著錄東城雜記余友洪張伯給諫曾代大吏撰修廟碑記文曰欽惟 聖天子御宇垂衣裳而理天下勤恤百物懷保小民每歲農政耕藉享祀先農所以上答靈貺下溥豐澤也農事以外惟重織事以故四海之氓敦崇本務莫不化治絲枲制爲衣服無一夫或受其寒者杭郡爲東南財賦淵藪杼柚之利甲於九州操是業者較他郡尤夥郡城東北隅有機神廟中楹奉黃帝像右附伯余向爲

東城記餘卷上

齒

里民私祀之所載在志乘由來舊矣嗣於乾隆五十九年前撫臣吉慶因蠶月妨雨禱祈獲應拜表於朝請列祀典奉 俞旨報可煌煌乎一代之鉅制千古之上儀也且夫織事之興豈惟是耀錦繡飾綦組云爾哉蓋 朝廷筐篚之貢於是輸閭閻被服之資亦於是出設非有以妥靈祇而報本始揆諸有功則祀之文不免闕如乃考之載籍西漢百官表有東織西織之屬後漢暨隋皆立司織以掌織紵而秩祀之典顧寂寂無聞焉即唐制秋孟祭杼亦未嘗特立廟貌以示崇奉今也斯廟之設春秋二仲歲薦太牢奠

幣陳醴明禋肅然大吏至期遵行歷數十年至於今
不替享祀之盛一如先農然則觀禮者於此既足以
補列代祀典之缺且並見我國家塵心民事衣被
無方直上與古帝合撰焉神之所以庇佑吾民者即
皆所以黼黻我 后者也利賴所係不綦重歟神之
緣起厲氏鸚辨之確矣廟之規制盧氏文昭記之詳
矣茲不復贅而系以銘曰蜚乞啟運義農繼繩民用
質樸蠶織未興帝軒秉樞羣工肅穆俗易衣皮功先
作服既勗機杼旋盛織文禹甸效貢物力惟勤杭隸
揚州桑土肥衍力田之餘織業交勉享利謀報溯源

東城記餘卷上

奎

祀先城東作廟輪焉奐焉 盛代勤民遠契前聖祀
典聿頒肸蠁斯盛醴琤在戶鐘鼓在堂畏神服教穆
穆皇皇仰瞻禮儀式樹鴻則嘉貺畢臻萬方衣德法
紀三古祀垂千春銘茲宏製表厥貞珉胡孟紳比部
聽香齋集亦有擬作文曰粵自清陽穆治組紉彰玉
璫之華雲紀書官粉赫耀金枝之采縣繡文於神女
元命採苞佐葩瓌於公孫伯余奉職幣貢既登乎厥
篚時壇宜並乎先蠶乃織室東西漢代則專祠未建
星河重七唐家則祭杼傳譌豈等車維獲之利饒轉
歲俎山嶽之典闕斯固文明翊運首宣 聖化於垂

裳安煥蒙麻貴答神功而報本也吾浙桑麻遍野衣
被寰區淮海維揚膏腴沃土自租庸徵帛賦盛元和
逮紉績教民功興褚氏凡紫紋之縠白編之綾鳳文
蟬翼之羅天鹿蒲桃之錦歲登天府月貢上方儉輔
澣衣禱壽年逾乎瓊壽祥呈絺紵染人賦亞乎縫人
民之以鬻縉起家漂絮謀食筮爲收而慮爲履凍諸
井而盃諸欄者東則溪通浣紗山近采葛西則濮院
雪練魏塘錦梭靡不縑軋相聞貿絲成市而織染尙
衣之局實設會城惟茅山良阜之隅舊開神社晨篝
宵絳手民皆列屋而居尊酒豚蹄頭會或釀錢而賽

東城記餘卷上

奎

攷典未崇乎專祀酬神僅等乎叢祠洎樊榭山人采
淮南遺解定爲軒佐特製豐碑然而黃帝造機明見
於西京載籍元妃補衮久垂於古史明文舍君祀臣
於禮未協報功崇德必先所尊乾隆間 翠輦六巡
柴望畢舉金倉七貨糜絲告豐維時歎玉名駒易偏
諸而互市歸琛筒布隨阿錫以承筐旃裘毳幕者咸
荷垂繒扈帶鮫函者羣相佩橐關雪山千里士均挾
纊忘寒襲檀樞十重書亦承綈進御地大物博武緯
文經蕃庶阜昌鍾毓珍異神於是日滋迓天麻歐絲
之野滿絢扶桑之繭若甕流黃綦絢燦貝彩於吳門

皎素冰紈濯波光於越水宮錦之坊啟瓊林之絹盈
九章作會乎虞廷五服貢珍乎夏甸 天子命
秩宗以典禮 飭疆吏以庀材既肅明禋允符眾志
爰卽東城舊址拓爲新廟崇基定含樞紐而位叶中
央冕旒是肖應須女宿而躔臨吳會布帛專司配之
以金鑲玉珈四妃序正侑之以桓圭蒲璧六相班同
其地則吟接卦田耕籍考臨安之志鄉依粉蔭迎韶
開富景之園太乙九宮昔是神壇所在歸唐東海本
爲瀆祭之方 詔有司以朔望升薌春秋飲酌禮也
原夫貞觀崇儒祀姬公爲先聖政和立學祭尙父於

東城記餘卷上

奎

武成赭鞭掣而烈山歆其牲宰黃茂蒔而思文享其
雕簷降至五兵繕庫報作霧之蚩肩十匠歸林軫在
房之和矢有制造前四民之用皆烝嘗縣百代之經
况神龍躍降邱雉彝備黼六十綜者六十躡牽挺肇
興寸五鼓者尺五環練星示則利溥乎倍繆爲榘制
沿乎半匹爲端洵堪燾赤土而壘南媿烈句龍景黃
靈而堂上來儀巢鳳矣今者鯨波甫息雁戶幸安年
獲上豐惠叨靈佑 朝廷方覃文教易袍服以章縫
黎氓共樂太平謀筮殫於杼柚襄七章而足夜巷同
績以分光 一人則念切宵箴圖耕圖織百爾則勤

思夕庀絲絨絲絀暖煦樟亭瑞呈栢館欣觀合宮蒿
柱詠鳥翼而翬飛仁聽桐鼓鏡歌節麟皮於夔吼貞
珉載勒黼座均瞻望雲旂而禹穴朝宗六百載接姒
王寶緒登甘觀而咸池奏樂億萬年延 昭代蘿圖
銘曰五帝遞嬗運鍾循蜚炎農之世婚姻儷皮木實
而食卉衣而衣代赤燦權有青陽氏索纓綵麻機杼
是制藻火山龍誕敷文治西陵佐之絲車利盛循環
無端若斗旋柄以引以繩作者謂聖亦有良輔風牧
比肩成衣立紀倬漢章天台鼎峙嶽樞星朗乾華蓋
煌煌耀乎北極帝居其中百神效職誅蕩金閭馨香

東城記餘卷上

突

玉食熙朝御宇化首明堂有功則祀掌於太常惟
聖議禮頒諸錢唐金牛之湖靈鷲之麓密石斯礪丹
獲斯斲翠玲珠琉重檐復屋何以報之八蜡息農何
以祈之八蠶效功匪民之力神罔時恫麗牲視楹虔
致肸蠁繡甍戩連朱戶洞敞萬古千春廟貌同仰

寶善橋

橋在東河新橋壩子橋之中乾隆二年丁巳創建首
事者爲茅靜遠瀚鄉先達陸鳧川大司馬宗楷官檢
討時爲記勒諸石咸豐七年丁巳橋圯成毀適兩甲
子非偶然也靜遠名在府志義行傳工六法其書畫

足以照耀東城晚年皈依佛即以寶善爲法名云

小淵明

夏磊人基徽州人府志入明隱逸傳寓隱西湖選西湖覽勝詩有無名氏二十四人詩一卷蓋月泉吟社之流也中有云西溪隱叟家種梅花千樹自號曰小林逋其兄處城東隅種菊百種自號曰小淵明又號曰東籬遺老有花間續集四卷

雷擊火藥局

馬坡巷舊有火藥局乾隆五十年建也道光二十四年二月十五日黎明震雷擊之局屋甄土瓦木碌礎

東城記餘卷上

九

一掃而空不遺纖悉遠近千里不聞有寸椽片瓦墮落者守局人亦無恙一時傳聞走觀詫爲異事疆吏報於朝仁和章黼有紀事詩云甲辰二月十五日黎明忽駭雷車轟披衣亟起敬天怒道聽傳說牆藩傾城東僻處馬坡巷中有庭宇寬數楹屯積火料幾滿廡槍礮嚴備資軍營是時風雷相激薄列缺倒景玉虎鳴震震燼燭光遶屋橐韋不壓心魂驚東鄰西舍急趨避燎原烈勢防磕碎雷公巧試謝仙火忍令生靈遭飛禍盤礴力不借六丁利椎掣右鼓引左霞輪日鼓風疾驅紫霧彤旃雲亂裹半空倏忽流金蛇

照徹倉琅門牡鑰何庸排闥燄薰天但見拔宅塵揚
罍孤延格鬪力不勝樂巴術嘆測誠叵傾刻方隅一
掃空柱礎不留瓦不墮以火制火火不然較鞫伏豫
神其妥四境居然雞犬安聚觀咤異如堆堞我欲上
訴軒轅星中無金科書祕局亦無杼鑿騰竄冥疏硝
鉛炭鎔火器臨衝奮擊若迅霆前年海氛偶不靖用
此炎赫揚威靈今仗神勇遠噓攝想燿巨舶沈滄溟
鯨集鰐爛海水赤盡殲餘孽昭天刑興利除害德浩
蕩合獻旨醴陳肴馨詩成筆未走精銳聊作里曲神
絃聽

東城記餘卷上

十

潘氏後園記

孫宇台治潘氏後園記云余始下帷王氏從諸長老
先生遊而因得窺鄧林先生之學先生二子象臣序
臣又從余學爲經生之業余益習知先生今先生春
秋七十矣當攬揆之辰諸弟子環拜于堂下當世以
爲榮乃先生退然構數楹于所居之後于是始竣顧
而言曰吾將以此爲菟裘矣余請得爲先生記之蓋
先生之居當橫河之南而所居向北面有修竹蒼然
被于房廡之間先生顧而樂雖室宇湫隘不以介意
也乃先生後尤有隙地又買于鄰人益若干尺地有

樹曰團樂之樹生二十餘年今始纍纍焉結數十果
香聞里許先生喜而爲團園之室客至酌酒其所談
道論業皆在是焉室之東曰東廊藏圖書其中投壺
圍棋咸具建亭于其西若畫舫焉曰此張思光牽舟
于岸上住也日月宛然風波不驚得非老人所晏息
者耶其亭之東可以望西山其南其北則皆森莽之
區煙雲杳靄之所出入也夫杭越五方雜處連甍接
栴安得有此空曠之宇以娛人者耶而先生曰吾無
心而止此垂老而成之豈必有所戀戀其間耶吾以
爲先生不可及也夫先生之學若秦越人華元化其

東城記餘卷上

辛

活人無數其學者遍江以南卽蚤年爲長統之樂志
石子之思歸亦何所不可而懸車之歲偶一及此此
以知先生之不可及也後之子孫學先生之學而無
忘勤渠是則先生之心也象臣氏學先生之學而無
忘勤渠者也吾故爲書之以遺其後使其子孫無忘
稔

東河權歌序

胡書農學士姚春漪東河權歌序曰東河貫會城數
里地耳而北通潞水之帆南集漢陽之估百貨櫓載
直達幽燕三板篷抽徧走荆楚唐匯江瀨潮汐患其

浸淫宋界城闕濠塹鞏其基址團練分寨則環以旌
門焉德壽築宮則跨夫輦道焉占形勝者七百年之
久溥利濟者三千里而遙浩浩乎與漸江競流聖湖
爭長已爾其艘積鹽筴千纜翼張岸排倉儲萬瓦鱗
戩國息所入民生所資憑是轉輸控爲襟帶若乃豚
圈雞枳菱角筍苞月塘販鮮鼎湖運糴吳興織纈海
昌甘瓜禹航篋管魏塘瓠瓠論擔東門之菜計船東
寬之麻來魚苗乎九江下木梯乎三峽與夫露夕蓮
炬霜晨菊船水嬉賽神香市贊佛以及恍氏之水凍
草人之物宜莫不風舉雲搖星羅棋布爭壩而篙師

東城記餘卷上

壬

勇奮啟關而津吏威尊豈直皋亭種桃因之喚渡越
客行李於此纜維已也僕家居河步地名宿舟以宋
南渡船官設廠于此得名乃在普安橋西崇新門北
壞堞留雉背郭結廬修梁亘虹面河啟牖見夫來檣
去檣飄忽雲煙擊櫓鳴鉦送迎冠蓋亦欲仿洛下園
圃秦中歲時作扣舷之歌成小海之唱所奈人事牽
掣年華遞遷書仰屋而著未成網臨淵而結有待昔
樊榭序東城雜記有云鄰翁野叟拙樸無可語言僕
之謂矣春漪先生學裕心傳文嫺掌故新年著詠早
窺豹斑遺賦傳鈔共許麟角曩曾捫拾瑣語編排麗

詞所收稗史圖經自行箋釋村語里諺借助波瀾例
參桂海虞衡備甄物產義取襄陽耆舊詳述人文終
以剗剗未遑輶軒遲採豐獄劍氣豈久光沈清皋鶴
聲自然響答今者合嗣邦憲重哀先集來屬弁言不
揣荒蕪略加訂證嗟乎老成徂謝已枯海上之槎文
彩長存如倚禾中之權是詩出將見都城紀勝武林
舊事客杭日記諸輯不得專美于前矣乎尚有蔣東
橋師煥序不及錄春漪名思勤一字汝修乾隆己酉
舉人家住定香寺前屋臨東河中庭桂樹一柯輪困
連蜷數百年物也名其堂曰桂堂自號桂隱流連觴

東城記餘卷上

三

詠時見名宿吟集中

汪青渠精舍

厲太鴻樊榭山房詩集有汪青渠營土橋精舍去余
二里許雪中過之不值題壁詩云近得林中侶堪爲
雪裏行玉川雙破屋東郭兩先生積素微封徑寒雲
半入城白鷗吾與汝一笑眼俱明竟日空亭坐遲君
開版扉幽禽啄凍雪風竹發清機孤趣忽自悅遠言
相與違昔人翻興盡容易刻中歸

城東訪友圖

樊榭山房集云倪穉疇給諫庚申夏日在京師曾作

城東訪友圖并系以二絕句枳籬門逕菜花初最愛
城東水竹居人立版橋吟興遠隔林何處響縲車詩
人高隱斷幽蹊菜圃三叉路欲迷看竹平生緣不淺
叩門隨處踏春泥寄金江聲副使志章於上谷蓋追
寫丙申春同訪余不值事也江聲亦題二絕句桑村
藕蕩接城隈亂竹遮門晝不開一曲版橋煙水隔緩
尋芳草更裴回十年卻掃謝公車卜築城東稱隱居
知與俗人行跡斷菜花香裏自鈔書裝潢成冊穉疇
癸亥奉使江南沒于太和今春江聲歸里始得見之
感歎不足如數題後存歿人間感有餘黃門詩畫最

東城記餘卷上

七

清疏長貧孺子今猶是當日偏多長者車流光勿勿
去難回訪友圖成事可哀水竹城東無恙在喜君頭
白早歸來迄今百餘年來猶得想見其幽居之勝友
誼之敦云

東城記餘卷上終

東城記餘卷下

應潛齋儒林

仁和楊文杰粉園

國朝里中性理之學必推潛齋應先生名在 國史
儒林傳阮文達所擬撰者也先世居望江門其為兄
旅平行述則謂搗謙年十六從兩兄讀書孤山是歲
遷居東城集中又謂嘗設館于城東華藏寺馮山公
傳則謂宅在威乙巷可為地以人傳者矣山公傳曰
應處士名搗謙字嗣寅杭之仁和人也明萬歷乙卯
十月初四日生而文在掌曰八卦左耳重耳右

東城記餘卷下

一

目重瞳處士天性孝友生養死葬盡禮與弟同居白
首無間言內剛而外和難惑以非義好學樂道終其
身弱冠時同學生欲試其所守藏妓館舍夜醉處士
而歸之處士洛誦達旦卒不染于邪其早歲操行已
如此崇禎甲申處士誦黍離之詩絜歔泣下棄諸生
遂不出乙酉避兵北鄉居亡何晝有白蛇墮自梁處
士見而驚曰兵象也即奉母移獨山之東越日果有
遊騎至破碎數十家掠人畜而去處士授徒負笈者
遠至成就人材甚多舉止雅飭見者不問而知應先
生弟子也直指王元曦舉鄉飲辭不赴處士居威乙

巷隘屋短垣屢蔽風雨家無僮自啟閉太守淮陰嵇
宗孟數式閭不堪其貧欲有贈囁嚅未出及讀處士
所作無悶先生傳乃不敢言康熙戊午 詔徵天下
博學鴻儒內閣學士項景襄李天馥交章薦處士下
詔徵處士辭篤癯獨不起 天子素聞其名

問閣臣曰是杭人所稱應先生否耶僉曰是即不許
辭巡撫陳為言實老病乃免徵處士所著有孝經語
孟集註拾遺周易春秋集解書傳拾遺詩傳翼三禮
集編古樂書性理大中教養全書考亭集要潛齋文
集若干卷藏于家處士尤精易晚年遇元旦必卜至

東城記餘卷下

二

癸亥處士年六十九占得謙之九三處士喜曰吾有
終矣吉莫如之命二子趨辦匠事及夏歎曰今年兩
六月吾不堪也遂病病中猶輯周忠毅公傳未竟七
月哉生明移寢東首而卒遠近聞之悲悼門人皆心
喪祀于庠馮景曰處士有道大儒也非逸民比卻聘
時客有勸駕者曰昔太山孫明復年四十未娶宰相
李迪以弟之子妻之明復不肯石介等請曰公卿不
下士久矣今託以女宜因以成丞相之賢名明復乃
聽先生何果哉處士正色曰我不能以我之不可學
明復之可客大慙而去噫人雖愚未有棄家珠而寶

人之魚目者夫其理明故心安心安故道定處士可謂大儒矣全謝山譔神道碑云應先生之沒六十年遺書湮沒門徒凋落且盡同里後進莫有知其言行之詳者余每過杭未嘗不爲之三歎息也年來杭堇浦稍爲訪葺其遺書以授之契家子趙一清歲在戊辰一清因以先生墓文爲請曰微吾丈莫悉諸老軼事也其曷敢辭應先生諱搗謙字嗣寅學者稱爲潛齋先生杭之仁和縣人也其父尙倫故孝子先生之生也有文在手曰八卦左重耳右重瞳少卽以斯道爲已任踰冠作君子貴自勉論偕其同志之士曰虞

東城記餘卷下

三

峻民曰張伏生曰蔣與恆爲狷社取有所不爲也其時大江以南社事極盛杭人所謂讀書社小築社登樓社者不過以文詞相雄長先生于其中稍後出而狷社之所相淬厲者乃別有在其母病服勤數年母憐之曰吾爲汝娶婦以助汝先生終不肯入私室母卒除喪始成禮坦白子諒表裏洞然于遺經皆實踐而力行之不以勦說一筵一席罔不整肅其倦而休則端坐瞑目其寤而起則遊息徐行終日無疾言遽色所居屢足蔽風雨簟瓢屢空晏如也生平不爲術數之學一日見白蛇墮地曰此兵象也奉親逃之山

中旣遭喪亂自以故國諸生絕志進取歎曰今日惟正人心而維世教庶不負所生耳乃益盡力於著書戊午閣學合肥李公天馥同里項公景襄以大科薦先生輿牀以告有司曰搗謙非敢卻聘實病不能行耳俄而范公承謨繼至又欲薦之先生遂稱廢疾蓋其和平養晦深懼夫所謂名高者海甯令許酉山請主講席造廬者再不見致書者再不赴旣而思曰是非君子中庸之道也扁舟至其縣報謁許令大喜應先生其許我乎先生逡巡對曰使君學道但從事於愛人足矣彼口說者適所以長客氣也許令嘿然不

東城記餘卷下

四

怡旣出先生解維疾行弟子問曰許君已戒車騎且卽至何愬也先生笑曰使君好事吾雖不就講席彼必有束帛之將拒之則益其愠受之則非心所安也行矣莫更濡遲也異日杭守嵇叔子以志局請辭之則曰願先生暫下榻郡齋數日以請益先生但一報謁而已蓋不爲踰垣鑿坏以自異而卒不能奪也同里姜御史圖南以視饒歸于故舊皆有餽嘗再致先生不受一日遇于塗中方盛暑先生衣木棉之衣蕉萃躑躅御史歸以越葛二端投之雅知先生不肯受人一絲然此區區者聊以消暑且非自盜跖來也幸

無拒焉先生謝曰吾尚有絺綌在笥昨偶感寒疾欲其鬱蒸耳感君意良厚然實不需也竟還之先生弟子甚多因以樓上樓下爲差如馬融例里中一少年使酒忽叩門來求聽講同門欲謝之先生獨許之曰來者不拒去者不追是孟子之教也其人聽三日不勝拘苦不復至使酒如故一日其人醉持刀欲擊人于道上洶洶莫能阻者忽有人曰應先生來其人頓失魄投刀垂手汗出浹背先生至前撫之曰一朝之忿何至於此曷歸乎其人俛首謝過而去晚年益以義理無窮歲月有限歉然常不足于心康熙二十六年

東城記餘卷下

五

年病革尙手輯周忠毅公傳未竟春秋六十有九子二先生不喜陸王之學所著書二十有八種其大者周易集解詩傳翼書傳拾遺春秋傳考禮學彙編古樂書論孟拾遺學庸本義孝經辨定性理大中幼學蒙養編朱子集要教養全書潛齋集共如千卷其无闕先生傳則自述也一清方將次第鈔而傳之姚江黃文晦木嘗曰大好潛齋可謂人中之鳳惜所論述未能博學而詳說之其墨守或太過耳其足師表末俗蓋不在此以予觀之昔人或謂伊川宜向山中讀通典十年誚象山宜賜以一監之書誚魯齋爲學究

是皆過情之訾若晦木之言不可謂非先生之良友而近日之唯阿論學者尤當以此語爲藥石然先生之深造自得固非隨聲附和者世但知先生不喜陸王之學而不知其與朱學亦不盡同如論易則謂孔子得易之乾老子得易之坤雖未必然然別自有名理可思善學者當能知之要以先生之踐履篤實涵養冲融是人師也其於經師之品則其次也况其發明大義固已多矣先生之門人曰凌嘉印文衡曰沈士則志可皆能傳其學曰姚洪任敬恆有篤行先生葬于龍井山下今二子皆無後一坏土固私淑者所

東城記餘卷下

六

當念也其銘曰遜世无悶隱約蓬門其身彌高其道彌尊荒荒劫運翦其後昆不朽者學春木長苞

趙誠庵家誠

潛齋先生集中述誠庵趙君家誠茲節錄其有系東城者亦足資勸誡云文曰趙君衷玉同邑積善君子也余友人柴虎臣陳際叔爲之傳誌詳矣余不復言述其所以訓於家者後之君子可觀覽焉君之言曰始余卜居忠清里典林氏屋主人併隙地一方彊余售之余不得已從焉非余所樂也適余貨繒爲人所賺致訟親友道問者家攜飲餉之已舉觴矣聞其人

聚少年將甘心焉亟歸而對巷火發余恃屋有隙地竭力前救得免倉皇不暇他顧次日起視則牆石木門已焚幸牆外居人蓄水門下門燒墮水火遂滅噫使當年不獲此餘地何暇存身力救是日不遇凶謀何遂急歸苟門外無水火從內焚何由撲滅事變之來處之者無心而若有默相其事者一異也屋後餘地思構數椽賈近地廳樓召工更建所折甃瓦堆積樓頭版壞瓦墜聲若雷霆石工六人一時陷沒舉家惶駭鋤土出之則下有橫木當版羣受庇焉依然無恙余既喜羣命更生又免池魚之累二異也嗣後數

東城記餘卷下

七

年有僕進德屢酬酒夜歸戒諭不悛不得已笞之彼乘醉投井余驚亟命救之而羣僕彼此推諉遲延數時余大分死矣及救起仍無恙渠云方墮時驟出水面得踏井甃遂不死豈乎殆哉三異也後尚有善惡五異由人得喪在天然未有善而不得惡而不喪者余生平所歷多矣偶取最異數事書之以示勸懲蓋幾微之間生死利害存焉苟非戒慎立心以求無罪于天則事在呼吸禍患立見矣余願世之人修德積善以俟命并傳之家以爲子孫誠此皆趙君之言也觀此則趙君之爲人可知矣

許忠義祠

許氏宗祠在錢塘縣北良二園中祀唐睢陽太守許公遠武進莊方耕存與忠義公專祠記曰祠在城東荷花池祀唐睢陽太守追贈荊州大都督忠義公許遠歷朝以來偕楮河南諸名臣崇祀旌德先賢堂未建專祠已卯春裔孫郡守承基首捐千金糾合族人同建以歛縣唐模一支復遷于杭者應徵公以下列祀焉中有復善堂孝言亭枕善居孫竹軒平輿閣鏡川書屋指南樓四蓮池諸勝春秋虔祀收族於此郡守另輸生息千金買義田百畝悉詳邑志壬午秋復

東城記餘卷下

八

構地闢園供奉忠義公像俾子孫瞻仰其下凜然如在焉續置祭田百畝以綿祀費不知者謂建祠何若是之糜也顧郡守仁孝性成自奉最儉而不儉其親嘗云置產厚子孫不若擴充祠屋以垂永久其用意至深遠也所構尚有世美堂誦芬樓不游舟歸休處及廉讓之間活水滌澗石峯林立亭前屹然中峙者爲壽星石他若栽叢桂蒔修篁經營相度罔非孝敬之思所貫注昔廬陵作許氏南園記以爲園不足書特書其孝友之一節風示鄉里今郡守義行指不勝僂大吏欲揭以維薄俗交章上聞 恩准褒嘉茲特

建亭勒石以勵後嗣而勸敦睦余與許氏誼屬通家
知之最稔且因其事足爲敦睦者勸故不慙不文而
遂爲之記孫竹軒額丁龍泓書不游舟梁山舟學士
書并記云按祭義舟而不游卽孝子不登高不臨深
之謂推斯義也則凡踰越規檢而從流忘反者皆游
類耳默齋于其先人之廬構舟屋數楹屬余書以榜
其額其最後人意深矣哉枕善居孫虛船先生灑書
并記云劉勰新論慎獨篇枕善而居不以視之不見
而移其心聽之不聞而變其情也事親者視于無形
聽于無聲茲室爲宗祠祭畢退居之所顏以祝善用

東城記餘卷下

九

昭許氏執事有恪餘敬不忘云爾指南樓夏晴麓明
書額并跋云蜀許文休氏儻瑰瑋善鑒人物南陽
宋仲子以指南推重茲高陽宗祠之左別構一樓適
臨其南爲子弟家塾俾道岸誕登而弗迷所往遂取
以顏之歸休處爲徐秋竹堂篆額汪槐塘徵君沆跋
云默齋先生別構一室于祠後西偏以爲退息之地
顏曰歸休處余惟古之孝子慈孫善則歸親休者美
善之謂也默齋瞻斯榱桷不忘先人之美善亦于斯
寓之矣若白香山所詠幸有歸休處僅爲向平事畢
而言詎可同日語哉沈椒園廷芳別爲記云孝友出

於天性而質行可以無虧此人情之所難而君子則
處其常若仁義成于積累而幽明可以無媿雖君子
猶或難之吾友許君默齋仁孝性成不忍一日闕其
親以及其祖建宗祠于城東隅卽奉始祖唐忠義公
而於其旁復祠其大父蒼峙公而顏之曰歸休處招
羣季讀書其中乾隆乙酉戊子間登賢書者累累皆
默齋終始成就之力于是族弟子爭來學并索余記
祠成之本末以爲宗黨勸余重默齋孝思之可則而
又歎杜文貞所云古敦之義于今能不虛嘗額之而
未暇爲也會客有致疑於命名之義者且云宗廟之

東城記餘卷下

十

威而不可安也以家祠爲私塾于古有稽平余揖而
進之曰子曷不觀夫禮經乎特牲饋食禮至祝東面
告列成徹庶羞設於西序下及長兄弟皆坐主人西
面拜祝曰養有以也疏云以先祖有德而享于此子
孫養其餘亦當以之也迨上養下養俱受爵主人拜
祝曰肩有與也疏云戒嗣子與長兄弟及眾兄弟相
教化相與以尊先祖之德也此古之人士所以父與
父言義子與子言孝其事君者言敬其幼者言悌少
而習焉其心安焉不見異物而遷焉是故其父兄之
教不肅而成其子弟之學不勞而能教化之行風俗

之成賢俊出而國昌子孫才而族大皆由此道若默齋者真能偕其兄弟相與有成深得禮經之意者也昔孔奮弟奇爲諸生奮分祿俸以供其糧用四時送衣下至脂燭每食甘美輒分以遺奇漢記盛傳其事至今以爲美談今默齋意豈有異也默齋人品高胸中灑落每歲時伏臘風景澄鮮嘗披襟解帶率子姓兄弟冠者五六人躡山亭坐樹石而休憩焉則斯名深得爾雅庇蔭也之義矣或曰休之爲言養也養陰養陽各適其宜取祭祀之後以飲食之禮親宗族兄弟也或曰休嘉之義列于珍禕懿饒美也人方以

東城記餘卷下

十一

連枝之圖同胞之誼爲默齋美默齋不自居其美而歸之親云耳之二說者余皆善之故樂爲之記四蓮池盧抱經學士文弔記云吾杭許氏建宗祠于城東隅其地近古荷花池池眾水匯焉於是面水闢軒顏曰四蓮池取王子年記中語以爲子姓繁衍之徵抑吾更有說焉夫蓮之爲物其莖其葉其本其花其實其根無不爲人取資焉者爲人祖父既望其子孫之衆多更望其皆賢且才各有所成就以自表見而不爲世所棄亦如蓮然則他日許氏合族於斯觀斯題也其必思無負斯語也夫默齋一字長人嘗集眾

翰資疏濬城河今棚橋小山卽浚河挑土所累也乾隆辛未歲飢購米平糶復捐千金權子母以贍育嬰堂之需倡修郡縣三學鑿泮池建碑廊且捐金取息以資歲修晚年與顧涑園成山吳鄭公錢嶼沙金海住翟晴江陳摩村諸公結庚會所居在金洞橋今尙稱爲高陽里云

遼史拾遺

厲徵君遼史拾遺二十四卷乾隆間詔收遺書採入四庫列正史類可謂不負所學矣後道光壬午汪氏振綺堂壽諸梓小米右史且爲補輯紀年表一

東城記餘卷下

十二

卷書始大顯于世按徵君緝此書成在乾隆六年其樊榭山房續集借書云舊史臨潢新注就不知誰肯比松之有詩注可考也後二年自爲敘又九年徵君沒其家出遼史拾遺手稿要素厚價久而不售郁佩宣秀才名禮一字潛亭家在東城駱駝橋去徵君居不一里乃以四十金購焉中間尙缺五十葉百計求之不得一日至青雲街見拾字僧肩廢紙兩巨篋檢視之皆厲氏所棄徵君平日掌錄遼史拾遺在馬啞市以歸焚如亂絲一一爲之整理閉戶兩月綴輯成編適符所缺然則佩宣之有裨于此書匪淺也小米

右史後序未及此特表而出之佩宣家世素封儲書
充物又能增益所未備時小山堂藏書已散尙餘殘
帙猶多異本悉力購之藏書之室曰東嘯軒軒額爲
董香光書庭前古桂二株相傳明萬厯間所植交柯
接葉清陰覆簷室中牙籤萬軸都成碧色佩宣憑几
校錄晨夕不疲足爲東里之職志也已

梁構亭

梁肯堂一字石幢乾隆丙子舉人累官刑部尙書直
隸總督有石幢居士吟稿構亭以咸安宮教習得官
棟發直隸由邑令厯游至總督 純廟眷禮優

東城記餘卷下

十三

渥錫資便蕃爲同時疆吏之冠嘉慶元年正月與干

叟宴有 御製 御書之賜鄉里榮之後守護

裕陵家人惴惴有周八瘋子者精王遁厭勝之術
故爲構亭所敬禮至是而營度里中居宅曰吾必使
生尙書入此室也未幾以原品回籍至家七日而卒
其第在太平橋七龍潭吳穀人祭酒爲撰墓志云嘉
慶六年前任漕帥梁公以尙書守護 裕陵期

滿賜還以疾薨於家遺疏上聞

聖心軫惻

諭祭如禮孤子如升筮藏協吉值余乞養旋里請銘
於余按狀公姓梁氏諱肯堂字構亭號春淙又號晚

香先世漢宏農之陝縣人隸錢塘者自公高祖浙江
嚴州府同知秀麓公始曾祖之材公諱知材祖歡園
公諱浩考璞莊公諱國琛仍世隱德皆以公貴累贈
至榮祿大夫如公官曾祖妣劉氏祖妣姜氏妣沈氏
並贈一品夫人沈太夫人生子二長晴沙公諱鑑邑
庠生次卽公也少聰穎甫就外傳塾師奇之目爲神
童年二十一補博士弟子員明年戊午中副榜嗣後
屢困場屋家貧往來吳楚間藉館穀爲生計者十有
七年甲戌入都考充鑲藍旗教習丙子舉順天鄉試
會教習期滿引見以知縣用挑發直隸署高邑縣補

東城記餘卷下

十四

樂城縣丁父憂服除補懷來縣復以沈太夫人喪歸
終制後仍赴直隸補寶坻縣公厯任直省諸劇邑皆
能寬猛相濟人愛戴之當官寶坻時邑大水廬舍漂
沒民居多露處嗷嗷之聲相聞公具渡船載糧糶四
散周給咸賴以濟總督梁公廷璋廉其能因薦公明
年陞薊州知州厯深州直隸州知州保定府知府擢
清河道游陞山東按察使以巡撫國泰案未經劾奏
鐫級發河南候補道未幾蒙 恩補授直隸通水道
隨調清河道陞直隸按察使蓋其賢能之聲久達
天聰故稍跌卽起起固將大用之也五十年轉直隸

布政使順德有大陸澤卽禹貢之大陸也地多積淤民占種爲利經府詳請申科公以地向蓄水每遇大潦藉爲宣洩若任民開墾是與水爭地也且耕種之後必高築隄防旣以蓄水之地爲原田勢必使無水之地爲澤國其害甚鉅與制府力爭事得寢五十四年陞授河南巡撫豫省適當河衝公一到卽講求河防要害值南岸黑岡虞城汎蘭儀之史村鋪挑水壩洪流奔注多有齧蝕公相度捐勞躬督搶築始獲安穩獨銅瓦一帶大隄全行塌損僅藉月隄抵護眾洶洶咸慮莫救公默以身禱俄頃風浪安息河不爲患

東城記餘卷下

五

人以爲有神助云他如奏請豁免灘地無著糧銀請封禁許家河山場鐵礦紓民之困防民之奸其爲政之能持大體類如此五十六年 純皇帝巡幸

天津公赴直迎 駕卽授直隸總督公官其地久利弊皆熟知嘗以直省旱潦不時民多轉徙一遇公事經費無所資輒左右支絀奉 命日適夏澤愆期差務絡繹前制府欲請狀而不敢言公曰事亟矣不請而坐視瘡痍與請而有干部議均罪也卽面請帑銀二百萬兩爲直省經費儲峙以待蒙 恩俞允蓋

聖主憂民之心公能體而行之

聖主亦

察公之勤於民也故於請賑請蠲朝奏夕可凡在任八年辦災賑五次先後請撥銀六百萬兩全活生民以億萬計每 召對猶以爲未能節費惶恐待罪蒙 純皇帝面諭曰汝能爲朕用財恤民如斯之亟亟者也嘉慶三年陞刑部尙書七月奉 旨補授漕運總督謝 恩時以年老力辭 上曰汝去可謂得人且漕務事簡亦易爲之趨赴新任凡漕務積弊釐剔一清四年春奉 命以尙書守護裕陵越三年奉 旨以原品回籍 聖恩優渥終始成全水程南下濡滯三閱月將抵里感疾歸甫七日

東城記餘卷下

六

而薨嗚呼哀哉公至性純篤始仕畿輔兩遭大故哀毀骨立經營窀穸上妥三代畚揭之事皆身親之至於建祠廟置祀田敬宗合族之道無弗講也兄晴沙公早世公撫其孤孤卒則撫其孫孫又卒復撫其孫與兩曾孫合食一堂教養兼盡居官數十載家無餘蓄廉俸所餘輒公贍親黨人以急難告者無不立應於公事則克勤克慎唯恐有負 國家什計之重故生平備荷 主知錫賚便蕃如寶翰石刻福字珍物時果綴匹藥餌之 賜不可勝紀其在津淀差次也則 賜御製七律詩一首其八十一生日也則

賜御製匾聯紅結頂帽等物以至 賞花翎 賞黃馬褂 賞紫禁城騎馬尤異數也公生於康熙五十六年十一月初二日薨於嘉慶六年八月初二日壽八十五配桂氏 誥封夫人晉贈一品夫人先公十五年卒葬於西溪楊家牌樓之原子三人長如林充四庫館謄錄候選同知次如升候選郎中次如春國學生如林如春皆先公卒孫三人如升出長甯吉一品廕生嗣如林後次寅吉謙吉以嘉慶七年十一月初十日啟壽藏合葬馬銘曰於哉畿輔先百城飾以文雅治乃成始一命逮揚雙旌動中肯綮刀不更坐

東城記餘卷下

七

而論之起即行請蠲請賑巨萬贏

帝曰爲子

活蒼生不言而喻喻者誠春風一吹物向榮如公豈爲灼灼名不朽要與石共貞辭亦取質無敲鏗

盧抱經

盧文弨號磯漁又號榮齋先世居餘姚後遷杭老屋在批驗所前所謂數間草堂者也段玉裁經韻樓集盧公墓誌銘云公諱文弨字紹弓號抱經其先自餘姚遷杭州曾祖承芳明末建平令有治績祖父之翰有春柳堂詩父存心恩貢生 召試博學鴻詞有白雲詩文集母馮太恭人馮先生景女也公生而穎異

濡染庭訓又漸涵於外王父之緒論長則桑先生調元壻而師之馮桑二公皆浙中懋學之士故其學具有原本乾隆戊午舉順天鄉試壬戌考授內閣中書壬申以一甲第三人成進士授翰林院編修丁丑命上書房行走遂由左春坊左中允洊陞翰林院侍讀學士爲乙酉廣東正典試旋提督湖南學政戊子以學政言州縣吏不應杖辱生員左遷明年先生以繼母張太恭人年高遂請歸養時年五十有四公好校書終身未嘗廢在中書十年及在上書房與歸田後主講四方書院凡二十餘年雖耄孳孳無怠早昧

東城記餘卷下

八

爽而起緝閱點勘朱墨並作几間闐闐無置茗盃處日入一冥甫出戶散步庭中俄而篝燈如故至夜半而後即安邗寒酷暑不稍間官俸脯脩所入不治生產僅以購書聞有舊本必借鈔之聞有善說必謹錄之一策之間分別逐寫諸本之乖異字細而必工今抱經堂藏書數萬卷皆是也校讐之事自漢劉向揚雄後至 聖朝極盛公自以家居無補於國而以刊定之書惠學者亦足以辭益 右文之治出所定經典釋文孟子音義逸周書賈誼新書春秋繁露方言白虎通荀卿子呂氏春秋韓詩外傳獨斷諸善本鏤

版行世又苦鏤版難多則合經史子集三十八種如
經典釋文例摘字而注之名曰羣書拾補以行世所
自爲書有文集三十四卷儀禮注疏詳校十七卷鍾
山札記四卷龍城札記三卷廣雅釋天已下注二卷
皆使學者誼正積非蓄疑渙釋向時棄官歸天下爲
公惜之然孳摩歲月衣被將來功孰大於此者公治
經有不磨之論其言曰唐人之撰義疏本單行不與
經注合單行經注唐以後尙多善本自宋後附疏於
經注而所附之經注非必孔賈諸人所據之本也則
兩相鉏鋘矣南宋後又附經典釋文於注疏間而陸

東城記餘卷下

九

氏所據之經注又非孔賈諸人所據也則鉏鋘更多
矣淺人必比而同之則彼此互改多失於真幸有改
之不盡以滋其鉏鋘啟人考覈者故注疏釋文合刻
似便而非古法也其讀書特識類如此公生於康熙
丁酉六月初三日卒於常州龍城書院乾隆乙卯十
一月二十八日也年七十有九生平事親孝謹年七
十三喪繼母猶盡禮與弟韶音友愛篤於師友之誼
皆鄉邦所共信者壬申殿試對策中言直隸差徭之
重

純皇帝動容飭總督方觀承申奏自劾士
論偉之配桑氏謝氏楊氏子四人慶詒武謀皆太學

生慶詒踵公沒武謀早逝慶鍾慶錄皆業儒女四人
適庠生周方岳江甯府知府李堯棟舉人陳春華庠
生朱元燦孫男一人能庸孫女二人公之沒也無以
爲家公之執友有爲謀以抱經堂書數萬卷歸有力
仗助其家待公子孫如約取歸如南陽井公與晁昭
德故事慶鍾慶錄曰先人手澤存焉雖貧安忍一日
離也嗚呼公可謂有子矣嘉慶元年十一月二十四
日與桑謝楊三恭人合葬仁和芝茅橋之原公之弟
子臧鏞堂以公與余相知最深來請銘不敢辭銘曰
先生與余交忘年一字剖析歡開顏十年知己情則

東城記餘卷下

十

堅先生一去余介然歸於其宮神理繇其書可讀其
澤延

葉省三

葉道傳字省三仁和人家業饑無子力行善事宗族
中貧窶者待以舉炊月給薪水之費道光初重建靈
隱大殿半藉其力夏則捨藥冬則施衣凡養老卹孤
之事咸任之今普安街之葉家街以省三居此得名
關少宗伯

關少宗伯槐字柱生號雲巖一號晉軒仁和人父聖
涯名涵乾隆壬午舉人刻志勵行研精經學所居在

杭城東學者稱東臯先生少宗伯生時母夢旭日照
鉅槐上寤即誕東臯先生因顏其室曰迎曦堂有詩
紀事少即工書今韜光有隸書觀海二大字蓋九歲
時作也十二歲十三經已讀畢因得小山堂天文遺
書籌算筆算奇門遁甲凡鈔本二百餘種遂留心句
股之學乾隆丙申以舉人赴津門應 召試 賜內
閣中書軍機處行走以善畫供奉 內廷時邀 御
題庚子成進士入詞林後直南書房充四庫全書提
調官兼武英殿提調典試湖北河南督學廣東時遵
惠研溪先生之教童子有能成誦五經者爲青其衿

東城記餘卷下

三

士風丕變奏覆試童生加經文一篇遂爲定例洎乾
隆五十九年典福建鄉試竣給假省親一時大吏相
率稱觥且爲表宅旌閭建坊門左顏曰乘輅錫祜篤
行承恩今所稱石牌樓是也嘉慶元年遷居艮山門
內新第時已授閣學旋擢禮部左侍郎年五十八卒
于宿遷舟次公子炳六品蔭生雲南大理府知府以
宗伯未嘗一日居新第因肖其像于後圃之樓神采
宛然且敬勒 御書以實爲之桂林一枝兩額恭懸
廳事宗伯夫人氏孫名樹蘭孫忠烈之後著有坤甯
妙經註釋一書

東里學人

李允升堂綠庵詩話曰汪明經家禧號選樓仁和人
居橫河橋北博聞強識工詩古文爲人謙謹寡言笑
遇微醉後則辯論鋒起故知其平日皆鬱而不發也
與許周生戴金谿嚴久能最善所著務求精深手自
存定者頗少藏友生家燼于火所刻東里生燼餘稿
僅十之三耳年四十三沒無子哭王木齋有句云竟
無兒主祀贖有婦憑棺遂成詩識又胡孟紳編其先
人年譜內云姑丈諱家禧字漢郊積學淵博爲杭城
乾嘉中之鉅儒家極寒遊食四方困於場屋嘗鄉試

東城記餘卷下

三

同考得其卷亟薦之主司主司見其竭力推獎疑有
關節因抹文中解脫二字以爲近禪斥之揭曉後知
爲名士大悔親造其門出素絹索書并謝過馬所著
書若干卷及門許玉年滇生昆季攜去將謀梓行許
氏遽遭回祿稿無存者今僅傳三祠志九卷東里生
燼餘集三卷許周生宗彥鑑止水齋三文學合傳于
汪則曰六一泉有神位數百類皆前明湛族破家之
遺老莫知其蹤跡家禧一一鈎考得之撰六一泉神
位考三篇閱書積千餘種其他所著有意林翼東里
學人詩文集六一泉神位考三篇即正氣先覺遺燼
愛三祠志汪小未刊成未印傳極稀燼

餘集中有杭郡節婦表微錄雖不盡出東城而茶茗
松貞徵先生不能傳備錄之見先生之不僅工于文
也其文曰嘉慶辛酉夏仁和錢君泰階過家禱曰
國家于節婦旌門之典歲舉然采訪難周或無後不
及請蕭山汪大令輝祖嘗輯越女表微錄專著其未
及旌者所以廣聖化發幽光甚善也吾欲行于吾杭
以敘述屬子并望子之廣詢俾多其傳家禱許之翌
日訪于儕友中言可信者葉君之朗之田許君鏡乃
大周君誥遂各語以所見聞家禱亦記憶所知合之
得數十人錄以報錢君而錢君沮于他議復中止後

東城記餘卷下

三

五年家禱檢次舊彙懼所序者之泯滅于後也更重
定之并序其端曰婦人以節自勵亦得其心之所安
豈計名之傳否耶然宋伯姬書于春秋衛共姜錄于
詩則窮閭匹婦能秉心壹志不隳其行其可傳信矣
特其歷險艱茹辛苦求不媿于天而天之報施不可
測有不得從夫并不得從子者有生不得飽死不得
祀者阨愈甚迹愈湮而憔悴之况出于庸行好奇能
文章之士又略之泯泯焉不獲與伯姬共姜並傳可
傷已闡幽顯微體國家端風化之意以備志乘采擇
儒者事也今所錄者有數端生事死葬子職也夫死

能終夫之職如沈氏以下諸人修身俟命幽靜終其
身如汪氏以下諸人貧賤不移處卑微能高其節如
錢氏以下諸人噫以數人所聞知可傳者已有此一
郡之大湮沒不彰者可勝計哉 錢塘章佩玖繼妻
沈氏年十九歸章期年珮玖死家貧以女工自給撫
前妻子如已子痛章氏數世未葬謀資于至戚不足
自節以補之常兩日一食葬畢舉苦節二十餘年卒
仁和張雲會妻鍾氏年二十八而寡無子依母以
居舅姑伯叔暨夫六棺未葬鍾曰張氏無後我不及
身謀終暴露矣乃自刻苦積其貲久之盡葬焉不求

東城記餘卷下

四

助于族姻人尤以為難 仁和方位三妻葉氏年十
七歸方歸九年而位三死葉勤紡績養姑姑老病葉
晝夜調護無間葉有子早夭而方氏族無可後者葉
力為舅姑及夫營葬年七十一卒 陳以敦妻馬氏
歸陳甫兩月以敦以貧遊粵西旋卒于粵馬奉姑盡
孝痛夫柩在粵遇人客粵者輒哀祈其囊骨返而人
鮮好義者終不得返也 仁和朱倬雲聘妻鍾氏未
歸而倬雲死鍾時年二十五自誓必歸未既歸事姑
孝朱家貧鍾勤女工養姑自奉饗飧常不給也至戚
憐之贈以錢堅辭不受 仁和陳某聘妻舒氏未歸

而陳死舒乞下父母斬衰往哭請留侍舅姑父以年
幼私許婚盛氏舒聞自縊遇救甦旋盛以婚期告舒
誓死愈決盛聞訟諸邑令令哀舒志還盛聘斷爲陳
氏婦陳家貧勤操作極困頓無悔色年五十四卒陳
族無應嗣者卒無後 錢塘李氏女幼字於陳某未
嫁而陳死守志以終其鄰明經許奎言李依父兄居
其餽粥恃十指給居僅數椽過其門未見其在外室
或闌人戶間也至老守禮如未笄其父兄吹簫博
食皆憐之敬之不強其再字 山陰史女幼字於仁
和沈某未嫁而沈死女請于父母願歸沈父母憐之

東城記餘卷下

三

將許之而沈氏祖官楚其家無可謀人踰年其祖歸
女父往請之則謝之女聞悲泣數日詭言就浴闔戶
自經死初沈僑居嘉興以就試歸途中暈卒計未至
女夜夢人入閨倚戶泣驚詢之曰吾郡試歸來省女
卽出諦視足微跛計至爲父母言前夢知沈果跛也
仁和金端士妻汪氏年二十四端士死苦節五十
年乾隆五十一年卒無子 仁和平開周妻李氏年
二十九開周死李晝夜哀號致喪明無嗣依女夫以
終卒之時嘉慶三年也年六十一 仁和姚又弓妻
關氏年二十而又弓卒誓以身殉舅姑止之曰汝死

如我兩人何乃止孝事舅姑二十餘年舅姑沒哀毀
盡禮姚家素裕關既寡悉屏羅綺約髮以鐵簪茹苦
終身年七十餘卒 錢唐陳賦周妻沈氏賦周死沈
年二十五陳氏薄有產爲季叔所併沈恐拂姑勿與
較後叔以耗散致貧沈勤女工養姑不足自損食以
爲供姑病茹素禱於天及歿喪盡禮歷艱苦四十年
如一日 杭諸生張奕光妻戴氏未嫁事繼母以孝
聞母病疴戴割股以進得愈嫁奕光年未三十而寡
戴勤鍼術撫孤孤長以療歿戴年七十餘困頓而終
仁和關之溶妻吳氏年二十五而之溶死遺孤甫

東城記餘卷下

美

二歲旋以痘殤家貧甚坐臥室中不出戶者五十年
雖親族不得見嘉慶四年卒入哭者始見其衣百結
所藉惟敝席也 錢塘蔣毓奇妻朱氏年二十而嫁
二十六而毓奇死初毓奇疾朱禱於天願以身代泥
首者六晝夜及寡事姑三十餘年盡孝養教子榮祖
有母道今年五十九尙存也 仁和程在庭妻來氏
生十九年嫁三十歲而在庭死既寡事舅孝舅患末
疾扶持侍養二十九年無倦嘉慶三年卒年七十有
子早喪 梁某妻李氏嫁甫月而寡貧甚日爲人紉
鍼博錢以食無子今五十餘尙存 皋亭山農人應

某妻錢氏嫁應生一子而應爲獠犬齧得狂疾錢走
百里求醫藥卒罔效也應既死人咸勸改適錢不從
攜子出爲人傭蓬首垢面操作勿懈者三十年積傭
值爲子娶婦子又死年六十尙爲人傭作畜其幼孫
初錢五歲時病瘵有黃冠過目之曰若長不可量茲
有疾緩治不可爲以七首破指間出腐肉如魚子瘵
尋愈人知此者以詰錢錢曰女子立志不二當昂昂
有丈夫氣今澳忍以活又何足數耶年七十餘卒時
乾隆四十年也 仁和朱雲衢妾沈氏年二十九而
衢死家貧甚且無子沈日夜勤女工自養請於族爲

東城記餘卷下

七

雲衢立族子爲後教養之有法度朱氏賴不絕 仁
和衣工王某妻岳氏年二十餘而寡其叔利兄有以
惡言凌之岳知不能敵避去依母傭於人嘗泣然曰
留面目見亡人餓死不及計也性介人與言稍不莊
輒自涕泣以故咸畏敬之嘉慶五年卒年六十餘無
子

救命王廟

廟在南城巷今名蕭王街王以禱雨得名父老相傳
爲營弁所奉馬王嘉慶甲戌旱魃爲虐祈禱罔應眾
乃奉王出甘霖立沛羣黎咸呼曰救命王歸途積潦

難行姑以菜市橋西蕭王廟爲暫憩之所翌晨奉歸
輿重不克舉舉輒槓折里老陸姓別塑王像歸營而
以營像奉廟後殿今神靈顯赫求禱立應而因雨救
命之說轉勿稱道但呼爲清虛道德眞君七月七日
爲神誕辰傾城士女鮮不崇奉香帛云

白衣寺

寺本西江禪院在王馬巷內好木禪師棲隱於此故
一名好木庵道光初佛頂山定宗上人果禪因事詣
杭念普陀諸僧頂禮三天竺者附郭有海潮昭慶諸
叢林城以內獨無挂單之所心甚歎焉卽其地結茅

東城記餘卷下

七

爲廬易其名曰白衣寺持魚行募寒暑再更規建殿
宇有儼其居吳錫熊東門草堂詩鈔有白衣寺呈定
宗方丈詩云好木叢林接社粉大師應許我同羣東
城新闢三摩地南海輕攜一片雲共願寰中休戰伐
且依方外證聲聞不須棒喝當頭悟掃地焚香苦習
勤又謙谷上人眞默本理安僧工詩書琴主理安有
年歸老金陵後值粵匪之擾復來杭駐錫白衣寺辛
酉冬城圍兩月援糧並絕道殣相望十一月二十八
日上人猶扶杖出寺時餓已三日然神色堅定作絕
命詩二章卽於是晚縊死

東里兩先生

胡書農學士序朱朗齋先生碧溪草堂詩集曰甲辰夏編纂外舅詩既畢商與碧溪草堂詩合刊焉題曰東里兩先生遺集或謂君外舅詩豪邁有俠氣朗齋先生詩醇樸有宋儒風畦徑各不同何取乎合應曰兩先生少時同居東園相友善晚復申以婚姻且皆敬從業師詩不同而出處交契同是宜合也其傳外舅施澹珍先生曰先生姓施氏諱烜字涵若號澹珍晚號今瘦先世自豫遷會稽明末遷錢塘再傳至高祖爾達公諱光大始築室東城之醋坊巷老屋歷今

東城記餘卷下

五

幾二百年曾祖範圍公諱鎔太學生祖七帆公諱瀛康熙戊子舉人官福建建陽知縣父紅亭公諱榮以所居在南宋時爲紅亭醋庫故以自號母吳孺人生先生於雍正己酉年幼沈默詩書外無他好乾隆辛酉年十三以舅氏兼山公官粵隨母赴舅氏任癸亥吳孺人歿於高州茂名署中遂依舅氏讀書歷戊辰未獲歸時大母鄭太孺人猶在堂先生以遠游不能佐老父營旨甘又不能博取功名以慰慈母地下因抑鬱邁心疾移寓僧舍僧定力者善觀人戒先生曰子妄念多須屏除可勿藥瘳否且益深如其言疾漸

愈然自此肝胃間患氣逆時止時作是秋歸里囊無長物授徒養親與同里嚴古緣鐵橋弟昆爲莫逆交而魏柳洲沈桐谿朱朗齋諸丈亦時同游相倡和己卯客雉皋假館石氏主人蘭皋甚風雅又與妹婿吳中吉居相近得晨夕過從詩酒盤桓勝粵署之寂處荒山遠甚辛巳祖太孺人鄭氏卒越歲遂渡江南還自是不復遠游扁舟往來近在吳興四明間以紅亭公年邁故也甲午舉於鄉年已四十有六禮闈報罷歸仍教授丁酉紅亭公棄養殯葬如禮先生博覽經史不屑役志於章句書宗法晉賢真行章草靡不工

東城記餘下卷

三

絕山舟學士至稱爲近日之廣陵散詩多少作中年以後不更措意制藝守先正法卓然有大家榘矚名旣重里中右族以不克延致爲悵凡經口講指畫者先後皆掇科第以去若朱根石上林蔡浣霞鸞揚許藕舫乃賡吳子律衡照其選也軀幹短小抑然如不勝衣而眉宇間有英氣於高州遇異人授以拳勇之術兩臂力可舉數百觔防身一銅杆寶之不啻金玉嘗館魏氏宅值養社主人延師及賓客企於門旁一門則幃眷屬觀之羣不逞競來窺出謔語禁之不可先生往善諭不聽怒麾以肱數十輩皆顛踏道上泛

湖值來船有相識者招與語風駛過疾以手攀船柱
船止不得進語畢釋手去如飛一日湖上歸手執花
途值強悍而醉者欲奪之勿予醉者奮拳以右臂格
之仆地復蹶起呼其黨相助但近身無不仆者且格
且走其黨氣懾不敢前抵家花猶在手晚年以家累
雖抱病不能無藉館穀課讀暇臨二王帖自消遣歸
則堅卧小樓畏聞米鹽凌雜事先生行誼既超卓絕
等倫卽夢亦屢著靈異記酒後語敬曰年二十時在
粵夢所遇異人授以刃挾之行空中至一山見羣魔
相與斬刈無算比寤腕痛者累日年六十時在方宅

東城記餘卷下

三

齋外荒圃多雜樹牆角青棠一本老不作花主人議
薪之是夜夢一叟痴癡髮鬢髻蹠而懇曰我馬櫻花
乞垂救且以告主人得勿伐聞者笑爲妄予意不嫌
乃持杯酒酬祝其下來歲著花滿樹七旬外舊患良
已腰脚增健興轉豪愛游湖山飲輒盡醉所寶銅杵
失已久忽於市上見之謀贖歸再往迷所在詩稿懶
自收拾至是倩人錄出未及校稿多草書焉烏盈紙
前數頁又蠹蝕不可讀今姑就辨識而完整者略加
釐正付梓焉嘉慶乙丑夏粹中風口噤不能言逾旬
遂不起年七十有七敬爲先生壻從受制舉業十餘

載繼配張孺人生吾婦性柔順母絕愛憐之王戊厄
於產難歿逾年先生來請見吾母曰壻纔中年子幼
母老中饋不可無人予舊從學朱根石之甥女吳氏
少孤育於朱聞甚賢堪代吾女事姑撫子敬以婦喪
未久且將赴計借欲婉詞謝吾母遽諾之諭敬曰親
家肯來爲汝謀續姻此人情所難何可拂其盛意遂
聘定未幾而吳氏疾歿於室當敬之捷南宮也先生
尙寄書相勗方擬仲秋假歸拜先生牀下謝教誨成
就之德不意未匝月而赴音至張孺人後八年卒亦
在京聞耗均未能憑棺一動可悲也已子一桂森錢

東城記餘卷下

三

塘歲貢生女一孫一寅梁山舟侍講傳文學朗齋朱
君曰君諱文藻字映濬號朗齋姓朱氏系出福建之
建甯縣白眉村麓有泉曰碧溪村有祠祀白眉公卽
君始祖也高祖諱萬鑿字君輿曾祖諱奇萊字憲殷
建甯庠生祖諱大臨字裕公生四子其叔諱明試字
登元爲君考登元公年十一遭父喪奉母至孝業鐵
冶於浦城娶張孺人生子德銘始遷杭卜居東城之
花兜巷張先卒繼娶蔣孺人而生君君性穎異弱不
好弄讀書能自刻苦手不釋卷登元公棄養卜葬皋
亭小橫山乃與仲兄買宅巷南數十武居之娶沈氏

年二十四始受知於諸城寶公補仁邑弟子員屢赴鄉舉無所遇唯食餼以終其身家貧不能多聚書輒假之友朋手自鈔錄於書無所不讀己卯自浦城還授徒里中館振綺堂汪氏任校讐之役汪氏富藏書主人魚亭比部風雅好客方倡吟社耆宿踵至君亦得藉茲發揮蘊蓄自是學益富文名日盛賃東街一廛與業師沈翁耕寸共居翁夫婦年老衰疾困頓牀蓐一子謀食四方君躬湯藥視寒煖者十有餘年及卒爲營喪葬方之漢代尊師儒弟子有爲師執廝養役者君之高誼殆不多讓時遭母喪君椎心泣血哀

東城記餘卷下

三

毀盡禮戍戍入都應王文端公之聘文端適視學浙中君偕之歸遷居艮山門外鄰人不戒西林吳先生讓祖宅俾居之吳故君姻黨吳之宅廣可二十畝南繞一水桑畦麥隴荷池柏林地極幽勝環池竹木桃李蔬卉雜蒔可游可釣君則名之曰碧溪草堂且以自號蓋不忘先世祠墓之義也每念閩中祖塋自遷杭後七十餘載不獲一展辛亥治裝由江西入閩自首塗以及返櫂凡八十五日見聞所及皆有紀載既歸則輯近派自白眉公至遷杭凡十二世事蹟之可考者蒐成一冊爲世系攷癸丑春舊友黃小松司馬

招游山左雅好金石時儀徵阮芸臺督學陽湖孫淵如觀察皆蒞任青齊俱有金石文字緣聞君至各傾篋商攷且命工將各摩厓穹碑撫拓不兩年間芸臺先生得拓本數千種將謀纂輯適調任浙江延君歸杭州明年以各碑拓本錄爲山左金石志時揚州江文叔重君名延館於其家君遂偕張椿年攜各搨本應之寓康山草堂草堂者明思孝姚公故宅也相傳康對山曾讀書於此山面江依郭遠眺金焦如列屏障故君居此輒多詩歌一年金石志成次年乙巳更爲芸臺先生輯兩浙輶軒錄明年嘉興太守伊公延

東城記餘卷下

三

輯府志壬戌春青浦王述庵少司寇招君於三泖漁莊纂輯金石萃編大藏聖教解題各若干卷以少司寇下世不及竟君筋力素彊自丙辰以後得脾胃之疾精神少減主少司寇家疾時作今年夏病轉劇亟歸抵家一月遂不起時嘉慶十一年丙寅八月二十四日也生於雍正十三年乙卯五月十五日壽七十有二君一生績學篤行著書日以寸計至老不倦有續禮記集說碧溪草堂詩文集碧溪詩話碧溪叢鈔東軒隨錄東城小志皋亭小志青烏攷原金箔攷苔譜萍譜並藏于家其說文繫傳攷異已入四庫書

中君外舅沈某父子相繼沒無嗣積棺三世君爲營
喪葬更屬子孫世祀之張椿年者君次子之妻弟也
少孤君飲食教誨相依二十餘年俾昆弟各成立里
中人稱君爲長者子二長復次轍復先二年卒女一
適杭州府學生施桂森孫二長甯次嘉女孫二以某
年月日啟沈孺人之窆而合葬焉

莫孝女

盧抱經文集吾鄉土橋有莫孝女者兄以吏術佐人
常遠出女不忍離其母願代供子職竟老於家當雍
正間請旌者數矣輒爲吏所格未幾楚亦有與孝

東城記餘卷下

五

女事相若者先得旌遂援以爲比得報可今屹然
樹闕里中矣

金衙莊

福州梁苴鄰章鉅浪跡叢談曰杭城園林之勝以金
衙莊爲最初屬章桐門閣老後爲嚴小農河帥所得
章鉅與河帥官南河時熟聞河帥盛稱此園之美謂
我若保得三年安瀾定當乞身歸去營此菟裘後果
符其願逮河帥歸道山後聞此園又將易主惟屋山
邱之感曷其有極漫記一律云杭州第一好園林我
到紛來感舊心相府潭潭兼曠與笑門鼎鼎半蕭森

天成夏木千章繞地接城濠一水深三十年來重易
主可堪回首痛人琴

許默齋

默齋居金洞橋皋颺里雍乾間羣推善人長者顧實
甫光爲之立傳云君名承基字長人號默齋許氏系
出唐忠義公遠後世居江南歙縣之唐模村自六世
祖應徵公始遷浙江籍隸錢塘君父梅巖公績學植
德親病割臂肉和藥以進乃卒終身廬墓稱孝子君
生有至性一如其父居三喪哀毀骨立葬祭盡禮與
弟仲昭君友愛俱以古人名行相矜尙仲昭死於孝

東城記餘卷下

五

君睠懷同氣繪連枝圖以寄鞠哀之感年十九卽持
家政宅心仁厚務行義於鄉親戚故舊寒峻之交待
以成立婚嫁者若干家君念祖塋在唐模村者於今
五世漸蕪廢君獨任修治不以諉族人於杭鳩族人
建專祠祀忠義公於城東四蓮池聞於官得春秋致
祭而以遷杭一支粟主陪祀其中前後置祭田二百
畝捐銀千兩取穀息以奉時事又以其贏修家譜贍
族人官於外者得賞以歸學於家者得以仕乾隆歲
壬戌江北大饑官司奉文借撥鹽義倉米穀會倉儲
買補未完又不得善穀君請以重價購土米若干石

舟運至桃源宿遷二縣散給災民當是時君年才二十餘義聲動遠近辛未浙省饑君購米石於里門平糶與糶者約戶給一票日二升欲并日糶者聽自便極貧民戶加一票力不能糶者聽轉售或代人凡用米若干石逾月而止丙子又饑君又倡捐助官廠煮賑一時好義者相率爭勸全活人以無算君嘗謂凶歲民饑救濟之所不及莫若以工代賑爲良策故一遇米貴卽請大興工作或有以時絀歲贏議者君不顧也杭郡錢塘仁和三學宮自雍正五年重修至乾隆辛卯逾四十年大吏議更新之君則率同志呈請

東城記餘卷下

三

計經費萬六千七百有零捐不足者君獨任之先是君嘗輸千金於錢塘學營什一生息爲歲修費有餘以供寒士膏火至是而又修三學凡竹木之膠葛瓦石之縱萃役日之延屬錯互一埤勞於君是年冬中丞富公集羣吏議以會城大中小三河引注湖水達上下兩塘灌田疇通舟楫販運汲爨之所資歲久所在湮塞今宜合原委通濬使還其舊眾皆推君爲可任爰給公捐銀九千五百兩君乘小舟往來河干不遑朝夕三河而外兼濬及東西支流凡工段七千三百餘丈君力勛用節與修三學宮前後並作不逾年

工竣大吏嘉其成勞勒石紀績皆召慰諭君固讓長揖趨出於戲君無當事之責財產僅過中人使遇事退怯誰非之者而君之趨善若渴功成而不居財竭而不悔終其身如一日其原本天性力於仁義非夫慷慨好事任俠者比已君援例得授四品職候選知府 誥授中憲大夫前撫軍番禺莊公南昌熊公皆以君行事上 聞得 旨褒嘉准部議於補官日加三級紀錄二次 上四次南巡凡一切迎候供頓君與地方有司恭敬將事蒙 恩賜貂皮大緞荷包等物君因是益感奮遇地方大小事爲無不力君體素

東城記餘卷下

三

豐碩自五十五歲後常覺左乳下痛楚至戊戌夏秋間遂以患乳巖不起時方司府志局未蕝事病革猶惓惓恨不及見成書作遺命自題輓詞怡然如平常年六十有三其生康熙五十五年三月十三日其歿則乾隆四十三年七月十五日也配汪恭人賢而有才其遺行備見玉岑樓紀事詩中適室沈孺人子四長嗣傳前任江西吉安府通判候補同知次嗣篋候補布政司理問出繼弟仲昭君後次嗣岳國學生次嗣寬孫男四人立權立庭立品立廉女三孫女二君爲人樂易海內賢士大夫無不願交君者雖不以文

名乃其所作小詩及雜著嚴淨有法至其敦行孝弟好善不倦出舟子之獄全路人之生指數之終日不能盡謹條件其大者以告於外史氏他日作志乘得所採擇焉顧實甫曰余晚得交於君讀君兄弟連枝圖詩謂其行誼尤近古人方其濬河渠新庠序抵掌奮袂不知者或以干預外事不足於君今君歿逾二年公私填委吾屬緩急無可恃然其人之輕重於世何如也東漢許文休人謂其紀綱同類仁恕悱惻皆有效事君真其苗裔行事亦適相類於戲可謂賢已乾隆府志入義行傳

東城記餘卷下

堯

橫橋吟館圖

仁和諸生葛秋生慶曾醅訥溫雅工詩古文詞久蹟場屋齋志以終四壁相如遺稿散佚向設帳于橫河橋治中許小范先生宅因倩婁東王子若應綬繪橫河吟館圖徧徵題詠劫後圖幸未燬中如許玉年乃穀題云歲乙丑余與家弟滇生鄭表甥竹雲從舅氏九橋戴先生讀書積厚軒秋生來共筆硯遂相莫逆逾歲舅氏館吳門秋生從游余亦往來淮浦蹤跡契闊越十年甲戌辱秋生來課兒姪輩相聚又七稔矣年來予兄弟多散處異地竹雲早世惟秋生與予聯

吟一室用慰寂寥苔岑之誼久而彌篤秋生謂此十數載情事不可無以紀之適子若自婁東來輒合寫此圖舊雨今雨當益珍重鷗盟姚古芬伊憲賦云余家北郭一水之偏折而南東橫河出焉緣岸數步甲第所連風檣煙艖鱗萃乎前上有梧桐媚彼清漣適子之館客雅主賢方其問字初來傾筐乍見戴憑授經鄭嵎識面隨肩二難把臂羣彥談或一燈安必雙硯小橋則丁卯同呼仙侶而長庚交羨送子從游煙波可愁春風別館春草芳洲岑聯苔異蹤散萍浮或蘇臺以憑弔或袁浦以羈留亭短亭長之驛江南江北之舟客歲云徂歸人乃卜奉母居閒有朋來熟阮修則名士助婚王氏則諸郎能讀還予授餐復此信宿舊榻花軒小窗書屋鴻爪無迷鷗盟再續於是論文結社賭字臨池尋花隔巷看竹開籬夜話見月山游有詩座舊雨兮今雨河朝漪而莫漪來同不速去或暫離十年而後七載於茲感爾蘭襟寄之竹素圖合王維人如徐孺繞郭溪迴開林山露流水不言綠陰在戶懷詰弟于金閨傷同堂之玉樹無忘昔歡願畱小住煙雲旣寫翰墨爭披相與讀畫各有贈詞君乃謂僕爲余賦之伸紙未盡綴歌以貽塞予兮絳帷

東城記餘卷下

罕

從子兮河湄數椽兮碧玉君吟兮我思既以報君更
念許子兩美必合一歌未已橫橋兮雙峙東西兮一
水望韋杜兮城南畫中天兮尺咫戴九橋安詩五古
云憶昔乙丑春榻下高陽室東西兩橫橋流水漾碧
色紛紛媚學子子實居其一崢嶸不凡材匪獨我自
出古心各奮鞭何嘗閒昕夕有時一藝成評騭分甲
乙有時風月清吟恬咏更密予時年始衰猶得竭心
力習井泉欲枯千慮或一得啟發那敢云助我洵可
悅忽忽二十秋回頭如瞬息中間歷文戰得失區以
別達者登蓬萊窮者猶窟穴甚或入黃泉宿草滋淒

東城記餘卷下

望

惻欣感雜沓來吾胸多凹凸今予讀書齋依舊橫橋
側圖成屬我題我亦何稱述聊述疇昔情仍喜衡門
泌梧竹並蕭森秋風搖瑟瑟趁此聽鹿鳴騰騰儻可
必吾亦老已矣賴子抒鬱結趙秋舫慶熺譜南北仙
呂入雙角合套云莽天涯何處挂詩瓢瘦書生鬢絲
吟老江湖尋舊夢風雨感離巢十載橫河今日个纔
畫出停雲稿新水記當初載酒元亭同傾倒問字師
安道謂戴九金蘭簿訂交硯北花南一例兒排年少
顧影換青袍翠生生都似春來草步步暢好是嫩年
華過眼如潮秋去春來柳又千條百忙中跳上征橈

兩處相思紅豆燈挑這壁廂風塵懊惱那壁廂書札
迢遙故人兒幾個雲霄幾箇蓬蒿一霎時賭酒評花
倒做了雨散雲飄折桂吳市空彈瑟秦樓待引簫念
家山忽作思親操東琴書試鼓迴波棹返鄉關好比
投林鳥一任那雪泥鴻爪虧得杼下流黃博得箇營
花微笑江兒再休提躡名場劍氣消說甚麼困寒瓊
心緒稿你看有的是痛黃壚玉樹凋有的是走京華
花插帽呀但詩成且倚玉笙調但酒來且索金樽倒
興來時齊向白雲嘲悶來時共對青天嘯花朝放明
湖雙槳好寒宵擁紅爐合座邀雁兒落帶重開新畫

東城記餘卷下

望

閣再整舊書巢喜叉手荷衣諸郎少渾不似感離羣
賦寂寥儂儂呀我也把十年前事語今朝記風簷立
雪訂深交不多時桃花三月廣陵潮歎生成蕙泣蘭
唳料向瀟湘走遭向瀟湘走遭苦煞我一燈秋雨讀
離騷收江盼魚書長江路遙憶朋儕離魂暗銷依舊
的南飛鵲噪重把臂飲醕醪重識面贈瓊瑤園林望
橫河水一條望橫河水一條認橋邊許丁卯他是裙
屐風流甲第高沒些兒塵擾王摩詰更相招把悶愁
懷毫端輕掃離別恨畫裏句銷索舊雨題詩須早倩
新知補吟亦妙你呵孽名牋鳥闌自鈔熱名香銀爐

自燒呀這畫圖兒須索自收藏好沽美酒帶從今不
恨知音少拚箇爛醉狂歌也意氣豪你看那一樹藤
花開泛了尾聲餘如胡書農邵魚竹吳小穀鄒仲虎粟
園高佩生梁晉竹葉小湖姚小春皆有題墨不及錄
也

古歡書屋崇雅堂

葑唐先生祖居菜市橋東初移上八界巷再移柏子
巷口三移東園曹家蕩卽所記暮景塘是也厥後移
安樂橋河壩朱朗齋碧溪草堂集有葑唐移居詩云
倚郭蒿萊少客過三椽移傍內沙河開軒較昔山光

東城記餘卷下

三

近招飲從新酒債多差喜巷門鄰寓館按朱先生館
于館驛後汪
氏許同吟舫蕩寒波一枝得所君能擇偃蹇貧居奈
我何又移烏龍巷晚年始買宅宿舟河下結古歡吟
社有樹樸堂新居落成倡和詩吳西林云檢點壺觴
新祭竈分張筆硯共題襟汪槐塘云東野移家餘卷
軸子荆居室昂雲初余松屏云園比子山宜有賦畫
成韓混合開顏何春渚云預辦山資甯待乞懶交朝
士不求聞朱朗齋云畫靜不妨居近市樓高卻愛日
當窗周樹村云雅有閒身稱市隱小畱隙地待花農
奚鐵生云延賓不惜傾三雅穉子分教執一經林屋

近依春水碧藥闌低護晚煙青姚卓亭云盈尊酒爲
畱賓設插架書因課子鈔吟社凡十七集如集古歡
書屋試龍井明前茶春社日同人醺飲古歡書屋冬
日雨中集古歡書屋喜槐塘先生病起同用工部雨
過蘇瑞韻古歡書屋梅蕊將放冬日過古歡書屋適
野人送酒至諸題詩則散載諸老集中先生著有古
歡書屋詩集四卷有古歡書屋落成同人見過用香
山春葺新居韻詩云新營屋東居意在娛晚時朝陽
最足戀迎旭開軒墀無多數弓地結構工不疲我謂
徑少窄人言景偏宜鳥歌梅始花客造杯可揮好風

東城記餘卷下

四

吹簾旌碧水漾硯池枉蒙瑤華贈四壁生光輝具言
亟行樂及此春物熙婚嫁願未完身世馬可遺盡醉
判今夕翹生眞吾知先生子爲書農學士敬嘉慶乙
丑會元改庶吉士授編修典試河南視學安徽擢至
翰林院侍講學士乞養歸掌教崇文書院者二十年
造就不少凡移正氣先覺遺愛三祠本主于詒經精
舍歲饑設粥廠請增錢武肅王祠朔望行香祀典於
普濟堂側議建義倉增葺貢院號舍開濬貢院東橋
河足爲桑梓矜式云所著有南薰殿圖像攷二卷
西清劄記四卷國朝院畫錄二卷唐科目日記十卷

先友記一卷崇雅堂集二十卷學士長君孟紳瑤道
光癸未進士丙戌 殿試改刑部主事克繼家學曾
編學士年譜中有一條曰宿舟河下屋本爲俞燮堂
先生理舊宅遭回祿後祖考購其地營屋二進屋東
向顏其堂曰崇雅曰樹樸面臨東河當酒旆萬安兩
橋之間背負土阜蓋南宋城基也堂右爲古歡書屋
先祖葺也又其右爲思補軒前爲貽遠堂則府君葺
也又一條曰宿舟河下地湫隘人或勸府君徙居爽
塏府君以先業不可棄有卜居對之作是爲絕筆卜
居對云客問主人曰子亦知枳棘非鸞鳳所棲潢潦

東城記餘卷下

聖

非蛟螭所萃乎士君子曠觀宇宙之大蟬蛻塵埃之
外所當判嫩惡於薰蕕區清濁於涇渭豈可領羣仙
而儕戚施佩芳澤而雜蕭艾哉子昔嘗陟清要登明
光校書天祿之閣探委宛而挹謨觴乘輶軒督膠庠
臚行館于都邑坐駐節之堂皇行將歷崇班膺顯秩
希榮金紫之階側身槐棘之列而乃歸田早賦齒未
桑榆互鄉與語窮巷是居不爽塏之徙而湫溢之娛
安神無離垢之園比蹤有逐臭之夫後列肆則朽蠹
斷爛冠纓履綦截袍成襦指醇爲皮前瀕港則鹹瀉
疆槩草人物宜爲句踐所嘗廉頗所遺望衡對宇則

宋廂櫺比細逮廢屢爲子厚所賞敬宗所譏徑術闖
溢埃塏紛披乘軒者過而輦蹙安步者望而嗚呼奈
何下喬木而入幽谷豈欲化臭腐以爲神奇夫百萬
買宅千萬買鄰此宋季雅之擇仁而處也書庫池北
琴亭池西此白居易之適情而賦也今縱未遑高閑
閱修牖戶釣置舟射除圃亦可列別墅于右丞割小
園於開府冬無峭寒夏無煩暑庶幾邯鄲不失其故
步也奚必傲林處士之所不能犯楚大夫之所深惡
哉主人曰水至清則無魚人知足則不辱走者無翼
飛者無角山澤納汗聖賢諧俗老聃同塵卞和守璞

東城記餘卷下

聖

誠不能市良田營美祿同仲長統之恣其所欲余之
居此有年矣昔丹其顏今白其顛考志乘之所載述
耆舊之緒言其東宋有船官之解時則施知言 樞實
守是職故詩以橫舟編集焉其西明有方伯之里時
則應太室 朝玉實營斯第故術尙澆花存蹟焉南則應
丈叔雅 遺菟裘是守舊第易主畱室如斗書摹松雪
詩亦富有乃祖乃父壽臻耆耇北則陸丈古漁 熊遺
有舊業詞雄而肆源瀉三峽潛德不曜干將韜匣游
半天下近乃茗嘗又北則張丈訥齋 姚宅相兆祥連
收科第薇省迴翔文衡屢司發舒所長校士一錄流

譽湖湘又北則許文小范范學祖基延慶作宰清廉後

昆鼎盛五代堂開一品集訂簪纓之華冠冕全郡而

余是宅介乎其間伊昔俞丈理究心簡編於詩書畫

三絕擅全此其恆產因災而遷余父營此愛鄰水邊

及余旁拓勿華勿妍起瓜廬於左側闢蔬畦於右偏

斯誠大駟所鄙而不遊豪士所邈而不眡乎然而

居固西林吳穎松屏余大春渚何秋子項鐵生奚諸

老所盤桓而談經評史也繼又簡松張雲鷗盟嚴壽

菴葉之閣齋龔麗選樓汪家曼生陳鴻琴鳴屠小

孫汪遠諸子所過從而敦詩說禮也六十年來文采風

東城記餘卷下

宅

流萃於是矣客何獨以地穢相誚邪噫嘻哲人雖亡

故居可攷敢存鄙夷時殷則微信乎十室之邑必有

忠信十步之澤必有香草承學則家為儒宗砥行則

人為師表方氣洽乎芳荃何腥聞乎腐鮑且夫涼軒

煥館連闈洞房綺疏雕櫳刮垢磨光安宅而居者命

也蓬戶早困蔗田晚收置身通衢附名清流卜宅而

居者運也運命不可妄干鬼將子室之瞰人將子室

之尤是故梓澤之歌舞未歇而寵姬墜樓矣平泉之

草木方長而太尉貶崖州矣南園之賓客正盛而太

師函首傳驛矣近市不改晏嬰之樂環堵不增老萊

之憂而傳載表為高士功烈顯於諸侯一彼一此孰

恩孰讐良由枯與苑之所集各異田與心之所冀不

相伴也而欲希富貴之儻來占身名之並泰不亦悖

乎若夫厠踰滌而家萬石竹木貯而位三公其人皆

處溷濁親奧潔克卑厥功以視許史之赫昉嵇阮之

高抗胥無足蒂芥乎胸中然則彈冠振衣抱潔癖者

非盡名流胼手胝足趨下風者或通治具斲輪陳諫

而齊桓納操饒進說而昌黎許未聞因其業鄙其人

而望望然去之矧數椽之老屋乃先人之敝廬羣從

子姓同巷共閭黃卷千帙流輝座隅青楊一本分蔭

東城記餘卷下

哭

階除洵無黍芝蘭之室乃轉以為辱在泥塗客殆見

夫汶汶者眾皎皎者汗愍我身之察察謀實我於夏

屋之渠渠是猶強麋鹿而被以文繡恐為爭道之擔

夫所挪揄也孟紳比部繼主崇文講席者亦數年有

聽香齋詩文集比部弟次瑤孝廉現長于經學嘗輯

武林坊巷志若干卷庚申殉難三弟季權琮諸生工

詞章辛酉之亂與比部公哲嗣積甫茂才慶曾及其

子耀曾同殉焉今則琴書散落老屋荒涼回首清芬

不勝喬木故家之感云

沈玉屏菊人

沈玉屏名紹湘字冰篁會稽諸生僑籍仁和以先世家越居玉屏山故自號玉屏以遷居武林之東青巷故名其詩集曰東青草堂少與其弟菊人從沈耕寸先生受經長而客游無所遇歸爲童子師酸齋脫粟敗屋頽垣而晨夕吟咏不少輟嘗贈胡葑唐移居云杞堪卻病應留子蕉可供書定乞苗客中云三餐魚缺羞彈缺一個錢無倦探囊稚子老妻衣典盡遙憐此日葛衫涼菊人名萌字遇春少穎悟總角能屬文性落脫不治生產以酒成疾年僅三十兄玉屏于蠶書塵壁間輯其遺篇彙爲一帙其送朱朗齋之閩云

東城記餘卷下

晃

蓑影一舟江上雨春寒幾夜夢中身黃葉云前朝寺廢詩猶在絕塞霜寒怨未埋皆可誦也

庚園

東城庚園厲徵君雜記載之詳矣數易厥主最後歸沈蓮叔都轉拱辰疏葺改築仍舊者七易名者三踵沈氏之宗風續斯園之嘉話徵歌紀勝一時稱盛金亞伯廷尉應麟多華堂文鈔有記云萬苔宿露小峯凹雲清漪之波逐魚而度橋趾翠靄之簫喧雀而搖屋角塵滓自遠無俟邃嶺暑鬱勿生直擬仙窟吾友都轉用此怡志速朋五六列肴八九鸚丹豹元屏腥

空厨山膚水菹招香滿几相與攤長卷製短章博咨遺聞仍曰庚園奇石玲瓏識彼北宋飛樓沃蕩志夫東城采香巖之故章敦吳興之譜誼百泓疏泉一笏補卉完芳庾公匪特曠達夫悟齊物者等有亡於一致善適情者夷得失於同時楚王之弓致彼咥笑鄭郊之璞遂至蒙恥平泉辛夷詎厓山之可守宋公故園豈開府之能望故筍將所到江湖足據瞳神之經水石皆我興盡而返不必鑑湖之賜途窮則止何待袁渴之券今之作者事不師古築室而望直書鏡機因樹爲巢冠以冲漠蠟屐之士惑其姓名駒隙之久

東城記餘卷下

辛

爰入糞壤以視吾友淵乎雲土因憶申歲擊汰雙橋訪瞻園之紅藕問包嶺之紫桃寒石雲耳杳矣無語醫士桑華寥焉數什載酒斯園用感今昔同時張仲甫舍人應昌譜北雙調新水互雙虹縈抱艮山河把錢塘秀瀾深鎖門前帆聚錦花外巷鳴珂柳岸桃波更藏著好樓臺舊樽座駐馬想當日艮石嵯峨包氏園中峰影墜林居帖妥庾公樓畔翠陰多飛梯複閣錦交梭龍紅蘿綠花圍裏雲片朵玲瓏擎起芙蓉萼沈醉者一答亭揖翠金霏月柯那一答瀑飛虹玉澗春莎者一答向樵城鄭草鋤那一答對林雪義窗卧

更東軒西圃婆娑縱紀勝雙園筆管呵寫不盡琳瑯
唱和雁兒 又幾度田居樂府哦不覺的世事滄桑過
消磨了山園負郭寬冷落了喬木參天大得勝呀到
今日松菊舊榮阿卻原是獨寐永言歌喜得他楚國
弓歸主又見那陶家逕關蘿摩抄指點是朱夏詞人
坐騰挪疏築個雕橋安樂窩川接開一道徑逶迤畫
闌干亞字羅藻棟峩峩月地雲坡羽佩傿傿蝶舞鴛
歌圖畫成青鋪綠瑣儘嘉客醉顏酡折桂入芳園亭
樹陂陀放進那明月清風芟除那苔網蓬科飄颺得
松鬣氈氈栽種些新篁碎瑣點染的翠石嶮嵯繞欄

東城記餘卷下

至

簷香霏露朵拓池塘皺起春波峰擁青螺草長金蛾
安箇書窗結箇詩窠離亭宴帶恁鹽梅鼎商巖佐暫
煙霞水木東山卧做名園飛蓋重過瓊筵開月謝鵲
銅鉢擊詞壇令畫燭秉宵遊火買村鄰真須百萬將
改邱壑不用千金做舊琴樽料量園課從今後者便
是午橋莊者便是平泉墅者便是鴟夷舸鶯從暖谷
遷燕向雕梁賀唱幾聲漁父詞野老志和二百年管
傾故園春者佳話補東城記中可

倪烈婦

烈婦墓在西泠橋之北標立崇坊曰節烈河清趙次

閑之琛題聯云碧水冷銀瓶祠近岳家追孝媛青山
標石碣墓鄰孫氏聚貞魂曹曹村德馨傳曰烈婦王
氏仁和通甫女也年十七嫁東里倪德昌三月而寡
謹事舅姑八年不衰一夕舅姑語以年少無子家且
貧欲嫁之烈婦泣曰夫亡不即死者以舅姑在也願
晝夜貼錫以養既而舅姑陰納聘行有期矣先一日
乃告之烈婦佯諾即晚檢背子一耳環二以與姑曰
是猶足為數日奉者夜半門啟失婦所在遲明父至
述夫婦同夢文歸以死告且謂上帝命為河神無苦
也方共駭訝傳太平橋河有屍覆水被髮蒙面銜口

東城記餘卷下

至

中上下衣密縫視之乃婦也時道光八年四月十二
日事河清三日里人具狀至翁姑逼嫁字燈如豆乃
易逼作勸九年 詔旌其門高古民錫恩贊曰猗歟
烈婦千古光昭身棲蓬戶氣薄雲霄所天既亡子職
代操茹苦八載沈淵一朝河水為清悲風怒號帝授
厥職神揚素旄扁表峩峩葛嶺比高吳祠孫墓芳德
同標

匣劍集跋

王喬嵩年文集載斐男匣劍集跋云余初不識斐男
庚午秋毛子季良讀書古華藏寺余過訪馬夜月橫

河松陰瑣碎聞門外剝啄聲問之則斐男也岸幘短衣軒軒霞舉各道平日愛慕意相見恨晚因與余論詩大旨以唐爲法以杜爲宗遂卽事題句曰老樹披星立僧房帶月敲蒼老真樸不異沆花集中語是日訂交余兩人歡甚而季良且自誇得斐男之早而笑余之瞠乎後也繼又攜其蜀遊草及家居雜著示余性靈發越魄力雄健非蚓竅蠅聲比余乃悟作詩之道當取法乎上於是以斐男爲師迨余與季良先後歸鹽官雲分星散西望赭山外輒爲惘惘然一葉浮來卽舉杯相對各誦別後新詩當良友敘闊情致回

東城記餘卷下

垂

憶十年前冷泠數聲磬助人清嘯至夜分燭盡借琉璃佛火坐蒲團上啜茗長話此時此景輒復相似獨恨余學詩二十載未窺堂奧而斐男揣摩漸入老境斐男雖不余棄而余之於斐男實滋愧焉今年春撮其所作者十之三梓以行世屬余爲之序因書數言於後以見我兩人之交如此書畢以告季良亦曰唯唯至其詩之神似工部含鋸發剛如豐城之氣上射斗牛世間不少張華必有識匣中之劍者

杳然深處

錢塘沈大林明經映桂著香粟齋詩鈔有云予家東

城之偏其地有南園多古寺城根一溪發源報國寺左幾經委折而入祇園疏籬叢竹映帶左右當春水初生細流清駛落花浮於其上往往不知所之也余因取太白詩別有天地非人間之意而名之曰杳然深處并賦詩索和焉才倚城根度石杠四圍旋聽水淙淙延緣直欲通幽徑屈曲真宜泛短艫花落溪頭常傍草竹穿籬外似遮窗山林氣味原非俗車馬休驚隔澗厖杳杳桃源帶佛庵漁郎初到路難諳半彎流去紅塵隔一道分來碧影涵秋雨細看浮荇藻春城時聽叫鳩鷓聞心尙憶青蓮句天地須從寂處探

東城記餘卷下

垂

孝義無礙庵記

蓮池禪師少與予同業黌校予登仕禪師出家爲嘉靖乙丑禪師夙志方外以二尊人在不敢離旣先後歲雙失怙恃將力酬所願而室人湯氏年纔一十有九前兒傷亡憶予與之規疑未決已而念風燈石火時不我延遂疾從薙染湯處室齋戒禪誦與其母偕母尋故子然梵居宗人議後以三姪文彬無何湯亦脫簪珥爲尼僧召文彬謂曰茲無所事後不後我固無害彼生而養死而服而殯而祭世法也吾學佛存資鉢衲歿歸闍維耳夫何求哉因舉所有田廬普給

羣姪於文彬低昂之而別以居屬文彬也從隣僦舍
繩樞蓬門夕燈晨香闐如也嘉禾朱公子衷純追厥
先大夫銀臺虞荊先生遺意首事構庵而予與一時
宰官居士比邱某某從與馬累百金買趙氏故宅宅
苦隘水文學施旁屋一楹附益之又歲久頽圯幾盡
眾相與施材緇侶之能匠石朽墁畚鍤者相與施工
施力中爲禪堂鑿井于左廡餘垣軒厨漏略備而已
予惟禪師無子無留資無素所憑依故舊親戚僚友
湯以年少婦獨御家政伶仃苦辛多歷年所如一朝
及其分田割廬皆出本懷亦難矣諸上善人憐而庵

東城記餘卷下

五

之義舉也舉於義則十方常住業也後清信女展轉
相續焚修於此庵遠爲二尊人莊嚴報上又孝思之
道也按府志菜市橋西有古無礙庵其後漸沒入於
民家徙而北里之耆氓告予以此地正庵之舊址久
湮忽興始天意非人力而義以孝不虛孝以義不泥
若交相成而不相悖乃沿古證今合而顏之曰孝義
無礙庵沈氏子孫尙其念之護之以無忘孝義永爲
人天福田流慶淵淵後必有昌大其門閭者湯法諱
袞錦暨禪師同師關中南五臺性天和尙遊禪師出
家逾四十稔蓋行年五十九而庵成時萬曆三十四

年歲次丙午上元日賜進士出身資善大夫都察院
右都御史前兵部左侍郎出征外國加一品服邑人
宋應昌撰今碑爲梁文莊補書重刻且有後記曰孝
義無礙菴者明蓮池沈大師之室人湯諱袞錦女師
焚修之所也女師以冲年秉志白首全歸其間躬井
臼奉祭祀立繼嗣供庶姑事寡母於人世之所謂孝
與義亦云盡矣其後卒從佛氏法爲比丘尼凡沈氏
之寸椽尺土不敢或私焉盡舉而歸諸沈氏之子姪
當時鄉邑士庶歆其孝義爲建庵於舊居之北世俗
所稱沈庵者是也郡人宋應昌爲之記迄今幾二百

東城記餘卷下

五

年梵宇金容晨鐘暮鼓與雲棲法會刹竿相望也乾
隆十三年五月初七日庵鄰不戒於火一時善男信
女咸捨資財鼎新而落成之以舊刻之剝蝕也于是
石屏長者爲具碑材復模勒宋記於上而囑余續書
其重建之年月焉余惟成住空壤歷劫有然或絕或
續子孫至不能舉其祖宗者比比矣獨念佛一門男
宗則有沈師女宗則有湯師無著天親同歸淨土迄
今子子孫孫咸依正住要亦龍天之所呵護而爲在
家出家之所宗仰於無窮者也因爲之讚曰三千大
千小劫大劫一刹那頃幻住變滅不動道場在家出

家孝義俱足功滿恆沙惟此淨土怨親普度現女人
身自證自悟雲棲法侶同一願門無住而住圓覺聲
聞海眾皈依卽心卽佛共續勝緣刊此貞石時在乾
隆二十八年歲次癸未八月中澣穀旦 賜進士及
第 誥授光祿大夫 內廷供奉 經筵日講官起
居注太子少師東閣大學士兼吏部尚書翰林院掌
院事務加三級錢塘梁詩正撰

廣覺

雲棲法彙有蓮池大師廣覺傳云沙彌尼廣覺直隸
崇明縣龔氏女父一夔別號夢萱鄉之碩德君子也

東城記餘下卷

五

母施氏生覺於萬曆己卯甫年十二不茹葷從妹廣
曜者相與習經呪朝夕禮佛唯謹自誓貞不字父母
諸宗人難之多方勸諭不能奪二十八刺染明年偕
其妹隨仲父至庵先是夢萱公語及孝義庵之勝覺
大喜躍遂委身依止焉曩覺之在室也事父母如事
師逮其出家也事孝義庵主如事父母精神持梵行純
一不雜遠邇瞻慕崇明之人因而感化發心者不可
數計然稟質孱弱刻心苦躬勞不自惜俄得疾久之
卻醫藥一心待盡夢萱公聞女病偕母來省則曰吾
昔落髮於尼師不愜吾願乃特著周羅而告予曰最

後一結惟師斷之佛制也予允諾自是無他語氣厭
懣不絕如綫忽起正面趺坐曰願見庵主庵主至合
掌稱謝言別次爲設彌陀接引尊像則怡然現笑凝
目諦觀合掌歸命已而索水盥手著新淨衣持數珠
端身對佛如入禪定侍疾者慮或傾仆以二枕將左
右掖之揮手云無用此眾環繞助念復揮手云吾自
有主在毋勞眾也踟躕不動凡二晝夜有奇微聞念
佛聲漸盡泊然而逝時萬曆辛亥二月七日出家六
夏世壽三十有三祿宏曰覺疾甚諸因覺發心者疑
貳欲退曰奈何事佛而不壽有解之者直以回仁且

東城記餘卷下

五

天關乎昔緣覺獨曰吾方以速脫娑婆生淨土爲大
幸奚取於長年嗟乎人居塵世如困狴犴早釋而得
歸與久羈而不返其苦樂何如智者了焉非凡愚所
知也覺以女子身卓然具如是知見況臨行偉俊赫
奕風動頑懦雖者英宿德胡以加此假令算獲期頤
而不聞道壽亦何補諸發心者當歡喜感歎轉增修
進矣因次其始末以爲紀賢首

年大將軍鐵槍

鎗凡二長各八尺有奇精鐵鍊成作竹節紋相傳年
大將軍責貶杭州時所捨以奉火神者道流置架卓

立神龕左右咸豐辛酉兵劫顯真道院既燬鐵棺亦失所在

真如寺貓

郎仁寶瑛七修類稿云杭州城東真如寺弘治間有僧景福畜一貓日久馴熟每出誦經則以鎖匙付之於貓回時擊門呼其貓貓乃含匙出洞交主也或他人擊門無聲或聲非其僧永不應之此亦甚異也

義犬

順治八年清泰門內有趙姓家富陳姓家貧比鄰甚久趙畜一黑犬甚愛之飲食悉與已同陳每云畜豈

東城記餘卷下

堯

可以人待之乎然陳性貪垂涎趙資陰買盜証攀置趙於獄陽爲與之料理席捲其財犬則日就陳食夜歸趙室哀吠如是半載趙卒斃于獄而陳亦偶病犬日伺其榻作怒視狀陳疑之令人持挺守門不令犬入犬乘間突上陳榻咋陳立死家人共持刀殺犬首墮地猶嚼齒作格格聲其身復跳躍數次鄰里咸歎爲義犬有藍姓者捨園地葬於弔橋側今其塚碑石尚在載東軒主人述異記中

隱修庵

隱修庵近孔雀園許周生駕部曾爲道一上人作募

疏文見鑑止水齋集云蓋聞聚沙作塔善因植于來生把茆蓋頭出世存乎利物使其口長挂壁南泉定致訝驢年儻教食未展輪大愚亦何心佛法是則欲宏勝會宜啟祇林白牛之乘未宣青豆之房先設是遵古轍用廣福緣武林道一上人早負僧才夙承家學尊甫斗南居士淹通四教該貫五宗吐言垂無盡之燈舉手決不傳之眼上人晨昏研鍊微細講求柱斷草屨笑傍家而擔佛拂開龍就從瞬日以印心已通向上之機關將作人間之舟楫惟茲隱修庵者故宋遺坊福城東際園鄰孔雀華香之氣遙聞界是蓮

東城記餘卷下

李

花鐘梵之聲相答雖稍蕪穢尙易修除略辦資糧便充供養事因舊而非創不煩布地皆金功集眾而易成無異如鍼戴利精寮小築不同法秀之癡退院粗安併作淨名之室以無緣慈說法是契通修多羅用不住相布施請證檀波羅密

汪次顏

葵巷志作葵巷汪次顏居是地與樊榭徵君友善徵君嘗敘其遺詩曰康熙甲午夏予偕金君壽門訪次顏相與定交次顏居在葵巷之東門逕幽邃有藤垂綉有竹合陰弦琴讀書其中意澹如也其爲人抑然

如不勝衣吶然如不出諸口具上下古今之識蟠屈于胸中不屑突梯閃楡以求合于時時亦無知之者少游稗畦洪先生之門先生故以詞曲擅名次顏好爲移宮刻羽之學不爽分寸有所作必上薄風雅而閒涉嘲諧隱語吾杭元時若曾瑞卿之詩酒遺音喬夢符之西湖梧葉兒吳中立之本道齋樂府張可久之蘇隄漁唱皆以不能俯仰隱約玩世自託於檀痕金縷間使次顏與之並生頡頏壇坫誠可無媿獨未嘗以詩示人亦無有知其詩之工者今年四月次顏病卒其子竣奉一緘泣且拜以告曰此先人詩治命

東城記餘卷下

空

求序于先生者諦視封題宛然發而讀之則詠蘭長句三十首涕下交頤循環咀味而後知次顏之所存也夫楚辭所引之蘭王逸注以爲澤蘭至黃魯直羅端良始以爲卽汪南之幽蘭澤蘭清膏辟蠹初佩貯浴誠爲有用于世幽蘭馥然于深林空谷夷而與眾草伍不以無人而不芳次顏所詠始卽黃羅所云之幽蘭有非澤蘭所得比者其所存不亦自然遠耶度次顏平生所作必夥其藏在篋衍者僅止此句律之精深華妙直闢唐宋人之室又承瀕危殷勤之言觸秋風敗叢之感故不辭而爲之序

三忠祠

祠在中正巷本戴氏聽園今卽其屋爲祠中祀戴文節熙文節字醅士道光壬辰進士由贊善擢侍講學士晉兵部左侍郎以勞疾乞歸三品服致仕時年五十也越二年粵匪陷金陵江浙戒嚴詔公會大府督辦江浙團練公力疾從事乙卯設協防局乃修城濬濠練民兵演火器建礮臺於錢江之上及北新關外丁巳餘杭胡萬成作亂撥兵會官軍剿平之戊午會解衢州之圍以功還二品服庚申春公年六十而杭難作當局歛兵盡入城十門皆閉二月二十七日

東城記餘卷下

空

省城陷公於二十九日薄暮題絕命詩四句整衣冠投池水事聞贈尙書銜予謚文節弟副貢生戴煦媳金氏甥候選訓導王朝榮同殉均附祀東祀馮文介培元文介字小亭道光甲辰一甲第三名進士授編修擢侍講王子簡任湖北學政未至官升侍講學士時粵賊圍長沙道路阻梗乃慷慨就道比蒞任而岳州陷竄漢陽圍武昌文介本先遣人迎母就養至是乃募縋城者齎書止母行十二月初四日城陷與幕客管柱臣訣曰歸報吾母忠孝不能兩全赴署後并死之年僅四十被圍時朝命擢光祿寺卿殉

難事 聞贈侍郎子諡文介死事地方及本籍建祠
西祀俞文節焜文節字昆上嘉慶庚辰進士由翰林
補江西道御史出守河南彰德擢直隸永定河道旋
改湖南衡永彬桂道權按察使因案左遷比歸粵禍
日熾咸豐三年奉 旨籌團防以勞績復官庚申二
月省城不守賊及公門公擊以梃賊駭走賊至益眾
述被害事聞 予諡文節 詔建專祠莘莘俎豆共
聚一堂景仰三賢可想像從容赴義時也

繆武烈公祠

祠在昭忠祠西祀前署鹽運使金衢嚴道繆梓梓江

東城記餘卷下

奎

蘇溧陽人道光戊子舉人大挑以知縣分浙咸豐二
年署杭州府同知時豐江決口浙漕阻運梓力主海
運之議陳審海道籌船載定經費諸法請於巡撫黃
宗漢遂以運事委之適粵匪劉麗川陷上海南匯諸
縣浙西戒嚴宗漢檄梓赴上海助勦兼通運道賊負
隅拒守梓察城西有四明公所牆垣高峻令軍士築
礮臺於中穴牆燃巨炮擊之斃賊甚夥賊出城拒戰
復擊敗之海運向由上海出洋至是浙運阻隔梓訪
得劉河口爲海運故道請疏治以濟四年春海運歲
事得 旨以知府留浙七月補甯波知府調署杭州

知府五年正月海運再竣以道員補用三月官軍復
上海江蘇巡撫吉爾杭阿以梓督兵助勦疊著戰功
奏 賞花翎尋署杭嘉湖道兼署鹽運使六年署按
察使時粵逆石達開自江西撫建窺浙何桂清以梓
諳練兵事奏駐常山防勦七年補金衢嚴道八年賊
大舉犯浙號數十萬越廣豐陷江山犯衢州府城梓
督軍自常山回救燬賊卡二賊營一斃賊千餘人急
入城治守具凡賊圍郡城九十餘日大小數十戰掘
地道者五卒不得進賊遁敘衢州解圍功 賞按察
使銜十年二月賊由廣德陷浙之安吉孝豐間道竄

東城記餘卷下

奎

杭州直備城下我軍倉卒守禦兵既少外援復久不
至值大雨浹旬火器不得發再戰不利梓督軍清波
門連日露宿城上當賊衝偵知賊掘地道急令治內
濠雨甚不得就越日雨稍止方傳令集軍地雷猝發
城崩十餘丈賊蟻附而上各軍皆潰退梓陷陣殺賊
身被數十創尙屹立罵賊不止右足爲賊折始仆同
治八年浙江巡撫李瀚章疏請照按察使陣亡例議
卹並建專祠從之 贈太常寺卿銜入祀昭忠祠並
於死事地方暨本籍建立專祠予諡武烈附祀者守
備孫遇龍五品軍功丁春漢事見 國史本傳

張文貞公祠

張錫庚字星白江蘇丹徒人大學士玉書曾孫也道光丙申進士以二甲第一入翰林擢至左副都御史博通經史尤工駢文咸豐元年上疏請開博學鴻詞科以求方聞績學之士報聞八年視學浙江旋授刑部左侍郎錫庚嘗曰吾所取士欲其爲儒林傳中人不欲爲科第表中人吾豈不爲公門桃李計邪特不忍文章經術之才自吾失之也十一年夏金華不守甯紹繼陷杭州岌岌危甚時代者爲國子監祭酒吳保泰未至或勸錫庚歸印於巡撫而移疾去錫庚不

東城記餘卷下

奎

可賊圍城大吏分門守禦錫庚亦日夜出巡城衣不解帶城中糧匱無所得米煮豆以食繼之以土食土一日腹大泄不得出戶候補道某知其困也饋米一石米未罄而城陷或勸曰公盍微服出城間道達上海入都自陳即獲咎非守土責無重譴錫庚曰吾大臣也不可以辱國且吾年逾六十官階二品尙何求乎遂自縊於聽事賊入署歎曰忠臣也棺斂而出之城外時咸豐十一年十一月二十八日年六十一杭人某竊其柩至上海江蘇巡撫薛煥爲易棺成禮時逾二月面如生祠在昭忠祠右同治十年奉旨建

祠予諡文貞其長子直隸候補知縣恩然妾王氏媳戴氏孫女大姑同時隨殉均附祀學使丹徒丁公紹周題額曰節永湖山聯曰小劫歷紅羊後十三年視學來游看兒婦銜哀薦茲一盞丹漿拜公祠宇貞心照青史閱二百載易名相襲歎祖孫濟美畱取千秋碧血壯我江鄉

藏銀徙處

忠清里南地各醬園街有陳紅花者延一蒙師某十餘年歲得館資必藏其半於瓶埋牀下約三十金一年得上半歲館資發覆藏之但有空穴而無瓶憂怖

東城記餘卷下

奎

甚切而不敢言俟夜秉燭照之見牀側一隙旁穿甚深不可物色不得已吐實主翁發牀破壁尋迹鋤索之遍二室不得外爲鄰家不肯發而止蒙師竟憂死事載馮開之快雪堂漫錄今醬園街內有中城福院神奉宋殿司小校施公全俗稱醬園土地云

曹碧瑛墓

宋光宗宮人曹碧瑛葬東城報國寺側許氏壽柏堂古柏之外咸豐間嘗降乩云丹楓烏相影蕭蕭山外晴虹駕綵橋雲不歸來無夜雨牆陰閒煞老芭蕉後許杏書筆錄其詩畧同人魏滋伯和云柏森香葉宿

鸞鳳瘞玉幽宮黯夕陽留此一坏乾淨土願教終古
伴空王珠簾輕揭柳風和縷玉詩牌記手摩合與水
仙同薦菊寒泉一瓊配官哥評詩風落紙如飛臨石
經書筆法依親滌水巖眉子硯銅蟾淚滴到泮妃荏
苒春光近采茶城東詩境最幽遐仙娥莫起滄桑感
一任冬青自落花

景隆八發

景隆觀在版兒巷北厲徵君雜記如劍石銘如此江
山亭詩卷悉藏觀中已足令人長思今檢七修類稿
嘉靖癸亥杭因祈雨府差景隆道士往富陽龍門山

東城記餘卷下

宅

取龍去縣幾百里山路崎嶇荆棘叢密衣體俱爲損
傷至則本地鄉民亦爲求雨澤潭中已得一蛙供于
廟矣道士焚牒拜潭亦得四蝦一蛙置甕以行途間
辛苦不免與同事者怨以爲一蛙而費苦錢糧人役
如此至杭無雨可煮食之頃刻雷雨交作淋漓遍體
咫尺不可辨也晚視甕中二物無一存駭然只得仍
到龍潭拜求廟僧曰勢不可得矣復又懼以官法僧
不得已供蛙與之至杭果得雨將送還潭視之甕中
又無矣可見當日道士自有異術郎仁寶居與觀近
曾與王蔭伯讀書觀中類稿載有景隆八發頗資解

顧文曰少同王蔭伯讀書景隆久之閱事命名王述
其義遂名景隆八發蓋以可發笑者八事耳然其辭
隨義抑揚譏誚道士以爲戲謔之音以發其懽愉憤
歎之志客過而笑曰君子遊心如是哉有勃然色變
者曰果王者無戲言乎王因告其虛車無庸覆瓿將
來予病時文而假之鳴豈知召釁起怒文之害也歟
當投之水火予則曰彼哉笑之者也癡人前不得說
夢其怒之者乎所謂不笑則罵之是矣且枚生七發
以無爲有君之八發假有成無是皆注元思於筆端
闢才華於漢藻所謂文者也忍棄之耶去年過姑蘇

東城記餘卷下

奕

與都南濠論賓戲等文因誦以質以告其客尤之情
都曰其諸作之苗裔乎其騷人發憤之言乎其子雲
譎怪之意乎復喟曰文雖近狎義則通微毛穎初成
裴晉公亦以爲不可以文爲戲文之妙者也爲我寄
王子又曰事因戲警名以文傳景隆道士之幸也安
知不猶佛印之傳哉時道士聞之請予述其顛末并
錄八發爲珠庭勸遂書無拘殿賦黃冠不淨寶殿無
拘睭三清之幽境爲百戲之所都藏闖探帖打馬投
壺博錢者錯處抹牌者同區棍兮不冠拳兮無襦或
歌或舞或笑或呼或箕踞於前楹或尸寢於後廚斯

則平日之所爲也若夫朱夏司權溽暑當塗招搖市井和以屠沽抱長席而至止泛短水之醍醐爾乃以瓦爲枕以棺爲鋪逍遙乎風涼從容乎日晡忽聞嘯於梁上弄傀儡於東隅者也至於萬物告成三冬來輪無門不掩有牆可踰官府兮爲堆鹽之所鄰舍兮爲過米之衢噫嘻嗚呼名雖蕭散實則污豬蓋無傷於道士空見笑於吾儒大笑堂記老子曰不笑不足以爲道韓子曰小笑之則小悅大笑之則大悅蓋莫貴於笑亦莫貴於大笑矣有道士景隆居人好譔之構室焉高而不刺密而不狹輕而不露以娛賓客故

東城記餘卷下

完

又謂之堂然至其堂者莫不有笑焉啜其茶則破悶飲其酒則解醒對其食則噴案他日有客持觴過從尸而祝之把落其髻余曰此所謂樂然後笑者也眾以爲笑酒酣縛而笞之罵曰狗道士余曰以竹鞭犬真可謂笑矣眾乃大笑遂爲之記銷鉛井銘銀壙之傍銀壙厠也資米樹之下米樹桑也藉有井焉井之西隙地丈餘可容三五道士嘗具飲洗番鉛之琰錫也器列哥審之盤碎裂也果則蘇州之核鹽鼓也蔬則棧橋之筍蘆服也客有善爲酒戲者飲一杯則下其琰井中以爲樂郡治西湖爲杭民之勝賞故錢帛咸於湖費

馬因號曰銷金鍋余謂茲井曰銷鉛可也復銘之曰井之泉清且涼井上之客迂且狂嗚呼釀井之水兮其毋長叱石壇誌叱石壇者牧羊之場也景隆之觀有廣除焉隆然而高坦然而夷承殿之址若壇之形道士好殖羊之生羣於其地走而若愛之聚而若毆之飽馬而卧以嬉壯者魁而澤瘠者瘠而瘦乳者小而圓老者昂而峭厓者俯而伏望之纍纍然白石之奇塊也叱而起則羊焉道士初平之流也故擬而名之他日客至其廬見其羹焉曰羊耶羊耶而狗口是落耶道士曰是石也客曰汝叱石不休必聞於冥

東城記餘卷下

卅

道且鎔鐵灌汝腸腸其爛矣甯石羹乎道士懼明日石盡徙壇復如故云轉身路辭景隆之路法盤谷窈而深兮往而復如行羊腸在平陸繚繞縈紆穿九曲長蛇深蟄寒蛟縮欲走嗟如縛在足規行矩步如有束乍向東趨又朝北一身宛轉回顧多番使頭圓脚步蹉黃昏月黑不可過雙手捫壁空摩挲又似盤庚石鼓歌一句佶屈牙相磨道士道士可奈何願君後世爲田螺警夢樓說無名子夜讀書景隆之岑樓夢游華胥瓊宮玉宇神君仙人遊而嬉焉忽若然而悟曰是非響屨廊即將西子之魂徑行過也何其聲之

君也審而視之童子執燭而來也復就寢夢化蝴蝶
天桃冶杏冷豔濃馥樹而揚焉忽轟而醒曰是非黃
鶴樓即將謫仙之靈來槌碎也何其聲之轟也諦而
觀之道人煮茶而至也明日驗其樓前履則版軒而
後右行則版輕而左乃書而歌曰咄斯樓版胡砢砢
些截道人頭有長釘些道士懼無名子曰古有警枕
是余之願也勿輯煉藥鑪贊昔林君復隱於孤山以
梅爲妻以鶴爲子道士子棲於景隆以酒爲妻以狗
爲子故其消煩滌妄能守其教者凡以酒也是酒在
吾儒則爲狂藥在道士乃長生藥也名其爐曰煉藥

東城記餘卷下

圭

爐斯爲稱情贊曰其寒不冰其炎不爭其高不亢其
滿不盈消磨火性出入風情遠而觀之若仙翁之丹
竈迫而察之乃障愁之長城青樓珠箔能墮於天際
琅函玉笈能守乎至誠不知者以爲陷人之地知者
以爲葬道士之坑也歟方便樹頌宮中塗廁苦而難
入荒穢不治惟民所止何陋如之如惡惡臭天乃降
祥惟隲有桑方便之路黃絹幼婦繞樹三匝或得其
桶矢聲鏗鏗聲在樹間叶苟求其故不見其處右九
文惟序余成餘皆王作也王名一槐今爲員外云

城東三異

快雪堂漫錄載虞長孺舊住城東近長河頭一日莫
行從河邊過相去數十步有黑氣從地滾長孺適有
一急事赴友人約見此不敢前進須臾黑氣從下而
上湧入一樓屋角方得達友人家因畱宿不歸明日
過之其家夜喪一婦又長孺舍後有一空樓夏月卧
簾看書時正停午見梯壁間有一婦人影短髮婆娑
佇立不動初疑爲家婢往梯上探之寂然無人復卧
影如故始悟爲鬼物執卷擊之影應聲滅自後登樓
不復見矣又長孺家一僕名永富持齋數年乙酉歲
從入京將至宿遷忽想開道謂同寢僕曰吾聞比邱

東城記餘卷下

圭

有病許食石首魚四兩吾今病欲得比例可乎僕畏
因果再三語之終不應其明口買蔬菜飽食謂諸人
曰辭素忽出官倉篷轉腳墮水諸僕聞其語曰我不
識水又曰我是喫素的水急竟不救船至張家灣前
同寢僕忽病夢永富索葷食甚遂欲死買肉設祭勿
藥而愈丙戌春長孺聞艱歸過其墮水處四顧無人
忽有犬赴水欲上船家人以版接之搖尾相向甚熟
同寢僕呼永富我與爾同寢遂夜夜就之惟食肉與
骨至家月餘死

鶴巢謙集琴臺賞雨

庚寅八月二十六日春漪招集鶴巢周覽園亭之勝
各賦五言律詩二首杭世駿小築依城迥佳尋擇地
寬入門花照眼浴澗鶴梳翰飛翠沾衣袂清陰罩石
壇杖藜隨步遠幸不到秋殘石磴疏寮接登樓碧漢
迢竹深無俗響岫近露清標雲洞安琴薦山楹挂酒
瓢衰年耽野興涼夢落今宵翟灝珍重尋詩約良園
整屐從閉門延野趣照檻出秋容石格枯槎瘦花香
暗麝濃莎坪欹坐暖吟思浩吾胸記昔牽曹至櫻桃
花正鮮風光驚暗易霜信又新傳杖履逢前輩琴樽
入暮年殷勤主人意有酒且陶然倪一擊不亞平泉

東城記餘卷下

七

勝清游侍杖藜花繁陰照檻石古客甯題野趣延秋
爽風聲雜鳥嘯幽人勤剝啄雅足稱幽棲尺咫居方
近招邀記亦曾每耽文字飲不厭往來朋市隱甘初
服詩才得上乘一時成好會二老合重稱黃模煙蘿
半掩扉簾閣坐清輝日氣花交午秋聲樹合圍扶闌
容鶴步壘石待雲歸只合逃名士流觀長道機先生
隱東郭老子過南樓茶竈筆牀外小山叢桂秋一尊
開笑語羣季接風流燭至畱賓在幽情偶復酬黃基
兄也多佳客招之來別廬入門所見換闌徑有誰如
花葉李公圃林泉桐口居秋芳隨桂後一笑錦屏舒

二老風流劇羣賢少長并衣冠成小隊觴詠敘幽情
蠹走叢書檢鴉歸暮靄生茱萸重九會許我再隨行
姚思勤清曠雲卿閣蕭閒蝶叟齋敢云佳境埒差有
素心諧索句憑花檻銜杯坐石厓秋風塵不到詩酒
豁襟懷俊賞推前輩騷壇足雅型如何雙鶴杳時雪
至洲不遠望數峰青談塵欣同握吟筇肯再停幽禽解
畱客喧語下莎汀陳嵇庾信小園賦杜陵秋興詩清
才容跌宕勝地失追隨香霰庭應滿筠廊席自移平
生有幽意惆悵好花期每憶名園好曾攜俊侶過雜
花開幾許野竹瘦如何素壁詩牌換涼秋酒戶多塵

東城記餘卷下

七

勞誰似我幽賞笑蹉跎宋永折簡煩君召攜尊笑我
慳竟遲雙屐到難得一秋閒秀倚窗前竹晴堆郭外
山似聞恣眺賞日夕未曾還松吹有清響棠邨多美
陰風流今鮑謝唱和此園林坐愛烏皮擁詩工白雪
吟他時高會續預擬暢追尋竹嶼姚翁結廬於東園
之東而規其旁以爲圃名曰鶴巢翁之從孫春漪讀
書其中杭丈堇浦翟君晴江嘗過之觴吟焉一時諸
君斐然有作遂成雅集余與春漪無半面識因介友
人丁松老持冊示余乞書長卷入石余惟近時羣屐
少年自命風雅以蚍蜉撼樹者往往而是獨諸君於

老輩風流景企不置雖一日之集有餘慕焉其用意
良厚矣余故樂副其請乾隆甲午上巳山舟梁同書
書并記石刻至今尙存又見平湖黃鶴樓金臺琴臺
賞雨序云琴臺者在武林艮山門內蓋姚春漪孝廉
之墅嘗與吳穀人祭酒談藝於此者也當日者地開
三弓廊迴十步一拳石古半壁池清蘭芳逼人竹曉
催鳥紅飛蕉鼠綠戲荷魚棋聲敲雪屋之燈詩興發
風樓之笛博山睡鴨香爐繞煙芳草鬪雞酒缸滴露
此林亭之勝槩可想像而知焉壬辰秋仲余與顧子
榕屏同寓斯園時則梧葉墜階棗花堆屋槐青月淡

東城記餘卷下

姜

藕白風香羣螢夜流一蝶朝舞頭飄黃霞腳跂綠雲
顧子乃集良朋設芳讌揮玉如意浮金屈厄幾費杖
頭嘉肴適口勿勞屐齒好景盈眸絕無孟祖之叫囂
饒有深源之談詠尤奇者早經一月田疇千疇適當
北海筵開忽爾西山雨至驪龍睡醒鼓大地之風雷
孤鶩飛還帶漫天之雲霧銀湍亂灑珠沫橫衝樹停
蟬聲牆滿蚓跡脫帽而十分秋意披襟而一味涼情
把盞高歌卻喜魚鱗盡活停杯遙盼尙驚馬鬣騰空
此足以興傲七賢歡踰四美者矣然而聚散靡常合
離無定回憶春漪穀人諸君花邊握臂松下掀髯倚

關聽雲傍牖讀月去泛西湖之艇閒共鷗盟歸攜北
郭之樽醉尋鶯語燭刻三寸鉢催一聲序王裴輞水
之詩成皮陸松陵之集乃未幾而庭空燕泣砌斷蛩
悲薇瘦紅欹柳低碧輭酒壚重過嗣宗已作古人琴
曲乍終子期久爲異物宋祁客去不見名流杜佑亭
存復來我輩惟秋興最宜客子况甘霖欣謝天公盍
灑狼毫述斯佳話再須鶯絹繪厥良游顧子曰然於
是同人各撰一詩方子春作記而推余爲之序

周南卿

周三燮字南卿號笑生錢唐人道光庚寅郡歲貢有

東城記餘卷下

姜

抱玉堂集少年跌宕屢躓棘闈齋素懷鉛翹游幕府
最爲蔣相國攸銛曾中丞燠所賞性喜彝鼎字畫嗜
好所觸不惜豐價求之所蓄前明書家金陵聚頭扇
亦多至二百柄修羊所入半耗于是故以貧終其身
問其家人言死後魂魄尙戀戀不忘至見夢於其子
可謂文人結習矣南卿居馬婆巷其移居倡和詩云
秋水堂空八景殘曾王父鐵士先生住東
青巷有秋水堂八景詩書生家世
本清寒神從墮地當門苦仙未昇天拔宅難將恐打
頭無可卧但求容膝已爲安連雲甲第多豪貴不值
坊傭冷眼看何處能容骭髀身三重茅足庇勞人琴

書雖少終爲富花草無多卻稱貧頗媿焦先能露處
祇愁杜老又風塵年年如願呼難得初備黃羊祭竈
神五架三間兩版門馬婆舊巷傍城根展來金碧微
圖畫看到姚黃慮子孫石丈貌奇宜拜笏雪兒歌近
好開尊西冷柴老思先雅對宇何期屋尚存對門即
故居先生家住錢塘東復東柳雲梨雪想春風休猜我入
鳴珂里龔開齋觀察程伊淵編修暫免人嘲鍛錫公
司馬園方營獨樂屋右即泉園時章丈元龍樓卻倚
高空與陳六秋草堂貲感諸君寄畢竟三遷抵一窮
余自打豬巷復張紗術一時和者有吳仲雲及積堂
至此已三易其居矣

東城記餘卷下

七

章桐門蘇子齋周芸皋沈聽篁屠琴塢吳滋伯黃薌
泉費新橋邵魚竹吳西穀十九人今真跡尚存余曾
獲觀往復披吟足爲城東職掌也已

啞僧忽言

錢唐吳寶崖陳玟曠園雜誌杭城長明寺啞僧苦行
食力日擔經箱隨寺僧至人家作佛事每值法師施
食啞僧輒禮佛竟夜不倦不數年忽能言且識字助
誦佛經若夙習者然實至誠所感也

青雨

孝慈庵順治初創於周氏東城雜記言之詳矣自假

亭禪師而後首推青雨一時文人學士如夏松如章
次白張仲甫咸結納焉松如留餘堂詩鈔青雨上人
達宣招集城東半畝居云半畝居真傲澗槃阿師招
我共清歡幾番高詠到白社二月春風開玉蘭蝶抱
良山新築翠池涵定水自凝寒慈悲漫指身千億未
詣奢摩古佛壇次白梅竹山房集孝慈庵訪青雨上
人用偃亭禪師夜半過半畝居韻云散策尋幽林糾
陽照村屋荆扉水滌洄中有一僧獨焚香面虛壁蘸
筆寫枯墨風定息聞塵雲間棲退谷偶來契靜緣安
能息白足同參米汁佛醉眼天一粟仲甫彝壽軒詩
鈔訪青雨上人用偃亭韻奉贈云半畝屋倚城三分
水繞屋桑隴槿花籬敲扉老僧獨朱魚躍清池翠陰
交眾木憑欄思濠梁近市儼空谷詩畫灑煙雲高人
幽趣足開徑訪鄰老閒閒自鋤粟

東城記餘卷下

七

四閒別墅

全椒薛慰農先生守杭多惠政不二載退閒爲崇文
院長士風振起著有藤香館詩鈔中有皋園行爲四
閒主人作最爲詳盡蓋別墅改僅二年主人已有閒
雲出岫者中間又議售與駐防作八旗會館嗣歸浙
省忠義總祠園亦賴之永保恐別墅之名飄風即過

因錄其詩云四間主人者萬篋軒啟琛吳曉帆煦雨
方伯濮少霞詒孫許緣仲道身兩觀察也四君同居
武林購得皋園舊址改爲四間別墅屬予畱題予適
有金陵之行同人飲餞茲園幾無虛日爲賦長歌言
別城東名勝金衙莊後之主者嚴侍郎山林城市足
幽隱水木明靚花竹芳憶昔中丞仕勝國其時執政
江陵張奪情抗論致忤觸蕭然落職歸錢塘林泉養
望寓經濟邱壑位置殊尋常 國初嚴公亦卓卓清
風軼事畱詞場皋園卜築仍舊貫大開壇坫供翱翔
南施北宋此觴詠愚山佳什傳堂堂梅村書法世罕

東城記餘卷下

堯

見臨池特爲題滄浪樊榭老人補志乘城東故事言
之詳兩家人事各代謝居停此後誰闡揚歷年三百
蹟已古其中况復經滄桑我初蒞浙愛流覽公餘往
往來徜徉關中都督方運甓桐城大令時飛觴余蒞浙時
主是園者爲師廩山都督旋歸葉季華大令六年眼見兩易主人生傳舍
洵堪傷歌哭聚族那易得茫茫浩劫悲紅羊城東萬
戶付一炬茲園猶幸存堵牆老兵炊飯爨庭桂健兒
削樹修斧斨荆榛櫛比花石壞闌干倒落亭臺荒飢
鴉嘯風立古木野狐拜月蹲虛廊勝游衰歇結構在
天生佳境必表彰四間主人今豪貴各從江海攜歸

裝宦成名立無不足支筇倚杖時相望卜鄰難得共
珂里買山猶恐非仙鄉名園舊址昔游釣捐金集腋
貲同償鳩工經始在歲晏落成之日剛春陽穿城鑿
塹引流水負土疊石成高岡小橋略得野趣迴谿
曲折搖波光嘉樹茂竹各顯露芝楣藻井重輝煌
春筵啟冠蓋集公卿酬酢鳴笙簧新正四度預雅讌
推襟送抱方未央衣裳之會僕所苦科頭灑落形骸
忘大呼楊孔作兒輩狂招伶籍相抗行酒酣客倦日
倒景沁心清送古梅香主人知我雅好事要我素壁
畱詩章我時筆墨久鈐束戒途將泛長江航平生詩

東城記餘卷下

平

酒債怕攔倚裝重復展吟囊長歌未畢轉根觸主人
母乃嗤疏狂東園樓閣盛南宋標題富景流風長龍
舟鳳鰲每臨幸翠華掩映青垂楊理度之世已湮廢
花果僅足供上方百花池畔茂野草昇仙橋下嘶寒
蟻茲園基地最密邇懷古憑弔心徬徨方今大亂獲
戡定東南日漸臻蕃昌葆養元氣首省會世家大族
民表坊平泉花木足怡悅亦有葑屋飢無糧東山絲
竹足陶寫亦有比戶寒無裳古人贈言重質實藻繪
風月言非臧善頌善禱學張老四君明德永衍祥歌
成離緒耿寤寐城東春漲催帆檣

梅溪書屋記

丁君洛者其第在保甯巷有堂曰正修堂東之屋五楹榜曰梅溪書屋君嘗延予課其二子絃誦於斯歷有年矣予爲之作記曰錢塘丁掌六先生先世居山陰之梅山順治初由越之福巖遷杭五傳至先生勤學好問於書無所不讀嘗作小樓於梅東里慕先德名顯者藏書八千卷有言曰吾聚書多矣必有能讀書者爲吾子孫遂乞梁山舟學士題其額曰八千卷樓樓之東有屋三楹學士又書梅溪書屋四字以榜之蓋不忘故里之意也其地據中河之勝左盤右紆

東城記餘卷下

全

水清如鏡環其廬植梅數十株方春始陽羣葩競發先生讀書其下芬芳襲人詩興油然而生吟哦竟日恍置身於竹徑茶塢間上希子眞之高風先生之子洛者君遷居於保甯巷卽移此額以張之其子曰申曰丙從余遊相與絃誦於斯客來輒曰甚矣丁君之給人也大山長谷鬱而爲溪水泉清遠石徑崎嶇其兩岸古梅萬億枝若屈鐵之交錯花若紅雲之燦爛所謂梅溪也今丁君之爲屋非在大山長谷之間也規模不廣制度不華庭無花木所謂古梅萬億無有也非梅溪而曰梅溪何耶余唯唯否否余知丁氏先

世越產也按嘉泰會稽志梅山在縣北一十八里陸農師適南亭記云昔子眞之所居也其少西有里曰梅市元戴剡源陳剛中均有題詠梅市之西南有子眞泉味極甘寒上發源于梅山匯而爲溪居人呼曰梅溪溪上聚有村落皆爲濟陽族望掌六先生承世澤之懿居梅東之里此梅溪書屋之所以名也洛者君不忘所自名之亦奚不可豈給人哉客謝曰余誠見其小而遺其大然後知命名之義之不虛也遂爲之記

東城記餘卷下終

東城記餘卷下

全

弱冠時有志東里文獻家無藏書又寡交游無通人可訪後稍稍得見樊榭晴江春漪諸老先生遺著藉以攷證前事然自庚辛兩次城陷後遺蹟半被摧燬卽項氏可羨園最爲近世所著名齒稍長者猶及見之已湮滅不可復識况其他哉竊謂東園一隅地最幽僻代有名人近雖風流間歇安知無與余同志摻遐采逸繼樊榭諸老而輯成一編者今年秋丁君和甫出是編囑爲斟警檢閱一過余向所欲爲蒐輯有志而未逮者具存其間嗚呼可不謂幸歟近時通人目覽五洲之圖手披萬國之史高掌遠躡固無取乎

東城記餘後跋

一

是芟芟者然生長是地釣游之鄉桑梓之誼固不可忽也丁氏曩刻武林掌故叢編採遺藁至數百種可謂盛矣今又將以是編付棗子望博雅君子各出所藏俾壽諸梨棗以餉世居是邦者庶亦小雅詩人之誼也夫己亥九月城東小隱韓澄靖龔氏謹跋

祆祠之建於中國者以杜預左傳次睢之社註爲創見其次則景教流行碑博雅好古之士類能道諸然祆神一教說者卽指爲景教通款以後羣又以景教爲天主耶穌之說祆神則指爲回回習焉不察語之不詳由於未審其源流故也元興漠北其兵力能及

裏海以西地中海以東凡今海西諸國疆域厥未能踐惟其教主所由出之耶路撒冷城實嘗至焉耶路撒冷城所出之教漢以前無主名彼教傳有摩西十誠敬事上帝之言或卽所謂祆神教也自漢以後耶穌其人者出始有天主教之目自唐以後謨罕慕德其人者出始有回教之目自明以後路德其人者出始有耶穌教之目然回教之旨實附會於天主謨罕慕德蓋欲篡耶穌之統不成而別出者彼教經旨近經西洋人譯出有七重天之說與此記大普興寺碑七重天門之說相合蓋回回奉教之寺也元時甚崇

東城記餘後跋

一

回教建寺以綏其眾理所宜有回教沾滌天主初亦佩十字爲教謨罕慕德自附耶穌或亦理所宜有也先生未歸道山時敦品植學爲世矜式中土異端之說斥絕惟嚴矧其爲異域異端也哉曲園師欲彌其憾而不能實指何教特揭此條以爲之序識固卓矣然彼國之人往往乘隙抵間以逞其欲而張厥喙爰爲考訂源流而跋其後屬和甫同年并付劄牘同里後學孫灝識

光緒乙未六月

錢唐百詠

秀水董念榮署檢



竹書堂
氏刊行

序

昔歐陽文忠公序有美堂曰都會能兼山水之美者
惟金陵錢塘而自五代以來百年不見兵革民生繁
盛湖山無改則金陵不及錢塘也蓋杭州古隸會稽
唐宋以來名卿歷守是邦逮臨安建都宮殿城隍修
治壯麗府庫宮室溝池園囿壇場之設皆前此所未
有若錢氏所營寺宇不時增築而諸山環西湖抱城
迤南至江而止林泉之深蔚魚鳥之幽間皆足以稱
其地於時君相之事業學士大夫之晤歎風俗男女
之哀樂與夫詩人烈士浮屠羽客之遺事覽其山川
慨然有懷思其得失之故臨風興歌則於是乎在焉
因考求遺事舉其所為興感者為詩如左其佛老之
宮名山幽境可以資登眺者得廁列云秀水楊象濟
利叔自叙

錢塘百詠序

錢塘百詠

秀水楊象濟利叔

采葛村娃劇苦辛錦衣歸去沼吳春五湖一舫鷓夷
逝終欠黃金鑄美人
競誇捷足似騰騫懷古神從想象傳卻記虎邱山上
寺要離塚畔草如烟
湖山鐵券有崇祠納土淮南異代悲千古文章有知
己荆公能讀表忠碑
和議謀行自相臣殘棋一局勢難新傷心好語臨安
月莫照盧龍塞外人

錢塘百詠

孤航海外痛飄搖白雁紅羊讖一朝黃纒高臺同劫
火更何情事話觀潮
濟陽葬地沒蓬蒿彌遠好同古趙高干載傷神駝噉
嶺松風餘怒鬱寒濤
祕閣何殊二酉寬校書天祿得雄觀宣和舊譜君休
讀汴水無聲落照寒
空江雪浪捲長風子政旌旗想象中三戶亡秦誠不
易憤王兵勢起江東
候潮門外咽殘更長慶坊前落月明故老莫言張氏
事三吳勝地又經兵

素車白馬勢披猖後種前胥我未詳試望步軍場外
路不堪家國痛魚腸

靈武新軍自製裁渡江泥馬大都開長城萬里君輕
壞此日何心論將材

幾曾馬角盼王庭五國歸魂事杳冥慟哭高臺謝皋
羽此間何地種冬青

從古河渠事變更奇功鄭白孰論評鄴侯美政唐書
佚史筆常嫌宋子京

勤王草檄動神兵藁葬忠州恨未平一笑延齡渾腐
草文章地下哭陽城

錢塘百詠

二

門牆奔奔煥朱樞徽國崇祠肅百靈焚草漫言憑筮
卜天心難挽小朝廷

細草離離下夕曛濂溪廟貌蔚靈芬湖烟欲散千山
暝門外白蓮涼似雲

將門家世荷龍光擲地金鑑事渺茫猶使考亭留曲
筆今人何獨怨循王

撼山撼岳敵人寒指日輕車踏賀蘭不是相臣論復
辟朝廷何事狂偏安

檜樹枝生宋祚摧輔文遺塚閉黃埃飲酣此日猶君
幸不見金牌詔獄來

騎驢湖上事堪哀投老家園誓死灰曾向靈巖拜公
墓蕭蕭松柏黯蒼苔

忠義如君世所需誅奸不就竟捐軀紫陽公論遺編
載流恨荆卿哭路隅

剩水殘山不忍看勲名臥虎古來難翠微亭上留詞
句老去英雄骨髓乾

樅金伐鼓古杭州陣馬靈旗異代愁錦樹啼鴉生暮
色秋風誰拜廣陵侯

魚鱗謠苦哭寒雲倉卒危城國有君萬喙蝸蟻吾不
問論心曾讀望溪文

錢塘百詠

三

遼陽師起靖康後濠泗兵興至正年地下戎衣酬故
主宋元遺恨兩忠宣

金沙門外月如霜遺殿誰尋舊鳳凰三日投鞭斷潮
信文山功業太倉皇

南昌倉卒羽書馳七國兵機又一時若使忠言能早
動何煩鸞輅遠行師

姚江氣魄動坤維鴻爪猶令百世思似此讀書能不
負幾人為辨紀功碑

花宮紫極自乾符改築開平迹未蕪蜥蜴殘碑嗟莫
讀松關驛馬記傳呼

常愛坡翁竹閣詩
深林窗戶綠陰垂
何時放鶴亭邊
醉閒了花間一局棋

幾處闌干入畫圖
柏堂遺構未荒蕪
綠蛾紅燭人如玉
更選歌喉一串珠

十年思穎老尙書
居士何妨老佛廬
欲向惠公尋六一
蒲團清坐證如如

酒綠燈紅要軼才
望湖樓外畫屏開
絕無翻墨遮山句
祇效髯蘇大醉來

桓桓大義責桓公
自筮占爻識遇窮
今日早應知命盡
寒泉心自惻孤忠

錢塘百詠

四

醉酒高歌挾琵琶
婆娑蠻女舞簪花
孤臣九死心腸烈
樂府人爭幼婦誇

獨將雲水滌塵胸
閒倚蘇隄七尺筇
隔岸鐘聲催落日
四山高擁紫芙蓉

柳枝吹絮見鶯啼
鴨綠波光欲上隄
畫舸紛紛裏湖去
一聲欸乃破琉璃

傍郡名山錦繡張
金陵山水歎兵荒
林泉正賴廬陵筆
爲記梅公有美堂

文章子野亦神仙
楓葉吳江句並傳
花月得名誰可比
曉風殘月柳屯田

暗香斜月影扶疏
尙有梅花傍故廬
一事千秋人絕倒
不教詞賦擬相如

買田準擬隱山樊
訪戴山陰棹遠村
絕憶舊時徐處士
梅花風雨閉蓬門

經卷繩牀畫裏詩
丹鉛手錄靜研披
清時未礙狂歌客
風調吾思丁翰之

西冷寓客比鷗閒
懶踏雲峯晝掩關
渾似舊人姜白石
帚臥聽柔櫓過窗間

駕鶴騶鸞任醉顛
揮毫落紙寫雲烟
不爲君用君安置
大誥知難殺冷仙

錢塘百詠

五

香風羅綺日經過
城拂千松郭遠荷
等是金迷紙醉地
十三樓上月明多

孤山孤絕入荒寒
容膝三椽住亦安
也欲逃名學梅隱
後園更置竹干竿

十國春秋閱數沙
空令環珮想容華
金根歸去玉魚冷
三月濃春陌上花

巖壑重重見晚嵐
山名寶石愜幽探
四朝聞見增惆悵
作記難邀陸劍南

一角南山掩碧重
斜陽古塔隱雷峯
小樓春事匆匆盡
今夜關心聽晚鐘

龍飛鳳舞到錢唐郭璞遺書語未荒憑弔南山一坏
土百年前後兩家王

且住稽留一朗吟平生嵩少未登臨古懷漫溯唐虞
上洗耳高風不可尋

幽深洞壑敞金庭莫問仙貓化古靈山殿一燈明月
裏白猿松下坐聽經

無心雲鶴去來緣枕石松陰得晏眠衣上黃塵爭可
洗山僧爲指再來泉

名山抱牘氣何窮捲幔林泉入鏡中安得一州容我
傲魚尊便擬醉山公

錢塘百詠

六

貼地金蓮幾廢興江山無恙客重登佛家自有慈河
水九品誰參最上乘

七寶山前坎卦壇垂垂磐石奠還安鐵犀鎮水尋常
事勒石摩厓可是難

日月巖頭埋古翠董君詩句至今留謝家幽夢尋無
着芳草池塘寫客愁

迴龍橋轉抱青溪靈鷲當前翠撲隄暫借流清墜毛
髮林風蕭蕭竹雞啼

風裳水珮是耶非門外湖光水鳥飛曾記斷橋隄上
泊蘋花香襲酒人衣

齋厨鐘鼓飯千僧施捨三民設采繒選佛場中身可
上幾人心印證傳燈

眼前得失萬緣空瘴海茫茫路未窮放下屠刀便成
佛人間何事擾雞蟲

鳳翔迎骨古猶然關佛爭堪繼古賢任說商人能事
鬼青紅兒女擲金錢

粼粼門外水田衣寂寂茆庵掩翠微山徑無人禽自
下一僧攜杖共雲歸

蒼藤裂石裹莓苔穀雨新茶試一杯未得芒屨到南
嶽會看泉脈虎攜來

錢塘百詠

七

松巖高閣昔嘗遊多喜籃輿穩似舟一勺清風嘗法
雨桂花香裏滿山秋

清泉珠濺韻琤琮澗底真疑臥玉龍不羨黃華水簾
好數峯高絕畫春容

紫雲古洞森垂乳近日香山地作鄰相約烹泉佳士
共道傍敲火煮松筠

紛紛劉項總浮漚得失何心擾未休頑石無心自今
古當時曾繫祖龍舟

棲真祠地古雲林流水松風見道心一綫翠微亭上
路巖頭小住聽幽禽

大觀臺古屹城中顧盼關山氣象雄往日胡公曾駐
節平倭難沒一時功

投老黃冠作客星藥鑪丹鼎劇芝苓文皇御札籠紗
在遺跡荒涼禮斗亭

裙釵矢志冽秋霜巾幘鬚眉意氣昂一向秀姑墳下
拜巖間松柏土猶香

幽窗冷雨逼三更羅帶同心幾縮成一種傷心春草
色天公作意畫癡情

繞湖樓閣掩窗紗鎮日濃陰意轉除那有風懷說蘇
小碧桃花褪雨絲斜

錢塘百詠

八

幽境東陽昔已聞流泉夏玉瀉寒雲便呼漫叟茆亭

下韶濩雲山僕和君

螺旋古洞蓄烟霞入夢金身異代誇丹壁千尋題句
遍可無詩筆走龍蛇

赤龍白帝闕幽靈山色烟光分外青安得天瓢蘇四
海看君滿腹吐雷霆

洞庭仙樂奏鈞天金鼓聲從鑿石傳信有元音在山
澤魚龍幽怨泣冰絃

清談晉世解忘形元理誰傳抱璞經便擬移家句漏
住北窗高臥飯松苓

五丁鑿險未矜奇真信愚公山可移為語巖頭神運
石飛來或自古仇池

金莖仙醴挹天漿行樂宮中正未央痛飲黃龍君莫
問烏程美酒醉吳娘

米汁聊堪醉一杯穿林翠羽日徘徊綠窗幾換憑欄
客尚有清風簌簌來

南高峯對北高峯明鏡中涵黛色濃安得長虹跨橋
起仙人騎杖葛陂龍

陸氏茶經富采收風鑪高枕坐清秋露芽顧渚平生
福涼夢松陰試一甌

錢塘百詠

九

讀書臺古半莓苔奇字琳琅鑿璞開安得攜將三萬

卷此間面壁十年來

韜光庵裏竹千竿細路秋蛇曲曲蟠格磔幽禽飛不
盡泉聲攬入綠雲寒

一樣鈴山嗜古編蘭亭燈影寫蠶眠丹青容易淪灰
燼快意人猶爲木棉

格天一德邁伊周又見平泉起綠洲莽莽斜陽紅不
盡蟲聲如吊古時秋

何事山林汚佞璫等閒恭顯擅朝綱千秋特筆爲君
輩猶有王安與呂強

紅塵去住果誰真化鶴歸來物外身擾擾多生君自
誤鏡花應自悟前因

新居卜築自東坡十笏山堂冒薜蘿居士應尋大慈
寺夜深木客許相過

青城往事鎮堪憐金水盃來好墓田凋盡碧梧文鴛
冷耕人隴上拾遺鈿

鱗鱗波影上紅橋載酒香中倚玉簫落絮飄茵春似
海風流重憶小蠻腰

踈地垂楊織縷金紅亭花氣晝深沈瓜皮艇子人三
兩便擬攜柑坐柳陰

錢塘百詠

十

古寺從傳天福時白衣入夢事神奇仁謙能刻空王
像真面廬山果是誰

當窗山遠爭浮翠倚水亭虛不礙雲何必寄詞從翰
墨葛巾藤杖絕塵氛

江頭孤塔勢崔巍下瞰錢塘水一杯爲笑題名向京
洛龍山九日客多來

兩方先後據高城泥首金陵聽死生降表空煩詹鼎
筆英雄千古是田橫

金波花港躍修鱗從悟莊周物外身老向江湖問魚
樂漁竿釣具訪元真

百年勝迹費搜求曾繫錢唐江上舟一卷新詩風土
記西興山色滿高樓

錢塘百詠

十一

宗廟禮記

仁齋王同著檢

①

錢唐丁氏八千
卷樓刊于越中

上虞王文白工詩善苦吟與余交十年稱心相知每
詩成輒視余余甲乙其佳惡毛舉彈射無隱情文曰
降心從蓋將以余當聖鼻之斲嘗語人曰吾詩不經
馮先生較改則吾心不釋他人甲之吾不喜也傳曰
美疾不如惡石信然文白之虚心篤論如此一日倩
人寫其所詠錢塘懷古詩若干首與其友四人同賦
參伍雜書不署姓名余勞櫟而覆之不失豪芒而文
白詩常甲諸子夫伎心不怨飄瓦雖有褊心不怒虛
船之觸舟文白試余幾同糊名易書之用心若惟恐
余阿好而言不肖盡者文白能虛己以集益宜其吟

錢塘懷古詩序

一

苦而詩工也余因之有感焉昔酈食其勸立六國後
漢高以問子房不明言酈生而曰客有爲我計撓楚
權者良亦不問客姓名第云誰爲陛下畫此計者陛
下事去矣遂藉箸爲籌八不可此第就事論事無所
瞻顧乃得畢其辭一知其主名留侯人傑卽不黨私
誤公而周旋寮友遷就囁嚅亦人情所不免其能盡
言如此哉古人圖事揆策以濟天下之大務成天下
之大功機謀密深類如此文白渥斯術以精其用利
濟何有窮而今筭用之以論詩乃其緒餘也已少渠
馮景撰

詩結束結束而近窄則病詩轉轉而音煩則病詩翻
然翔翔而有息色則病此古今風雅中一大關鍵也
自漢魏三唐以下爲大家爲正統者指不多屈今讀
王君與其友倡和錢唐懷古諸作直能屈一時作者
之首真大家真正統也一日生過東郊坐長桑翠竹
下論從來詩統不至驚余言而余爲引其意已卯又
七月永嘉嘯翁彬遠氏拜筆

翠輦南來績懷禹志 天章雲煥禊想蘭亭顧燕昭
臺上多追駿馬之嘶韓信祠中盡豔烏騅之逝亦何
有事繁興亡人關忠孝者乎若夫生鄰代郡家住錢

錢塘懷古詩題詞

一

塘短歌慷慨如揮末厥之兵揭謂琳琅似仗拄頤之
劍付畱詎畫酒盡鴟夷抵詭遙瞻風鳴宰木登樓而
荒草夕陽結鞶而低徊騷屑一腔熱血亂灑行閒半
世雄心都藏字裏癸未皋月朔初居士丁文衡題
於乃清軒

錢塘懷古詩

上虞王德璘文白著

伍公廟

白馬忠魂不可招吳山遺構冷蕭蕭風生畫壁靈旗動浪捲晴空霸業消憶昔自應酬一劔至今誰復問吹簫秋高會擊叢祠鼓坐看錢江上早潮

嘯翁日高亮
不同凡響

秦亭山

在城北始皇東巡登望
海日後人因亭其上

秦皇何在只空亭歎息當年事不經繫纜祇聞看海日鳴鞭誰見走山靈雲生木杪江湖白天掛扶桑島

錢塘懷古詩

嶼青采藥有人期不返沙邱魂斷路冥冥

丁公銓曰
五六奇警

初陽臺

葛嶺西稚
川煉氣處

高臺聳翠出林巒早向扶桑拭目看一道白虹生碧海千重紫霧涌金盤未凌若木從啼髮欲翦明霞作曉餐此去蓬萊應不遠更何句漏乞微官

山公曰意
謂俱高

玉泉寺

南齊時神龍聽曇公
說法撫掌穿泉而去

碧潺潺處翠重重徑轉山鳴古寺鐘坐看寒泉生細雨臥聞清梵響疏松游魚撥刺爭銜藻老衲支離笑

倚筇指點池邊雲五色聽經曾此下天龍

山公曰清警
不減劉柳

表忠觀

浦金門
城陰

中原雲擾各稱雄獨建東南保障功何處高樓看疊雪只今古觀表遺忠魚龍氣冷靈衣碧鼓角聲沈落照紅湖口艤舟人散後蕭蕭猶起大王風

嘯翁日用筆
如秋空夏玉

放鶴亭

孤山麓林君
復放鶴處

不見凌空放鶴飛水亭非復舊苔磯天寒有客思華表月夜無人夢羽衣往迹臨風猶在眼縱觀當日自

錢塘懷古詩

忘機於今誰弔先生墓獨剩殘梅老翠微

公銓曰雅
人深致

宋故宮

府城南鳳
凰山下

鳳凰宮闕毀何年為憶南朝事惘然半壁定都猶號帝兩江非塹枉稱天樂傳方響呼鸚鵡塚失冬青哭杜鵑憑仗山僧指遺蹟野花開徧寺門前

山公曰工而不纖典
而切實必傳之作也

岳忠武墓

棲霞嶺下
樹皆南向

南枝颯颯起悲風石馬無聲冷露中勦力十年勞父子班師千載泣英雄旌旗影斷黃龍月笳鼓聲哀紫

塞鴻恢復不成和議定墓碑淚灑滿江紅

山公曰悲壯絕倫

孝娥井北司前忠武故宅內今為祠

露井荒涼舊院陰銀瓶曾向此中沈鐵欄字駁苔花
古石碣泥封蔓草侵斷綆不堪牽恨永覆盆遮莫抱
冤深一泓影帶寒潭月碧落黃泉夜夜心

山公曰雅卓

施將軍廟施將軍全於望仙橋謀刺檜今廟在眾安橋

北人歸北棄中原遂使孤臣死負冤一校尙能知仗
義舉朝何獨竟無言堪追國士橋名豫浪笑將軍首

錢塘懷古詩

三

擲樊河上只今遺廟在恨縈流水共潺湲

山公曰此之謂夏聲

照妝池在葛嶺涵清院院舊為秋壑別業今釋道並居

道院禪房半是苔猶餘賈相舊池臺笙歌夢破聞鐘
磬羅綺香消見草萊蟋蟀入秋人自鬪木棉何處鬼
徒哀只今一片無情水曾照花枝弄影來

嘯翁曰如畫樹石四面取之皆有天趣

東明寺在安溪建文帝手植牡丹至今猶盛

江山猶是一孤身古寺何年駐法輪鐘動那知三殿
曉花開都作六宮春國傳有統悲皇祖家難無辜泣

密臣此日荒村對遺像緇衣猶帶舊風塵

公銓曰直似畫龍點睛鱗爪俱動

錢塘懷古詩終

錢塘懷古詩

四

錢塘懷古詩和作

天都吳 鎮安遠著

伍公廟

一自君王賜屬鏤至今遺廟在山隅長廊葉捲秋風
冷古殿旗翻夜月孤社稷何曾終覆楚江山空自說
強吳忠魂莫作潮嗚咽句踐臺荒鳥不呼

慶忌塔

石塔山前塔已無猶傳慶忌有浮圖風鈴不見金觚
響月樹空浮碧沼孤公子可憐殘手足細人何事棄
妻孥請看虎阜吳王墓一樣春風滿綠蕪

錢塘懷古詩

五

昭忠祠

獨爭廢立血霑巾俎豆春秋祀直臣此獠任從呼撲
殺牝雞豈許竟司晨不辭瘴癘投荒徼忍使朝廷亂
大倫千載風霜猶凜凜誰言飛鳥自依人

鳳凰山

宋家宮闕已消亡徒賸空山號鳳凰芳草滿原嘶牧
馬江城一帶冷斜陽鏡懸明月妝臺廢塔聳寒雲寢
殿荒悵望冬青在何處杜鵑夜夜哭昏黃

錢塘懷古詩附錄

懷同里詩人王文白前輩

原注先生名德
璘有梅林集

錢塘李芝謹輝
詩友

卜築西城裏湖光近小樓梅花作詩句也費幾生修
淺山園詩集

景菊公先生詩集跋

仁和盧文弨紹弓
抱經

先大父書蒼公交友中最精風雅同輩所共推服者
兩人一為上虞王文白先生名德璘寓杭州先大父
割宅以居之其錢塘懷古七言長律凡若干題氣象
雄渾音節亮拔不落宋元以後格調余外大父馮山

錢塘懷古詩附錄

一

公先生為序之余篋中曾藏一本南北轉徙縑帙書
梘多為他人紛亂近檢之未得其後人不振復相繼
以死遺棄不可復問余卅角時已不及見先生以鄰
近故至所居見先生小影四周皆有題詠先生夫人
亦尚在計此時訪求尙可得而童年見不及此至今
恨之一為同邑景菊公先生先生垂歿盡以其平生
著述授余師桑叟甫先生先生為版行其詩八卷而
為之傳以著其人菊公可無憾於泉壤也已

文白與余爲至戚知其素履最悉家本宦裔因往來
南北無暇治生遂致中落文白絕弗介懷讀書愈力
而於詩尤酷愛焉上下漢魏沈酣三唐名噪詩苑者
久矣而文白謙謙若弗及懷古十二律偶於樽酒論
文時相示見其體格高超音調宏亮迥邁尋常羣爲
擊節歎賞夜光連城終難久掩相勸付之剞劂以公
同好想緇衣之慕人有同然必爲有識者所欣賞也
至文白附刻其亡友詩愈以見其朋情之厚矣海昌
弟陳慈永跋



北 錄

隅 掌

平江姚孟起書



光緒辛巳錢唐丁氏梓

聞之君子居官能大余謂居里亦然蓋一里必有一里之文獻爲當時所彥詠者非得居是里之賢而有文者爲筆之於書則君子之澤鮮不至五世而斬也余家于北城者五世矣余年亦周花甲身爲天民之窮固不敢當賢而有文之目然里中先哲有得諸傳聞者有得諸親炙者每一溯洄已在彷彿之間倘及今不志後之人或且有罔聞之者矣爰就所聞見都爲北隅掌錄兩卷因識文獻而坊巷寺院牽連及之曰北隅者謂唯是一隅之舉耳曰掌錄者謂亦惟是傳舊而已非敢無知妄作以取僭竊之罪也道光丁

北隅掌錄 序

西十月扣翁黃士珣自序

師扣翁姓黃諱士珣錢唐人尊父相圃先生多譔流有譽聲師幼奉過庭稍壯則敖遊於四方當代之掌故與夫鄉曲閭井傳語流言無不悉意關情博聞強記故一時賢士大夫欲有所考校折衷將必奔走咨諏於師門師世居郡之城北隨筆錄事周詳悉備編成北隅掌錄二卷

熙朝萬壽亭爲弁首末附其家世之清白彥詠雅集之盛雖曰識小亦具體大焉昔厲徵君居城東作東城雜記二卷伯兄小米曾刊而行之蓋士人載筆升高能賦山川能說一里一邑傳習其所聞見賢者之

北隅掌錄 序

二

用心大抵如斯今師範渺矣鯁鯁然常恐其言語文章忽焉泯滅而郡縣之文獻有不足徵信採擇此不獨辜負師心之苦深抑亦居是鄉者過也遂謀寫清本以授梓人尙有詩古文辭其孫萬里藏於家同邑門弟子汪邁孫謹序

北隅掌錄目錄

卷上

三十條

卷下

二十六條

北隅掌錄目錄

一

北隅掌錄卷上

錢塘黃士珣扣翁述

萬壽亭

康熙二十八年

聖祖仁皇帝南巡

詔闕今年田租賜八十以上者粟帛七十者免本身徭役廣各府州縣考入童生各有差萬民嵩呼建亭

以祝

無疆之壽

小北門

北隅掌錄卷上

小北門宋天宗水門也在小新橋北其水道闊三四尺自小新橋直北穴城根而通舟楫城有石礎可登上建窩鋪五間派滿洲駐防兵把守其門自城外觀之高一丈二尺闊一丈四尺左右各有將臺兩臺相去凡十丈左臺縱二丈五尺橫四尺臺西即城根穿出水道闊與城內相等深則丈餘此實元明以來出水之故道也右臺縱五丈橫四丈臺旁正中有門穴東西洞達門圓形兩面皆高七尺闊一丈入門不數武地漸低約深五六尺更進則其中十分之三兩旁磚直砌如壁頂亦高敞平正不解當日是何制

度也正門背南面北濠即古之泛洋湖隔岸為六伏

禪寺余姻丈蔡木龕焜目驗而記之如此按咸瀆臨

安志北城水門二曰餘航出清湖曰天宗出鹽橋仁

和縣志元末改天宗為陸門一名小北門又增設北

新門與故有之餘航水陸二門為門凡四明初塞天

宗北新祇留水陸門各一並曰武林

老澤洞

明東吳都印三餘贅筆浙中人家水溝多用陶瓦如竈突狀名曰澤取其流通不壅滯也今八旗兵教場後城根有老澤洞俗誤為老人洞水穿城而出入于

北隅掌錄卷上

二

新河其地宋時近九曲城元末張氏改築水道仍而不變故稱老澤洞而其東北隅別鑿一道使東行以分洩于小斜橋河且建水德院于其上為新澤洞云其歸老澤洞之水一自祖山寺後有古溝橫教場之中水西抵城根乃折而北注近洞處深廣皆丈餘巖然大谿其北則菱田彌望絕無居人水南趨與前溝水合每春夏雨甚時聲如雷鳴亦城中希有之觀也

祖山

祖山古虎林山也咸瀆志虎林山在太一宮高士堂後有小土阜上有亭曰武林或云一名武林山道士

楊至質謂錢氏有國時此山在郭外異虎出焉故名
吳音承譌轉虎爲武耳樓鑰題太一宮武林山贈易
高士詩易居求賦武林山日困塵勞無暫閒我求挂
冠欲歸去念此詩債須當還武林山出武林水靈隱
後山毋乃是此山亦復用此名細攷其來真有以天
目兩乳到錢唐一山環湖萬龍翔扶輿磅礴擁王氣
皇居壯麗環宮牆湖陰一峯如怒猊勢臨城北尤瑰
奇吳越大作緇黃廬爲穿百井以壓之從來有龍必
有珠此雖培塿千山餘中興南渡爲行都崇列原廟
太乙廬曾因祀事來登眺闐闐塵中有圓嶠薰風時

北隅掌錄卷上

三

來洗袪暑綠樹陰陰殘照我得暫來猶醒心羨君
清福住年深長安信美非吾土倦翼惟思歸故林是
宣獻以爲靈隱武林之餘脈也西湖游覽志壽聖寺
在虎林山上舊名長壽在東青門外永樂十二年爲
潮水所侵徙建今所得廢聖壽院故址遂以名焉內
有大井合抱銀杏皆宋物也而殘碑斷碣傾仆草中
磨滅不可讀矣俗稱祖山寺

演武場

演武場在錢唐門內北游覽志宋時景靈宮及錢唐
縣治故基元時改爲教場周廣三百一十六丈姚靖

增修游覽志云今則半爲民佃矣中有演武廳其後
有神廟蓋舊貯軍器火藥之所也今則復建火藥
局于後矣廟貌肅清祈禳踵接至六月二十三日神
誕燈彩交衢士女闐溢香火之盛城中無有踰此者
接景靈宮以奉祖宗衣冠之游蓋漢原廟之遺也咸
淳志在新莊橋今呼教場之西卽劉光世家所獻賜第
基爲之後復益以韓世忠家所獻賜第有蟠桃亭流
盃堂跨水堂四并堂梅亭橋園諸勝

龍興祥符戒壇寺

元黃文獻公潛記略云杭州龍興祥符戒壇寺梁大

北隅掌錄卷上

四

同間郡人鮑侃捨宅以建也初名發心至唐而更其
號曰衆善曰中興宋制諸州咸立大中祥符寺而茲
寺例賜新額寺蓋律制故有戒壇今遂合而稱之曰
龍興祥符戒壇寺云按圖志寺基廣袤九里有奇其
子院有千佛諸天二閣而戒壇有院又有鐵塔及大
小石塔清補志小石塔二在寺門裏及黃六家錢王九百九十眼井寶
靈芝大智律師受經之地觀眉山蘇公南豐曾公上
元所題紗籠銀葉錦帳紅雲之句其規樞之宏闊盛
麗可知也建炎南渡金人擁重兵薄城下城陷寺毀
而地入于官因斥爲御前軍器所民居往往錯峙其

間存留西南隅以爲寺宋社既墟寺亦鞠爲荆棘瓦礫之場至元二十一年中庵吉公令其徒請于郡府願入錢僦地仍置僧坊以續香火事下有司覆驗得鐵塔一石塔二古井九與圖志合乃給券書悉以其地五十九畝九分歸于本寺二十五年江淮福建釋教都總統所被上旨凡故所有寺而今弗存者俾復爲寺于是祥符始得蠲其歲所入錢而以地爲寺之永業爰舉敬堂恭公以爲住持既蒞事卽叩已橐得錢數十萬緡召匠簡材百堵皆作遂爲一郡之大招提至治元年恭公告寂秀公以重紀至元之四年來

北隅掌錄卷上

五

補其故處作輪藏覆以大厦而函經以實之設十八阿羅漢及律宗及祖之像且作別院于城西以祠恭公謂恭公起廢之功久未有述乃伐石來徵文以爲記云云蘇文明張尙美重復古尊勝幢貓兒庵觀音三昧井探索徑山國一禪師眞身塔緣起云唐國一禪師爲徑山開山元祖考徑山志師末年順刺史之請居州之龍興寺及將示滅于龍興先期三日告衆曰當葬吾于南庭隙地勿封勿樹恐妨僧徒菜地等語德宗追諡貞元大覺禪師賜其塔曰天中至天復中錢氏列土許思兵亂發塔見二缸合藏肉身如生

髮長覆面士卒悚拜而去吳越王以厚禮重葬于舊塔因是人始知師全身不散之塋的在于龍興矣但不知龍興終屬何所近郡城祥符寺之前民居有古石尊勝幢一座向隱牆塹中故無聞焉茲緣住者不利徙去空室幢露一時里人喧動隨喜瞻禮者街填戶塞閱其鐫文乃梵僧波利佛陀朝五臺山過曼殊大士命所賣來尊勝陀羅尼經并序文在上豎建于唐開成二年後復題頭陀僧處道重修內有舍利五十顆琉璃瓶盛等字查此寺肇始于梁大同二年爲邑人鮑旒捨宅所建初名發心唐貞觀中改衆善神

北隅掌錄卷上

六

龍元年改中興三年復改龍興至宋大中祥符始易今名臨安咸淳志國朝成化府志並同石幢之南有貓兒庵基乃鮑老捨宅後所棲之故地至今載入輿圖不沒良爲鮑老願力不磨所致中有觀音三昧井存焉按是則今之祥符卽古之龍興無疑矣又攷唐相李吉甫碑銘亦云師初自徑山徙居龍興寺順化于貞元八年壬申十二月二十八日明年二月八日奉全身于院庭之內尊遺命也建塔安神申門人之意也則徑山志所載葬吾南庭隙地勿封勿樹之說益證矣又宋大智元照律師法界相記載餘杭郡龍

興寺者自梁大同二年創建迄唐貞元中爲大覺樓
眞之地皇宋大中祥符初復易今額則祥符之卽龍
興又無疑矣嗚呼龍興有據則國一大師之全身缸
瘞可訪也祥符舊志寺基廣袤九里有奇悉爲軍民
廬舍惟僅存西南一殿址耳卽寺前之尊勝幢其湮
滅于民間已久何得不與九里之基同廢而巋然獨
存者豈亦將爲國一大師藏眞之塔必有時而見乎
矧吾武林夙稱善地獲斯古蹟重彰凡忝列法門者
甯忍坐視今幸產主願聽召價取贖仍還三寶不結
一業則與八吉祥六殊勝之地無異但價須百金力

北隅掌錄卷上

七

難獨舉用取舍利五十四顆之數先發小簿五十四
本每額化銀二兩凡領簿者隨緣勸化分銖不論積
滿額數爲止惟願隨寫隨收以濟急需幸勿怠緩沈
閣今當重復之際已瞻尊勝幢興更俟緣成之日再
觀大中塔現故略敘其始末如此崇禎九年歲次丙
子佛歡喜日雲棲弟子廣恬張尙美述復古會首聞
啟祥陳昌遇王克家方杰沈孟諸張尙美右文今藏
龍興寺中
今則寺分爲三祥符尙稱律寺龍興僅爲小庵在祥
符橋對門石幢在焉戒壇在金雞兜南庵丁龍泓先
生獨游龍興寺詩云洒壚蔥肆幾騰蒸市井中間闕

佛燈祇有詩人諳着眼對橋門榜認龍興又寺後高
樹婆娑隔垣可望沙彌言祥符寺內樹也因言先有
龍興後有祥符蓋承其師語云爾但鮑老因緣未知
尙能悉否再賦一律云瓜分古寺感蕭梁塞霧回標
疊宋唐穿蟻游人咏蘇老驪鴉貴女降錢王塔埋鐵
劫消寒影井徒銀幹又夕陽惟有石幢肩佛日萬人
爭覩玉毫光又歸途過鮑公古社當卽蕭梁捨宅人
也以一絕記之云支河岸北石幢南聞有貓兒舊日
庵鮑老精靈呼欲出數千年是護伽藍

尊勝幢

北隅掌錄卷上

八

石高五尺六寸八面周廣六尺四寸額題篆書佛頂
尊勝陀羅尼微妙救危濟急之寶幢十六字文每面
十行惟第四面十一行前刻經序行書徑七分後經
文題記俱正書徑六七分不等是幢建于唐開成二
年建主鄭徹同建造僧宗亮同公黨造幢吳中則處
士胡季良書都料匠吳興沈郁弟咸刻字其後又有
大中五年及後梁乾化五年宋道祐八年明崇禎丙
子年 國朝順治乙未修幢諸記幢座間刊姓名三
列當是開成間施主題名今大半剝蝕矣宣和書譜
載胡季良工行草字體溫潤有秀穎之氣乾隆戊寅

季冬先君子同吳西林穎芳陳雪廬樞倪嘉樹一擊

厲層雲志齋周亦庵駿發蘇展亭許堂郁陴宣禮王

繩玉元琨諸先生從伯蘅洲杜往觀以意盡無會處

功深有到時分韻各賦五古以記之西林先生得深

字詩云葛榜靈隱山褚書瑞石岑烟雲忽變滅真迹

不可尋有唐胡處士墨妙鐫璆琳龍興得勝幢開成

垂至今朋儔興勃發嗜古如書淫殘年撥百事獨向

空門闖破殿轉檐北拔地高嶽崆八稜桃木及二仞

蓮花簪蕉葉羽勢矯火珠頂相森藥叉隨跂跪散脂

持鉢椹羅列狀貌惡擁衛神鬼欽歲久客土積踵趾

北隅掌錄卷上

九

嗟陸沈誰歟權剔淨琢石爲坎窞觀之動神魄膜拜

伸寸忱迺推捷足者騰越細撫掃漫若月隱霧朗則

天壤曩泥塗走寒蚓孔竅鑽書蟬龜胸垢康瓠蛇腹

斷古琴紐結原憲襦摺裂天吳衾濤挨粗繭滓滑摸

熟劍鐔詳求面貼薛擬議指畫襟逢艱噤快舌印是

歡羣心鈎形翻罔罔測義嘗駸駸貫穿百華易增證

一字禁目勞輩遞矚意別人互箴唾癡俗冷笑訝怪

僧私腹開風續造詣闕市來噫歎須臾畢條貫臆錄

俱陳厥遺珠罔兩得逸免韓盧擒文從既字順經整

亦緯絰因緣波利事秘密牟尼音危機鎮崇岳業火

澆甘霖商量事印搨鑄取思摹臨三藏檢譯貝八法

詳懸針吳興志詳載同此功德林宣和譜旁考紀述

堪探揮辛瘡篆額德本題碑陰豈惟楊李並兼與

顏柳參又知藏舍利六九聚豆陵光色斂幽闕罅隙

爭窺觀其時迫凍沍慘凜雲日露微臨寒淅淅遠林

清悒悒惜茲最勝刹汗葦相陵侵頽牆圍陘陘枯蔓

紛灑蔘影臥荒月黑額染炊烟黔但覺棄若屣誰爲

寶如琛險將取擊礮幸不隨敲砧臭帑溷廁逼香火

鐘鼓瘖蹄迹付伺大叫嘯唯飢禽當春蟻緣脊抵臘

鼠穴深塵應街風扇洗用暴雨淋褻橫挂巾服腥響

北隅掌錄卷上

十

櫟釜鬻鄰娃肆訑市僧對酌斟內蝕生獅蟲外奪

逢宵王函中猛吐燄地上重布金象教力猶替吾人

脆難任興極悲思集暝色催長吟此詩未刊入臨江

于越明年已卯復奉丁龍泓先生往觀并拓其文以

歸先生爲作石幢詞其序云已卯立春恰逢人日里

中鮑秀才延博郁秀才禮倪生一擊周生駿發黃生

模棠厲壻志齋同游龍興寺觀唐開成二年處士胡

季良所書庵羅尼經石幢黃生爲予遣工檀蠟墨本

小出湖干一探春意斗焉雪作回飲黃氏琴趣軒各

賦七言近體諸生請爲此幢作歌乃牽綴是日情事

記之凡一百又八韻

詩載現

并手書長卷以贈今藏

于家庚辰初秋重過祥符寺觀陞羅尼經幢用題中

平聲字分韻先生幢字韻詩云小立鋪經地重看古

石幢勢撐塵劫外影接妄心降

原注經云得口此幢之影即蒙福祐無量

舊物欄移井

井中觀音三昧

高禪塔覆缸溯初思願

力呼寺合如江

永樂蕭山縣江寺以江淹捨宅名茲寺乃蕭梁大同二年里人鮑侃捨宅

者又黃生請用庚字韻再作云昔僧迷某甲故道昧

夷庚再訪從事迹彌深望古情園中高樹直門外遠

山平信有人天果孤幢賴佛撐是日同游者嘉樹丈

得觀字韻亦庵丈得辰字韻凌仲梅丈

汝調得經字

北隅掌錄卷上

十一

韻層雲丈得初字韻展亭丈得尼字韻陞宣丈得過

字韻茅在之丈

德芬

得羅字韻倪小迂丈

印元

得陀

字韻姚春漪表丈

思勤

得重字韻從伯蘅洲得祥字

韻先君子得符字韻叔父思蔭得秋字韻又甲申十

二月龍興寺為鄰火所燬惟唐胡季良書陀羅尼經

石幢屹然無損予曾為此幢作歌事後往觀歎佛力

之彌堅喜善緣之不闕因吟四韻用慰餘生一火俄

教盡萬椽地中三日尚浮烟市空直歎人災烈幢在

方知佛力堅俗駕何曾諳擊埽

原注章蘇州石鼓歌既擊既埽黑白分

良材枉自極雕鐫幾時客有如歐者下馬軒眉此布

檀此詩可為掌故而刊硯林集者顧削之因錄于此
手書炷牋亦藏于家

九十九眼井

咸清志山川十六祥符寺井吳越王開凡九百九十

眼後為軍器所墮塞今僅存數井寺觀二錢王九百

九十眼井今存者無幾並云九百九十夢梁錄同而

淳祐志則云有井九十九眼洪武杭州府志

書今不傳見承

樂大有錢王所鑿九十九眼井成化志同按此係咸

淳志誤而夢梁錄承之淳祐洪武成化三志是也讀

樓宣獻武林山詩云吳越大築緇黃廬為穿百井以

北隅掌錄卷上

十二

壓之尤為顯證矣今寺後有百井坊巷當從此得名

十國春秋寶正六年浚中興寺戒壇院井井九十九

眼號錢王井則九十九是眼數非井數明矣

十寶

錢王有外國所獻頗眩伽寶其方尺餘其狀如水精

云可厭十里火殃乃置于龍興寺佛龕中餘杭數回

祿而龍興不可近也有盜嘗焚其殿柱木悉灰燼而

烟焰竟不熾自唐至宋寺中凡有十寶此其一也見

隨手雜錄錢王如曾降香此寺施捨龍乳簪亦為十

寶之一吳穀人丈

錫麒

癸巳正月十三日先君子招

爲之謂之三狀元局中謂之期集所按咸淳臨安志別試所在大理寺之西舊在貢院右淳祐十二年令臨安府別創乃斥軍器所萬全指揮營空地爲之宋俗第一第二第三皆呼狀元是日迎出便入局大魁入局便差局中職事一一由狀元點差牒請糾彈牋表小錄掌儀客司計掌器掌酒果監門多者至五六十員少者亦不下四十員視事官送牒例者皆二十初第人皆喜入局得陪侍三狀元與諸同年款密他日仕途相遇便爲傾蓋常例五日一會食否則日中有酒杯點心果子二色局中職事雖多入局而食者

北隅掌錄卷上

五

常半之食罷出入無妨三狀元常宿于局中不可出宿于外月餘而罷局三狀元入局五日職事官入局局中以職事官名申臺部十日後正謝越二日拜黃甲于貢院越四五日赴國子監謁謝先聖先師越三日局中職事官下湖運司做二大舟局中連三狀元凡七八人分坐兩舟酒數行借張侯之眞珠園散步侯家亦有餽焉其例也薄暮艤舟于玉壺園而竟席越十日引正奏各黃甲士人射上自按試于講武殿次日賜聞喜宴于貢院畢宴退皆簪花乘馬而歸都人皆避以赴御宴回也次日局中自用錢作期集所

會正奏各皆預焉亦就貢院爲之越十日集注並詳著錢唐遺事中

小橋

祥符橋東有橋曰小橋卽潘葑庫橋也咸淳志潘葑庫橋在潘葑酒庫前碧香諸庫有潘葑棧庫在禮部貢院對河下外有潘葑庫在常州無錫縣按宋時酒庫有正庫有棧庫其曰潘葑棧庫者蓋潘葑之酒棧于此庫也資治通鑑後梁乾化三年吳越王鏐遣其子傳瓊傳璟及大同節度使傳瑛攻吳常州營于潘葑胡三省注今常州無錫縣有潘葑酒庫葑音封讀

北隅掌錄卷上

六

史方輿記要潘葑鎮無錫縣西北十八里又北十二里曰洛社市刻夢梁錄者訛作潘封失其義矣

閣板橋

咸淳志貢院橋禮部貢院前夢梁錄懷遠橋之西曰貢院橋趙氏仁和縣志今呼閣板橋以橋心但用丈許大紫石一塊兩頭跨街處亦然故俗有此稱姚靖曰余幼時及見橋柱貢院二字鐫款又按咸淳志元眞觀在禮部貢院西唐景隆觀也相傳錢武肅王患目禱而愈遂改錢明宮今貢院橋下小石碣紀爲錢明宮寶刻叢編載其文曰吳越王寶正六年歲次辛

卯四月八日因建錢明觀造此石橋吳越王建題其
梁云云誤矣

皇親巷

皇親巷在闕板橋東祭酒吳穀人丈皇親巷邵家園
歌云城西落葉飛如雨切切陰蟲啼菜圃比屋難尋
列戟家居民只賸淘沙戶荒池闐然不逢人斷井頽
垣迹已陳爲訪前朝徵故事頗聞古巷住皇親皇親
舊是小家子有女深閨嬌莫比得價甘拋在掌珠入
宮安問還鄉水才華絕代動君憐幾暇聽吟紅藥篇
位進宸妃承寵渥封加孀子受恩先祇愁身閉葳蕤

北隅掌錄卷上

七

鎖眼看宮槐黃又墮日影空隨鴉翅翻天顏罕遇羊
車坐烏蟾變換幾朝昏龍衣親拜娘娘尊去國思親
悲帝子眼花頭白見神孫外家尊禮踰前世一脈金
張競奢麗御翰親題堯母門帑金催建宜城第車如
流水馬如龍填咽通衢軟繡濃家恃高明忘鬼瞰表
修恩澤拓侯封明年詔起西湖墓漆棺入地三泉錮
黃昏路黑閃魚燈白日雲寒迷宰樹西風容易過繁
華沁水田園屬那家隴上已栽楊惲豆路旁誰問邵
平瓜卽看歷劫山河壞轉燭興亡同一喟泣別盤先
銅狄傾負恩塞亦盧龍賣辛苦池臺幾載營一朝狐

免竄榛荆每來喬木風烟裏如聽名花歎息聲當時
聞道推恩重嬋娟不許江南供似此婆心造福多尙
應佛號焚香誦遺澤曾無五世垂烏衣何處問門楣
飄零金埒銅溝夢惆悵山樞蟋蟀詩毛奇齡勝朝形
史拾遺邵貴妃者昌化人興獻王母也父林洵沙軍
杭俗軍衛多貧人無業取民屋旁沙淘之得金以易
食後凡淘沙者卽非軍亦皆以軍名之生一女鬻于
杭鎮守太監太監愛其慧爲授書讀唐詩詩餘數千
首稍長有顏色知禮太監攜還京會中官選掌禮嬪
妃應選時萬妃妒甚妃托微疾居外室未進也偶夜

北隅掌錄卷上

六

坐自詠所製紅藥詩憲宗過聞之大喜遂召幸成化
十二年册爲宸妃二十三年進貴妃生三子一興王
祐杭一岐王祐楡一雍王祐標興王卽睿宗也興王
之國妃不得從興王作思親詩上妃妃荅之正德十
四年世宗繼大統妃老矣尙在宮目盲喜其孫爲皇
帝摸世宗身頂至踵乃推本所生越舊制進稱皇太
后乃封太后弟昌化伯太后嘗曰女子入宮無生人
樂飲食起居皆不得自如如幽繫然後選女入宮
毋下江南此我留大恩于江南女子者也江南人家
亦幸無以丐恩澤送女子入宮當時皆以爲良言太

后姪姪字喜既爲昌化伯一年卒子蘭嗣五年又卒

無嗣其族人爭襲下吏部議胡世甯請罷封爵加恩

澤不報久之特旨令其族人杰嗣伯又久之革去朱

國禎湧幢小品曰皇祖母孝惠皇太后邵氏知書有

容色州兵家女也年十四聘者七人皆死一指揮聘

之已上馬迎矣墜而死其父充漕卒攜至京師成化

中選入掖庭居別院未得進嘗賦詩曰宮漏沉沉滴

絳河繡鞵無奈怯春羅曾將舊恨題紅葉惹得新愁

上翠螺雨過玉階秋氣冷風搖金鎖夜聲多幾年不

見君王面咫尺蓬萊奈若何此詩明詩詩成徵吟憲

北隅掌錄卷上

充

宗步月過院聞而異之遂召幸焉生興王是爲睿宗

獻皇帝生世宗世宗既正大統時以貴妃在宮中尊

爲壽安皇太后元年十一月崩上諡孝惠其弟喜封

伯欽賜爲其父造墳杭州極壯麗費可十餘萬所稱

邵王墳者是也今子孫貧貨石築十錦塘已蕩然矣

二說不同朱氏以明人紀明事當得其實按太后父

林母楊氏初厝北山青芝塢嘉靖十八年敕葬于南

屏之原法因寺基建發祥祠祀之墳左側地產蠶豆

顆大而味鮮杭人呼皇墳豆清波小志康熙辛巳盜

入冢中止及外層爲行人所覺驚散地方聞于官時

邑侯王公毓美親至蹋看命掩其穴近聞卽邵氏之

裔不肖者爲之也聞之故老云太后爲貴妃時憲皇

問何處人奏曰錢唐人卽命內監至杭訪問不可得

復問后曰我家門眷是天長寺僧訪之便知所在蓋

門眷杭人家家有之如有凶喪其僧到門誦經所謂

應赴長老是也禪宗記瑜伽僧衣蔥白瑜伽僧卽今

應赴僧也大清律例作應付或亦作應副人家歷代

宗支祖先名號皆有冊開載久而不忘至是如其言

訪之果得

願圃

北隅掌錄卷上

辛

顧侍御豹文字季蔚號且庵順治乙未進士除真陽

知縣行取擢御史奉諱歸里遂不出舊第在竹竿巷

又得近巷廢園建小圃與二三老友商略經史名曰

願圃毛先舒作記略曰武林城街北斗折稍西入曲

巷曰皇親巷昔世宗封昌化伯邵鑑名與形史拾遺異居此

故名之也巷故有廢地周袤廣闊故老相傳是伯第

遺址後數年而海昌光祿卿葛公築而園之土人蓋

呼葛園舊矣又久之園仍圯今願且庵侍御復購得

半址啟闢荒穢疊石穿池構亭榭藝花木佳境大豁

題之曰願圃取遂其初服之願云此文不載本集見仁和縣志遂

安毛際可重九願圃宴集記曰康熙癸亥秋予以修通志留會城節屆重九同人集于願且庵侍御之願圃八門循曲徑行風味蕭淡稍前清泉奇石左右映帶大率會城自一二支河外所乏惟水茲則伏流所滙沮洳澄泓其窪處鑿地爲池俯以軒廊聯以略約其中廣者爲堂聳者爲閣凭者爲檻峙者爲亭布置疎密出人意表余短于目而拙于記足所已經循環復至雖數畝之宮幾以爲千門萬戶也時芙蓉未謝濯濯水湄密樹修篁青蔥蔚鬱有老梅數株忽舒新萼池上疊石爲山笏列劍拔瓊缺環圍登覽之餘

北隅掌錄卷上

三

或選石而坐其翬屐少年則披磴攝險歷數峯之巔而止余頗饒濟勝具追逐其間齒髮自覺衰暮矣嗟乎昔之賦悲秋者曰登山臨水送將歸而唐詩九日登高每多悲涼之況今者固陵姚水諸子家隔大江余又居嚴陵上游然良辰勝友縞紵相將而動忘羈旅之悲豈非大快況此地爲葛園故址相傳葛光祿與其姬人泛舟之處光祿旣以詩名而是庵夫人繪事臻逸品一時文采風流猶可想見乃侍御盛年服官蹇諤特著未幾而急流勇退歸休巖壑家無聲伎之奉惟日與名流高士飲酒賦詩醉墨淋漓動滿襟

袖方之前人甯不更勝哉遂有感而筆爲之記安序堂文

養濟院

養濟院其初爲仁和縣治明洪武八年建院于此計屋四百間今院之大門外有碑陷焉爲仁錢二縣官桑園記其略曰萬曆丙戌秋月以養濟院隙地五十畝有奇種桑若干株補院中衣糧之不足爲紀其事以告後之守令公移詳碑陰餘多漫漶不可讀視其碑陰則本沒字也院中有廟堦像冠帶儼然有碑題曰待封官桑園土地卽養濟院沈七太保之神位

北隅掌錄卷上

三

相傳有里人沈姓行七者掌司院事能善遇諸孤老衆感之歿而祀爲院中土地云正月十六日爲其誕日每歲絃歌燈彩竟夕喧闐一方士女雜沓縱觀曰望孤老此俗不知起自何時蔡木龕丈曰官桑植于萬曆十四年其碑上題官桑園土地則沈七太保乃萬曆後人矣院中瞽者悉皆爲三絃唱南詞沿街覓食謂之排門兒按西湖志餘杭州男女瞽者多學琵琶唱古今小說平話以覓衣食謂之陶真大抵說宋時事蓋汴京遺俗也若紅蓮柳翠濟顛雷峯塔雙魚扇墜等記皆杭州異事則又近世所擬作者觀此則

其俗習已古矣

長壽庵放生池

長壽庵在 萬壽亭後中有放生池乃萬曆時雲栖蓮池大師募購古伽藍廢址爲之師自爲記勒石池上池方而長大可數十畝魚長三尺者以百計一二尺者不可勝數客過必投餅餌飼之故聞人足音或拍手呼之卽遠近奔集羣浮水面朱碧青黃燦若霞綺方廣尋丈間幾不見水此惟西湖清蓮寺差堪比擬他遠不逮記曰西湖古放生池也法久而做實凶名存做之久而安焉恆產乎水族併迷其名若罔聞

北隅掌錄卷上

三

者歲在乙未予演圓覺于佛國山之南屏南屏故有池當其三門一時主會諸名公捐貲贖而出之植蓮其中斷漁業人由是知放生池爲武林舊事旣而予復鑿池上方旣而北門有園園有池復贖之園距上方南北相望者半拘廬舍而城之內有二放生池矣頃予碑上方謂以是爲之先兆且引而蔓延之顧予德微年衰不足以風未知繼此而興起者更幾池也上方苦隘僅爲池餘少叢竹羽蟲之獲迨其生者聊以依止茲頗閒曠池聯比擴之則濺然成浸水涵而土出壘之則隱然成山循而界之則幽然成徑相其

宜而樹之竹木則鬱然蔭而成林將使嚶嚶洋洋樂而相忘雖無由擬飛泳亭之萬一而猶冀想像其遺蹤則上方所不逮也園以東爲興福禪院養濟昔號昇田聖王賢臣哀憐民之顛連而無告者設也今之因憎餌伏質于刀砧必不可逃而待烹其無告尤甚賢而畜之池縱之林俾永保殘壽悲孰甚焉佛示之福云慈必不殺而五福于箕疇爲其最瀕殺而重壽之福孰加焉天地之大德曰生舜之德曰好生一而已上清下甯侯王所以配兩門之久長貞萬物之壽命恆于斯得孰加焉儒道釋三聖人之偉績鼎峙夫

北隅掌錄卷上

四

三方若瓊拱然而園介乎中是曲阜之仁里摩竭之慈室西華長生葆真之靈宅天合而冥鄰也豈偶然之故與夫救生之滅也而有生求其生而未嘗生也而無生然後無不生則生滅一生滅一則福興于無想悲濟于無緣福不可得悲不可得一亦可得唯法性常住不斷不續同于虛空彼梵網以放生爲常住法常住者金剛身無量壽也廼庵其園曰長壽而園有荒廬數楹飭治之爲供接引導師及當來慈氏尊像蓋津梁所放一切含靈先生安養息輪迴苦後于龍華而得授記也廬止是無增多以淨戒僧守之守

之之方具如上方記中語時里之父老聞予言前執
予手歎然大息曰園之源吾弟知之矣吾法及見二
禪人居焉向稔其古爲伽藍而業已蔬圃莫返厥初
吾何圖重睹今日也是役也始其事者予與化卿宋
君而諸上善人樂助而成斯美利者得例書碑左云
萬曆二十八年歲次庚子佛誕日受菩薩戒弟子雲
栖寺沙門祿宏撰

宋臨安府在城興福禪院記

碑在城北興福寺陷置壁間正書二十四行行四十
九字篆額八字宣義郎前江南西路轉運使幹辦公

北隅掌錄卷上

圭

事劉莊士文朝散郎主管建甯府武夷山冲右觀周
邇書武功郎閣門宣贊舍人兼德壽宮幹辦事務劉
承堅篆其略曰興福堂上慧觀公諱師肇字先之本
秀之華亭繆氏子四歲出家來虎林初從淨住普明
肆台宗大部移錫天竺獨步于大法師玉慧覺之門
左丞相薛公昂鄉先生也與時爲忘年交凡室之長
少間有所苦師掬水令飲罔不痊損或歲虞旱潦民
遭癘疾恪戒禱請悉獲昭格丞相請諸朝錫紫方袍
厥號慧觀既思顛祖崇楚苑三十有六所將卜肇基
之域開最勝福田丞相曰余有花藥小圃去仁和縣

治之北一俱廬舍自方可五千五百餘弓無諸邱坑
地平如掌松篁環衛風露涓涓蓋爲勝絕師乃結廬
于此榜曰擇勝焉紹興丁卯大師循王俊爲建園通
懺堂節使劉侯懋再新雕鑿靈感觀音像一壇充德
壽貴妃丙午本命長生道場請移興福古額揭于茲
宇其嗣智韶建三門廊廡鴻鐘之臺法寶輪藏營別
殿宅西方三聖龕淨土七經天龍部屬森介壁間塗
金暨碧烜赫照耀爲一方之鎮諸孫慧勤慧常義欽
糾合豪右圖住世應真位置周阿峯巒峻峙怪木盤
結烟雲杳靄之際如覺天橋聖燈炯然在目云云時

北隅掌錄卷上

圭

神宗消熙辛丑夏六月二十有九日當院住持比丘
釋智韶立石開封杜友聞刊厲徵君鵬跋云劉莊士
周邇劉承堅字里俱莫攷按宋史薛昂杭州人登元
豐八年進士寡學術初附王安石後因蔡京進仕至
尙書左丞門下侍郎與朱諤林攄余深始終附京至
舉家爲京諱犯輒笞責昂嘗誤及卽自批其口朱弁
曲洎舊聞云薛昂肇明和駕幸蔡京第詩有拜賜須
臾應萬回太學呼爲薛萬回京子條鐵圍山叢談稱
爲薛八丈昂之人品猥瑣調佞見于正史稗乘者如
此記中猶以鄉先生尊之豈古所謂沒而可祭于社

者邪惟施華構爲袈裟地遺跡依然荆墳檜宅過者
齒冷非迦文之力所能掩矣咸淳臨安志載昂爲吳
越太尉温三世孫方虛谷謂昂之子紹彭字道祖以
善書知名則其前後之間有不可泯者然俞松蘭亭
續攷謂紹彭爲定武帥薛師正向之子虛谷當誤也
又按宋史劉貴妃臨安人入宮爲紅霞帔累遷才人
婕妤婉容紹興二十四年進貴妃頗恃寵驕侈淳熙
十四年薨父懋累官昭慶軍節度使劉侯懋卽其人
也同時又有劉婉容亦有寵金人叛盟與倖醫王繼
先沮劉錡用兵高宗知而怒之遂廢元潘子素題二

北隅掌錄卷上

毛

劉妃圖詩云秋風吹落故宮槐江上芙蓉並蒂開留
得君王不歸去鳳凰山下起樓臺嗚呼可感也已姚
靖續游覽志云明初定爲叢林至今門塑薛左丞像
爲本寺伽藍內有無塵殿其東爲晏公廟俗稱紅廟
云

義天禪院婆娑樹

婆娑木羣芳譜所引諸書本枝花葉多有互異七修
類稿辨卽七葉樹而花之形狀略而不詳今教場後
義天禪院有一本徑二尺餘高可十丈每葉一條分
七瓣或五六瓣其花于沓葉中挺抽一條長尺許花

纍生條上作六七層如浮屠狀色輕紅可愛子卽婆
娑子也蔡丈木龕嘗目驗而得之其言如此院僧言
此樹相傳已六百年城中惟此一本耳雲林塔院一
本較此小三分之一

洗馬橋

武林水門前有橋曰洗馬張妙峯洗馬橋小憩詩云
北郭行將近冬暄步小停城低遠岫出樹禿寄生青
密篠藏僧寺枯桑露瓦亭一聲聞款乃橋底見揚舡
妙峯名世犖字遇春乾隆甲子解元咸淳志釣橋舊
名便橋在餘杭水門前杭州府鄭志呼水門前橋曰

北隅掌錄卷上

毛

過軍橋或曰小斜橋而咸淳志載過軍在餘杭門外
神勇鋪豈元末張氏築城所規入邪按今則過軍之
名已隱于人口惟呼之爲洗馬矣鄭志釣橋列于清
湖河四十七橋之終于市河三十一橋別列洗馬曰
北與武林水門相望則洗馬非卽小斜橋矣

天漢洲橋

天漢洲橋蓋卽古萬歲橋也咸淳志萬歲橋在仁和
縣巷北觀南宋京城圖橋正在今天漢洲橋部位然
萬歲之名潛志以外自成化迄今各志遺漏卽天漢
洲橋亦從未有紀及者此橋匯打豬巷並長壽庵興

福寺前一帶水出橋下入天水橋河既非小杜又跨大街之上何可泯沒識之以告後賢之補理志乘者

復園

復園鄰武林門所謂汪家花園也初名北園毛先舒北園絕句云錢唐古城萬雉齊北園青草青淒淒老人指點爲余說昔日菜花黃萬畦蓋其時廢已久矣至抱樸先生而復之則曰復園王茨檐曾詳記曰復園舊名北園于會城諸園爲最曠地接城闔去埃氛甚遠歲已未秋主人汪君抱樸觴客于園之先春亭余交君最晚今始得過其地爲之淹回瞻矚若不能

北隅掌錄卷上

三

以舍去君喟然謂予曰子第見吾今之園之差足自適抑未覩昔之園之所爲盛乎自吾先大夫之構此地凡六十餘畝其間爲層樓飛閣花臺月榭穹林窈洞殆不可僕數而卉木狎獵不止數千本身世多故事有不可言吾先君歷官中外既弗克恬居是園者亦輾轉易主尺寸舉不爲吾有傾陔蕩析往跡幾于湮盡及吾之身自幼至壯日經陟道路迨倦而旋歸且無以寄吾足于是量吾恆產之所入筆墨之所獲自婚嫁薪米雜費外重自節蓄以留其餘而漸復夫故一切高不可喜之觀尙未能以得半而吾力則已

殫矣余聞而瞿然因以賢君之志書其言于園之左

壁靜便齋集抱樸先生名臺進士賡之孫吏科煜之子一時名士常相過從梁編修啓心復園五詠曰先春亭

日供釣軒日月轉廊曰兩水間橋曰蓮花梗又夏日

舒雲亭明府瞻自山陰至招集復園詩注云中有荔

支一株新自嶺南郵致嘗因池上紅板橋成同人詩

以落之丁隱君云削板成橋也自娛爲通碧沼小施

朱縱饒疎雨行何礙好趁新涼坐不拘拾級淺猶排

雁齒倚欄清可見魚鬚閒門已見西湖味柳帶荷衣

色未徂周徵君京云池上紅橋忽復成水邊垂柳覺

多情還拋拄杖當風立更倚闌干待月生花外衫痕

北隅掌錄卷上

三

分半影石邊展齒有雙聲前年記得春波闊曾汎輕

舸裏外行玆虛上人明中曰我來池上曉風恬略約

新紅映畫簾繞柱荷花香乍細浸闌秋水碧初添隄

平不礙船脣窄雨過惟愁屐齒粘柳外烟邊頻管領

月痕坐待兩頭纖時乾隆甲子七月十二日也後嘉

慶甲子吳祭酒丈約于是日擬是園復舉詩社適園

主人有喪事不果因題其紅板橋圖序云汪抱樸先

生復園爲往時諸詩老燕集之地嘗以池上紅板橋

新成會同人分韻賦詩牧牛行者爲之圖今已六十

年矣梁山舟先生同書有詩卽次其韻風烟隱約護
荒園臘有園亭客到頻畫出小橋能宛轉咽餘流水
祇酸辛屐痕曾記邀前輩柳眼應愁少替人料得池
邊舊鷗鷺定曾來往識清塵梁學士書紅板橋詩畫
冊後云冊內凡二十人詩皆卽席手書唯先君子續
賦八韻越日命同書補書因盡讀諸老之作予甫弱
冠也不意六十年後復于吳思亭二兄修篋中見之
感而有作遂附錄冊尾板橋流水傍城闌此地曾經
撰杖頻讀書又逢今甲子憑闌無復舊庚辛葭蒼露
白思諸老臥柳殘陽少過人贏得昔年詩句在一番

北隅掌錄卷上

三

童耄話前塵其復園圖爲南屏焚虛上人所畫丁隱
君題額金布衣農序梁蕪林杭堇浦厲樊榭周穆門
諸先輩皆有題跋儀徵阮公撫浙時以錢萬八千購
于市上復乞山舟學士題詩跋尾焉道光丙戌蔡木
龕丈導余往游敗瓦積垣不勝流連仁想復園二字
磚刻陽文尙傍園門土爲萬九沙先生隸書猶存對
山開卷樓三楹抱樸先生自書額下爲竹西舊地九
沙先生草書款署爲復園老友作樓東偏爲橫秀閣
董思翁書額款署爲清遠館丈閣前有大池池舊通
水門午日競渡城內外龍舟咸集于此今塞中界長

隄卽蓮花梗也兩邊舊栽垂柳今皆不存隄跨平橋
卽紅板橋也前通南廳廳左爲庵其餘秋水園空凌
閣先春亭供釣軒月轉廊如意退齋城北水房悉犁
爲菜畦不復知其定址矣木龕丈云復園之南有竹
香庵蓮社院省庵境極幽邃院宇亦古志皆未載予
謂或皆園中所瓜分未可知也

田家灣

厲徵君田家灣志云入杭城北武林水門二里而近
有地曰田家灣故田家橋也橋廢而地存當水洄曲
處土人遂呼爲灣若揚之茱萸蘇之明月之類至問

北隅掌錄卷上

三

田氏爲何人則土人不知攷之圖乘亦不詳所始偶
閱葉氏四朝聞見錄有云田家橋在北關門內莫知
名橋所自開禧時朝廷建宅以賜田俊邁之子蓋有
兆之于先者按宋史寧宗紀開禧二年韓侂胄枋國
五月下詔伐金以池州副都統郭倬主管馬軍行司
公事李汝翼會兵攻宿州敗績郭倬等還至蕪縣金
人追而圍之倬執馬軍司統制田俊邁以與金人乃
得免三年八月有司上開禧刑名斷例斬郭倬于鎮
江不書賜宅事惟岳肅之程史云郭倬等受圍蕪縣
大酋僕撒索堊者使謂汝翼曰田俊邁守濠實誘我

入而啟覺端執以歸我我全汝師汝翼不敢應池州帥師提轄余永甯勸倬倬執俊邁與金金人乃折箭爲誓啟門以出二將後朝廷命大理正喬夢符于京口治俊邁獄永甯磔死倬棄市汝翼以不出語竄瓊州俊邁召覺被執非臨難不屈比倬誅而俊邁之子賞侂胄主兵欲以掩敗衄之耻也賞罰不當莫此爲甚史筆失書甯免疎略之責耶若田灣之名何必以俊邁著哉

樊榭山房文集

張駝園

龔蘅圃侍御名翔麟字天石光祿佳育之子也以貢

北隅掌錄卷上

三

士起家歷郎署至南牀未幾罷歸貧甚至舉家食粥未嘗于監司郡邑有所干請士論高之始家橫河橋晚年移家張駝園自號田居著田居詩稿石谷子王翬爲畫田居圖長卷今藏汪小米右史遠孫家卷首隸書姚江邵廷采田居記爲朱竹垞太史筆然不署款記曰仁和縣蘅圃先生從其父光祿公歷官中外二十餘年及官駕部視權粵海入爲御史又二十年歸而無屋以居乃尋幽於武林門之左南湖之上得曠地焉名曰張童園張童者張駝也嘗種瓜鉏菜於此地遺忘身世以全其天先生得之則大喜曰我幸

奉身爲張駝役矣以意畫宮起楹數椽不容旋車曰吾承先人之志事不足吾視先人之無居愧過之矣乃名之爲田居而顏其堂曰學稼植園以竹穿池養魚課童種瓜鉏菜如駝時題其後之臥室曰佚我居謂先人終身勞國事不得佚而我得佚又踰父兄也何德處之左之齋曰心天游室右曰放漁軒居于田而放于漁以放而全其天也嘗爲詩經時韡不著卽景杖能拖先生其有駝之意乎昔陳太宰記三種齋曰種禾以食種桑以衣種德以不辱予嘗希慕其人于田居亦云次繪田居先生小像爲雙溪葉通丁酉

北隅掌錄卷上

三

上已後七日筆先生自爲贊曰雪鬢霜髯披裘載笠竹雲流水青天白日南湖之濱耕織爲鄰魚鳥相親悠哉游哉可以全吾真次爲圖作于康熙甲午春其壓尾印曰耕烟散人時年八十有三次先生自書詩二章一曰卜居小北門荒涼類村落一水環其居桑柘陰沃若疎籬苦竹編老屋香茅縛閉門種菜餘頗亦理花藥豈獨遠市藿兼避祝融虐綠衫補秋荷鐵冠換烟筒已謝腰萬釘那復鞞兩腳禮不尙送迎興偶寄杯勺魚鳥亦忘機是非泯今昨獨有詩畫癖沈湎終不覺髯也以詩鳴胸中富邱壑摩詰是前身或

可無愧忤再拜乞好手寫我田居樂尙少眼前山淡
墨添一角詩後竝記云右詩乞許莘野畫田居圖作
也壬辰十月游廬山逢王子石谷許爲予作圖田居
風景卽錄此以應之一甲午圖成見寄賦小詩一律
奉謝兩暑三霜歲易徂夢魂長繞劔門隅祇憐虛負
投瓶約忽枉輕郵負耒圖茅舍竹籬經點綴菱田藕
蕩總華腴懸知定入珊瑚網好事流傳及老夫翔麟
書時丁酉穀雨後二日先君子曰田居地極閒敞屋
後菜畦魚蕩桑麻鋪菜子曾叔祖得之不能守又轉
售他姓侍御晚年食粥是實事

北隅掌錄卷上

蓋

白洋池

南湖者白洋池也四朝聞見錄白洋池在田家橋側
號小水晶宮碧谿詩話杭俗遇歲旱則守土者率居
屏池水以祈雨云有龍宅其中屏水則龍怒而致雨
也李澄齋嘗賦詩紀之詩云五日不雨井泉縮十日
不雨河流乾南湖之水何漫漫父老說有乖龍蟠龍
眠水底忘行雨欲竭龍宮致龍怒臺符一速集水軍
田家橋頭曉鳴鼓闕溝百道龍骨旋滔滔畫流潺
湲蜀江逆浪過三峽長鯨掉尾吸百川薄暮山頭黑
雲起一夕滂沱老農喜吾儕不獨快恩膏長簞新涼

涼似水澄齋名睿仁和諸生居東郊遂初老人之元
孫也

水星閣

水星閣在白洋池上形六角如浮圖凡三層高七丈
六尺自地至脊高六丈六尺頂高中供毘羅佛此前
一丈二尺圍圓十四丈四尺人用以厭武林之火患者也似明中葉以後所建各
志未載閣東偏有康熙時碑記他事祇旁及水星閣
一語絕不言其緣起乾隆甲寅乙卯間仁和徐古峯
司馬堯鑑募金修葺工竣植梅百本於其下竝重構
玉照堂復張氏故蹟舊臘新春梅開如雪游人之盛

北隅掌錄卷上

美

白洋池

與孤山埒功甫玉照堂詩一棹徑穿花十里滿城無
此好風光當年勝概猶可髣髴其一二焉

宋廣壽慧雲禪寺碑

碑在今水星閣正書十七行行三十八字後跋小字
正書四行額正書八字其文曰紹熙元年春口月辛
丑故循王之曾孫宣義郎直秘閣前通判臨安軍府
事張鑑請于朝曰願以城東北新宅一區效前賢捨
爲佛寺仍割田六十頃有奇贍其徒薰修植福以伸
歸美報上之志上曰可賜額廣壽慧雲禪寺張君勲
門住裔自幼刻苦問學未強仕澹然無意于榮途閒

居遠聲色薄滋味終日矻矻攻爲詩文自處不異布衣
雕儒人所難能茲又捐所重以創精藍尤難能者既
得請乃一意崇飭以侈上賜撒堂爲殿凡佛屋之未
備者悉力經營土木堅好金碧煥發隱然叢林爲寓
都壯觀見者起敬焉落成以書禱予爲記予每歎世
人苟貴者富必思廣其居務極雄麗以貽厥後而夸
無窮然歷未幾生息繁衍宏敞化爲湫隘又從而分
裂之蜂房蟻垤各開戶牖無復前日眈眈氣象矧或
不競求售他人一再過而爲墟者有之固不若釋吝
驕齊物我推已所有與衆共之爲長且久也異時

北隅掌錄卷上

毛

寢處暝游之地千載儼然子弟登覽企想風烈必有
慷慨激昂濟其美者世人識慮及此已定爲達而張
君之志則又過之蓋自其先王受國隆恩河潤澤及
迄茲涵浸一身眇然圖報無所故爲是舉以紓厥忠
匪直爲其私也若夫鐘魚震動雲水鼎來演上乘而
祝帝齡錫餘福以佑黎庶茲念一興亙千萬禩不能
磨滅如佛氏所謂願力者張君之忠膏有既邪予嘉
其志故爲之書太師保甯軍節度使致仕魏國公史
浩撰中大夫權吏部尚書兼直學士院兼實錄院修
撰兼侍讀樓鑰書并題額後跋云先大父少卿捨宅

一區以築梵宮割田□□畝有奇以給僧飯獨力營
辦不假他緣蓋思忠報之不已而植香火之無窮也
時丞相留公奏請賜額太師越王史公作記攻媿大
夫樓公書丹及先大父所著發願文雄碑對峙叢林
逮今傳誦紹定厄于劫火寺雖重建而記文皆不存
蜀人許居士所藏發願文舊刻卽先大父手筆慨然
捐金礱石併寺記重勒以成山中之闕典請跋于予
追慕感歎非惟敬承先志以詔後人且使緇流知安
居暇食之源而聞者亦足以戒云景定壬戌重陽後
十日孫承信郎閣門看班祇候張稷百拜謹書玉冊

北隅掌錄卷上

毛

官余卓摹刻按功甫桂隱記詠序云淳熙丁未秋僕
自臨安通守以疾旬朔旣歸桂隱遂捐故廬爲東寺
指新舍爲西宅南湖以經其前北園以奠其後因板
立堂宇橋舟諸名各賦小詩一篇此捨宅之本末也
周密齊東野語云功父園內作駕霄亭于四古松間
以巨鐵繩懸之半空而羈之松身當風月清夜與客
梯登之飄搖雲表有挾飛仙溯紫清之意又按薛夢
桂蓀壁瑣言云張功甫南湖春宴置酒聽鶯亭亭外
垂柳數十株柔荑初綠酒半出家伎十餘輩悉衣鵝
黃宮錦半臂歌唐人柳枝詞作貼地舞歌竟又易十

餘輩悉衣淺碧蜀錦幫手執柳枝唱名流詠柳樂府
送客諸伎籠燈者以百計其豪侈若此而文惠此文
則謂其間居遠聲色薄滋味不異布衣隴儒何異乎
所聞邪然卒能屏去塵俗捨宅歸真終如文中所云
釋吝驕齊物我爲長且久者迄今黃童白叟猶能指
而道之曰張家寺云

范明廟

咸淳志俗呼梅家橋今呼梅東高橋之北有范明廟解春集以
爲舊爲梁大中大夫范述曾故居崔應榴攷晉書顧
衆傳衆爲義興太守起義師討蘇峻之亂爲賊帥張

北隅掌錄卷上

三

健馬流所敗保固紫壁有勸衆過浙江者衆不許臨
平人范明亦謂衆曰此地險要不可委也可以制寇
衆乃版命爲參軍明率宗黨五百人合諸軍進討健
退走曲阿然則茲祠之建實以明有捍禦鄉邑功也
明特鄉之小民無宇無官益故直謂之范明廟崔之
言如此余幼時過之見廟額猶仍其舊今則易爲范
文正公祠矣夫明之神固未卽戀此而文公固晏然
受之乎然神名不可直斥他日有重葺者宜榜曰范
參軍廟庶幾允焉誌此以爲里人告

樊公廟食記

至正十有二年秋寇自徽犯浙江按七修類稿政府

參知政事樊公宿衛于省省吏皆次第引去獨公披

甲上馬率宿衛兵不滿伯什急出省攻賊從者止之

公曰吾封疆之守不守而去是以私利廢臣道行至

省坊口遇他道將以兵孤且散控其馬首返公怒引

佩刀斫其人曰城不守何適遂躍馬逆寇于天水橋

巷戰以死公在浙江政府凡二年贊其首相興利去

弊不爲猜禍吏中格力以進賢退不肖爲己任職雖

參實與提衡伯夷稱仁以將軍葬首陽天下傷之原

注不得全尸故云將樊公稱仁以將軍葬天水東南人

北隅掌錄卷上

罕

傷之吁又豈知其自決于義而義利之自畏愛有甚
于死生者乎義有決雖碎首塗地無悔焉死不安于
自決而出于有激出于無獲已皆非死義而義利之
相去其間不能以寸凡遭禍亂有首鼠義利以奸法
笑者不死司寇幸而死疑似吁何可以無辨哉故伯
夷死天下謂之義樊公死天下謂之忠忠與義不可
以聲音笑貌掩而得之必決于忠安于素有而天下
至尤之物不易得也自昔死鳴甲雍門死徇劍楚囊
死銜須漢溫死嚼齒張巡死嘔血陳死鄧州黃從死
潭州李芾類皆若是吁若是始可與言封疆之臣社

稷之鎮矣議者謂全節未必成功也吁節無增損功
有成敗無增損者內有成敗者外春秋錄死節亦計
其內而外有不計焉歧功與節以律天下之忠非春
秋義已公之義其僕曰田丁者亦徇主死人比春秋
蒯贖之僕云去公之死兩期月姚園寺僧雪率杭之
人爲公立祠于天水院肖公之像歲時祀之樹石于
門徵余文以書于是論次其死烈如此公名執敬字
時中獨航其自號也世爲鄆人東維子集文郎仁寶
中多譎脫字曰嘗見公觀潮詩于霏雪錄中云烟波閃閃海門開
平地潛生萬壑雷大信不虧人不死浙江亭上看潮

北隅掌錄卷上

空

來其詩雖未工而公平生之志亦可見矣

七修類稿

北隅掌錄卷下

錢唐黃士珣扣翁述

沈氏放生池

沈氏放生池沈氏東銓第前後之二大池也池之左右復有五池蔡木龕丈云其西北百步即予之是一蓬廬每雨池水泛溢遂合眾池之水歸入一澗穿蓬廬西流入斜橋河康熙中諸名流有記凡三十三篇毛奇齡記曰沈氏放生池在大芝巷按咸清志打豬巷有北豬行沈氏宅前池方五百步廣長於袤其西角通他波而平橋鎖之有長林修竹橫其南當宅門之屏凡過其

北隅掌錄卷下

一

門停車而觀如登濠梁焉崇禎七年沈澤民先生捨其池為放生池而曰此池非他吾母袁宜人陪嫁產也先大夫痛宜人之早世也而歸袁氏既而袁氏絕無可歸吾何忍據此傷父母心請捐為眾有以長存此池當是時先生手書放生池三字并書金光明經流水長者子一卷又請李次公為之畫圖共勒石池上且曰後之人有食此魚者如食吾肉取其值若析吾骨而不謂甫易世而不能守也沈八公者按八公名荀龍先生之季子也與客飲于池而醉而流涕客詢之而告以故客曰傷哉顧質值幾何則以十五緡錢質貴

門矣客慨然曰豈有沈八公而無十五友者友各齎一緡贖之康熙三十七年重標池曰放生池復書金光明經及圖畫為卷冊而大書十五友于其上曰胡氏曰鄭氏曰朱氏曰三王氏曰馬氏曰杜氏又胡氏曰陳氏曰張氏曰羅氏兩劉氏曰沈氏其明年將勒石垂久而請予為記予曰世之能垂久者莫如佛氏天下名山其自晉唐迄于今莫或更易而亦有不然者夫惟其為名山也名山而城市則覬之者至矣向者先生亦知佛法不可守而動以孝思曰人孰無父母而仍不顧也乃以輓近衰薄友朋凋喪之際而尚

北隅掌錄卷下

二

有人焉慷慨好義以善全此兩世之孝其在他人聞之猶適然感興而況氏之子親承其後者也然則是池也將與孝與義並存而安用守矣眾曰善遂書其說以為記蕭山毛奇齡初晴氏時年七十有七墨蹟為裔孫伯雨大令棠小巖 棟華昆季所藏毛先舒撰書有題竹園云北城之隅有曲河焉沈氏之所宅石橋沙岸古樹翠竹彌半里橋通流水赤魚灑潄鳥雀交鳴出沒深樹風景娛人坐之忘倦即指此也

梧園

梧園在西牌樓前明吳宮允太沖之別業也

國初詩吳氏黃泥潭老屋入園屯中惟圖籍無恙子農祥因構樓于園中與弟農復登樓而去其梯戒弗聞世上事盡發所藏書讀之其樓卽寶名樓也農祥字慶百號星叟一號大滌山樵錢唐諸生康熙中以應宏博試徵至京師大學士馮文勤公延之幸舍與陳維崧毛奇齡吳任臣王嗣槐徐林鴻稱佳山堂六子維崧奇齡任臣旣入史館嗣槐試不及格而用天子後命留官中書舍人獨林鴻與農祥報罷農祥乳哺時啞啞私語皆建文遜國事過十歲始不復言年十三就館甥舍命作芙蓉露下落賦捧筆立就自

北隅掌錄卷下

三

試宏博罷歸益捷戶著書惟狷介不以私干人人亦無敢干以私者族兄某守蘇州六年賓客闐咽農祥一以書問無恙而已迄不至他日解后于可中亭欲載與俱歸不可則以縑置舟中遽捨舟去其介如是獨嘗一應李文襄公之芳聘當是時文襄以蕩寇功督兩浙建牙于三衢以扼閩衝羽葆棨幢吏從帶弓鞬夾陛立上謁者或不敢仰視農祥至則長揖之明日宴于射堂軍中以鳴鏑射戟枝俯酒酒半文襄離席起酌金叵羅爲壽請草露布農祥且飲且口占授書吏一坐盡傾久之辭去爲畫便宜數事文襄再拜

曰戢君良箴吾曩者知君不盡乃以爲文士也農祥內行甚修遇三黨有恩紀其于朋好性命也鄞周容太倉王昊客死京師質衣爲具含賻晚與陸培毛奇齡徐林鴻爲飲酒難老之會會輒權文史一日偶及明興獻禮竝牽連宋濮安懿王事奇齡以司馬光楊廷和議非是詈詞狼籍口角流沫墮餐飯中農祥伺其間爲一難以送之奇齡亦未有以應也康熙戊子七月十六日卒年七十七初農祥之生也母張夫人夢偉衣冠者七人自稱北斗抱一兒投之曰以爲而子請其年曰二七及是果驗爲文章才辨宏博馳騁

北隅掌錄卷下

四

百家所著古今體詩一百三十四卷古文一百四十一卷駢體文四十卷詩餘二十四卷他雜著又一百六十八卷今在蕭山王小毅太史家朱朗齋文藻曰吾猶及見其孫居園中頽然一酒徒而已今已數易其主售人爲長生庫而寶名樓巋然獨存

復堂

顧有年字嚮中錢唐人寄籍上虞結廬于梅家橋之西長慶堂額爲其祖乞董宗伯手書嚮中別構一堂顏曰復堂集四方名流倡和其中爲一時盛舉弟承年字九恆號桐村亦工詩有聲于時

府志桐村生甫文苑

期而喪父稍長從外塾歸母翁夫人督令夜讀口授三百篇年十三補博士弟子康熙戊午舉于鄉乙丑成進士選授甘肅平涼府華亭縣未赴任以吾鄉漕運爲言者所中師門波累編管奉天丙子仁廟自將征噶爾旦

詔戍者運糧軍前贖罪桐村遣其子棟代行遂得釋入關後奔走南北以覓衣食家固無負郭一畝也桐村少時刊有長慶集今已佚惟梅東草堂詩尙存其遺棟代運北征詩四首云

天子方自將臨邊極西域一揮百萬師滅此而朝食

北隅掌錄卷下

五

轉餉出關中士不苦飢色我沐浴蕩恩願竭疆場力馬革可裹尸行行何所怵忽聞先慈訃一慟氣欲塞四體軟如綿性命在呼吸官符火速催同伴相促偪有兒立身旁垂頭但哭泣長跪前致詞此行是兒職巾幗且從軍須眉胡勿及結束棄儒冠弓刀親自執躍馬去無蹤路旁心惻惻望眼遠莫窮吞聲獨歸宅生兒廿歲餘教養無一善旣失阿母歡父亦罕見面寒不曾煖衣飢不曾飽飯雖負讀書名誰與給筆硯所生尙爲此何況疎與遠兒命本來窮父又遭謫譴徒步出長城三載忘其倦方喜共生還誰料復征戰

禾黍或不登蕪稗時亦薦乃知秋實成不在種貴賤一齡父見背無知人所憐如何白頭子有母抱終天六旬顧復恩盡付東流川堂虛不敢登衣敝不敢牽苟知母已死思歸亦徒然哀哉欲重見非夢卽黃泉養兒空令老何如早棄捐棟也代父行匹馬走燕然忘軀冒矢石一往更無前慚愧我爲子反不如汝賢我居遼東西三月冰尙沍況涉漠北庭草木萌未吐千里擁流沙馬嘶不敢渡朔風晝悲號黃塵蔽欲暮所仗僮僕親若與樂相顧小心事長官莫更逢其怒汝當少壯年風霜非所慮所慮性情疎未必諳事故

北隅掌錄卷下

六

出門盡荆棘有罪孰肯恕豈乏老成人藥石語無誤志不圖封侯圖此骨肉聚安得柴桑翁歸來及早賦

旅園

胡彥遠初名士登幼穎異年十二補弟子員其故居在河渚人迹罕至及江上兵起徙宅一畝田遂更其名以示盪上履二之志所娶爲翁少君桓閨中贈答有秦嘉徐淑之風一日語少君曰身旣隱矣無買山貲奈何少君曰君第如北游貴人重君此區區者不余界乎乃游京師其時如吳偉業龔鼎孳曹溶周亮工皆折節納交而彥遠意氣兀兀不復置意軒冕亦

莫能籠絆之也武林壇坫陸先生圻實執牛耳獨不能屈彥遠及陸罹无妄彥遠乃竭力營救之其風義如此晚逃于禪年未五十而卒其詩不屑效西陵派謂吾盡吾意免俗而可矣其西溪竹枝詞三首云山行處處曉光開十八溪邊載舊醕有屋盡從梅裏出無泉不自竹邊來溪上女兒鬢蓬蓬鬢邊滿插映山紅逢人問路公然應指點前溪東復東郎住前溪妾後溪采茶生小慣相攜月明各自提筐去一縷茶烟隔竹西少君重過西湖云風風雨雨鳥空啼草綠山腰水滿堤畫閣已傾歌舞散十年重到六橋西其風

北隅掌錄卷下

七

調正足相伉儷也少君未笄即慕彥遠才名適邑令王公爲彥遠求淑媛遂委禽焉少君年四十時彥遠賦生平偕隱十章爲壽已而赴閩臬程之璿招薄游三山少君寄緘題詩云久客神光寺原注閩中寺名春歸人未歸旅園今夜月空照落花飛彥遠得之即日歸後彥遠死慟之甚不二年亦卒詩中所謂旅園者即一畝田僦居彥遠自署曰旅堂云

花翁

花翁姓顧氏名卦字山臣一字竺公亦曰琢公錢唐人長鬚善詠諧居同德坊燈心南巷家貧嘗支一足

錯于慶忌塔晚乃移入城喜藝花因自號花翁與中允吳宥庵太冲友善南都旣建馬士英強起先朝諸老以兵衛至中允宅適花翁在中允許伏帳中聽中允與士英爭怒執古硯欲中之數舉而不發士英去憤而出曰便宜此老賊某之所以欲發而輒止者非惜此身恐累公一門俱盡耳遂以硯擲地碎爲數十片朱竹垞太史曰山臣工繆篆詩不爲格律所縛持論亦復不羈家居奇窘有桑門勸其修行以資來世福笑曰不知前世是何雞狗作之孽使我今生窮苦若從上人修行又不知來世是何雞狗安享是福傳

北隅掌錄卷下

八

者以爲笑端然正可發愚夫愚婦深省也明詩綜

惜陰書屋

學士陳緘庵居杭城獅虎橋北咸清志師姑橋其室曰惜陰書屋庭前有池池旁有山茶一本圍約二尺許高出檐際花開甚繁雍正間忽樹幹有字如蟲蝕文辨之得詩一首云學士堂前書室幽我來懸榻枕清流蟬聲嘒嘒鳴山閣人語喁喁隔水樓簌簌竹梢先報雨蕭蕭梧葉早驚秋何時得向城西去紅藕花中載酒游古吳下月坡題此事甚異月坡者仙邪鬼邪不可知也碧溪詩話學士名恂字相宜又字餘畱號緘庵康熙

甲戌進士著打包贖語青照堂夢覺集除豪集黃利
通序其除豪集云同年陳緘庵在史局二十餘年侍
講筵掌

制詰駸駸通顯戊戌浙闈難作牽連解官先生方病
瘖手足木強余適寓杭城相持垂泣而已按石鼓齋
雜錄康熙丁酉浙闈索泰張懋能主試事索爲緘庵
丙戌分校所得士是科有陳族人中式者其人固市
僧不能文也杭人忿移財神像入文廟索下船時至
以瓦礫投之獄既成索與陳皆按治緘庵老且病以
子代戍焉

北隅掌錄卷下

九

小跛翁

小跛翁姓萬氏名經字授一行九別號九沙晚年病
足以父號跛翁又自稱小跛鄞諸生康熙丙子舉于
鄉癸未成進士年四十五矣授編修主山西試視學
貴州以考察列二等掌院徐元夢奏請直省學臣聽
部院諸臣考察翰林亦與焉前
此未責修通州隄工工竣回籍乾隆丙辰薦舉博學
宏詞年已七十八矣辭不出按自撰紀年先生以三
世先墓在杭奉父命守墓遷杭初居社壇巷繼居胭脂橋
咸清志燬于火時方館于崔佳巷吳氏因僦吳
葛家橋餘屋居之通籍後挈家之京師及罷官歸居薦橋街

旋以通州隄工追繳帑銀售其屋以償移居城北獅
虎橋之東乾隆庚申火復災其居乃暫假海昌陳氏
之七桂廳在竹以棲焉時年八十二矣越明年卒萬

氏在前明累世皆以武功顯至名泰者始以制科中
崇禎丙子鄉試生充宗先生斯大兄弟八人一時有
八龍之目先生充宗先生長子也上承先緒研精經
史著書滿家生平無一他嗜好獨喜繪小影不下數
十幅悉被燬吳中欽隅陽復爲寫探梅圖神情逼肖
先生東以詩云火焚九沙八十年來照幸畱老臉倩
君圖惟肖許我畫到期頤百歲時奚覩面目纍纍增

北隅掌錄卷下

十

丁茜園

朝笑又自爲像贊曰儒家之子將門之裔戴山瓣香
南雷淑艾進進非難而甘自棄畱此面龐將安位置
丁茜園名文衡字公銓又字乃清居貢院西橋讀書
務精小學辨聲韻竹柏其行不諧于俗撰述最多極
爲毛西河朱竹垞兩太史鑒賞汪明經惟憲其甥也
爲之傳曰舅氏篤于朋舊一時相知有虞爾繩王玉
樞沈八公金小郊王晴山馮山公吳寶崖輩賦詩飲
酒以爲樂家無斗筲然一味之甘或遠方難得之物
立折柬召客曾不獨享一日無客客至無以相娛則

鬱鬱不快偶一日將午余偕友人辭君廷章吳君函
望造舅氏廬求觀古竹杖值舅氏囊空如洗午餐缺
然余與兩君辭而退以客至不能款飯惘然若有所
失立門外目送之至無所見而罷余與兩君亦回顧
嗟異其病榻清言有云梓內鱸魚杯中酒對客佳
品也沙河釣鱖還思看紅葉于蒙堂蕭寺停舟追想
玩黃花于葛圃故人何在豕樹蔽牛凝神墮淚蓋愛
客其天性也卒于雍正癸卯年十一月年七十一以
布衣老無子老友吳石倉允嘉輓聯云東野借無兒
畱得文章千古在西橋空有路今朝車馬幾人來西

北隅掌錄卷下

廿

橋即指所居云所著詩文盡付石倉託以傳今皆不
可得見惟見其雕本牡丹詩一册燕支橋柴園牡丹
云妙于高處一登樓鄰近相看樹木橋步障都從金
谷遙遙山亦爲石家收三千羅綺慙紅頰四十功名
歎白頭濠上洋洋魚故樂原注花前鑿八角金魚人
池一獅子貓蹲其側人
生何必不封侯一畝田清溪精舍觀牡丹云蘋婆脣
色原注法華經妙莊王
言如來脣如蘋婆果掌開鵝金剛經如
來鵝王掌才是清明
寒食過丁酉三月三日日暖神光妍懶隨露暉翠對幻天魔
從來黃面瞿曇少觸處紅兒阿紫多定有玻璃七寶
盞紛紛孔雀豔飄羅北史連珠
孔雀羅二詩皆北城掌故也

因附于篇

南湖花隱

茨檐先生記曰倚城北隄陶舍喧而即靜水樹明瑟
有敞而堂有折而廡有華散生盤門藩落而延接于
樞檻是爲樊榭山民南湖花隱宋張鎡功甫所稱管
頌風月者功甫以循王諸孫性豪侈務奇意相勝其
第宅不一區即南湖所占在當日不知幾百畝樊榭
以數語棲託于後其寂寞爲己甚則樊榭之歉于功
甫者也然樊榭學博而文富所述造泐涵演迤不下
數百卷識者謂其必傳于後無惑功甫稱詩家上將

北隅掌錄卷下

三

冰如雪食瑀碎月魄雖見推于誠齋楊氏而遺集鮮
傳則又功甫之所遜于樊榭者也君子之游于世有
裁足之思無贏餘之念況出吾之所有不難抗古人
而上之俛仰吟笑綽有餘裕區區居室奚足較其豐
約爲且夫南湖當功甫之盛閩春把菊天鏡鷗汎月
諸勝纍纍無閒壤一時朱黻長纓賓從之填擁鐘鼉
笙絲磬筑之衍宴魚龍爵馬之殫物窮麗誠無所不
足迨其後不數十年淪宇埋音竝就熏歇今茲所見
遠巒雲浮卉木翳蒼禪棲孟瓶之扣食泔泔水次物
不停固與爲豪侈者之役于物也其終不如寂寞者

之適吾素已矣題以花隱樊榭始欲佩蘭餐菊以終
老于斯夫是爲記靜便齋集按先生東城雜記自序云杭
城東曰東園先君子家焉小子生于是居已三十餘
年凡五遷未嘗離斯地也序作于雍正六年戊申三
月是年四月後有移居詩曰半宅從人典全家旨兩
遷末云差喜東城近則猶在東城也乾隆己未有予
賃居南湖八年矣其主將鸞他氏復謀棲止詩逆溯
之遷居南湖之歲乃雍正十年壬子是年有南湖初
夏詩所謂草堂近卜約齊鄰者也至乾隆庚申始移
居糜公古社詩所云糜公祠宇今相竝且送鄰翁掠

北隅掌錄卷下

三

社錢者也是先生前後凡七遷皆在東而南湖則近
北因錄南湖花隱記而附識于此

丁隱君宅

杭堇浦太史傳云隱君名敬字敬身號鈍丁自稱龍
泓山人家在候潮門外鄰保皆野人也釀麴蘖自給
身廁傭販未嘗自異顧好金石之文窮巖絕壁披荆
榛剝苔蘚手自摹搨證以志傳著武林金石錄分隸
皆入古而于篆尤篤嗜嘯堂集古吾邱學古兼入其
室非性命之契不能得其一字也秦漢銅器宋元名
蹟入手卽辨性耽羣籍家貧不能出重貲購買門攤

市集眼光所注無畱良焉小樓三楹屨滿室叢殘
不復整理皆異冊也上以棲諸子恣其絃誦下以酬
接賓客客至輒止不聽去果餌雜進腥熟竝陳老母
恆質貸以佐之孺子寒餓不計也詩學其所專長布
衣金農相距一雞飛之舍與之齊名美詞秀異敬或
不及鋪張終始豪放不可羈縲農不能逮也寒人張
沅字畏廬號漁村老僕荒江之上兀傲自負敬與酬
和疊險韻至無算而氣不竭故談藝者以城南爲詩
國閒房冷剝青林丹嶂之區足跡無不到題咏無不
及也鄰人不戒災及其廬所收蓄頃刻皆盡而樓亦

北隅掌錄卷下

志

燼焉不自聊與人羣處輒隙末意所不可輒嫚罵累
日夕不肯休余與梁翰編啓心每嘲弄之以契故得
不怒方制府觀承愛其鐵筆媚制府者欲得其一二
方通意指而惡聲殷牆屋驚而逸去江苑卿春慕其
詩將之武林以幣贄謝而勿與通春亦畏其鋒瑟縮
不敢進晚買宅于張紗街將遷矣而以母柩先往親
串中有以不吉告者勿爲動曰吾母不及見也未幾
竟死此宅有三子健與傳皆諸生健爲余女夫傳從
上元謝野臣學歷算少子曰佺亦能詩而八分得父
家法道古堂文集隱居張紗街之屋先大父爲作緣以五

百金買之入門爲長廊約五十餘步廊盡處繚以垣
有小門以達廳事廊之西爲隙地雜蒔花木草則書
帶翠雲木則胡桃香榧頗極幽秀廊腰有門通余家
余年十二三時喜日涉其間時隱君歿已十餘年矣
隱君及母氏之棺猶停中堂又數年而鬻于他姓至
今凡四易主增飾崇麗于隙地起堂三楹非復曩者
之舊焉

三丁

隱君三子長曰健字誠叔號淨居郡諸生杭堇浦先
生愛婿也性謹愿其言呐呐然如不出諸口而詩才

北隅掌錄卷下

五

特秀飭太史嘗邀同朱太守樟周徵士京金副使志

章厲徵士鶚修秋禊于其家之寄巢以末座少年詩

獨擅場詩曰恢台轉素節間館鳴秋蟬露晞花房明

日淡松陰穿纖鱗戲層波小蝶翻涼烟撫化眷物理

矧茲巾舄聯羽觴一以泛列坐屏管弦晚風扇蘋末

散髮池上眠長謠攄幽篴皎然塵襟滿又嘗與陳侍

讀鴻寶薄游廣陵守風揚子江聯吟百韻希風韓孟

無媿色老屋被焚居賃屋死焉隱君既買張紗街新

宅則卽移其柩往先是乾隆辛巳夏日小雨新霽集

琴趣軒分得七陽韻詩云林烟開霽色好鳥引圓吭

共愛青苔徑能銷白日長捶琴徵昔事把卷喜同行

鄰竝如堅約村醪可過牆蓋其時已有與余家卜鄰

之意惜其先露焉次日傳字希曾號魯齋錢塘諸生

屢困場屋幕游閩粵江楚歸而著書精天文勾股之

學讀書得間能發前人所未發嘗言世傳大黃布刀

當作大布衡千衡者直也刀字中著點乃千字人多

誤識也又好爲奇論嘗言福建大榕樹若移其苗二

本栽之南屏淨慈寺門前廣蔭可憩數百人滇中大

士像高丈數尺者摹勒于葛嶺厓壁上慈容遠照城

中可息火災西洋吉貝花肉厚而子少知其種徧栽

北隅掌錄卷下

六

中土則衣被之利廣乾隆辛亥鎮海樓災欣然走告

于人曰重建樓時若製大白鳴鐘于樓上俾城中士

民知十二時早晚之節亦省會之大觀也言雖迂闊

其切切于民生利賴之計不可沒也已三日佺字致

堯號松老善分隸工繆篆喜藝奇木蓄古器予童時

見其銅弩機金龜請品真舊物也間亦爲詩先君子

偶作暨陽近游以十二韻奉懷云與子幸鄰竝竭來

交驩虞賞音得同調染翰興不孤花晨與月夕雅集

無時無藹如登春臺靜若臨清渠握手忽言別分袂

悵何如依依縈夢寐寂寂傷離居相去未一句已似

二秋餘引領望江雲使我鬱未舒裁詩聊寄憶知子亦不殊今朝乾鵲噪果得尺素書把讀如會面何璫瑛瓊琚好趁春潮上時時放鯉魚亦深于情者矣任至老不娶傳無子老依壻家以死健二子長唐卿名某次晉卿名學蘭號蘭谷仁和諸生余就傅時師也亦無子惟唐卿有子二長小字福幼時讀書余家自遷徙後不相聞問矣隱君墓在集慶寺後亦先大父所代營也惜余生寒微無力深負師門不知有能仿厲徵君故事以表之否

項家臺門

北隅掌錄卷下

七

余外家項氏者雍正朝其先人以內閣中書加十二級授榮祿大夫上封三代稱四世一品項家初自新安遷揚總司鹽筴其宅在東關門內後入于官今爲公所人稱項公館余嘗省舅氏于揚州過其居蓋夥頤沈沈者繼自揚遷杭仍以財雄于一郡外曾王父方寔先生名道映由四川縣令升山西岢嵐知州卒于官家事替矣而大宅一區在梅東高橋北少宰湯西崖先生舊第也外曾王父生十二子食指盈千顏其廳事後會食之堂曰花萼堂進而東西列屋凡十二所皆赫胥以宏敞中爲甬道步欄周流爲十二

房往來出入之所經繚以朱闌承以坐檻芳草被階雜花映發紅采翠氣照曜心目余孩提時隨母歸甯竹馬鳩車恆嬉戲于此吾母于兄弟姊妹行居其最長從舅從母與余年皆相若不啻采伴也步欄盡處偃河有徽山焉初本隙地爲出灰之所積漸成山遂受此名矣自外王父既歿舅氏住客揚州十二房者以次星散他族來處瓜剖豆分而臺門則猶繫項家之名予不入此者四十餘年辛卯秋因訪高子爽泉重經其甬道已介然用之而成路嗚呼昔之鏤檻文樅碣基鉅砌已爲版戶竹籬短垣敢并昔之髻年稚

北隅掌錄卷下

六

齒朱鬢鬢髮綵縹于其間者已爲篋叟髻翁胃脯灑削呼詒之區余爲之傍徨爲之瞻顧蓋不特思念崇替而不禁有過西州門之痛焉外王父名文珽又名鵬字摺庭一字蘿溪仁和諸生著有蘿溪詩草二卷試帖二卷藏于余家贈賣歐蘭花者云一縮筠籃翠幾叢玉蜻蜓泊曉春風應憐空谷無人賞故遣招搖入市中芳名早喜播年朝深巷聽來韻最嬌賣徧春風香一國玉人頭上卸輕貂其風致可想也卒年六十先君子嘗曰蘿溪先生年鼓詩云播動春風先起霸點成白雨忽收雷亦佳句也惜軼其全篇

河干廬

河干先生顧光字彥清號野翁又號涑園乾隆戊午舉人官至廣州知府舊居梅東橋畔做屋數椽顏曰河干廬因自稱河干先生致仕後卜居三撥營晚年移家南湖之南地名嫦娥街著橋頌堂集吳穀人丈序略曰涑園先生以詩鳴者垂六十年輩偶淪徂芳風獨扇炯然若長明之燈巋然為靈光之殿錫麒早侍高筵得窺峻旨其時同里黃相圃姚春漪黃玉階諸人相約為琴臺之課實皆就正于先生焉先生幼勤枕藉早舉孝廉淡泊乎聲利之緣流連乎山水之

北隅掌錄卷下

九

趣北轅乍歇南帆更張租江山之船泝桐廬而土榕樹城邊小住荔支香裏初來百里牽絲千夫為吏始典城干畿輔旋領郡于東南滹沱之河盧龍之塞夜郎之舊國尉佗之故臺雁戶噉晨猿程唱夕弦歌為理縣之譜篇什代活民之書解組飄然數椽卜築擊鉢揮琴之侶諮禪問慧之徒時雜仙心間參元解一篇跳出萬籟爭鳴應宮應商可登之樂府以南以雅如對乎古人 聞先生自謝病後里居三十年一日方燕居忽有北地人扶老攜幼闖門而入曰我清豐縣民也公有德于吾邑今者禮天竺大士至杭聞公

健在故來求見公扶杖而出則皆羅拜于庭公以手左右相支柱命昇坐具具不給則皆環立相向競探懷中出梨棗山茗雜然前陳為壽先生無以答其意乃取淡芭菰一器令眾吸之中有范葉兩姓老人言曾識公面能說四十年前事餘惟聞于父兄故老結想夢寐者有年至是望見顏色咸大歡喜踊躍眷戀移時不能去去則復再拜于門外一時觀者填塞時嘉慶戊午十月七日先生重赴鹿鳴之年也非仁聲之入人深其能若是乎嗚呼可以風矣

高司馬

北隅掌錄卷下

十

高司馬名瀛洲字翰起號懸圃仁和人乾隆戊午舉人以中書官太平府同知旋乞養歸買宅于西文昌閣即陸氏白鳳堂舊第也屋後接顧侍御願圃分其一角故又號願圃著小稱意齋集酬友人韻云侵尋不覺鬢毛斑作手何緣得遂攀每訝新聲如異俗老耽故紙是家山十年悔失第經力早歲虛隨珥筆班坐遣韶光殊可惜賴君提唱及餘閒即事云每節不忘飽翳桑近在門俸錢當日媿蔬食暮年尊筋力誠無補詩書尚可敦眠餐空送老祇覺負晨昏蓋先生功名晚達而仕路又蹭蹬不進故其言如此然出之

以和雅之音不愧爲有德者之言也家故有浮香樓
爲西谿勝處查查浦曾有卜鄰之約先生有追和查
浦韻二首云容易招攜共一村獨留佳句到衡門只
今樹影當年繞可憶書聲入夜喧看奕有人傳橘叟
牽蘿無力愧桐孫浮香樓畔當時事魂魄因依好細
論上策唯應早掉頭底須白髮入扁舟菟裘老去仍
謠詠華表歸來孰唱酬長占清風詩數卷重憐落日
路周流原注先生游跡最遠暮年復被謫邊地相看窮達都何益此後
眞能百不憂有令子二曰樹穎字茗發號實庵踏頓
名場羈棲幕府故其詩多苦語然和平恬雅無怨尤

北隅掌錄卷下

三

之色車中假寐云支頤一夢笑黃梁漫道馳驅盡日
忙爭識忙中有閒趣軟紅塵裏黑甜鄉移居云水漲
平橋一棹回更將蔣徑闢蒿萊營巢眞箇忙于燕怡
趁今朝社日來其風神可絕世也曰樹程字靳至號
邁庵別號烟蘿子乾隆丁酉副貢澹于榮進孤冷絕
俗工寫山水樹石以與蒙泉外史奚岡同時名爲所
掩其實款識題跋高或不及而畫筆之堅蒼奚不能
逮也詩亦雅令可誦訪屠琴塢清平山二首云長林
濕翠擁精藍有客高吟正閉關近局最宜文字飲後
時應號讀書山身沾花雨諸天上臥看烟雲尺幅間

底用拂塵塵自淨秋光不負此躋攀城頭落日馬嘶
風聯袂登臨眼界空疊嶂浮沈沙市外亂帆明滅海
門東豪情不逐須眉改妙語翻輸格律工太息君苗
焚硯晚老夫頭白已成翁葢琴鳴亦以畫名于時也
今實庵子楨字飲江居獅虎橋街能書余嘗題其讀
未完書齋圖亦知名士

不盲心叟

倪嘉樹先生本姓凌爲忠介公後名一擎字建中仁
和名諸生一時負笈從游者甚衆以居祖山側學者
稱祖山先生晚年失明因又自號不盲心叟而授徒

北隅掌錄卷下

三

如故學者以文就正則令一人在旁讀之應聲刪定
不少差謬暇則扶小孫往來知舊家談藝娓娓不以
盲故減其興也詩筆典重觀龍興寺陀羅尼經石幢
云經幢立崢嶸寶氣出塵壙介石利用恆占方鎮其
兌亭亭聳檐牙頂見垣之外刻以陀羅尼毫鋒結鉗
欽造自開成年倒薤壓雨蓋舊開舍利藏出自佛三
昧事述波利師至願忘顛沛瞿曇吐和密偈頌詳梵
唄獲賞龍虎文不致蛇蟬蛻宣和書譜有處士季良
最篆隸眞草兼妙迹遍吳會司業碑俟訪會昌石無
害筆陣壓凌曹堂堂卓旌旆吾儕抱古癖搜討意尤

銳眸豁增雙明心愜有餘泰浮榮對此消慧業向佛
句可惜翳蒿蓬胡爲蔽蕭艾商略拓其文一紙抵十
賚城坊隱積陽松頂刷寒巖摩挲興不淺遷延去無
奈銅仙辭故苑石杵斷荒蒼細推乘除理浩歎法門
大配蘇氏展亭先生姊也名畹蘭字香巖祖山先生
設帳于外蘇夫人亦課女弟子以佐膏火有香巖課
讀圖杭葦浦太史題曰鄰女埽眉初借硯嬌娃搦管
便簪花沈雲英與黃媛介林下清風幾大家十卷充
衢紹乃翁學精家巷見門風鉅經雜志新成後班馬
還須論異同春鶯囀木語無訛內集年年樂事多所

北隅掌錄卷下

五

祝程夫人未老更畱餘力教東坡原注子印嘗集古

今名媛句爲閨吟集秀二卷其漫興云家住錢唐山

水圖金麗柴扉花嶼接江湖曹庭前亞樹張衣桁魚

卿金麗午夢驚回落井梧楊太畫樓春晚燕歸遲朱靜筆

硯行將繞曲池花蕊夜簡寒裳迎月綻姚趨機曾勉

樂羊思柳真玉女旃檀侍佛前史傳家須得鳳毛賢

陳德蘭房花暖教題字陸孤館誰憐老鄭虔鄭真

絳紗遙隔夜燈紅許氣吐雲間百尺虹馬倚賴

識書爲錄事花蕊夫人皆在講筵中如徐氏清愁無

意整花鈿龍主縱賣青山亦業錢薄少一尺溪藤攜

錦帶朱淑中郎遺業有人傳張引詞成瓊壁繞雲烟

張引每爲搜詩滅夜眠陳德翦裂齊紈響刀尺徐十

年清苦伴青瓊柳真其女弟子許蘭似跋云香巖先

生閨吟集秀其漫興五十六篇自寫雅懷歷敘丁卯

以來十數年情事如指掌文一洗襞積聯綴之習神

乎技矣仁和孫雪帷錫題蘇夫人行略後調月下笛

云冷露鳴珂秋風步障舊家清秘雲巢鶴徒便匆匆

換城市原注嘉樹先生舊居與余相近零璣碎璧都消黯水月三分

禪意問長貧孺子營齋十方可能禁此先生巧笑布

觀音爲夫夫人官吏書陳氏載府志蚤一夢靈曇筆花

北隅掌錄卷下

五

香細虞歌暗起錦機難斷愁字傳經授我青須簡又

十載塵題重記曾爲夫人題香嚴課試展向夜燈紅

頭白潘郎賦未子印元字首善號小迂仁和諸生年

未五十先父卒詩多散佚其金鼓洞五古云經聲出

雲杪紆曲穿林幽林間黃鶴去仙人渺難求千尋鬼

斧跡石壁崕岬畱金鼓不到耳寒泉自成秋此詩朱

朗齋丈輯洞志亦未採入孫稻孫字穀民號米樓十

齡以河伯觀海賦受知于學使朱文正公補仁和諸

生祖山先生言子家雖無登科第者至子孫列學官

凡十八世未之中絕也米樓工隸書雅擅倚聲刊有

剪雲樓詞及蘆中秋瑟譜皆祭酒吳毅人丈爲之序
性通悅不羈以家貧謀爲祿仕遂棄諸生入賞爲雜
職又不得注銓中間爲道士服居金鼓洞復又棄去
潦倒而歿

簡松老人

張丈仲雅名雲璈自號簡松山人少司馬藻川先生
仲子錢唐相國梁文莊公甥錫山相國嵇文恭公壻
乾隆庚寅舉于鄉纔逾弱冠屢上春官不第年踰六
十始就銓爲湖南安福令調湘潭非其志也初奉母
居德清還武林後家梅東高橋有重還武林移居梅

北隅掌錄卷下

五

東書屋詩云一權黃梅雨茅堂過處新圖書半行李
雞犬雜家人簾捲迎歸燕樽開約比鄰更煩先位置
自笑苦吟身尋以兄之官揚州鬻其宅有梅東之屋
鬻于吳氏別求棲止不得感成四章云南飛鳥鵲竟
無依棲息憑誰問強移蓬徑人猶憐蔣詡露車我欲
效干尼此身原說長如客有地何從更立雖不定心
情同落葉滿天風雨是支離聞道街西甲第新路旁
指點往來頻花扶繡閣神仙貴日麗雕甍棨戟春此
日朱門都似海無人白屋肯言貧吾家長吏偏多計
敢笑牽船住水濱梅東橋外綠波肥十載人看舊板

扉近市豈謀朝夕利開門誰識嘯歌非奇蝸有穴應
爲主社燕經春不敢飛世事卽今多聚散年年生計
總相違端居仰屋百憂生離色匆匆又合并元注時將北上

廣廈已無寒士分舊巢偏戀故人情漸教長物憐徒
壁尙有殘書愧擁城但乞一椽容穩住版輿花下少
逢迎又將赴廣陵別梅東故居出北關有感呈送行
諸親友云回首生涯已漸非浮家泛宅事依稀秋風
燕作辭巢客明月烏憐遶樹飛天道十年還一變人
生薄願豈終違邗溝漫說繁華地長憶滄浪舊釣磯
自是而爲揚州寓公者幾三十年又非其志也方其

北隅掌錄卷下

五

居梅東也與梁明經玉繩孝廉履繩更唱迭和彙而
成帙曰梅竹聯吟蓋梁氏居竹竿巷也孝廉敘簡松
草堂詩集云予有論中表之親本居叔行就子姓之
別取道年齊與諸謝同游來往烏衣巷內繼三張前
軌焜煌繡戟門邊問圖史于相家羣稱似舅邁風流
于綺歲歸有餘師律手相傳令子特分一絕賜書能
讀此郎竝下五行執友譽而贈斧有因乾蔭違而鑿
楹示訓庭闈之地韋夫人夙著賢明伯仲之間蘇次
公獨推峻拔賤生何幸矜處井之局鼃句法曾聞愧
效顰之荀鴨激賞夫妍酬麗唱過從乎竹里梅橋奴

解愛才吟筒疊至予亦繼組飛筆遙聯有時醒眼枯
看不成者醜以大白小坐燭花頻剪苦索者刻及半
紅皆紀實也予生于丈領鄉薦之明年迨丈出宰延
子掌書記兼授諸孫經依倚者十年既聞緒論如長
日加益丈亦喜予學不俗所爲詩文輒俯就商榷後
予以親老辭去而丈亦於明年解組歸矣道光乙酉
余既倦游丈猶健在汪右史遠孫與胡學士敬諸大
令嘉樂梁大令祖思孫學博同元吳教授衡照錢孝
廉師曾莊舍人仲方周明經三燮同結詩社推丈爲
祭酒文酒言歡又及三載而丈以老壽終予屈指生

北隅掌錄卷下

三

平第一知己也哭以長律四章曰忽驚天上下瓊棺
纔入新年淚竟彈當世已憐知己少如公欲得替人
難爭看精謹傳黃墨那料音塵隔敦槃大地茫茫誰
暖眼拌教十倍作春寒歲首譽望人間重斗南鼎門
世胄纒纒等身著作雷天地垂老官堦視子男厚
德卽今爲里式名卿幾輩到公慙鹿鳴再聽天何靳
屈指年華不待三明年卽可重廿年猥許接殷勤敬
禮嘗從定小文三徑早歸彭澤令諸孫齊拜武夷君
何人得擬珠同握餘子眞教硯可焚此後湖山都減
色更無彩筆儂雕雲吞恨因公更自傷眼泉迸後賢

添霜清琴乍鎖塵先積獨鶴空歸徑已荒人向陸庵
懷老學天教魯殿圻靈光平生風義兼師友從此端
憂歎質亡

秋鴻館

梁學士同書記曰秋鴻館在城北之天后宮吾鄉王
槐流寓太倉州素與住持羽士沈祖喬習其還鄉也
必寓于其中初無所謂秋鴻館也今年夏歸安嚴元
照來寓于興福寺會槐亦還杭兩寓相去劣百步許
因相與締交其時談藝之樂有若開化戴敦元嘉興
丁子復錢唐何元錫仁和王宗本宋咸熙李堂倪稻

北隅掌錄卷下

五

孫汪家禧代州馮振孫諸人十一人之中宋君兩王
君杭產也而皆不居杭其居杭者則有何李倪汪四
人此十一人者互相往還無虛日會集之地則于天
后宮居多流連既久漸將散去因爲之名其室曰秋
鴻曾有詞刻若干闕蓋以志聚散之感也予旣爲之
題額諸君復乞予爲文以記之予固弗能文也然予
於諸君皆夙好亦有不能已於言者諸君旣非生長
於一方出處仕隱之不同其性情行事判然各異攷
其所志與所學亦未嘗出於一途且其爲數又不少
矣而卒然會合盡歡累月斯誠希觀之事也諸君之

不能忘情宜也而予於此顧竊有說焉以予觀于諸君出處仕隱性情行事所志所學雖不同要皆能有所以以自見其所以功名可也經術可也文章亦可也吾願諸君共區沒也積學以勵行崇德以立身相勸以德相輔以仁以靳它日之名有可稱則今日之一聚庶其無負爾予老矣辱諸君之誣諉何以益諸君聊書相期之意如此或不以予言爲謬與八十六老人梁同書記時嘉慶十三年歲在著雍執徐冬十二月

是一蘧廬

北隅掌錄卷下

无

姻丈蔡木龕布衣名焜字朗餘先世居北郭晚年乃移家入城卜宅于斜橋河沿屋不華敞而極幽靜與余家相距一雞飛舍道光乙酉余自蜀中倦游里中知舊老者半歸零落壯者散之四方余復以衰老苦腰腳憚于遠行舊雨不來今雨未洽于是出門無所詣動卽到其家地既勝主人光雅一時名流咸喜集其中有時近局招要文酒流連輒永日夕余輩詩社之閒恆樂就焉其聽事顏曰是一蘧廬廬之旁斗室二間寢處其中題曰木龕因以爲號文嘗屬余爲是一蘧廬記余以駢體文應之曰夫風花一瞥具有前

因天地百年誰非過客流水自去浮雲不還爭之何心閒者卽主是以張翰之酒不如卽時一杯阮孚之屐未知平生幾量吾姻丈蔡木龕先生顏其居曰是一蘧廬其深得此旨也夫或者謂先生之治其居也開櫺結椽務在潔清水映花承必取妍穩草遊如意竹訊平安若忘作者之笑勞正切吾廬之用愛豈眞望如逆旅聊比菟裘蘧廬之言得無僊乎不知一日必葺叔孫著爲美談所過糞除第五表其風節以爲蘧廬可也而蘧廬之不可也又況桐江半宅玉川數間容膝是安豈笑相樂焚香煮茗終日不聽客去觴

北隅掌錄卷下

三

酒賦詩時事不以挂口豈必蓬蒿不翦鼠足滿前而後謂之解盡天殺超乎世網哉若夫勝地一時盛名千古過谷口者於想子眞遊王官者流連表聖我方視以爲蘧廬而世乃不欲蘧廬我也是又有存乎其人在矣梁紹壬曰蔡木龕布衣焜錢唐人也居于武林門內之斜橋河下身爲櫺務司會計而往來皆文士家貧愛客若性命室無應門五尺之童惟一老嫗給事門懸竹柳一事客至擊之則此嫗啓扇而出內門設題名簿凡訪者先書姓氏焉登其堂則修潔無塵茗椀熏鑪位置貼妥酒談茶話客便自從性不

愛花而愛草牆堦益益悉植之所植之種芋絲娟秀而莫呼其名者不知凡幾卽尋常種類一經是翁澆灌培植鮮媚迥異凡俗尤酷愛翠雲草臥榻之院寬可數弓貼地平鋪一碧無當夕陽新雨望之如西洋翠屬蓋此水之第掃葉之帚去穢之紗囊無一時離手也翁不作詩而善談論腹笥極博嫉惡如仇有所白眼者出一語必刺入骨又好遊覽一邱壑之勝必窮其境而後已性又極介不妄取與而待人接物則仍煦煦作春氣殆市隱之流與

兩般秋雨庵隨筆

先大父上杭堇浦先生先曾王母貞孝行略

北隅掌錄卷下

三

先母氏錢唐元音范公諱允鍾次女生于康熙四十四年十一月初一日年十六許字先府君九章公諱銛爲先祖封朝議大夫晚菘公諱家楨次子晚菘公三子長卽溪本生考鐵庵公諱鍾仕至刑部廣西司郎中次府君杭州府學生員次先叔若谷公諱錚仕至廣東雷瓊道府君讀書咯血未昏而卒先母時年二十一歲晚菘公以定婚帖完歸于范先母聞之去環瑱廢飲食臥疾至三載元音公知志不可奪乃曰吾晚少兒息父女相依亦可以老獨不聞北宮之女嬰兒子邪吾當成若志耳先母遂強起奉色笑于是

在室守貞者十年舅氏九池公元音公從姪也在都與本生考同朝相得從容言及先母在室守貞事本生考作書告于先祖先祖聞而哀之卽謀于范迎歸時雍正九年也三日贊見婢子翼而拜迨謁府君遺像伏地嗚咽不能起戚黨來觀者滿坐爲之動容于時郡守秦公玠聞之旌以額曰女貞清操祖母張恭人性極嚴先母左右奉事率得其歡心嘗顧家婦及季而言曰此兒熒熒孑立然自來吾家早夜勤職不少懈且愛且憐之如我死汝等當善視如我今日也雍正十三年先祖及妣同時寢疾至沒侍奉湯藥者

北隅掌錄卷下

三

七十餘晝夜迨出殯中路悲愴顛絕于輿救乃得免生平不鬚面不簪珥寡言笑不閱淘真本歲時祭祀必躬自濯尊疊淨巾冪節羹粥務極馨香然必悲戚竟日月正懸先像覽府君儀容必坐對至落燈收容然後已自過門後元音公起居服食先母一一省問如在家時故元音公亦樂而忘老乾隆十年七月二十日仙逝年四十四歲守貞凡二十三載時元音公耄矣以文哭之有曰矢志全貞喜爾聲名已得一心盡孝悲予形影何依未幾元音公下世具棺殮衣衾皆先母所預營云是年冬呈請 題旌明年正月

奉

旨入仁和節孝祠給銀建坊秋七月葬于西湖靈峯山之原為先府君棲神舊域至是耐焉子二人長即雲以長房次子嗣娶芝山姚公女孫四人模棠杓杲棠杲早卒次房嗣者曰湘若谷公長子也娶翁氏孫二人楷楫先母之歸逮事舅姑克存宗祀然中間常觀閱受侮悄悄于心憤不欲生者至再至三而其事多起于骨肉無可告訴遂隕其年每痛吾母撫育之勞成家之不易迄今沒又二十六年小子濼大懼先緒有虧且無以表彰母德湮沒無傳誠日夜危懼而

北隅掌錄卷下

三

不敢晏也伏惟堇翁老世伯文章碑版照曜寰瀛且于濼輩為丈人行辱知寒家先世之舊則非老世伯誰能傳吾母者謹撰次其略敬求鴻篇俾得賜之佳傳壽諸貞珉則感且不朽死且不朽

華氏孝女節婦

孝女華妙清者右衛前所千戶榮之女也世居仁和師姑橋南女早歲喪母茹素十餘年初榮代伯氏成彭城永樂間累功拜前官臨沒語女曰吾起戰陣出萬死得一生為于夫長期世世及也今中道死子震幼且弱族人利吾官者行將不利于震汝以女子從

一少年後母其若之何女哭應曰女雖孱弱請得事我母長我弟令嗣我父勳終不從婚媾去遺父憂矣榮卒女奉後母保護震備至伯之麟果欲奪震官百計誘女嫁女翦髮碎面以示志竟育震成襲官終身不嫁後母者王氏年二十適榮五年而寡矢志撫孤素衣蓬首不出戶庭如媼偶語及其夫淚輒為之墮或以可喜事語之絕不作笑容供走家奴屏諸戶外清操之聲昭揭遠近

閨秀李蒨荏

閨秀李蒨荏者錢唐李綸如女余姻丈陳百藥寅室

北隅掌錄卷下

五

著有西湖百詠不永其年其舅氏張南漪侍御為之傳略曰女甥家居城北屋四圍多隙地因闢為小室廣植竹梅池中蓄繡蓮數本紅瓣而黃緣結實味甘如飴余嘗過其家臨流點筆課以短吟有云碧波清瑩葉田田佩冷衣香韻可憐若使臨風能解語應羞脂粉施金仙其嫺雅之致可想見也迨歸陳子玕石玕石為名諸生襟期曠達絕異世儒得蒨荏倚如良友閨闈酬唱共喜為黃老之談自號所居曰了緣斯言其坦化之先兆矣方未笄時其舅氏有能繪事者喜其髻而頰也為貌于絹冊頰首卻扇寓凝思索

句之態後其冊流落他所西陞女史題曰繡戶銀簾
韻太清小庭卻立聽流鶯梨花落盡春寒甚最好詩
情畫不成既而歸于鮑文滌飲余秋室侍讀集題曰
小影流傳格亦清春光當日付流鶯多情應屬青蛾
客柳絮飄殘好句成魏柳洲布衣之瑋題曰寒食花
飛小院清阿誰延仁卻聞鶯香閣兩兩才相敵顧影
空憐句獨成三詩皆用其自題韻而元詩則未之見
後侍讀應辟入都蔣荏戚黨有官京朝者于賓坐燕
談而悉之寓書滌飲介其友朱朗齋而歸之百藥時
距蔣荏之歿已久矣其幼女文鷺出以示女士朱湘

北隅掌錄卷下

三

芷湘芷墨識其顛末而節錄西湖百詠三十首及諸
詩于後卽滌飲文所刊西湖軼事一卷是也

陳坤維

樊榭山房續集桑叟甫水部買得元人百家詩後有
小牋粘陳氏坤維詩蓋故家才婦以貧鬻書者惜不
知其里居顛末爾其詩曰典及琴書事可知又從案
上檢元詩先人手澤飄零盡世族生涯落魄悲此去
雞林求易得他年鄰架借應癡亦知長別無由見珍
重寒圍伴我時丁巳又九月九日廚下乏米手檢元
人百家詩付賣以供饋粥之費手不忍釋因賦一律

媵之陳氏坤維題吳甌亭先生曰余詢之書買葉姓
者云此書得之城北故家桑水部見而售之墨迹尙
新雲螻齋詩話今其書歸方氏詩牋無恙尙粘卷尾方氏
微同人續和予因見之其詩案上作架上鄰架作漢
殿蓋山民爲鼠易以刊于集焉余追和其韻云名從
瘦厲集中知此日親觀卷尾詩物去故家情忍惹炊
勞巧婦事堪悲流傳藝苑爭清賞多少郎君號白癡
九十二年遺墨在絕勝筭珥矚當時時道光戊子上
溯乾隆丁巳九十二年矣

張紗術

北隅掌錄卷下

三

張紗術之名不載于舊圖經近志稱漲沙術夫術在
北城近西湖而曰漲沙可證江湖舊通之說則亦古
矣先君子嘗語小子珣曰聞之丁龍泓師術昔有張
姓織紗者所織特精居此故以名惜其時未詳問所
本也予時年十二方讀唐宋八大家文因弄筆爲之
記以呈于先君子先君子賞之今附載于此人善而
以業名于里者吾聞之矣工其業而人不見重于里
而以所業名其里吾未之前聞余大父移居張紗術
于茲有年人輒云此陋巷也不足居嗟乎爲此言者
乃不知君子居之何陋之有也昔顏子居于陋巷不

改其樂孔子賢之夫張紗街誠陋巷也豈以陋而遂不可居哉此亦言者之陋也相傳街于昔者有張氏住此織紗爲業故以名余意不然有街固有名矣其名一里者必其人冠一里者也街中居人多矣而張紗獨傳意其人必善而世故以名此街焉嘗攷其人欲求其家而故老皆無知者蓋遷于他處久矣余既居此每聽流俗人之言竊以爲不知立名之意且因其名而薄其街也夫此雖陋巷今豈無如顏子之家者遂書以爲記承丁說也後閱洪氏江臯雜識載明未有蔣崑丑者以紡織爲業時尙浮華反謂質色厚

北隅掌錄卷下

三

重者乃非製蔣乃易以團花疎朵輕薄如紙攜售五都市塵一閱甚至名重京師名曰皓紗今子孫猶世其業張蔣聲相近張紗或蔣紗之訛與惜不能起丁隱君而一證之

移居酬和

余家自贈朝議公始由姚江遷杭卜宅于葛家橋今稱胭脂之東地名老絲莊面河而居對岸彌望皆菱田爲孔姓之業故題于門曰世傳朱子業門對孔家田上句以文肅爲對也贈朝議公長子贈中憲公贈中憲公生三子長刑部公次庠生公次觀察公庠生公

未婚歿太君范守貞以刑部公次子嗣余先大父也分居褚塘家中落鬻其宅于姚氏貲居倉巷者三年然後買宅于張紗街先君子用樊榭韻賦移居詩四章一時和者成帙吳西林先生云老我前人拾唾餘謬來載酒叩郊居無雙名士稱江夏有分清才厠石渠同巷舊聯吟月社西城新闢讀書廬審知咫尺湖塢路聽得鳴榔響夜漁向說毫光放塔顛龍興有約禮金仙夜神力護滄桑劫處士名存書畫船元注石幢陀羅尼經係處士胡季良書仁惜癡朕傷鳥迹細看波磔效蠶眠君家最近相料理肯費墮椎麝蠟錢應有層

北隅掌錄卷下

三

樓倚郭斜豁眸高處客來誇呼同鬪句心雖怯坐伴看山眼不花浮水春雲通翠幌入城風絮撲鄰家扁舟僧鶴知能共避卻三橋士女譁徹天臯鶴自聲聞戰勝紛華始立勳發冢詩書莊叟笑滿堂金玉老聃云百年未繼淹中業萬里方空冀北羣許伯鄭真俱有宅或輕釣石重銖分倪嘉樹先生云新拓開坊三畝餘客來初認子雲居青楊巷接平橋路黃篋舟通繞市渠重整鄴籤還舊觀更吟陶句愛吾廬雖然少遠城東伴不廢兄樵與弟漁郭外雲峯盡見顛便如羣玉會諸仙鮑公祠下初沽酒西子湖頭近喚船有

約定隨輕策步不歸容借下牀眠要知吉宅新多喜
把燭書堂照壁錢半橫龍尾小街斜賦就街西句足
誇元注姚合有街西居詩吟砌待安三品石睹闌二字見須種
四時花南鄰酒伴逢榆社北里新聲付笛家更有發
人深省處諸山鐘鼓隔城譁壽安坊近語相聞要繼
廬陵子墨勳屋上畢通鳥亦好樹頭吉了鳥能云人
嘉擇地居廉讓我喜論交得紀羣倡和若編成雅集
此番吟卷韻初分陳雪廬先生云自笑塵勞萬里餘
五年歸戀一蝸居殘書散亂仍堆案野水縱橫不滿
渠最喜故人成小築若容高臥即吾廬西湖只隔平

北隅掌錄卷下

美

橋路暇便拏舟狎老漁先生四十未華顛寫入圖中
勝葛仙三徑雨分蕭寺竹全家春上郭門船安排茶
磨呼僮碾拂拭繩牀借客眠莫道小園泉石少明年
也費買花錢跌宕風前阜帽斜無雙才子客爭誇詩
清似濯空潭水人瘦宜栽遶屋花別有枌榆聯里社
更無鵝鴨惱鄰家龍興古寺鐘聲動一破江城晚市
譁歲晚維力百不聞矮牋殘墨盡書勳定傳詞客千
秋業敢與村師一例云沙上雪深留雁爪橋南水闊
沒鷗羣結鄰倘踐他年約許我豪吟醉夜分周亦耕
先生云竊風慕道數年餘結納詩壇慰素居聽雨簾

樵常款客看花時節最關渠傳來東野移家什接近
西湖處士廬興到準橋雙蠟屐儘拌風雪狎樵漁君
號能癡我號顛元注相圖自號小癡年華少小意凌仙燈前幾
醉留髡酒雪後同乘訪載船戊寅季冬同泛雪麥莊橋漫賦卜居
成小隱敢希避榻足高眠閉門正復耽幽寂得句渾
如萬選錢青粉牆邊石徑斜平橋喬木也堪誇因貪
山色芟除竹爲愛春風擡舉花載酒門多問字客解
頤人指說詩家請鄰祭竈尋常事譜入吟圖一笑譁
東園卜築紀前聞廿載重開即墨勳初寫蘭亭誠有
是後來王粲定誰云雅懷許續城西志屬和應煩硯

北隅掌錄卷下

罕

北羣我亦任人噓好事閒居賦罷劈牋分王心泉先
生學序云牙籤整妮五車餘冰雪叢中小僦居避俗
人翻誇得地傍湖我亦愛通渠圖書家具清供座桃
李心花夜照廬便合山林稱小隱何妨問答到樵漁
花南硯北著詩顛塵壒難侵世外仙繞郭青山門似
畫平堦秋水屋如船宵能縱酒晨還醉暇即攤書懶
便眼樂事于君差不俗底須費盡買山錢不礙來游
趁屋斜朝皆步屨也應誇畱人隱約檐端月刺眼礙
稚屋角花置酒可能招北郭借書仍合向東家元注余每
向相圖借書 漁樵兄弟比鄰近祭竈期成一笑譁磊落詩

名世共聞風流人說杜司勳一痕鴻爪原無定三載

鳩居未足云相圖賃居倉巷三年撰杖頗嗟門巷隔捨身真作

鷺鷥羣南湖舊日閒風月約略城西要勒分族伯載

斯柱云翠滴春山雨過餘鳳巢初傍虎林居非關王

氣鍾金埒元注謂寶浙局自有文章照石渠昌謂西文爛漫錦

囊花入夢綿芊書帶草侵廬此間況復饒幽興學射

何妨更學漁無過張顛與米顛恣情揮灑卻如仙吟

聯快閣將成快酒泛高齋正滿船玉版舊儲王逸少

畫屏重整李龍眠眼前色色精工甚笑殺僮夫祇愛

錢鳳城西跨六橋斜結宇今同鳥革誇張老坐中纔

北隅掌錄卷下

三

作頌江郎筆底又生花鶯簧巧囀新遷木燕壘爭營

故主家睨皖呢喃都有意精參物理未嫌譁旗鼓相

當耳厭聞騷壇坐鎮不言勳幾番欲和難為和未敢

人云我亦云紫海蟠龍魚索伴碧梧棲鳳鳥攀羣乘

風破浪尋常事無奈雲程萬里分柯大嚴先生觀予

自清豐歸相圃已家于西城矣出示移居詩依韻和

之并述近懷云聯牀一昔愛晴餘已分如鳩戀鵲居

蹇足自驚催得得喬枝渾未識渠渠素心晨夕牽歸

夢舊雨東西賸敞廬聞說子猷還種竹待予同看石

潭漁二月春風已放顛十分歸興挾飛仙卽煩燕寄

雲中信更倩帆張天上船檢點石苔容緩步掃除塵

榻待酣眠果然愛我周方甚辦得連宵泥酒錢窮龐

若欲翻車斜強韻拈來敢自誇囊錦已看堅化碧原

患嘔血相圖近舌連時復怒生花兩年為客荒詩律四首移

居見作家遲我今來稱後殿可知鵝鴨也爭譁卜築

幽居自昔聞移花時竹我何勳開軒郭畔亦真意得

趣琴中豈浪云時丁文龍為書琴趣軒扁最好青山供近矚况

逢洛社動遊羣羊求三徑依然在來往風流許共分

琴趣軒雅集

宅後平軒三楹小有樹石丁龍泓先生手書八分琴

北隅掌錄卷下

三

趣軒三字以榜之時喜來此來則嘯侶命儔拈題審

韻作竟日婆娑不知倦也已卯立春恰逢人日出湖

上見微雪歸飲琴趣軒分韻各賦七言近體先生得

虞韻詩云且探人日逢春立漫惜新年帶臘徂豔雪

并來先柳絮綵旛渾欲闌桃符詩裁蜀簡真堪憶酒

壓荆盤底用沽便覺風調吹雉雉試看水暖適游鳧

是日會者倪嘉樹丈得麻韻鮑淦飲丈得元韻厲層

雲丈得真韻周亦庵丈得灰韻郁潛亭丈得支韻王

繩玉丈得寒韻舒愚溪丈得庚韻王心泉丈得先韻

先君子得東韻辛巳四月二十二日小雨新霽集琴

趣軒分韻先生分得一東云雲卷中宵雨天青向午
風朋來三徑好恰喜一樽同餘滴聽蕉葉新梢攬竹
叢尤憐葵放處似戀夕陽紅是日會者嘉樹丈得一
先層雲丈得五微丁誠叔丈得七陽先君子得十灰
仲父思蔭得十三元層雲丈詩云漸及分袂候連朝
水已肥微風動高樹新霽出殘暉舞蝶穿花徑鳴禽
傍竹扉朋簪欣偶盍誰惜破苔衣仲父詩云深巷雨
聲歇登然聞叩門扶筇來竹下把酒坐松根乳燕晴
逾健游蜂午自喧清言消永日不覺石欄温臘月十
五日飲黃氏琴趣軒玩庭下紅梅時小雨初霽龍興

北隅掌錄

祥符戒壇三處近在跬步遂與諸生過之各拈韻賦
六言近體先生得蕭韻云勸飲庭梅似醉索吟鄰刹
如招霽日况搖金影寒雲行卷玉鴈宅捨時傳六代
寺分世慨前朝且趁梵香浮動漫嫌市埽紛囂是日
會者亦庵丈得蒸韻大嚴丈得覃韻層雲丈得灰韻
先君子得陽韻仲父得寒韻亦庵丈詩云殘冬雪未
搓絮新霽雲如曳縉春著紅梅幾點人娛清酒三升
經游不辦前佛相待還憑老僧扶屐且教歸去晚橋
風颭市燈大嚴丈詩云梅花已動詩興古寺重結幽
探破臘輕寒細雨迎人壞衲荒龕星聚一閃得五徑

鄰二仲開三不愁酒醴虛設原注丁丈量飲餘文字
方酣仲父詩云人境乍晴猶潤僧房破臘微寒細細
香飄晶域飛飛鳥下石壇重到樹同相識初開花似
將殘已拌燒燈沈飲何妨撰杖盤桓清明後二日集
琴趣軒以但得琴中趣何勞絃上聲平字分韻先生
分勞字云吟格貪師謝開軒亦慕陶奇懷欣客共狂
態識吾曹茶賞煎新火花憐坼露桃冥觀隨物化未
覺此生勞是日會者亦庵丈分何字嘉樹丈分琴字
展亭丈分絃字層雲丈分中字沈克諧丈德音及先
君子同分聲字又過琴趣軒與倪生建中周生亦耕

北隅掌錄

黃生相圃思蔭星橋食蠶豆黃生家園所擷者色味
雙絕當與皇墳之產爭俊也因以七字近體示諸生
云吳蠶笛上未成眠豆子初離綠蛹圓一任風梅竊
顏色聊同露茗鬪芳鮮閒餐偶并亦嘉會小擷剛逢
似夙緣節物關情春已夏新詩題就轉茫然家玉階
表叔基九日宿琴趣軒詩云記宿高齋歷幾春殷勤
畱榻又佳辰雨中蕉葉送清響籬外菊花如故人寄
傲軒窗吟自適怯寒簾幙放教頻想君領取閒風味
秋水秋山只比鄰蠟照搖紅疎漏傳宵分澹對正悠
然閒情最愛聽秋雨小隱何辭學醉仙偶爾談心揮

玉塵不妨破睡檢芸編明朝共約南湖去笑看楓林散紫烟

秋江采魚圖題跋

仲父蔭人先生諱棠字思蔭學于龍泓丁隱君而精于繪事六法皆工寫真尤妙隱君初不之知也一日隱君與友茶話仲父隱帳中以水墨寫主客之容惟妙惟肖隱君始見而嗟異之以爲雖謝文侯復生不能過也既得血疾二十三載而歿隱君索觀遺墨數幅都未落款欲以名印識之得所自刻圖章恐未善擬爲修琢反覆詳視竟無所改易而止蓋于隱君鐵

北隅掌錄卷

巽

筆已詣其極矣所留遺墨有水墨荷花立幅一折枝花卉秋江采魚橫幅二其秋江采魚圖爲海鹽張芑堂文燕昌飛帛書眉吳西林先生跋云龍泓丁先生與黃生思蔭竝屋而居因是借其兄相圃均爲丁門入室弟子龍泓曾誇于人指爲得意門生歿後賞其遺墨欲爲題跋而以鄭重意自持屢展屢蹉跎未及穎芳賞鑒去龍泓遠甚乃不謝辱輒下駢辭爲是可珍之寶具目者盡能識之原不必假助于他人齒頰穎芳亦預具目之一不妨是如語者是不異語者乾隆乙酉年暢月沈椒園先生廷芳跋云右秋江采

魚圖乃吾友黃鐵庵農部之孫思蔭所寫其尊君滌江珍襲已久水墨所渲風神清灑多書卷氣絕類元人筆蓋思蔭承其家學文采斐然故能所詣若此少年有是洵足異也思蔭之兄相圃從余游風擅才名念其弟手澤弗可湮屬余跋尾噫才人早慧竟符昌谷赴玉樓之召讀是卷重爲感歎云乾隆丙戌孟春之杪其詩者桑水部調元云秋江渺渺秋思深幽人託興白雲潯幽人已隨流水逝披圖猶復見素心少年獨能厭塵俗漁弟漁兄喜招尋得魚不須羨得酒卽相斟有時蕩入蘆花中攜來明月共清風興酣落

北隅掌錄卷下

巽

筆烟霞拂澹宕幾與雲林同秋水清兮起暮波呼之不出奈爾何嗚呼秋水清兮起暮波呼之不出奈爾何山陰周教諭大樞云江山如此青青渡所謂伊人勞洄溯載書載畫外史船蕩入烟波繫烟樹不信橋頭問津還喜從源口抽身住公子漫躡東海竿散人只詠漁家具欲將鐵網網珊瑚茫茫水國知何處杭太史世駿云水琴山畫意蒼涼小筆風流許爾長一段英靈呼欲出披圖如蕪返魂香桃源迷後蘆鄉閣不見漁郎黃子真老我空江無一物瀟泉洗句薦秋純曹明經芝云箇儂居處近江邊寫出江花江草烟

回首滄波人不見夕陽猶照打魚船翟教授顯云吳
淞八月淨如練到底潛鱗織可見放船羣入水雲鄉
檝影交梭亂江面船頭罾網船尾榔好山在水青低
昂得魚換酒無爾我齊聲拍手歌滄浪蘆中火歇酒
初醒宿雁驚飛蘆外影招呼漁弟愴漁兄江浪悠悠
江月冷鉛山蔣太史士銓云頗黎百頃柴門底烟波
澹入空濛裏仙人夢已覺南華漁父依然戀秋水寫
時言象兩相忘題處空憐墨滓香釣鼈是否騎鯨去
誰見虹絲百尺長丹徒王太守文治云野草粘波碧
魚罾帶雨收一江千艇集半幅五湖秋嚴瀨追前蹟

北隅掌錄卷下

罍

濠梁夢昔游披圖人不見沙影泛輕鷗顧太守光云
瑟瑟西風入測流垂虹亭外采魚舟而今畫裏逢搖
落滿眼蘆花一色秋出入真如同隊魚笠檐蓑袂未
全疏劉郎欲問無消息流水聲中正夢渠何布衣琪
云江村有如此妙手畫來能鬪鴨欄相接又魚艇共
乘秋風高樹落暮靄遠山凝卷裏人猶在招呼不肯
騰沈中翰恩湛云帆影紛紛帶夕曛寒江秋老不逢
君幾回欲覓桃源洞無數青山鎖白雲秀水蔣明經
元龍云少日曾哦供奉句今看好手無聲詩吟魂依
約蘆花渚不是罟師是畫師吾鄉千里亦能畫可惜

已無片紙留小弟丹青誰寶得爲君嗚咽夢滄州并
跋云相圃先生屬題令弟思蔭先生遺筆因用竹垞
翁論畫詩中感亡弟彝鑒語報之足徵友愛之意矧
及楮墨他可知矣家表丈基云山蒼蒼江茫茫鳥飛
不盡吳天長經霜紅樹老秋色青蘆旋繞漁人莊漁
人采魚出前浦扁舟箇箇波中央或攜筇留或巢篲
或載筇檣慘又梁老婦劃漿兒鳴榔界破山影搖江
光漁家樂事數不極扣舷一曲歌滄浪春秋更換忽
八九江天如故人云亡嗚呼江天如故人云亡烟深
水闊不知處風露滿天生夜涼其詞者吳祭酒錫麒

北隅掌錄卷下

罍

調摸魚子云送扁舟窅然來去一痕秋影如翦橫江
悅聽鳴榔急幾棹溯波齊轉歌未斷更指點青帘提
取霜鱗換歸來步緩但笛裏勾涼蘆邊吹火相約素
鷗伴徜徉意記得嚴陵水畔當年曾訂游券千山
紅樹渾無恙瞥向畫圖重見情最戀誰寫我秧蓑獨
箇臨清淺斜陽易晚試問向漁兄夢飛何處芳草逐
波遠最後梁孝廉履繩題云畫稿依稀尙墨香空看
九朽淚浪浪東頭居處原如陸絕筆畱貽可繼黃漁
父夢魂猶縹緲秋江風景自蒼涼題詩者舊今何在
最是難兄更斷腸時乾隆壬子十一月也迨嘉慶季

年先君子見背小子均衣食于奔走家藏舊畫悉被人竊去仲父遺墨皆與焉此卷與折枝花卉卷輾轉爲吳子次歐所得道光庚寅余得見之亟以舊藏雍乾間名人詩札三十六幅易之以歸而畱折枝花卉卷爲次歐清賞其荷花立幅不知流落何所矣余紀以詩曰敢教過眼等雲烟爲有先人手澤傳合浦珠還欣此日延津劍配定何年三生未改精魂舊一段猶畱翰墨緣重乞名公與題識好將嘉道接雍乾胡學士敬爲之記曰嗟乎金粟前身曇花小影離離短幅墨瀋如新采采扁舟烟波無際此余友薌泉仲父

北隅掌錄卷下

巽

蔭人先生遺翰也藝本神悟慧由夙成但觀敗牆已徹懸解偶弄芳萼便嫺寫生傳其隱扶風之帳中貌丁鶴以神似如彼周昉見稱令公底須劉琨更問老婢以故一時耆宿三徑過從歎未易才呼爲小友山次何點雲隨陸機同游通德之門獨賞營邱之筆至今書帛愴懷于逸少挂壁遺恨于秣陵倘容假年應在魏舒以上豈期早世難冀顏回復生蒼華不畱玉埋何速彩筆初授花燦無多觀其值江上之峯青識濠梁之魚樂含毫懸邈攬景澄鮮蒼葭接天白露猶濕樵爨綴其墟落浦激狀其潌洄俯俯乎腕底雲霞

卷舒在望人間烟火吐棄無餘如游武陵之源已入倪迂之室足使崑崙悔其故習摩詰訂爲知交者已而乃縑素空存風流頓歛悲哉秋氣渺矣江波宜薌泉之睽懷竹林珍重繭紙合浦驚徙延津感分也乎所幸寒馬馳還楚弓求得竟大癡之筆妙因小阮以名彰贈我錯刀報人瓊玉張圓燈于藝海昔峙峯三搜妙香于墨林今畱枝一持多易少心殊快然由半得全意在兼取庶幾趙璧更從間道以歸來慎莫顧厨再致通靈而化去道光庚寅嘉平望日

北隅掌錄卷下

辛

瓜

二

二

陽

齋

齋

絳

齋

徐善聞題

鑄

鑄

已亥夏五刊成

北隅綴錄卷上

錢塘丁丙松存氏述

萬壽亭

謹瞻是亭朱楹貌拱黃瓦龍翔環丹壁於周圍枕碧池而浩蕩貞鑄四石寶燭重簷仰瞻雲就日之崇坊沐

膏露醴泉之盛澤合萬民以祝

萬壽率萬方以頌

萬年浙紀歡臚嵩呼基此矣中安康熙二十七年十月二十三日

北隅綴錄卷上

一

詔曰朕惟禮先報本推崇備極夫鴻名孝重尊親迨遠特隆於廟享載稽往牒鉅典惟昭欽依

皇祖妣太皇太后至德宏宣深仁溥被光贊我

太宗文皇帝躬勤締造啟式廓之鴻圖篤生我

世祖章皇帝統一寰區懋永清之大烈丕彰

聖善撫育渺躬單三紀一勤緜萬年之歷祚緬思

罔極儼承

慈訓於杯捲衍慶無疆敬晉

徽稱於琬琰博詢輿論虔考隆儀祇告

天地

宗廟

社稷於康熙二十七年十月十六日率諸王貝勒文武羣臣恭奉

冊寶上尊諡曰

孝莊仁宣誠憲恭懿翊天啟聖文皇后二十二日升

附

太廟既展追崇之報宜宏錫類之仁所有事開列於後凡一十款於戲薦

九廟之馨香孝思不匱萃萬方之愛戴純嘏彌昌率土揚麻普天被澤布告中外咸使聞知左安康熙四

北隅綴錄卷上

二

十三年十月初七日欽奉

上諭諭戶部朕昨歲南巡至浙江見其農桑遍野戶口繁殖閭閻氣象較勝於三十八年巡幸之時甚為心慰浙省錢糧雖前此屢經蠲貸而朕車駕臨臨應更敷恩寬恤俾民生益加充裕當迴鑾以後即擬免四十年額賦因山東急賑災荒遂爾少緩曾頒有諭旨茲直省皆獲有秋特申前命康熙四十四年浙江通省應徵地丁銀米等項除漕糧外著俱行蠲免諭旨到日該督撫卽嚴飭有司張示遍諭務使窮檐蔭屋均霑實惠地方大小官吏不時訓誡小民令各

守分節用不論年歲豐歉咸有蓋藏庶無負朝廷殷
殷愛養賜租給復之至意爾部卽遵諭行特諭右安
乾隆十一年正月初四日欽奉

上諭朕愛育黎元格外加恩將各省錢糧普免一次
以爲休養萬民之計經大臣等酌議國家每年一定
之經費皆取資於正賦應將各省分作三年蠲免則
經費有賴而先後之間萬民均霑膏澤至於耗羨乃
有司養廉及辦理公務之所必需應令照舊輸納朕
已允行今思朕之逾格蠲免天下正賦者所以藏富
於民且使閭閻之間終歲不聞催科之聲也今正賦

北隅綴錄卷上

三

既蠲而耗羨又令完納是官民仍有交關猶不免有
追呼之擾若將蠲賦之年應徵耗羨一併緩至開徵
之年按數完納使小民於交官之便完此些須不必
兩次伺候公庭亦體恤民情之意著該部卽遵諭行
並將公用不敷之處作何撥抵酌議辦理各省督撫
當董率有司善爲之勿因此又生弊端也欽此又安
乾隆辛未春三月朔日杭州駐蹕之作御筆今春三
度茁初葺怡值餘杭翠輦停展義省方欽

祖烈承歡祝嘏奉

慈寧三朝休養繁滋息萬里提封口戶庭覽彼就瞻

心實切慚茲懷抱德惟馨人文舊地風猶樸禮樂名
邦教易型明聖湖重瞻

聖藻飛來峯已送來青蒼蒼艷裔差無負濯濯林泉
信有靈卽漸風光臨上已便當觴詠賞蘭亭

小北門

乾道淳祐咸淳三志穰場都鹽倉轉運司抽解竹木
場鹽事所均在天宗門裏松鄉集載大德元年有旨
江浙行省撥天宗河之北官地若干俾與四聖延祥
觀萬厯錢塘志天宗水門注曰自來倉廩富人守之
清士雅流多所不屑邑君子厭糝穰在前春杵在廡

北隅綴錄卷上

四

斥之郭外而細民瓶無儲粟以列肆爲囤倉當東人
逼北郭時卽播槌滿三千丈度難以一分飽一家於
是有借箸議開天宗水門屯粟白洋池爲市者夫城
內壩外之地實高於河然不知宋趙忠惠何以由之
運米洪武五年湯信國始築德勝壩五年之前何以
水不傾瀉云云今則門之左右皆菜畦瓜圃已

老窪洞

三餘贅筆浙中人家水溝多用陶瓦爲之如竈突狀
名之曰淫取其流通不滯也又按萬安橋北銀洞橋
不通舟楫實則宋時東青門城根出水之窪洞後人

改呼銀洞可爲佐證

祖山

淳祐志虎林山舊經云在錢塘舊治之北半里今錢塘門裏太乙宮道院高士堂後土阜是或云一名武林咸淳志武林亭在宮之後有坡亭其上舊扁曰武林理宗御書二字以賜武林虎林城內城外紛紜聚訟惟毛先舒武林山辨差爲明晰云杭州府志載虎林山在武林門內一里而近楊正質虎林山記云異虎出焉故名虎林吳音承訛轉虎爲武耳乃葉紹翁西湖見聞錄則謂虎林卽靈隱山因避唐諱改爲武

北隅綴錄卷上

五

林先舒案二說俱非也武林本是正名呼虎林者政是譌耳宋淳熙志嘗斷以爲漢志明載武林山爲武林水所出自漢已名武林非因避唐諱爲武又史記東越列傳餘善號將驕力等爲吞漢將軍入白沙武林索隱曰白沙武林當闔越之京道史記又云樓船將軍楊僕出武林又云使徇北將軍守武林則武林之名久已有之豈緣唐諱也譌而爲虎確乎無疑夫杭郡治旣稱武林又以名北門則此山必不大遠以爲卽靈隱山者斯沿見聞錄之謬說也然則府志稱虎林者誤而云在武林門內一里而近其信矣夫張

陽祖山寺詩云太乙祠天水佳山紀武林荒蘿人徑遠古佛樹堂深址廢名猶在時移迹可尋變輿經過後寂寞到如今

演武場

演武場之先爲錢塘縣治爲大理寺爲韓蘄王劉鄩王之第後獻爲景靈宮固禮樂刑政之所由出也潛志錢塘縣治舊在錢塘門裏三十步羅隱爲令手植海棠於署王元之詩曰江東遺迹在錢塘手植庭花滿縣香若使當年居顯位海棠今日是甘棠澗泉日記錢塘舊治今車馬門是也唐武德四年由錢塘門

北隅綴錄卷上

六

外徙此宋南渡後再徙紀家橋大理寺潛志中興初在錢塘門裏夷堅志秦檜下岳侯大理獄周三畏鞠之遇夜間閒行見古木下一物似豕而角周邵步此物徐行至獄旁小祠而隱經數夕月甚明又見前怪首有片紙書發字岳侯傳初獄成大理寺丞李若朴何彥猷謂某罪當徒二年白於大理卿周三畏三畏遂白於万俟卨萬不應三畏曰獄當依法三畏豈惜大理卿卽有王輔者投書於檜具言某反狀已明檜以書付獄卨卒致之於死朝野遺記岳侯之斃於獄也實請具浴拉脇而殛獄卒隗順負其屍出踰城至

九曲叢祠中舊在大理寺牆下故九曲五顯廟至今尚靈此

事在紹興十一年續通鑑紹興十三年二月乙酉詔臨安府建景靈宮以劉光世賜第爲之及二十年詔以大理寺比近景靈宮令臨安府別擇地建所擇卽今之天漢洲橋後地是也世謂岳王正命於柏臺分司其柏曰精忠柏又謂初瘞於眾安橋之扁擔衙要皆未明大理寺未遷以前之原址耳大理寺旣近錢塘城根故隗義士就獄負骸踰城而安之九曲祠其勢順其情捷正無待別爲臆說也又按顧沅韓蘄王神道碑攷云續通鑑云紹興二十一年九月丁巳增

北隅綴錄卷上

七

築景靈宮用韓世忠賜第爲之期年而畢是世忠第與光世賜第相連景靈宮乃合兩第爲之似卽今武林門內教場火神廟之地也世忠以八月四日薨至九月四日其第卽改築景靈宮可知宋時賜第生則居之歿則歸之朝廷子孫不得復居矣明徐伯齡蟬精雋載火神廟記尤詳杭城教場在郡城西北隅成化甲午鎮守浙江司設監太監李公義重修葺之于講武堂後仍建火神廟求戶部尙書兼翰林院學士知制誥兼國史經筵官賓山萬公安爲文以記云杭州火神廟在郡城西北隅教場講武堂後廟舊未有

乃鎮守司設監太監李公所創旣成佯來屬記於余或曰火有神乎曰有之五行在天地間佐元氣以成化包六合而無際互萬古而不息故曰鬼神之爲德其盛矣乎夫所謂鬼神不外乎陰陽五行而五行之火乃陽之精也自火而論之根於四德則爲亨發於四時則爲夏列於入卦則爲離形於五色則爲赤成於五味則爲苦凝精於天則爲熒惑修靈於地則爲衡霍在十幹則爲柔兆疆圉在十二枝則爲大荒落敦牂燧人洩其祕而啟其源祝融司其職而衍其流或鑽木而生或擊石而出或猛火油得火而發或水

北隅綴錄卷上

八

晶艾映日而起人徒見其切於日用者烹爨而已鼓鑄而已殊不知用之於兵器者爲礮爲銃爲鎗爲箭與夫火禽火獸之類蓄造化之精靈極人事之機巧其有功於國家武備最大且要夫天下之物莫不有神司之況火之神乃盛德之至乎浙江爲天下雄藩李公悉心練武以圖保障凡諸火器皆造如式乃德司火之神思報其功故治神棲如此經始於成化甲午之秋九月落成明年之冬十一月有堂有廉有庫有庖像設彩繪旣具旣好歲時奉祀必嚴必潔故繫之以詩以侑享曰維火之生維陽之精實切民用尤

利於兵神礮神銃神鎗神箭其迅如雷其光如電式
奮英稜以摧不廷獫狁鑿齒靡不就擒國威既張醜
類以滅永甯邦家維神之烈歲丁酉立石

龍興祥符戒壇寺

梁大同二年邑人鮑侃捨宅建寺名曰發心越五十
三年隋改名眾善釋真觀住之越一百十五年唐神
龍元年改名中興越二年又改名曰龍興寺越三年
景龍四年盧季恂撰龍興寺碑越八十三年爲貞元
十年王穎撰大覺國一禪師碑越三十一年爲寶曆
三年九月二十五日蘇州刺史白居易爲杭州龍興

北隅綴錄卷上

九

寺僧南操撰華嚴經社石記曰當長慶二年靈隱僧
道峯講大方廣佛華嚴經操歡喜發願勸十萬人人
轉華嚴經十部十萬人又勸千人人諷華嚴經一卷
每歲四季月其眾大聚會於是攝之以社齊之以齋
自二年夏至今秋凡十有四齋每齋操奉香跪啟於
佛曰願我來世至華嚴世界大香水海上寶蓮金輪
中毘盧遮那如來前與十萬人俱斯足矣又於眾中
募財置良田十頃歲取其利永給齋用操八十一矣
朝夕待盡恐社與齋來者不能繼其志乞爲記誠俾
無廢墜于卽十萬人中一人也後十年爲開成二年

立佛頂尊勝陀羅尼經幢又六十三年爲錢氏列土
其時許思兵亂發國一塔吳越王厚禮立戒壇重掩
再九十六年宋改名大中祥符律寺再六十六年是
爲熙甯癸丑蘇文忠就寺九曲觀燈再四十七年遭
方臘之亂獨醒雜志方臘陷婺歙等州乃入錢塘觀
燈飲犒春渚紀聞臘踞錢塘羣賊捕官吏慘酷害之
有任都稅院者家祥符寺北每曉起誦金剛經五卷
二十年不廢賊七佛子者執令眾射任知不免但默
誦經不輟而發矢數百無一中者賊驚問之始釋合
兩書觀之觀燈與射更皆在祥符時事更六年爲建

北隅綴錄卷上

十

炎改元陳通軍變執守臣葉夢得詣薛昂家逼昂領
州事昂有花園距寺不遠似當日陳通未必不踞寺
中也又越二年三月五日御營副都統制苗傅劉正
彥殺簽書樞密院事王淵舉兵向闕索內侍康履等
腰斬逼上遜位皇太子元祐太后垂簾聽政上顧兵
部侍郎李邴令草詔宣畢傅與正彥始麾其軍退屯
祥符寺事詳建炎復辟記成化志建炎初金人南蹂
城陷寺毀地入於官其後議改寺址爲臨安府治又
以其址爲軍器所儀寺中設狀元局卽軍器所址爲
禮部貢院終南宋一百五十年中方陳甫劉及金人

之紛擾軍所局院之建置紛紜割裂安得不自九里而僅留一角哉惟孝宗時李洪芸菴類稿有國一禪師塔云蓬境安禪五百年六時鐘唄震諸天我來不問安心否露柱風林說熾然玩此詩正在寺留西南隅時作也宋亡地鄰景靈宮諸蹟寺基雖殘摧毀必酷越九年當元至元二十一年僧中庵吉公始入錢於官儲寺地更四年以地爲寺之永業又三年始得重建合稱之曰龍興祥符戒壇寺黃學士潛撰記之外記載吟詠所見均罕惟俞德鄰佩韋齋集載龍興祥符戒壇分韻詩序至元辛卯六月余游杭炎暑重

北隅綴錄卷上

十一

赫旅樓鬱不自憍有持巨軸至曰明慶宗師虎巖良公約游戒壇書也列凡百人余亦與焉期既至欲往不果公以筍輿速之又不果越日白廷玉來訪盛誇茲集以爲口地虛曠堂宇峻潔修竹叢杉蔥翠交蔭芙蓉濯濯香氣襲人雖紳佩簪錫環列雅坐涼颺時至不知門外之紅塵赤日也頃焉炷薰瀹茗設伊蒲淨供鳴琴醉墨皆極天機投壺對弈各適其趣則析少陵已上人茅齋詩探韻而賦客多詩字少或再韻或三韻余雖不至亦虛下字界之余益以不得與爲憊廷玉復道意俾予序其事云云明初劉基誠意伯

集竹川上人集韻序云余初來杭時識上人於祥符戒壇寺見其爲歌詩清越有理致遂相與往來因語及聲音之學而出其所爲書則集凡天下之音聲比其開發收閉之類而各使相從凡有聲而無字者咸切而注之審因以知字因母以識子如指其掌也上人爲浮屠而志於儒不泯於流俗而著書以爲樂年已老而愈不倦是豈可常人目之哉觀序言則明初龍興之名已隱而不彰越二百餘年戒壇寺贖於萬厯閒經畧宋應昌住持者僧廣泰也至四十一年壬子方伯吳用先仍給匾復原額祥符寺重建於天啟

北隅綴錄卷上

十二

七年迨崇禎九年尊勝放光始贖民居而稍稍復古入國朝廉使長白佟公國器在署聞鐘聲日夕不休問左右皆不知因尋聲往蹟聲自塔出發之則二缸相合肉身儼然不壞遽掩而修之今幢上題順治乙未修與陳撰聽雨錄所載合自丁隱君敬居張紗衙時繞石幢偕賦詩歌名益大顯於世其後乾隆閒重修祥符寺吳祭酒錫麒爲募疏見之有正味齋文集咸豐庚辛粵賊再陷杭城三寺都付劫灰同治甲子克復次第重興而雲棲瑞眞上人首續龍興拓地扶幢起造佛殿其徒宏熹苦心修持復基十畝構石

經堂秀水高行篤象額跋云西京石刻十三經及五
經文字九經字樣為開成二年鄭覃勘定此陀羅尼
經幢亦開成二年鄭徹建造歷梁宋元明凡五修
國初雲棲耆宿廣彰摹刻幢經後里中丁敬身隱君
張為詩歌名流繼詠古緣大顯隱君鄰居鄭畫人處
士授經之暇嘗導其學徒竹舟松生兩丁君瞻禮幢
下咸豐辛酉之劫處士殉義兩丁君追念師門以幢
肇鄭氏題詠實啟於丁雲棲沙門瑞公為之主持披
荆拓地締構莊嚴龕鄭先生主於其中以縣香火功
德因緣種種巧合有不可思議者兩丁君固讀儒書

北隅綴錄卷上

三

爰本開成石經之名顏其堂而屬余篆額蓋始終不
忘鄭氏云無錫秦細業題石經堂聯南操禪師大會
億萬人於此啟華嚴四秀社東坡學士正月十五夜
曾來觀祥符九曲燈吾師楊枌園先生文杰佛殿聯
云宅捨大同塔棲大覺額改大中遙遙千三百年清
淨法場白社華嚴延象教經傳元照燈放元宵基興
元代湛湛五十四顆光明舍利碧幢尊勝振龍天溯
自梁大同二年丙辰至光緒九年癸未凡一千三百
四十七年興而廢廢而興之蹟畧敘大綱如右

尊勝幢

兩浙金石志唐龍興寺經幢佛頂尊勝陀羅尼經序
經序不錄佛頂尊勝陀羅尼經經文不錄開成二年正月一日
建建主鄭徹同建造僧宗亮同句當造幢吳中則處
士胡季良書都料匠吳興沈郁弟咸刻字奉為國王
太子輔相大臣州縣案察及多生父母十方施主法
界有情重修此幢永充供養大中五年八月廿四日
建句當僧可儀大德僧幼則老宿僧惟素大德僧道
儀供奉大德僧貞實監寺大德僧良滌長講律大德
僧懷志僧常居法師洪彬僧惠超都維那僧志圓寺
主僧文義上座僧智常同捨錢助緣人前衡州衡山

北隅綴錄卷上

古

縣令陳休前國子監明經姚繼文前明經夏敦禮祝
師益陳謙徐宏發徐口汪景復湯簡文褚達鄭絳錢
處實沈文漸朱德梁乾化五年五月八日頭陀僧處
道重修建內有舍利五十四顆琉璃瓶盛瀆祐八年
三月初八日□□眾人修□□□是幢久沒民間幸
於明崇禎丙子年放光遂得興緣檀越沈演方子將
馮洪業王元建捨資沙門元神海音復創於 大清
順治乙未九月十三日千佛寺住錫龍興口忠重修
建幢下截八面惟第四第五面全泐密漸邦葛口舒
三娘何十一娘陳簡孫韶楊璘徐口欣盛陳華郭六

口朱豐朱鵠徐鵠張口劉歡顧瑜許敬真韓思齊錢
李榮口華姚通沈口王季超梅榮沈二娘馬雲沈暉
姚秀茅宏簡熊鈞湯述嚴景運曹峯俞行言譚欽揚
升張行簡俞逢齊四娘顏忠悅鄧文虞公達黃元志
鄧口嚴皓張口莫惟彥口明景元周口吳景口陳口
朱口口高口魯口徐通楊二娘王二口孫口吳口朱
迎孫簡口九娘董口劉口徐君直俞亮安及季從直
王宏簡陳峯薛口丁仲蠲歐陽彰賈開吳俊璩叔珣
何珙勝榮夏十娘周度范安馬千口祝鈞范口右幢
在仁和縣龍興寺內今稱祥符寺石高五尺六寸八

北隅綴錄卷上

圭

面周廣六尺四寸額題篆書佛頂尊勝陀羅尼微妙
救危濟難之寶幢十六字文每面十行惟四面十一
行前刻經序行書徑七分後經文題記俱正書徑六
七分不等是幢建於唐開成二年其後又有大中五
年及後梁乾化五年宋淳祐八年明崇禎丙子年
國朝順治乙未修幢諸記幢座開刊姓名三列當是
開成開施主題名今大半剝蝕矣宣和書譜載胡季
良工行草字體溫潤有秀穎之氣今浙中經幢出季
良手書者尚有歸安縣天甯寺幢蕭山覺苑寺幢二
種視林詩集祥符寺陀羅尼經石幢歌已卯立春日

倪建中周生亦耕黃生相圃厲堦繡周同遊城西祥
符寺觀唐開成二年處士胡季良所書陀羅尼經石
幢黃生爲子遣工瓊蠟墨本是日微雪飲黃氏琴趣
軒諸生請爲此幢作歌祥符古寺尊勝幢誰其書者
胡季良磔掣東裏別擅長非鍾非索非二王篆額入
面垂琳瑯仙人倒籛師務光鎖紐宛通偏勁強篆貴
通見盤拏瘦骨矯莫當玩之良久如騰驤一頓一挫
神洋洋八分行草迹盡藏季良於篆書入分正書行
錄復齋碑錄更嫻詩歌與文章按吳興吳文皇帝廟
宣和書譜本寺碑皆季良所撰見復齋碑錄題然公三房詩大
乘寺詩崑山寺詩讀元和文皆季良所作見宣和書

北隅綴錄卷上

六

譜宜和入譜陋未詳書譜但云胡季良不知何許人
自命處士耽樂康朱門鐘鼎應早忘清才妙藝老一
鄉臨風那不生慨慷不見賤伎旛綽黃史冊翻令垂
有唐譬夏瓦缶拋笙簧古來公道多渺茫想見斯人
抱幽芳灑然千載如在望幢搦我昔韜古囊悵作鄰
火朱鴉翔黃生敬恪篤中腸響墨爲我穿僧廊瓊槌
均括響抑揚旣擊旣埽黑白彰我時懷古心傍徨起
巡閒園遶蒼筤天真塔中昧兩缸短莎徧踞徒佺偃
唐國一禪師眞身塔以兩缸合而座之德宗昔日九
賜塔號曰天中今寺基分裂未審塔在何處昔日九
里皆寶坊九曲燈火爭星芒九十九井分銀牀泉光

已入千家涼幾經浩劫換紅羊惟留茲幢屹不僵石
盤敦敦出坳堂久爲民居悶牆墮一朝呈露還佛場
合掌麤集耆黎相搨得卽是孽海梁豈惟妙筆珍青
箱是日立春司東皇忽教微霰撤明璫寒風瞥爾吹
衣裳笑歸曲室開壺觴當杯探韻興詎央詩成迭詠
聲琅琅黃琮白璧皆鏗鏘酒酣坐立任相羊試鋪墨
本向明窗重修歲月按幾行清順治十年崇禎九年遮湖
元延祐宋入清年梁化大中之修尤足徵叶名僧信
士紛助勸大中五年法師講師大德僧共奉爲多生
翁與娘上鑄三員指神明經十四員同修奉爲多生
臣多生父母十分施主讀之酸淚欲栖睚字

北隅綴錄卷上

七

亦阿那含清剛了知書手非尋常唐日書經者山僧
如法何代郎輒將咒字胡皴皴記云重書實殘牋四
面咒後刊刻一行云大明山僧如癡肥臃腫鍛鋒鋸
法重書此咒實以刀鏤原蹟耳癡肥臃腫鍛鋒鋸
舊迹竟使遭剝創咄哉閻黎真野偷得無好名成妄
狂陀羅尼義萬善網總持眾善免眾殃大願發自大
覺王獲霽幢塵等慈航經言得霽幢上吹下微塵至
今幢頂舍利光二曜不敢同低昂乾化五年重修頭
安置舍利五十我作此歌黯自傷舉口無力當衰厓
四粒於幢下惟願有情普供藏聊述本事非鋪張清晨盥誦能勉
遑巍巍功德知無量檀函好伴伽噓香

九十九眼井

宋樓宣獻武林山詩吳越大築繡黃廬爲穿百井以
壓之此九十九眼井之顯證也曹惠馨繡虎軒集訪
祥符寺九十九眼井云梁室經營日唐朝葺治年發
心因捨宅眾善共安禪鯉逝悲諸李鯁來應大錢玉
幢霏法雨金井濬名泉瓶鉢供清課巾綸結淨緣龍
蛇方攪海蜥蜴獨升天德水盈重九恩波溥大千自
從嗟納土無復羨臨淵南渡繁華會西街刹宇連僧
厨亡汲綆軍器貯戈鋌不道王基隘還將武備捐紅
羊秋換劫黑蜮夜斲眠素魄四晶月塵泡化碧燻蝨

北隅綴錄卷上

六

斯依草趨螺子伴泥旋石塔纏丹荔銀燈滅寶蓮盛
衰今幾劫高詠問坡仙此詩討古精詳琢句工麗猶
憶幼時同學周君明遠居近百井坊巷家有古井自
底至闌每三尺各甃磚雕龍頭由下而上厥數凡九
可驗水之深淺人呼爲九龍井不知在此九十九眼
內否耶

十寶

隨手雜錄載頗眩伽寶與十國春秋載錢忠懿王妃
孫氏嘗以一物施龍興寺形如朽木箸寺僧未之珍
也偶示舶上波斯人口此日本龍慈簪遺以萬二千

緝 去傳爲十寶之二按王象之輿地紀勝法華塔在杭州府城祥符寺建塔以七寶打碎爲末和漆成之銀血書法華經內外佛像萬餘皆七寶所成又祕殿珠林載內府珍藏宋李廷義書法華經一卷磁青箋本泥金細楷書款杭州大中祥符寺前寫聖教李廷義書經文前泥金畫佛像每像上俱有泥金書佛號像後識云勸緣受菩薩戒弟子朱仁厚王貴實等謹摹四眾共率淨財寫金書小字妙法蓮花經一部霞條煥爛寶軸輝明仍以香幢貯盛捨入龍興懺院俾茲巨善式懺眾愆仁厚與在會入緣人等從有識

北隅綴錄卷上

九

神愿無始劫因迷本性遂起妄心從細至粗合塵背覺不善身口意縱逸貪恚癡醉煩惱稠林渴生死苦海不求出離但恣無明如是過愆不可喻說並願仗茲法水滌彼業痕慧光燭破於昏衢罪性冰消於覺海使六根清淨獲三昧現前福慧二嚴依正具足然後嚴浮報滿安養棲神卽彼化身證無生忍此經在在處處手持頂戴眼見耳聞增見生哉穀之榮結當世菩提之種不盡功課散及有情等沐良因齊成覺道經後題云今具入緣人姓氏於後傳天台教沙門慶文王貴實爲先考六郎嚴禮同母鄭氏三娘徐承

德並妻李七娘蔡文吉爲先考二郎黃二娘爲妣陳一娘李文惠并王氏七娘尼德明鄭延岳張世英陳宇宗王承贊蔡三娘楊四娘道士陸居和王洗華琪梁氏十娘盧氏十二娘施氏六娘葉二十三娘朱仁厚勞仁泰馮延集諸仁安沈承澤朱元禮徐元禮方延燮劉延慶銘仁政凌文德俞承矩尹延靖朱炳王讀朱貴張仁太陳建朱二娘朱文貴李德修王仁福凌文惠陳文質王承寵大中祥符四年歲次辛亥四月八日記通卷不加裝潢高六寸四分廣一丈五尺八寸前各嵌黃箋一幅按此卷不盈一握具七卷蓮

北隅綴錄卷上

十

花文如蠶腳神工鬼斧非人所能豈並在十寶中耶

附記祥符古志畧

薌泉先生親見祥符古志卽彼氏所稱萬年簿也今旁稽古籍以附之眾善講堂隋釋真觀築於眾善寺以付門人元鏡見續高僧傳東堂沈遼雲集昭慶法師導集眾緣圖畫如九曲觀音院兩浙名賢外錄僧慶祥住祥符九曲觀音千佛伽藍宋高僧希覺傳錢王文穆建干淨土院古史考僧守直賢首教院晉水禪師碑翰林學士沈住龍興淨土院賢首教院晉水禪師碑翰林學士沈院東藏少居祥符東藏黃潛龍興祥符戒壇寺記秀堂上鐘樓上函經輪藏公至元之四年作輪藏覆以

大廈而函恭敬堂成化杭州府志大鍋咸淳臨安志
經以實之在二尺在荷池俞德鄰佩韋齋集龍興戒壇分韻詩序
祥符寺後放生池疑當日種蓮也

同仁祠

祠建於嘉靖十七年蘭溪唐龍爲之記至萬曆乙未
莆田龔雲從守杭從祠裔孫鑛之請復葺新之李駕
部時行又爲之記康熙中林璐有記載歲寒堂存稿
云同仁祠基凡九畝七分零萬曆初孫王胡三姓置
祀田三十六畝六分租屋十五間半募僧司灑掃香
火歷百四十有五年享祀不忒康熙癸亥奉

北隅綴錄卷上

三

詔修通志守僧投牒乞改祠爲千佛寺督府施公中
丞王公方伯石公企仰名賢俎豆下杭郡丞程公按
驗改寺狀後裔王志普等盡發守僧仆碑毀像怙惡
已久覆驗得實奉憲檄懲僧如律於是伐石更請余
爲記初提學張蓋定位欲首忠烈諸生張乾元抗議
曰忠烈許國神人其憤非文成無以成厥終然非端
敏危身代謀無以燭其始同堂合饗宜首端敏次忠
烈次文成蓋怒曰斷頭者不當上坐耶卒無以難云
云王錫嘯竹堂集謁祠云雄藩僭亂起風波先後三
賢匡濟多成敗心俱懸日月死生氣並壯山河上書

豈畏投邊塞抗節安辭赴網羅新建勤王師一出頓
教封豕息干戈嘉慶六年浙江巡撫部院阮元編其
祠入兩浙防護錄先師鄭煜嘗製祠聯云登科湖寶
祐四年若文若謝若陸在天有靈已啟三公忠義氣
生才聚錢江兩戒曰烈曰敏曰成易地皆是豈惟一
榜姓名香祠有僧治咽喉極驗地栽龍頭薄荷服之
良佳仁和許乃濟序珊林孝廉刻咽喉脈證通論云
相傳宋有異僧寓杭之千佛寺遺一囊去中卽是書
珊林云綜其方論凡喉證之虛實緩急辨析造微今
人所不及云殆地靈所感歟

北隅綴錄卷上

三

狀元局

夢梁錄帥漕二司於未唱名前差人吏咨司官等預
行排辦禮部貢院充文科狀元局或別院或借祥符
寺充武科狀元局以伺唱名帥漕與殿步司協辦鞍
馬儀仗迎引文武三魁各乘馬帶朝帽到院安泊欵
待每日祇直皆兩司給官錢供應武林舊事唱名第
一名承事郎第二名三名並文林郎第一甲賜進士
及第二甲同進士及第三甲第四甲賜進士出身
第五甲同進士出身武舉第一名秉義郎特奏第二
名同進士出身上御集英殿折號唱進士名各賜綠

襴袍白簡黃襯衫武舉人賜紫羅袍鍍金帶牙笏賜狀元等三人酒食五盞餘人各賜滫飯飯前三名各進謝恩詩一首皆重戴綠袍絲鞭駿馬快行各持敕黃於前黃旗雜沓多至數十百面各書詩句於上呵殿如雲皆平日交遊新舊相近之人或三學使令齋臧輩若執事之人則係帥漕司差到狀元局祇應亦有術人相士輩自銜預定魁選鼓舞於中自東華門至期集所豪家貴邸競列綵幕縱觀其有少年未有室家者亦往往於此擇婿焉期集所側置局於禮部貢院前三人主之於內遴選所長以充職事有糾彈牋

北隅綴錄卷上

三

表主管題名小錄掌儀典客掌計掌器掌膳掌酒果監門等後旬日朝謝又數日拜黃甲敘同年其儀三名設褥於堂上東西相向四十已上立於東廊四十已下立於西廊皆再拜拜已擇榜中年長者一人狀元拜之復擇少者一人拜狀元又數日赴國子監謁謝先聖先師訖賜聞喜宴於局中侍從已上及館職皆與知舉官押宴遂立題名石刻凡費悉出於官及諸闈饋遺云文山全集舊例三魁唱名罷賜袍笏謝恩入幕賜御饌進謝恩詩出賜席帽於闕門上馬迎入期集所又名狀元局官給錢物供帳阜隸等於此

聚同年待賓客刊題名小錄賜聞喜宴進謝恩詩如此者一月然後率榜下士詣闕謝恩謂之門謝門謝後授初階狀元授承事郎簽書某軍節度判官廳事至後一科放進士榜則前一科狀元召入爲祕書監正字名曰對花召李昂英文溪集書鋪來呈丙辰科事例到五月中方唱名入局以至受闕并其他禮儀亦七月初方畢所喜二狀元相處甚得有事必日來相報出入皆同行大魁台州人三十四歲榜眼亦台州人六十餘矣凡見主司及朝士皆與之同按昂英於寶祐丙戌科第三人及第皆與大魁榜眼並稱狀元此家書述入局時事也

北隅綴錄卷上

三

小橋

建炎以來繫年要錄建炎三年三月壬午康履之從者得小黃卷文書末字二行曰統制官田押統制官金押履問何謂對曰軍中謀變以此爲信號從之者書其名履密以奏上上命諭朱勝非召王淵爲備期以來早集天竺寺方喻其意田卽苗金卽劉也詐言謀於城外以誤淵勝非告淵淵遣一將將精兵五百人伏於寺側是夜城中驚惶通夕不寐次日癸未苗傳劉正彥令世修伏兵城北小橋候淵退朝卽猝下

馬誣以結宦官謀反正於市曰統制謹伸大義播告天下金人侵擾皆緣姦臣誤國內侍弄權致數路生靈無罪就死應將王淵等並行誅戮期爾士庶共圖中興之業云云蓋苗劉屯兵於祥符寺故伏兵於此橋之下也餘見祥符寺條下今橋之西爲大和巷小和巷殆當日酒庫之處誤庫爲和耳嚴文昶字景丈以醫名梁山舟學士爲作傳畧有卜居小和巷詩新卜河下宅喧卑舊井同依然居委巷未稱隱牆東室小惟容膝園荒只種松一枝猶半借垂老等飄蓬錢青選館大和巷黃氏有詩云曲巷奚由喚大和圖經

北隅綴錄卷上

三

矢志意云何羣山郭外青如畫一水橋邊綠自波問字人來宜載酒校書客或助刊譌雪泥他日尋鴻爪燈火熒熒出薜蘿蓋亦以大庫譌大和也余六歲隨兄讀書小橋秦氏主人爲宗海太學邦福茂才以湘拔貢師爲鄭畫人先生同學則黃薌泉先生之孫兩君已忘其名餘則周君明遠金君勝宗勝學陳君鉅黃君承業崇業及秦君善長善政後惟崇業中副軍官訓導五十年來獨余一人在耳每過橋頭但見青山隔城綠波平岸而已

闕板橋

道光壬寅春先君子連麒麟街龐氏以居龐之塔高螺舟丈方官京師乃假其補拙齋延楊枌園師課丙兄弟讀師時居闕板橋族人家相隔才一橋也後見丙繙閱掌錄乃據容齋四筆所載歐陽公五代史敘列國年譜云聞於故老謂吳越王亦嘗稱帝改元而求其事迹不可得頗疑吳越後自諱之及旁采諸書與吳越往來者多矣皆無稱帝之事獨所刻貢院前橋石刻寶正六年歲在辛卯造然則寶正盡六年次年壬辰有天竺日觀菴經幢復稱長興三年八月用唐正朔其年三月武肅薨方寢疾語其子元瓘曰子

北隅綴錄卷上

三

孫善事中國勿以易姓廢事大之禮於是遺命去國儀用藩鎮法示先兄及丙曰寶刻叢編所載未嘗誤也師有族妹名秀文嫁杭郡庠生談光裕結褵一月光裕附糧艘北上京師授徒旋由大興籍入學中鄉舉越數歲始通一書書亦無親切語又數年改名寶森捷咸豐癸丑禮闈同鄉堅阻結認不能廷試終於都下秀文藉鍼帶以活嘗賦自君之出矣頻歲寄寒衣衣自具表裏形單將何依自君之出矣無夢問歸期泥金雖見帖金粉恐成泥足以悲其志矣尙有妹亦能詩師嘗誦其賦白杜鵑花詩亦忘之矣秀文與

妹同殉辛酉之難

皇親卷

黃相圃先生模壽花堂詩集過昌化伯故園云擇里鮑公社密邇邵伯園邵伯亦已矣名園空復存版橋入小市春草生斷垣百年易幾主喬木蒼煙昏惟應池上月照見繡蓋翻比鄰豔生女能說前朝恩指點皇親字居然榜巷門按昌化縣志孝惠皇太后邵氏憲宗妃興獻王母也父林邑之十都人寓杭城之報恩里母楊氏夢鳳鳥儀庭而生幼知書有容色林充漕卒擢至京天順庚辰選入掖庭成化十二年冊爲

北隅綴錄卷上

七

宸妃生興王岐王雍王及世宗入繼大統嘉靖元年頒詔曰朕祖母邵氏聖善慈仁靜專明哲克事憲祖贊理內政燕謀兆祥澤隆啟祐濬發慶源若斯之遠而徽號未加朕甚恚焉其尊稱曰壽安皇太后大赦乃封太后弟昌化伯大爲林治墳西湖十一月太后崩世宗欲附葬茂陵下廷臣議禮部尙書毛澄等知上意所在不敢爭楊廷和言宋宣宗欲附孝宗於裕思諸陵朱子以爲祖陵不敢數興工作驚神靈今附壽安於茂陵不幾驚憲祖陵乎如原議便上猶豫未決後用工部侍郎賈詠奏卒合葬茂陵明年上尊謚

曰孝惠康肅溫仁懿順協天祐聖太皇太后別祀奉慈殿尋遷主陵廟改稱皇后父林字懋清一字宗茂昌化十都人寓杭州前衛生而魁偉倜儻有大志正德十六年贈錦衣衛指揮使嘉靖初追封奉天翊運推誠宣力武臣柱國昌化伯淑人楊氏加贈夫人先是林卒權厝青芝鳴十八年林孫輔請於朝詔守臣擇地遣官營葬建祠墓下賜額曰發祥林長子琮成化丙申命詣京師授錦衣衛帶俸正千戶尋陞指揮使子華嗣適岐王之國爲請於朝乃命掌馴象所事次子英亦授試百戶林仲子璿歷陞錦衣衛指揮使

北隅綴錄卷上

八

嘉靖初襲昌化伯食祿千石與世券明年卒謚榮和子蕙嗣五年卒無子族人爭嗣世宗下吏部議又令郭勛張璠方獻夫胡世甯李承勛議世甯言皇上必欲邵氏嗣封蓋推皇考獻皇帝之所自出於孝惠皇太后又推皇太后之所自出於其父母邵林楊氏而欲榮富其子孫也不幸林子孫皆絕今爭襲者乃其旁枝非林子孫其不當嗣明矣臣恐賜彼一代之爵而或亂彼百代之宗誤我皇上明倫之智達孝之仁可不慎乎現在江南浙江諸郡未有以侯伯世嗣者璿封伯未逾年遂卒傳其子蕙僅再世而遂絕輔陞

指揮第弼卽天玘三子長次二人皆以病廢其不幸
門祚之薄如此蓋亦地氣使然故臣愚以爲與之嗣
伯則宜考覈論序若濫及旁枝誤及異姓他人富貴
而本親告絕幽明之間各生嫌隙生者不得安其養
死者不得歆其祀門祚薄而福蔭隆恐非邵氏之利
莫若停其封爵量與恩澤蔭神流遠乃長久之福七
年仍令族人傑嗣伯入年革外戚封停嗣又邵輔字
文元幼充郡學生改襲錦衣衛副千戶世宗入嗣輔
奉懿旨往迎覃恩陞指揮僉事帶俸幾五十年卒嘗
刊旌陽石函記一卷題三一居士邵輔注并嘉靖丁

北隅綴錄卷上

元

未二月春分日戚畹武林邵輔序云旌陽公閱世易
惑虛無也於是窮神闡化鉤索鬼神引觸爻象比方
日月愚乃研思有年緇閱疑殆靡敢徇私以耀取注
所隱將以釋已然聞見之餘曷容自私遂潛刻以廓
仁者之心計論七篇是輔亦遵嘉靖之尙元修者也
胡孟紳比部聽香齋集有賦邵墳豆七古一篇足繼
穀人祭酒之聲詩云宿草芊芊豆花紫寒食誰燒墓
田紙吹落荒阡一頃箕貴戚彫零有如此彤史前朝
證舊聞居民猶識故侯墳死叨祕器重泉寵生是淘
沙一老軍老軍姓行青門冑墨敕榮頌昌化緩分得

馨香一握椒遂教蕃富稱諸寶崇朝富貴咄嗟辦壓
倒豪華東武萬謂萬豈有桑隅大樹功頓酬麥飯淳
沱岸天池釣交外家孫奉有東朝母后尊拓館親露
成瑞蘭靈光孕玉本同根賜錢百萬金如粟拋撒銷
金鍋不足上廐明紗萬束蕙澡樂香鼓雙擎玉深宮
進女憶當時明慧裁成芍藥詩一自翠華臨大內幾
曾紅豆憶南枝黃金小印與王弄更喜聯聯岐與雍
抱蔓曾無李泌歌相煎差免陳思痛憶昔昇平宏治
朝鶴齡兄弟最奢豪豆芻肥飼王家駿豆粥香充石
氏庖邵家貴後張家替席藁哀鳴空籟帝詔獄無餽

北隅綴錄卷上

三

菽不充秦聲擊缶侯流涕同是陳恩四姓侯鄧家華
屋亦山邱靈苗縱好無三葉黃土猶新覆一抔寄生
枝好桑誰接香火祠摧彫譜牒馬鬣封前腐婢花麒
麟石畔蛾眉莢况今時世閱滄桑金碗人閒索賣漿
菜圃綠侵荒墓道葑泥青捲舊湖塘縹絲風輒湖塘
路戴勝鳴時豆花吐摘來盈把勝瓊瑤猶似醴膏含
雨露豆糜詒我老農家陂壞陂成感歲華回首鍾山
人守豕秋風閒種孝陵瓜

願圃

案郡志願侍御之祖恆字年三十客死粵東妻氏陳

哭幾絕啟舅曰夫無祿旅櫬萬里外奈何命子大觀
侍舅往粵卒扶柩歸時大觀年才十二既而舅望龍
病疽命大觀蒲伏摩挲躬為敷藥規圖備至自忘其
指之染毒而爛者大觀事母陳下氣怡色極人閒之
養有弟君明至友愛同起居分甘苦年各六十猶同
寵爨妻朱氏微國文公裔年十八歸大觀性謙淑動
有禮法乙酉金陵潰卒南走杭人震恐爭攜家避姑
陳亦渡江東歸乃命子豹文侍以行而已獨視門戶
後音問阻絕日夜思泣因成目肯豹文有兄曰龍文
字仲御能文章與試互為冠軍世稱顧氏二難 大

北隅綴錄卷上

三

清一統志稱豹文擢御史出按湖北請捐漢南荆襄
等州縣逋糧復蘆狀口舊隄建義倉一百四十餘所
病歸研究經史至老不倦吳農祥梧園集載所撰願
圃賦序云余友顧侍御且菴處強仕之年營倦歸之
計於武林城北得故葛氏廢園置別墅焉賦長三千
言不及錄今錄諸匡鼎今文短篇邵錫榮撰游願侍
御園記云庚申秋且庵先生養病君子亭病起設旨
酒招余飲余長京師故鄉林麓多未之見也初從大
徑入紆回昏杳可二百步雙扉洞開豁然別有天地
回峯複岡夾石穿礪山盡得堂堂三楹中圖史古琴

楸枰筆牀茶竈莫或不具時方秋堂之前眾木葉脫
而老藤纏其上蒙絡搖綴似故作態曲欄徘徊又百
步得亭是先生養病所也修竹族而居聲颺颺如坐
風雨礪水折入亭後為沼其淺也蓮之芰芡之其深
也魚之魚數十頭或浮或躍亦能樂客之樂而不之
避亭上觴客酒半酣余起謂先生曰昔茂叔以蓮為
君子先生名此亭也意在斯乎先生笑不答亭之山
水幽邃窈窕倍於堂先生指其後曰此中亦佳斜陽
未暝能更寄目否余醉甚竟別去同遊客右評事白
君仲調也龔翔麟田居詩稿願圃云莫嫌城市偏此

北隅綴錄卷上

三

地有山林引水穿晴檻攀花落晚襟繡衣真愛客綠
鬢早抽簪容我扶雙屐婆娑送樹吟百本寒梅外平
樓背竹開花繁鋪地水杯盡破瓶苔吟伴香中語清
風灑面來青谿繁冷夢無那放船回吳農祥秋鈴集
題願且庵梅樓讌集云雲臥煙霞質風流湖海姿名
高三輔重才大九重知魚菽留棋局鶯花漾酒旗莫
憎銀漢關蓮漏柳邊遲鶴峯松扉啟魚門竹徑回泉
清採乳管風定識爐灰碧月消書卷青山落酒杯薛
蘿無限好把袂一登臺豈亦逃名久能忘濟世深安
危關至計出處量初心杖履親春藹盤殮敷夕陰還

542

將雲壑態仗爾謝知音最喜乘驄日朝廷屬望多扁
舟隨雨雪襍被出關河有客知吳詠無人惜楚歌尺
書如報命已早厭鳴珂尙慮宵衣切行知投轄難歸
朝天意近安穩客懷寬鞅掌清時有批鱗異代看金
門青史在獨立五雲端斗下占丰采如君領摺紳鹿
裘迎野叟虎節召名臣白石辭前席丹書擁釣倫東
山絲竹地容易掩經綸二月韶光麗朱樓望眼中游
蜂占几席社燕接簾櫳已忝歸曹植何難敵孔融六
朝金粉重綵筆照江東屏跡衣冠嬾深居卜築成丹
從金鼎合心通玉壺清慷慨扶吾道殷勤對友生何

北隅綴錄卷上

三

時圖畫裏彷彿見蓬瀛康熙府志載徐林鴻寄願圃
詩云積雨淹高枕經旬會面稀豈真筋力異坐使嘯
歌違令節催葵放新雛待燕飛所懷殊未愜芳樹隔
清輝端坐垂甘載俯仰見平生宦達精時務心閒悟
物情茶租輸早晚藥裏課陰晴料理閱深計甯耽寂
寞名水竹依晨夕支離對遠峰久拋尋寺屐虛倚看
花筇臥減三春趣貧操萬事慵隔籬堪學圃分得綠
陰濃蠶月懷同調桐風共掩關如何逢盛世只合在
名山徒上書無益長爲客乍還偶因陶謝手和答放
歌聞

養濟院

圖書集成宋當崇甯元年詔諸路置安濟坊紹興二
年詔臨安府置養濟院十三年又命錢塘仁和二縣
以近城寺院充安濟坊及老幼貧乏不能自存者每
人日支米一升錢十文小兒半之以常平錢米支給
元名安濟院給錢米如宋冬夏加布明洪武五年詔
天下郡縣立孤老院掌錄云院之大門外官桑園記
漫漶不可讀偶閱溫純恭毅公文集有仁和錢塘二
縣官桑園記特備錄之余讀幽風春日懿筐蠶月條
桑鳴鴉載績我朱孔陽而知有周厚風俗致王業入

北隅綴錄卷上

三

百年盡在是也蓋人務本則樸樸則易用易用則少
私意少私意則公法立故財用蕃殖于是乎給敦龐
純固於是乎成雖見奇麗紛華猶戎翟之與於越不
相入矣當其時欲寡而事節財足而不爭太和在成
周宇宙閒有以也輒近世舍本逐末散朴成鄙于是
商通難得之貨工作無用之器古先王重本之意失
而民亦困嗟夫余往聞吳越地帶山海膏壤數千里
人民多文采布帛冠帶衣履天下意阡陌閒必桑麻
如林既奉蠶書撫越憑軾問俗乃與所聞異西湖名
園鱗次多茂林修竹花卉之饒方春士女遊遊連肩

接衽富商大賈操奇贏逐利闖齊民一切刺繡文倚市門仰機利而食嗟夫俗蓋大修靡哉賈子曰背本而趨末食者甚眾是天下之大殘也淫侈之俗日月以長是天下之大賊也先是兵民之變一夫嘯呼烏合之眾雲集豈獨其俗薄亦農桑之民少故也彼續武功而急公上非七月之風乎卽嗜義不下咽何敢頓刃以逆執事者之雁行故農桑之教越尤急於是爲檄令有司罷一切煩苛專務農桑郡邑亦稍稍有應者已而杭州余守良樞仁和程令達錢塘孫令珙請曰郡故有養濟院院左有姦民以權利役屬侵

北隅綴錄卷上

委

剝之甚或集無賴以空名冒糧不遂則嗾之訶要衢此其漸不可長且羣千人一所歲多疫武林附郭有隙地可移居卽令姦民建以除罪而以院基爲桑園率民便余曰此政本也可以風矣乃檄陳判表度得地六十二畝故官廳倉基勿移可桑凡五十四畝有奇分東西二園市女桑五千餘株令縣丞汪鈺督圃人任其事園爲官廳四楹東西翼房各一碑亭一廳稍前爲儀門又稍前爲門樓園內外垣馮馮如也或曰齊魯千頃桑不能必民完襁褓五十畝之園奚裨乎余曰不然聖人在上民不凍餒非能耕而食之

織而衣之爲開其衣食之本也管子曰善用本者若以身濟於大海觀其風之所起武林非浙郡邑之風之所從起哉風一倡宜多應者在今日自是闢名園而爲阡陌易花卉而爲桑麻末技遊食之民轉而緣南晦西湖絲竹之音變而爲幽風七月之歌庶幾哉輕剽之俗雅化爲樸亦在今日故曰觀於鄉而知王道之易易也余故紀其事以告後之爲守令者桑成給民詳檄中載在碑陰太保者巫人之號也沈七太保常兼禮星斗爲人療疾協思其德而祀之據孫璧文祖香筆記云杭州養濟院祀嚴嵩爲土地神說者謂嵩籍沒後寄食於養濟院而死均祀之於院以嵩姦惡當入地獄安得如太保之儼然冠帶秩然豆籩耶

北隅綴錄卷上

委

長壽庵放生池

翔鸞院在餘杭門裏後唐清泰元年錢氏建舊名普光天聖間重修治平二年改賜今額建炎三年燬惟佛殿存其後次第興建咸淳三年始告備見潛說友臨安志而康熙仁和志謂長壽庵卽其舊址余曩從雲棲僧房見萬曆二十七年買義同安園坊北園吳士觀園屋一所計地蕩九畝臨街牆門門樓樓屋五

開平屋三閒魚池三口價銀一百三十兩然則地係北園猶是南宋福王故園之池沼非盡翔鸞之遺基或地近宋大理寺寺有明清池楮亭在池上放生池卽明清耶咸豐辛酉之劫庵毀池廢同治乙丑桑春園觀察姚季眉程步庭兩明府招雲棲瑞眞上人重新之按竹牕二筆云予作放生池疑者謂魚局於池攢聚紆鬱而無活潑之趣不若放之湖中或護持官河一段禁勿使漁亦不放之放也予謂此說亦佳但池之與湖與河較其利害亦畧相當池雖濫網罟不入湖雖寬晝夜採捕陋巷貧而樂金谷富而憂故利

北隅綴錄卷上

七

害均也又官河之禁約有限而諸魚之出入無恆有從外入限中有從中出限外者出限則危矣不若池居之永不出限也故利害均也又疑無活潑之趣則有一喻坐關僧住一室中循環經行隨意百千里而不窮徜徉自得安在其不活潑也復有一喻今幸處平世城中之民以城外之啟閉爲礙一旦寇兵壓境有城者安乎無城者安乎漁喻寇池喻城人以城爲衛何局也魚可知矣足以見蓮師之苦心矣池上又有乾隆丙午中秋仁和李宗敏明山書純陽祖師延壽青子歌石刻云汝欲延生聽我語凡事惺惺須恕

已汝欲延生須放生這是循環眞道理他若死時你救他你若死時天救你延生生子別無方唯戒殺生而已矣語尤警切可法也

宋臨安府在城興福禪院記

吳曾漫錄荆公在鍾山下棋時薛門下與焉賭梅花詩薛敗而不善詩荆公爲代作集中所謂薛秀才者是也薛旣宦達出知江甯府或嘲以詩曰好笑當年薛乞兒荆公座上賭梅詩而今又向江東去奉勸先生莫下棋薛書名似丐字故人有乞兒之稱李璧曰昂賦蔡京君王慶會詩逢時可謂眞千載拜賜應須

北隅綴錄卷上

八

更萬回時謂之薛萬回宋史靖康初言者斥其罪詔以金紫光祿大夫致仕建炎以來繫年要錄建炎元年八月朔杭州軍亂初上之立也遣勤王兵還諸道抗兵才三百其將得童貫下勝捷軍殘兵與之俱軍校陳通等見杭州富實甲東南因謀爲變會軍士以衣糧不足有怨言結約已定而兩浙轉運判官顧彥成行部未返需其還殺之至是彥成歸宿於城外夜三鼓軍士百餘人縱火殺士曹參軍及副將白均等十二人翼日執守臣葉夢得詣金紫光祿大夫致仕薛昂家殺兩浙轉運判官吳昉彥成奔湖州軍士見

昂數夢得不給衣糧之罪昂論遣之衆乃推通等七
人爲首釋夢得而囚之逼昂權領州事至十二月七
日王淵與張浚方討平之宋史杭州軍亂昂不請命
領州事責徽州居住花藥園之捨豈其時歟寺之大
雄寶殿經年不惹塵埃名無塵殿梁有元延祐甲寅
題字明末天王殿延燎而無塵殿獨存順治閒僧至
照重建邑紳錢受益等延請說法其中佛像及秀列
諸天具種種妙相後以檻楫朽壞撤而新之見上棟
書大德元年建乃知像設亦元時塑也厲樊榭徵君
同許初觀游城北興福寺云新晴無件與經行元度

北隅綴錄卷上

堯

能消空外情鄰交誰知左丞圃野僧不避太師名疏
疏綠竹穿空地澹澹青山見隔城漫道賢愚同是夢
黨碑千佛至今榮嚴元照柯家山館詩興福寺寓樓
聯句云高樓啟虛牖元照戀戀夕陽入殿有鐘魚喧倪
孫庭無巾屐集故人如春風元照臘玉吹將及拂面消
薄寒孫融檐散餘溼清言意所欣元照香林影先戢同
來共懷古孫遺聞猶可輯梁留延祐題元照大駭築
寅題碑以在城立福院記一通悠然湖上山孫相對
如拱揖碧雲離思盡元照歸鳥暮情急遲我天際鴻孫
相望到臺笠元照時遊金李堂梅邊笛譜臺城路同

何夢華嚴九能倪米樓遊城北興福寺寺本宋薛左
丞昂花藥園有無塵殿爲元延祐年閒遺構路通城
北穿黃葉荒寒共尋蕭寺蔓絡積垣苔封墜瓦忍讀
塵梁題字香殘火細鷓佈鴿窺人欲棲還起古佛無
言一鈴風動響簷際祇園今又就廢左丞曾捨宅誰
問遺事澆藥泉湮栽花徑改林下吟魂知未斜陽影
裏問池館張家也歸初地愁入眉蛾數峰橫遠翠亂
後半割其地與泰西人起樓閣矣

義天禪院婆娑樹

義天禪院在演武場後考張伯雨王蒲團傳王蒲團

北隅綴錄卷上

罕

者武林山中入無名字人就所業呼之慶厯閒居慧
因院織蒲團爲業團成售去卽以施僧及周道途殍
者恐不給更約已以虛其腹身衣鶉衣羸瘠僕僕於
道及齒衰且病不能事所業卒餓死委屍道旁一士
人遇之惻然曰是好施王蒲團也竺乾之教無有施
而不報今枉然矣書果報二字於其臂買棺瘞之而
去後士人舉進士應制科官主客郎奉使高麗時高
麗仁孝王當國宴使於寢觴數行言笑稠緜漸及宮
中細事王曰不穀數子其一瘡揣其智慧絕勝言者
臂有夙記彷彿果報字未揣因緣何居耳使因請一

見之王命引見至使前驟言笑如故相識出臂示使
者宛然道旁悽惻也王大駭異使者具述以故子啟
王願辭榮出家爲僧從之更名義天封作世僧統明
年入中國疏請受晉水法師華嚴經教比歸國復啟
王施金書華嚴三譯於惠因院兼輸資建閣藏之嗟
乎蒲團死義天瘖義天語蒲團生豈偶然哉或曰買
棺士人卽無爲楊傑次公也慧因寺在玉岑山稱高
麗華嚴教寺此殆其分院耳先師鄭畫人先生煜執
玉堂集有娑羅樹歌云城中異木此第一垂條敷葉
共數七大文昔讀北海碑嘉種遙傳西域植義天僧

北隅綴錄卷上

望

院結城西其下應有涅槃佛千年靈氣孕祖山九曲
叢祠隔城堞利竿岌岌樹精嚴灌木陰陰繞繁密此
樹量宜帶十圍有花開作塔七級經冬不彫勝海桐
下種難移類巖柏鶴翎披拂竺國雲虬幹蔽蔭扶桑
口枝上頻迦隨喜來根底元駒不敢穴鼻觀妙通簷
荀香眼界豔眩芙蓉色念珠仙禮出和山古院清陰
分定力方物遠貢拔汗那子實不誇波羅密如添潤
月梧桐生能治心病椽栗拾聚葩其房贊宋祁垂地
撐空吟郭翼三山曾見石湖紀千頃遙分許由宅託
根交讓松栢高成蹊木甘桃李匹廣廈需材謝棟梁

歷劫逃禪老風雪車馬探奇委巷喧鐘魚課夏虛堂
集齊物支離交可呼集異高麗我能說辭榮不樂王
子尊出家願就僧統職前身或是王蒲團伴送定隨
楊主客虔心渡海參慧因行脚閉關營淨室一樹必
爲義天遺一榜仍傳義天揭無住常住八百載勿剪
勿伐五十尺我願榮悴不偏枯大稔年年紀史冊此
樹此詩可作山門玉帶矣亂後院毀樹薪雲棲瑞眞
上人求其種於海外植於龍興寺庭中鄭扶雲鑿判
築娑羅花室以韻之娑娑清蔭足繼義天已

洗馬橋

北隅綴錄卷上

望

洗馬橋始見於鄭志橋下小石碣爲米商所修建按
吳農祥秋鈴集城北在園時爲王府殆康熙間十三
年三月雲貴叛耿藩亦叛大軍往衢取道於杭最後
康親王督師入關凱旋駐節此園詩云奏凱師還日
名園息戰袍入城仍介冑隨地立弓刀塞日懸征蓋
江潮瀉濁醪三年楊柳曲此地聽雲璈劍客縱橫入
鉦人拜舞歸山河雖寂寞臺榭亦光輝社列新傳箭
樓懸舊賜衣河橋看洗馬鷗鷺敢輕飛注園後河水
通此橋豈因王府出入增造此橋故名洗馬耶

天漢州橋

江隣幾雜志開封府天漢橋俗呼天漢洲橋是汴京已先有其名豈沿之而稱耶按橋梁實跨大理寺新北渠之上所謂新渠者嘉定二年大理卿費公培浚治司道陳壁爲記云紹興庚午詔徙大理寺於仁和縣西基增三倍而廣刑官之屬各有攸處然地本塘濶外崇中坳舊渠填淤所在卑溼官宇更區漫爲沮洳况狴犴乎梁溪費公喟念渠功因舊作新周垣南北昔有渠二乃從而增濬之首起垣西尾屬河塹南渠長八百三十尺東抵倉橋而注之河北渠之廣增南渠三之一其長纒百有三十尺東過萬歲橋而達

北隅綴錄卷上

罍

之河云云以部位度之萬歲橋尙在其裏潛志大理寺有雲章亭列累朝詔敕石刻豈以雲漢天章而當時實有其名歟薛應旂宋元通鑑史嵩之遣使以孟珙所獲金哀宗遺骨及寶玉法物并俘囚等獻於臨安備禮告於太廟藏其骨於大理寺獄庫卽其地也錢塘遺事舊傳三歲拜郊或明堂大享凡在前誤國姦臣首級在理寺者必以矢祭蓋諷傳詔以穢物祭之其實豕者少牢也國家三歲恩霈汝雖誤國然亦不忘汝之舊特用豕以祭而謬傳乃若此豈朝廷寬大之恩哉大理寺舊有明清池池畔有潘閻詩刻并

有楮亭在池上

復園

潛說友臨安志北園在天水院橋福王廟園按福王乃度宗本生父名與芮宋末隨三宮北遷園亦荒廢徐慶濱信徵錄杭州汪爾泰世業齋中武進士康熙十年於武林門內構造大園窮極土木旁有烈帝廟與園錯壤爾泰誤以餘地廣其園池頗遭神譴西河台集王之策傳君以順治辛丑中武科進士出少司農嚴公門下與同年生汪君爾泰同詣部司陳說齋稅軒輕未得畫一商人困苦當事豁然得免課若干

北隅綴錄卷上

罍

永以爲例諸商仰藉汪君子司諫出予門下重訪汪園池中紅橋水亭回環躊躇四顧故人無一在者兩浙鹽法志汪煜字寓昭號平齋父賡順治辛丑進士煜少好武挽強控馬膽力過人後折節閉戶家多藏書披摘無遺義行文尤兀傲康熙乙丑進士任貴州鎮遠令縣古大田溪洞多苗民難治煜撫馭有方興文勸義民不爲患戊寅遷吏科給事在職未久疏凡六上條陳河工事宜有造於淮他若慎選學臣引見題補皆號直言煜初席豐饒銳志學業不問生產家遂中落及官黃門無儋石儲死之日同官助斂著同

岑草願學堂集南歸北征錄及平齋偶存諸稿淇昇
稗畦續集過汪園懷寓昭時宰鎮遠云偶過君家墅
池亭兀坐孤露荷香月下風柳碧城隅石上空棋局
花深憶酒壚不知蠻徼吏夢到此閒無馮景解春集
秋夕過汪園懷寓昭鎮遠芙蓉隔水望依稀徒倚閒
園戀夕暉三徑荒涼誰是主一船破漏亦無依長橋
雨過蜻蜓舞高閣人空蝙蝠飛深鎖松筠滿鴉糞夜
郎薄宦幾時歸昔日繁水綠波蘭橈泛酒雜笙歌
黃頭起擊靈鼉鼓紅袖坐翻鸚鵡螺一去春鶯遊屐
少祇今秋蝶女牆多風臺月榭皆陳迹惆悵疏籬點

北隅綴錄卷上

墨

薛羅查慎行敬業堂集立夏前三日集汪寓昭願學
堂兼留別姚天寰願九恆沈昭嗣陳廣陵章豈績馮
文子嚴定隅及家德伊時余將入燕一權江城又隔
年暮雲春樹記尊前故鄉樂事留高會獨客關心奈
別筵興罷豔歌重按拍酒闌孤月正當天年來事事
輸人後齒序慚君六子先同會十人余齒在第四綠酒紅燈促
坐深無多同調況知音琢磨頗望成全璧激烈何須
到碎琴起舞自憐中夜影急觴難緩此時心輒塵十
丈騎驢去怕被人傳倚樹吟出莊子注朱彝尊曝書亭集
馮孝廉念祖招飲北園卽送其同年周崧入吳故人

襪被下吳淞且復官泥坵酒封主客不知何者是登
臨未覺老夫慵池邊灌木陰千尺郭外晴山翠幾重
有約豁亭宜避暑迴船試共採芙蓉其後給諫之子
臺字抱樸貢生天台教諭復其園之半畧事修葺號
復園先生乾隆甲子七月十二日諸名流集復園池
上紅板橋新成同人分韻賦詩硯林丁敬揭册首南
屏明中補圖題者二十人爲穆門周京茶園願之珽
江聲金志章復齋許承基筠谷鄭江樊榭厲鶚敬身
丁敬設林梁啟心壽門金農歐亭吳城董浦杭世駿
秋塍魯曾煜熒虛明中嶺雲篆玉詩僧松亭豫堂祝

北隅綴錄卷上

墨

維詰壺尊錢載初觀許大綸桐石汪仲鈔及汪臺今
已列入武林掌故叢編復園明經又繪亭角尋詩圖
如龍泓堇浦樊榭穆門皆有題句周駿發臥陶軒集
有汪北坵茂才以尊甫復園先生亭角尋詩圖屬題
卽次樊榭徵君韻云卅年竿木喜逢場遊從南湖石
火光風景依然歸去晚花前側帽鬢先蒼藕花多處
小橋通豔說詩人老此中此日披圖重歎賞閉門覓
句又家風蓮社三秋叢桂發田居一畝四時宜先生居近
一畝田蓮社於今前輩風流在一卷關心綴小詩是
庵多古桂圖後歸常州周韜甫騰虎咸豐辛酉韜甫客王壯愨

撫部幕曾一見之

田家灣

有正味齋集田家橋轉碧波通涼殺垂楊四面風森
森全湖波不小暑名乞與水晶宮光緒己卯梅中丞
啟照從慈孝菴側開通白洋池至田家灣以達中河
而西河亦相因而通東築新橫河橋西築田家普濟
橋仍舊名也河水中高西低中築泥壩以盤河船新
橋柱聯云匯東西中三河以通其利成宋元明歷代
未竟之功又云流通北道千倉粟約東南湖萬頃波
田家橋聯云毓秀鍾靈文運大開金粟界賞心樂事

北隅綴錄卷上

署

武林小現水晶宮又云南渡舊風光荷送清香集鷗
鷺北門新水利苔披幻影伏蛟龍張雲璈簡松草堂
集白洋池采蓮曲云西鄰女兒來浣紗東鄰女兒來
采花若問采花人住處田家灣口是儂家水精宮裏
香氤氳花氣衣香總莫分灼灼蓮花是郎面青青蓮
葉比儂翬風調絕勝也

張駝園

曝書亭集過龔御史田居留飲卽席賦云蘭臺有柱
史敢諫名不虛奮舌彈將相收身還里閭性不愛肥
膩築室田中居田中何所有活水清不淤竹依上番

種瓜撰辰日鋤十枝五枝花一寸二寸魚籬下舴艋

舟門前殼鯨車雖然在都市俗務已漸疏交謫無孺

人著錄付小胥曉督芸鼓芸宵從漁者漁我來適孟

夏乍見蓮葉舒蘆藩打槩入直前上階除是日新雨

後決決鳴溝渠一孫扶藜杖桂孫二客停筇輿查編

乘家上主人略禮法小摘園中蔬山庖遠臙脰無俊

味頗有餘日長語雜亂要勿及除書學稼既有懷老

農豈不如清詩唐宋閒流傳相歎譽幽棲洵可樂奇

服遂厥初試觀襍穢子有若窮相驢團圞日旋磨進

退皆牽拏對此澹蕩人物外心相於躬耕許我耦願

北隅綴錄卷上

吳

言期溯沮又寄訊龔御史翔麟江橋卜築意麤安聞

道田居十畝寬不使車塵喧戶外儘容山色到簷端

燈前綠酒雙魚洗雪後紅衣一釣竿料得時巡春

有信種花應許上樓看近年每逢車駕王錫嘯竹

堂集和龔侍御田居落成詩云鷺塵絕不到門閭卜

築新成物外居修竹已多移雨後好花猶未斷春餘

傾都素憚乘聽馬返駕何嫌負膾魚若許誅茅相近

住頻過把酒讀奇書城隅寂寂水灣灣最喜幽居遠

市闔門客任教羅雀散里人誰感跼爲還聊芟茂樹

思邀月不築高垣恐礙山暫遣息肩天意厚英雄未

許竟投閒御史田居詩稿有田居落成云天許投閒
返舊廬一年纔得此安居爲貪門巷囂喧隔不惜經
營慘澹餘十畝閑閑私雨露半生草草負尊魚從今
閉戶無他事飯罷惟鈔種樹書有竹千竿水一灣居
然村落在塵闈鶯花無賴容纏繞軒蓋多情礙往還
放艇有時尋北郭築樓他日看西山漫言種菜英雄
老幾見人生老得閒又許念中給事枉存話舊并和
田居詩疊韻奉酬高軒肯式故人廬賦筆誇爲隱者
居蓬華苟安衰病後風濤猶怯夢魂餘輒紅罷逐奔
塵馬淨綠閒窺在藻魚雞黍相留眞草草莫談朝事

北隅綴錄卷上

兗

講農書短篷直達小塘灣可免肩輿溷市閭雨密欲
驅秋暑散談深故趁月明還來經楊柳千絲街舍西有楊
柳歸臥芙蓉萬朵山君行館在吳山如此招尋良不惡天容
我輩早投閒又田居雜興云買斷閑閑十畝宮無邊
卉物待春風紛紛桃李嫌麤俗添種梅花便不同避
地不聞車馬喧消閒尙有簡編存居然陋巷顏夫子
春雨聲中正閉門得喪渾忘夢覺參塞翁今作老瞿
曇只緣未賦神仙骨不好樓居喜住庵田居無樓我笑山
僧見事差移將春色到貧家卻令鳥可酸寒句唐突
人閒富貴花普照院僧送牡丹數本東風吹雨入江城一夜魚

苗春水生鼓舞園丁齊著力甯泥踏藕趁清明綠苗
過雨舞菱田閣閣蛙聲兩部傳誰道柴門眞寂寞朝
昏鼓吹自喧闐海燕成巢竹筍肥吳蠶上山桑葉稀
正是清和好天氣輕寒薄暖換春衣治葉倡條風裊
裊綠陰青子雨垂垂茶煙一縷簾捲地睡起開窗讀
杜詩豆莢離離瓜蔓長綠葵紫莧采盈筐堆盤但果
先生腹齋日何妨似太常

白洋池

都城紀勝北關水門內有水數十里曰白洋湖富家
於水次起造塌坊十數所每所爲屋千餘間小者亦

北隅綴錄卷上

辛

數百閒以寄藏都城店鋪及客旅物貨四維皆水可
避風燭盜賊之虞南湖紀聞白洋池舊傳與城外泛
洋湖相貫注故都城紀勝夢梁錄並稱白洋湖咸淳
志白洋池在梅家橋周回三里池之前有白洋池橋
又梅家橋又田家普濟橋方家橋成化志雲涇橋不
通舟楫在白洋池張家寺前四朝聞見錄白洋池在
田家橋側芰荷渺然鷗鷺雜集號小水晶宮楊誠齋
和張功甫詩夕聞南湖水幾竿是也潛志清祐丁未
夏旱湖水涸人爭汲此水至以舟載賣如湖水者一
方賴之萬厯錢塘志童文學讀書白洋池上池水倏

躍立如玉柱四旁皆涸俄隕落復溢儼然犀照之當見其形當日張功甫詩一棹徑穿花十里雖沿緣曲折或涉鋪張核以潛志周回三里斷不止如今池之一泓一曲也以地位度之當合胭脂橋河對岸菱田而言也塌坊廢而成菱田菱田淤而湖水淺後於菱田沿邊築埂與池界截爲二如康熙仁和志載白洋池有水怪往往墮溺行人里中顧大成嘗出資築成坦道歲無溺死者又可爲池旁填築之一證耳

水星閣

余姑丈趙雁湄先生嘉途爲意林徵士之族裔徵士

北隅綴錄卷上

至

自號小水晶宮道人特繼子昂榮祿之稱且亦居近南湖可爲巧合姑丈曩與先叔莅堂公雅游斯地曰水星閣人人未知緣起實水晶宮之訛也晶星形似音通宮閣又音切之轉此論最確庚辛亂後閣圯佛壞浙撫馬公新貽屬吳仲英司馬恆重建以禦鬱攸榜題亦司馬手筆延志安上人主之閣之旁舊有火藥局克復後接備海警洋礮洋槍儲積甚夥脫有不測半城危矣撫部崧公駿飭劉鎮軍祥勝督勇環局剗濠外築土壘壘外開河以防轟烈保衛之功足繼前列

宋廣壽慧雲禪寺碑

樊榭山房詩集慧雲寺碑史撰樓書碑陰功甫自作捨宅發願疏最工詩云捨宅裴休事亦勤披緇王且謗須分涓熙年往碑陰在細讀龍華發願文按倪溥武林石刻記中載其疏文曰大乘菩薩戒弟子承事郎直祕閣新權通判臨安軍府事兼管內勸農事張鎡右鐵一心歸命本師釋迦牟尼佛當來下坐彌勒尊佛西方極樂世界阿彌陀佛十方法界諸佛大菩薩緣覺聲聞大梵天王帝釋尊天四大天王韋陀尊天守護正法天龍八部大權聖眾五嶽四瀆名山大

北隅綴錄卷上

至

川祠廟神祇伏望不離真際普賜證明茲恭以欲導羣迷必闡揚於佛道將興遺教宜建立於僧坊勝福難思契經具載茲生佛滅後值法住時幸發無學心願學第一義念真乘難逢於曠劫思慧命常續於未來助神欲妙於莊嚴隨力當思於利益深心所在至願方陳闡浮乃眾生選佛之場震且多大乘得道之器教法東漸而獨此爲盛祖師西來而其傳不窮由是眾多之伽藍徧我清淨之國土或據名山勝地或居赤縣神州皆古德之所興寶檀那之自創伏遇主上體佛心而治天下崇祖道而護宗門惟錢塘駐驛

之方乃寰宇觀光之地昔相國嘗開十禪之建今在所未見一刹之隆如來演教於王城蓋居精舍宗師接人於鬧市可乏叢林都民膠擾而罕聞說法之音衲子往來而靡有息肩之處慨斯闕典久矣經懷昨倦處於舊廬遂更謀於別業園得百畝地占一隅幽當北郭之鄰秀踞南湖之上雖混京塵而有山林之趣雖在人境而無車馬之喧爰翦荆榛或營棟宇勞一心而經始歷二歲而落成念勝處可作夫精藍而薄德豈宜於大廈願棲身之是賴姑假舍而安居浮生自歎於艱虞幻質累縈於疾疚求佛祖之加被祈

北隅綴錄卷上

五

天龍之護持增長善根銷除宿業年得逾於知命運獲度於多災必發尊經變穢方而成淨域空依前折捨居宅而爲梵宮用分常產之田永作香廚之供願主席者皆有道行使掛錫者咸悟心源爲東方立光明藏與末世灑甘露雨插草不離於當念布金何惜於他緣言弗苟陳誓無終悔鉉竊慮事有多障時不待人先期或至於艱終異議恐紛於身後宗族長幼朋友親姻或稱亂命之難從或謂名教之有害引屈到嗜芟之說消王且割髮之言壞我良因奪我素志以至恃勢力而求指占由賄賂而請住持輒污招提

妄談般若若是出佛身之血是斷正法之輪死當墜於阿鼻生亟遭於奇禍特將此誓痛警若人俾割一時之狂心勿受歷劫之苦口蓋念起立塔廟飯食沙門流通大事之緣成就圓機之善恭願皇圖鞏固睿算增延期永措於兵刑庶宏持於象教上薦祖先父母次及知識冤親八難三塗四生九類悉資薰而獲益總解脫以超輪廣此願心周乎法界作菩提之妙行爲淨業之正因佛國俱空畢竟首登於極樂法身非有不妨面奉於彌陀普與有情同成此道謹疏清熙十四年歲次丙午七月七日大乘菩薩戒弟子承事

北隅綴錄卷上

五

郎直祕閣權通判臨安軍府事兼管內勸農事張鉉疏景定壬戌中秋蜀閬州許文安捐金命工重刊永爲不朽之傳御前應奉余臬刊住山息峰行海立石吳之鯨武林梵志又載曰廣壽慧雲禪寺在三撥營畔宋淳熙十四年張循王之孫鉉捨宅建寺紹熙元年賜額俗稱張家寺有留雲亭白蓮池元至正閒燬洪武十七年僧文副重建永樂九年永忠宣德閒廣睿弘治元年福海相繼重建萬厯閒旁地侵爲賽西湖辛亥復原額僧梵琦留雲亭詩云人皆十萬繡成堆未抵南湖一段奇象輦不來春草綠小亭雲鎖紫

珉碑僧德祥白蓮池詩云念念西池道路賒東池今已種蓮花他時若到西池上應念東池是故家吳用先重復慧雲寺建宣議張公祠碑慧雲者張宣議所捨南湖園宅紹熙閒請於朝以爲寺者也歲久漸湮狹小其額池東稍稍入軍營而所爲南湖俗稱白洋池者亦不知何時併入民居萬厯閒復有豪依大璫踞其寺之半并沒其所失額於軍營者卽其宮室安然處其上爲年且二十有餘余與右轄寶公力請故物盡返所侵併營房悉撤還寺俱復其租慧雲已光復矣已與孫司理喬仁和楊錢塘謀修飾寺宇首建

北隅綴錄卷上

堊

張公祠以酬其宏深之願古今之捨宅爲寺者多矣卽右軍東山輩皆慧業文人卒不聞親勒文字建之金石慧雲獨有之模豐碑所手書預製發願疏出自血誠讀不能終篇淚潛潛下想見公之爲人也史魏國與公同時稱公閒居遠聲色薄滋味矻矻詩文自處不異臚布考之史乘殊非實錄魏國蓋以是飾公焉夫公雄才大略風流文雅人也玉律討賊之舉公實沈幾製爲文章靈心燦出筆彩縱橫絕無書生筆墨之氣蓋非矻矻以此道見者自奉極侈園池聲伎服玩之麗甲天下南湖園世所傳凌霄亭玉照堂諸

勝在焉卽其排比十有二月之燕游各有次序而牡丹一會名伎百數十人梅花之社一棹徑穿十里豈醒齷小生能爲假令歌舞濃而感慨生杯酌酣而逸興闌此亦稱英雄回首大力矣而考南湖捨寺之年顧卽其經始之第二歲諸所賞心樂事之見於南園者乃更其假舍寓居於所捨之後是誠何心哉公之言曰光明藏中孰非游戲若心常清淨離諸取著於有差別境而能入無差別計則淫坊酒肆徧歷道場鼓樂聲音皆談般若儻情遮物隔境逐源移如鳥黏稱動傷性命又烏知所爲說法度人然則公之捨寺

北隅綴錄卷上

堊

也寺與家等捨與不捨等身後之捨與生前之假寓等亦灑白淨不挂一絲真捨矣彼所爲滄海桑田之感公實無當焉而圖報福田之論猶錢之乎言公哉乃知真用世人真文人真受享人卽能爲捨其用世捨其文捨其受享而大展手眼於覺海無邊中也斯寺一區公之自力實足以奠之發願之文猶其誘人者耳寺迄今猶呼爲張家寺公之真誠在人也慧雲其舊所賜額踞杭北城艮山之西南湖之上其中東西井各一原碑載地百畝今清得爲畝者五十四有奇爲弓者一千三百十七有奇周以界石東底營南

界長和巷西許田北負睥睨後之人如有妄覲而搏
取之者公之誓文可畏也公名鑑字功甫別號約齋
循王之曾孫官宣議郎直祕閣判臨安軍歷右司郎
爲少卿云兩浙金石誌尙載宋廣壽慧雲禪寺殘經
幢佛頂尊勝陀羅尼呪文俱不載佛頂首楞嚴口呪般若
波羅密多心經文俱不載佛弟子關廣壽慧雲禪關佛說
諸大神呪關願心徧周法界關天龍鬼神常來關右
在南湖寺中幢八面下午俱失僅存九寸餘行書極
清挺源出米南宮據慧雲寺碑跋爲功甫自書無疑
今劫後殘幢亦失矣惟南湖集有撤移舊居小假山

北隅綴錄卷上

毛

過桂隱云頃年疊石規制歷大類堆沙戲成塔一株
蟠桂兩稗松便愛清陰蔓藤而階前指作嵩華棧引
賓紀詠紛酬答還巢城北條兩期慣有真山坐延納
人生最怕眼見廣到處卑凡意難合每還舊舍覺荒
陋草樹雖添漫稠雜林塘移植勢定增未成已想風
煙颯朝晴夕晦各異狀倚杖閒看更鋪榻園中勝賞
亦甚富此獨宜茶兼酒榼載來非敢效奇草甲乙題
朱旋塗蠟又南湖有鷗成羣里閭閒云數十年未嘗
見也實塵中奇事因築亭洲上榜曰鷗渚仍放言六
絕居士園門甚處開傍城猶未著樓臺門前湖水三

千尺引得沙鷗亦肯來旋開斜巷放船出更著小亭
臨水看輭紅城裏江山景便著丹青畫亦難東家西
家翁媪說白洋湖自有多年何曾識見江鷗至消得
主人詩興顛朝陽鳴鳳國之祥瑞事吾家鷗鷺行最
愛幾聲煙水響和他魚艇獨敲榔十五年前過楊子
爾輩出沒波濤中爭知今日得其住急喚酒來澆晚
風不因他處食無魚來慰先生索寞居走筆贈詩君
莫笑從游此事最相於南湖祠舊有功甫塑像全謝
山謁詩云張郎眞將種不獨數詩宗一擲事幸濟終
生願未從象臺消壯志蕭寺撫遺容寂寞南湖上風

北隅綴錄卷上

美

流宛可逢道光丙申烏程范鐸按方萬里南湖集小
序云南湖生於紹興癸酉循忠烈王之曾孫余讀南
湖集知功甫生於紹興二十三年三月二日高宗幸
第推恩之時功甫尙未生也厲樊榭序山中白雲云
功甫名偏傍從金以五行相生之次推之叔夏於功
甫爲三世於循王爲五世與袁伯長贈詩注云爲循
王五世孫相符矣特功甫斗南之父均未審耳余錄
秋涯津言知斗南父爲張濡獨功甫之父無考同治
丙寅寺復重新功甫僅立木主余告志安上人每年
誕辰宜奉酒果湯餅以復古緣而報本義

范明廟

解春集康熙辛巳五月初八日夜半夢入廟見偉丈夫鬚髮如絲冕服如王者謂景曰吾齊時中散大夫范子元也性審諤在官好直諫時人比吾為汲黯有遺愛在永嘉為仁廉吏又恥事二君居家窮老生平得奉祿皆分施死而壁立鄉人哀之即吾廬立廟此是也惜碑記久燬今鄉人祭拜來者皆希文我也寔失吾故明告子幸無忘及癸未七月二十六日繙梁書良吏傳得之所云范述曾字子元吳郡錢塘人云云而里中張樾琴齋詩草載神絃曲云枕城東梅橋

北隅綴錄卷上

堯

北關靈祠奉牲玉里巫趙麟且祝赫神明誣邦族夢可通神來告神之生性審諤黠秉直緯不欲齊建武為民牧守永嘉政清淑革豚魚靖山谷二百戶編籍屬帝下詔增秩祿循吏傳不勝錄報政歸樂休沐朝局更俄轉轂爵不受義不辱逸民逸逐臣逐此故居懸簷屋及為神里黨福坐堂皇仰瞻賜白髭鬚冕旒服非希文毋溷瀆悚然閃瞿然覺告里民弗疑卜神之來肯我穀酌寒泉薦秋菊神之歸通勿穆歌既舞樂民樂神聽歆頌聲作又周氏廣業志餘聞范明臨平人蘇峻反遣將張健等據吳城義興太守顧眾

統義軍討之前鋒姚休戰歿眾還守紫壁旋命明為

參軍明率宗黨合諸軍討健健退曲阿眾進吳城得

平峻見晉書顧眾傳按晉時臨平屬鹽官則明當入

甯志無疑今杭州梅東高橋有古范明廟人皆以為

希文或以為子元崔應榴曰此必晉范明也而康熙

仁和志范明王廟相沿文正公仲淹為此地土穀神

康熙十一年巡撫范承謨以其苗裔至廟致祭武林

石刻記天啟七年里人陸一騏撰記云廟故前所崇

奉飯福錫民驅疫殄災第廟貌不肅積如崩雲平安

里戶口之繁庶居室之宏敞乃任其卑隘與寒榛衰

北隅綴錄卷上

李

草相枕藉其謂之何余族兄大有年高行劬里推祭酒猛發願力以為吾儕自黃髮以至耆者傳不獲公庇而敢以煩有司之帑乃偕父老士民投呈司府下至邑僉謀徙新宮有嚴報祀議取廣豐倉左之東南乃登期日以戒工役云云按阮元兩浙防護錄宋參知政事范仲淹祠在平安五圖梅東高橋是先於馮景之所夢與崔應榴之所攷雖或稱夢寐無憑或稱杭之士神率尊為明王非專屬為名况文正之祀久載碑石著為典禮乎丙欲存有舉莫廢之義泯後來居上之嫌惟仿之西湖三賢祀而增之為四及城中

三賢廟同仁祠之式並祀三公按代列位庶於崇德報功尊鄉祭社之情各不相背筆之卷次以告來茲

樊公廟食記

按元史樊公有傳贈翰林學士承旨榮祿大夫柱國封魯國公又載順帝十二年七月徐壽輝遣項普略引兵掠徽饒諸州遂犯昱嶺關攻杭州城中猝無備參政樊執敬遽上馬率眾出中途與賊遇乃奮力斫賊中鎗而死時董搏霄從江浙平章教化正安豐乘勢攻濠州會朝廷命移軍援江南遂渡江至德清而杭城已陷教化問計搏霄曰賊見杭城子女玉帛必

北隅綴錄卷上

奎

縱欲不暇爲備宜急攻之若退保湖州使賊乘銳出京口則江南不可爲矣教化猶豫未決諸將亦難其行搏霄曰公浙江相君方面旣陷而及今不取誰任其咎復拔劍顧諸將曰相君在此敢有慢令者斬遂進兵薄杭州賊迎敵麾壯士突前諸軍相繼夾擊凡七戰追殺至清河坊賊奔接待寺塞其門而焚之賊皆死遂復杭州楊瑀山居新語至正十二年七月十日徽賊入寇杭城時樊時中爲浙省參政亟出禦北行至歲寒橋遇害挽以詩云主將無謀悌眾情賢參有志惜言輕狐羣衝突成妖孽黔首驚惶望太平奮

志從軍全節義殺身殉國顯忠誠歲寒橋下清冷水夜夜空聞嘎咽聲王逢梧溪集徽寇犯杭樊時中禦於歲寒橋遂死之大參身死歲寒橋忠血長流憤未消一片王孫煙草色岳墳松柏共蕭蕭天水橋豈一名歲寒橋耶廟基似在今之三義廟今別擇地於義倉之右以存古蹟云

北隅綴錄卷上終

北隅綴錄卷上

奎

北隅綴錄卷下

沈氏放生池

錢塘丁丙松存氏述

馮景解春集沈氏放生池記云不仁之人必忘本其始也孝亡於所生而後於民物也無所不忍傳曰物本乎天本乎祖孟子曰親親而仁民仁民而愛物不孝而能仁者無之余觀沈八公氏重復其先放生池而本乎天祖之道仁人孝子之用心胥於是而傷焉八公大父赤淵公為後渠袁氏館甥無子遺產赤淵有池焉長二百三十餘步廣三之一游儵衍育於

北隅綴錄卷下

一

其中赤淵卽世子澤民紹業澤民者八公之考也捨池放生後以貧質於辟疆八公老矣殫力復之而先志於是不墜懿矣哉八公之仁也八公之孝也詩不云乎孝子不匱永錫爾類本天本祖以仁育萬物而有合於父天母地之心傳休奕稱荀何曰孝子百世之宗仁人天下之命或徒以為浮屠氏之教則然不亦固哉景星杓拗堂詩集贈八公云公屬賢宰後補苴述先志萬夫氣不回千鈞力執義故廬臨廣池修林自交翠日憑池上釣高吟已復醉藤花檐亂覆禽果砌頻墜睡醒風簾白山月忽而至近餘杭孫和叔

孝廉樹禮因董理普濟堂而復其池為之記曰百行之原曰孝四德之首曰仁體仁與孝行而宜之曰義之三者歷千古而常存者也樹禮主普濟堂有年觀丁丈購復沈氏放生池益信而有徵矣池為沈澤民先生之母袁宜人奩中產宜人早世先生秉孝思而捐為眾有將以長存此池不意變涉滄桑展轉而質諸他氏先生季子八公者力不能復盡焉傷之時則有鄭朱王胡馬杜羅陳劉沈張十五友醵金贖還毛西河檢討為之記曰是池也將與孝與義並存者也黃氏士珣北隅掌錄謂沈氏放生池卽沈氏東銓第

北隅綴錄卷下

二

前後之二大池池之左右復有五池其西北為蔡木龕之是一濶廬眾池之水穿濶廬西流入斜橋河同時題記者凡三十三篇其一見馮有道解春集餘皆遺佚不可考卽沈氏所扁東銓第按之志乘沈復禮字赤淵父士榮為雲南簿卒於官復禮纔弱齡匍匐萬里奔喪歸後以己酉拔貢任山西靈石縣擢永甯知州著循績子正春字澤民順治三年歲貢三任學博遷江西興國知縣有治聲特未知官吏部左侍郎者究竟為誰惟康熙戊戌科沈錫輅彩杆石猶存人尚稱為採花術今則屋礎盡失僅池水盈盈而已嘉

慶中何氏夢華居與池鄰嘗復其池三之一歸安嚴氏元照體其先德放生之意爲記其事當其際普濟堂甫草創也閱五十年值咸豐庚辛之變不惟池廢而堂亦燬同治甲子大吏旣克浙垣籌治善後堂之燬者次第得新堂固有二池一在南庵北一在北庵東丁丈每流連池上慨然謂禮曰沈氏之捐爲眾有孝於親而仁及物也十五友暨何氏之復是池激於義而曲全其孝與仁也昔端木氏以濟眾爲仁今會食高堂者數百人亦眾乎詩曰眾維魚矣實維豐年是眾之熙熙於堂猶魚之洋洋於池也生生不息

北隅綴錄卷下

三

之機人與物同之池亦鳥可緩哉因訪其業主購陸池二祝池一又以他地易竹香庵池於陸祝三池之間別鑿一月牙池出池之淤以實平地通池之隔以貫清流架杠以渡之築廬以憩之繚百堵以障之寬廣二十畝盡還毛氏撰書所記竹圃之舊微特體沈氏之孝與十五友及何氏之義而天地大生廣生之心亦無不流動充滿於其間嗚呼仁已謹爲之贊曰仁無盡孝義無盡堂與池更因之無盡爰錄毛馮嚴三記於石而附識於後云

梧園

吳太冲字默寘海甯籍生而穎異弱冠沈酣六藝天啟丁卯登賢書崇禎辛未成進士選庶常授檢討庚辰分校禮闈充編纂六曹章奏改編修纂修會典補東宮講讀故事講章必先呈內閣改定後入講筵太冲獨自爲講章反覆開導更旁引時事流涕慷慨東宮歎曰聞吳先生語輒如朗月入懷時愍帝節儉東宮舉此以爲千古難事太冲叩頭曰儉不宜過嗇當推所有以與人昔人曰人主患不廣大耳東宮稱善辛巳愍帝枚卜召對翰林諸臣諸臣所奏皆隨奏隨批太冲以中原力疲毋務戰願嚴守禦安流亡爲言

北隅綴錄卷下

四

愍帝獨停筆不動次日傳旨索更繕奏疏上不答而某以善談兵不次入閣矣未幾移南監司業時監規頗敞雜冗不振太冲獨破崖岸爲之杜請託嚴乞假核名實生徒始識祖宗所以造就之意尋轉右春坊右中允愍帝末年天下震動上方罪已飭躬懸厚祿高爵策勵臣民廷議紛爭聚訟太冲上疏論理財請嚴加派弭盜請重撫綏剪亂則請專剿伐侃侃數萬言皆切中時病而尤以正人心敦士行破門戶爲急及潞藩駐杭馬阮倉皇至太冲凡三上牋其三云黔賊逆黨朋姦誤國罪宜寸磔今又奉殿下監國豈其

本心特藉此虛名巧爲脫卸以自全耳此真古今姦
賊所未有者乞明正典刑懸首藁街以洩神人之憤
夫誅若輩直如狐豚幸勿與諸臣謀之謀則不能殺
矣王噤不報 國初三徵皆固辭崎嶇九死自號窳
泉頭陀子農祥幼爲馬文忠公世奇所知曰他日當
以文冠世其婦翁乃傅巖也其祖經歷君好聚書勤
掌錄及官允貴益有賜書至與山陰祁氏海虞錢氏
埒與弟農復盡發而讀之陳司空鼓永謂經國宏業
固賈生晁令之儔卽雕蟲小技亦相如子雲之亞其
推重如此康熙戊午司空遂首疏薦撫軍陳公秉直

北隅綴錄卷下

五

亦以名聞俄爲忌者所中放出都門自大學士馮公
以下送者莫不嗟歎農祥鳶肩蝸鼻鶴頸長爪鬚鬣
鬚積然淵放曾無芥蒂於胸歸而著書自娛杭州藝
文志載其有宜齋文集八十卷詩集四十卷南歸集
十卷雪鴻集八卷流鉛集四十卷嘯臺就正稿二十
六卷金陵集十卷心蘇集五十卷秋鈴集十卷南羽
集三十二卷倚霞集二十四卷未忘集八卷京江集
四卷而鶴徵錄又載其輿圖隸史彙考補錄文獻通
考嘯臺讀史綠窗讀史梧園雜誌錢邑志林唐詩辨
疑詞苑等書與掌錄所載卷目均不合余於亂後從

王小穀大史遺書中得詩文集二十九册中有軍屯
已定割長壽橋抵武林門敞廬幸免云蝸載爭先去
鳩居喜未遷重游寬蕩析再聚荷生全桂樹西階下
梅花北牖邊免承天子問不繫岸湖船蓬戶苔花老
茅亭柏葉幽兒童騎屋角婦女拜牆頭鵝鴨開還數
鳧鷖去復留牛車安寢少四海正橫流五嶽心何在
三江興豈賒因循空負郭束縛困移家雨積垣衣翠
風吹亂帶斜驟聞秋氣肅枕上聽悲笳微幸家居好
倉皇世業新爲憐同邑者更有出門人洲遠銜蘆闊
天長擇木頻武林千萬戶多半畏沈淪又復澄觀堂

北隅綴錄卷下

六

時撤餉部以草閣從無定茅齋久不開簷鳩疑復去
官署還居民鄰犬喚仍回藥竈當風牖茶鏹隔露臺小園容憩息
庾信漫悲哀再營梧園云花榭經營淺柴門卜築初
苔深三徑屐葉亂一牀書畫棟紅襟燕荒祠賴尾魚
比鄰多失業羨我得安居梧園中有棲尋閣云高閣
登臨處憑高數夕曛冰簷橫暮靄月幌抱春雲遊舫
微風見遙鐘隔嶺聞非關秋意苦落葉已紛紛桐花
書屋云葉轉三秋盡花生四月寒碧枝高未折紅乳
滴曾乾半死危柯在方春解甲難怪來棲鳥穩擲地
是琅玕蘿軒云密護巖屏冷陰連石徑封卑枝藏燕

雀驚幹走蚪龍未識雲初起還疑日下春慣聞山鬼
語策策雨中逢古桂堂云深夜晨光雜方秋午夢長
泛槎從博望持斧念吳剛五桂已伐草創開軍府花時出
射堂依依吟誦地狼藉是牛羊橋頌亭云冬日還成
霧吳霜易作煙綠垂兼蒂弱紅淺抱枝圓玉髓隨層
破珠胎染指鮮楚臣空作頌纜下五湖船又寶名樓
記曰梧園故有危樓如硯著几上可俯視湖山久未
有以名之丙午正月樹之眉曰寶名爲徐子寶名記
之也余昔受學於先官允首以擇交爲言自丁亥至
己亥吳越之士相率以交游徵逐爲高分朋樹黨互

北隅綴錄卷下

七

相標榜車塵馬跡絡繹旁午賓筵公譙至賣產以繼
手探名刺如蝟毛起吳越之狂易未有盛於此時者
也余既同弟耒庵棲息梧園偶一二推挽堅不肯出
枯寂隱退雙梧掩門人始而疑繼而畏終則伐之矣
而同里徐寶名纜二十餘眉宇奕奕照四座如神仙
中人長言小語人拾其涕唾以去爭相欽挹而徐子
久亦悔之乃肯從余兄弟游遂假梧園以卒業斯樓
也余與徐子十餘年坐臥之所也箴規戒諭互相師
傅十餘年如一日也敝几廢牀雙膝隱然時或風雪
撐拒裹飯往問相與歎息者久之今徐子移居矣所

以名樓誌昔懷也古詩云榮名以爲寶名者實之寶
有名而實不副者名亦何足重所戒者虛名非戒榮
名也夫榮名者所秉者椒蘭所惜者金玉如處女如
貞松未嘗知世名也然逃名而名隨之謂之日榮不
富貴而尊不攀援而立也此徐子之志也名吾樓而
昔日之願固不敢忘且以勸吾子弟知所警懼不爲
世之狂易人也是爲記更有宜齋記畫園梧園記梧
園薛荔賦均以篇長不及錄中有顯妣張淑人行實
曰母氏張宋南軒先生二十一世孫也祖居錢塘豐
壘里外祖父文學天與公與吾祖相近遂訂婚姻先

北隅綴錄卷下

八

公以貧故教授里中升斗嘗困母支持門戶奉事堂
上先意承志先公無內顧憂天啟丁卯先公入翰林
母益勉所事辛勤孝順丙子八月大母沈氏淑人病
母刲股進而愈已復革沈太淑人以手挽母頸曰我
病賴新婦卽母子不若也我死恨無以報汝及卒倉
猝不能辦喪事母出簪珥治喪飯含沐浴啟手足且
曰吾姑須吾自扶曳且姑生平謂吾所事爲安耳癸
未二月大父眼疾流血卒不起意若戀戀有待母曰
是殆爲小郎卽舉筦簫授之不少吝先公曰汝母爲
吾家勞人事吾父吾母此可無愧古人耳乙酉人情

藉藉先公痛哭攜不孝祥出門母攜弟妹往避海昌音信既隔鋒鏑四起鄉人皇惑奔突一飯未畢易地數次母訓家人日患難人所恆有莫以顛沛失常度戒童婢勿妄言一時以吾母行藏爲法丙戌見拘入城父誦經枯坐竟日不語母惟訓不孝及時讀書立身無忽我二人在也悲夫母三十三生祥三十五生弟復母歿祥年二十有三弟二十有一母生萬厯己亥八月二十八日歿於順治甲午十一月十六日僅五十六年宏光南渡先公擢禮部右侍郎兼翰林院學士母封淑人已江東魯藩福隆武皆以閣臣兼尙

北隅綴錄卷下

九

書銜召屢晉一品夫人今稱淑人從南渡初旨也其詳及子女姻戚皆在先公行實中按中允行實梧園志已缺惟有亡弟未庵亥學壙志云君諱農復字敦仲涉書史外兵刑錢穀下及閭里銖兩之微皆能研究老於事者弗如也遇難事一言能決性孝友與祥同學師以過笞祥輒伏地泣乞假祥笞先淑人病亟祈禱不愈卽引刀割右臂以進先公病私禱關祠願以身代葬先人時君兩女痘甚危不問踏萬山中枕席霜露而求之荏苒迭起白晝劫質君不爲阻卒卜葬祖墓側君素重名節雅自負制舉又不屑作時

俗文字人有以緩急曲折見誣語君君奮身任之破其根株窟穴使得當以去曹吏部耘運嘗云曰君爲人其善者好之其不善者惡之君喜曰得君言死不恨矣卒年才三十六娶於章爲閣部格庵公次女生子一卽艾也又豕男容權厝志云容字端公五歲通五經鉤索馬鄭毛杜諸家於三代器物錯雜中老生宿儒畢世不能上脣吻者兒舉對如目前事所授書史甲乙丹黃夜以繼日盛暑嚴寒廢寢忘食余友沈甸華陳際叔多折行輩與之交病咯血不使余知醫者私謂余曰病易治也去其所以致病者則可矣余

北隅綴錄卷下

十

戒兒少誦讀兒對曰捨飲食能生乎兒捨誦讀猶是耳歲丁卯踏省門者四親戚勸兒且止不顧而入病愈不治先是得五絕云處世多孤憤因循病易成長沙空賦鵬祇恐不長生死年三十一錢塘邑庠生娶於陳爲孝廉叔夏女一子名慎中

復堂

應搗謙潛齋先生集顧母王孺人傳云顧母王氏以年十九守節七十八年至九十七歲乃終撫三歲兒以至雲初昌茂自古變冰雪爲陽春者誠亦少儷也顧氏自會稽徙上虞至雙橋公諱文秀遷仁和之梅

東里初娶鄭氏生一子繼娶孺人少誦詩書敦大體年十六嬪於顧治家勤儉生二子長者甫三歲雙橋公遽捐館舍孺人痛死撫生日不暇給俯念兩兒在襁褓日顧於會稽最盛今來杭止此三子曷可使失所以遺橐數千金盡與鄭孺人子志學俾之經營而以橋西果園一頃自給朝夕教其子時英口授詩禮兩經稍長延師肄業勤操作以女紅佐之睦嫻輸稅皆井井無墜其長子持多金以吏詣都下授縣尉將之官道出吳淞死於盜孺人驚悼攜時英哭控當事移文督緝捕盜伏法時長子久羈不歸資斧盡失爨

北隅綴錄卷下

十一

爨孤寡不寒而慄賴時英年漸壯補仁邑弟子食餼於學積學力行生孫大成兼習會計以冰紈雜作衣被四方家復饒裕孺人年八十三時英先卒孺人以崇禎庚午一夕自知壽終乃盥沐與家人別無疾而終年九十有七嘗訓其子孫曰凡人能進不若能退臨大節不爲利害所搖便是奇男子嗚呼偉哉孺人子二長時英孫大成曾孫名俊舉孝廉元孫永年舉進士有年以文學稱云康熙戊子翁嵩年序梅東草堂詩云桐村爲先姑母獨子一齡背父先姑母長於吟詠自爲未亡人卽焚棄筆硯惟桐村從外塾歸督

令夜讀輒口授三百篇以故桐村年十三補博士弟子試必冠軍丁巳徙而北登戊午賢書乙丑捷南宮以不與清華之選需次里門己巳平原公秉漕政當途指爲卽墨黨羅織文致波及桐村毅然曰此疏陰有主者吾師大臣也不可誣餓虎得人而止吾請以身任之卒以此編管奉天而平原事乃得白譴之日止次妻某氏彌月兒某相隨入園扉涉塞外丙子天子自將征噶爾旦

北隅綴錄卷下

十二

爲詩未嘗規摹唐宋率性而行自與古合辛未八月聞譴云禹穴遷來六七傳且耕且讀世絲絲梅東里巷家聲舊長慶堂名祖澤延忠厚承基吾自信詩書食報理非愆如何薄命難消受兩字功名付枉然自分無端賈禍奇忽聞嚴譴在今茲分攜羣從無多語囑咐兒曹莫妄爲柳播誰憐遷客地沛豐還詠樂郊詩投荒萬里心非怯怕是臨行拜母時又別同里章念修云幾世通門締久要歲時伏臘酒相邀河流奔匯環三面衡宇斜連隔一橋耳底歌聲猶鼎沸眼中甲第忽冰消傷心里巷興衰事松柏青青獨後彫其

先自題梅東草堂云柴門斜傍小橋西橋水滌洞柳
拂隄欵乃聲聲過枕畔縱橫處處布春畦居無風雨
皆先澤壁有龍蛇憶舊題寄語園丁好培護梅梢須
放屋簷齊毛稚黃有願響中齋作云梅家橋北一茅
堂地主人稱是辟疆圖史窗中情自適琴樽花裏興
何長漢朝舊宅神仙尉水國新秋菱荇香劇論風騷
兼弔古登臨何處不成狂孫宏南樓詩鈔有贈顧孝
子名棟字工掄毅然代父從軍運餉贖罪朝野稱焉
爰作歌紀之偉哉顧孝子代父出邊關輓輸萬里上
馬去鞭梢直拂寒潭山大義從軍何勇決少年不惜

北隅綴錄卷下

三

新婚別終童有志請長纓不爲封侯慕投筆絕塞重
關險阻憑嗟爾儒生弱不勝鐵衣凍合黃河冰三十
六臺霜雪凝惟君義氣蒼穹脊定有神靈掣雷電妖
氛潛匿鳥獸散威風不數天山箭奏凱歌饒徧朔方
王師旋報滅樓槍爲問僧騰誰借箸當時孝子身能
當歸來拜父成歡聚親拂征袍馬頭任庭前笑語更
開樽挑燈細問軍行處

旅園

旅堂詩凡兩刻一爲詩集天童釋本哲山曉編輯海
鹽陸嘉淑冰修山陽三象隨季貞選仁和沈蘭先何

華錢塘馮景山公參訂凡詩三百五十二首詩餘四
十七首前有古鄧確菴高世振同里馮景山陽三象
隨三序陸嘉淑一傳又一爲詩選山陽黃之翰大宗
選前有淮陰張養重虞山鹽官陸嘉淑辛齋鹽城宋
曹射陵山陽黃之翰嘯堂本哲五序于壻汪榮一跋
今兩刻傳本皆稀特錄嘉淑傳曰彥遠胡姓初名上
登系出安定已遷錢塘父靜菴公讀書不遇督彥遠
甚嚴彥遠少穎異年十二以童子受知於邑令秦郵
王公永吉七試皆冠軍遂補邑諸生久之江上兵起
則謝諸生入城僦居一畝田以教授博修脯供靜菴

北隅綴錄卷下

古

公甘旨更其名曰介意不自得乃遊江淮訪萬年少
壽祺年少爲集淮楚諸名士如季貞輩十餘人流連
嘯詠越旬月乃歸未幾王公永吉爲宰相招彥遠欲
屈以就試彥遠昇兀不可下王公不敢請而婁東吳
公偉業澠水龔公鼎孳繡水曹公溶大梁周公亮工
爭與之遊名藉甚願貧亦益甚適金夢蜚漸皋尹邢
臺章翊茲國佐理饒州祝天虞文震整飭淮陽程仲
王之潛臬閩先後見招分其俸入歸而賣藥市中自
是且病病竟不起甲辰夏六月也先是中春生日爲
詩自壽有四十九年人意忽不懌投筆而罷蓋彥遠

生丙辰竟以自讖云少所講求務爲有用之學既蹉
跌自放則與山曉閉關橫山參西來別傳悠然有得
娶同郡翁憲副汝遇女桓字少君當彥遠暴病燕邸
少君寄詩云深惜饑驅苦相依童僕羣開書知別久
臨鏡惜釵分春酒淹歸騎梅花憶隱君長安何處是
千里望寒雲彥遠答云借隱牆東意蕭條本不羣秋
風疲馬出春夢塞鴻分乞食悲陶令還家愧少君五
陵人自貴終不附青雲又早發禾城酬婦寄韻云長
隄如水樹如隄回首平蕪望欲迷曉纜已過三塔寺
聞人猶夢五更雞少君原寄云空山蘆荻滿秋隄客

北隅綴錄卷下

五

路清霜夢不迷寒磬一聲黃葉寺知君起舞爲鳴雞
彥遠有妹名字失因兄擬作春去落花詩忽詠云片
片花飛似蝶飛彥遠足成云空將濃綠照人衣池頭
蛛網知春好也自絲絲冒落暉又有憶女蕙蕙云十
歲憐嬌女臨妝自點脣別爺初有淚風氣近成人蕙
字季貞妻汪定武榮亦名士也

花翁

花翁善篆隸摹印在何震施士衡之上厲太鴻徵君
論印絕句所稱絕藝吾鄉豈識眞布衣前數顧山臣
是也嘗謂人曰若爲我治良田十畝我爲卿築我死

其價可當秦十五城其自負如此當虞山叟東以舊
臣赴闕號於人曰吾輩之起以紆清流禍也花翁曰
淫人能衛貞女耶吳中允太冲幽困十年門生故吏
搖手不敢一問花翁獨冒死相對周旋患難其至性
又如此吳農祥贈詩云垂老鬚眉綠提攜一劍行殘
鏡留紫燄箭裏似雷鳴瀕洞風塵際盈朝儼不聞更
求朱亥客爲報信陵君卽爲擬擊姦臣馬士英也櫟
下周亮工印人傳顧筑公武林人立品高迥不屑頰
從流俗作印恥雷同余最好之而苦無其一印辛亥
過湖上訪之則久歸道山矣索其手製一螭婦藏之

北隅綴錄卷下

六

不知印章爲何事恆悵快日豐非玉凶非穀守此頑
石胡爲者自余往詢後婦乃訝曰是頑石乃致周公
問遂高其值一方動致數金余命其印數方爲傳於
世

惜陰書屋

陳緘庵學士在史局二十餘年駁駁通顯以闡事牽
連子爲代戍戍回課子極嚴有由科第起家官清要
者嘗有謁小和山冢宰先師墓云豐碑高望尙書墓
瞻拜彌深梁木悲南郡風流經帳冷西谿煙樹板橋
敲五三大業參元輔六一名泉近少師表德無文空

展謁瓣香惟有寸心知按兩浙防護錄吏部尚書徐
潮墓在小和山查初白題陳緘庵前輩西溪探春圖
云寶所塔邊松木場小溪冰泮綠泱泱竹篙撐到水
窮處臘雪不香春雪香不怕京塵漲帽帶參橫月落
正思君何人喚醒羅浮夢萬壑千巖皆白雲

小跋翁

康熙仁和寓賢志萬斯大字充宗鄞人高祖表嘉靖
中都督同知葬西溪歲時展墓至杭遂寓仁和隱居
教授窮研經學於春秋三禮獨能自關門戶不附先
儒成見貫穿互證有所發明謂他人以傳注解經不

北隅綴錄卷下

七

若以經解經也年五十一卒於杭所著有學禮質疑
周官辨非春秋疑問行世全祖望鮎埼亭詩集有哭
萬編修文云去年九沙家大火盡焚其尊人充宗先
生經學未刊之書九沙援夷伯廟震故事以爲己咎
朝夕涕洟遂以不起詩云日昨吳回厄非關隱慝招
痛心遂莫挽老淚竟難消宿德嗟淪喪知音歎寂寥
秦亭古梅下風雨泣蕭蕭按九沙官編修時侍郎方
苞以株連被禁莫敢保出之者九沙獨送狀西曹苞
得釋督學貴州使還爲異已者所中遂有通州修城
之役少承家學又叩質於應潛齋聞百詩兩先生聞

見日富工隸書得鄭谷口之傳

丁茜園

按汪水運惟憲撰傳所著有湖上詞二卷已刊乃清
詩十六卷彩露堂文集十卷四六五卷一家言二卷
日記三十卷采采吟一卷且吟二卷對聯一卷集唐
詩四卷詩若文付之吳石倉日記藏之丁硯林皆散
如雲煙毛氏西河合集有丁茜園賦集序積山遺集
有題舅氏茜園所遺樹根筆格壽樊榭山房集中有
過丁茜園云觀陳洪綬若樂圖七言古詩又哭王源
村丁茜園云平生師友十年間雪月花時記往還原

北隅綴錄卷下

八

季長貧成白首應劉俱逝記青山篋多遺稿從人取
室少孤兒信命慳北郭西橋同此恨笛中先後淚潺
湲余少時從沈叟雨溥書坊得先生遺稿十餘冊皆
手自鈔錄失於兵火卽雕本牡丹詩亦曾藏弄今亦
求之不得矣惟有忠蔭庵詩云大江南北憤孤忠獨
上禪關乞戰功少保用兵神鬼避將軍有墓劔門通
牛將軍墓在紫雲洞下庵近之一泓如鏡虛生白半嶺斜陽已墜紅
爲問湯休在何處湯侍郎西厓之兄可憐衫袖溼英
雄又送孟女鼂采歸洪甥云七歲汝受學以父爲之
師孝經既成誦復又讀毛詩閒探古樂府率皆清苦

詞嗟余遭困頓汝母門戶持齋鹽每不給糜粥珍一
匙雖無羅衣裳進退有容儀但慮爲婦難不比在家
時汝婿爲中子長汝富春秋凡事當相諮意氣毋自
由清晨問安畢中廚潔膳羞調和須極甘舅姑皆白
頭諸姑亦長汝毋爲他人尤我今四十餘只有汝姊
妹非不願相聚女子生有妣使我加餐飯我言汝應
佩梁鴻春廡下孟光卻華裾更有牛衣人時時挽鹿
車羅綺非不好布衣安麤疏明珠雖曜首枯釵今何
如莫羨東鄰婦顏色如芙蓉頭上青絲髻乃用玳瑁
梳人生貴有德往往詩中譽

北隅綴錄卷下

五

南湖花隱

樊榭山房集雍正壬子南湖初夏七絕四首後夏夜
同樂城功干步月南湖云披衣聞剝啄蕭散步城隈
煩思臨湖盡幽襟爲月開魚聲不知處荷氣偶然來
莫怪無看待清光送客回歲暮自題南湖所居云巢
居何地可高竈近水聊同離垢園寒淨綠蕪侵巷尾
明涵疏樹照城根雲帆引我遙歸興雪履聞誰獨往
言魚計茶經無外事太平時節在衡門三間老屋打
頭低安穩深冬類蟄棲短布自遮周伯况大船不識
庚安西雨多夾雪添湖水凍後煖晴滑徑泥俯仰懷

人千古意蜜梅花發竊黃曉又向張園挹早春豪華
舊事久飛塵石殘甲乙黏乾蘇檻易庚辛積冷蘋佛
粥近分林下寺竈飴新賣水邊人賞心是物關時令
只以康強祝老親聊樂吾生未有涯須煩健步遠移
花平臨列岫人煙小細讀殘碑日影斜臥架少書思
閱市行勝無夢到乘車詩壇不似麒麟閣敢並南湖
上將家丁已有雨後南湖晚眺又夏秋之交臥疾南
湖草堂辱竹溪沈幼牧以佳句三首見寄如數奉答
七律又南湖殘雪追和句曲外史山居雪霽韻詩戊
午南湖中元夜云秋逼空街響暗蚤煙波館外覓行

北隅綴錄卷下

二十

蹤入懷驂覺風聲薄出海偏驚月氣濃野寺酸文招
薛荔水樓隱語託芙蓉悵悵悄悄年年事涼著疏簾
第一重己未除夕南湖草堂作云除夕今番景色饒
輕陰門巷漸微潮出籬水影梅煙動隔屋春聲燭燄
銷慈母行年開八秩太平生世見三朝野夫不計身
名賤料理杯盤菜甲挑又庚申正月三日南湖大雪
用東坡清虛堂雪韻七古皆南湖結隱八年餘所作
也按趙殿成注王石丞集徵君爲序時丁巳十一月
題曰序於南湖葭贊軒

丁隱君宅

周駿發臥陶軒集借倪建中過丁敬身丈城西新居
步履追春晴攜朋溯鮑里城南丁隱君卜居鄰西市
閉關日苦吟把客證佛理自云坐詩窮聊復資禪喜
策杖便接筆清言去渣滓詆訶到季緒璣璣視餘子
通老重移家詩成足貴紙見示移居詩四首極工妙中堂儼三構
門外橫連雉處士舊有老母及一兒討古投石幢祥
寺有石幢為唐處士胡出郭瞰湖水是合詩人居杏
社煩筆紀社祀郭汾陽王屋角山能多高歌青眼裏
哭丁敬身丈即用夏日見過詩韻深巷過從曲似之
於今泉路邈相思屯游大有生前賦通隱何妨世上

北隅綴錄卷下

三

知腸斷西風吹落日淚霑秋卷憶當時先生曾為予
序中堂宛爾遺三構寫入移居更可悲先生移居昇
叔并幼孫三棺移置城西草堂其老母子誠
今三構未發而先生遽逝哀哉隱君歿逾四十年同
里魏春松因其尊人曾輯遺詩二卷又鮑淥飲張芑
堂陳象昭何夢華各相鈔寄梁山舟學士更錄示數
十首與學士子曜北商訂釐為四卷而以誠叔希曾
松老三子各數詩附於卷尾梁學士序曰先生古體
之作硬語彊韻有筆落千丈氣壓萬籤之勢為會中
諸公所畏伏猶記丁卯夏過余齋云子今秋當飛去
矣子向覓天龍寺貫酸齋書山舟二字不得今僕拓

得一紙并鐫小印為贈若俟秋後人將以僕為侏子
矣同書之以山舟名實自先生所貽始也又何春渚
琪序云一日走訪隱君出示春草園感舊詩即書扇
見贈書竟放筆大慟春草園者趙谷林別業也時主
人久逝隱君過而悲之詩之所由作也於是知隱君
交情之篤有張范之風焉吾母五十生辰乞隱君文
以為壽不日輒構就且以八分書之及期布袍藤杖
過余草堂親祝嘏焉日年來慶弔久不與聞今日之
來蓋重太夫人之節孝也於是知隱君行古人之道
又如此隱君詩不苟作偶有所得往往友朋收拾藏

北隅綴錄卷下

三

之余友魏君秋浦與隱君善欲刻其稿未果而卒於
其子成憲江南官舍成憲奉喪還里首承先志即付
剞劂云亂後板燬春松觀察從孫稼孫錫曾屬
余重刊且拾遺詩一百二十首文十三篇飛白錄十
則硯林印款一卷最後余得羅兩峰寫隱君像長頸
疏髯清癯似鶴藤杖樓履抱膝側坐石上隱君題送
羅君歸揚州云作客光陰更似飛那能送別不依依
春風未為摩游舫夜雨偏來溼釣磯酒趣無緣徒悵
快夢魂雖接但依稀惟餘一事差相慰畫裏形骸共
子歸遊夫畫我倚杖袁枚題云古極龍泓像描來影

欲飛看碑伸鶴頸拄杖坐苔磯世外隱君子人閒大
布衣似尋蜩蚪字蒼頡廟中歸余既倩陳諤士霖摹
冠集首張穎仲維嘉贊云錢塘通客丁翰之雲初干
載鍾布衣一塵羅利江上樓負米養親道自肥古訓
胚胎漢經師金石刻畫宗邈斯鴻博大科不受羈遺
文齧翰探幽奇梵幢冢碣祠神碑邇推翠墨紛歌詩
僕指杭厲外更誰龍泓翹首一鶴歸余亦用隨園韻
附題云長頸高準鬚依依骨相嶽崙眉宇飛倦眠尊
勝塔旁屋冷踏羅刹江上磯八尺手扶紫藤杖半卷
身襲青蘿衣花之寺僧寫其像竹書間堂知所歸

北隅綴錄卷下

三

三丁


道古堂文集丁誠叔遺詩序云女夫丁健誠叔未弱
冠卽爲詩在朋儕中迥然自異進而與諸父執角才
情意氣猶夫人也暨乎青鐙夜雨開卷有得其志瞻
然以潔其思竊然以深其氣溲然以清和以雅和以
安則氣息勝也吾獨嘗憂之歲必迭嬗而成學必盈
科而進顏淵聞道最早而天童烏九歲與元而殤年
未至而識先到焉候未至而詣先進焉譬諸蘭當門
而見鋤爲防而見艾不得終其年壽固也幸而及時
而放見賞於高僧澹士不數日而卽翦其穗恐其氣

竭而來歲不芳也已而誠叔果不躋中壽而吾獲知
言之名而抱祝予之痛痛誠叔乎痛今之人之詩可
以蘭喻者無其人也又有女夫丁秀才停棺誌見文
集不錄按健詩附於硯林集後者祇寄巢林禊把鏡
篇法相寺竹閣觀李先輩畫壁徐紀南泛舟城南遇
雨普賢寺鐵象歌大安寺鐵香鑪歌側理紙歌九日
擬遊張家寺不果集桂堂作登天然圖畫閣春夜四
照亭玩月修川寄范雪軒凡十一首今魏稼孫更拾
誠叔遺詩二十四首魯齋老休其壻趙孝廉泰家趙
居塔兒頭其著作余友吳頌音嘗見之其詩附刻硯

北隅綴錄卷下


三

林集者祇隱泉渡瓊海筆頌歌凡三首魏稼孫更拾
其遺詩二十三首遺文十篇又吳省蘭藝海珠塵得
其經學述得一卷又臧庸拜經日記丁希曾老年篤
學曾謂庸曰易說卦傳兌正秋也萬物之所說也說
當音脫秋金行義斷主殺萬物所愁苦安得云萬物
喜悅乎蓋至秋物皆成實脫落故曰萬物之所說
或以爲改字嫌按脫說同兌聲古脫字多作說卽易
睽上九後說之弧可見庸謂兌說本訓自不可易而
丁說爲漢人改讀之例亦得備一義也盧文弨龍城
札記丁魯齋曰暨以旣爲聲說文曰頗見也頗卽易

無平不煩書無偏無頗之頗頗者偏側也因此得禹
貢朔南暨之解蓋此朔南即黃帝素問立於子而面
午立於午而面子之處也此地日不當人頂僅見其
偏側耳暨字上從月既望之既下從旦日初出地平
也緣太陽祇行赤道南北二十三度半其外則不到
也人之在二十三度半以外者皆北日其極向日而
立故篆文北字作象兩人背乎北極而立於地之
形謂日在其南人各就日向暖也此立於子而面午
之說也漢地理志交趾郡有北戶交趾爲中國極南
之郡故人皆面北門戶以向日此立於午而面子之

北隅綴錄卷下

五

說也堯典誕敷文德民之被其光者東極於浩渺之
海西阻於崔嵬之山至朔與南則日以頗見爲界由
兩極之下寒冽異常居人鮮少故以朔南暨爲聲教
訖於四海之證驗也又云希曾解詩眾惟魚矣眾乃
螺字之省說文作與蝨同左氏穀梁春秋經桓五
年蝨公羊經作螺螺實蝗類凡池湖陂澤中魚嘯于
皆近岸旁淺水處若遇歲旱水不能復其故處土爲
風日所燥魚子蠕蠕而出即變爲蝗蟲以害苗自大
河以北土人皆知之今螺不爲蝗而爲魚故以爲豐
年之徵文昭按此說昔人未曾道過實確不可易如

旒維旃矣旒旃相爲類而小異耳一則人少一則人
多故占爲室家溱溱義順而嗣顯若云眾人化而爲
魚則太怪甚矣雖夢無定象而其占爲豐年雖曲爲
之解終不似旒旃之占皆得領會也今釋爲螺則事
皆目驗義並貫通且證之公羊經說文而皆合信可
以釋千古之疑方觀旭論語偶記丁氏傳曰宮牆宮
字是爾雅大山宮小山之宮謂圍繞之按禮記曰君
爲廬宮之又曰儒有一畝之宮康成云宮爲牆垣也
是其切證左傳曹人或夢眾君子立於社宮社非喪
國不屋則無宮室而禮云君南鄉於北牖下則有牆

北隅綴錄卷下

五

垣是社宮亦爲牆古者以牆爲宮故築牆曰宮之矣
是可見其樸學之深不徒以文藻擅奇矣佳詩附視
林集者祇題杭葦浦二丈赴召集雁字小園梅花盛
放喜作酬魏五銀糕乞陳眾昭畫竹凡六首今稼孫
所拾者亦六首中有金龜二絕云愛此非玩物藏之
愜余尚絕勝臧孫贊于焉獲元賞賀李不可作金龜
猶在茲長安曾換酒風韻劇堪思

項家臺門

高爽泉蒙居項氏屋有詩云南畿清德祠刑部
東里台臣仰侍郎
項公景襄 履庇又承強項令燕來花萼

舊時堂虛願煙披柳萬絲謂湯少宰塵埃阜積傍茅茨百

年華屋山邱感鄰安無人說項斯黃安濤真有益齋

文編高君子才傳君諱塏字子才號爽泉錢塘人祖

諱積厚歷官安徽甯國貴州鎮遠兩府知府父諱大

業四川蓬溪知縣弱歲嗜入法於晉唐名蹟心撫手

追比壯藝益工名益著儀徵相國撫浙時延入幕府

訂證金石文字嘉慶十三年恭迎

仁宗巡幸淀津暨

萬壽慶典公卿大夫進御文冊爭屬君凡霑

恩賜者咸以得佳書相賀或有勸仕進者則笑謝之

北隅綴錄卷下

三

曰苟懷利祿何早棄舉子業而從吾好耶其澹退也

如此後主孫襲伯古雲家及禾中方氏大江南北寺

觀祠墓園林碑版琳瑯照耀梁山舟學士後一人而

已張廷濟桂馨堂集高弟爽泉少余二歲去年余至

武林相晤喜其年政七十已誕曾孫因製聯以贈別

纔市月遽傳凶問其子佩生蘭攜所書冊索題成此

別久忽相見霜毛各滿顛何圖一餉話竟了卅年緣

地問老梅古

住梅東高橋

書傳活筆鐫最難家學舊才子

嗣神仙

河干塵

秦瀛小峴山人文集先生長余二十四歲以鉅人長

德每修敬於余余報謁屏車騎入則先生居委巷中

屋數椽甚隘儻從一人以貧授生徒自給見者不知

其嘗爲太守也今年述職至京師還聞先生歿且葬

有日矣其孤乞余表墓按先生諱光又稱梅東老人

祖人豪父濤並有隱德贈文林郎祖妣邵氏陳氏妣

詹氏並贈孺人先生年十八補博士弟子員戊午舉

於鄉乾隆十七年揀發直隸補清豐知縣調盧龍遷

貴州安順府郎岱同知擢廣州知府以忤大府引疾

歸先生宅心想處己廉講求經濟務爲有用之學其

北隅綴錄卷下

三

宦直隸所領多劇邑郎岱在萬山中苗民雜處廣東

又爲粵首郡案牘填委先生所至輒辦治前後振饑

民懲姦宄雪冤獄雖未竟其施皆有政績可紀而余

所親得之杭人者則尤信而有徵焉觀先生去清豐

四十餘年而清豐民感其德如是即可知其所以治

他邑他郡者矣嘉慶三年戊午重宴鹿鳴時年八十

二矣又二年卒娶屠氏贈恭人先卒子二佺齡修齡

皆諸生所著橋頌堂集有除臬行云郎山山頭木旌

腫上有鳴臬聲洶洶人言此鳥是鬼車聽之左右神

皆悚老夫困以貪永日至此旁皇不安席急召精夫

與健役一箭穿空墮飛翮羣苗見之笑啞啞嗚呼使君之隸毒於梟爾苗不戒覆爾巢殺虎行云郎山山中滿林蘆黃茅白草虎偃伏鋪司無事不出門胡爲虎亦噉其肉老夫聞此恨填臆強弓毒矢追適亟殺虎三十比獻特蒼皮鉤爪大府識羣苗聞之喜自得嗚呼使君之威猛於虎幸不傷人毋爾若爾詩皆郎岱時作可以見其除害保民之意耳

高司馬

司馬少與杭堇浦張柳漁受業於沈似裴先生之門討究經學書法尤適美歸田後當事聘修海甯州志

北隅綴錄卷下

无

又與王侍郎昶邵編修晉涵王太守文治修西湖志及杭州府志府志百餘卷成非一手時有牴牾因重加校訂三閱寒暑始稱完善暇日與錢嶼沙吳崑田金海住顧涑園汪槐塘姚素山崧成山施武箴陳摩邨諸老迭主文字之譙一時比爲香山洛社子樹穎實庵仁和監生考充四庫全書館謄錄有復齋集詩多純和醇粹之旨其雨泊瓜步云蟲語水聲中蕭蕭蘆荻風秋陰偏掩靄沙岸更冥濛山是隔江碧鏡從極浦紅夜闌方就枕鄉夢或先通仲子樹新字青兩官山東陽穀主簿其詩善寫情事如入夜更看新

上月將離還倚舊登樓鬢已漸蒼羞脫帽腰因屢折怕登高髯善畫山水時奚蒙泉畫名震一時不輕許可獨賞邁庵畫嘗題其剡溪山色圖云胸中浩氣筆端赴欲使蒼渾生虛明其傾倒亦至矣實庵子楨字貞甫號飲江其遠祖爲明遺老古處先生克明嘗主礪綠社高祖爲介石先生朝纓嘗讀書河渚並有畫圖藏於家梁山舟學士張仲雅大令皆中表兄弟耳擣目染無非典型工入法精鑒賞幕游大江南北屢爲諸侯上賓以長子鏡涵殉難遂反鄉間結社湖山娛情詩酒著怡硯齋詩草年垂七十殉辛酉之難鏡

北隅綴錄卷下

辛

涵字傳山諸生官江蘇布政司經歷署青浦縣事去前令酷虐之政民頌豈弟入松江府名宦志咸豐三年殉於江甯妻周氏鏡涵弟光陸妻鄒氏皆辛酉杭城再陷投井死

不盲心叟

周駿發臥陶軒集筆農近號散木又自稱不盲心叟有詩見示奉答云以筆爲耕學作農壯年拜號豈矇矓抱山門巷來今兩出郭煙雲想祖風筆農移居祖寺倪雲林晚年自號迂叟日眇尙懷鋒貫蝨舌翻應說矯猶龍不煩散木年時改松柏心堅最做冬筆農嘗同杭堇浦

太史翟晴江教授黃相圃玉階陳雪廬宋筠洲讌集
姚春漪之鶴巢卽席賦云不亞平泉勝清游侍杖藜
花繁陰照檻苔古客留題野趣延秋爽風聲雜鳥噓
幽人勤剝啄雅足稱幽棲尺只居方近招邀記亦曾
每耽文字飲不厭往來朋市隱甘初服詩才得上乘
一時成好會二老合重稱夫人蘇晚蘭一字紉九組
紉之餘開絳帳幔資其殿修用佐晨夕嘗輯明以來
烈婦奇蹟見傳記者成坤維正氣錄十卷同里桑孝
廉庭樵室姚中淑集句題其閨吟集秀云詞成璣壁
繞雲煙張引屏棄塵囂事簡編朱淑草草池塘初夢

北隅綴錄卷下

三

斷朱淑真夫人張引中郎遺棄有人傳張引板橋頭是讀
書堂花蕊夫人風靜簾虛月一牀徐媛中有縱橫詞賦客薛素
紫蕭聲徹滿天涼朱靜庵雲氣如銀拂面來鄭允
昔隨王母下蓬萊葛亞麻姑曠有煙霞骨梁玉手散
曇花徧九垓陳懿夢繞銀河槎上眠馬守金絲聲揭
翠微顛順聖太玉簫吹盡霓裳調葛亞靜埽瑤臺揖
上仙許景錢塘盧學士文弨子婦許蘭似題閨吟
集秀回文云眉掃春山遠世趨賞心興慣擷詩朕知
誰累日長吟苦窺得幾微探頷珠右漫煙霞長護彩
霓旌錦字新裁要主盟絃管和餘聲細細仙羣重見

許飛瓊右游仁和女士張秉彝題夫人課讀圖云博
觀女史姆師崇設帳傳經繡閣中勤學捲簾愁日暮
月鉤明處詠詩風書永揮毫翰墨香集成殘壁遠流
芳頻看師弟雙題錦釵韻書聲繞畫梁子印元親承
意授喜爲小詩後從翟晴江教授游學益進嘗撰西
城雜紀分紀地紀人紀文紀事四門以貧故未及刊
而歿掌錄云詩多散佚余得小迂詩一册押有名印
是其手稿中有良山野望同墓浦先生晴江夫子姚
春漪吳穀人黃玉階黃書厓孫竹虛云塵境倦周旋
寒郊曠歷涉出郭道匪遙探幽興彌愜仄徑行只且

北隅綴錄卷下

三

艮山兀東牒社祠埋荒煙斷碣擁落葉風蕭草半黃
樹古雲四浹河流市尾環峰影屋頭壓乘閒一俯瞰
野趣憩眉睫撰杖聊容與映吟庶警捷西湖顯功廟
復先梓崖公撰巨石山祭文碑秋日同人往讀其文
感作顯功廟外碑龍嵒碑文傳譏梓崖公巨石旬旬
聲欲裂羣工手擘蒼雲空五丁巨靈不敢說復修惟
有先人力平者培塿塹者填眞面煙崖喜生色湖蘋
湖藻薦神散百祀碑遭風雨蝕剝苔雖遇荷鋤翁捫
讀遺文未全識碑入上逾尺適負鋤者過岫嶮泰山
久滅磨此碑安免無差訛吁嗟事到我輩已若此再

傳我後知如何借高小泉讀書陸庵春漪以詩見寄
依韻奉答市屋居湫隘偶憩娑羅林只愛結長夏那
期逢素心疏蟬咽落日涼吹拂鳴琴珍重短絨寄遙
情深復深祇園君肯過樂事更相關午枕篆煙靜晚
風吟展閒巢鳩憐其拙硯籤笑同頑欲識相思處空
梁月照顏和春漪詠玫瑰花云筠籃曉摘趁芳時葉
葉猶含宿雨滋陌上聲喧香夢醒江南春晚畫樓知
買來穠豔人爭惜笑對徘徊我亦癡又名徘徊花只合綵
雲藏紫玉風流莫漫付軍持長女名端淑字幼端嫁
石門吳某性孝以懷母成疾天觀家信有感云一紙

北隅綴錄卷下

三

家書到開函涕淚零慈親纔早逝弱妹更伶仃誰與
歌棠鄂空懷賦鶴鴿不堪淒切處搔首步中庭寒食
浯溪道中云輕橈容與出沙灣人在溪山罨畫間回
首皋亭斜照外餘霞染得綠陰斑高低雉堞水雲遮
詰旦遙歸季子家更喜板橋門外路好風吹動白蘋
花季女名貞淑字幼貞嫁同邑范某亦早歿敬書家
大人新輯煙草小誌後老人輯柳與編蒲日注蠶魚
興不孤欲補神農經未載孽戕爲志淡芭菰縷縷春
絲細細乾荷蕾漫試破驕寒平生不學餐霞術欲把
奇書盡日看陪小迂家兄幼文二姐文淑分賦秋蟲

得絡緯冰絲夏柱響同清斷續頻教懶婦驚最是晚
涼風乍急豆花棚底一聲聲惜文淑詩無從採錄稻
孫長於詞詩不多作其題屠琴陽耶溪漁隱圖云樵
風徑外漁歌起一派清溪兩漿分真隱而今招未得
在山泉水出山雲秋瑟絃絃譜未工秋心兀兀向蘆
中生平不合江湖老擬問西溪一釣篷

簡松老人

老人張氏雲璈自言曰于寶搜神記僊佐好食松實
以遺堯堯不暇服松者簡松也受服者皆三百歲然
神仙之說某意不在是生平酷嗜袁大令趙觀察兩

北隅綴錄卷下

三

公詩袁號簡齋趙號雲松合之適符此松名遂以顏
齋少中鄉舉晚始就官選楚南安福令載期調知湘
潭爲政寬仁兼善治獄如安福湯氏子婦爲人所匿
輒轉不獲老人廉得其情檄諸湖北宜城某姓家一
訊而伏湘潭民姪欺其叔賞聞公廉明道過而訟問
其據曰有屢年寄書在姪所公曰是安肯出且隔縣
不能訊也民哀祈曰姑退五日後來乃移其人至潭
口賊供贓寄汝所有諸姪泣曰民家貧皆叔所與因
出所寄書公以叔詞示之卽叩頭服類此二事尙夥
故有青天之稱著有簡松草堂詩集二十卷蠟味小

稿五卷歸艤草一卷知還草四卷復丁老人草二卷
文集十一卷金牛湖漁唱一卷三影閣箏語四卷選
學膠言二十卷選藻八卷四寸學六卷垂綬錄十卷
文集中開濟西湖私議云西湖非遊觀地也仁錢海
三邑之水利繫焉讀樂天錢塘湖石函記知西湖滅
水一寸可溉田五十餘頃讀東坡開西湖狀知運河
可取足於湖水不致有江湖渾濁之患當日水利所
繫其鉅如此古今固同一軌也西湖之不濬者久矣
二十年來僅阮元顏檢兩中丞曾一講求而未竟其
事近則湖日益淤葑草如田權船者取道紆曲不能

北隅綴錄卷下

姜

徑達今年夏旱水且無矣地方大吏未嘗不隱憂之
獻議者動云需朱提二十餘萬當事者輒怵然中止
然考東坡開湖狀云計葑草二十五萬丈度用工
二十餘萬工當時湖環三十里後日見侵削

憲皇帝因西湖水利切繫民生

特敕確勘經巡撫黃叔琳清釐舊址實存二十二里
四分乾隆丁丑壬午閒又經勘丈爲民佔者復二里
有奇除已墾外以一里開除歸湖所存實二十一里
餘詳程教授湖山便覽迄今六十年侵佔又不知凡
幾是今之湖比宋之湖已少三分之一湖身既狹葑

草縱極滋蔓必不至加多於二十五萬丈之數卽如
東坡言亦第需工二十餘萬東坡當日開湖止費二
萬餘貫以古準今當不甚遠或今時物力不能如古
加以員弁督率及浮冒諸費亦不過三萬金或竟倍
計之四萬亦足矣何至二十餘萬之多或又言必改
築石塘若築石塘有採石捨灰立椿葦土諸務費誠
不貲不思西湖之士鬆陷俗名香灰泥勢不能載石
東坡建隄未聞用石後毀於呂惠卿至南渡重築亦
不聞用石非不知石之固也不能用耳且石塘防湖
溢也今方患涸何反虞溢溢則自有牖在何必石塘

北隅綴錄卷下

姜

開西湖與他河異他河可築壩計以土方西湖之底
不能任足必須船載用甬泥具夾草根而去之湖底
自深其草泥或仍傳於蘇隄或擇廢址而爲九仞之
山蓋湖中泥少而草多堆貯雖高一經風日所積無
幾若但貼湖之四周則經雨仍瀉入湖并資居民侵
佔之基前功棄矣雖然爲濬一時事也其切要惟賴
平時湖牖之啟閉西湖之地仰高蓄水全在乎牖仁
義禮智信五版宜立專官有私放水者嚴禁之則水
常蓄若得做錢氏撩湖兵之法量置一二百人更善
然而有治人無治法也此議實事求是非徒託空言

者特表出之梁諫庵太守贊繩嘗以移居奉東云辛
苦移居十載類筆牀硯區總隨身東頭屋轉西頭住
依舊青楊巷裏人十年之中凡四易屋尺五城南憶
往年即今古物賸青氈漫嗟半宅從人典猶勝張融
住小船朋傳來往興如何濁酒牆頭每日過聞說汪
倫情最好買鄰千萬不嫌多前輩風流足溯洞當年
煙樹已推積屬君莫負橋頭月少種垂楊多種梅湯
崖少幸故居在梅東橋有其歿也胡學士敬輓以詩
楊柳須栽幾萬條之句云許觀初續兩詩編萬斛多於湧地泉言論古人高
可抗鬢毛仙子老逾妍才華藉藉推當代儀度翩翩

北隅綴錄卷下

三

勝少年回憶小春陪杖履管絃聲是別離筵去年十月陪先
生觀劇於振綺汪舍人遠孫云從此湖山失主盟先
堂後不再見矣
生騎鶴返瑤京十年宦績留遺愛一代文章負盛名
座末叨陪情款洽樽前相憶淚縱橫幾時收拾叢殘
稿選理由來最熟精選學膠言
向未刻

秋鴻館

冷廬雜識杭州武林門內天后宮棟宇宏敞雖在城
市境極靜僻余己亥秋曾寓居於此北廂之壁有丁
見堂諸君題詞讀之想見當時文藻之盛恐日久湮
廢備錄之以貽同好秋鴻館詞調寄滿江紅并序西

湖句留有年矣秋九月同人畢集窮蓬蠟屐酒樓禪
榻遊必竟日聚必小夜會合之樂得未曾有入冬將
各散去金谿補官北上選樓赴維揚小若歸棹水丹
生返婁東九能歸吳興春穀入都門驪泉與余歸禾
中念良會之難再相與倚聲作者有七湖山戀人蒼
然雲表朔風初厲遠懷何如嘉慶戊辰十月既望丁
子復議鴻影連江卻都被西風留取肯浪擲爪痕點
點秋光輕負一月閒心鷗外遠兩湖清響尊前有悵
臨風何處覓坡翁頻搔首 展不扶穿雲走船不繫
搖風人向亂泉聲裏禪關徧叩坐到南屏鐘動處飽

北隅綴錄卷下

三

看西子妝成後問青山別後倚晴空相思否嘉興丁
子復見
室橫笛江城又攪起離愁千斛昨傾倒同岑小住濁
醪共渡夕照峰頭高下屐秋風聲裏東西屋更憑闌
不厭把新詩三過讀 誰挑得蕉林鹿誰認取柯亭
竹歎怱怱分手雲龍難逐風月且談今夕事升沈莫
向君平卜唱驪駒寒色上征衫腸迴轂仁和王崇秋
曠無多歸敗葉不容停著恰意外萍蹤三兩湖山棲
泊名字蚤從香國飲性情別向塵樊繫倚疏狂一例
結苔岑誰繩削 英靈氣王郎斫圖妙想鄱陽謹儘
瀾翻盾陷總諸牛鐸襟上酒痕淒似雨江邊帆影聞

於鶴繞天涯何處之新知渾非昨開化戴敦雁叫霜

寒已看到六回圓月天付與湖山詩酒一時清絕攜

展頻來今舊雨對牀莫辨雲泥客況連朝放棹豁雙

眸楓林色燕臺路風塵隔鴛湖畔煙波闊問茫茫

後會者番堪惜我向西州應慟哭時得東人過北

郭傷離別待重逢何處續前遊尋鷗跡錢塘汪如此

湖山能幾度良朋勝遊纔盼到酒香菱熟已是殘秋

舊雨聲消黃葉路新寒夢醒白蘋洲正風前一笛弄

淒清人倚樓東水家尚浮竹西月客還留更塞

驢衝雪遠渡蘆溝叢菊怕霜羈旅淚疏楊難縮別離

北隅綴錄卷下

三

愁把片情且付與煙波隨去舟仁和李芾芾霜風吹

落葉敲窗如雨頻喚酒燒殘紅燭已經幾度杯底破

除千載恨城頭留戀三通鼓約明朝小艇更看山西

冷路歡娛事元無數別離恨長終古算雪鴻萍水

且休回顧此去諸公須愛惜後來我輩休塵土再十

年重與證前盟煩鷗鷺照修能元棹入西泠暢好是

秋光濃候今便把杖頭錢挂聯來吟袖花港畫船人

去遠蘋洲漁笛吹來又曠空狂懷抱未消除還如舊

南屏路尋僧走萬峰頂攜樽就愛吟詩聲裏晚鐘

清透好句欲分紅葉豔遙岑已共黃花瘦奈鞭絲搖

動各天涯分襟驟代州馮振後魏滋伯翠浮關詞亦

有滿江紅一闕云城北天后宮新飾神宇謹按神姓

林世居莆之湄洲嶼五代閩王時都巡檢諱願第六

女宋太平興國四年三月二十三日生有異徵幼悟

元理既長能乘席渡海人呼神女居室三十年默與

神契既沒里人祀之著靈異江湖間宣和時路允迪

使高麗中流風大作神降於檣遂獲濟使還奏聞賜

廟號曰順濟此累朝加封號之始今仿白石為平韻

滿江紅作禁體不用水旁字歌之以當神絃松柏

靈宮恍惚見朱熹翠旄中央坐秉圭旒袞姑射丰標

北隅綴錄卷下

早

煙駕霄間通帝座雲帆杭稻轉吳艘點九天珠欵桂

旗風笙閒去璆千檣頂青鳥翺翼鮫室駕鼉橋有

兩行弓劍侍立娥媼繡帳瑤扇輝鳳藻蕙心蘭質解

龍韜頌獻琛航海至安恬神佑昭咸豐十一年秋泰

西索還宮基當事移宮於吳山三茅觀工甫成而粵

匪再陷會城新宮亦廢亂後移秋鴻館額於西牌樓

之天后宮

是一蘧廬

王乃斌紅蝠山房集蔡木龕小園入詠是一靜者意

有餘天地入懷抱可惜躬耕人未肯布衣老移月下

無人行庭前水波靜先生問梅花寫出通仙影夢禪小築

一覺小乘禪天風吹浩浩六合轉輪尻不入邯鄲道

碧雲微雨住虛堂捲簾蒼翠市美人期未來天際碧

雲合浣花洗琴筑響空階一澗鴻寒碧上有青琅玕

寸寸皆秋色古香福地訪婀娜仙峰渺何處不如此

讀書長吟桂之樹木一龕燈火明照徹詩世界來參

木居士我亦低頭拜風木坐此各黯然一葉下秋雨

記得養春雛年年燕來語遠廬之外雙桂交於簷際

下布翠雲草滿其階一葉之墜即時拾去眞綠淨不

可唾也胡書農學士翠雲草賦華豔芳莠清而不汗

北隅綴錄卷下

聖

翠色如染雲光淨鋪冉冉而沿來欲徧生生而望去

難摹箋樣拖藍袍痕讓綠鳳彩襪襪螺紋拳蹙羅浮

之羽訝飛來越鄂之被憐覆獨郁郁紛紛似雲非雲

潤派積靄暖帶斜暎如天青雨過散黛彩而煙氤最

喜風晨偏宜露夕觸石浮青醮波搖碧如靄靄春空

映蔚藍而留跡既淨淥以難唾復流英而耀芒潔癖

有契於元鎮鄙懷早消乎狄梁彌蒲葉密倒籬條長

如活雲腕底潑翠墨而流香簷荀林深梅檀香闕神

仙眉嫵釋迦螺髻拓兜羅之絲布給孤之地如翠鷲

慈雲吹一朵而清涼徧被若乃鬢光鬢影徒倚徘徊

鬪閒妝閣蹴損弓檠明月入戶春風滿懷傅無竹粉

墜有松釵如行雲人去遺翠鈿而和雨深埋如卷如

舒如裊如巖如穀之輕如綃之麗如鸞翹尾如鶻引

吭如神女之整佩如天孫之纈裳羌小草兮芸生泥

幽懷兮秋靜蘿引蔓而風敲桂著花而露冷一庭皆

金支翠鞋半畝有天光雲影煙斜霧斜三徑周遮斑

剝銅鑄空明石華裁雲翦翠興逸情賒行傍小橋河

渚來尋隱士人家惜惜門巷曲曲籬笆草香深處領

幽趣以無涯是賦清麗芊眠可爲居士寫照矣居士

性喜訪古廢園舊利壞碣殘碑往往於斷井積垣按

北隅綴錄卷下

聖

剔得之輒爲記錄壯時爲同里汪氏記室汪有別業

在山陰白鷺塘其地山水明秀極四時煙雲之勝居

士歲必數往月席琴尊野花豔目因品其甲乙取唐

人越女顏如花句名之曰如花錄易贊之前自悔綺

語舉焚其稿

貞孝行略

乾隆杭州府志列女載范貞女題旌册范允鍾女許

字黃銛未婚歿女二十一聞訃卽過門成服事翁姑

孝撫姪爲子嚴慈並濟守貞二十三年卒按道古堂

集未見貞孝傳志豈後來編集者遺之歟九章文學

之兄曰鍾字朗亭號鐵庵仁和例貢歷官刑部廣東
司郎中性好施與有告無不得官京師時舉東郊掩
骼之會至形諸夢而履其地尚有殘骨未葬且詰僧
復檢果然可謂仁誠貫徹幽冥矣有春華閣詩鈔張
文敏符藥林爲之序其辦赦暮歸紀事云喜奉
天書議減刑如山案牘詎勞形曉來一盞黃齋飯到
得歸時日已暝庚午至瓊州喜晤若谷四弟云未買
江西棹先題庾嶺詩瓊州今日到渴解數年思喜得
攜書劍無愁乏酒資論心頻剪燭不覺漏殘時若谷
名錚字憲威仁和例貢歷官廣東雷瓊道有粵游草

北隅綴錄卷下

墨

鐘之子泓字見中號慕鴻監生考授州判嘗渡河舟
壞不死因自號水餘生善指畫擅山石花竹之勝看
月憶弟云長安春夜半顧影獨盤桓不識風塵色焉
知聚合歡幽思中夜發鄉夢五更殘惟有雲閒月相
思兩地看仲子澐字滌江號學癡有未飾稿自序云
秉性以剛負氣以直教子一經交友三益非日能詩
但解塗抹遺之子孫幸存吾拙閱山早發云膈膈膈
膈雞始鳴僕夫催駕又早發露花落地凝寒霜雁字
橫空叫殘月季子潤字禮田善繪竹石溧陽寓中曉
起云曉起春已歸千金難買回離愁八九月花下懶

擊杯泓之子杜字景張號蘅洲又號小牧善畫竹石
嘗以一幅獻丁隱君龍泓報以詩曰氾露捎煙寫竹
枝殷勤爲索老夫詩恨無筠老臨溪屋相看官奴把
燭時惜年二十九卒澐之長子模字相圃號書厓嘉
慶庚申歲貢得詩法於丁龍泓沈椒園吳西林三先
生少與舒古彥紹言吳穀人錫麒姚春漪思勤項蓮
峰朝葵吳箬村錫麟稱城西六子同賦新年雜詠徵
據賅博可與南宋雜事詩並傳琴趣軒小具樹石之
勝一時名流譚謙如蘇展亭許堂厲層雲志繡柯大
巖觀郁陞宣禮周亦庵駿發倪嘉樹一攀及從兄蘅

北隅綴錄卷下

墨

洲杜弟思蔭棠分題審韻無集無詩一游於閩歸而
館於南城孫氏者二十餘年研精覃思一意著述所
據柚木書案當兩臂處稜爲之剗所著有三家詩補
攷考夏小正分箋異義國語補韋竹書詳證蜀書箋
略武林先雅皆極精核生平淡於榮利奉諱後不復
應舉卒年八十有壽花堂詩集門人李堯棟同里張
雲璈爲之序仲弟棠字思蔭有題小牧兄墨竹云籜
龍夜嘯秋風瘦渭水綠翻波浪皺曉寒鱗甲凝不飛
森聳琅玕一林秀一林秀色搖霜紋亭亭鶴立矯不
羣白雨忽捲楚天暮晴川不動湘江雲吾家小牧有

奇癖醉後技癢抽毫迫淇園千畝在胸中頃刻杖屨吐胸臆如低忽昂孤幹橫當其落筆忘經營茅堂挂處清思迴蒼茫咫尺連青冥惜年三十三歿季弟杓宇星橋號玉繩性嗜書畫能究源委家故多先世所藏舊畫因詳著姓氏尙論派別著畫載二卷模之子卽薌泉先生也名士珣號扣翁

華氏孝女節婦

孝女妙清早歲母亡躬浴其屍取水注甕中哭則出而飲之茹素十餘年坐臥恆若有見云餘杭鄒宗伯幹爲著孝烈傳惜不可得見嘉靖仁和志貞節牌在

北隅綴錄卷下

吳

師姑橋爲右衛前所千戶華容妻王氏立宏治九年旌表壽九十二今其地尙呼華家街云

閩秀李蓓荏

蓓荏詠如意池云山圍樹密咽清泉流去春光又一年漫說事多如我意眼看池月幾回圓沈心孤石山房集題女史李蓓荏西湖百詠兼慰陳紹嘉悼亡云鐵雅駮壇選竹枝風流腸斷已多時

楊廉夫選西湖竹枝詞成集

金牛勝境邀清賞重唱香閨絕妙詞綺窗依舊一燈青妝閣淒涼淚欲零料得月明風靜夜清魂仍歷十三亭碧舫閒吟往蹟空溪山如畫恨難窮自憐炊日

曾占夢遺草猶存故篋中

先室周氏有詩草今未刻

陳坤維

白樊榭山房題詩後一時和韻者甚眾倪小迂印元詩集未刊中有云日伴寒閨等故知傷離聊贈一篇詩煙雲滿眼迹隨過風雨重陽貧更悲自古折腰終後悔從今拄脊是真癡

藏書柱屋脊孟東野句

昭容題筆分明在惆悵東都買得時方雲泉騰得其詩續徵題和胡書農學士敬序云在昔詩披樊榭人記坤維以爲天上飛瓊偶留姓氏無復階前落葉重附枝柯矣不圖願愷之廚竟入方回之室蠶眠字小鴛杆詞工淒涼

北隅綴錄卷下

吳

補屋牽蘿舊家何處收拾斷機零錦故紙猶香腸枯而詠絮才存腕弱而簪花格好仙緣身後想彼妹定掌瑯嬛墨瀋行閒勞我輩幾增感喟爲廣瑤什用誌欽遲寒閨肯許姓名知難割情緣架上詩書散陳留應已久畫餘清照不勝悲卻看遺稿人何在尙欲尋蹤我亦癡珍重數行題卷尾拈毫追想繡停時沈聽篁太史錄云深閨清況有誰知朝夕披吟一卷詩柳絮才高珍舊澤桂薪炊斷引新悲傳來韻事成三絕送去窮愁了四癡簾捲西風人影瘦重陽又放菊花時錢蕙窗孝廉師曾云軼事升沈未可知幽光不泯

賴傳詩東都會感研神記南國猶聞季女悲一幅彩
箋聊遣賸牛生清玩竟成癡良朋憶到聯芳集應有
靈芸入夢時汪小米中翰遠孫云寂寞閨心一卷知
臨池親寫賸書詩窗前風雨牽蘿恨貧衰光陰輟筆
悲破甑生塵空性巧殘編惜別最情癡百年遺墨流
傳在幾度重陽遇閨時汪又村司馬适孫云寒女生
涯事可知殘編臨棄更題詩一般蠹粉飄花感略抵
離鸞別鶴悲乞米何心留券帖賣珠有恨到書癡羸
將墨瀋流餘麝復此薰香展卷時

張紗街

北隅綴錄卷下

哭

先師鄭晝人先生煜乃筠谷侍讀江之族裔也性澹
泊不務聲利工文章不樂應試居張紗街與黃薊泉
周南卿兩先生連牆比屋猶及霑龍泓隱君流風餘
韻通韻學著韻學音義詳釋百三十卷旁及繪事蘭
姿竹韻直入板橋之室迨丙隨兄受業師年已五旬
奉八十老母承歡尙如孺子年十九喪偶以兄有子
塋終身不再娶布衣蔬食喜怒不形於色廳事爲執
玉堂修潔無埃盆荷砌草位置有致嘗謂及門曰張
紗街在燈心巷中昔眉山蘇公與南豐曾公九曲觀
燈處所題紗籠擎燭紅雲燈火之句尙可想見其盛

燈心巷既訛稱登省巷則張紗燈之處久久省呼爲
張紗街正不必假張姓緝紗者以實之也題畫蘭詩
云千金之尤珍九畹荃蓀亞君子不在多得一人與
化君子貴特立混跡殊可傷一與眾草伍空谷不成
芳所南有遺法趙氏無寸土今世值承平不作猗蘭
譜愛日舒以長保護壅黃土無窮孝子思南陔吹笙
譜風蘭實異種不著塵與土託根固清高敢列香祖
譜題畫竹詩不忍牛羊觸竹萌喜他頭角露崢嶸開
窗放筆一揮寫自笑兒童慣倒棚梅風有雨散瀟瀟
曉筍當檐放一梢我謂新篁如學子出人頭地便凌

北隅綴錄卷下

哭

霄濃綠平分榆柏槐儘他風折不霑埃紛紛甲刃空
相觸灑落東坡御史臺歲寒不改青青色陰雨時吟
習習風從老一竿無所用依然直節此心空花柳春
喧鶯燕鬧稻梁謀熟雁鴻肥苦心多點纍纍實爲救
丹山老鳳饑綠陰陰地是江干不受炎歊五月寒風
露梢頭樓一角樓中翠袖倚朱闌瘦節飢腸晁補之
嗒然冷以竹爲師問他地下文夫子可是風中柳萬
絲成豐庚申城陷賊寡未擾下城師門幸無恙是冬
寓書先兄曰紛紛避亂踽踽家居寇若再來吾必爲
殉難良民不能苟活也明年城再破自縊從子筮婦

沈氏端恪公之裔孫同殉入忠義祠

移居酬和

按相圃先生移居原唱不見於壽花堂詩集集中題
余謂慈柏圃自注云先慈生辰在五月六日曾於端
午得菖蒲花遂以名堂志慶也迨慈氏見背堂額虛
懸矣壽花堂琴趣軒之外又有所謂翠雲館者集中
立夏日同玉岑招張芑堂飲翠雲館五言古詩又喜
蔣春兩來杭招姚春漪項秋鶴集翠雲館期蔣山堂
不至五言古詩又錢籜石先生寫寄水墨芝蘭爲家
嚴補壽同人集翠雲館賦詩模與于士珣亦得韻同

北隅綴錄卷下

巽

作云芝蘭思采采碧澗復丹涯重似彭錢筆珍於陸
橘懷古香流几席生趣鬱庭階奉杖新延賞良朋怡
滿齋士珣詩云蘭本爲香祖芝還茁燕胎藝滋春浦
綠採並赤松來內則曾充饌笙詩妙補咳稱觥隨我
父喜更集歐梅是可想見其移居以後之樂而補酬
和之餘也

琴趣軒雅集

余有琴趣軒鈔藏潛氏臨安志前爲芑堂徵君跋云
咸淳臨安志凡百卷世鮮傳本茲鈔乃滌江黃先生
三易寒暑所成裝成二十四册乾隆辛卯長至前五

日余遊杭寓居龍泓館先生見過珍重出示備言手
鈔辛苦今幸得告成顧君飛白書其前不欲以人間
墨汁汚之耳噫自五代以來圖籍有雕本不知得書
之艱惟前賢好學皆手自鈔校而讀書亦百倍於今
先生之手鈔是書可謂無愧前賢之讀書矣燕昌自
幼好展對是鈔覺三十年來皆虛度也於古人讀書
之法全未有合先生其有以教我矣卽爲醮墨揮灑
用報謬賞海鹽張燕昌謹識按黃模壽花堂集有飛
白書歌贈海鹽張芑堂卽邀丁魯齋松老同作云狀
若微雲抹秋河空明蕩漾橫素波又如香鑪之峰煙

北隅綴錄卷下

辛

乍起春風嫋嫋吹不已快曳吳門一匹練交光舞亂
劍仙劍翩翩金翅下丹霄繆繞玉麟騰翠激我疑後
世已無蕭子雲况復能過王右軍張公笑捲一幅惠
云是昔賢變楷制非草非篆非入分蔡中郎過鴻都
門偶見匠人施塋帚正如渾脫舞公孫創奇留此雲
煙跡掣紐波磔飛而白分明畫理悟同源一筆水分
三面石臨池辛苦十年成那顧紛紛世眼驚君不見
東吳顧文學君不聞灑西杜少陵清辭翠墨相映發
酒酣耳熱看吾能感公意氣爲三歎重之奚啻錦繡
段我詩不直山陰道士籠中鵝試請雙丁一爲主客

歌如何時世堂高此詩正此時所作也按琴趣軒巖

時當不止數會壽花堂集中載清明後一日分得聲

字韻云連日泥春酒招要總舊盟軒開橫綠綺節好

又清明燕語穿花軟茶煙颺竹清分吟張壁壘律整

靜無聲又吳穀人汪橘田項蓮峰秋鶴集琴趣軒期

姚春漪不至以日暮碧雲合分韻得碧字云一揮綠

綺琴載詠白玉石情與遠嵐浮思如春草積寶唾炯

在紙煙華已知夕送客出柴門溪聲暗流碧又婦弟

項玉岑朝榮至自揚州晚飲琴趣軒有作云酌酒與

婦飲酒勝俗客對況有眼中人荷衣蕙為帶別來今

北隅綴錄卷下

五

幾時綠草薤已再古稱會面難景光各自愛好風吹

月來竹影掃庭內安可不盡觴綠窗清榻在特補錄

之以誌雅集

秋江采魚圖題跋

清尊集尙有薌泉屬題秋江采魚圖吳仲雲振棫云

十五五五蚌蟻舟長又巨網江中流寫上三尺好東

絹晴窗風捲菰蒲秋青山頗似富春渚或者龐老魚

梁洲煙驅墨染歷畫史龍泓山人詩弟子一朝去隨

赤鱗公畫亦變化神靈通但有門前一江水漁樵夜

逐潮聲東幾年宛轉求始得歸我鄆謹拜大德繼兒

拍手笑癡頑此豈飢寒可衣食展卷摩挲三太息此

意兒童當省識君不見老漁一醉無他愛世守青莢

貧不賣趙雲門刺史或云為感池塘夢因留翰墨綠

百年文獻合一卷畫圖傳得失本無定子孫誰象賢

舊家池館在多少付雲煙屠修伯大使秉云鑿禮精

鑒藏傳家數誰某金題與玉軸轉瞬他人手黃荃有

後身妙繪不師受當年春草夢好句引園柳風流忽

易歇人亡琴則壽儻假長吉年不落山濤後雖兄痛

鶴原詩卷積寸厚畫與人俱仙靈筆發廚取韻事傳

竹林詩老識黃九悄然念先澤還珠尋解后隱德闡

北隅綴錄卷下

五

王濟名叔庶無負還硯侈佳譚吉光亦不朽延津劍

雖分故物瓊同守羣兒笑相語嗜獨此迂叟將無裏

藥杵抑用覆醬瓶吾家舊藏藝往亦珍敝帚析薪慚

負荷墮甌顧何有豈其雀鼠耗壯哉老蟬口更憶圖

仙山慘澹十載从藏舟遽移壑屐篋隨之走讀君秋

江圖使我益自咎何年趙壁歸還乞詩一首徐培文

學的云珍重臨風展畫圖畫中彷彿見倪迂我懷欲

翦吳淞水解卻清饒一膾鱸漁弟漁兄樂有餘蘆花

深處阿誰居騎驢人去秋江冷賸得孤雲自展舒張

仲甫中翰應昌調摸魚兒云一蓬兒釣船不繫生涯

如奇鷗點老漁自有忘筌意煙雲偶然驅染雲冉冉
是畫筆通靈也學蘋波閃澄江黯淡賸淺水寒蘆清
秋好月長觸海桑感 人間事原有還珠合劍先疇
遺韻能念竹林俊侶騷壇主雲想海懷何減重點檢
喜無恙家山蟹舍漁莊占相看未厭共西塞山前吾
家蓑笠斜雨樣春纜項蓮生孝廉鴻祚前調云染空
青垂垂細柳柳絲繫夢多少釣竿欲拂珊瑚樹忍向
江湖終老留畫稿有詞客關情淚滿池塘草煙昏露
曉怪妙筆通靈飛鴻一去難認舊時爪 誰收拾錦
軸籤題尙好竹林小阮重到易珪還硯尋常事翰墨

北隅綴錄卷下

垂

西緣易了休懊惱記出水芙蓉曾寫黃荃照遺蹤未
杏情漁弟漁兄尋消問息相見共傾倒墨荷立軸似
曾到眼當爲

作合結一重
餘墨緣也

北隅綴錄續錄敘

光緒戊戌旅寓杭州之竹竿巷實為城之北隅時方暮春偕二三友緩步陟石梁臨清流入梵寺蔭茂林又或徘徊荒徑叢莽間尋殘碑斷碣剔苔蘚辨其髣髴以求古人遺跡亦閒居一樂也錢塘丁松生先生以所著北隅綴錄二錄屬校讎譌脫展而誦之綴錄一循黃氏扣翁掌錄條目之舊補其缺畧續錄則因時而增者也自

宸翰恩綸之所昭沛忠孝大節之所留遺喬木之故家神佛之靈異前賢逸士之流風餘韻下及一事一

北隅綴錄續錄序

一

技一名一物洪纖畢備蓋北城一隅足資徵考者如此其多先生博搜廣誌又如此其富也凡人之情當其安常處順名流勝地習而若忘不自知其難逢而可貴也及乎時移境遷追維曩雖草木禽魚之細皆不能無所觸於懷抱若其已失而復得之或不能盡得俯仰今昔流連感歎殆不自知其何以然者扣翁生當

宣宗之朝海內晏安富庶康樂優游井里之中著為掌錄以存文獻其意盡於其言先生閱庚辛兩盛之餘粵難既平躬理善後重起廢墜凡一時人事所能

為者靡不舉矣而又大懼蕩焉泯焉者之將無以繫後人憑眺望古之思也於是述舊聞採近事一篇之中俯仰今昔流連感歎如不自勝非所謂不知何以然而然者歟三十年為一世今先生成書之日距黃氏六十有二年世續世書續書後有覽者作者其同斯情焉否耶長沙張潛萬

北隅綴錄續錄序

二

蕪泉黃先生北隅掌錄上卷三十條下卷二十六條
載里中文獻及坊巷寺院成於道光丁酉刊於振綺
汪氏歲久版殘武林掌故叢編既爲重雕矣先是道
光壬辰余生於麒麟街龐氏實北隅也六七歲時隨
先君朔旦謁里社從先兄昕夕游鄉塾凡錄中諸境
靡不親涉後雖遷居中城而請業師長起居母姨猶
時時歷之正不必思故鄉而問明月試十步而尋芳
草也自庚辛再劫滄桑變更遼鶴重歸但見城郭不
惟間坊故第蕩爲燹灰卽先生流風餘韻亦在彷彿
閒已可不懼乎暇時泛覽羣籍追憶舊聞載依前目

北隅綴錄續錄自序

一

賡其墜遺名曰綴錄更廣遺緒若地若人若文若事
條仍舊貫名曰續錄上溯成書適周花甲噫天人相
感今昔同視雖曰小錄豈偶然哉光緒丁酉元月松
存丁丙自識

錢塘丁丙松存氏述

萬壽宮

萬壽宮卽鐵柱宮在武林門內大街康熙初年魏李
子禮記曰淨明忠孝許旌陽真君自晉太康迄今一
千七百六十九年其道益光位之都仙詔改觀爲宮
天子往往敕祀修廢誠辭冲下其禮甚尊重至咒水
理病屠巨蟒蝮蛟樹鐵柱下施八索及設七靖以鎮
安民害驅役風霆其用極神而怪於是世人徒炫惑
於真君得神仙異術通符禁服氣鍊形鑄凝使物遂

北隅續錄卷上

一

能變化從心掀動天地以消滅邪誕然真君所學之
道則惟根于忠孝忠孝者貫天地古今而成神化者
也故曰本立而道生夫神與入之道一仙道與治世
之道亦一何者務本安百姓而已真君之爲旌陽令
也其聽訟必先教民以忠孝慈仁忍慎勤儉親賢遠
姦去貪戢暴女師謨母曰昔孝悌王化度人世陳示
孝道吾復受孝道明王之法亦以孝爲本吾當授子
又謂真君師吳猛曰今孝道明王之道獨許君得傳
君當反師之也及真君歸舊隱作入寶訓曰忠孝廉
謹寬裕容忍其將冲舉也教人行善立功以致神仙

又謂弟子曰汝等但能遵行孝道利物濟民何患無

報耶由是觀之真君之所受與所以教人行事率原
本忠孝務安元元有合於聖王設官分治禦大災捍
大患則祀之典豈得方諸二氏異端之教悖聖賢之
道者同類而並觀乎而其面折王敦逆謀屠巨蟒時
以小蟒未有顯罪不遽誅甯須其後又有合于罪人
不孥者嗚呼故爲可尙也矣真君居江西於江西禦
災捍患之功大故江西人奉之特虔然其澤常覆露
蜀與江左蓋真君忠孝慈仁之道隨遇而施非江西
一區所得私也吾江西劉公曉官浙江藩參捐俸特

北隅續錄卷上

二

建萬壽宮於杭州之武林門內以祀真君夫真君力
遏水孽以衛民今杭州尤澤國也公其欲真君之靈
以鎮安浙民於世乎且廣其舍廬庖湔具備俾江人
客斯土者得以假館焉又所以惠桑梓也公初觀察
粵西招降賊亂出兩粵之民於水火而登諸衽席其
治浙也廢舉弊革浙民安利之所行與真君同道易
曰同聲相應同氣相求斯宮也真君其必妥此而式
靈矣後雍正間都轉熊公嘉慶間陳兆奎曹樹業處
州守徐以軒縣貳尹陳浩與曹莖先後重修咸豐辛
酉燬於寇同治甲戌方伯盧定勳又重建

武林門

成化志杭城舊有十三門惟餘杭門在北不得出居人之樁以朝廷恩澤自北而來由此入門示潔掃以奉至尊也况旅樞自外方來反容之入耶康熙志武林門城堞共三百六十三每堞高六尺長一丈八尺共計長六百五十三丈四尺明萬厯閒巡按御史李邦華建大有倉於武林門月城康熙閒改儲南米舊厰六閒每儲穀八百石後倉廢賃爲米行屯棧貿易如雲云嘉靖三十四年徐海引寇數萬掠塘棲鎮郡城戒嚴撫軍慮奔突至急下令閉各門郊關士女不

北隅續錄卷上

三

得入者號泣城下提學副使阮鶚監守斯門議開納之郡官與諸將校有難色鶚曰今所患者倉卒寇至難過也吾有以待之則何害遂先閉內門啟外門左進輜重右進婦女童穉其男子徒手者不得與約月城將滿即閉外城啟內門人之計進輜重婦穉一二時許始專進男子如前法又恐其爭相蹂踐則令四五十人跪爲一隊以次令起譁者答之進男子二三刻已復進輜重婦穉如初午即遣兵卒更番就食而自飯於馬上即啟申閉凡四五日所全活者數十萬人今立祠郭外祀報其德猶憶咸豐十年二月十九

日粵賊犯杭立刻閉城賊遂移聚錢塘門外由西湖繞江干而艮山門外賊未大擾城中士女入東河船者無慮數萬額啟艮山水門以出生路郡守將啟鑰而疑畏不果越二日清波門陷居民殉者不下十萬又一日民自啟水門船而出者轉至數十萬賊亦無如何也危急存亡之秋安得如阮公之通權達變哉

武林門內風景

王穉登客越志云萬厯丙寅五月十七日入關泊德勝壩買一巾車從武林門入風景大畧似兩都人家門外悉是冬青樹憶讀杭州志云洪武閒都指揮徐

北隅續錄卷上

四

司馬所栽今有如拱者當猶是其舊植蒼翠鱗鱗屋瓦盡碧畧如山家青霽人從樹裏行不見赤日小樓黑戶副以短扉緯蕭作垣加墁其上門門金像奉浮屠氏甚崇每慧鏡不戢即千家爲墟故臨安大火非一燎矣婦人低鬟胡粉傅面都作女郎妝小兒白雪椎髻甚多美少年蓋山川清淑生人韶秀亦如吳中然也

寶浙局

談遷棗林雜俎錢爐浙江二十座不註局之所在雍正八年建寶浙錢局於仁和縣義同二圖割祖山寺

地爲之其石砌圍牆外尙有南無阿彌陀佛石刻成
化十七年歲次辛丑十月吉日發心弟子湯賢同室
朱氏男口口立可證也局前豎牌坊中爲爐神廟青
選堂左右貯錢庫東則收貯鉛銅房左設鑄爐五座
曰寶裕昇平世五號右亦鑄爐五座曰泉流富有年
五號外則環以營房六所棲巡查兵役乾隆五年浙
撫盧公焯修葺改編爐號曰帝德乾坤大皇恩雨露
深凡十字劫後銅運停園法廢局基鞠爲茂草矣

桑孝子坊

旌門錄後載臨川李紱撰敕贈承德郎工部屯田司

北隅續錄卷上

五

主事桑君墓表曰君先世居餘姚唐時有仲才公諱
憲保者有功德於民鄉人神祀之君始祖也曾祖諱
景明祖諱得祥父諱貴卿並不仕君諱天顯字文侯
生而凝重愛端坐年十三喪母父患反胃疾君棄書
冊治生以養羶肉爲糜或鎔羊脂以進百方求所以
宜胃者父疾延數歲始卒孝聲聞里閭有語孝行者
必曰何如桑郎小壽或父母訶其子不順者必曰獨
不聞桑小壽之養親疾耶小壽君小字也旣冠學書
計精數學勇於爲義鄉望益高康熙十有三年逆藩
耿精忠反連海寇犯浙東海塢震動咸圍練入保君

所居鄉推君爲練長辭以少不聽乃率眾誓於仲才
公廟曰吾祖神靈以相佑然非信賞必罰神不據我
也眾皆曰諾一夕寇果至率眾往拒見神亦盛服立
馬交衢賊大駭不戰而散咸謂君精誠足以通神明
益奮勵竟事無警聞其才者欲延入幕府或請授以
武職卒謝不應旣而曰吾遂無所濟於人乎試治醫
方卽精遂遊錢塘寓居焉治疾奇中有求必往卒之
夕來哭者塞庭後至者立雨中不去聲載路皆其藥
所活者也生平以去邱墓爲歉歲必歸餘姚省視卒
之後十月七日調元等遵遺命葬君於餘姚之大塘

北隅續錄卷上

六

南廟路港與先壘相望以成君志云君生於順治十
二年十月得壽七十有九娶妻張氏繼娶王氏子二
其次曰鼎元孫男六人女二人乾隆元年贈君如子
調元官按孝子居城東大樹巷鬻簞爲業父病翻
胃日必熬肉粥以進父死乃日夜抱鐻而泣子發甫
水部爲繪抱鐻圖徧乞題詠丁敬云人生失怙情難
述况復親存抱奇疾通腸入胃百不能除卻鐻糜無
異術豚糜羊糜漸謝功子心如沸一鐻中明明親在
養不得豈待暴魚撓木風宛轉親亡腸欲裂思見團
團煮糜纖抱鐻哭絕咽無聲啾啾有耳鐻應泣詩爲

當日傳誦孝子石坊則在觀橋大路也內立祠春秋祀焉調元字伊佐號汝甫雍正癸丑

召試通知生理

賜進士官工部屯田司主事薦試博學鴻詞府志入儒林傳鼎元字東愚以父年老棄學治生令伯得極意於學雖未嘗馳騁場屋熟於編年之史上自黃帝以訖勝國得失成敗之故目可親手可指也左手三指甲長而不翦積三十年盈尺有餘寸世目爲長甲翁精於醫世人求其治病多有驗然未嘗取利於時也調元子繩篋字軒竹又號虎竹錢塘學生年十三

北隅續錄卷上

七

父病危延醫診視跪而雨泣求審良方既而母病瘳終夜侍側不忍離聞喘聲即繞牀走經年不懈著菲泉書屋學語繩球字夔石號青桐錢塘學生少穎慧交河王公視浙學問禾士鳥鼠名繩球時未成童從讌集以爾雅鳥名鷓鼠名鷓對眾訝終軍不是過既長浸淫典籍覃研不倦嘗主周南院諸弟子執經請益有叩皆鳴無不饜飮而去會其父議建孝勇公坊祠經營未就因節齋修脯以襄其事繩篋子庭樞字典林號雲柯乾隆乙卯舉人劫後祠已傾圮光緒癸巳春夏厚菴比部集資修葺並籌款以供歲修祭

祀之費迨厚菴服官京師余爲之經紀焉

斜橋

斜橋滄祐志在餘杭門裏東有普慧院舊名能仁治平二年改額普慧周益公嘗於乾道庚寅六月丁丑權寓斯院奏事錄云庚辰春亦館此主僧善倫相別十餘年矣按原注普慧院俗呼北寺今則尙稱北菴趙世顯芝圃叢說紹興間斜橋客邸有請紫姑者命鰲爲題詩云寒巖雪壓松枝折班班剝盡青蚪血運斤巧匠舞削成劍脊半開魚尾裂五湖仙子多奇致欲駕仙舟探仙穴碧雲不動曉山橫數聲搖落江天

北隅續錄卷上

八

月地極幽秀河水清漣高人逸士多相結廬乾隆歲貢鄒袖湖先生紳嘗居焉幼奉磁州君諱侍繼母歸里母爲山陰胡稚威先生女孫博通經史稟承慈訓復奉父執梁山舟學士爲師所學益邃年二十肄業成均歷襄陝甘閩粵學幕西登華山南游羅浮又參汪勤僖公軍事游歷所至輒有題詠長子淦字鐵樵嘉慶丁卯舉人官山東莘縣令除姦剔弊惠政孔多解組歸勘經證史著掌故舌學考槐陰雜著鐵樵文稿次志路字義衢號仲虎性耿介文如龍門孤桐百尺無枝汪瑟庵主試得其卷歎爲名宿已置魁選復

以小疵見遺汪留視浙學遂舉優行貢成均鐸甯海
兩入李芝齡史望之尙書學幕晚主講梅青書院從
學之士多致通顯次志初號栗園道光丁酉舉人與
鐵樵仲虎兩兄自相師友詩古文詞力追唐賢矩範
胡書農學士以館閣期之敬脩堂選刊諸作尤足津
逮後學鄉舉後考取國子監學正學錄貧不能留京
歸而課徒晚選西安教諭有墨稼穡齋稿稿中有古
藤書屋詩社圖記入武林城不百步稍折而南曰斜
橋河沿有屋數椽丁亥之夏家大人率子若婦自北
墅徙居於此廳事之傍曰古藤書屋以院植藤花一

北隅續錄卷上

九

本近百年物因取竹垞翁舊額顏之也青陽告謝朱
明肇授花瓏瓏而表色葉蓁蓁以擢莖大人周覽庭
隅怡顏發詠首用竹垞集中韻成七古一章兄仲繼
之翼日同人來咸集花下促膝談承聯吟趣豪亦各
用竹垞韻成詩共若干首大人曰俯仰光景流連翰
墨情之所至道亦存焉今日之會少長咸集賓主勿
愆詩人清談并隻雞而不設良友入座覺林鳥之並
歡與前賢爲唱酬作文字之知己韻事也亦古懷也
不可勿識於是圖而藏之圖中凡十人大人自爲社
主兄仲侍焉曰吾師吳良石先生鑒曰蔡木龕樵曰

蔣琴溪

梅

曰俞浣花

薪

曰魏雨人

謙

曰鍾笑溪

榮

曰

邵位西

辰

曰吳繼園

理

時道光戊子夏四月繪圖者

吳小艾瀾也志路狷齋遺稿有紫藤花歌用竹垞老

人集古藤書屋再踐梁孝廉韻一雨能釀春萬卉遞

蒙引庭前紫藤花枝葉散道緊縛材架作棚恍若車

接軫牡丹圍雕欄芍藥種芳畛何如此花高擎空勢

嶙嶙鬚髯垂龍光滑鱗脫繁細纈繡夾初懸旒斷

珠寶蔭地弓三餘去天尺五近欲折愁仙梯聞香破

禪忍或酒盞浮蠹或茶鐺歌蚓徜徉於花閒紫府暫

容隱孤根已半死腐敗結芝菌其材又支離弱不中

簾筍而乃天年全夭矯態無窘坐令耽花人賦詩墨

頻吮一唱紫雲迴凡曲盡堪哂惟愁顛風狂花旛護

須謹更當召花神蹂躪去羣蠢翠幄遮深沈玉縑掛

平準紫誥頒瑤宮藤壽卜詹尹

金檜門總憲

金冬心題馬詩馬尾搖風春日暄花前花後杏花繁

愛他蹀躞京城裏騎過吾家兩狀元一爲兩叔侍郎

姓一爲檜門總憲也總憲名德瑛字汝白號慕齋原

籍休寧遷仁和居中正橋河沿雍正丙午舉於鄉乾

隆丙辰薦應鴻博未試先成大魁授修撰通籍二十

北隅續錄卷上

十

有七年分校北闈者一典試江閩者四視學江西山東順天考一總裁會試者一遭際聖明斯文任衡尺者無虛歲雖未膺封疆民社之寄而騶從所經嘗奏請加振鄒滕之飢宜復黃河故道並得

溫旨性孝友置義田建宗祠鄉人重之著檜門詩存四卷同學錢陳羣序於前門人鉛山蔣士銓跋於後總憲少時爲禾中汪鶴桴先生館甥汪居范湖富藏書因得恣其漁獵讀書有精識後徙居秀水至今猶鼎盛云

北隅續錄卷上

士

迴龍橋福神廟

康熙仁和志迴龍橋卽小新莊橋宋王同祖迴龍橋望駕詩云迴龍橋上望龍顏毅采英英瞻仰難須信吾皇自神武何憂中國不尊安兩行衛士錦宮袍萬歲聲常徹九皋過盡羽旄風細細彩雲不動御爐高蓋駕因朝祭景靈宮而瞻望時作也橋坳福神廟祀郭汾陽王廟前大銀杏樹數百年物見周駿發臥陶軒詩注而吳穀人祭酒有正味齋文集云杭州仁和縣西新莊橋有汾陽王廟不知何時建也嘉慶甲子里人重修葺之屬爲記竊謂王則始平關內轉戰西

陲未嘗渡江而東何與報功之典豈張許之忠義吾郡可以並禪李郭之勳名西湖亦當同祀乎不知唐之國祚王復興之唐之天下亦王再造之惟河隴之櫓槍旣埽斯江淮之兵革無聞故當安史鳴張戎羌豕突四方雲擾三吳宴然迨至銀河洗兵鐵券中誓論其績固以其經營乎西北隆其報正因其保障乎東南也智勇功名古今罕比將相富貴壽考圖畫以爲神仙此其量無勿包神無勿燭所以方隅咸秩圓首同欽亦如江湖之報賽乎靈胥宇宙之丞嘗乎漢壽也廟修於甲子某月日畢功於某月日規模式廓

北隅續錄卷上

士

丹曠斯新先覺遠同乎任聖嘉慶八年阮中丞改建三祠移祀王於先覺堂神旗大署乎令公尸祝不祧我敬是救時之良弼工歌來格人謂爲度世之福星云碑文三千餘言今但節其要畧爾咸豐十一年冬杭城再陷萬戶皆灰陳錦江居近神社母則老病妻則孱弱於夜閒默禱於神埋鏹於廟質明負母挈妻出於危城及同治三年賊遁城復還家私尋藏鏹安然不失乃新其廟神之福佑有如是哉

陸氏三鳳五鳳

錢塘陸運昌初名鳴勳與弟鳴時鳴燧相友愛先後

舉於鄉有三鳳齊鳴之稱運昌字夢鶴萬厯甲戌進士知永豐吉水二縣天啟七年六月所在飢饉陳撫字八條上可其奏下部議著西江治譜凡六子曰圻培培垣埜埜圻早天世又號五鳳圻字麗京號景宜拔貢生性孝友學淵茂崇禎開文社起執牛耳者婁江張溥也溥卒圻往會葬賦五言長律一時傳誦著威鳳堂文集晚年牽連史禍得釋棄家遠游不知所終朱竹垞謂訪澹公於丹霞精舍轉入武當爲道士或云爲僧嶺南名天龍洪昉思答友云君問西冷陸講山飄然瓶鉢不知還乘雲或作孤飛鶴來往天台

北隅續錄卷上

三

雁宕閒曝書亭集爲其子冠周進士寅作零丁徧訪天下終莫能得培字鯤庭少負俊才行誼修謹崇禎己卯舉於鄉明年成進士授行人父卒自留都奔赴長跪靈前嚙臂流血聲淚俱下甲申十月以行人副吏科熊汝霖祭奠淮瀋將復命南都覆急歸謀保鄉土知路王降入桐鳴賦絕命詩云誰謂朝廷一命輕行人使節本皇明春秋官敘諸侯上周禮班從司馬名雍國尚慚收采石荆胥無計泣秦兵蕩陰徒有湔衣血烈帝孤臣恨未平遂縊死年二十八有旃鳳堂集子繁昭字拒石行人殉節才十齡奉母陳晨昏色

養尤工駢體著善卷堂集藝林誦之培字梯霞生時有文在手曰才人長負文望教授經學莊氏僞史獄起事涉其兄圻乃走京師力爲營救自就獄得釋浙撫張公鵬副延主萬松書院親執弟子禮以見一時從游者甚眾著白鳳堂集年八十三卒毛奇齡爲撰墓誌子豐字杜南經義推鉅手孫嘉穎字大田號恂齋雍正癸丑進士出桐城方先生望溪之門經學著述必與商推始定官至詹事府左中允又孫秩字賓之號抑齋年十一補弟子員雍正己酉以五經舉於鄉考授中書乾隆己未二甲一名進士與兄嘉穎先

北隅續錄卷上

四

後同列清班厯官工科給事中曾孫名輔字佐之嘉穎之子也候選知縣嘗修江西南豐縣志垣字紫躔詩文無傳埜字左城廩生有丹鳳堂集爲文沈博絕麗因家中落遠游幕府橫浦道中憶諸兄云乍分四鳥翻前向五羊城地接蠻煙近天連嶺霧平旅愁多短夢離緒念諸兄回首關山遠因風寄客情詞意真切動人以兄紫躔之散徙也復推與共之張步青遺孤無所倚爲飲食教誨之卒年四十四府志入文苑傳其曾孫宗楷字健先號鳧川雍正元年鄉舉第一旋成進士是科有記名進士十七員

命在各館効力若行走勤慎學問好者仍拔爲翰林
宗楷充景山官學教習三年授翰林院檢討充

日講起居注官乾隆四年擢國子監司業遷司經局
洗馬復充

日講起居注官七年丁母憂服闋以原官候補翰林
院重葺落成

聖駕臨幸羣臣分韻賦詩宗楷與焉十一年補司經
局洗馬升國子祭酒十八年疏言順天鄉試錄科直
隸生員向由學政錄送貢監由國子監錄送近科貢
監有赴監考錄者亦有學政錄送者請飭部畫一辦

北隅續錄卷上

五

理部議直隸貢監在監肄業者由監錄送其在籍者
應由學政錄送三十年授兵部右侍郎次年調吏左
充會試副考官遷兵部尙書管理國子監事務
賜紫禁城騎馬三十二年充三通館副總裁奏言下
五旗包衣人等自裁去義學讀書應考無階請每旗
各設額缺十名附入國子監官學再向設有義學時
包衣人等准考繙繹生員文生員中書筆帖式監生
等項今請照滿洲蒙古漢軍之例一體與考又查八
旗學生錢糧係由本旗養育兵項下動撥下五旗包
衣佐領下並無養育兵無項可撥增額之後但准應

考不必給與錢糧下軍機大臣議行三十三年充順
天鄉試正考官十月充

經筵講官三十四年三月奏言文廟向設祭器皆木
瓷等物收存南北園房有廟戶十三名看守今自發
帑興脩復

頒周朝法物十件玉磬二件及添修禮器樂器雜項
等物均金銀銅錫數千餘件敬存庫藏惟廟戶不敷
看守應請添設步甲十二名輪班巡邏並請交提督
衙門飭令步軍校等巡查堆發守護牆垣柵欄以肅
觀瞻如所請行四月充殿試讀卷官七月調禮部尙

北隅續錄卷上

六

書三十六年京察以原品致仕十二月
賜三班九老宴遊香山並令畫工繪圖宗楷與致仕
九老之例三十八年卒右見耆獻類徵按武林雜錄
李紱贈陸梯霞先生詩云武林何所遇寂寞于雲廬
迴轍孩兒巷傳經故老居亡書三篋在危齒八旬餘
一握欣聯座琅琅尙說書或謂五鳳初皆居南菴而
梯霞之白鳳堂實近孩兒巷卽西文昌閣亦與南菴
咫尺陸大司馬之第則確在南菴之側也大司馬姪
燦字補梅左城之元孫乾隆庚辰進士仕吏曹劉文
正公方總銓政極爲倚重歷官廣西潯州知府

戒善廟

戒善廟在龍興寺側或謂即戒壇基壇音墀轉善之譌也今爲土穀神祠據張氏子春武林神祇考云神氏仰諱忻本錢塘吳越王妃仰氏之族也忻字天賦永嘉人力學以篤行稱年五十餘執母喪盡孝躬自負土廬於墓側有慈烏白竹之瑞紹聖中郡守楊蟠表其里大觀二年以入行取士郡以忻應詔未幾特贈將仕郎神之祠於此者豈因錢王以頗眩伽寶置龍興寺佛髻其妃亦頻施功德神當體其徽懿爲寺檀越寺僧奉之爲伽藍歟

北隅續錄卷上

七

金對峰僉事茅華堂

金亞伯廷尉應麟撰族祖僉事公狀曰公諱應奎字拱宸號對峰嘉靖丁酉舉於鄉癸丑成進士授吏部文選司主事時嚴相嵩用事新進者例當拜謁門下公不往以是浮沈輦下十年不調嵩敗改河南道監察御史又出爲山東按察司僉事隆慶中河屢決奉命巡諸隄晝夜不息尙書朱衡重其才奏公勤敏得遷四川按察使尋以失察鐫級爲僉事有太監馮保家人某者故川人倚勢侵佔諸吏皆不敢問公杖之階下曰爲語而主金僉事非庸懦人也保聞之怒巡

按劉某懼甚劾公剛愎幾不測里中人官於朝者爲

之剖晰遂以原銜予休嗚呼當有明中榮權相閣寺表裏爲姦雖名相如高文端申文定輩尙不能稍挫其鋒公官不過四品又屬疏遠外臣獨能於唯唯諾諾之時慨然以鋤姦爲己任方之周新之杖錦衣張需之笞杖卒豈是過哉惜乎阿諛成風直道必黜而公竟以山林閒散之身老矣既歸里與族兄編修璐文學珊族姪中丞學曾共結吟社於孤山之麓又於城北南湖之右建立別業同年生茅侍郎瓚書茅華堂以贈之門栽楊柳屋繞梅花與宋張功甫玉照叢

北隅續錄卷上

八

奎後先相映堂之偏曰桐華吟榭其左曰冷石軒爲陳中丞洪濛所書堂之後曰仁月樓爲公自書竹聲環影嘯傲其中視軒冕若秕糠置榮辱於不問數年卒葬西湖仁壽山元配沈氏繼配邢氏均封淑人長子仲錫南京工部主事次子仲曉仁和縣學生皆歿無嗣耐葬公下廷尉既亡名賢爲傳爲頌爲祠記爲墓表墓銘而鎮洋彭兆孫中江何盛期上元馬沅則撰茅華堂記建寧張際亮同里龔自珍則撰冷石軒記大興李雲章則記桐華吟榭皆載金氏世德紀中國老衲

街以陳素菴相國之遴得名素菴弟之暹字次公號定菴自海甯遷居郡城梅東高橋父祖苞宦轍所至多隨侍焉凡中原人物奇絕山水及關外混同長白厯厯能言之事母孝極愉婉之誠中崇禎丙子應天舉人當順治時縣掾舞文受賕創升地議每一畝升爲十畝司牧者惑其說力行之定菴慨然曰司牧者不知措紳遠宦不及告小民欲告而無從害何時能己乃草數千言陳之當事遂免斯議子七人長敦永字離期號學山順治乙未進士由翰林厯官工部尙書諡文和次仲永字昌期號海山由庠生考授州同

北隅續錄卷上

充

知次廣永字宏期號朗山太學生考授州同知次成永字元期號儀山康熙辛未進士甲戌翰林次恭永字綏期號景山太學生考授州同知次慈永字貞期號博山官監生授內閣辦事中書舍人次祺永字瑩期國子監典籍厯官貴州思南府知府其同居者爲任齋太守謙字廷益簡齋宗伯之第六子也虛止靜默攻苦力學由拔貢就教甯海謁選得員外郎擢郎中迴翔戶刑二部爲京江相國新城司寇所引重有劇務輒委任之出爲山東萊州知府其後子姓蕃衍地以人傳劫火之餘雖蕩爲灰燼而街名仍不絕人

口云嘉慶初先祖掌六府君嘗居是街慕先世顯公藏書八千卷有言曰吾聚書多矣必有好學者爲吾子孫遂作小樓乞梁山舟學士題額八千卷樓竹舟先兄實生其地先君子旋遷居麒麟街故屋遂典於盧抱經學士之後人云

嫦娥街

嫦娥街不見志載居其地者惟顧涑園太守光邵省吾孝廉增爲眾所知街有明光菴始因地以名耳明吳用先復慧雲寺碑記清畝周界東抵營南界長和巷西許田北負睥睨是嫦娥明時名長和及按潛氏

北隅續錄卷上

辛

臨安志行在贍軍激賞酒庫所大庫十三天宗庫之清庫在天宗門裏度以地位正在其間長和者賞庫之譌稱後又譌作嫦娥猶之潘葑酒庫故址在小橋橋南稱大和巷小和巷亦大庫小庫之譌耳

錢方伯

錢方伯琦字相人一字湘菴號嶼沙晚號耕石老人仁和人乾隆丁巳進士厯官福建布政使有澄碧齋詩鈔方伯之祖禹侯名世英嘗載米十餘艘過巢湖已泊矣而大風起湖中他客舟盡覆禹侯募人拯一生者予米十石死者予五石聞者皆踴躍全活無算

而舟中米爲之一空鄰婦劉氏一日夢有大官張軒
蓋掖一兒傳呼入室嗒日誤矣尚在左壁人喧馬騰
都往錢氏屋及旦婦來告夢語未竟而方伯生卒年
八十二歸田後居一畝田賦詩云積歲頻叨 錫類
恩版輿今得奉晨昏池開硯北窗臨水橋近梅東路
似村有酒連宵邀弟妹采蘭是處領兒孫天教消受
清閒福車馬紛紛莫到門夢醒前塵四十年舊時游
釣故依然三閒自葺藏書屋一畝天留負郭田未免
有情枯樹賦不須多費小山篇無端兩足差強健錯
惹人呼地上仙

北隅續錄卷上

三

孩兒巷陸放翁寓

乾道志左二廂保和坊甄街巷康熙仁和志甄街巷
又名孩兒巷宋時售泥孩兒者在此故名渭南文集
淳熙十六年四月二十六日車駕幸景靈宮予以禮
部郎兼膳部校察賜公卿食訖事作假會陵陽韓籍
寄松陵集來云東都舊本也欣然讀之時寓甄街巷
街南小宅之南樓劔南詩稿夜歸甄街巷書事云近
坊鎧火如晝明十里東風吹市聲遠坊寂寂門盡閉
只有煙月無人行誰家小樓歌惱儂餘響縹渺縈簾
籠苦心自古乏真賞此恨畧與吾曹同歸來空齋臥

淒冷燈前病骨癭嶸影獨吟古調遣誰聽聊與梅花
分夜永按前有初到行在詩云六十之年又四年也
騎瘦馬趁朝天之句其後有還都云西湖隔城門放
浪輪白鷗又夜歸云疾馳沿河隄不知幾坊曲到家
四鄰寂往往睡已熟天香餘裊裊佛燈猶煜煜中庭
雖一席緩步本已足寒犬吠荆扉棲鵲起叢竹市聲
從北來始覺非林谷當亦在寓中作也其後有己酉
元日詩數首又後卽夜歸甄街巷書事詩放翁時年
六十五歲是歲還越已在冬季寓甄街巷者竟一歲
耳又臨安春雨初霽云世味年來薄似紗誰令騎馬

北隅續錄卷上

三

客京華小樓一夜聽春雨深巷明朝買杏花矮紙斜
行閒作草晴窗細乳戲分茶素衣莫起風塵歎猶及
清明可到家此詩作於夜歸甄街之前三年雖不詳
寓之所在年時不遠舊寓重來度以情事疑亦作於
此地也泥孩兒見於武林舊事七夕節物泥孩兒號
摩睺羅製極精巧有飾以金珠者許斐梅屋四稿泥
孩兒云牧瀆一塊泥裝塑恣華侈所恨肌體微金珠
載不起雙罩紅紗廚嬌立瓶花底少婦初嘗酸一玩
一心喜潛乞大士靈生子願如爾豈知貧家兒呱呱
瘦於鬼弄臥橋巷閒誰或顧生死人賤不如泥三歎

而已矣金張玠老編年詩康熙癸酉秋闈試畢歸家
解嘲云形貌雖衰心尙孩喧喧一例選場回三年消
繳三場吉三箇膠泥蠟燭臺注係孩兒巷泥人鋪支
應按孩兒巷泥人鋪歷宋元明而不廢今已寂然矣
卽膠泥燭臺亦復停給此數詩不特斯巷舊聞抑亦
秋闈故事也

雙陳衙

吳允嘉武林耆舊集陳洪範字錫卿仁和人與弟洪
濛同登嘉靖辛丑進士授工部都水司主事治呂梁
呂梁之險最爲行旅患洪範鑿惡石二十處濬其淺

北隅續錄卷上

三

流舟乃得安行又蠲去商舟緡錢往來者稱便備兵
四川威茂二州宣布威信羌人懾服卒年五十六陳
洪濛字元卿與兄洪範同舉進士授刑部主事出知
河南彰德府歷山西左參政晉都察院右副都御史
巡撫貴州兼督川東湖北諸軍務施州蠻黃中叛穆
宗命偕川湖二鎮合師討平之又定叛賊楊珂之亂
未幾以疾乞歸朝議以前後戰功賜白金文綺者三
年方五十餘杜門養病以圖史自娛武林所稱雙陳
是也賜進士第南京太常寺少卿吳遵撰明故四川
按察司副使華山陳公神道碑墓在臬亭山麓賜進

士出身都察院右副都御史兩京大理太僕寺卿王
世貞撰明故進階通議大夫都察院右副都御史抑
菴陳公墓志銘墓在荆山洪範二子舉謨益謨洪濛
子三禹謨夔謨契謨而禹謨爲萬曆丁丑進士官刑
部左侍郎贈尙書契謨萬曆己酉舉人

吳王府石獅

乾道志吳王府在後洋街今山子巷有王衙園通竹
竿巷地頗寬平當屬吳王府園址而吳興古城陰草
堂詩三支巷有二石獅埋土中相傳宋吳后家故物
賦之云獅埋荒草半敲斜此是光堯帝后家濯足冷

北隅續錄卷上

三

泉亭上去前朝戚遇愛煙霞力贊中興闔德優遺經
太學苦雕鏤宸衷倦灑中宮續一樣鍾王筆法適南
遷第一舊門楣鵲樓連浴鳳池朱鳥歌殘飛白雁
不須重問上林枝荆棘銅駝事可傷故宮冷落奉空
王一雙古巷躡門獸留與行人話夕陽考憲聖慈烈
吳太后宅咸淳志在州橋東豈先立府於斯地耶抑
兩地各建耶俟再考之

高氏世德

沈赤然五硯齋文集高公廷三傳云公諱士楨山陰
梅里人早孤而貧與寡母弱弟居從其鄉人之服賈

青業於杭抗距越僅隔一江嘗往來潔旦夕旨甘之奉致怡怡之樂不數年母棄養念所業惟杭土宜始卜居於泥孩兒巷留其弟守墳墓歲時渡江拜掃望松楸泣數行下又慨同產異居相對不忍別蓋天性然也幼既失學中年頗悔恨有告以古人一善言一善行心維而口誦必力行之始已與人處心不設城府口不為雌黃怡然藹然愠怒胥泯有鄰家屋將傾謀以木措之而正當其門礙出入咸謂弗可許笑曰不能助之新更速其壞也脫不虞安知被壓者非吾與若耶卒許之又數為輕薄子所侮後其人無俚甚

北隅續錄卷上

姜

來稱貸慨然應所求而無德色人以是咸呼為高佛兒云弟早死有二子皆翼而長之遇老疾者乞食而手自付與視他丐獨多曰吾敬其老矜其疾也年七十五無疾終長子宗元亦沈赤然傳云君諱宗元字伯揚號愚亭天性孤峭於諸書多所涉獵獨不喜舉子業與人亦鑿柄罕合以家業客吳門日多好飲少德往往觸冒人人以此厭之年四十夢亡父持杖擊之曰年爾許尙沈酣若是耶遽驚悟自是不復霑涓滴孤峭之性亦漸變和平惟以施予貧乏為事嘗夜行見巷門有雉經者探胸尙溫急負之歸灌以薑汁

遂甦詢之曰吾某家僕也因徵租途次失番銀八枚歸無以自白故引決耳君惻然如所失之數與之去明日同寓者知之駭曰君所為誠善苟不活奈何君惟一笑而已乾隆丁未江南歲歉乏食蘇州尤甚是時山東河南皆有截漕之請遂上書藩司李公亦求入奏詞意款備李公聽其言而壯之事雖不行吳人咸稱其義已而君年益高願益大謂京師江南浙之嘉興皆有普濟堂而杭州獨無遽捐買地於桐井巷投牒撫軍吉公慶吉公陞粵督去事遂寢君乃削髮走京師乞吳祭酒錫麒為募疏徧謁貴人朱文正珪

北隅續錄卷上

姜

曰此固儒者事也蓋反初服當徐圖之未幾阮公元來撫浙君投牒如前公高其義方與鹽院藩司籌畫君乃棄前地復捐買地宅於中正橋大街次第建屋規模初備阮公手書孝義可風以旌之迨嘉慶十五年秋葉農部道傳翰已資集嵯業始克成就撫軍以首倡自君一以堂事委辭不獲命竟以勞致疾卒年七十有三初君考存時每以宗祠未建為憾歿後若干年君獨任其責自購地至畢務凡用錢五百餘萬且以營普濟堂之故歿之日無餘財胡學士敬崇雅堂集挽之詩云吾翁年少何風流樂府解唱伊涼州

吾翁年高樂爲善散盡家財心不倦縮衣節食勉力行爲善如此非好名口碑在人且姑置請爲吾翁談逸事愁風胡雪天黃昏有客雉經當翁門瞥然見之心不驚摸尙微溫負而入從容療救竟再生其事險絕談猶驚嗚呼趨避世誠巧意外災生誰自保翁今死矣翁善存哭翁不如婚翁門宗元弟宗文字廣鏞號竹澗姚椿通藝閣文集有墓志銘摘其畧云君少有膽識饒膂力贈君故居積命君與兩兄分道出買君獨任其遠往來山左者二十年天性篤摯遭親喪哀慕如孺子焉服既除遇忌日必素衣冠加葛帶慘

北隅續錄卷上

七

容竟日春秋祭墓裴回不忍離終其身如是處兄弟聞一以推讓長兄宗元以好施故儲蓄一空君能體其志遇有義舉必傾貲成之生平未嘗一謁官府交游之顯達者亦不喜見無華美之飾無豪侈之樂子孫遵其教咸尙敦樸嘗爲家訓數十條有日事父母孝非言語可喻當從心坎中流出曰欲教子孫先在自己身立標準曰衾影外惟婦最近欲不惑其言當先持之以正又曰覺而不改下流之漸曰生計在寬厚不在刻薄曰處世去其自賢自是氣象君之所訓於倫紀日用推明曲暢此尤其切而要者以行賈少輟

學晚歲頗好觀書兼喜郭景純術登涉不辭勞瘁擇地葬親故之無主者若干家其貧不能舉喪得君助而成事者不可勝計年七十六嘉慶二十三年十月十三日卒第三子鳳臺字越垞亦姚椿爲之傳略曰君體極弱手足常拘攣母王宜人晝夜撫摩之既入塾捉筆作書猶顛不已然於學無所不好嘉慶十二年以府學生舉浙江鄉試兩赴禮部試不利就職員外郎旋改內閣中書學習行走充順天鄉試外簾官協辦漢本堂事務充內廷方畧館書校奏派軍機處漢檔房又派本衙門撰文制誥皆出其手公餘日以課徒爲事未嘗一出遊或言高舍人非獲餼不給者何自苦若是君答曰身心宜有拘束此吾父所命也在閣期滿將銓會長兄卒計至悲號不自勝念封君老卽乞歸省時太傅歙縣曹公領閣務頗慰留之君不應比抵家而封君已病旋於是冬捐館舍君自是家居養母不復有仕宦意居恆好賓客嗜吟詠門人子弟朝夕問難主講於潛之桃源海昌之仰山書院諸生感其善教焉家事一委於弟不問羸縮日手一編閒以淺酒小詩自樂卒年六十有七其弟鳳墀字芝檢曾就小試贈公止令服賈中歲承伯父伯陽

北隅續錄卷上

七

公之教力行善事自道光迄咸豐初收瘞暴露棺殮貧飢凡三十餘年又散貲爲卹接之舉捐地以建義倉振粥以濟歉歲焚逋負之券鑿茅山之泉仁風所扇閭里庇之性儉約好堪輿之書著有範俗良言咸豐登極

詔舉孝廉方正大吏擬以君名應力辭不就胡孟紳比部其宅相也有詩十二章頌其德載聽香齋集所居卽前明雙陳故第竹澗翁初遷居時有異香發於空屋三日不絕鄰人識爲佳兆足徵明德之遠矣

張公祠

北隅續錄卷上

无

張公祠在孩兒巷東鄰麒麟街後抵大和巷祠祀張公伯笏其子張溥萬附祀公字子搢湖南長沙人咸豐庚申二月粵賊之陷杭州也公方官浙江布政司照磨題絕命詞於壁曰身未入鳳池兮負先人之所期手未握虎符兮慚幹濟之無知雖隸薇垣之微職兮實

皇命之所逮夙旣嗟乎苟免兮今臨難其焉辭企燕中之北闕兮心耿耿以長悲望湘上之白雲兮魂渺渺以遄歸念吾長子之殉節於三河兮與李中丞迪庵丁運使篁村相追隨今吾灑碧血於武林兮命

吾長子爲前驅屬吾季子以自勛兮絲忠孝之家聲於勿衰書竟率家丁巷戰死之先是公長子溥萬以諸生從戎與丁篁村運使銳義同領義字營湘勇隨李忠武續賓勦賊咸豐戊午十月在安徽舒城縣三河鎮陣亡詞中所謂命爲前驅者也又按公季子濬萬所爲行述公父諱延閣嘉道閒耆宿學者稱麓門先生官內閣中書協辦侍讀公殉難時老母在湘故有鳳池白雲句光緒己卯余與應敏齋閣學寶時金少伯樞部曰修暨里中諸君公呈於前撫部梅公啓照 奏請建祠附祀列入祀典奉

北隅續錄卷上

三

旨俞允因經費艱難又閱二十年復由其家屬集貲始克在於孩兒巷購基營建告成祠之正廳奉粟主爲棲神之所前爲川堂再前爲堂堂左右爲房再前爲門門外地寬平前臨街爲照牆牆左右門曰成仁曰取義取義門之內側爲室四閒以居司看守灑掃者其正廳之後西室三閒爲祭畢燕息之所再西庖廚在焉祠工之興余子立中實爲董其役并手植柏六株於階下柯如青銅根如石後彫之節其視斯乎公墓在萬松嶺下長橋之側有石碑亭碑摹刻絕命詞全章墓門石柱攸縣劉壽琦題聯云一水結比鄰

今古相望前有岳于後彭左萬松齊擁護磅礴之氣
下爲河嶽上日星附誌於此

法輪寺

魏滋伯廣文謙升撰碑云寺於後唐長興時建在城
東湯鎮額曰觀音後改安國宋大中祥符間改法輪
見潛氏臨安志寺有明正統殘碑僅存數十字於湯
鎮之潮齧殿基改建約畧可辨 國朝道光十六年
寺僧湛明見大雄寶殿及地藏殿之將圯也謀於里
中重建而山門內有小徑達觀巷行者稱便蒙不潔
而過佛前者踵相接湛明心非之而弱難以禁且力

北隅續錄卷上

三

不足不能買地闢途居數載憂懣成疾二十八年夏
病且不支里人乃延雲軒上人繼主寺席湛明肩息
心安泊然而化雲軒嗣席之後雨水成災積垣盡圯
韋馱殿壞於雪壓雲軒矢願於韋馱尊者誓以減食
損年竭誠募貲復興耆紳協助牆與屋皆得再新而
於寺右買高張田三姓屋地別開一徑廣六尺長二
十丈有奇以達觀巷請當事立案基其舊路繚以周
垣腥穢不侵山門晝靜湛明未了之願雲軒一旦完
之語云莫爲之前雖美弗彰莫爲之後雖盛弗傳使
非雲軒道力堅固有志竟成何能完湛明未了之願

乎可謂難能矣余爲記且頌之曰象教不替常轉法
輪興爲樓閣廢成荆榛興廢相尋陵谷遷徙湯鎮昔
基觀橋今址山門以內闌入民居清淨道場淪爲穢
墟閣黎闕焉繚垣周固置地闌巷一時成路依然古
刹塵俗不霑鐘魚靜謐金碧莊嚴劫始實難踵行非
易前輝後光視吾斯記劫後陳子發孝廉銛後記云
居安上人續雲軒長老慧鑑重建法輪禪刹于劫火
之餘土木丹雘既竟厥工而故碑不可得走湯鎮求
之又不可得曾臆愾塞逢人而諮適高子肖山於故
紙堆中得一帖卽曩魏君謙升所撰重修記也持以

北隅續錄卷上

三

歸上人而記中所謂正統殘碑者終不可得余按嘉
靖仁和志寺舊在郡城東湯鎮五代錢氏時龜法師
建觀音寺後唐長興改安國宋大中祥符賜額法輪
後以江水衝激徙建城中雲陽萬如叟撰碑記又按
武林梵志明永樂十八年潮齧殿基僧至恂改建今
所然則所謂正統殘碑者其卽萬氏所撰歟非與是
未可知矣又上人聞之故老云龜法師有四徒後衍
爲東西南北四房祥符中之智光實演講法華賜易
今名其世次無可考若徙建之至恂則傳自南房者
也其時又有梵僧行腳來此充門頭二十餘年了無

色相比入涅槃頓示靈蹟雖法號已佚亦茲寺之尙
堪旁證者乎書缺有閒法錄中微泊乎 國朝則有
重創之湛明踵行之雲軒如前記云云者爲上人先
導矣夫一寺之廢興何關世教余獨慨兵燹以來荒
榛四塞高門盛族蕩爲秋煙卽有一二賢似續克恢
前業而別營華屋棄舊如遺或且遺爲餅僮蔥肆之
墟夫非猶是釣游之故址乎其視居安之所爲何如
也岷興之豪華無門籍郎君官貴行馬頓施而清閨
之賢宮嚴沈之廡寺轉得容醉隸悍卒蹀躞其中并
有僦值占居提兒挈婦雜豚柵雜糞閒廁而莫之

北隅續錄卷上

畫

禁者其視雲軒之所爲又何如也豈吾道之大公固
非若彼教之霑霑自喜歟嘻異矣爰爲之核其緣起
探其趣向灑筆記之補摹魏君之文而竟居安之志

寶極觀

寶極觀舊名元元菴在觀橋西北元延祐五年道士
張無爲創建汪月海蔡原眞開拓之以接雲水張正
常書額明成化十八年勅賜寶極觀太子詹事兼翰
林學士安成彭華撰記云成化辛丑春大德顯靈宮
宏道真人呂師道亨奏杭州元元菴臣之師周思得
發身之所至人異士接踵其間赤腳張亦留宿月餘

臣師介直清修精五雷法太宗皇帝召至京師親試
其能深加獎勵建大將廟居之扈從北征効勞尤多
凡祈雨陽祛妖邪癘疫靡不響應宣宗皇帝改廟爲
大德觀封臣師爲履和養素崇教宏道高士管道錄
司事爲朝天宮大德觀住持景泰庚午乞歸老元元
菴年九十三以終訃聞遣行人許篪諭祭追號闡法
通靈真人出其門以顯者不下百餘人而臣荷蒙皇
上獎資尤厚臣不敢昧所自請大其菴乞賜額制曰
可其改爲寶極觀道亨稽首拜命請遣其徒道錄司
左至靈陳應禱齋資稟往興事詔馳驛往且飭鎮守

北隅續錄卷上

畫

太監張公慶助其役明年壬寅夏四月朔始落成中
爲祐聖殿左爲崇恩殿右爲隆恩殿後爲太清閣其
前爲四將殿繚以門垣翼以廊廡覆碑有亭庖湍度
藏有所其像設崇巖棟宇宏壯采繪鮮麗巍然煥然
矣仍作元元菴於周眞人墓右買田二十畝供歲時
祀事擇賢主之俾世世不得鬻人皆稱名眞人可謂
敦崇其本者眞人曰秋毫皆上之賜也請予文以昭
示永久仰惟賜名之義大矣深矣夫易有太極焉書
有皇極焉易論天道之原書言人道之備也夫聖人
能全乎太極有中正仁義之德則皇極以建而眾人

能歸於皇極無偏陂反側之私則亦不悖於太極矣
太極未嘗不寓於人道中皇極未始不以大道爲本
道固無二也極指道之極至而言耳老氏之教大率
教民相安相忘而無爲無爭順乎自然之道也後世
爲其徒者乃是有祈禱祛除之術則亦以天人鬼神
之相爲流通故爾道固無乎不在也噫誠使習其教
者皆清心寡欲珍重乎道而不忽保守乎道而無違
亦足以裨治化而資利濟矣呂真人得其師傳益闡
其道必有以昌其後以副聖朝崇重之意哉杭州府
志周思得字養真別字素庵錢塘人行靈官法先知

北隅續錄卷上

美

禍福太宗北征召扈從數試不爽鞭虎先驅敵賊潰
炎途尸穢禱雪覆之六軍大悅乃命祀靈官神於宮
城西靈官藤像上護之於東海朝夕崇祀所征必載
以行及金河川昇不可動問之對曰上帝畫界止此
已而果有榆川之役思得歷事五朝還山尸解年九
十三謚弘道真人敕葬八盤嶺著有宏道集觀有十
景鳳陽苗衷丘南賈愚會稽陳贊慈湖江山各有題
詠載之嘉靖仁和志里中秦邦福繼詠孤雲訪道一
卷老子書靜領無爲趣抽簪叩雲關只恐雲攔住赤
脚談元汗脚一尺三不履亦不蹻衝口寓元機泉流

而風發蒼松雲鶴松髯蒼何疏鶴髮白且潔道人術
長生髯修髮如漆玉沼金鱗石闌環方塘波影浮碧
玉物理悟悠然鱗鱗三十六祖庭秋月圓靈證道心
涼爽沁仙骨何煩申法師御風游月窟觀橋春水長
虹吸春水門前綠無垢倦眼讀南華漱齒禮北斗仙
閣朝霞霞帔加星冠曾膺紫泥召紅牆紺宇閒榮光
先照耀環林夕照瑤草接琪花春長不知老背首看
西山夕陽無限好石壇丹桂天香落瑤臺仙風澹秋
味所寶惟不貪卻識金銀氣元圃緝桃幾叢灼灼華
和露分天上瞬息三十年蟠桃作供養咸豐紀元魏

北隅續錄卷上

美

訓導謙升撰重建三清殿碑銘曰書洪範錫汝保極
鄭康成曰又賜女以守中之道說文寶徐錯曰人所
保也古文寶作保是保極卽寶極故唐王勃乾元殿
頌曰皇圖寶極又靈寶本元經四人天外曰三清境
亦名三天太真經聖登玉清真登三清仙登太清道
家三清殿豈其所自來邪浙江會城義同坊西北有
寶極觀舊名元元庵勅自元延祐五年迨明永樂開
真人周思得詔徵扈駕有功始擴而大之賜額寶極
觀中殿曰祐聖左右殿曰崇恩隆恩前殿以奉四將
後爲太清閣其高切雲爲錫福延釐之所 國朝康

熙七年閣燬於火惟中殿前殿歸然尙存而閣基澤瓦礫者且百餘年觀主施養性矢願復興有朱君鳳鳴者中歲好道老而彌篤與史君逸泉并力合謀於所業銖積寸累多歷年載益以外募卽太清閣基建三清殿而以餘力修葺舊殿崇闕壯麗煥然改觀蓋經始于道光壬寅歲告成於甲辰之冬計費白金一萬兩有奇是役也立願始於施養性任勞集貲賴有史君而克遂其宏願者亦朱君一心向道所致也自元延祐五年戊午距今道光二十四年甲辰計五百二十七年矣廢而復興三人之道心堅固有志竟成

北隅續錄卷上

耄

蓋深合鄭氏守中之訓吁可尙已乃爲銘曰虎林北隅琳宮一區始基元代鼎盛明初大起宏規嘉名肇錫人有其寶皇建其極眾妙之門羣真之庭潤以風雨鼓以雷霆中遭鬱攸焦土敗瓦經百餘年後有興者峩峩瑤闕宛宛雕梁愕眙遠邇胸轉低昂井鉞參旗雲窗霧閣中有至人延年勿藥室虛生白楹拱流丹廓其有容高不勝寒蒼松有聲白鶴無語天風鏘然步虛引去仙居玉樓帝留瓊館爰清爰靜旣魏旣煥舊觀頓復新宮落成我銘茲殿媿山元卿觀之庭中石亭覆碑爲明景泰二年翰林侍講東海徐瑄撰

故沖虛居士輓詩序沖虛居士者吾里費子正甫也居士平生悅乎道家之言故以沖虛自號於其卒也薦紳大夫聞而爲詩以哀輓之者累數十篇其子彥昇彙次成什而以爲詩必有其序也來請序之余以鄉誼之重諾焉或曰居士何爲者而薦紳大人咸爲之詩以哀輓之吾子又爲之序之曰富者也富者則曷爲乎詩又曷爲乎序曰非徒富也蓋富而好禮者也樂善者也何以知其好禮樂善也曰居士之富也不爲豪俠不爲勢圖又不爲自封殖計約乎已而厚乎人故其家力可玉以爲食也而甘於蔬茹可錦以爲

北隅續錄卷上

耄

衣也而恬於布素可乘堅策肥也而安於徒步非好禮能然乎且其以已之足而念人之不足也以已之無苦而念人之苦也故遇夫寒者而必衣之遇夫飢者而必食之乏絕者必周之姻而不能畢者助之畢喪而不能舉者助之舉非樂善能然乎曰然則其人固可詩而傳歟曰奚爲其不可也昔子貢問富而無驕何如夫子謂未若富而好禮者至於善人者之不可得見又夫子之所興歎也今之時其去夫子之時亦遠矣世道之降也人心之漓也亦甚矣於是而有人焉庶幾乎好禮樂善者詩而傳之奚爲其不可也

問者唯唯而退遂筆之以序淮南高穀輓詩云不向
東吳隱口峰卻來京國寄行蹤閒中作善心無倦靜
裏口禪意頗濃世事浮雲兼野鶴夜臺寒月伴孤松
何須楚些招魂起應有穹碑寫德容吳郡俞士悅詩
云踏破江湖載夢舟九京何處赴仙游花開茂苑非
前日鶴去華台又一秋風雨不禁口屋老雲山空閣
漆鐙愁綠槐高柳東城路鄰遠無聲水自流姑蘇陳
鑑詩云紫口口口白玉樓羽禽口口作仙游百年富
貴春如夢千古存亡草自秋口口月口爰鶴口口口
雲散海天愁口口五色口口筆高誼清風口口州瀟

北隅續錄卷上

弄

安商輅詩云南北山口口口顛龍蚪入夢兩茫然口
頭金玉口口亡用架上詩書口有傳自許清名口眾口
更看逸德契前賢吳山山下棲魂處芳草斜陽鎖斷
煙

天長寺

天長寺晉天福四年吳越錢氏所勅宋大中祥符閒
賜天長淨心額自宋迄明屢有興廢咸豐庚申之閒
寺燬於粵賊光緒七年住持茂春重建仁和張大昌
撰碑文曰杭城之乾隅有寺曰天長殿開麗慶壇宇
戒深萃律雲護巍煥霞舉過之者輒嘖嘖稱道宜和

尙而後茂春法師繼居首座時所經度營脩者聞之
師定慧性具專精道凝德孚飛潛行飭律範洵近世
耆宿之宗俗姓包氏年十二祝髮海昌興福庵夙根
了然微旨遠闡詣昭慶正念脩和尙壇受具足戒時
道光十九年也正道宜主持天長興復古蹟之際越
四年師爲報國寺知客僧又三年見昆峰倫和尙大
相器重遂授以法咸豐末浙西罹劫師柳栗餅鉢脩
然出鋒鏑叢佛云道力深常有天人擁護信乎難平
而天長已圯敗鞠爲瓦礫師撫道宜之墜緒愀然於
懷同治六年慨任兼拂發大誓願於荒蕪榛莽中卒

北隅續錄卷上

罕

瘡拏荼力持三寶就振宗風鳩工庀材規畫丹漆者
久之及同治十二年而天王殿成光緒七年而大雄
殿成法堂僧寮逮乎庖福次第咸具曩者法系繁衍
支派析居俱附於寺如正定庵保福院九曲山房法
濟院者歷劫成墟師爰度基址悉以入寺俾好古家
之過訪嘻美哉湖山之有斯刹也非師之踵事增華
曷由與道宜如是相輝映耶而師之意願有欲然者
考寺爲晉天福四年錢氏所勅建宋大中祥符閒賜
天長淨心額賜僧道漸紫衣咸治元年住僧雅福重
建鐘樓方丈亦賜紫於朝廣寶詠高宗幸寺中之詩

俱藏什爲一代掌故元延祐開天花感講經而墜迺
建閣稱龍華明洪武景泰中住持普甯日福先後開
講席於茲天順六年夏公時正撰文以記之萬厯閒
宗圓并龍眠所繪接引佛同勒石於寺崇禎閒提學
樊公良樞嘗賦詩書額爲廣訊引年之祝 國朝里
人則有顧大觀鍾世亮世俊蘭繼友陳爾琳姚元瑛
諸君力扶龍象乾隆閒天濤法師大振宗風守紀和
尙繼之道法日隆嘉道以來自道宜和尙來主斯寺
載修清規禪衲雲輦殿宇煥七寶之裝檀栴說三乘
之法承其衣鉢咸守宗旨無少違武林古設戒壇首

北隅續錄卷上

聖

龍興次昭慶與天長爲鼎足兵燹後設壇者惟雲棲
仙林海潮諸寺茲當架鐘吼聲宿仆盡起師以爲梵
律揚而後祖教延戒典宣而後初心導丹勦彩聖一
新我佛之廬難與緒微言永新我佛之法則尤難此
念堅守蓋已厯僧臘五十有六戒臘四十有八法臘
四十有二未嘗須臾忘也及示疾乃以囑嗣法普慶
上人斯怛然化普慶重違遺意以牖啟善知識於是
膜拜乎殿之前居息乎寮之下者仰師所經畫營建
罔弗歡喜讚歎知三昧宗旨與斯寺俱永垂於無量
無極而茂春之志於是遂而道宜之靈於是慰迨遺

像之來自越中其相印證於冥漠者信而有徵矣爰
爲銘曰檀欒竹竿巷闢達衢珠玉璀璨彈指精廬石
鏡異人肇開龍象義股廣場斧削程匠淨心律律賜
額鞏基迄乎南渡顧祐祝禩花散藥宮運廣長舌現
壽者相蓮開火宅我 朝定宇護國安禪道公復古
鐘魚誦宣霞起芝栴煙滃瓔珞心清妙香國適彼樂
上企乾嘉振乎道咸都人士女膜拜華嚴蠢動潢池
風輪劫扇鹽官禪宗法輪手轉釋網更張垂二十年
貞固幹事楹構鮮妍雙松之軒九曲之院瞿夷晨集
優曇夕獻萬拱不騫貝葉妙詮法筏廣渡西來意傳

北隅續錄卷上

聖

嗣禪承薪攝心善繼眞界加持龕童樂詣宏結法緣
鹿苑瓊葩皆大歡喜佛圖孔遐維天久道用長無極
永鎮江鄉鐫茲貞石長沙張濬萬撰記曰圖天下之
功者必有貞固之心成天下之務者必有堅苦之力
夫知其難而不爲與爲之憚其難而輒止伊古以來
廢者之不能興墜者之不能舉罔不以此可勝歎哉
余觀茂上人之復天長寺可感也已杭州天長寺肇
自晉天福時宋大中祥符閒賜天長淨心寺額其主
僧道漸寶月先後賜紫衣元延祐時有僧講法華經
天花紛降因復建龍華閣以誌之自是至 國朝代

有高行僧曰普甯曰日福曰廣訊壽百有三歲曰天
清曰守約曰道宜皆以彼法中善知識爲時宗仰咸
豐辛酉粵賊之亂杭州陷寺燬焉逮杭城旣復茂上
人慨然思重新之披榛刈蕪依故址樹櫺構崇垣墉
塗丹雘拮据經度疲其心神瘁其筋力而寺始有成
何其難也向使其難而不爲憚其難而輒止則猶
是穢莽之所叢蟲蛇之所窟焉而已耳安有是輪奐
照耀也哉茂上人之弟子普慶能誦其法嚴其道以
張其師說昔朱子憂道之衰以爲性質剛明多不能
屈心以蒙世俗之塵垢而藏身於二氏故佛之徒大

北隅續錄卷上

聖

有人在豈不信歟杭有篤行君子曰丁君竹舟童年
多疾嘗以道宜爲師又嘗以其太夫人命飯僧於是
不期而會者千餘眾先是有某氏子揭通衢期某日
於昭慶寺設千人齋一夕忽逝僧之往者及門闔如
也因盡來天長當時以爲深得佛緣今年九月杪獨
步至寺寺僧方自越中樞道宜遺像來遂伏地而拜
拜已徘徊者久之喟然曰始吾親見道公今而如見
道公矣始吾見寺之成而忽燬今而見寺之燬而復
成矣歸甫十日倏化去噫異哉佛氏之所謂因緣者
其不如是哉寺工始於同治六年某月日訖於光緒

七年某月日凡十有五年爲堂廡樓閣寮室若干楹
計糜金錢若干萬備書之著其難也是年臘八日

德孝廟

廟在觀巷志乘未載神姓全諱琮字子璜吳郡錢塘
人爲奮威校尉遷偏將軍黃武中遷綏南將軍進封
錢塘侯假節領九江太守徙東安太守黃龍初遷衛
將軍左護軍徐州牧尙主赤烏末遷右大司馬左軍
師事蹟具吳志本傳父柔漢靈帝時舉孝廉補尙書
郎右丞董卓之亂棄官歸州辟別駕從事孫策到吳
柔舉兵先附表柔爲丹陽都尉孫權爲車騎將軍以

北隅續錄卷上

聖

柔爲長史徙桂陽太守嘗使琮齎米數千斛至吳市
易琮至皆散用空船而回頓首曰所市非急而士大
夫方有倒懸之患故使振贖時中州士人避亂而南
依琮居者以百數傾家濟給及還牛渚過錢塘修祭
墳墓請會邑人知舊宗族六親施惠千有餘萬本土
爲榮然謙虛接士貌無驕色小子吳孫權外孫封都
鄉侯全祖望結琦亭文集桂陽二十有七世諱權宋
太平興國中進士累官侍御史父中書令大賢吳越
時掌國政乃由錢塘遷鄞之桓谿其時權之弟興亦
遷越之東浦越六世則理宗之母度宗之后福王之

妃皆出全氏又夢梁錄后戚府下全皇后宅在豐禾坊南原賜家廟五室及祭器儀物每四孟祭享給以御廚兵治祭饌太常寺差奉常官行贊相禮仍差主管官影堂使臣及兵級守之以子孫世領祠事按神德於鄉孝於親故稱德孝疊封偏與綏南衛將軍故廟號如是豈肇自吳越閒至南宋立后戚家廟時而增崇歟或宋亡戚畹廟廢觀巷前後元明閒皆屬衛地土人因神曾封衛將軍而移祀歟更待質之考古者

報恩光孝觀

北隅續錄卷上

聖

今孩兒巷有報恩院明代昌化伯邵林故居尙稱報恩里是也其院之後爲三角地民居錯雜地通觀巷又有德孝廟考其故址皆報恩光孝觀也咸淳臨安志觀在報恩坊清泰四年錢氏建舊號開元宮國朝景德四年改景德觀崇甯二年改崇甯萬壽觀賜鹽官縣田一千畝政和三年改天甯萬壽觀建徽宗皇帝本命殿紹興七年改報恩廣孝觀十三年賜今額專以追崇徽宗皇帝香火紹定三年得旨蠲其賦咸淳四年重建鐘樓雲堂兩廡按雪坡姚舍人文集重修觀記云觀唐開元宮也聖宋章聖朝改景德道君

改崇甯萬壽 又改崇甯曰天甯光堯六龍南飛永言孝思追念罔極詔天下立報恩光孝觀以奉佑陵神御在京以天甯萬壽爲之紹興十有六年春正月也觀舊基最廣厥後侵爲民居爲御廚兵營由是遂狹至今營有碑誌可攷不誣中興百年觀之棟宇日就傾毀上凌旁震靡奠厥居羽褐黃冠無所於息上念前朝奉先追孝之地弗可聽圯迺於淳祐十年秋八月以龍翔宮履和齋高士九江曹大通禱禱屢應命主觀事師至慨然以修復爲己任請於大尹節齋趙公與憲公聽從之鳩工度材不一年傾者扶毀者葺堂廬殿廡丹耀碧粲食息用具靡細弗舉又念四方雲鶴之士至京者惟天慶報恩二觀可憩慮無以續食復請於大尹得楮五萬五千有奇買仁和德清閒田五十餘畝歲收粟五十餘石復觀西屋一所月可餼十千以佐蔬糲由是供給不乏集徒如雲規制日宏矣方觀未修復時人以難告師處難以易赤手奮立地闢而廣屋增而闕田益而裕寡以眾虛以盈可不謂能哉神而明之存乎其人然後知天下無不可爲之事得人興失人廢也使有天下國家責者皆能爲天下國家興仆植僵計欲不治得乎抑是觀則

北隅續錄卷上

聖

修矣觀之所以創名之所以名前朝初意孝思可知也香火磬鐘祝雨陽時祈年歲豐報恩之一耳神州北望未復版圖不雪恥以酬百王不除凶以報千古匪報也孝者善繼人之志善述人之事吾君臥薪嘗膽吾相鞠躬盡瘁吾士大夫枕戈擊楫率甯人有指疆土畢力以修復之則光堯之志成恩斯報孝斯光矣不然扶傾葺毀不修復是觀若豈光堯所望於後之臣子哉有天下國家者其相與懋之今則知其遺蹟者鮮矣

三笑軒記

北隅續錄卷上

畢

夷白子寓杭觀橋之觀巷屋徹瓦腐夜雨或暴至張蓋就寢不以爲意自扁其東偏之室曰三笑軒左右或訝之因答之曰余娶婦二十載未有嗣今年四十四有七老且至矣方得一女此可一笑也承平盛年余嘗至京師覬得微祿爲養親計用薦者入國朝同進見忌尋引避還江南今親沒已久齒髮衰落自以爲無復有用於世矣屬南地用兵乃又叨塵仕版此可二笑也平居讀書至申韓衛鞅之法律輒噫嘻曰是何不如周公之平易也見人攘臂談孫吳議論生鋒而自揣其不能今忝備使員辱游樞幙朝夕從事乃

不離二者之間此可三笑也左右曰夫憂莫憂於無子喜莫喜於得祿榮莫榮於處機要此人之情也今子中年得祿雖不逮養然幸居機要固可以懼然自笑矣若夫久娶無子老又得女親戚故舊無有不爲子憂者今也顧亦竊喜而笑毋乃與人異情乎哉夷白子曰汝以爲喜者我以爲懼汝以爲榮者我以爲恐汝以爲憂者我以爲不必憂我自謂同于人者莫己若而汝獨以爲異此其所以爲可笑也汝亦聞東門吳之喪子乎東門吳有子而喪與無子同今吾得女孰與喪子故不必憂夫爵以待賢祿以勸功機要

北隅續錄卷上

吳

所以任文武非常之士今不賢而膺好爵俸而貴者也無功而享美祿苟而富者也無文武非常之才而任機要不知恥者也况非素習而職其事爲濫官非所能而居其職爲竊位不逮親而養妻孥爲蠹國今吾一舉而犯不韙者六惴惴焉若懸巖崖墜深淵危石欲墮而壓之者汝以爲榮且喜焉此尤可笑之甚者也左右曰無子不憂亦有師乎曰有吾師東門吳也得祿而反懼處機要而加恐亦有師乎曰有向子平讀易損卦而知富不如貧貴不如賤此卽吾師也吾將從若人者朝遊名山暮棲邱壑榮辱不足以累

其心喜懼不足以櫻其念汝以爲何如左右曰善夷
白子曰若是則可以索我於三笑之外矣因錄其言
書於壁伺大方之家決焉時至正二十年五月也夷
白子陳基字敬初臨海人至正中以薦授經筵檢討
嘗爲草諫章幾獲罪引避歸張士誠據吳引爲學士
書檄多出其手此記之所由作也入明召修元史賜
金而還明史文苑附趙塘傳

麒麟街鳳凰街

成化志新營街直通貢院橋西湖遊覽志餘元至正
庚寅浙江鄉試八月二十二日夜二鼓貢院彷彿見

北隅續錄卷上

冕

一物馳過甚捷狀若猛獸軍卒因而喧哄考官遂以
角端命賦題角端者似麒麟而角在鼻上也按至治
之音有徐勉之呂誠角端賦二篇殆爲此場試作街
名麒麟當肇元季後以明封昌化伯邵林妻楊氏夢
鳳鳥儀庭而生孝惠皇太后於此里故改稱元貢院
街爲鳳凰街麟鳳之祥洵有徵歟

北隅續錄卷上終

北隅續錄卷下

錢塘丁丙松存氏述

普濟堂

普濟堂在武林門中正橋東嘉慶十七年四月浙江巡撫高杞撰記曰普濟堂之設昉於京師恭讀聖祖御製碑記好善輕施乃良民之美行卹災拯患實盛世之休風創建雖肇於都城效法期及乎寰宇再讀

北隅續錄卷下

久道化成凡在滄黎均邀覆庇浙省普濟堂始自嘉慶元年山陰監生高宗元購地於武林門之中正橋東七年復資建屋前撫軍阮公創捐經費旋去浙事寢歲庚午今陞兩廣總督蔣公撫浙籌議舉行惟時布政使廣玉廉使陳觀署廉使韓克均署杭巡道彭人傑杭巡道李坦各捐廉爲倡而巡道李甫涖任銳然期於竟成在籍葉農部道傳首事捐資各紳士聞風慕義咸樂輸助由是澁業請於鹽政按引輸費長安米商請捐米釐年以爲常其款置田產收租外餘則發典生息綜計歲入可萬餘金以所入之多寡定

北隅續錄卷下

收養之人數遴舉葉農部與紳士丁燾金泰願厚餘吳印心顧芳嶼朱嘉猷王子純沈炯等董其事經營半載措置盡善一切餘款悉由杭巡道會核施行辛未冬余來撫浙聞其事與鹽政蘇公藹然興同善之思因詳核歲費商勸續捐以籌久遠夫斯堂創始以來歷數十寒暑規模備具蓋經始若斯之難也而余克觀厥成焉豈非厚幸哉先期偕同官詣堂周視屋舍器具纖悉皆備乃卜吉正月二十七日開堂衰老貧病悉就收養量其經費暫爲定額三百人續有捐資將增廣焉且復設醫藥建義塾施棺木掩暴露皆附款堂中又杭城舊有育嬰卹養義渡藥茶放生諸善舉捐輸各款亦詳定並歸普濟堂事宜在案同列普濟名目以見所濟之普也至若水旱不時儻形災歉我

皇上恫瘝念切立沛恩綸蠲賑兼施自無一夫失所又豈藉此堂區區之惠哉而此堂既設足俾無告窮民同樂餘年於太平之日以宣布皇仁者亦不爲不多矣余忝守土之責嘉善政之成爰綜顛末而爲之記按李公諱坦字宇泰一字平山四川重慶長壽縣人乾隆四十四年知富陽縣調烏

程擢東海防同知台州知府丁外艱服闋授甯波知府調杭州丁內艱起復選山東河南等知府嘉慶十五年擢杭嘉湖道任海防時築魚鱗石塘六千餘丈物堅工完潮汐不爲患嘉慶九年久雨穀貴請大吏齎庫銀三十萬入蜀次年運米回市價乃平獎率紳士建普濟堂鰥寡賴之十九年五月卒於位葉省三農部道傳集選句以頌云濟治由賢能龕暴資神理欲濟川無梁遠圖因事止嘉慶七年曾建夫子茂遠猷卽事既多美迴跡清憲臺橫流賴君子借問下車日藹藹卿雲被臨川哀年邁聯翩何窮已孤客傷逝

北隅續錄卷下

三

湍豈意事乖已乃在城南端出沒眺樓雉堂鄰武翦

棘開舊畦朱紱咸髦士董其事義心多苦調瑩情無

餘滓隨風開我堂結言固終始定規則二十一言分

珪爵職事相填委公捐廉委紳士兼抱濟物性惠心

奮千祀宣遊宏下濟翻飛浙江汜德禮既普洽淑美

難具紀持此感人多凝露方泥泥廣廈構眾材受恩

良不訾積善有餘慶協心毗

聖世清風激萬代眷言懷桑梓不能歌德聲載筆陪旌榮高氏宗元字伯陽號魚亭嘗以京師江南及本省嘉興皆有普濟堂澤被桑梓而杭州獨無遠倡捐

買隙地十餘畝於武林門內桐井巷隨投牒撫軍吉公慶乞諭勸離商等建蓋屋宇以棲止無告者公頷之尋陞任兩廣去事遂寢君扼腕曰此豈儒衣冠者所能辦哉乃潛削髮走京師乞其友吳祭酒錫麒爲募疏遍謁諸貴人陳說懇切朱文正公珪笑謂曰此固儒者事也盍反初服當爲徐圖之居數月寂然會兩弟又東廣鏞聞之恐以是得罪急遣所親數輩入都促君還君亦念重爲兩弟憂竟反初服歸里益憫然不樂未幾阮公元來撫浙君復投牒如前公高其義方與鹽院延藩司劉籌畫所出君以爲躋足可待

北隅續錄卷下

四

也乃棄前購地復捐貲買舊宅基十畝於中正橋大街以次建碑亭門堂軒室蔚瀾若干閒規模初備阮公親至閱視者再手書孝義可風四字以旌君并捐銀四千兩助堂中經費明年歲大稔卽堂中爲粥活餓者不數月銀垂盡阮公亦以憂去逾二歲復任未久又內召故迄無成功嘉慶十四年今撫軍蔣公攸銛蒞浙君復陳建堂始末公雖以爲然而費鉅不可猝辦會十五年秋有戶部郎中葉道傳獨輸銀五千兩朱嘉猷金泰吳懿善顧濤共輸銀五千兩而離商等又請於引上酌加每歲輸銀六千兩於是堂事

始什成八九君聞之喜曰不意十餘載之盡精厲氣
乃竟不負乎撫軍以首倡自君一以堂事委辭不獲
竟以勞致疾卒時辛未七月四日也年七十有三丁
氏薰字曙天號雙湖錢塘人乾隆丙午舉人官河南
太康知縣奉諱歸遂不出生平重然諾樂施與里中
義舉無不量力力行之繼之者爲仁和王氏錫字心如
家素饒力於爲善城中有義舉必推董其事貲不給
出私財益之不惜也司普濟堂中事實心實力擘畫
盡善凡義塾掩埋施衣施藥條規井井其歿哲嗣安
伯員外泰遵守成規至咸豐庚申之劫方已劫後又

北隅續錄卷下

五

三十年矣近俞太史樾撰重建堂記云杭之有普濟
堂蓋自阮文達公撫浙時始踵而成之者蔣撫軍攸
銛高撫軍杞李觀察坦及里人高宗元與丁燾也庚
申辛酉之亂堂毀于兵大亂既定百廢粗舉而普濟
堂於是乎復建則又創始於蔣果敏公而高都轉卿
培李司馬國賢與郡紳丁君丙實左右之先後六十
年開四姓適相符合杭之人咸以爲奇先是堂中可
容千人嘗鐫蘇文忠高堂會食羅千夫之句於怡安
堂壁及其復建也則當事者鑒於前此圍城中絕食
之厄割堂之南隅地數畝增建義倉而堂基遂狹於

前乃於堂之右購孫氏屋地以裨益之而堂中規模
亦日以美備養老之外日棲流所日醫藥局以待羈
旅之貧且病者日接嬰處日卹災所以全活嬰倪更
權濟燕餘之窮民日正蒙義塾則教育孤寒子弟而
清節堂乃仍舊貫而更擴之凡此條例皆丁君暨其
兄申與徐君恩綬林君一枝高君光煦斟酌損益以
臻厥成丁君綜理省會善舉靡不井井而於普濟尤
盡心焉籌墊巨款至數萬金堂中之就養者五六百
人堂外之待以舉火者千有餘戶僉曰不再開拓將
不足以容乃又買東銓第沈氏故址若干畝爲將來

北隅續錄卷下

六

增建屋宇之地自此堂基益廣堂規益宏不特千夫
會食可復當時之盛或且倍蓰其舊不難矣上以副
聖天子子惠困窮之意下以盡吾儒吉凶與民同患
之義豈不懿歟堂在仁和義同二圖及前衛右所凡
爲地約四十餘畝夫善作貴乎善成而能創期於能
守不有記載後無徵焉余主西湖詰經講席垂三十
年粗習杭事故因孫君樹禮之請記其大概而勒之
石道光三年四月撫浙使者帥公承瀛棲流所視遠
如邇堂記曰今

上御極之二年冬十一月以恭上

皇太后徽號禮成 錫羨敷天仁霑恩洽雖在惇獨
老疾無告之民亦 諭令地方官酌設棧流所以資
居息無有遠邇俾得咸遂其生浙之士商好義者請
於官度地庀材共成是舉既歲事乞余顏其堂夫宜
上德達下情守土者之責也鎮撫之未能以致境有
流亡又無以安集而鞠謀之益重其過也余既嘉士
商之見義必爲以善承 德意又幸有以佐長民者
之拊循所不及也爰濡筆以書之所在百歲坊咸豐
辛酉廢於兵燹同治間移就普濟堂側購孫氏屋地
營造中爲恆善堂額乃松氏筠書進則分永康長樂

北隅續錄卷下

七

益壽延年左右八號每號三間牀幃几榻藥爐茗椀
位置周妥萍寄室中更附殘疾房十七間皆隸於普
濟堂司理昔人詩憤寓無家客頻施有效方可爲斯
地聯之清節堂亦附於普濟堂旁嘉慶丙子仲秋錢
塘章煦題額省垣內外寒門舊族青年素節者相率
處之提攜兒女至成立方出堂舍三十餘間衣食器
用咸備無缺守節年限台例彙報請 旌中有道光
二十六年四月巡撫梁題 旌仁和葉德恆妻張氏
同治十一年九月十五日大婚禮成
恩給在堂八十歲以上老婦鍾樓氏金汪氏祝鄭氏

三口粟帛光緒十年五月巡撫劉題 旌仁和孫寅
若之孝女又題 旌錢塘林廷秀妻黃氏仁和黃燾
妻張氏十六年三月巡撫崧題 旌錢塘陸榮妻王
氏十八年閏六月護理巡撫劉題 旌錢塘宣正德
妻陳氏節孝各匾並懸廳事先是鄒叔元教諭志初
賦清節哀樂府云青春百鳥鳴高枝鶉鷄比翼相追
隨罡風忽攫雄飛去滿地哀咽嗚孤雌嗟哉節婦節
淚盡心頭血共命無巢腹忍饑張口呀呀向誰說玉
環楊寶世所稱合謀棲託情共矜不使冤禽沈碧海
聚將寡鵠守青燈青燈照見孤鸞影粥飯茶湯盡成

北隅續錄卷下

八

硬結作蓮房顆顆空安來苜蓿牀牀冷北山有網羅
南山鳩鳥多霜雪遍大野何處覓高柯一椽且共懷
清住寡女絲縈朝更暮無波古井不生瀾苦雨酸風
幾年度難得尋常百姓家松筠節操盡堪誇紛紛地
下心多慰開徧堂前旌節花

義倉

義倉在普濟堂東有道光十七年巡撫烏爾恭額撰
碑文曰義倉之設所以佐常平之不逮也其法昉自
隋代而踵行於唐先事豫籌官爲掌而民總其成在
古所設諸倉中法爲最善浙會杭地廣戶稠商賈輻

轉逐末者眾家鮮蓋藏朝糴夕煇率皆取給於市其南衢嚴諸郡產穀僅足自給其北嘉湖二郡雖土田沃衍取贏亦不足供會城之需歲恆借給於兩江兩湖甚且資海運於臺陽沂江程於川省偶值歲歉穀價翔貴議羅議賑籌畫甚難道光十四年余奉命撫浙仰荷

聖天子德澤所被兩值年豐今秋穀價之平尤爲數十年來所未有闔城紳士陳雲柯中丞潘紅茶方伯胡書農學士金亞伯少常韓對山龔闇齋觀察戴醇士宮贊朱香樹庶常高越垞張仲甫中書景秋田司

北隅續錄卷下

九

馬梁春陸別駕請以前賑餘贖務所捐房租所輸存款約銀三萬餘兩於城北普濟堂隙地建設義倉爲桑梓籌積貯余謂有備無患因時制宜是守土者之職也爰允其請首捐廉爲之倡一時錢伯瑜方伯王銅士都轉寶松溪觀察亦各捐廉仗助相與慎擇董事互稽出入法以穀貴則平價以糶而納其價於官俟市價平則請領買補價在庫無侵漁之弊歲易穀無朽蠹之虞總期於民有益而官不擾揆度既定卽命鳩工庀材曾不踰時已告厥事經始丙申秋九月落成於冬十二月凡建倉二十四座貯穀二萬餘石

其他賓僚廳事與夫礬米之屋曬穀之場靡不畢具垣牆楹砌既峻且周規模始創已秩秩乎有條不紊所願諸君子實心任事誼禔同里惠洽編氓兆風雨之和甘增湖山之樂利賡歌

帝力同慶昇平將來經費有餘更擴而充之是則余所深望於會城之紳士者倉基地若干畝爲錢塘職員王錫仁和職員高鳳墀所分捐約錢四千餘貫董事爲候選中書莊仲方候選訓導韓文彬職員陳學瞻金國棻舉人錢廷薰生員王泰例得備書文見宗雅堂集實胡學士敬代撰董明經醇作倉箴云倉人

北隅續錄卷下

十

遣人周官以設積貯肇興生民最切自周以還法立賢傑或廢或修其政不滅義倉之制於隋文豐收歉散溥惠行仁晦翁社倉名革實因西山繼起厥制克循利久弊生法由人舉李耿不作凶荒誰禦白籍混淆紅粟參伍饑我烝黎餉乃雀鼠毋曰文具視爲泛談有年不蓄無年孰堪虎而衣冠其視耽耽胥乃民蠹吏爲民蠹毋曰天災盛時罕有水堯旱湯縣七厯九珠玉滿懷誰餽其口金錢滿府誰掣其肘思患預防倉儲最良官建民守由鄉及邦勿致侵漁徒飽蠹囊勿同狼戾不慎蓋藏我思其人端貴有德才以

濟之不耗不蝕天有不全補以人力食爲民天敬告
有職夏明經之盛有詩紀事云昔年游饑官振粥民
氣彫瘵賴以復尙餘振銀一萬奇籌畫三年九年蓄
解一我我義倉始創置普濟堂東有閒地其地高與王
分捐同仗義二市廛昔輸一月租今者併以充倉儲
輸租祇一月飽德逾萬夫杭民任郵賢何如三吁嗟
乎常平廣惠古不廢一利祇愁增一弊治法願長存
治人願長繼粒我烝民歸實濟四劫後大吏鑿辛酉
絕糧之患講求倉儲籌款購穀割普濟老人號舍地
委黎喬松司馬景瀚監工增建倉屋規模益備中爲

北隅續錄卷下

十一

豐備堂西爲三餘室後爲倉廩凡一百五十四間內
三號爲出米倉備馨穀時轉運之用可儲穀十萬五
千石廩後隙地爲魚池池上爲倉王祠其西爲馨房

金江聲副使

龔侍御翔麟所居紅藕莊在梅東里藏書萬卷多人
閒未見本江聲副使少居梅東假館紅藕莊因得漁
獵羣書著梅東集一卷梅東瑣碎錄六卷嘗賦田居
遣興和龔先生原韻云舫齋低跨紫菱灣卜築蕭然
遠市園步屨每遭田父飲橫琴且聽酒人還黃金細
綻籬根菊青黛遙分屋角山自喜新居同履道息機

誰似白公閒又坐放魚軒池上作云淺碧池塘小鏡
澄晚來吟倦水窗憑銷魂照見殘秋影涼月西風雁
一繩又過普照院感舊云舊日藏修地重來恍隔塵
證明惟見佛院靜似無人丈室經龕改荒畦菜把新
僧雛盡頭白相對話前因江聲諱志章字繪甫雍正
癸卯順天舉人歷官口北道有江聲草堂集子曰焜
曰文瀄同舉乾隆丙辰詞科焜字赤泉雍正乙卯順
天舉人官國子監典簿有妙明書屋詩三卷其過田
居先生放魚軒有感調石湖仙云詩翁何處贖河上
林園荒蕪填路流水外彎環向青青筠籬曲護幽蹊

北隅續錄卷下

十二

閒眺倚碧樹頓成淒楚無緒聽露枝兩兩蟬語荷花
守紅自墜帶文漪漂浮別渚塵柄風流不把年華留
住釣艇猶橫釣筒猶在放漁人去誰領取吟魂月下
容與文瀄字質甫號金門乾隆己未進士由編修出
守錦州府以戊辰春

孝賢純皇后大喪有周中丞學健制府楞額等違制
薙髮交刑部治罪文瀄稟命於府尹然後薙髮事發
純皇震怒立命誅之盛司寇安叩首請曰金小臣罔
識國制且請命大僚然後薙髮情可矜恕請
上寬之

上怒曰汝爲金某遊說耶安曰臣爲司寇盡職而已
並不識金某爲若何人如枉法干君何以爲天下平
也

上大怒命侍衛反接安赴市曹與文滄同寘於法安
陽然長嘯曰臣負 朝廷之恩而已後

上悔悟命近臣馳騎並金赦之安施然叩謝如常時
市曹萬目共覩曰此真司寇也次月卽命安入 上
書房傳導諸 皇子曰盛安尚不畏朕況 皇子乎
眞師保之妙選也文滄蒙赦遣戍塞外嘗做困學紀
聞爲蛾子錄又著讀史卮言及塞上歸歿於問津書

北隅續錄卷下

圭

院錄此以見雷霆雨露無非

天賜也

景方伯

景謙字福泉號鷺農仁和人弱冠蜚聲庠序長具經
世才遨遊吳豫間當路爭相延致嘉慶丙辰以 恩
貢試吏直隸州判借補甘肅平羅丞知靖遠縣改湖
北權漢陽襄陽同知荊州知府授雲南澂江府由首
郡擢池東道軍功賞孔雀翎擢貴州按察使湖南布
政使三年乞歸葺屋於梅東橋西前楹供文石後多
隙地植梅花數十本客至則開家釀摘園蔬相與劇

談終日工爲詞翰兼擅六書精賞鑒性剛直與人交
知無不言言無不盡待戚黨以情請貸必應以故囊
橐蕭然人贈以楹帖云入世無柔骨逢人有熱腸二
句能盡其爲人卒年七十八

胭脂橋

胭脂橋舊名葛家橋載之潛氏臨安志其地有葛巷
武林文獻錄葛天思仕宋甫半年爲元兵所執勒降
不從割其耳旋自縊無子妻妾協志守眞雙修於家
歿後聞於朝封雙夫人卽以所居爲廟其間高樹凌
霄嘗有鵲數百飛鳴其上亦稱割耳郎巷巷之側爲

北隅續錄卷下

齒

柴園丁茜園曾賞牡丹賦詩於此汪啟淑水曹清暇
錄載湯侍御世昌仁和人諸生時鄉試僦居貢院比
鄰苦炎熱旁一大宅鎖閉詢之爲前杭守柴君所買
爲寓廬者因有鬼祟人莫敢住餽司鑰人假以暫居
樓中窗櫺尙完略爲灑掃遂移榻焉樓西房委棄竹
箱雜物亦置不顧明鏡讀書不覺夜半忽有披髮女
子突立樓心湯公大聲叱之女惶恐曰不知貴人在
此竟無狀矣退西房膏沐以出一姣好女子也跪訴
曰妾姓朱名筆花前杭守柴納爲姬正妻妒值媿身
賄穩婆桐油塗下體潰爛而卒兒被正妻認爲己出

今已長成不知爲妾所生他年君設教江漢書院子應出門下懇公將妾冤告之將妾尸改葬牆東井邊有八角磚可驗也指房中破竹箱云是妾昔年藏有零星首飾太守哀悼觸目傷心未攜歸有人翻動妾出怖之人驚爲怪今舉以奉贈湯公慘然諾之後事皆驗湯公與予交契故詳悉焉

戴贈君暨文節公

曾文正國藩戴府君墓志曰君諱道峻字升甫補錢塘學官弟子七試於鄉而七黜以子熙貴敕封儒林郎誥封朝議大夫既歿而熙躋卿貳例首資政大夫

北隅續錄卷下

五

君綜治羣書不以一流自域不與橫目之民爭利不與逆撓者校曲直改葬長兄孝廉之墓迎主於家而時其祭從父墓崩易棺而葬又葬其姊又葬其師之無主後者少嗜碑碣繼嗜古扇聚以千計老嗜古金泉刀布幣兼收博考既寄於三者乃冥於萬物陶然自娛年六十七卒邵員外懿辰戴文節公行狀云公諱熙字醇士號鹿牀年十九中嘉慶己卯鄉試道光壬辰成進士既入翰林逾年散館授編修不數月大考詞臣以落葉賦稱旨擢贊善十八年直南書房命視廣東學政論曰爾校文必能公明粵地繁華非

北地比以釐弊爲要事必躬親勿受蔽於人也既而天顏溫霽曰古人言作畫須行萬里此行徧歷山川畫當益進比歸復命爾作畫矣至則嚴飭士習老吏蘇仲山久於科場作弊公廉知之置之法由是夙弊皆革訖任頌聲翕然任內歷陞侍講學士乞假省親丁父憂服既除待闕未補復

命督學廣東以先任能舉其職也在任擢光祿卿歷閣學還朝轉兵部右侍郎皆在 南書房而公遽以勞疾乞假歸田里乃以三品服致仕時道光二十九年公年未五十也抵家疴大作會

北隅續錄卷下

六

宣宗升遐今上登極有詔薦舉京外官大臣或以公應特旨徵公以病不能行遂不出越二年而有粵賊破陷金陵之變江浙鄰比戒嚴詔公會大府督辦團練捐輸事宜又越二年會城設協防局前學使九江萬公青黎實總局事而公預焉丁己餘杭胡萬成作亂撥局勇會官軍剿平之次年春僞翼王石達開自江西率賊數萬人圍攻衢州遂陷處州旁擾金嚴各屬縣公同前浙撫晏公端書趣

兵會援而後平以功還二品服庚申春公年六十而
杭難作賊會李秀成率眾數萬自南陵涇縣破廣德
入浙境總兵李定太敗於梅溪連陷長興孝豐遂撲
湖州竄武康狂奔上陌奉口二月十八夜抵北新關
十九日黎明直撲武林門巡撫羅公遵殿以鹽運使
繆梓前攝金衢嚴道歷兵事一切倚之別設城守局
委前平慶涇道戚貞專調度支應公仍悉心計議而
天大霪雨不止城上兵民跋涉泥淖中辛苦疲欲賊
乃於二十七日黎明自錢湖門故址穴地轟裂城遂
陷羅公等死之公遂於二十九日薄暮題絕命詩云

北隅續錄卷下

七

病軀晚歲遇時艱八載巡防總汗顏撒手白雲堆裏
去從今不願到人間整衣冠投池水弟煦聞公薨笑
曰吾兄得死所矣亦投井死煦字鄂士嘗爲名諸生
以兄貴不應舉注莊子內篇及陶靖節集研精歷算
之學西人見其書皆推服城復事

聞贈公尙書銜官一子給世職

予諡文節建專祠以弟煦附祀初贈君居麒麟街後
公遷觀巷龐氏園方塘數畝悉種芙蓉石梁臥波以
戊午遷此名戊午橋得楊少師韭花帖真蹟構屋藏
之顏曰韭花書屋弟煦亦遷居汪登園而以老屋居

弟燾字馨士勤幹有爲亦於庚申夏病歿

高觀察

高觀察人鑑原名德鎔字螺舟與戴公熙同居麒麟
街屋宇僅隔一牆同登道光壬辰科進士同入翰林
散館高列第一同授編修先後又同視學廣東後戴
以兵部左侍郎殉杭難

贈尙書諡文節蔭官一子高雖終於貴東道而
冊封琉球

賜一品服厥後其子兆麟以勞卒於軍

贈太僕卿似無弗同者當時人稱地運之盛理或然

北隅續錄卷下

六

歎觀察家湖墅少孤依母家姚氏姚與龐有連因墻
於龐而居麒麟街焉道光戊戌偕林殿撰鴻年奉

命冊封中山王尙育林文忠贈聯云披一品衣破萬

里浪其自賦紀

恩詩有二百年來頌

詔七八千里外駕帆雙之句禮成散步館外見一屋

中厝一棺前和題讚曰

天朝參將某公之柩異而詢之則乾隆中護送封王
之使至彼國以病死者也問何不歸曰海船忌載柩
乃曰是俗忌耳何足慮吾當歸之謀於正使不可乃

曰吾兩人猶彼也萬一死海外亦無歸乎請以吾舟載之雖沈溺無悔而一舟之人亦皆執不可因怒曰此吾舟也吾爲政卒載之行未一日風浪大作舟中人咸歸咎崩角於前者數十人請棄樞堅不許抵粵東參將故粵人訪其家而歸之旋

命典試粵東又

命爲學政時海警初起屢上封事且劾粵督甚切己則清矯絕俗坐是失朝貴歎俄改授衡州知府衡州獷悍俗尙符咒厲禁剽論邪慝漸息耒陽湯大鵬糾眾爲亂親剿平之時彭剛直公王慶方應童子試觀

北隅續錄卷下

充

察見而器之招至署中讀書衡陽應童試者千餘人入學頗不易剛直是歲縣試可第一及案發乃第三越日縣令召而語之曰以文論汝宜第一亦知不得之故乎謝不知曰府尊意也府尊曰彭某他日名位未可量一衿之得失遲早皆可不計今歲在吾署讀書若縣試第一人必謂明府推屋烏之愛耳是其終身之玷矣是歲剛直竟不入學後數年始隸諸生之籍剛直以此感知遇益甚守衡數載政通人和迨陞擢貴東道之

命下而玉樓遽赴矣有補拙齋詩稿人又謂適與戴

文節習苦齋文集相輝映云

龐家園

戴鹿牀侍郎買屋於觀巷習苦齋文集目錄有龐園記而記文獨缺相傳爲龐鉢湖孝子連故廬但孝子居壽安坊此豈其別業歟觀巷之西爲麒麟街龐家或卽孝子同族康雍間龐氏始遷居聞屋主人之祖當營造時夢一龍入室竊以爲瑞豈知預兆龐氏繼居之讖也其屋基頗廣大左達小和巷之河濱右達大和巷舊時有池沼有美人峰及園亭之勝子姓既繁房族分析余所見者惟頤志堂松喬鶴和居鹿門草堂及後園一區雜栽花樹而已主翁諱文來太學生內介外和有道君子也子炳如名蔚章布政司理問娶姚氏余姨母也炳如嗜酒成疾謝絕家事姨母事舅姑惟謹教兩女以慈淑慎温恭三黨足式先母聯依以居者凡十年余兄弟並承撫抱之恩咸豐辛酉適屆六十壽卒以城再陷與姨丈同殉云

汪登園

沈亦然五硯齋集自編年譜乾隆九年生於杭城之任登園戴鄂士煦居其地改爲安敦園殊不知登固明祠鄉賢贈禮部尙書任公譜之子園實其居第也

北隅續錄卷下

平

按李東陽懷麓堂集載明故嘉議大夫禮部右侍郎兼翰林學士贈禮部尚書汪公墓誌銘云公諱諧字伯諧弱冠而孤能銳意問學聲動場屋舉天順庚辰進士選庶吉士授編修以纂修英廟實錄成遷修撰擢右諭德丁酉續資治通鑑綱目成進右庶子戊戌侍今上講讀於東宮己亥以母艱去壬寅復任丙午典南畿鄉試丁未詔授庶吉士是年上卽阼以侍從恩擢少詹事兼侍講學士宏治戊申開經筵仍充講官庚戌典禮部會試爲憲后實錄副總裁辛亥疾作既三月告流請停俸不許每賜珍味旋陞禮部右侍

北隅續錄卷下

三

郎兼學士壬子復疏辭乃許仍詔疾愈當復用自是獨處一室右臂猶持杯作書閒爲文以應求者越九年疾革不起特贈禮部尚書遣官諭祭仍給驛歸其喪命有司營葬事公娶章氏贈孺人子三長登以恩肄業中書次舉順天鄉貢次賜府學生萬厯錢塘志公墓在龍井子太常卿舉耐嘉靖仁和志蔭錄表登以父諧爲禮部侍郎蔭入監官至順天府通判

烈帝廟

烈帝廟在永新橋咸溇志顯佑廟在仁和縣百萬新倉西神姓陳名果仁常州晉陵人仕隋至司徒沈法

興謀叛忌司徒威名詭召食毒死之忠憤赫靈竟以神矢斃法興唐武德初嘉其功廟祀焉以忠烈公啟封後梁封福順武烈王至後周加以帝號宣和四年賜常州廟額曰忠佑嘉泰六年臨安以禱雨應乞加封又賜行廟額曰顯佑咸溇四年安撫潛說友以嘗禱雪祠下昭答如響乃崇飾廟貌而新之五年會常州士民乞加封又上之朝且以前代封帝爲非禮乞於福順武烈顯佑之上更加二字爲八字王詔可之加曰福順武烈顯應昭德乃奉制書馳賜忠佑廟而曹氏宗譜載重建顯應廟奉祀曹大將軍殿碑記杭

北隅續錄卷下

三

郡武林門內仁和縣舊百萬新倉之西有廟曰顯應蓋祀陳烈帝而繼以將軍父老相傳肇自我皇明云將軍姓曹名士甯海昌巖峰人生平採藥施予拯急難捐資延醫以治人之疾尤惟日不足且恭敬神祇率同里立義社辦信香獻於徽州之婺源五顯祖廟歲以爲常誕於宋嘉定癸酉二月四日卒於宋季年三月三日沐浴更衣端坐堂上謂其子曰大帝敕佐五顯吾當至婺源矣語訖立化越明年九月降靈於家其子建祠奉祀一方水旱苗疹禱之輒應而以瘡瘍疾疢祈者尤奇驗許村場密邇巖峰秋旱潮溷停

民之既懼鹽難成場令潘萬選禱之俄頃潮至常課
聿成既以疾禱信宿而瘳遂述靈跡申於上官修葺
祠宇勒文貞珉元至順三年壬申八月也迄今肝饗
滋新平風靜浪翊運河漕與平浪英濟等埒明授敕
封威靈顯應於遐邇乃肖像於斯以便祈報萬曆二
十七年仲春二月姚靖西湖志則云顯佑廟以祀陳
昭烈大帝者廟前又有捲簾使者曹大將軍塑像俗
奉爲祈創瘡痍之神香火至盛今竟譌二神爲一更
有題神廟爲烈帝捲簾祠者強不知以爲知真可嗤
絕

北隅續錄卷下

三

清隱軒記

乾道志鑑心巷爲同德坊徐教授一夔始豐稿有清
隱軒記曰清隱者前福建廉訪司僉事章公宴居之
所也公在癸巳歲奉先府君歸葬於洛以道梗弗進
僑居錢塘之同德里其居有軒四楹戶牖明豁可愛
軒前方塘水波渺瀰塘之左右蕙篁茂柳相掩映公
居其中嘗施施而行漫漫而游以節其憂戚之情一
日過前貴池縣長刺馬丹君見今所揭匾實紫陽先
生朱文公所書問所從來則貴池得之倚南海牙君
而倚南海牙君爲崇安縣時得之武夷民家者也公

請以歸喜曰實稱吾軒且先正之手澤也遂尊而揭
之閒語一夔以得匾之由且曰可以記否一夔肅瞻
已謹告之曰昔在梁時蕭子雲飛白蕭字以名天下
之寺歲久零落有買歸以建蕭齋好事君子雖寺額
且以名齋况先正之手澤所在乎尊而揭之是也敢
輒爲公記之按文公先生居崇安之五夫里去武夷
不一舍近暇日與門弟子登山臨水以暢其性情淳
熙十年先生謝江東之節始作室武夷山中凡亭軒
齋閣莫不完好而加頓置之是匾必其一也相去二
百餘年風雨侵陵苔蘚剝蝕曾不朽漫而其筆精墨

北隅續錄卷下

五

妙猶熒然有光采若有神物護持之者豈先生之精
神見於字畫者尙不泯哉嗚呼先生遠矣見先生之
手書而感慨興起云者夫亦豈止於字畫之末而已
蓋先生以高明正大之學接諸周程以趨孔孟之奧
雖其道不盡行於時我朝許文正公尊信其說而表
章之遂有至元之治不可誣也生乎先生之後思先
生之聲音氣貌而不可得其片言隻字於運去物
改之後有不加之意乎宜乎公護茲匾不啻若兼金
拱璧而不肯輕棄也抑聞公在成均時師事前祭酒
太原呂公而凡先生所說吾道之大體用之全本於

已而推之人者固嘗受之心傳口授之時而驗之立身行道之際矣今也以憂去官固將移孝爲忠以盡展其所學念慮之所存精誠之所至必以先生爲準的矣此所以出警入省於茲尺咫之版也詩曰高山仰止景行行止公之謂也如曰居有水木之秀而徒取清隱之美稱爲考槃之計夫豈知公者哉是爲記

觀橋

潛氏臨安志觀橋報恩坊北御街上過此橋轉西一直至新莊橋入萬壽觀夷堅志淳熙初王良佐者居觀橋下初負擔販油後家小康夫婦奉佛施捨無虛

北隅續錄卷下

五

日一日焚香見塔影七層金書三字曰保叔塔乃捐資修塔塑其夫婦像於第一層或曰王少年繫獄逢巨盜同牢款密因語王曰我行盜殺人無生理有金銀埋保叔塔下悉以贈君我伏法日幸收骸骨高原廣作佛事則我瞑目矣王出獄果得金銀塔下故假塔影以蓋其事云程史中都有談天者居觀橋之東設肆於門標曰看命司術稍售其徒憎之曰司者有司之稱一妄庸術乃以有司自命豈理也哉相與謀訟之一人曰是不難我能使之去旦日徒居其對衢亦易其標曰看命西司過者多悟而笑其人愧赧亟

撤不敢留伎流以智軋敵乃有喻於不言者可謂巧矣詩人王屑王鎬字從周永嘉人至忠州守有觀橋寓樓摘句云避喧那厭雨宜睡不思茶夢梁錄觀橋大街賣豆兒糕輕錫宋文憲集宋學時有孫君守榮者其先居富春自呼富春子歲而病瞽遇異人授以音律推五數播五行之術其於萬物始終盛衰恆於音決之周垣未第時坐於觀橋市肆厲聲誦僕孫君聞其聲往揖之曰狀元何怒耶周以其給已不答後果擢進士第一楊克齋同鄧中山遊虎林會孫君亦在揚戲君曰我何如人孫君曰公貴人也不久卽遷

北隅續錄卷下

五

大理卿再典一大藩卻從方外士遊耳已而由理官以直寶謨閣知重慶府遂主管千秋鴻禧觀以終江子遠舍選出身教授池州負已好凌人當路惡之欲誣以罪孫君曰不可子遠雖少未可輕殺二十年後必秉國鈞也後其言輒驗程吉公集客命孫君次第聽其聲聽已歷指曰此異時朝士也此異時院轄也此異時法從也此異時執政也旁有韋布之士劉姓者聞其語夸笑之孫君曰汝何人乃敢爾耶或曰汝勿相慢此祕書丞劉公也孫君曰大白山老儒生耳烏能入祕書一笑而罷吉公籍記其言無一人差者

其神奇往往類此惜乎爲史嵩之所忌謫死遠方壽
花堂詩集林小竹移居觀橋街索詩嫌我久無一句
詩林君無詩強勸之君既無詩韻誰步壁間指有余
公句余大觀余公稱君移觀橋結廬人境無塵囂宜
數涼堂及閒館乃稱有竹門可款更復不數井涵廚
但稱有花酒可沽主人誠賢客善禱我來何敢同張
老園林真愛蔚然深室家路許窺其好許君芳草伴
蘭叢荷鍾能來歸不空時索翠一笑詩成君肯和請
書繭紙報余公武林人物新志李宏道字穎先仁和
人世居觀橋北豪俠好義熟刑名醫卜諸書幕游齊

北隅續錄卷下

三

晉燕趙閒客山左遇異人授以廣漢祕方曰汝可世
食矣用以濟世瘍者日盈其門年八十四無疾終子
孫世執其業金奉闔客窗二筆杭州觀橋汪某乾隆
末挈眷進香普陀汪故富家汪妻首飾金珠舟子忽
萌盜心突進艙中厲聲曰首飾衣服尙汝有耶汪文
弱僕亦非健大驚失色願歸長物乞命舟子九人氣
益戾將加刃焉忽有飛箭南來九人殲焉帆順風自
颺瞬息抵普陀稽首慈雲見紫竹數竿插階下數之
其數適九越日乃與戚好另棹回杭皈依益力錢塘
徐怡香與汪善爲余言杭郡詩三輯林則茂字半樵

仁利諸生樸質清真不尙才藻究心鍼學銅人正背
明堂側伏靡不精研經絡穴道指虛發利濟鄉里
羣推長者道光己丑受知李侍郎入仁和學沒於光
緒戊子臘月泮水重游祇慳一歲所居觀橋所業輕
錫豈承之南渡市肆耶因半樵翁披拾羣書備著於
錄

西牌樓

長壽橋街有石坊二一日三世司馬一日經略華夷
皆爲兵部侍郎宋應昌立宋公里第當在其閒華夷
經畧坊界其西故稱西牌樓公字思文號桐岡方面

北隅續錄卷下

三

紫髯目閃閃如電嘉靖甲子舉於鄉乙丑成進士知
絳州陞刑部員外郎改戶科給事中轉刑禮二科左
右給事出爲濟南守歷山西副使河南左參政山東
按察使江西福建左右布政使晉都察院副都御史
巡撫山東陞大理卿工部左侍郎萬曆二十年倭以
六十六島之眾破朝鮮聲言內犯京師戒嚴九月二
十六日詔拜應昌兵部右侍郎經畧薊遼山東保定
等處軍務時經畧創設提督大將軍李如松羈寧夏
未至兵食皆未備詔書督促應昌不兩月部署出關
會兵部尙書石星方議西討遣游擊沈惟敬往平壤

宣諭倭退兵時冬寒倭許退以老我師惟敬報命謁
應昌應昌曰我奉命討敵知有血戰耳即誓眾踏冰
渡江惟敬執款議如初應昌繫之軍中議討益急春
正月兵薄平壤行長築飛樓鑿牆穴守牡丹峰相倚
角應昌門其三門外布蒺藜火器齊發毒煙蔽空軍
士攀附而上諸門盡破行長遁回王京行長之遁也
大將軍輕其屢敗走探地形驟遇重圍大將軍殊死
戰援兵復至倭始退是時王京聚倭號三十餘萬且
當八道之中倭不退朝鮮不可復也應昌知王京城
南有龍山倉朝鮮兵食所積以資倭倭必不退夜令

北隅續錄卷下

壬

死士以明火箭燒之十三座俱盡倭棄王京而去遣
兵追擊至南原又追及晉州倭乃遁還熊川西生浦
是役也索回王子陪臣宮眷百餘人斬首二千三十
級克復平壤開城王京還故地二千五百餘里戰勝
之後撫卹傷殘招歸脅從仍分前兵屯守太丘南原
慶州等處移檄國王潛塹挑濠築關置墩善後之宜
甚備卽宿將不能易也卒以仇嫉交攻幾遭不測特
著經畧復國要編十四卷附一卷以紀之首列沿海
四鎮朝鮮圖說朝鮮乞援疏部垣臺諫條議疏畧應
昌疏奏文移檄牘函札排次彙載以傳於世東事平

歸家十年而卒年七十有二子守一守敬守心同里
黃汝亨爲行狀太倉王錫爵撰神道碑

重修天后宮記

國朝雍正十一年禮臣議建各省城天后祠宇春秋
致祭

詔允所請我浙省之祠則制府李敏達公衛先於二
年毀武林門內天主堂所改建者也棟宇翬飛金碧
藻耀疆吏率文武官朔望奉香帛春秋陳俎豆禮至
重也顧距祠一里而近地名孩兒巷別有天后宮殿
庭樸古未及武林門之宏麗而庭前雙柏蒼若羽葆

北隅續錄卷下

辛

旁一銀杏大數圍皆百餘年物獨宮無碑碣無由知
其緣起余先世附漕艘自江淮達潞河以南北食貨
相貿遷先君子旣移家麒麟街與里閭中同業若龐
氏黃氏高氏孫氏金氏歲約歸日就宮報賽神誕具
牲醴爲壽且冥市塵獲賃資以贍守宮道流余兄弟
兒時往往瞻拜其中道光丁酉歲龐氏婿高編修人
鑑奉

命副林殿撰鴻年 敕封琉球國王道經浙水林本
神族高爲里人伸禱獲佑眾益趨之泊咸豐庚申春
杭城猝陷於粵賊不旬日而克宮固無恙是冬西國

受撫約明年來索天主堂故基時兵事孔棘撫部王壯愍有齡仰承 朝廷懷柔之意遂從其請壯愍聞產也重慮神失所棲因擇三茅觀舊址爲宮土木丹青備極物力凡碑楔鐘鼓几筵之屬一一移置用大木巨纜輻轉像設撼搖通衢觀者驚歎及工成而杭城再陷越二年同治甲子春城再復余自滬還亟趨孩兒巷宮幸仍無恙復訪三茅觀所改新宮摧殘殆盡僅一封號碑裂臥草閒旣昇歸于宮又從銅局得故鐘置簾以懸乃白護撫院湘鄉蔣公發官緡一千五百千重爲葺治不足者同人捐集焉并新後之二

北隅續錄卷下

三

帝殿呂祖閣且益屋三楹移秋鴻館舊額顏之爲游憩之所蔣公遂檄有司就其處月奉香歲奉祀以復故事至是宮地較前稍拓典禮亦視前加美矣寒舍藏書歷劫灰燼兵後搜補加意圖經暇日閱田汝成西湖游覽志稱天妃宮在孩兒巷北以祀水神洪武初建於是知是宮創建之始後得吳農祥梧園集有募修孩兒巷天妃宮疏則謂宮元時建康熙二十三年江都汪檢討楫偶感異夢如接神居覺奉

明詔 令封中山行次於浙偶登此宮追悟夢游愈徵靈蹟又云時惟九月律轉三秋不意鬱攸實遭蕩

蕪顯號既加於今日隆章宜別於往年又知是宮嘗燬於康熙中復檢汪檢討使琉球錄載康熙二十年九月十四日夢與同官喬萊登山有碧霞元君廟疑爲泰山神下拜神衣飾如妃后次年三月與中書林麟焜同充 冊封琉球國使蓋林字石萊喬字石林乃知預定獨疑於泰山神無涉行次杭州偶於孩兒巷得天妃經一函詳書歷代封號始知崇禎十三年加封碧霞元君示夢者卽天后也證以吳徵君募疏之文靈應益顯蓋吳徵君舊居宮之南而汪吳又同應康熙朝博學鴻儒之徵故紀載符合如此余惟古

北隅續錄卷下

三

今治亂遞更其不隨世異者惟祠廟耳今此宮歷五百年疊遭興廢而神迹不湮先後奉使中山越百五十年皆林氏子姓又皆同拜祠下妙應洋洋不可思議竊意今日漕挽久停向之附糧艘爲業者生計悉絕如與先世同業之金龐劫後皆不可問其中一二稍能自立亦改依海運爲生一若前此歸時酬神祝誕之盛不可復覩者然運際上元海內方延頸以觀中興之治於以復漕政於以慎海防安知隨漕爲業之民不仗神佑而復興又安知已廢之故址不更以神之靈爽式憑卒還我舊觀哉余特慨廢興之迹與

是宮原委牽連書之以補碑碣之闕云同治戊辰季春先兄竹舟撰書越二十有四年前殿忽圯議改建之事竣長沙張太守濬萬又爲記曰 聖清茂膺景命懷柔百神其于海維護國庇民妙靈昭應宏仁普濟福佑羣生誠感咸孚顯神贊順垂慈篤祐安瀾利運澤覃海宇天后之祀煌煌典禮至鉅至崇祠廟徧天下統以祠部主以疆臣罔不祇肅而海客船商之眾亦各集貲別爲營建以時禱祀報賽其中杭州天后宮有三一在武林門雍正朝李敏達衛撫浙時毀天主堂所改建也一在三茅觀咸豐朝王壯愨有齡

北隅續錄卷下

三

撫浙時所移建也一在孩兒巷肇自前明逮及國朝則附漕艘以南北食貨營運爲業者如丁氏龐氏黃氏高氏孫氏金氏眾力之所繕完葺修也方是時財用富饒家給人足懋遷之利三倍歲時伏臘牲醪苾芬之薦笙歌和平之聽時稱極盛自海禁大開輪舶飛駛南北食貨之商生計稍稍貶矣咸豐庚辛之歲杭州再陷于粵賊迨大難削平故宮基構僅有存者補苴粗具有司春秋祀事於此乎舉蓋至是而天后宮凡三易其在武林門者以西款成索還舊址而遷也其在三茅觀者以兵燹之後廢爲榛莽也鋪筵

設几以依神其在斯乎光緒壬辰夏月前殿忽圯赤日當午砰然一聲榱崩棟折獨像設扁額之屬一木持之完全如舊異矣哉非靈爽之所憑哉巡撫長白崧公駁議重修之發糧庫官繕若干屬士紳丁君丙董其役先是舊宇凡二重前奉天后後一重祀文武帝而于神父母兄姊追崇之禮缺焉丁君於是卽其右偏闢地樹榱移祀文武帝卽其故址前爲拜獻受福之堂爲中殿以奉聖像爲後殿以奉積慶公積慶公夫人以靈應仙官慈惠夫人附左右蓋規模大備禮制斯協矣傳曰神聰明正直而壹者也依人而行

北隅續錄卷下

三

神靈之在天夫豈一廟一祭報爲增損然而時事之推遷物力之息耗於此可見其建置更易之始末亦宜有述以詒來者又爲迎神送神之曲歌以祀神其祠曰神之來兮風馬兮雲車鐘鼓將兮靈巫趨彈神絃兮吳歛採茗於山兮採蓴于湖豈芳潔兮清腴鑒忠信兮區區福我壽我兮百順俱神之往兮排馮夷兮擁天吳望故宮兮唏噓悵時事兮艱虞蛟鱷登陸兮化爲豺獍民生兮載胥奮風霆兮驅除後我后兮其蘇其蘇

湯萬英

湯明俊字萬英號次公先世海鹽人係出信國公和後永樂開貞白處士遷杭州六傳而為慎所君官鴻臚寺丞萬英父也萬英未冠補錢塘學生試輒高等講求經世之畧象緯輿圖邊衛海防河漕屯田鹽法以至卜筮算數之術靡不究心志欲建功名靖寇盜而自顧不得用恆鬱鬱有所思甲申北都陷椎膺長號累日不休夜兀坐人間故亦不答也崑山顧公咸建令錢塘雅善君顧公殉節懸首鎮海樓君時已病不能行肩輿至樓下僕夾掖不能成拜乃舉聲一慟血如泉湧及歸遂不食手畫五倫二字而歿年四十

北隅續錄卷下

差

有四實乙酉七月也著有易說二十卷盜都魏禧同里孫治表志其墓同里毛先舒陸容並為傳子顯宗可宗並諸生有文行顯宗年三十餘邁疾自知死期為之歌曰名不可逃矣亦不可求多病喪身何怨尤已矣哉山之顛水之涯秋風蕭蕭兮送余歸歌畢而逝所居在梅東里

湯少宰

梅東高橋有湯少宰舊第少宰諱右曾字西崖先世自海鹽遷仁和祖諱之奇瑞州太守父諱頤和發聲庠序公生有至性四歲時瑞州疾篤夢中驚呼或攫

阿某去即應聲曰某在此自是不離寢榻少孤隱自傷既冠游京師丁卯舉京兆試戊辰成進士入翰林庚辰改刑科給事中條議甚眾而豫荒政釐儲積緩燬鑄糾督撫監司養姦蠹民其語尤著薦紳聞丙子主貴州鄉試丙戌禮闈同考皆廉公號得人及視學中州杜苞直請託絲粟不取之官中勸學勵教請增學額歷光祿太常卿遷通政使授翰林院掌院學士兼禮部右侍郎尋遷吏部右侍郎兼掌院事院中撰擬祭告記序之文多出其手或經改削奏必稱善康熙五十二年謝

北隅續錄卷下

美

恩熱河滿掌院揆敘適侍班

上垂問湯右曾工於詩有刻成者可令進呈揆奏刻者未之見右曾昨在臣寓有所作文光果詩

上命取閱特為賜和中有叢香密葉待詩公之句

舉朝傳誦屬和遂稱為詩公今以

御製和詩刻冠懷清堂集之首

御賜更有扶質堂匾額及風恬威自樂雨灑易為秋

須念文章經國事無忘夙夜盡忠心清華宜懋瓊林

望敬慎無談溫樹名對聯 奎藻雲輝清門風古至

今猶得想象焉

項秋子

項墉字金門號秋子錢塘貢生候銓郡司馬爲吳西林處士穎芳入室弟子屢躋鄉舉益孳史籍爲有用之學乾隆庚子

南巡獻賦行在後與修西湖志廣交游重然諾與人辨論事理得失意氣空涌不稍唯阿一時名公俊流咸通縞紵所居在西牌樓梧園之左有亭館池臺之勝中爲抱膝吟居許駕部宗彥爲之記文載鑑止水齋集吳穀人祭酒有抱膝吟居觀芙蓉詩春及草堂則名其詩集也胡書農學士有春及草堂看牡丹

北隅續錄卷下

毛

詩李西齋梅邊笛譜有集秋子處逸堂看牡丹揚州慢詞時鄉先輩如杭厲丁汪諸公漸就彫謝金門繼起其閒主持壇坫風亭月榭命酒歌詩如是者幾三十年亦吾郡風雅所繫也

西關帝廟

西關帝廟在孩兒巷西光緒戊子余家重修丙撰記曰武帝廟食徧天下其在杭州蓋亦星棋羅列矣而孩兒巷之西廟何以誌夫天下者郡縣之所積也郡縣者里巷之所推也一巷一里雖小小建其規模而神之道無在無不在非專其大而遺其小是故前世

肇端從其質後人述事垂其文孩兒巷宋志稱保和坊東西舊有兩廟皆無碑記莫知其始考吳徵君農

祥之梧園集其募疏有曰南宋以前天下祠朱虛侯南宋以後天下祠漢壽亭侯然則廟之建也尙在宋世未稱孩兒巷時乎又曰辛亥夏五月亢旱鄰不戒於火西祠焚焉先未焚時里有夢帝金戈鐵馬若將戒嚴敢行者未幾而火作辛亥康熙之十三年也抑前明時嘗設兵屯於此廟成於軍衛之士平二者皆未可知而要其降夢示災昔之著靈異者如此自徵君募建以來迄今二百餘年矣先君子舊居麒麟街

北隅續錄卷下

毛

歲首必率余兄弟謁廟先妣姚太恭人嘗繡袍以奉神後雖遷居奉之不廢而先兄申以童試祈籤有前三三與後三三之句及咸豐辛亥科入試其詩題則前山後山雨浪浪也而遂以是歲入庠十一年辛酉粵賊再陷杭城而火之覽其舊址先考妣奉香上袍猶前日事也忽焉而遭罹巨劫巷居隨廟爲灰燼者不可勝數而余家幸無恙意有默默佑之者否歟而要其降籤示兆今之著靈異者如此光緒甲申先兄起而營之先垣墉次殿宇次神龕遂及聯額俱備方思以文紀事而未及爲以沒也夫帝之功德盛矣其

著靈異亦久矣自康熙以來凡有草竊不軌者莫不顯威靈以蕩滌迄於粵賊之平未嘗不稱神助蓋帝之秉正嫉邪雖千古不磨之義而我朝明德惟馨默動於昔之忠義此其相為感召天也非淺見之所知也且有天下者崇其典治其郡縣者報其嘉大矣靡當於紀矣故紀其靈之小著者而以為一卷一里莫非神之降監云越四年戊子夏五月謹撰文立石

廣福營

嘉靖仁和志作寡婦營巷康熙志稱祥符橋南路為寡婦營巷舊傳元時軍士陣亡者其妻安插於此故

北隅續錄卷下

完

名而劉辰國初事蹟太祖謂李善長曰出征陣亡及病故軍妻俱令於寡婦營居住不許出營令人巡緝反把門在外男子無故入營問罪殆後之居是巷者嫌其名不吉祥故轉音為廣福墩

謝卜堂

沈氏映鈴退齋雜錄余官巷本衛地前明余姓武職居此故名余應珠副貢字文竹其後裔也今尚居巷中又有謝卜堂明經家故為寶堂孝廉家樹弟毅堂孝廉家禾兄一門自相師友出其緒餘教授鄉里受其學者皆得氣以去戴文節其尤著也生平酷嗜好

書名畫吉金古泉節縮衣食購聚五十年蔚成冊網巨觀其室人竊笑之交謫之甚將裂其卷軸輒宛轉避之往往宵深人靜獨燒銀燭高揭玉叉賞契煙墨摩挲鼎彝以領其趣又嘗集楊補之馬欽山馬麟玉元章王朋梅柯敬仲文休承陳道復陸平叔陳眉公十家畫梅文與可蘇文忠吳仲圭顧定之倪元鎮夏仲昭王孟端沈石田文衡山魯得之十家畫竹長繖短幅置諸牀頭如擁佳麗其他珍祕數十百種不能盡述年逾七十與不稍減咸豐庚申之劫賊未入門至秋而逝著有水明樓稿

北隅續錄卷下

早

吳蘋香

仁和吳蘋香女士藻幼而好學長則肆力於詞居恆庀家事外手執一卷興至輒吟緝商綴羽不失分寸嘗寫飲酒讀騷圖自制樂府名曰喬影一時好事者被之管絃傳唱殆徧大江南北幾如有井水處必歌柳七詞矣先有花簾詞頤道陳文述翠浮魏謙升秋船趙慶熺序之首為浪淘沙云蓮漏正迢迢涼館鏡挑畫屏秋冷一枝簫真箇曲終人不見月轉花梢何處暮鐘敲黯黯魂銷斷腸詩句可憐宵莫向枕邊尋舊夢夢也無聊南鄉子云吹到鯉魚風涼殺秋花一

朵紅怪得黃昏寒又力濛濛人在疏簾細雨中香篆
裊房櫳倦倚薰篝鬢影鬆多事青鐙挑不盡重重偏
向釵頭綴玉蟲次爲香南雪北詞自序云丁酉移家
南湖古城野水地多梅花取梵夾語顏其室曰香南
雪北廬樊榭老人昔嘗卜宅於此文采風流今尙存
不獨王孫桂隱遺迹未湮也十年來憂患餘生人事
有不可言者引商刻羽吟事遂廢此後恐不更作因
檢叢殘賸稿恕而存焉卽以居室之名名之自今以
往掃除文字潛心奉道香山南雪山北皈依淨土幾
生修得到梅花乎中有沁園春噫云忽注橫波漸透

北隅續錄卷下

聖

華池靈犀暗通似香參禪味雨花飛白眞傳仙笈日
影移紅呼吸難調曹騰欲醉幾點荷珠瀉碧筒嬌喉
錯把九天咳唾粉碎虛空無端愁上眉峰算寂寞何
人念玉容縱未輕一笑也能噴飯自從多病更怕傷
風兇並鴉孃占同蟾子慎莫偷窺隔綺櫳誰曾見只
誤疑清映聲出瑤宮息云鼻觀香通息息停勻如蘭
氣和問秋千扶下喘絲定否房櫳病起脈候如何細
晝長蛾近窺明鏡似月籠雲不待呵茶温未鎮擊甌
無語乳面生波樽前已覺顏酡偏酒力難勝笑語多
比深宮晝漏六時頻驗華胥仙夢一曲能歌半晌誰

調幾回欲屏花底迷藏慣避他黃昏後聽聲聲只在
斗帳紅羅余亡內翠螺閣詩詞編成乞女士題辭時
已耽禪擱筆僅跋數語云自來韻語之作所以發抒
性情不僅才人有集抑亦吾輩所不廢或專事女紅
不暇旁及耳吾抗爲人才之藪閨秀代興日下工詩
詞者皆各梓一編若芷沅凌夫人則其尤者也所著
翠螺閣詩數卷清詞麗語讀之意銷其閒懷古諸作
沈鬱頓挫雖須眉何多讓焉所存詞不甚多深得南
宋遺響惜乎天靳其壽早年物化爲可悲矣其婿丁
松生茂才哀遺集旣成來索題詞予且衰邁何能更
爲韻語爰書數言歸之芷沅有知當勿笑予之疏懶
也

北隅續錄卷下

聖

南湖花隱樓

南湖徐氏水樓在慧雲寺側厲樊榭故居後爲名流
觴詠之地倪米樓顏額宋芝山寫圖一時題詠最多
不及二十年而湖山詞客十九彫謝況樓中人耶圖
爲振綺汪氏得而徵題摘錄於後倪稻孫米樓齊天
樂鏡鸞何事羞孤影湖雲動搖涼淺傍柳門閒穿花
徑窄遙指紅樓前面開尊向晚得幾輩朋遊幾番歡
讌爲惜幽居夜分看到月眉偃張家寺鐙未斷湖詞

人蹤蹟仙隱同散草沒虛廊星回窈閣卻補玉梅庭
院桑田自換且吟入新圖豔情誰見輸與徐孺畫簾
垂更卷李堂西齋云一株楊柳門前徑吟身卻如歸
燕彫檻回環疏簾掩映可是當年人面登樓乍見早
憔悴芙蓉鏡匣空展冷入西風不應閒了好池館誰
知花隱舊築訪煙波觀裏詞客先遠堞隱秋山橋通
古水聊付蕭疏畫卷他時細翫傍紅燭清尊定添悽
惋幾杵霜鐘怕驚鴟夢斷項廷紀蓮生云碧雲低蘸
紅樓影如今倚樓人遠賣酒墟空題詩壁壞零落粉
奩香婉綠深夢淺恨彈指西風候蛩悽斷莫問南湖

北隅續錄卷下

聖

一袈娑地更誰管當時何限俊侶算填詞李十能迴
權謙巷口斜陽灣頭賸水記與徐孺初見重開畫卷
認幾曲疏簾那回曾捲柳已無多曉雅嘯到晚湯胎
汾雨生云南湖舊侶今何在披圖令人腸斷燕幕香
殘蓮塘日冷寂寞秋孺庭院流年暗換悵宋玉多愁
吟魂難返一樣飄零翠樓落葉送秋雁揚州無限舊
雨予晤芝山始於揚州竟紛紛跨鶴飛去霄漢小小真真朝朝
暮暮誰問蓉城近遠浮雲易散趁風月當前酒尊須
滿莫恨蓬山有時遊汗漫吳振棫仲雲云清清冷冷
備擗眼斜陽半樓紅處記說年時香甜酒嫩儘有銷

魂詞句鶯嘯甚苦似怨著湖波送將春去春便重來
亂花愁踏寺傍路調鉛誰寫尺素有風流老輩多少
情緒展卷而今絲絲瘦墨算把春痕留住晴絲漫舞
問翠淺紅深更誰吟付與年年杏宿鳩咒雨魏謙
升滋伯云披圖不少鴻泥感依然箇人庭院翠墨題
襟紅窗命酒轉瞬詞流星散疏簾自捲只樓角明蟾
夜來曾見一桁遙山城頭無數髻螺滿而今怕尋舊
蹟但茫茫綠野分付誰管梅嶼棲禽茭田吠蛤摧得
妝臺夢斷招提近岸儘懺向空王粥魚茶版有客愁
深怪池潭水淺景謙福泉云怱怱夢影尋無蹟依稀

北隅續錄卷下

聖

幾枝衰柳巷尾侵蕪城根繞淥淥倚暮寒羅袖簾前
垂手聽恰恰嘯鶯輾如波溜小筆留香傳觀休視解
裳友名題華隱堪怪怪花枝有意離了塵垢舞燕慵
翻雙鴛懶浴化作冷鷗相就鏡殘短漏賸醉墨遺練
任人爭購爲問延君此情還記否謂戴金溪錢師曾蕙窗
云白蘋門巷來時路簾波近秋涼捲淪茗甌香簪花
鏡小消盡吟芬執扇流光暗轉問樓上妝臺影空塵
縵一樹垂楊舊鳥嘯到綠窗換名流歡飲未散記尊
前落日紅豆清婉幾片閒雲連翻豔雪颺得天涯春
遠迢迢翠館算鸚鵡還山十郎猶見野水殘陽忍將

圖書展葛慶曾秋生云鏡臺不鎖葳蕤夢於今畫中
人杳黃土埋香青山荷鍾一例古今憑弔吟魂縹渺
賸樓外垂楊冷煙殘照獨倚無慘春風吹盡鬢絲老
苔痕三徑未埽憶南湖識賞幾度曾到竹下敲詩梅
邊撇笛裙屐風流多少鴻泥換了笑我亦移家筆牀
茶竈回首前塵甚時重去好汪遠孫小米云夕陽紅
到垂楊處依稀一重簾影鏡檻香銷酒壚塵網換了
西風門徑花晨月暝只水面輕漣舊遊能省見說年
時納涼池畔綠荷靜閒愁都付畫苑賸蕭疏幾筆鴻
爪尋更古木鴉噉荒階蛩詠做得詩情悽冷聲聲喚

北隅續錄卷下

巽

醒恁紅粉青衫例隨蓬梗說也無慘把酒拌酩酊方
隲雲泉云峭風晴捲湖邊雪閒愁與春俱遠燕子幺
空蘼蕪巷靜零亂翠尊檀版新詞幾卷任花落旂亭
儘教腸斷澹月疏鐘夜深涼醒舊鷗伴蕭疏不多水
木任樓頭客好猶是歡讌柳學纖腰山邀淺黛無限
當年情款晶簾自展只回首萍蹤水流雲散古塔積
陽豔遊誰更管吳藻蘋香云南湖綠淨無今古年年
夕陽紅溼賣酒人家試香池館一樣簾波三尺荒涼
故迹想曲曲闌干玉纖曾拍舊日妝臺杏梁除是燕
相識袈裟初地又改賸橫枝瘦影吹透鄰笛老去秋

嬾後來詞史畫裏依然裙屐垂楊白碧便唬殺春禽
不成春色花月滄桑水樓傳賦筆

周宣靈王廟

梅東高橋有周宣靈王廟里人錢養廉貽清堂集里
中周宣靈王祠與予家比鄰萬厯甲辰以守僧能仁
輩爲土棍構誣余白之邑大夫得雪因索祠顛末得
王遺像及所著碑王蓋生宋季憤元亂銳志恢復抑
鬱以歿其忠誠憤激宜與日月爭光碑載幻蛙事尤
奇每歲三月三日傳王誕辰蛙於是時倏來倏去光
彩時異予所親睹豈望帝之魂千載未泯卽題有像

北隅續錄卷下

巽

讀及讀廟碑律詩皆以睢陽血戰武穆精忠爲比而
萬厯杭府志載於新城縣祠廟中稱爲輔德廟祀宋
里人周雄歿而爲神屢著靈異康熙仁和志所載同
畧而不詳惟海甯州志載明沈友儒周宣靈王廟記
畧侯名雄字仲偉新城涑渚人母汪生信熙三月四
日嘉定辛未爲母疾走黎源祈佑五顯回至三衢而
卒附童言曰五顯靈威需我輔翼生不封侯死當廟
食衢于是立廟新城繼立旱潦禱之輒應疾疫祈之
遂痊初稱四七大尉端平二年德興祁門陰捍常山
土寇饒州表請封翊應將軍嘉熙元年神威揚邊強

敵遠遁兩淮表請加封威助忠翊大將軍淳祐四年改封翊應侯寶祐五年加封助順咸淳七年加封正烈十年加封廣靈舊制神祠封錫自二字至八字止侯兼之蓋渥恩也按沈記封號年代較有據而王爵加封何時仍未知也陸次雲湖壖雜記周宣靈王睦人也以孝子而證神者杭州亦有廟數處有青蛙出其廟中人尊之曰青蛙將軍每春月從睦陵附木筏至杭駕筏者載之不敢驚蛙陟岸宅廟中或入民室民居以盤飾以綵祀以香果導以鼓吹送返廟則得福否則殃亦異矣而所聞金溪之蛙更甚異其蛙入

北隅續錄卷下

罍

民室民之奉之者與杭同有健兒不之信也以匕首剖蛙成兩更投之於沸鑊盈鑊之中蛙無數遂出之復成一蛙遁迹去仍見之於廟內宴如也有衲子爲之說戒蛙亦聽而點首青蛙與常蛙不甚異而貌加端色加碧足非爪也如靈芝聲不可得而聞也不飲不食不飢渴洪昉思曰蛙神若此尊之者殆非無故今蛙移於金華將軍廟中神通遊戲殊不可測

邱氏喬梓著作

四庫總目南湖紀畧稿六卷邱峻撰峻字晴巖仁和人南湖一名白洋池在杭州城北隅宋張俊賜第四

世孫鏊別業據湖之上湖在宅南因名南湖楊萬里陸游諸人皆爲之題詠而鏊亦自名其集遂傳爲古蹟峻少居其地因采輯宋時志乘及說部文集勒成此志按峻乾隆戊寅歲貢有塤畫集珠江集生平最愛仇山村詩其所爲絕句幾於神似子永宇星河乾隆壬午舉人寬中篤厚行不慚影學文於杭莖浦學詩於沈荻林師法克承才名籍甚嘗游大江左右又入閩修入閩通志丙戌禮闈報罷

命大臣選下第舉子有文望者充國子監六堂課士官於午門外嚴試得卷十五名 欽定第一授國子

北隅續錄卷下

罍

監學正其後與修 皇朝太學志發凡起例所纂擬者居多嘗紀先德言行爲邱宗信譜又南湖有雲涇橋述前賢事蹟爲雲涇草堂雜錄其他詩文稿本甚富悉燬於火

永豐社

社神舊傳漢定遠侯班氏超侯未嘗至江浙何以祠或云社爲演劇者賃居久而不遷社屋日壞演劇者鳩賞新之曰吾輩聚班歌舞以資其生神其班姓者乎遂奉定遠侯主之齊東野語聊記所聞其地有常氏者以右科起家仕於杭爲衛守備饒於財甲第連

雲雄視鄉里子姓名朝字殿颺遂入籍充仁和學生家漸中落詩才極雋如西湖柳枝詞云西湖何處占春多幾度孤山翠輦過曾染御香袍上色年年金縷按笙歌風致絕佳也賦命蹇塞不婚不宦出游嶺南歿於萬太守雲潮州官署太守爲之殮葬潮陽立案於縣丞奠羈魂亦可稱風義克敦歟

吳東昇

兩浙名賢錄吳東昇杭州前衛百戶善楷書杭城十門并各公署皆其書額淨慈寺壁書南屏二大字結構尤佳今惟吳山寶成寺後感花巖巖寒松柏四大

北隅續錄卷下

吳

字猶存七修類稿云東昇杭前衛人百夫長也頗善辭翰年八十臨終作詩曰囑付兒孫送我終衣衾棺槨莫豐隆停喪止可經旬外出殯須行徑路中念我行藏無大過請僧超度有何功掘坑埋了平生願休信山家吉與凶武弁有此可謂難得矣

破倉橋

破倉橋咸淳臨安志云小河百萬倉橋在淳祐倉前無碑記可按吹劍錄外集云淳祐九年臨安府造百萬倉一應客版盡拘定監抽解場劉坦道詰吏曰客版每百片將作監臨安府轉運府三處共抽解二十

四片僅餘七十六片若又盡拘買是殺其一家也此必非上意吏遂束手

天華寺天甯寺

天華寺在長壽庵之側寺地廣大竹木蕭然左有小池水頗清冽劫後僧伽散去碑碣湮滅考乾隆杭府志天華妙德禪寺在西城以妙總庵華嚴院得一道院基址開建今妙總華嚴已不可考而成化府志云得一道院至正十八年建是得一歸併天華當在明季按錢江釋顯承參學知津載杭州武林門五里天華寺三里天長寺寺爲行腳所投止固當日一大招

北隅續錄卷下

辛

提也訪之鄰院云昔有于成禪師傳玉琳國師遺法於此放戒乾隆間僧了雲紹其宗風廣招瓶鉢千指會食稱化城焉迨咸豐間天甯寺僧雲修就近駐錫埽殘葺廢思振白業而紅羊劫至矣林桂山一枝嘗有詩曰廢刹傍城闌天華證昔因僧無潭底影佛亦劫餘身叢竹依然翠貞碑久化塵茫茫古綠在風忽動青巾不一里又有天甯寺草營衛志乘失載山門石額題爲嘉慶乙丑重修肇造當在國初也前爲彌勒殿中奉釋迦佛後爲定慧堂旁翼小軒備極幽潔竹柏枇杷皆劫前物堂額乃高茶菴望曾書對之

動感相傳寺舊與戒壇天華同派分流雲修上人薰
修其中湖郡慎美卿太史善書法嘗來借榻雲修尤
相結契云

山兒巷

山兒巷不載志乘當因宋吳王府堆山疊石之址得
名盧代山岱抱經學士之族曾居巷中家藏葡萄藤
小几舊爲洪昉思所拍曲指痕猶隱隱見焉昉思拍
曲園毛西河高江村諸巨手俱有題詠梁山舟學士
跋其後吳穀人祭酒錫麒舊亦居此嘗簡舒古廉紹
言云君居我巷東望見我家樹三日春雨深相思落

北隅續錄卷下

五

花暮蓋古廉居西牌樓也古廉仁和學生一字懋中
與黃書崖姚春漪項蓮峰吳箬村吳穀人同賦新年
雜詠其詠門神云有丞兼有尉改換舊時身及第春
風早充間繡紱新功名歸片紙門戶傍誰人空作巉
巖面驚他入室賓後游京師無所遇連蹇以及詩稿
零落

吳興井

萬厯府志山子巷又名白澤廟巷今皆稱山枝巷中
有古井石闌鑿吳興井三大字欄唇刻淳熙四年修
五字李西齋堂梅邊笛譜調臺城路云半泓曠水斜

陽裏依稀故家園圍闕茗銷寒浮瓜道暑影怯沈沈
鴛鴦涼殿翠袖想玉虎牽絲力微纖手一葉西風翠
梧搖落早秋候人閒夢黃梁易醒辨淳熙歲月苔蘚
如繡露溼銀牀煙荒石檻往夕流螢來否滄桑閱久
漸埋沒寒叢綠蔬盈畝抱甕朝朝白頭來野麥郡文
學吳冠雲興居斯巷著古城陰草堂詩集中有題斯
井云偶從古巷汲清泉活火烹生竹徑煙族望是誰
標井里姓名許我共流傳味添甘冽西湖外款識開
鐫南宋前不比爭墩留笑柄參寥六一證坡仙丹書
深刻認分明也似慈恩塔下名豈與靈源通一脈卻
憑修綆話三生據爲已有終非分聽到人呼暗自驚
但許癭瓢時惠餉淡交從此日尋盟

北隅續錄卷下

五

北隅續錄卷下終

北郭詩帳

高鵬年署檢

正修堂丁氏開雕

序

通都大邑必有魁人碩士乘方輿之運以清辭鉅筆紀數百年之掌故使四海如一室千載如一時然後見詩之爲用非末技也嗚呼有志於此者疲神於載籍之中焦思於委巷之閒其勞蓋亦甚矣夫其所以爲此者抑豈徒爲歌詠而已哉亦將備他日志乘之採不使湮沒無聞而惜乎得此者鮮也若今松存丁公之北郭詩帳其得此者歟公姿性過人才高學博識見卓且遠故其爲詩下筆立就不見有艱難意北郭爲杭之一隅人文之蔚起科第之聯縣代不勝書

北郭詩帳王序

一

公少娶於北郭凌氏德配凌宜人素工詠哦著翠螺閣詩稿畫眉餘閒時相倡和多寫景詠物之作惜乎琴亡境過中更兵燹北郭爲戎馬之場前稿亦毀有難以尋鴻泥之印者 國家中興大吏知公才以杭城振撫善後事昇公公有高尙之志而具兼善之量不敢固讓出而應命爲善於鄉者三十餘年若興社學以端士習濬野河以衛農田設富義倉以裕民食建拱辰橋以便行旅卽北郭之受公惠者亦非一端其他可知公又不僅以詩名也雅好掌故之學曾刊魏氏書青湖墅雜詩收之掌故叢編暇復搜羅載籍

余兄弟並娶於珠潭凌氏湖墅實壻鄉也嘗讀王侍講夾城八景詞及厲徵君北郭紀游詩心竊盪之謂湖墅地雖一隅而舳艫千里煙火萬家豈無模範表章以紀掌故者叩之翠浮閣主則云魏氏書青曾著湖墅志四卷未梓已燬其僅存者雜詩百首耳顧印本亦未之見也駒隙易馳鶴警忽迫庚辛兩劫浙河塵昏湖墅戎馬出沒蹂躪慘烈更不待言甲子運轉鎮市鏡清王子松谿思輯舊聞勞於吏役初未成書高子海垞新編小志詳近略遠引證無多餘年來衰病日侵舊游如夢偶一追憶覺卅年情景恍在目前

北郭詩帳自序

一

因就魏詩之外旁稽羣籍信口成吟卽閒與魏詩複出要皆別有補綴未敢分津拾慧取盈篇什惟湖墅自宋迄明終鮮定名統之曰北郭較近古初詩類簿錄殊乏風雅特假坡公詩帳之稱聊續漫交鄉謠之舊云光緒戊戌冬月東里丁丙松存氏自序

北郭詩帳卷上

錢塘丁丙

穹碑 萬壽祝無疆茵草無塵舞蹈揚迎送 御舟
齊跪道荆街如砥枕河傍

萬壽盛典初集康熙五十二年三月十八日 萬

壽覃恩以天下地丁錢糧已經輪免一周其京城

及各省房地租稅五十三年額征併歷年逋欠亦

予豁免護理浙江巡撫布政使臣徐權謹為 聖

主愛養彌宏臣民受恩無既籲懇代 題恭謝

天恩事據杭處等十一府屬紳衿徐潮等合詞呈

北郭詩帳卷上

一

稱為 聖澤同天 皇仁廣被特請代 題恭謝

天恩事又據合屬耆民王國瑞等呈為 聖恩

浩蕩如天萬姓歡呼動地謹抒下情籲請代 題

恭謝 天恩事又據杭州前右紹甯台温處等八

衛嘉湖衛嚴海五所呈請據各衛所屯運伍老兵

丁趙恩潘美等呈稱惟我 皇上特旨念切軍民

將五十年額賦 敕賜全蠲歷年舊欠又復免徵

備瀝下情頂謝伏乞據情轉詳 題達等情到臣

據此該臣看得浙省康熙四十八年錢糧曾蒙蠲

免今又蠲免五十年錢糧三載之中兩載被澤康

熙四十五六七年舊欠分年帶征今又免徵歷年

舊欠一歲之內數歲霑恩有司省催科必勞心於

撫字萬姓皆温飽甯致慮乎飢寒是以十一府之

紳衿士民八衛五所之運丁屯伍莫不歡聲震天

咸仰 一人有慶頓首動地共祝 萬壽無疆茲

據布政使徐權掌印都司繆肇祺詳請代謝 天

恩前來臣謹會同署福浙總督事務福州將軍臣

祖良璧合詞具 題伏乞 皇上睿鑒施行 王

麟書湖墅舊聞 萬壽無疆碑在荆街旃壇寺前

左右有小字二行云康熙五十二年三月十八日

北郭詩帳卷上

二

浙江紳士耆民商賈兵丁公立凡二十三字相傳

仁廟六旬萬壽徐文穆公率紳民兵丁於此建

亭恭祝其地寬廣平坦嗣後 純廟南巡杭之士

民均於此跪道迎送焉 洪瞻祖清遠山人稿荆

街行武林周道夷如掌肩摩轂擊紛來往透迤十

里舊康莊裘馬翩翩珂珮響

詔停關稅杜侵欺商賈船頭樂且嬉橋柵津亭重位

置黃旗高揭奉抽釐

凌璋森梓里叢談湖墅北新關征稅煩苛關行巡

役等向來視為利藪藉端需索肆意誅求商民視

爲畏途同治三年十二月左文襄巡撫吾浙奏請
暫停奉 上諭左宗棠奏請將北新關暫緩開設
按月由釐捐酌撥以抵關稅一摺據稱浙省迭遭
兵燹彫敝不堪市肆蕭條小民未能復業卽設法
招歸瘡痍猶難遽復若再竭澤而漁不但百貨騰
貴商賈餬口無資卽此子遺之民生計益形窮促
北新關試辦已逾三月徵數寥寥實因關胥巡役
等向來視爲利藪一經設關故態復萌藉端刁索
以致商民視爲畏途裹足不前請將關稅暫停以
順輿情等語所奏切中地方利弊浙省蹂躪已深

北郭詩帳卷上

三

正宜休養生息以培元氣若任令關胥巡役人等
擅作威福肆意誅求於國課毫無裨益而閭閻苦
累甚深殊非體恤商賈之道著恆延將北新關暫
緩開設關口各稅一概暫停抽收毋得任聽關書
等恣惠別生枝節並著照左宗棠所擬於浙江各
屬釐捐項下按月劃撥錢一萬串解交織造爲採
辦一切工料之需另撥銀一千兩津貼織造司庫
庫司等辦公及該衙門書吏匠役紙張飯食各項
用費餘著照所議辦理俟軍需一律告竣釐捐停
止再行循照舊章辦理該部知道欽此 詔旨既

下遠近歡聲雷動焉

仁和積歲患區荒地瘠錢塘數四鄉兩路輸糧無耗
折斗升直達便民倉

浙江通志仁和縣便民倉在墅河舊馬頭錢塘倉
在調露鄉北新橋南河西水次

劉孟安嘗鎮北關謀危吳越犯王顏若非成及胡牀
制腰鼓城霑戰血殷

錢儼吳越備史節度使檢校太尉兼侍中成及字
宏濟錢塘人也祖克評嘉王府長史父貞國子博
士及性淳厚爲鄉里所重咸通中捍山中賊逐齊

北郭詩帳卷上

四

寇讐名遂振及八都寢盛復分十三都遂以富春
鎮爲靖江都將屬劉漢宏作亂與王同事攻討漢
宏平北關鎮將劉孟安謀亂卽席奮劍將犯王及
舉胡牀制之偏將盛造因執孟安就戮以功奏遷
散騎常侍復爲靖江鎮將

身老詩窮意轉閒影行垂柳望中山臨安只志趙循
道一首新詩出北關

咸淳臨安志趙循道汎舟晚出北關詩舟泛寒塘
靜人歸一葉閒影疏行處柳青遠望中山道在身
從老詩窮意覺閒到家秋斂足有謂掩柴關

隴西信乃汴兒醫耄賜安輪入禁墀八世孫瑤遷北郭槐門裝點李車兒

萬歷錢塘志李信汴人小兒醫也官院判從高宗南渡家臨安高宗危疾詔信入侍因年耄賜安車入禁時號李車兒八世孫瑤明永樂時亦召入禁官御醫 康熙錢塘志李信八世孫瑤明永樂時官御醫始移居北郭植槐於門前雕香嬰衣繡襪坐竹車以爲標致數典忘祖可笑也 處士周公德配陳青莎老屋守清貧彭城遭溺家回祿慈孝天全進士君

北郭詩帳卷上

五

馬三才松里文選居竹周公暨配陳孺人墓誌銘 處士居竹周公者進士詩之父公諱文冕字子中號居竹錢塘人八世祖純居青莎左橋祖祺以齒德賓郡鄉飲生子長春原公霖次東谷公震春原娶吳氏生子三長文鼎福山教諭次文鼎次即公是時坦峰陳公諱衡生女有閨德爲擇配與周公世鄰數奇公因以歸之卽配陳孺人是也東谷公出贅張給諫晟之從妹無子以諸子中公最賢遂後公公幼習舉子業投尙書於母弟鄉進士吳宗武氏及出後東谷乃將學悉棄而代綜家政遺東

谷以逸老焉東谷沒公哭盡哀治喪如禮先是公嘗代東谷挽賦彭城遭漂涇繼罹回祿之變家日落而公又蚤世孺人熒熒復當大故顧謂進士君曰苟殯葬諸儀一不如女父待女祖時人謂我何殫力襄事甚備人以爲難方回祿時嵌入進士君寢所幾剝膚孺人倉卒挾從樓中出墜地以免時墜地者類觸石折股而孺人母子無恙進士君嘗曰吾母蓋二天 宣德徵船正德商圖分四境慎提防六關七務歸鈐轄不外心存公恕堂

北郭詩帳卷上

六

許夢閣北新關志建置志明始設七稅課司局於杭州徵商稅而北新鈔關之立則自宣德四年始成化四年廢尋復設其初止收船料而兼收商稅則始於正德之年按志首有北新關四境圖又鈐轄志六關一東新關一打鐵關一觀音關一板橋關一良畎關一良馬關爲務者七一杭州府中務一江漲務一城北務一城南務一橫塘臨平務一西溪務一安溪奉口務又公署志許天贈曰北關官署建不知何年有堂以發號有廳以寅賓而扁曰忠恕曰存心曰獨知

孔家靈產慕冥鴻北郭舟參杜子恭乞繕上清經錄
語洵宜有子紹仙蹤

陳文述西泠懷古集錢塘北郭懷孔靈產靈產名
默會稽山陰人秦始中罷晉安太守有隱遁之懷
於禹井立館事道精篤東出過錢塘北郭於舟中
遙拜杜子恭墓並從許黃民求楊許眞書令郡吏
王興繕寫見眞誥及雲笈七籤子稚圭卽撰北山
移文諷周彥倫者
識字耕夫客永康忽從兵火夢還鄉甘泉坊近羊角
埂喜與故人話草堂

北郭詩帳卷上

七

羅以智武林經籍志草閣集六卷明錢塘李昱撰
昱字宗表號草閣洪武中官國子助教元季避地
永康東陽閉館於胡氏故集中與胡伯宏兄弟贈
答之什最多按集中有自撰識字耕夫傳又有庚
子春三月夢與梁生建中回故居云春宵苦夢短
合眼在故鄉今宵復何爲歷歷所見詳天風吹我
巾明月照我裳手持綠玉筇衿佩同翱翔路從北
郭門徑指先塋傍五年缺灑掃青草如人長不忍
遽去之徘徊流涕滂迂行羊角埂載出甘泉坊河
西與河東人煙渺相望屋廬間新舊田園半榛荒

故友四五人相逢訴衷腸剪韭烹枯魚款坐陳酒
觴喜極仍自疑兵戈正紛攘人生無羽翮何以逾
津梁嚙指驗所經恐爲覆蕉隍雞鳴聲啾悒悵
身在牀山川限吳越依舊天一方輾轉久不寐鬱
紆祇自傷披衣起待旦聊以成短章

北關入詠目空存詩墨伊誰補闕文翰與友莊庵十
景後先題筆滿煙雲

黃宮臻北關志北關入詠舊有詩今僅存其目戶
部開司芳林卽景化度紺園明景琳館康橋曉市
龍舌清流北新泛鶴南石垂虹 吳灝杭郡詩輯

北郭詩帳卷上

八

柴望題友莊庵十景繞屋梅花梅花愈作花花開
白於玉密密復斜斜無枝不繞屋倚樓臨水空潭
淨無塵與天同一色脈脈倚樓人於茲若有得遠
樹柔藍參差遠樹枝春光見來早筆路舊時衣休
誇顏色好乾溪雨漲尋常無斗水沙石明可數綠
漲何由生多緣昨來雨夏木垂陰古木立四周交
柯密無罅六月敞亭臺翛然不知夏疏雨梧桐碧
樹金井頭高枝攀莫及漫說坐題詩葉葉尚霑溼
三秋丹桂八月叢桂開飄風朝及夕何必白侍郎
人皆識佳客古寺鳴鐘或逐晨風飄或帶夕陽度

一杵響空山白雲籠不住秋深紅葉一夜著嚴霜
紅霞映簾幙矯首望秋空庶幾不寂寞遠山雪霽
雪霽起看山開簾氣凜凜安得飛白手傳此數峰
出

魯時臨安送所親質衣庫見舊時人北關朱子文相
述前乞緣奇得甕銀

咸淳臨安志京師人魯時紹興十一年在臨安送
所親於北關下忘攜錢行解衣質於庫見主人如
舊熟識者思之而未得退訪北關稅官朱子文言
及之蓋數年前所常見丐者也其人本豪民遭亂

北郭詩帳卷上

九

家破與妻行乞於市使三子拾楊梅核椎取其實
以賣少子嘗見一白鼠在聚核下歸語父父戒曰
明日往捕之得而貨於禽戲者必直數百文勿失
也迨且母與偕行至故處果見鼠逐之及湧金門
牆下入穴中而藏母立不去遣子歸取錘斫地深
可三尺望鼠尾猶可見俄得一青石揭去之下有
大囊白金滿中遽奔告其父父至不敢取亟詣府
自列願以半與官而乞庸吏護取府主從其言得
銀凡五千兩持所得即日鬻之買屋以居而用其
錢爲子木遂成富家卽庫中主人也

萬曆春逢丁酉年清明大火慘風煙金家衙起草營
止一旦災沿戶四千

明史五行志萬曆二十五年二月壬午杭州火燒
官民房一千三百餘間 康熙錢塘縣志二月二
十一日清明忽起大風湖墅北關外金家衙口糧
船失火燼北關官廳延燒東西兩岸至牙灣巷江
漲橋混堂巷草營巷南數千家運船十五隻諸生
李中華父子兄弟三人相救焚死 孫之騫二申
野錄二月二十一日清明湖墅大火仁和縣燒二
千九百家錢塘縣燒一千二百家

北郭詩帳卷上

十

孫夫人仰配姚江楊氏難忘父母邦教法三遷臻百
壽豈惟北墅重無雙
孫以榮湖墅詩鈔楊文儷仁和部郎兩峰文餘姚
孫宗伯文恪繼室封夫人文恪初娶韓生鏞銜後
娶夫人生鏞鏞鏞五子皆夫人教之鏞銜鏞鏞俱
成進士列九卿鏞諸生其示鏞有云何待三遷教
傳經有父兄蓋謙詞也鏞會試後錄文呈母夫人
笑曰淡墨書雖第一未免鬻筆似魚非文之絕品
也夫人壽過百齡廣輿志杭州列女載四德渾圓
五福咸備近代稱大家者無以尙焉詩稿附文恪

集

馮羣玉女孝而賢稿結毛人慶二年若祖若姑難奪志山公節傳淚如泉

馮景解春集毛節婦傳節婦者馮氏毛人慶妻景族父羣玉公女也羣玉公負北郭讀書老好奇家貧無餼石儲願性嗜圖書古琴研之屬常奏記幕府諸公皆有所遺晚益困常語吾父生男不若女孝孝且慧女得所吾獲死如甘寢矣吾父素才毛子為之媒遂婚焉越一旦而羣玉公死是時節婦年十九歸毛子相對甚莊後二年毛子天無後一

北郭詩帳卷上

七

女襁褓毛子屬續目不瞑婦大慟曰吾不從而更二者有如日乃瞑其祖入十餘歲貧無業欲嫁節婦婦孝故難於發口而屬婦姪微言其意婦不答毛子之姑陳同居利其嫁乃得財數為甘言誘之婦怒曰是何言不宜入吾耳陳亦怒絕不予飲食冀婦改志婦卒不改自是日給一餐而命行汲於路問曰若能乎婦毅然應曰能未明道無人跡乃提甕之井所舒綆而汲兩手抱甕一再往水澦幫襦自若也祖臥牀頓足曰何苦荷荷陳卒無如何節婦病矣毛子沒後三年康熙乙丑冬十月節

婦竟餓死

田居走訪石坪兄履響鐙移無限情白蕩風晴煙柳蓋醉魂深悔別離輕

龔翔麟田居詩稿舟抵北關訪家兄石坪幾日梅前別風光轉蕙叢兩江春雨隔一艇暗潮通展響柴門下鐙移竹屋中為言宵不寐候我五更終又寄湖墅諸子白蕩晴風柳蓋溪醉魂長在藥欄西而今真悔成輕別閒煞秋園摘橘奚權署留餘有後堂更疏曲沼引流長小亭題額花君子從此荷香接桂香

北郭詩帳卷上

三

北關志關據杭之北去會城十里而遙當三吳上游其地即仁和芳林鄉也附關有橋曰北新故以名關入門為前廳廳左為居室近建以樓樓之北為拱辰樓樓下有亭亭遠以池嘉靖庚寅主事葉公瑞用價買居民地三畝六分為蔬圃其中鑿小沼沼上構小亭環以花卉四週小橋通徑主事周公詩扁曰君子亭會心處正德宸頒寶鏡圓觀音鑲象院名傳一從權使重題記大覺何人解悟禪蔣光彥大覺禪院記杭州北新關治之陰有叢林

號曰大覺禪院相傳爲勝國時弘誓法師僧世愚
所建也歷年數百佛地猶存正德間敕賜大圓寶
鏡鑊觀音大士像供養其中院亦名觀音以此余
承乏譏關公餘之暇時或一至桑林在望菁蔥滿
目雖地逼市囂猶存幽野之趣亦江關一寶刹也
趙家十四相公府側傍殿前司坐船軍士於船造紅
醞和沽獨免吏牽纏

吳自牧夢梁錄北新橋外趙十四相公府側有殿
前司紅坐船於水次管船軍士專造紅醞在船和
沽官司寬大並無捉捕之憂

北郭詩帳卷上

三

荆街東住陸廷評三善稱揚記石貞貞甫更增西路
記頌公治術比途平

北關志萬歷戊午關南北河壩可十里璞嚴荆公
念行旅顛路鳩工登石坦如康莊人稱荆街又仁
和大理評事陸元錫記敝廬託處街側託足公途
公之此舉有三善焉不私其有廉也與民共由公
也崇真黜幻智也又仁和江西參議黃汝亨記自
關之東從江漲而北至搖樁亭董事里民已乞陸
廷評碑紀其實而關以西自北新橋而南康家橋
至喻家橋董其事者爲諸生吳道南羅大昌上麗

明里人王國賓趙敏學王肇瑞汪光國廣爲勸助
宜力居多而終始善緣宏濟商民者則使君之澤
異日者持是以光輔三五之業平人心以平世路
如平治斯途也

火衝虞防樞署偏地偏略有小林泉正誠斗閣精嚴
甚野鶴飛來駕呂仙

梓里叢談北新關右明德生街俗稱大火衝溝水
涓涓林木森蔚舊有千勝廟東嶽廟劫後蕪廢今
惟正誠斗閣在焉閣奉呂祖頗著靈異

參參覺路妙忘言松雪高題十可軒更有東坡遺古

北郭詩帳卷上

古

鼎寶齊大覺佛三尊

李日華六硯齋筆記杭州關大覺寺有東坡鼎趙
松雪書十可軒參參書覺路二大字

長春橋本德生橋港路濼洄水一條橋上蓋亭祠土
穀僅容如葉小舟搖

北關志長春橋原名德生橋以跨德生港而得名
也橋上建有土穀祠不知創自何年

擁立甯王赤手援趙忠定意屬平原果從賜第北關
外黨禁何由起慶元

葉紹翁四朝聞見錄甯王之立趙忠定不用吳琚

乃召韓侂胄而囑之韓本不得通慈福宮籍乃介
內侍關禮入白慈福至涕泣因請慈福召韓入遣
諭忠定其議始定韓自以爲有定冊之功欲去忠
定而未果文公自長沙召入聞之卽惕然以爲憂
因奏牘示微意及陳對指陳再三又約吏部侍郎
彭龜年白發其姦彭護金使以出韓益得志時忠
定方議召知名之士海內引領以觀新政而事已
多出於韓氏文公既言於上又數以手書遣其徒
白忠定欲處韓以節鉞賜第於北關之外以謝其
勤漸以禮疏之忠定不能用

北郭詩帳卷上

五

登雲橋號本青雲大理當年此發身一自僦居歸錦
里釣游初地轉沈淪

成化杭州府志青雲橋舊名豆腐橋里人大理寺
卿夏時正登進士更今名成化二年里人夏孟儒
重建

京觀將封東海鯨千人保障練鄉兵祭壇西向邀神
助甲冑雲中旗幟明

梓里叢談出北關外有斷碑臥道旁曰封鯨觀字
大尺有咫題款莫辨蓋前明胡宗憲殲倭處 田
藝衡留青日札嘉靖乙卯東海寇作直撲會城方

山鳩集鄉兵千人爲保障計築壇西郊以順金方
肅殺之氣爲文告天求助寇見神將形甚長大旗
幟分明是以不敢交戰而去

鑲紅旗督浙都司督漕潘公覆翼施見日披雲頌公
志馬家橋外讀祠碑

欽差鑲紅旗浙江都使司督理浙東漕運簽書潘
公祠碑記公諱丹枝號新裁江南之供浙東居瘠
夙號煩煩挽輸孔亟幸逢我公福星建極如屏如
藩是覆是翼積弊肅清載歌畫一馴覆口口披雲
見日激揚精明信賞罰必惟公之勳太府書冊惟

北郭詩帳卷上

六

公之德浙民表式爰布頌聲永銘金石口口披雲
今之召爽猗歎我公千載不易簽書成良弼江南
幫糧千總孫應元戴聖銘等率各幫屯丁甯波衛
率屯丁民人等大清順治九年正月吉立按祠在
大關外馬家橋側今改大王廟

吳家石橋樹經霜王氏青年苦守孀霜葉因風墜流
水不流紅片到門牆

嘉靖仁和志王氏淑堅仁和人祖居吳家石橋十
九歲歸里人蔣華越三年華以疾故止遺一女赤
立每視之輒哀痛不勝涕泗交注妯娒有至厚者

乃潛問曰汝終身守乎王氏正色對曰吾勿守吾死何顏以見吾夫於地下妯娌聞而賢之翁雖不學無術而於人倫大義所性固存焉嘗竊念曰吾子情有所鍾而其死不瞑目者爲其妻若女也於是體其情而勤恤之無俾他有所顧王氏賴有此翁則上有所依賴有此女則下有所侶及女稍長慎擇所配幸得名族潘子錯以爲之壻則付託得人而王氏爲夫之志願畢矣壽雖止於五十八而其清白之操雖百年猶未斬也 王德溥寶日軒詩集晚立吳家橋望遠處紅葉霜後溪橋試一尋

北郭詩帳卷上

七

染成紅葉與秋深霞光彷彿常凝樹日影依稀尙在林笑比探春期薄醉誰因流水動微吟晚來不厭風淒切更繞荒村聽水禽

卅丈環橋首拱宸追懷摸石動酸呻叮嚀去楫來撓客慎守金緘效吉人

圖書集成杭州橋梁考拱宸橋明末商人夏木江施銀三千倡募建尋圯今惟橋地石尙存 王暉霞舉堂日記九月廿七日出北關經拱宸橋憶先君子募人沒水取石處愴然久之 陳文述春游日記拱宸橋一稱啞吧橋相傳過橋不宜啟口

陳錦藻北關雜記杭州北關外拱宸橋創造於前明舉人祝華封 國朝建修者浙江布政司段公口浙閩總督敏達李公衛請修者吏部尙書文穆徐公潮御史龔公翔麟重修者庶吉士章公藻功里人孔公巨卿王公采臣再重修者五品大夫茅公瀚捐資募修方外諦大師浮木大師 鱓鱓龜鼈蛤兼螺盛氣牛知敲棘過橋復拱宸全地脈茅翁善行滿關河

北郭詩帳卷上

六

梁文泓籀園詩文鈔茅靜遠家傳茅瀚字靜遠仁和人本姓陳性慈和勇於爲善好觀書作畫畫入能品江淮燕趙閒得尺幅珍若夜光喜放生歲活鱓鱓龜鼈贏蛤以億計一夕出遭牽牛者若知瀚能活之敲棘殊甚詢之將就屠遂贖舍之嘗重建城北拱宸橋主辦京師全浙會館總制李敏達公器之見則呼爲善人敏達欲鑿橫渠城中瀚爲殘地脈固爭乃止積行上聞 恩敘五品大夫 吉祥蘭若導諸生敬愛無如此樂清寺憶曾游橋再渡吟將杜句用平聲

丁敬硯林詩集游吉祥寺詩序吉祥寺去拱宸橋不里許辛巳九月之晦北墅嚴可亭包采南何東

甫陳象昭諸子請予同往盤桓流憩移晷始還老
夫自抱病以來未有此樂也諸子用杜少陵寺憶
曾游處橋憐再渡時句韻其平聲各賦五字近體
重成緣約記堪徵陳與余施梵海僧指日太平先應
兆永安橋合冠中興

咸淳臨安志馮樾北關中興永安橋記錢塘大都
甲於二浙中有兩河架橋數百所府北十餘里號
北關鎮商賈駢集物貨輻萃公私出納與城中相
若車馳穀擊無閒晝夜而河流阻乎其閒舊有三
石橋行者賴以獲濟居北而最大者曰永安建中

北郭詩帳卷上

九

靖國初僧舜欽募緣成之積有歲年日就墮損經
由不敢俯視慮其覆墜人人寒心鎮民耆艾陳德
誠數往觀焉遂萌濟眾念一日齋沐禱諸天願同
興修與同儕余慶施宗有等命僧梵海結約募緣
共成其事見聞皆助之自紹興丁巳仲秋鳩工聚
材至次年戊午初春告成皆躬自督役比舊橋尤
堅厚雄壯可以經久觀者稱歎仍以新舊橋餘材
於橋之東建一小閣屋二厦上安諸天聖像下接
待雲遊僧道計用錢四千餘緡德誠慶宗有出其
半於是年中秋日設大會供應眞五百阿羅漢以

慶其成是日香雲芬馥梵唄交奏一會勝集兵火
之後歎未曾有會中有客曰觀天時地利指日可
太平矣宜加中興二字言訖莫知所之至冬金國
果遣使議和越己未春遂復三京五路故地諸路
父老稱賀皆由此橋趨闕事之吉祥有開必先茲
橋之成若有兆乎今日之事者焉故如客之言號
曰中興永安橋僧梵海與諸父老乞紀其歲月因
爲書以貽後人

朱狀元坊耀北新受知理廟尙微塵龍光鳳輦呈婚
啟參政除官洵有因

北郭詩帳卷上

十

咸淳臨安志城北右廂狀元坊北新橋南端平二
年爲武舉狀元朱熠立行營雜錄朱熠本武臣
常爲內夫人妹內官弟婚啟理廟見之大加賞異
特旨授官至參知政事具啟有令弟從長奕世近
龍光月殿斯霑於湛露舍妹夫人十年陪鳳輦霓
裳猶燦於朝霞云云按朱乃武舉狀元温州人理
廟微時識之

上關門接下關門分祀關王殿各營顯赫威靈無弗
屆祠雖卑隘貴通誠

萬曆錢塘志武林門外抵北新關橋其東爲永清

巷通陸家場清湖開巷上關門巷下關門巷枯樹
灣巷按明時里中均有關王廟附於社

上船亭子接高橋趙府河干碧刺篙商略春游何處
近艮山新綠半山桃

咸濱臨安志北壁北至北新橋趙府上船亭高橋
爲界 南宋雜事詩注艮山爲南宋宸游看新綠
處

黃佛兒家至行孫負骸血淚畫圖存上湖詩墨傳松
石百載猶稱夙好敦

杭郡詩輯黃樹穀字培之號松石仁和人
有楷癩

北郭詩帳卷上

三

齋稿爲明參議寓林先生七世孫父景林歿於保
定松石泝江渡河至棗林遇大水泛濫行旅斷絕
跣足行泥淖中至河間覓舟不可得附蟹舟行遭
大風幾覆溺者再始達保定瘞棺所在水齧露前
和起之已朽乃號泣函骨以歸冒雨跣行七晝夜
至德州始獲附舟南返繪涉水負骸圖以志痛方
景林歿時奇顏未寫乃刺血書父生平每薦享懸
之堂中哭祀之自題負骸圖云負骸孤走保陽城
日日愁霖淚雨傾祇有父魂兒命在夜來同夢晝
同行又萬峰房示永明後人詩云爲展松楸到梵

村墓門華表百年存白頭山姬遙相指黃佛兒家
七世孫於參議公人呼黃佛兒 汪師韓上湖紀

歲詩編題故友黃松石負骸圖先子昔以園名船
築臺更起青梧巔滄浪道人我先友園勝宜忌臺

題編風流銷歇踰百年獨敦夙好五世沿孫枝秀
出松石閒奇才尤有至性傳憶自賢尊客右輔君
侍北堂奉大姥凶耗驚從嘗藥聞奔喪痛忍愆期

舉僅免桑林縛草求略如滲骨經旬取血指流離
跣足瘡行役負骸墳負土同時競說翁道州尋親

萬里新塘洲君與浙東西比跡或出或處皆千秋

北郭詩帳卷上

三

我思合傳兩孝行道州忘來考失訂此圖都門早
見之未敢輕題目空證哲嗣緘圖此再經成埃豈
殊前保定滿幅波爲滿地塵相對淒其朔風勁轉
頭卅載老摧積擊涕成吟繼七哀斯事斯人嗟不
見白雲望斷小蓬萊

吳竹堂傳經行修名山講席主優游無聲詩與有聲
畫合寫丰神晚翠樓

吳振械杭郡詩續輯吳霽宇倬雲號竹堂錢塘人
乾隆癸未進士貫穿羣籍體大思精嘗讀書南屏
長老讓山深相款洽時吾杭名宿丁吳杭屬諸老

結茶果之社於萬峰月凡數集而天台齊侍郎來
主敷文講席茶香塵影盡付淵源迨學使諸城竇
公按臨浙西遂有國士之目乾隆癸未會試中式
盛名滿都下旋失意南還四方名山大席望其主
持風雅初住太平翠螺後住金閨平江終老講席
工書善畫平生最耽幽勝筆底挾江山奇秀之氣
高挹塵寰小楷奄有晉唐丰神絕世嘗自題其竹
石云二分水竹一樓書便是倪迂小隱居爲學觀
心先鳥起滿林風露共清虛可以想見風流矣沒
後羣從掇其殘稿爲晚翠樓集

北郭詩帳卷上

三

乘輿鹵簿繪圖全詭把兒童滅罪愆纔出北關謀逆
遂焚香鶴首拜蒼天

四朝聞見錄逆曦既用賂蘇師且遂舉全蜀以授
之其在殿巖也嘗命工圖畫上乘輿鹵簿卷軸甚
詳人問曰太尉何用此曦給之曰把歸去教孩兒
男女看了消災滅罪及出北關遂焚香拜天於鶴
首云且得脫身歸去其反狀已萌於此矣

城北幽人張彥常自安耕讀八旬強三餘齋記垂餘
澤傳信人推後學王

王洪毅齋集三餘齋記錢塘張先生彥常隱居城

北十里有田數十畝屋數楹書數百卷務農讀書
而名其齋曰三餘今年餘八十問學益力顧自以
少遭亂離莫克遂其志及逢聖明幸有以自奮而
且老矣懼終無以自見以傳示子孫乃因其子壻
朱廷輝氏求子爲記按記末署後學王洪撰
景物錢塘賦十章柘軒歸美到鄱陽北關夜市推侯
惠想見紗籠夾道旁

北郭詩帳卷上

三

於是大夫士以十題獻俾作者賦之一章曰東海
朝暾言侯忠愛之在君也二章曰西湖夜月言侯
清明之在躬也三章曰浙江秋濤言侯威信之孚
也四章曰北關夜市言侯惠利之周也五章曰孤
山霽雪言侯之光輝潔白也六章曰兩峰白雲言
侯之孝友慈祥也七章曰九里雲松言侯持之以
操也八章曰六橋煙柳言侯容之以德也九章曰
靈石樵歌言民得其所樂也十章曰冷泉猿嘯言
物得其所樂也此詩人之意豈徒賦詠而已哉予
以末疾不能從侯之遊德弗忘輒效楊仲宏爲

本齋王侯東湖之作歌以頌侯庶知民之愛侯亦
猶侯之愛民也又北關夜市云維綺明春數里餘
郊關地運接民居須知北郭夜爲市不似南州人
趁墟景類元宵堪入畫家殊周易豈同書使君五
馬歸來晚夾道紗籠照隼旗

雙堂宮保督畿疆津海修衢地勘荒賜壽歸來餘老
屋歲經七十七斜陽

高鵬年湖墅小志周元理字秉中乾隆戊午舉人
官直隸總督工部尙書家湖墅舊馬頭咸豐初老
屋猶存嗣毀於庚辛之劫後人詠之明經徙居吳

北郭詩帳卷上

五

江黎里 施朝幹武林人物續志周燮堂元理仁
和人初授蠡縣令調清苑遷霸州擢守宣化廣平
天津保定四府由清河道秉臬開藩奉勘減河濬
治得法開府山東疏請澚山清河二泊濬深開廣
以弭水患總制直隸修天津之海河疊道及大宛
良鄉房山等二十餘州縣通京衢途並茨尾雅河
盧僧河諸隄岸民多利賴又勘入旗在官荒地四
百餘頃召佃墾種乾隆四十年壽七十 御賜甸
封綬壽扁額 命紫禁城騎馬兩賜詩章詔改熱
河爲承德府條陳事宜均 允行四十六年乞休

次年卒於家

板橋慙客號新亭邀月看山禮梵經九晚芳蘭榮四
朵設科會狀振芳馨

武林人物續志金德慶字沚清號樸堂又號新亭
慙客錢塘人家故饒其父名星瑞者官直隸雲南
二十年以廉故家乃日落樸堂棄城中馬市屋徙
居湖墅邱園養素不樂功名父歿時日踞靈前誦
金剛經不輟樓上供大士銅像焚香誦經晨夕膜
拜如枯禪老衲生子九人成立者四而長孺應鴻
博大科兩叔會狀兩元位至通顯尤以文章風采

北郭詩帳卷上

五

震曜當時

金少參祠在北關漕倉移祀藉追攀東林一幟標南
國清惠同貽桑梓閒
薛時雨藤香館小品題杭州金少參公祠聯云樹
東林幟蜚西臺聲公爲椒邑名賢考獻徵文戚里
稔知清惠澤植南國棠掌北門管我亦杭州守土
酌泉薦菊湖山莫罄溯洄情按祠在北新關劫後
移祀仁和漕倉公諱九陞全椒人家有清惠堂
明眞宮裏贖明碑沈秀巖來淚暗垂九死一生方脫
險洪崖肩拍偶題詩

沈紹姬寒石詩鈔由吉祥寺徒明真道院昨日寒
山寺今朝古洞天一身幾九死五日計三遷彌勒
才攜手洪崖又拍肩凡夫有定業仙佛恐徒然
潘永因宋裨類鈔九宮山道姬王妙堅以符咒術
游兩山間一日過西冷橋茶肆有陳生者隸職御
酒庫其妻叩以頭髓之方姬命市麻油燒竹瀝投
之妄為持咒俾之沐髮應梳而解時楊后方誅韓
而心有所疑髮髓不解謂有物崇陳妻以油灌用
之驗后頗神之后召妙堅入宮封為真人且創道
宇賜名明真居之 梓里叢談明真宮在北新橋

北郭詩帳卷上

毛

南有明碑二一為大理寺少卿錢塘周詩撰一為
督理杭州北新關南京戶部主事吳文企撰其歲
月均磨滅不可考矣

皋園清德有文孫作令能安建始民廉吏莫傷寒餓
死聰明正直果為神

何琪小山居稿定番州知州嚴君傳君姓嚴氏字
度昭先籍餘杭後遷仁和年二十餘移家北郭成
進士選授湖北建始縣令建始號難治富豪巨猾
官府莫敢誰何君甫下車恩威並施採丸之徒悉
皆斂迹民賴以甯未幾挂吏議削職還里既歸無

家賃屋以居妻孥十口餽粥不給聞君沒之日建
始百姓夢迎新土地神到任審示之乃君也遂建
祠立主豎杆旗上書民之父母四字至今令斯邑
者首先謁君以為常

史公召米治頑殘巨秀躊躇覓藥難不泊北關船買
飯安能天地得真丹

四朝聞見錄米南宮五世孫巨秀亦善醫嘗診史
相脈語未發史謂之曰可服紅丸子否米對以欲
用此未即愈史病手足不能舉朝謁遂廢中書要
務運之惟榻米謂必得天地丹而後可丹頭偶失

北郭詩帳卷上

天

去歷年莫可訪尋史病甚召米於常州至北關登
舟買飯偶見有售拳石於肆者頗異米即而玩之
即天地丹頭也米以三千酬直持歸調劑以供史
史疑而未敢嘗適有閩者亦病痿試服即能坐起
又以起步司田帥之疾史始信而餌身即輕遂內
引

周公曾把惠泉參的的明珠水上涵妝點瀉春園一
角空留雁影落寒潭

咸淳臨安志周公惠泉在湖州市下閘乾道三年
周安撫淳重修邦人德之遂以名扁 湖墅舊聞

惠泉疑卽今珠潭按今以臨安志校之恐非是
凌祚玉照堂吟稿瀉春園詩四叔瀉春園在湖墅
珠兒潭劫後重過荒蕪滿目舊跡全迷潭水塞源
巨石尙立撫今追昔不能忘情卽景各記一絕別
有感託不僮平泉花木之懷也珠潭空潭吐明珠
幻化若泡影涓涓無盡流幽咽語如哽玉照堂萬
樹香雪酣花光照如玉亭亭珠樹三先後漸零落
覓句廊佳句偶然成苦覓本不得締造艱難心詩
法現身說我我周旋亭是我亦非我蒙莊妙旨詮
百年身後計入世小周旋露香樓冷露無聲溼天

北郭詩帳卷上

无

香有子飄至今一輪月來照可憐宵燕艇臨流有
戒心迴風旋花片不見天上舟曾見波上燕初照
閣百尺梧桐月千絲楊柳風夕陽已西下不減舊
時紅仙掌峰一峰巨靈掌劫餘猶嶒嶒空作擎天
勢不知大廈傾 梓里叢談湖墅舊居改爲耀羅
之場應敏齋丁竹舟松生三姑丈就珠潭上築屋
三楹祠先祖達夫公先叔祖燕庭公乞孫子授丈
顏曰寒潭雁影松生姑丈撰聯云古蹟喜猶存盈
盈半畝方塘曾伴他二老生前都在鏡中留笑貌
壻鄉愁再認惓惓一庭嘉樹誰識我三人心事還

思日後起樓臺又云香火續前因湖二老冰清同
慙玉潤劫灰尋故宅贖一渠川媚空切珠懷不特
爲先德留馨抑亦爲北郭增掌故也
大兜儂近起妝樓阿妹從郎住小兜兜得喜神方不
散兩家吉語卜年頭

王暉北墅竹枝詞上園下園齊種花大兜小兜瓜
果嘉 王慶霖下湖小墅述聞大兜小兜在香積
寺南竊疑兜爲陡字之誤其地近江漲橋想是陡
門舊址今作陡門口俗稱兜門口

北郭詩帳卷上

手

肉乾蕩魚肥好過年
張鉞北郭雜記大關布幅闊棉柔多就關市而貿
易者每屆臘月祀竈之時鄉人多肩豬肉抱家
養雞及乾蕩魚求市者其值較廉亦年景之一端
云
壁畫忠天陸少微文孫妙績亦稱奇野航何止自來
度北墅曾傳三老詩
竹寮夜話陸少微瀚居北郭青莎里以丹青著名
山水絕似雲林 陸飛筱飲齋稿和丁丈敬身觀
忠天廟畫壁歌龍泓先生老嗜古梁劉彥齊眼無

匹走尋北墅觀壁畫竟日摩挲暗塵撥故人重示
畫壁詩再拜讀之心悒悒吁嗟我祖值喪亂避地
來依山水窟空將鬱勃寫丹青平判年華銷翹葉
裹金致帛奚足多斷素餘練爭歎絕俗師耳食續
圖繪敢用雌黃插牙舌傳濤竊筆亂真贗客主不
分乃滑列可憐紛紛論雅俗六品誰能辨神逸今
看此壁佛畫在上溯探微差未沒記余畫癖自髫
齡衝雨來看年十七神天颯沓辨黠黠丹粉淺深
留凹凸龍頭菌蠢象麟駘幢蓋飛揚衣秀發森或
蠻君猛鬼伯形缺神全意猶活白毫光裏現真如

北郭詩帳卷上

三

殘暈重輪互明滅長廊無人竄蒼鼠古木號風盤
老鶻坐疑白晝弄荒怪行觸飛埃動毛髮是時剝
蝕猶未深欲補但愁庸史拙泊今狼籍更廿年佛
火巫香自薰蒸饑驅願我少家居枌榆舊社久蕭
瑟先人遺蹟寄靈祠詎比雲煙眼虛瞥好事如翁
世所希珍重長歌稿新脫古來好手何時無零落
空傷人代闕石馬銅駝盡劫灰玉軸金題遭割截
君不見廟前流水抱桑田十圍櫟樹猶葑蕀又畫
自度航圖寄唐獲鹿友弟兼以留別出處有定分
立志當不移吾生衣食謀在視力所宜曰余甫弱

冠黽勉攻文辭師友過見許一發當舉旗踴躍二
十載日軌風颺馳吳頭與楚尾旅泊差免飢無書
應科目有若雞憚機人事偶相撥見獵心復熹居
然領秋解公車一再脂塵埃日奔走面目成老鰲
本非清華士何術工詒癡憶昔慕閒靜浮家羨天
隨招招自度航此意終栖遲三肋竟何有一悔不
可追空餘相公筆墨瀋猶淋漓懷哉從此去指水
以誓之盛年子爲宰勳業於此基我行日衰謝身
世長相遺卅年復一別後會知何時爲圖寄歸思
微尙庶在茲停棹看青山不復憂晨炊永言鷗鷺

北郭詩帳卷上

三

宅中有老畫師又北墅三老詩金麴農酒河陸有
金丈斷炊不言飢飄零走秦趙骭髀爲歌詩晚脫
將軍幕少奉高士師往往談狗屠四座停酒卮金
梳田顧裴梳田耽閒居足疾道自尊嘉遯遠城市
擊蒙依里門詩律有獨詣畫筆參無痕遺編手刪
寫窮老無子孫王茨檐曾祥王君外形骸爬搔時
捫蝨敝衣曾不恥無食或可乞痛飲已達生學佛
更禪說心正筆乃端理約文自潔

石倉書籍比曹倉閣圯犂雲畫捲廊幾卷武林耆舊
錄何時重輯補遺亡

未文藻碧溪詩話石倉先生爲湖墅耆宿嗜學好古歿後故書散落人閒予在汪氏振綺堂見其手鈔書可數百冊楷法醇古毫無俗餒望而知爲有道之士其他散去者更不知凡幾嘗輯武林耆舊集自漢迄明其稿在吳國亭家予借錄一過編定爲二十卷又嘗手輯錢塘縣志補皆魏志所未備者予每與何春渚陳二西談其餘韻訪其後人均不甚深知後客任城訪知令嗣文思孫漢隄同客山左皆業儒文思曾中副車掌教山左盛起湖墅人物考吳允嘉字志上又字石倉錢塘人性孝

北郭詩帳卷上

三

友雅好吟詠爲文原本六經旁通史漢而章法頓挫刻意撫規蘇歐於經世之學尤所殫心生平愛藏書丹鉛點勘晨書暝寫凡山經地志墓碣家乘下逮百家小說叢殘之書搜討不遺餘力晚年嗜好尤篤有四古堂文鈔石甌山房集石倉存稿石倉牋奏武林文獻志藏於家世居北郭之梳勝橋難得人家號讀書昭然天語式鄉間畫圖聞脫紅羊劫翹首邗江虹月居

吳嵩梁香蘇山館詩鈔讀書人家第二圖爲魏春松先生作先生由刑部出守楊州承召對詢及

家世奏稱累葉俱入庠序上日讀書人家也出而榮之繪圖以紀今將乞歸作第二圖古稱三不朽其一爲立言所言在經世匪以文字論與其惠來學曷若用及身一書洞民瘼四海銷煩冤先生改農部職掌司錢緡獨憂吏爲姦擾累矜吾民朝命擢臺諫夕疏排天閭保赤滌其蠹治獄清其源帝曰達政體庶幾風化敦遂使著爲令中外推皇仁紀綱有由立案牘毋滋繁此非經術懋安識吾道尊

北郭詩帳卷上

三

壞官罷民傷足涕淚
嘉靖仁和縣志迎神賽會肇於褚堂次之以華光廟在江漲橋東宏治七年九月二十六日復舉華光神會自各色社夥擡閣之外仍喚睢陽戲兒升上危竿百般舞躍常擲身空中宛若翼生兩腋人已驚異迎至鈔關分司門首適直吳主事瀛好事欲觀奇巧乃出夫人諸公子同看許以重賞使極技能人以先知各占北新橋上庶便觀見豈料人眾橋不能容驀然擠脫橋欄人遂驚曰橋崩矣聞者驚惶東西奔走奈何前後路塞踐踏死者三十

餘人擠水者亦多彼時巡士官憫其無辜查究作
倡者責治擬罪俗始廢吳主事亦因此謫官
幼記師門返外家述來里諺笨無差華光橋上天如
水華老登臨看月華

楊文杰并東隨筆余贅於湖墅程叶彭先生先生
一日舉里諺云華老頭兒立在華光橋上看月華
命對至今數十年時以告人仍無對者與孫行者
挑行李上太行山同一絕無僅有之句也
滑氏樓承仙露香空潭大小漾珠光一門朗照露盤
玉掌現明珠惜不常

北郭詩帳卷上

美

湖墅人物考滑彬字又彬號魯齋仁和人康熙壬
子拔貢官河南溫縣知縣有循聲年稔傾產代民
輸糧又滑吉登宇誕先號市庵仁和人康熙年例
貢慷慨好施有露香亭別業日與北墅諸前輩吟
詠其閒樂道不仕從子楷字駿雯號逸齋康熙年
歲貢楷弟汝謀字夏占號定庵仁和貢生 陳文
述西冷閣詠珠潭懷滑蘭芳蘭芳瘦鶴少府女年
十四未嫁而天跌坐合掌口氣滿室作妙蓮花香
殆有夙根者吹簫芳氣麗娟年日午槐陰解箴錢
嬌勝綺羅花戚里慧參香雪佛因緣煙霞靜玩三

生石水月閒栽九品蓮應是垂髻小龍女乘風歸
去四禪天
賈家古街主難詳五十年前託墻鄉月色舊時都不
改劫塵吹散紫藤香

應寶時射雕山館筆記賈家街去珠潭不半里或
謂秋壑別業然無籍可按也外舅凌燕庭先生故
居在焉外舅之兄達夫先生習法家言通知時政
謹守禮法館節署者二十年大府倚重吏不敢欺
進署歸家皆在味爽人罕識面家事一委朱安人
主之操持勤儉扶濟艱難三黨稱賢生兩女均歸

北郭詩帳卷上

美

錢塘丁氏晚纔得子名祚因亂廢學捐職布理問
孫一名璋森光緒戊子舉人外舅屋宇精潔小有
樹石擷芳軒前藤花如幕不減繡谷劫後蕩爲煙
雲重過爲之慨然
張公文節近珠潭咳唾成歌采筆涵誓向白雲堆裏
及杜鵑飛北不飛南
李榕杭州忠義傳張洵字肖梅錢塘人咸豐壬子
進士官編修謚文節居湖墅經明行修少有志節
庚申春方直 南書房聞杭州城陷遽乞假徒步
南歸妻子俱殉幸母無恙奉之遊塘棲母亦旋沒

辛酉省垣再陷公賦絕命詞三章投池死事聞
賜謚建專祠異數也珠潭歌曰武林山水天下奇
神淵涵孕萬象滋泉流百道湧地出噴珠濺沫西
山陲虎跑龍井誇絕勝冷泉玉泉名交馳白衣山
人來典郡更鑿六井通湖湄斥鹵萬頃得甘谷開
關巖竇應無遺那料別有靈泉一脉在北郭韜精
蘊采人未知璿源閱過幾千載一朝湧現鋪琉璃
大珠何纍纍小珠何離離珠跳若雨點珠散隨風
漪青蛤赤擘想變化木難火齊俄紛披人言斯潭
下定通瀛海不然胡乃明珠錯落如探驪我家於

北郭詩帳卷上

三

此閱三世兒時釣弋情在茲魚橋南望最密邇關
津北達殊透池比年廬井益蕃庶甘泉一勺欣分
炊北來米船似雲集市塵雜沓昏朝曦獨有斯潭
助如鑒照徹萬類呈妍媸注之不盈挹不竭悠然
濠濮神爲移江湖散髮客歸去林泉嘯傲良足怡
湖上泉多隱山腹斯潭特出臨康遠始知坤輿鍾
靈不在大卽此方塘數尺非人爲我來臨流策藜
杖百年桑梓常追隨狂歌一曲醉題石愧無九天
咳唾隨風吹其絕命詞曰血戰孤城力已窮席前
借箸竟無功白雲堆裏吾將去前輩風流有戴公

往事追思淚泫然妻孥三命赴清淵而今收拾全
家去地下重教骨肉圓篋內猶存御賜衣澄懷
風景已全非微臣雖死心猶在化作杜鵑向北飛
慧花庵宇繞修廊流水橋通界短牆纔拂生臺施鳥
罷又飾佛米散魚糧

梓里叢談慧花庵在買家街祀金龍四大王乾隆
初業米者創建別祠於此旁爲佛殿寺僧守之舊
有文昌閣今廢前有九連蕩環橋屈曲小築隄埂
界以短垣繞以迴廊游魚活潑深得濠上之趣俗
稱放生池

北郭詩帳卷上

三

沈心韶比水潭清把卷教兒讀代耕白珽遺詩登四
庫不辜編輯景梁名
鮑廷博知不足齋集湛淵遺稿跋湛淵先生集今
傳世僅顧氏元詩選中數十篇耳錢塘沈君菘町
特愛其詩乃徧搜羣集掇拾叢殘稍稍附益之四
庫全書所按卽其所手輯也菘町名景梁字敬履
貧居北郭性嗜異書所傳祕冊至數百冊杭郡
詩輯沈潛字心韶號晴山仁和人自晴山詩草居
北郭足不入城市縛茆作屋把卷長吟或當風日
清美則芒屨布襪遨遊佳山水閒

嵩之清祐復還朝疏懼宣和厄再遭文獻淵源馮抱
甕行窩曾傍喻家橋

方回桐江集跋馮抱甕詩尙論人物者不貴崛起
於一時而必取夫文獻淵源之有所自蓋功名可
以偶然致而學問文章雖曰性固有之亦必濡染
薰陶得於父兄師友之教則易爲力也抱甕馮君
夢龜仲錫普州安固縣人父棻嘉熙二年以知涪
州攝夔漕一日罷僑居錢塘之北關喻家橋淳祐
四年歲在甲辰九月右丞相嵩之起復卽上書叩
閭謂宣和六年甲辰九月初五日李邦彥起復少

北郭詩帳卷上

堯

幸越一年有靖康之禍今嵩之又以甲辰九月初
五日起復於厄運恐未便書上降一官池州居住
其年十二月改相范鍾杜範太學生張彊蔡德潤
等四百餘人伏闕爲訟其冤卽日赦使還差知賀
州以母老丐祠除諸司計院六年丙午十月孟饗
除司農寺丞報至而丁母憂尋亦以時事拂時相
意卒經畝先生徐公霖銘其墓云

青莎張氏世清門家爲施貧已亦貧傳有後賢常德
守銅陵泣請賑哀民

杭郡詩輯張開士字軼倫號古香錢塘人乾隆王

成進士官湖南常德知府世居北郭青莎里先人
好施貧其家古香九歲而孤讀書窮晝夜雖除夕
元辰不輟成進士後選銅陵移知桐城宿州擢常
德知府未之官奉諱歸遂不起年裁五十九知銅
陵時歲祿請賑不獲見巡撫泣曰民無鳩矣苟蘊
孽而壅利安用官爲言畢袖印置几上再拜求去
巡撫改容謝之聽其請

利人利物溯名醫貧病招邀不計費濟世養生經驗
集毛楓山與趙培之

朱文藻碧溪居士集武林毛楓山幼業儒長攻醫

北郭詩帳卷上

早

心存濟世家居湖墅年垂八十遠近延診者大率
耕桑蠶織之家祁寒暑雨凌晨徒步而往十里五
里未嘗命肩輿索重貲亦未嘗延時刻以誤人守
候力不足者或施藥以濟之計數十年中人活無
算哀集生平親試有效之方分濟世養生便易經
驗二集蓋養生者防患於未然而經驗者則徵信
於已然也不以自秘刻以傳人仁人之術不是過
矣 湖墅小志毛世洪字達可號楓山乾隆閒爲
湖墅名醫趙樹基字培之家居大兜以行醫好善
終其身 鍾世培壽趙培之詩培之居湖墅大兜

少習醫家言人有乞診者雖寒門遠道必急應之
未嘗責其厚酬也中年更習導引術夜恆不寐遇
亂出入干戈間專以利人爲心無所怖畏年垂八
十行步如飛趙公耄老如少年飛行陸地眞神仙
自言壯歲好遊戲讀劍俠傳通劍器奔走江湖僅
一身無警可報醫活人忽丁烽火紅羊劫軍且不
從況從賊不聞治亂卽桃源八十一難窮根原內
經至理本內景餘事龍虎調丹鼎刀圭一奏若有
神鄉人驚呼祁孔賓長眉漸白方瞳碧老有童心
守眞訣笑謂我醫不求名有緣相遇機相生若我

北郭詩帳卷上

望

醫人人不死造化之權歸我使枸杞夜吠菖蒲花
胸中我獨養黃芽朝菌大椿論齊物仙不必求醫
無術

三寶地居虞孝子錢塘志惜佚其名徧稽孝友邑中
傳可是虞鈞虞舜卿

康熙錢塘志賈家巷西通三寶地有孝子虞某舊
宅又孝友傳虞鈞字峻民邑諸生少孤事母至孝
家貧教授供母務得歡心母病醫藥不效鈞割臂
肉以進病遂愈後母卒廬墓側無力庀材僅築小
舍中設六尺臥具不容起立早出授學暮宿廬中

常夜深雪數尺迷失道陷大澤中止露肩頂呼號
曠野杳無人跡自分必死忽守墳者持燈出門聞
鈞聲趨救之詢其故曰頃因臥不安席一似有迫
子起者初不知孝子落坎也因歎息以爲神又虞
舜卿字國賢少爲諸生薄舉子業竟棄去日以古
文詩歌自娛其於技藝方術書畫皆通而尤篤於
孝友養母及其母所愛子代兄漕濱死不怨酬以
沃田轉授諸姪一日哭父墓聞空中語曰有虎言
至再甫及山下而豕有蹠蹟夜奔視母疾雙燈自
移引路人以爲孝感所致云

北郭詩帳卷上

望

王沈清門樂望衡千金難買結鄰情一從詩卷遭胠
篋空聽清潭梵唱聲

沈濬晴山詩草僻居荒野老矣無聞庚午仲春茨
檐王君移家郭外與爲鄰並差不寂寞老不諳時
務蕭然久索居家都無長物架只有殘書上壁苔
痕滿遮窗竹影疏是閒容懶惰荒僻稱吾廬素心
誰與共是地起南村日涉亦成趣端居聊避喧爲
鄰分蘚徑列屋共柴門行誼知無忝看君古道存
閱世如棋局爲生有釣筒移家來郭北寄跡自牆
東書法顏公妙詩稱謝朓工十年曾夢想頑鈍待

磨礪拙性真堪笑耽吟亦自娛幾曾誇格調吾亦
問師資幽圃花開日疏林上月時興來容唱和幸
與討論之

建廟修橋陳德誠紹興兩碣表功成夾城繼有陳聲
遠耆善芳流百世名

咸淳臨安志靈惠廟在城北江漲橋鎮界鮑翼廟
記曰皇帝駐蹕於臨安之十有二年冬臨安府耆
老陳德誠等狀於有司請建神祠有司以聞明年
秋詔用奉常議以靈惠名其廟又馮楫中興永安
橋記曰鎮民耆艾陳德誠萌濟眾念願同興修其

北郭詩帳卷上

星

成其事紹興丁巳仲秋鳩工次年戊午初春告成
嘉靖仁和縣志陳震宇聲遠仁和夾城里人幼
從事舉子業以家清寒且父衰身子改服賈銳意
經營疏遠紛華聲色惟知逸其親而悅之餘皆無
益族有悍弟量其所欲委曲俯從使不失好素性
沈靜厭趨附鄰有強狠陰欲肆毒者常先事消沮
卒無所加終身罕見喜怒之色亦無難憾之人
周美成填瑞鶴仙忽然避寇境如前斜陽殘熾郊原
路春酌流鶯勸醉眠

王明清揮塵餘話周美成以待制提舉南京鴻慶

宮自杭徙居睦州夢中作長短句瑞鶴仙一闕既
覺猶全記了不詳其所謂也未幾青溪賊方臘起
逮其鴟張方還杭州舊居而道路兵戈已滿始入
錢塘門但見杭人倉皇奔避視落日半在鼓角樓
簷閒卽詞所謂斜陽映山落斂餘霞猶戀孤欄角
者應矣當是時狂寇嘯聚徑自睦將直擣蘇杭聲
言遂據二浙浙人傳言內外響應求死不暇美成
舊居不可往是日無處得食飢甚忽於稠人中有
呼待制何往者視之鄉人之侍兒素所識者也且
曰日昃未食能捨車過酒家乎美成從之驚遽聞

北郭詩帳卷上

器

連飲數杯散去腹枵頓解乃詞中所謂凌波步弱
過短亭何用素約有流鶯勸我重解繡鞍緩引春
酌之句驗矣飲罷覺微醉便耳目惶惑不敢少留
徑出城北江漲橋諸寺士女已盈滿不能駐足獨
一小寺經閣偶無人遂宿其上卽詞中所謂上馬
誰扶醒眠朱閣者應矣既見兩浙處處奔避遂絕
江居揚州未及息肩而傳聞方賊已盡據二浙將
涉江之淮泗因自計方領南京鴻慶宮有齋廳可
居乃挈家往焉則詞中所謂念西園已是花深無
地東風又惡之語應矣至鴻慶未幾以疾卒則任

流光過了歸來洞天自樂又應於身後矣美成生平好作樂府夢中得句而字字俱驗卒章又應於身後豈偶然哉

二司殿更三官殿五界同燒發脚香相約七賢穿水衙老東嶽會共登航

梓里叢談二司殿三官殿俱在拱辰橋西 田汝

成西湖游覽志餘五界廟在歸錦西洪武三年建

魏標湖墅雜詩許三省錢塘人嘉靖戊午舉人

官夔州知府居歸錦橋南三省九世祖淵關已居

爲義衙俗稱許衙衙今名七賢衙按今法華山進

北郭詩帳卷上

望

香之船率集於此

倉庚鳴聽值春陽江漲橋邊泊野航株直二釐長八

尺東風吹綠買條桑

蠶書條桑出於杭之臨平其鬻之地以北關之江

漲橋株以二釐其長八尺

玉窗春夢散雲霞三寶何如向釋迦橋度香花寺香

積心香一縷懺吳家

吳曾能改齋漫錄近時有士人嘗於錢塘江漲橋

爲狹斜之游作樂府名玉璫瓏云城南路橋南樹

玉鈎簾捲香橫霧新相識舊相識淺顰低笑嫩紅

輕碧惜惜惜劉郎去阮郎住爲雲爲雨朝還暮心

相憶空相憶露荷心性柳花蹤跡得得其後朝

廷收復河南士人者陷而不返其友作詩寄之且

附以龍涎香詩云江漲橋邊花發時故人曾共著

征衣請君莫唱橋南曲花已飄零人不歸士人在

河南得詩酬之云記得吳家心字香玉窗春夢紫

羅囊餘薰未歇人何許洗破征衣更斷腸 咸潛

臨安志香花橋在接待寺前 乾隆杭州府志香

積寺在江漲橋北太平興國三年柯氏捨宅爲寺

舊名興福大中祥符間改今名元末燬明洪武辛

北郭詩帳卷上

吳

亥重建爲叢林

江漲黃家嗜鼈羹廚人放鼈主人嘆捷傷鼈竟含泥

護感悟將廬捨出塵

施彥執北臆炙輶錄杭州江漲橋有富人黃氏性

嗜鼈日羹數鼈一日其庖者炮鼈以爲熟也揭釜

蓋有一大鼈仰伏於蓋頂乃復入於釜中須臾揭

之其鼈又仰伏焉庖人憐之其廚適臨河乃縱諸

河羞其餘鼈以進主翁爲訝其少以爲盜之也鞭

之兩髀流血庖人痛甚臥鼈下旣覺頓覺痛止視

兩髀則青泥封其創訝之俄而見鼈自河負泥而

上庖人大怪之具以實告主翁感其事遂不食髓
其後遂捨其廬爲寺卽今黃家寺是也

文義棋書太不廉卅年權貴召兵鈐眾安捨宅如同
泰難洗蕭梁敗國嫌

西泠懷古集化度寺懷朱彥和梁書朱异字彥和
錢塘人父異有義烈沈約謂异曰天下惟有文義
棋書卿一時將去何太不廉言多藝也天監中捨
宅爲寺在江漲橋名眾安隋改眾善唐改重雲再
改承雲今名化度寺异官侍中居權要三十餘年
阿諛承旨侯景反以討异爲名太清之亂實异之

北郭詩帳卷上

七

由延寇敗國雖捨宅爲寺亦無取焉

魚市人歸魚鑰懸水煙秋月映行船表民晚宿江橋
畔擬榻僧房思悄然

咸淳臨安志許表民晚宿江漲橋詩鳥徑青山外
人家苦竹邊江城懸夜鎖魚市散空船岸靜涵秋
月林昏宿水煙又尋僧榻臥夜冷欲無眠

蘭陔萱壽沐衰題軒蓋生徵抱送奇一卷漁塘留野
唱最憐感悼禹平詩

井東隨筆錢琦字相人號璵沙仁和人乾隆丁巳
進士歷官福建布政使家在江漲橋鄰婦劉氏一

日夢有大官張軒蓋抱送一兒傳呼入室啗日誤
矣尙在左壁人喧馬騰都往錢氏屋及旦婦來告
夢異語未畢而方伯生 錢琦澄碧齋詩鈔漁塘

野唱序漁塘余所居之里也塘附郭有山水橋梁
有邨落廬舍每花晨月夕輒與里中羣屨卽景拈
題少年樂事於斯爲最願舊稿都散伏偶檢得若
千首名曰野唱者比之牧吹樵歌無當風雅不知
聲律爲何物也又哭汪禹平妹婿治匆匆折柳悵
離羣一別何堪生死分靈若有知應記我世偏無
地可容君夾城夜冷空秋月湘水春殘祇暮雲腸

北郭詩帳卷上

哭

斷論文樽裏酒竟教移酌到荒墳自注禹平任夾
城巷客夏自楚旋里又采蘭集序甲午秋入 觀
仰荷 聖慈垂念廿老 寵賜蘭陔萱壽 御書

戊戌秋復奉 特旨准予在籍終養

江漲橋頭稅務臨北關醋庫動沈吟桃花顏色梅花
味一樣花姿兩樣心

咸淳臨安志北郭稅務在餘杭門外淳祐六年趙
安撫與憲重建江漲橋稅務在江漲橋鎮市淳祐
三年重建江漲橋醋庫在城北鄉醋坊巷橋河東
岸

歲直趨黃慰問勞醬紅荔白餉迢迢故人情重如風
月魂夢應飛江漲橋

蘇軾東坡詩集杭州故人信至齊安昨夜風月清
夢到西湖上朝來聞好語扣戶得吳餉輕圓白曬
荔脆醃紅螺醬更將西庵茶勸我洗江瘴故人情
義重說我必西向一年兩僕夫千里間無恙相期
結書社未怕供詩帳還將夢魂去一夜到江漲
九域志仁和縣有江漲橋鎮 咸淳臨安志江漲
橋在餘杭門外江漲稅務東

皋亭神夢眾安僧捨屋捐腥乞戒乘赫赫武功忠且

北郭詩帳卷上

兜

孝七娘子廟可同增

咸淳臨安志靈惠廟在城北江漲橋鎮界神姓陳
名項字行嵩會稽人葬於皋亭山因廟焉鮑鬻記
云皇帝駐蹕於臨安之十有二年冬臨安府耆老
陳德誠等狀於有司曰化度寺有皋亭神祠自隋
以來事之至今不絕旱乾水溢有禱必應郡民事
無鉅細皆請於神應若影響朝廷歲時降香祈請
不異他祠而封爵無加廟額未立蓋闕典也有司
以聞明年秋詔用奉常議以靈惠名其廟遠近鼓
舞願刻諸石侈大神休以昭天子之寵命寺僧行

蘊以其記來請某不得辭謹按神姓陳氏諱某字
行嵩會稽人也事東晉歷青揚荆廣四州刺史以
武功食錢塘海鹽鹽官三邑見於李宗諤之圖經
者如此梁大同二年敕封興善王後改封崇善王
而失其時代歲月見於桑衍之圖經者如此隋僧
真觀講經眾安寺夜夢神求受淨戒仍舍廟屋五
間爲佛殿見於高僧傳者又如此爾後遂寢血食
專供伊蒲塞饌見於白居易之祝辭者又如此神
嘗使虜留三年乃斷左臂求還遂以胡服報命居
喪哀毀過制既卒人嘉其忠且孝立廟於皋亭山

北郭詩帳卷上

孚

之西南而祠之聞於耆舊之傳者如此神既事僧
真觀願護伽藍始建廟寺中惟化度寺在唐爲重
雲更曰承雲本朝皇祐中始改今名疑卽隋之眾
安寺也聞於耆舊之傳者又如此考之禮經聖人
之制祭祀非有功烈於民者不在祀典而神生則
勤於國死則爲國家民物禦捍災患其功烈宜祭
祀故當中興盡毀淫祠之際獨以眾請廟得賜額
載在祀典與百神受職嗚呼天子之所以愛民而
禮神者至矣神之所以承天子之寵命而福斯民
者宜何如哉抑嘗聞漢朱邑故爲桐鄉吏其民愛

之死葬桐鄉西郭外民共爲立祠歲時祀祭夫邑特縣小吏民且不忘況神有武功忠孝昭著宜其舉邑祠之至四十餘所又聞蜀將關某廟食玉泉山嘗受戒於僧智顛後祭絕葷茹福及荆南神之依嚮釋氏亦無以異也雖然碑版載神之事爲多而怪誕不經適足以誣神今特摭其可書者以信於天下後世云 朱文藻東臬小志半山七娘子廟在皋亭半山舊傳崇善王妹也 江漲西南歸錦橋臨安志未賣魚雕如何二百年前蹟借把歸田大理標

北郭詩帳卷上

五

咸淳臨安志歸錦橋在江漲橋西南按舊志並無賣魚橋之名而歸錦則已見宋志夏大理時正歸田在明正統成化間時橋名由來已久安得以所居在橋右遠以歸錦屬之哉

歸錦橋棲夏克誠扈從北狩殉煙昏官聲壽考連文學天亦酬忠報子孫

康熙錢塘志夏誠字克誠宣德乙酉舉人正統初任沙縣教諭清慎有志操都使者上其賢擢監察御史己巳車駕北征誠扈從至土木乘輿陷敵中誠死於難後朝廷追錄死事忠勤官其子繼先至

撫州知府六世孫國賓操行醇謹壽至九十有五八世孫彘力學能文屢薦不售士林惜之符九郎公志行貞備兵羅定寇難平全家五十七人殉死事酬忠光祿卿

張潔堂郎忠臣詩注忠臣名象鼎字符九仁和人順治己丑進士授廣東布政司參議備兵羅定時粵寇未靖欲以計平之兵敗被縛不屈死事聞

贈光祿卿子元祿姪聯珠並家屬五十七皆遇害 梁文濂桐乳齋詩集郎符九一門殉難詩知公忠勇屬天成釋褐旋看出備兵藉手招攜初復國

北郭詩帳卷上

五

驚心禦寇又登城突圍李敢生非望罵賊常山死有名慷慨從容俱不忝 朝家恤典稱崢嶸

異事流傳世所稀草營巷裏運偏滿孿生未判形骸具閭里喧觀兩面兒

萬厯錢塘志湖市賣魚橋草營巷有生兒一頭兩面雙耳四足男女形皆具其家棄市河中行丐者收之求觀者索錢一文此未判孿子也

秀才虞四巷輕嘲異羽人偏指怪毛死與周官憐同事紫衣約帶職陰曹

杭郡詩輯虞汝翼字異羽仁和諸生讀書多大略

好與人談忠孝意所不可輒面數之羣日曰虞四
秀才居賣魚橋巷亦因異羽得名曰虞四秀才巷
謂之者又故謬異羽之音義稱曰怪毛然異羽卒
不願也里有周官懌者年七十餘老儒素不識異
羽一日語其子曰我必死我夢爲上帝所推與虞
君名汝翼者同事我名在第八九卽虞也因遍訪
虞君爲誰眾怪其誕不之信無何而異羽死死之
日去周官懌死不一二日年四十四死後郡人孫
姓者以疾卒一夕而蘇言異羽紫衣約帶治文書
爲冥官

北郭詩帳卷上

五

吳樂開推子若孫張潘兩代婦存存冰清玉潔垂百
載綽楔峩峩雙節門

孫樹禮杭郡節孝錄張秀英仁和歸錦橋人年十
六歸同邑吳以學德性溫存恪盡婦道翁瓚號樂
閒以州守謝政家居志存游樂凡酒殺蔬果悉張
氏置辦靡不精潔翁尤愛重至二十一歲不幸夫
以學死非其辜哀痛幾殞念有赤子瀾在忍死保
身矢志固守瀾方周歲人皆危之張氏竭力撫摩
曲爲調攝稍長延師授以經學俟壯爲擇潘州同
女惟婉爲婦張氏知瀾學有進益遣游邑庠以圖

光賁不料罹弱疾身故潘氏時二十一歲矣姑婦
相依冰清玉潔姑年五十八歲完節終身婦自十
五歸瀾今五十矣祇承姑志霜雪自持事母克盡
孝道人稱雙節見嘉靖仁和志

賣魚橋接餘杭塘十畝清池鑿草堂一柏破空亭一
笠醉歌不負玉谿觴

余大觀菘陸齋遺稿玉谿園居落成招同人小集
賣魚橋接餘杭塘南湖源引溪流長主人官罷來
相宅回波環碧同清漳經營十載始斷手入門喬
木風煙蒼不施丹粉務樸素方池十畝臨虛堂其

北郭詩帳卷上

五

東高阜土帶石孤亭如笠松陰藏被空一株老柏
立萋蘿附帶隨飄揚徑迴北折得岸舫憑檻便可
釣鯉魴危樓巖業出樹杪飛甍斜桷鳥翼張梯枕
獨上縱遠目決皆遠接西南鄉秦亭山色落几案
寶所塔影窺微茫穿林隱見牛彳亍行道絡繹人扶
將婆桑幾本繞屋後修竹百萬遮鄰牆下樓循廊
轉詰曲紅薔十丈開披猖櫻桃傍簷垂滿樹木香
縛架并一廂過橋路盡安小屋十笏儼似青豆房
中庭磐石列茶器瓶笙初沸蟹眼湯故人招邀何
與魏隔籬更喚吳家郎家藏越釀一千日紅泥印

折開塲香貓頭之筍白如玉王墳豆笈傾滿僅江
鄉節物隨時有人生會合安可常駒隙過陰歲月
忙惟有一醉爲樂方古來不飲嘲惡客千鍾百榼
賢聖當更闌燭跋未能起望後圓月微虧光我詩
薄劣敢擅場興到直書聊自適仁待諸公有報章
余鏐松塋齋稿序族兄柏屏先生諱大觀字容
若登乾隆丙子科副榜不求仕進私淑周徵君穆
門故詩品絕似之年八十餘歸隱湖山興致不減
少時

塘認餘杭學士廬吾生墮地愧充間塘邊白水猶如

北郭詩帳卷上

五

昨白髮重來豈故吾

鄒志初墨稼穡齋詩稿過餘杭塘舊居老屋當年
住吾身墮地初卽今成落魄慚愧說充間白水官
塘路青山學士廬重來覓鄰叟懷舊益歛歎按舊
居爲梁山舟學士別業

亭子門無風月關青山白水影回環一羣鴨鴨隨船
引早識蘆灘第幾灣

張弑杭郡雜詠詩注放鴨亭在湖墅枯樹灣何東
甫先生琪故宅之臨水小亭也咸豐庚辛劫前亭
上有聯云青山橫北郭白水繞東城爲春渚先生

書

鐵巖教諭祖文僖琴律參同注費思愛女蕉卿適梁
氏一雙宰相舊門楣

湖墅少志黃鐵巖先生超官金華教諭品端學粹
課士以實行身先表率大有胡安定吳興設教風
洵無愧文僖之後著有太歲考琴律淺說牋譜黃
庭經注參同契注羣仙傳卒年七十三居湖墅枯
樹灣廳額日居家安靜天下第一乃 聖祖御書
賜文僖者也 梁紹壬兩般秋雨盦隨筆七室黃
巽宇順之號蕉卿訓導黃公超女文僖相國七世

北郭詩帳卷上

五

孫女也年十九年歸余醕謹恭儉丁亥冬余侍家
大人入粵孺人以母病不能從次年冬余忽患咯
血證孺人聞而心驚聞關度嶺乃未及半年猝得
風疾沈絲牀第一載有餘竟爾不起余作輓聯云
四千里累爾遠來父在家母在殯翁姑在堂屬纊
定知難瞑目廿三年棄余永訣拜無兒哭無女繼
承無姪蓋棺未免太傷心孺人受外姑雷夫人教
解吟詠著聽月樓稿

枯樹灣南水木娛何春渚結小山居新詩十絕寫幽
趣如御孝廉方正書

小山居稿僻居北郭在枯樹灣南沈有水木之趣
風日清淑每一眺望遂得七絕十首蓋亦天隨子
震澤自遺諸作之意耳生花坊外山如黛枯樹灣
南水似銀敢比風流吾竹素可知同是陸沈人青
粉牆高井邑連皋亭山色夕陽邊年年二月桃紅
候門外常停載酒船數叢買得蝶相隨半是花園
埂上枝今日馬勝無一樹尙疑嘸損小紅時灑灑
溪田水自鳴芹芽采趁午風輕活東纔見生無數
幾日陂塘便有聲水亭坐看躍銀鱗殘雨初收月
上遲荷葉香中涼世界絕無人跡我來時肝遺邑

北郭詩帳卷上

一老

令殷勤少羊賜官家禮數殊爭似周禹山舍住晚
菘早韭味清腴蕭條蔣徑長青莎只有比鄰二仲
過不是昔賢朋輩少人生知己本無多晨夕相親
樂有餘同懷老去惜居諸何如家住檀橋側老屋
三閒其讀書傍舍瓜疇與豆塍農書閉戶手鈔曾
儘耕只恐孤君意一隴年來辦未能嵇阮亡來劇
可憐招邀文酒記當年黃公墟畔今誰在逢著歡
場一惘然按集中又有嘉慶元年九月上阮學使
芸臺辭舉孝廉方正詩四首 李堂綠庵詩話仁
和布衣何東甫琪號春渚居北郭枯樹灣工詩文

被酒輒發灌嬰之狂觸阮籍之痛故吳穀人祭酒
寄懷詩有古來涕淚酒人多之句客維揚最久嘉
慶丙辰與宋青湖師同徵舉孝廉方正不就年七
十餘賦詩而逝著小山居稿
龍泓弟子數陳包修竹梅花壓北郊二顧陸嚴何又
沈同聲八子協笙匏

杭郡詩續輯陳燦字象昭一字二酉號曙峰錢塘
布衣有師竹齋稿爲丁龍泓入室弟子工爲篆隸
書或畫山水古松野梅叢竹之屬輒淋漓滿屏幃
居北郭枯樹灣與何東甫家最近故交亦最久土

北郭詩帳卷上

一老

牆茅屋簾外修竹數竿青照几榻二酉吟誦自適
雖樵蘇不爨無戚戚之容嘗應黃小松司馬之招
客任城三載小松死歸居家巷爲童子師歿時年
已八十餘矣當時北墅詩人有顧懷雪願書臺嚴
可亭沈菘町陸筱飲包梅垞何春渚與二酉稱八
子陸何有集願詩無傳包詩僅見一二可亭有遺
詩五十首二酉手錄之爲鐫秋竹館小稿又包芬
字采南號梅垞仁和人梅花吟屋詩草性喜梅
書屋前後罔不植梅當花放時輒累月不出 湖
墅舊聞嚴筠字可亭錢塘人有秋竹館小稿善鼓

琴好爲詩所居在北郭水木明瑟

鯉鮒鱖鯢鱣餘杭門外煎魚行水冰橋喚水濱
荷侵曉牙郎趨市忙

咸淳臨安志水冰橋魚行裏按水冰橋今呼爲水

濱街

靜軒學士得天全孫子無過智勝賢接待聞鐘心頓
悟不婚不宦似逋仙

湖墅人物考張鑿字星朗號靜軒仁和人嘉慶辛

酉進士官內閣侍讀學士孫維嘉字孚吉號穎仲

候選光祿寺署正有智勝居士詩鈔幼有至性事

北郭詩帳卷上

堯

母孝讀書接待寺聞鐘聲忽悟終身不娶詩宗漁

洋書法得唐人三昧臨摹漢隸別有逸趣晚年尤

殫心理學深自韜晦獨行傳中人也

吳妹歸孫命不辰魚行橋宇役躬親小樓日影晨炊

絕誌墓胞兄最慘神

吳鼎舉亭集孫氏妹墓誌銘弘治十六年十月十

五日生吾弟於錢塘城北隅魚行橋之故字字之

日珩玉年十八而妻仁和孫鸞縣學生其翁曰憲

姑沈氏弟嫁十年而病痿四年而死葬其邑東山

街從孫氏之先兆焉初歸孫氏也頗得其舅姑歡

心居數年竟以其夫無成名俾夫婦別食而無一

隴之分一金之產弟徒易所佩用爲田爲舟以謀
朝夕且給其夫從學屢至絕糧既病時乃指哺日

語予曰曩時日景至是我尙未克晨炊惟飲泣塊

處一樓咎其盍不以告予則曰恐重爲兄累爾嗚

呼疾所由來固矣吾不能周吾同氣使不能餬口

窮蹙以死尙誰咎哉

豐儲西廩郝淳熙五十餘教贖一基還有介然臨水

榭端平倉址更難稽

咸淳臨安志豐儲西倉在餘杭門外左家橋北濱

北郭詩帳卷上

本

熙七年勸爲教五十有九端平倉在餘杭門外德

勝橋東端平元年浙漕趙與憲創以儲漕羅嘉熙

三年歸之大農泄以京局官而領於宰士如他倉

淳祐十二年咸淳五年皆重修有水榭扁曰介然

蓋取太倉箴語而併箴刻石其中爲教五十有六

琉球敕使去如飛萬里長風一品衣天錫右旋螺渡

海螺舟嘉號得先幾

汪學曾振綺堂詩話高人鑑字螺舟錢塘人道光

壬辰翰林家湖墅左家橋後徙城中道光閒奉

命册封琉球王林文忠手撰楹帖以贈日披一品

衣破萬里浪歸賦紀恩詩有云二百年來願詔七
八千里外駕帆雙一時傳誦閩督署藏有右旋螺
凡使臣泛海詔許鎮船以定風波高之號螺舟若
有先兆云 陳觀西琉球雜詩四寸神螺小若拳
神香供奉使星船平安如願乘風去不使鯨濤橫
拍天乾隆閒班禪額爾德呢進右旋白螺形如拳
徑四寸二分號定風螺前大將軍福康安征臺灣
高宗命大內移出藏事後留福建督署封舟渡
海亦載以行匣上有護佑渡江海平安如願語
城北高樓孫彥莊庭前蘭蕙發清香康強好德光垂

北郭詩帳卷上

空

裕不負甘泉一草堂

穀齋集甘泉草堂記孫公彥莊家錢塘城北十里
里中有泉焉平地仰出泓瑩而甘冽舊傳飲者多
壽故名其里爲甘泉孫公擇其旁尤爽地爲草堂
居之外山水明秀田疇膏沃林泉池沼之幽闐禽
魚之游泳竹樹芙蓉菱芡四時花卉之映蔚足以
出塵氛而遠湫隘俯仰左右無不可樂公當是時
有二子長曰孟博以詩書餘力廢舉亦既累百金
之業仲約以進士授禮部員外郎煜然爲五品清
官名動朝野公方且脫去塵事遊神遠跡於名利

之外林泉爲鄉雲物爲朋逍遙無爲而享夫優游
之樂家食者訓以民生不易禔身宜敦在官者訓
以爵祿之維持而夙夜之不可怠也豈非賢哉子
自幼游公之門與其二子善於斯堂也見公之德
不獨善其身且有以裕子孫而警世俗也故樂爲
道焉

勝國維成陳太常姚江舊籍徙錢塘和來董氏百篇
詠記引湖山勝概詳

夏時湖山勝概詩文後序予解組歸因足疾不能
舉謝絕人事於南窗下忽傳太常清卿陳公以新

北郭詩帳卷上

空

刊董嗣杲所唱并公所和錢塘西湖百詠長律惠
觀予拭目敬誦詩皆雅正而清新然郢曲有和遂
揮毫落紙得湖山勝概一記誠愧辭之不工耳
萬歷錢塘志陳贄字維成餘姚人徙錢塘洪武間
薦授杭州府學訓導官至太常少卿有自怡容臺
諸稿時武林詩社宏開者英雲集或張宴家園或
攜榼湖上贄有別墅在城北甘泉里時拉里申摺
紳及處士郭文敏劉辰孔諾盛民夏純周正蔡安
徐恕同往郭劉並年九十有餘少者不下六十因
名其會曰朋壽諸人皆布衣而頤頤搢紳求校咸

泯風致堪思

頽肩赤腳苦勞形烈日蒸炎汗雨零幸有楊枝施一
滴道旁甘露起茶亭

下湖小墅述聞甘露茶亭舊志不載按陳贊孫適
鍾銳諸君均居甘泉里而鍾衙衙今尙可指在甘
露茶亭之西去亭址不數武意者其地曾有甘泉
故建亭以施茶歟

香羅深巷妾家居不羨香羅疊雪裾香熱蟾宮勞織
記紅羅姓氏卜郎書

康熙仁和志由通市橋自南抵北新橋爲衙灣巷

北郭詩帳卷上

奎

內有香羅巷

慣習樞樞卅尺強讓他瓦白足春糧商量轉運臨河
便預備新增富義倉

應寶時射雕山館集富義倉記杭爲東南一大都
會歲計入城之米多至數百萬斛粵寇未擾以前
里人嘗設坊置糶爲備儲計今惟會城永濟倉義
倉頗有積民朝夕求諸市無一筭一箠之藏賴江
南皖北諸商絡繹浮米艘來給其糶以無缺光緒
己卯冬茶陵譚公來撫吾浙察吏之次孳孳以時
糶爲急以是歲防海方殷非積粟無以持其固也

於是急籌官項令紳士出購穀十萬石分儲舊有
兩倉厥不足則增之仍不足則購衙灣民地庀材
而創建之衙灣之有富義倉自此始凡地十畝爲
厥八十容穀可四五萬石其東築樓三楹屬司事
者爲居室其西列屋一區爲糶場架烏健以轉環
之向南葺屋七間爲確房則舂揄簸揀之所在也
復峙一亭於其前則舟楫之所繫而負載者之所
休息也經始於六年庚辰十二月落成於七年辛
巳七月糜白金一萬一千兩已而上其事於朝
使後之蒞是邦者散而積之無虧其數以爲民憂

北郭詩帳卷上

齋

鮎魚腹下手雙開異物居然不見災小小螺螄南巷
尾惜無說法濟頭來

西湖游覽志餘北關鮎魚色黑腹下出人手於兩
傍各有五指嘉靖仁和志武林門外大街南抵
北新橋其街東螺螄小巷夾城巷轉東直抵石灰
橋壩其街北螺螄南巷際祥淨慈寺志濟字湖
隱天台李茂春子母王氏夢吞日光而生年十八
就靈隱瞎堂遠落髮風狂嗜酒肉寺眾訐之瞎云
佛門廣大豈不容一顛僧自是人稱濟顛瀕湖居
民食螺已斷尾矣濟乞放水中活而無尾

田彥升居半道紅蘇湖市蟹熟囊中挈囊負母奔山谷不與途人犯寇鋒

傳肱蟹譜初杭俗嗜蟹而鄙食蟹時有農夫田彥升者家於半道紅性至孝其母嗜蟹彥升慮其鄰比闕笑常遠市於蘇湖閒熟之以布囊負歸俄而楊行密將田頵兵暴至鄉人皆竄避於山谷糧道不接或多餒死獨彥升挈囊負母竟以蟹免時人以爲純孝之報焉

北郭詩帳卷上終

北郭詩帳卷上

奎

北郭詩帳卷下

錢塘丁丙

出城小市號湖州宋刻臨安志久收湖墅果然詳爾雅倪翁何必改湖州

陸游劍南詩稿送客至湖州市詩偶駕雞棲送客行迢迢十里出關城誰知小市蕭條處賸有豐年笑語聲聊借野風吹醉頰更憑陂水濯塵纓故廬想見春回近鄰曲家家已徧耕 咸淳臨安志湖州市去錢塘縣五里 乾隆杭州志湖州市按倪璠神州古史攷作湖州墅云昔此地三面皆湖西

北郭詩帳卷下

一

南則金牛湖東北則臨平湖詔息湖西北至餘杭有上下二湖爾雅水中可居曰洲墅者田廬村圃之名如古稱別墅也今杭多循述其說攷宋史元史紀巴延進軍地及臨安志劍南集夢梁錄郭氏客杭日記俱作湖州市汪元量感宋事作湖州歌九十八首亦以此為題至洲墅之稱概不見於明以前之記錄倪氏說未可信也

甲橋坦坦月城邊野草生濠滯不宜多謝松毛蓋茶屋行人試暖白沙泉

康熙錢塘志嘉靖三十五年武林錢塘二門外各

濠濠發闢上構甲橋環城皆深池是年四月霖雨湖水泛溢錢塘門北城衝圯三十餘丈乃塞濠并毀橋闢後有勢家築堦植荷以為利者三十六年今聶心湯悉剗毀之 湖墅舊聞北關越城有茶肆榜題白沙泉外蓋松棚綠陰甚敞中設泥鑪瓦缶然松蘿子雖茗材不甚細而泉味實甘據主人云每日供人飲夏則百擔冬亦半之按楊蟠詩云不見泉來穴沙平落細聲夜高寒月漾銀漢太分明泉在石筍峰下巖石居東其泉出自沙中余每進城必暖之

北郭詩帳卷下

二

祠山生日近花朝雨雨風風怕寂寥廣德米商團社約更增行殿辦香燒

梓里叢談廣德州米商至杭率就湖墅越城米行出售因立廣建會館於武林門外大街以敦鄉誼中祀祠山張王為行殿奉香火焉劫後越城市散祠亦荒廢

青松陰裏護紅牆社稷神壇歲奉香祈報詩留阮文達自慚無德感句芒

康熙錢塘志社稷壇在錢塘門外明洪武六年建歲以春秋仲月上戊日致祭 阮元學經室詩錄

曉至西溪祭社稷壇路轉西湖曲松陰散曉涼五
更山雨歇八月稻花香流水開天影積雲壓電光
儘多祈報意無德感句芒

餘杭門外驛亭孤署改吳山洪武初分轄仁錢急遞
鋪壞槽疲馬齧殘芻

咸淳臨安志北郭驛亭舊在餘杭門外北郭稅務
側淳祐六年趙安撫與憲重建 西湖游覽志吳
山驛在武林門外其西有駐節廳江漲稅課司在
霍山坊原在北關駐節基洪武二十五年移建於
此 乾隆杭州志錢塘縣急遞鋪武林門外爲鋪

北郭詩帳卷下

三

者六西爲鋪者三南爲鋪者六仁和縣急遞鋪武
林門外八慶春門外五
官牙貿易孔公銓相忽遭災客淚連貨既券成原納
值生兒應客祝蒼天

萬歷杭州志吳定遠錢塘人嘗於湖州墅孔公銓
家買客相油五十擔計直當百金立券三日發油
半月歸直券成次日客寓火吳率人往救之至則
油室已在燄矣客哭曰油故假於人今何以償之
有死耳踴躍欲赴火吳急抱止之曰油既有成券
卽我貨矣半月後來取直耳客猶未信吳因與俱

歸數日卽指銀如券歸之客拜祝曰願公生貴子
以報德泣謝而去吳後生子瓚登宏治庚戌進士
官至通州守

沈甸華嘗居北墅生平孝弟課雛男師劉友應敦儒
行絕粒階前摘馬藍

杭郡詩輯沈昉字朗思初名蘭先字甸華仁和人
有粵遊草年十六入郡庠甲申年二十七棄舉業
攻詩古文與弟蘭成自相師友以考究性命爲務
嘗執經於劉念臺先生之門事父博山與母秦氏
至孝以束脯爲養誨子毅中純中弗令干祿室無

北郭詩帳卷下

四

容榻朽無懸衣披帙覽書凝坐終日嘗絕粒采階
前馬藍食之或餽米數斗不受其人固請則固辭
方宛轉避謝閒遂餓仆於地其人惶駭而去良久
始蘇笑曰其意可感然適以困老子耳康熙丁巳
年六十三卒無以爲歛應潛齋經紀其喪曰吾不
敢輕受賻襚以玷先生應門人姚宏任趨前曰如
宏任可以歛先生乎潛齋曰子篤行可也
至元元禊館承恩至正紅巾燬不存爲重皇華重建
立楊維禎記筆尤尊

楊維禎鐵崖文集迎恩館記杭爲宋行在所宋旣

內附以其地置行中書省行宣政院財賦都府肅
政府轉運備學醫金帛雜造諸司鱗比棋布歲時
朝廷遣使者頒詔旨宣賜命金幣斧鉞裘貂上尊
與夫名山大川古宮祠廟御香寶器不絕於道
使至之日省憲而下百司庶府之官無不奔走戒
金革儀仗聲伎部曲導前擁後以爲郊迎之禮蓋
偏以迎官寺則失諸慢曠以迎上舍一驛之外則
過於勞故酌其地於郊關之外以爲迎送之次此
北門之館所由立也館創於至元元年承恩之額
書於右丞圖魯公至正十二年秋七月紅巾寇杭

北郭詩帳卷下

五

毀館寇退越三月而監郡觀閻氏倡捐己俸命仁
和縣屬吏首起其廢爲屋凡若干楹堂室廳軒洎
垣墉門著更衣之亭治餼之廚凡坐臥飲食器用
之什無不完整且更書其額爲迎恩尊皇華之出
也興工於是年十一月某日告成公道仁和丞某
來請記余謂周官之法凶禮無力政杭城不幸罹
朱鬢氏兵燹之餘而力政是舉非所謂時屈而舉
廢者乎抑論之方政有緩急緩不得舉急不得廢
迎恩之館爲皇華使者之賓送以奉王制而尊天
使臣子之敬也朝覲貢賦送往而迎來又臣子之

忠也執忠與敬臣道在茲而可以一日廢乎宜不
得與時屈舉廢者律之也其費緡錢若干不書書
其廢興始末以爲記然公之爲政知所先後其興
弊於城郭殘破之餘者蓋不止是出風教者先聖
大成之宮砥礪死節者忠臣血食之廟及倉庫闕
梁之要害固已陸續而舉予又當附春秋義筆削
焉以爲民力重云

白石仙留水磨頭綠楊風雨思悠悠葛翁來訪不相
值燕子無人自入樓

朱彭南宋古蹟攷姜石帚寓在水磨頭石帚名夔

北郭詩帳卷下

六

字堯章號白石道人嘗館於水磨頭方氏 姜白
石詩集臨安旅邸答蘇虞叟絕句垂楊風雨小樓
寒宋玉秋詞不忍看萬里青山無處隱可憐投老
客長安 陳起江湖小集葛天民清明訪白石不
值花齊懸燈柳插簷老懷那得似錫甜畫船已載
先生去燕子無人自入簾

吳家十葉霍山居柏老香微槐獨餘東壁儒林承舊
蔭白頭三禮校遺書

王德溥養素園介壽詩存吳廷華詩云吾家十葉
居霍山柏香一樹森小園清華水木借鄰苑友莊

池館容躋攀頻年際隔此重過卻喜摩詰住輞川
到門鄰鐘正報午黃梅雨漲溪潺湲水明樓處影
遠樹千章夏木綠蔭繁楓梧叢桂抱秋意想見梅
雪凌春寒亭林勝賞喜如昨薰風一道披長筵先
生清德本高世山林鐘鼎隨其天浦珠昆玉寶作
樹義種仁獲情爲田駐年有道在養素樂全堂上
蓬瀛仙安得洽比舊里閑舒長化日時追歡年年
壽酒會真率扶醉唱徹池上篇 杭郡詩輯吳廷
華字中林號東壁仁和人康熙甲午舉人榜名蘭
芳官福建興化同知有東壁詩鈔嘗遊津門時查

北郭詩帳卷下

七

氏方以風雅號召海內吾鄉厲樊榭汪槐堂陳授
衣對鷗諸名士皆在焉東壁刻燭聯吟咸其推服
其詩具見沾上題襟集中倅興化日以事望誤用
薦入三禮館分修既歸主崇文講席生平學醇論
高含咀諸經精洽貫穿所著有儀禮章句十七卷
於喪禮尤爲精審又著三禮疑義未經刊行府志
入儒林傳 筱歛齋稿柏香園盤槐吳雨蒼同作
柏香園中柏已無參天鴨腳餘十圍海棠一樹最
繁豔歲久蝕盡摧薪柴老槐閱世長於人臃腫似
處才不才枝柯屈曲僅盈丈千態萬狀呈怪奇參

影被面鬼髮綠菌蠢縮頸龍胡垂鳥窠不到於其
頂蟻穴或食乎其皮電鞭雷斧不敢下雨淋日炙
徒爾爲是中空洞復何有生氣盤鬱不可思春來
凡卉鬧蜂蝶蹣跚朽質誰愛之但惜畫手畫不得
不爾破壁亦應飛君不見當年鬪酒連日夕婆娑
對爾非昔時可憐去索長安米又踏黃花逐隊馳
王家橋院試重新解額旋增廿二人鳳味堂空鵲袍
散月圓光賸燭如銀

北郭詩帳卷下

八

成涓臨安志王家橋在本府試院前 成化杭州
府志宋貢院在錢塘門外王家橋試一郡之士謂
之方州貢士 翟灝湖山便覽宋試院淳熙十二
年守張杓因北宋舊址重建舊制三歲解十四人
紹興時增西北流寓解額三人其十七人至景定
時增至二十二人引蘇軾催試官考較詩八月十
五夜月色隨處好不擇茅檐與市樓況我官居似
蓬島鳳味堂前野菊香劍潭池畔秋荷老八月十
八湖壯觀天下無鷗鵬水擊三千里組練長驅十
萬夫紅旗青蓋互明滅黑沙白浪相吞屠人生會
合古難必此景此行那兩得願君聞此添蠟燭門
外白袍如鵲立按院近寶石山舊有來鳳亭鳳味

之顏豈因此耶

五國城吞羶髻漿羔兒跪乳視慙惶一從德祐牽羊後猶賸坊橋記滌羊

湖山便覽羊坊橋在霍山大路口宋時滌羊之所
有酒庫瓦子在焉其西即古柳林北為溜水橋
餘杭門外路無塵寂寂哀歌薤露聞近變高三房漏澤更封朱八相公墳

成化杭州志杭州舊有十三門惟餘杭門北不得出居人之構南宋雜事詩趙信詩云至竟餘杭門外路居人不識薤歌聲鄒在寅湖壩續記高

北郭詩帳卷下

九

善士芝檢鳳輝道光初施捨棺木隨掩義冢三十年未嘗聞斷人皆指謂曰高三房鳳輝嘗自詠云北郭購地四百畝已葬屍棺六萬餘平生畏作造物蠹勉力行善完太虛並於廣德場之右別立一場萬侍郎青黎記其事場為清明祭所有聯云逝者如斯夫雲白山青誰作主掩之誠是也夕陽衰草其含恩張爾嘉德延堂筆記廣德場中有朱八相公之墓墓碑卓立而無名號并無歲月細考之乃康熙閒善士朱上舍家森也
寶石峰陰感夕陽霍山廟下破梅香源村老與既咸

子樊榭詩中識二王

徐任師有涯集王源邨先生詩序王子源邨者喜友朋愛謳吟家於寶石山之陰去西湖不數武花辰月夕時攜二三知己徙倚山橋徘徊煙水或因時感興或託物言情分韻聯吟更唱迭和數年之間篇章日富余聞源邨之為詩也調必風華句必典雅而後即安未嫌雖數易其稿不知置友人有善此者復與講論切磨虛懷集益昔必不齊能取友宜尼稱為君子源邨殆私淑其人與嘗竊慨天下滔滔無往而非驕人也巧者其能勇者驕其

北郭詩帳卷下

十

力富者驕其財貴者驕其勢其淡情於富貴者又不免於貧賤驕人之態求其虛心平志者或於風雅中得之乃尋章摘句之儒風雲月露之士人人自以為詩伯詡詡然矜己之長而責人之短若源邨欲然自視者誠不槩見厲鷄樊榭山房集哭王源邨平生師友十年開雪月花時記往還原季長貧成白首應劉俱逝託青山篋多遺稿從人取室少孤兒信命慳北郭西橋同此恨笛中先後淚潺湲歲暮答王既咸北郭幽棲一水涯松毛蓋屋蘚侵階詩來慰我不稱意歲晏憐君獨寫諧臘鼓

無端喧委巷春燈取次翦閒街疏梅半樹展書卷
賸欲此中尋好懷西溪歸訪王旣成牆東君公情
且賢留客纜我西溪船霍山廟前看殘雪溜水橋
下添新泉梅開香破缸面酒日出暖射牀頭瓊春
濃更當挈伴過菜花繡徧村村田
寶峰樓外寓公汪鉏月山人構可莊游屐吟襟參畫
理梅花初白味茶香

杭郡詩輯汪鳴佩字玉岑號鉏月山人仁和人郡
貢生有鉏月山房吟稿素抱冲和雅善山水其別
業曰可莊在寶石山麓有初白亭梅花舫煮茶坪

北郭詩帳卷下

十一

聽雨廊諸勝同時如願凍園陳寶所諸公時與往
還遊屐吟襟此焉最盛也

松木場邊柳乍青眾朝三竺叩眞靈香船隊隊排香
蕩約禮彌陀石壁經

湖山便覽松木場一作櫻毛場凡吳郡士女春時
進謁靈竺停船於此 小山居稿香市詩春風淡
沓春日長三竺絡繹人進香香船彌望不可紀一
一銜尾松毛場 湖壩續記成方上人於霍山之
陰創建彌陀道場乞善士沈善登書彌陀經鐫石
壁上築閣供奉地近松木場凡吳郡士女春時進

謁三竺必頂禮焉
李公司權性仁慈稅不加增杜漏私響水開流清惠
澤崇祠足當峴山碑

萬厯錢塘志李公祠在錢塘門外響水開崇禎十
年建太史曹勳記公諱思敬號隗臺揚州興化人
初令永豐有善政惟北關清惠愛商不奉詔增稅
第清漏匿而常課足公餘輒屏騶從低徊兩峰六
橋間及守括蒼罷採鑄嚴保甲建麗譙興文學諸
所創舉皆可不朽身歿之日杭與括謳思不已具
呈學臺崇祀名宦仍肖像西湖以當峴山之碑云

北郭詩帳卷下

十二

新河坊口祀張王周密椿萱肅奉香兩地得籤籤合
識三頭遇盡免兒殃

西湖游覽志霍山坊過河橋路入西山橋下爲新
河坊口乃張士誠所開者舊有廣惠廟宋康定元
年建以祀廣德王張渤者遞代衰封二月八日傾
城士女集焉周公謹云余世祀祠山張王動止必
禱應如膏龜先子需澄江次爲有力者攘去先妣
時留嘗禱於南關之祠山有水邊消息的非遙之
語先君霍山所祈亦得此籤越日臨江之命下矣
戊辰年鑄子甫五歲病骨蒸勢殆甚凡藥皆弗效

薦籤得蠶之上九云蠶有三頭紛紛擾擾如蟲在
皿執一則了退謀之醫試投逐蟲之劑凡去虻蚋
三其色如丹即日良愈

鴨寒雞暖待烘蠶上下泥橋一水探翠袖生涯倚修
竹玲瓏製賣馬頭籃

田藝蘅詩集上泥橋曉行湖西落日曉蒼蒼綠樹
盤旋芒服涼五月梭毛場上路蒲葵風細藕花香

張丹秦亭集下泥橋居人兩岸住流水一橋通

竹器爲恆業茅簷自古風鴨寒入蘆裏雞暖叫桑
中脫帽還頻過椒花處處紅 湖山便覽泥橋有

北郭詩帳卷下

五

上下二橋皆下湖水所經上泥橋在方公橋西近

古塘里下泥橋在西陸八字橋東 夢梁錄春光

將莫百花盡開賣花者以馬頭竹籃盛之歌叫於

市一方回秋崖小葉湖上詩今歲春風特地寒百

花無賴已摧殘馬勝曉雨如塵細處處筠籃賣牡

丹 紫陽小課張炳馬頭籃小樂府云東馬勝花

信早西馬勝花事好韶華付一籃點綴朝廷小錦

城桃李正鮮新撲到鼻亭馬足塵穉柳嬌黃齊賣

卻換成別是一家春

福昌舍利與安平勝象清修院各營半屬涓熙乾道

建東西陸徧木魚聲

咸淳臨安志福昌院在東馬勝北湖州市西舍利
院在東馬勝乾道七年建安平院在東馬勝涓熙

中建元爲寶月庵紹熙間移請今額勝象院在西

馬勝紹熙三年沈氏捨宅建移請今額清修院在

西馬勝涓熙十四年建

菌閣吳興手榜題止堂餘壤閣爲移多情記出陳安

雅霜露伸恩歲一歸

成化杭州志菌閣在西馬勝句曲外史張雨以故

人朱明宇止堂餘壤爲閣四楹 湖山便覽初雨

北郭詩帳卷下

五

居菌山有菌閣吳興趙子昂篆榜迨結廬馬勝移

以署新閣焉 陳旅安雅堂集菌閣記至元丙子

句曲外史來棲馬勝外史杭人入華陽洞學道廿

餘年世慮消盡獨歲一還里展墓覽春木踟躕不

能去乃二月來歸得一候言笑於是閣因徵記刻

於溪石云

馬勝新社眾推崇故院誰爲訪歲豐雄武二王忠迹

古幸留一碣記屠隆

屠隆馬勝廟記城北有隅曰馬勝句曲外史稱爲

散花灘處乾德間僧雪巖建歲豐禪院治平改寶

覺豐樂寺後爲劫灰僅存雄武二王祠概而名之
馬塍廟以虔土穀香火其基亦盈畝而止名山沒
爲荒草寶幢華蓋之謂何乎及考二王爲馬公雄
馬公武有忠謀於宋而七尺同洪里氓婦豎無不
稱說二王云而宇亦將傾主僧寂學其傾也覆
念道場未勝壬寅歲罄鉢粉社賴茲諸父老喜襄
成之也擴其畝者三庀工治材爲營豐樂古刹且
金表岳岳備盡莊嚴尋茸兩王廟一時並新淒涼
荒郊今日鐘磬參響於是焉虔其香火者瞻拜兩
公則懷思忠誼進禮三寶則皈依正法豔耕畝之

北郭詩帳卷下

圭

奇蹤登果位於大覺黍稷與與原埜械械永鎮方
隅長鳴佛福不乃在斯乎蓋諸父老主僧重新意
也廟貌旣顏禪地旣闢不可以不記橐筆記之

飛飛白雁下巖阿聲歇湖州笑語多九十八章亡宋
淚何心重讀水雲歌

南宋書汪元量字大有錢唐人以善琴出入宋宮
臨安不守太后嬪御北遷汪從之有水雲詩一卷
最愛茗川宋伯仁京城遭燕卜居新聞來自著西塍
集還寫梅花譜喜神

吳焯繡谷薰習錄西塍集一卷宋宋伯仁撰伯仁

字器之湖州人嘉熙中爲鹽運司屬官多與高九
萬孫季蕃唱和亦江湖派中人也是編卷首題雪
巖吟草下註西塍集又寓西馬塍詩題下註云嘉
熙丁酉五月二十一日寓京遭燕僑居西馬塍其
日西塍蓋由於是 旣亨瀛州筆談梅花喜神譜
二卷宋宋伯仁撰寫梅花百圖上卷分五類一蓓
蕾四枝二小蕊十六枝三大蕊八枝四欲開八枝
五大開十四枝下卷分三類一爛漫十八枝二欲
謝十六枝三就實六枝每圖各綴五言絕句曰喜
神者殆寫生之意

北郭詩帳卷下

圭

彥明小隱託西塍慈節堂輝室夢椿名畫法書梅竹
石絕無闖闖狹邪塵

張甯方洲集西塍小隱記古杭有東西馬塍故多
畝畝因畦埒得名居民至今猶巧於栽植境界河
而中分東西之塍尤爲靜勝路隘曲度略約不可
以聯騎並趨從容緩散行蒙翳叢薄之中而回環
以入始有佳處朱君彥明所居在焉初涉蹊徑循
垣籬望見其舍宇雖蕭爽殊前行尙與村落無大
迥異入門而流憩幽葩茂卉古梅奇石法書名畫
交羅於慈節堂夢椿室耕讀軒挹翠亭左右前後

暑涼煥寒皆得所便時態良適出入縱觀徹其區
四顧秀遠通流旁達田有秔稻池有魚鼈場圃有
桃李竹橘杏桂茗櫻桃楊柳石榴枇杷可以供祭
養賓客之務舉趾可以及湖山而游汎之客不至
盡日可以再往返城市而閭閻之聲不聞清談雅
集座常不虛而狹邪俗陋之人無留迹於階庭者
君子以其地互邑野事均顯晦人兼質文彥明又
方在求志達道之交不可謂之隱亦不可謂之非
隱故名之曰西陸小隱予因爲之記

南山禪伯探清明興發游招袁靜春醉賞馬陸偏墜

北郭詩帳卷下

七

馬青鞵從此任天真

袁易靜春堂集寒食日南山招飲馬陸醉爲馬墜
錢塘西湖天下奇寒食清明風日美山開錦繡身
入畫舟近絲簧春滿耳上人興發流俗表攜客看
花古陸裏委蛇微逕出荒蕪繚繞重巒當燕几遠
尋桃夢失紅霞稍覺風光在流水賞心尙友答芳
辰傾蓋何期遇知己晉人禊事得同然介子高風
嗟已矣山懸落日爲人歡酒盡清尊邀客起墮馬
言吟杜甫辭墜車今悟莊周旨養生被戕幾自解
以酒得全探妙理今我不樂復何爲人生如斯良

有幾驚峰蒼翠何堪邀臣分青鞵從此始真地

旗鼓鞞靴金策勳優尊尊俎共論文教場正寨東西

在神勇効而馬步軍公用時時亦東南南嶺嶺下

咸海臨案志神勇馬軍鎮鎮鎮鎮鎮鎮鎮鎮鎮鎮

馬陸教場西馬陸神勇步軍武寨在湖州東米

市橋一橋教場在馬陸神勇步軍武寨在湖州東米

左史馬城居民居道於時相不相與有鬼力諫公出

害間侍侍庭十載餘也高也高也高也高也高也

柯本集在史國公家傳公諱任宗伯可徽州歙縣

無家長女增縣營屋於杭北關門外迤西馬陸始

寓居焉身後除松文殿修撰知漳州東甯州州州

檣韓修學史彌遠史嵩之皆陰與臺諫爲一以去

其順善而擅權也倣者世獨益史公兩爲御史出

於理廟親擢前出喬符籙不合後與李宗勉嵩之

亦不合矣監簿與公家傳公諱沈崇叔期煥史先

生子也特著先程祖徽點贖軍激賞酒庫護游西

安撫使印契參行公田初欲行之東南諸路講可

免和雜稅臨安克憲當奉行陰疏告罷可遭重劾

乃僅行之浙西六郡申子老月彗星出公真似道

梅香齋公母遺志主其母祝其夫必憂壽故知臨
安所於濟縣其夫必預同開居九年矣始迎在東
至於濟南補前入國茲趙護其性體其體以無
學濟秦帝從顯堂百第聖駕求登荒西軒想見聯琳
夢伯仲之閒噫德長壽以知德以未德以知德以
秦高集其居德野堂在馬勝迤西大門勝羅滿其
謂之羅徑到階有竹首餘筆謂之竹徑出階有竹
合歡樹皆株天矯如龍數百年物也謂之槐徑乃
作三徑詩梅徑聞說先公手植竹徑餘翠老參差痛
日諸生講藝此時兼亦傳詩竹徑西李風來色綠

北郭詩帳卷下

三鷗雪後聲乾已能張鷹逃入何用空歎笑看羅
徑鳥雀去來不避衣冠出入常捐花開白白秋素
蔓若青青真交又草屋落成喜同祖定弟蘿垣新
構有階除兄弟連朝步自如可是袁宏潛土室豈
惟伯約處茅廬青山樓閣常梯几白鳥池塘故作
書向夕郊原遙矚望馬勝雲樹未蕭疏 張振孫
兩峰樓集祖望兄自姑蘇歸過示館中因同歸從
野堂宿西軒向夕同延眺疏星掛碧蘿墮階知果
熟照水覺螢多濁酒臨池醉新詩按節歌獨歸不
夜宿翻似客中過津杭郡詩續輯張振孫字祖定

錢唐人丹弟有兩峰樓集江行草為前明孝廉維
誠先生孫維誠講學馬勝崇廟實德祖進世其先
業貧而好學其兄祖望贈詩云盛明作者何信陽
三十詩名滿大梁我弟亦西足與敵伯仲之間自
同行其傾倒如此江行草賦詩維維維維維維
馬勝生潤敏花枝宋許元張各紀詩白髮翁還白頭
母盛衰真偽總如斯維維維維維維維維維維
西湖游覽悲東西馬勝在溜水橋北土細嫩樹四
時花卉於此出焉許棗梅屋集馬勝種花翁詩
東勝白髮翁勤種花戶益實有根花價重無然

北郭詩帳卷下

顧西勝年少郎荒嬉度朝暮貧賈無根花價廉爭
取去年少傳語翁同業勿相如賣假不賣真何獨
是花樹 張憲玉笥集白頭母次徐孟岳韻道旁
哀哀白頭母西馬勝上花翁婦數莖短髮不勝簪
百結鶉衣常露股自言夫本業種樹一朝棄業從
戎伍荷戈南征竟不歸不知被殺還被虜屈指十
年音信斷獨宿孤房誰共語家在錢塘古蕩東門
前正壓官橋路卻憶夫在種花時春來桃李下成
蹊自從夫死花樹折錦繡園林成馬塢縱餘梨杏
與梅茶無力太城供富家富家遭兵亦銷歇金錢

誰復收名花何況邇來新將相
體好儼不好賢
江兵餘城市花村鳴亂後名園作軍府
年年寒食杜
別鵲曉城家出家西湖西轉流
荏苒場飄忽可憐誰
拾花翁骨君不見海棠風楊柳雨
牢落錦紋筆
零金雁柱黃四娘蒙花漸稀
蝶飛來過牆
供奉東頭董崇臣
逢迎媚巧見
必神馬騰移得益荷
去內苑清池
云效新書

梓里叢談董宋臣始爲小黃門
稍進東頭供奉官
縱種善逢迎如賞荷花
卽於西馬騰取益荷置之
大
宜池中雲錦炯然明
復還之
前賢論大善
西園

北郭詩帳卷下

注

宜聖文孫正傳西湖院長湖前賢
鈍夫著就西騰
精鄉飲推賓孰敢先

嘉靖仁和志孔克愚宗鈍夫
仁和宜聖五世
孫父文學任西湖書院山長
授建德總管府知事
遂家焉克愚喜讀書隱居
夾城有西騰吟稿歲舉
鄉飲郡守請爲大賓年八
亦
卒學士曾榮銘其

墓

陳宦花南卜退棲騎驢行迹動
長思梅莊
一片開春
草新爲斬王起祀祠

陳韶花南詩集梅莊雜詠紀略
梅莊宋韓斬王園

咸淳臨安志在西馬騰廣一百三十畝
有水閣梅
坡芙蓉堆諸勝余乙未已亥閒二至六橋
與諸名
士題襟選勝欲訪未果丙午攝別駕於杭
職司水
利每問渡西冷循寶石山而北歷宋滌羊
所過溜
水橋謁靈衛廟見長隄花柳掩映顧而樂
之居人
語曰地名梅莊故老得斷碣知是斬王廢
園予因
思重建水閣梅坡以誌古蹟越六七年莫
能遂比
來養痾湖上重尋舊游儼老屋數椽粗立
神龕以
奉斬王祀事更編竹籬蓋茅舍作陽羨買
田之計
夫以斬王之勳業不數百載其遺址手植
已無可

北郭詩帳卷下

注

據更百年而後又誰問後之寓於梅莊者
乎然我
一日獲寓於此梅莊卽爲我今日之所有
而百年
如過客又遑計後日之有梅莊與梅莊之
予乎梅
莊雜詠春漲桃花港口煙花開花落自年
年春光
流盡無人管暮雨空波冷釣船驢背無人
宦迹銷
馬騰池館沒裙腰山青水綠成千載懷古
重尋溜
水橋

南渡流風未杳冥栽培宰樹課柴局
花園亭接花園
埂桃李輸他松柏青

魏標湖墅志略花園亭在西馬騰北墅
竹枝詞註

有上花園下花園土人多藝花爲活 張岱陶庵
雜記泊舟北關舟人私攜越釀關吏執法繫船不
能行無事步至花園埂看花購寶珠山茶二盞歸
篷窗靜對庶不孤寂按花園在羊角埂俗稱花園
埂近時均栽石楠松柏移植墳蔭嘉湖船販獲利
較花事尤盛
不就人謀就鬼謀奇才傲骨儘風流王郎夫婦聰明
怪占斷煙霞萬古樓

湖墅小志王曇號仲瞿嘉興人以名孝廉游京師
名公卿均折節下交生平博學精技術愛湖山之

北郭詩帳卷下

重

勝移家杭州築室馬塍曰紅柏山莊自譏門聯云
全家居賸水殘山妻太聰明夫太怪此地有青燐
白火人何寥落鬼何多莊後改爲王庵 王曇煙
霞萬古樓文集繼室金氏五雲墓誌銘會稽金氏
長女禮羸字玉雲者以乾隆五十九年十一月四
日婚於山陰紅柏山莊爲南宋種花之地雲樂而
誓之曰我之歌哭殆在是矣以嘉慶十年九月養
疴杭州卒之日年三十有六殯於湖墅馬塍之散
花樓下

草營卅畝史公家永慶僧求鄧伯牙梁戟我我易鐘

鼓法輪轉處夢繁華

鄧伯牙琴永慶院記歲丙戌夏余游杭永慶院
主僧勤肅來請云某平日勤瘁不以營吾私罄所
儲得史氏故宅闢茲道場所以酬四恩潤三有非
徒游居寢飯而已將句諸當世大手筆必子毋讓
爲識之曰由杭北郭外驛道行七八里西折走羊
角埂達草營巷是爲院凡屋百二十有七楹地三
十畝有奇相舊制或因或革經始甲申夏月越歲
有八月成於是殿其陽以奉佛堂其奧以演法具
葉晨唱木魚晝鳴左香積右雲會丈室巍然壓其

北郭詩帳卷下

重

後

倒戈徐綰掠郊闔武肅難歸北郭城寂寞狐狸馬塍
路陳通苗傅再稱兵

吳任臣十國春秋天復二年秋七月王親巡衣錦
城治溝洫八月丙戌將還府城親饗將校武勇右
都指揮使徐綰謀爲不利辭以疾王惡之命綰先
還次日王發自衣錦城綰還作亂武勇左都指揮
使許再思以兵迎綰同叛將及內城王子傳瑛與
三城都指揮使馬綽牙將陳爲等發懸門以禦之
王次龍泉聞變疾驅至城北時牙將潘長與綰遇

斬首二百餘級縮退營於龍興寺王微服至德勝
門牙將周肅遣鍾審以舟迎王王遂沿江至內城
東北踰城而入人莫有知者北門直更卒憑鼓而
寐王親斬之隨命都監使吳璋三城都指揮使馬
綽守北門內城都指揮使王榮武安都指揮使杜
建徽守南門又命指揮使顧全武率兵衛屯東府
葉適水心集同趙振文遊馬塍陳通苗傅昔弄
兵此地寂寞狐狸行聖人有道賁草木我輩栽花
樂太平

長版橋西王瑞虹祖慈挺救赤標中
訥齋何特詩爲

北郭詩帳卷下

五

壽千歲桃花顏色紅

王暉南窗文略先考瑞虹公行述先君諱湛字澄
之號瑞虹仁和人聚族居長版巷崇禎丙子曾叔
祖南溟公出守漢州趨裝赴任舟已發而盜不知
夜入吾家恨無所獲遂縱火當火猝起族人爭取
簿券獨祖母沈年老不及行倉皇無措火愈熾先
君方欲大聲疾呼忽見祖母在煙燄中挺身負之
以出餘悉無所攜時不孝暉方在母娠將彌厥月
聽其匍匐不顧也 何訥齋詩集王瑞虹壽春風
宜燕喜玉樹發新枝卮酒登堂奉嘉賓爭致詞羨

君雙鑠稱難老丹書幾卷能談道九節菖蒲氣味
馨千歲桃花顏色好幽居酬唱樂事偏散髮行吟
儼若仙慙勸誨子真令器會見致身青雲顛明光
殿中靈壽杖還應載錫大椿前

十誦歸營小小寮巷依長版接平橋稠桑幾畝竹千
挺不負兄漁并弟樵

周南小十誦寮集移居詩長版橋頭小結廬半村
半郭野人居無心情得房山筆圖出清溪漁隱如
衡茆門巷性情真樵弟漁兄話轉親十畝稠桑一
園竹安心今作太平民 周澍歸田集跋先父諱

北郭詩帳卷下

五

南字二南少孤力學治經外尤耽吟詠自乾隆丁
未公車留北遊游齊魯燕趙閒迨筮仕迄歸里在
外垂三十年閱歷既深醞釀益厚雖抑塞磊落盡
發爲詩而忠厚悱惻不失詩人遺旨

風清月白結吟魂名氏雖湮道自存賴有知交留集
序沈芹田與卜薌門

小山居續彙同里沈君芹田與其弟臞民得尊甫
晴山先生之傳深於詩學杜門清課人罕知之而
王文荃櫓移家北郭與先生並屋而居詩筒往復
人始聞而慕之君既沒臞民錄其遺詩欸門來謂

余曰願得一言以弁其首余不敢辭追維曩不
獨君兄弟情好久而彌篤王丈亦忝忘年之愛譚
詩靜夜坐月閒窗酒冷燈昏留而不去抑何樂也

魏謙升望三益齋文集道光十有三年卜君薈
門以疾卒於家余從兄月躔明經刊其遺詩而謀
所以表君者命謙升爲之傳君諱爾昌號薈門錢
塘人方坦薈門遺藁序卜君操履純白秉性冲
夷儻有古人風自七歲解吟詠長益工能自出
機杼不落前人窠臼靜夜更闌猶時聞吟詠之聲
既歸道山謀欲梓之而未有力會魏君出貲鏤版

北郭詩帳卷下

毛

於是愴然握筆書數語以復魏君

野圃春鶯囀曉風散花灘外水雲中斜揜雙袖滿裙
處照影何人似小紅

周天度十誦齋集北郭聯吟散花灘畔水氤氳滿
樹曉鶯極浦雲出樣自梳蟬翼鬢朝來約伴試瀟
湘

也足山房沈兩莪幼從舅氏學吟哦不知鼎鼎園何
在但記天龍種白荷

湖墅人物考沈鳳梧字兩莪號蓬壺仁和人也有也
足山房吟草家湖墅集中有魏春松舅氏惠鮮荔

端硯諸詩又夜宿鼎鼎園小樓詩夕鼎鼎園白荷
花爲陳天龍所栽家君乞其半移種小園詩是鼎
鼎鼎園者爲北墅之佳構今亦不可考矣

萬馬三軍雲亦飛高疑鷺躍下魚隨孔肩一記聲如
繪始識清河壩水奇

鄭圭孔肩文集嘉靖十三年七月十七日驟雨終
日及夕河高於岸湖與隄平越三日不佞居寶石
山自謂居濠梁之上矣有客來言清河壩水狀甚
奇曳履往觀始至則未睹水之形也其聲琅琅然
潏潏然已躍然而令人趨矣壩注湖北流兩涯積

北郭詩帳卷下

天

石中作級水從級下注也如飛雲如奔萬馬如三
軍介馳而爭先若隱若現若趨若留瞪視便眩如
欲墮水者級窮躍而起如鷺之翔如羣珠迸綻如
亂縠綺如白雲四合有魚隨水躍高可五六尺壯
哉

漫謂龍頭屬老成而云狗頸利雲程一條溝寶涇閒
水轉被汚名得美名

梓里叢談魏士龍原名然乙字芸閣錢塘人道光
甲辰解元初芸閣夢觀天榜榜首爲錢塘魏士龍
旁一人告曰此卽君也醒而易名乃珣操幾三十

秋六旬餘始得領解一時有龍頭老成之頌所居
在清湖壩 湖墅小志寶慶橋在新馬頭橫街河
港甚隘俗名狗頭頸言其水易涸也有狗頭頸通
湖墅登科者眾之諺大比之年往往有驗
莫公遠隱上關門訪友情推光祿敦高枕青春吟白
雪始知當日寓公尊

康熙錢塘志上關門巷詩人莫公遠寓此卓明卿
有上關門訪遠公詩云詩多驕白雪高枕臥青春
其風致可槩見矣

香涎著手著神功阿太巖切竟摸龍世澤流傳人壽

北郭詩帳卷下

无

考錦屏文祝德門中

杭郡詩輯姚三辰字舜揚號聖湖仁和人康熙癸
巳進士歷官吏部左侍郎聖湖故傅氏其曾祖應
鳳字繼元始從姑姓爲姚繼元游齊雲受異人祕
方以神醫稱又嘗采藥山中冥晦失道據一大木
覺有異俄而雷雨大作所據木騰空去始知爲龍
後治疾手至立愈其家稱摸龍阿太云聖湖四歲
而孤母氏楊撫教之性孝友篤友誼入館閣後典
試者二督學者一爲會試總裁者一丙午山西主
考已掣籤得某人矣 憲廟置之取空籤書聖湖

姓名付禮臣蓋異數也後以奏對忤旨 命往
將軍阿爾泰軍前觀 本朝營制出歸化四閱月
方抵大營塞外早寒夏至遇雪將軍置酒高會令
賦瑞雪詩拔筆立就將軍復舉酒屬曰吾轅門未
有佳對若爲我題之軍吏伸紙磨墨睽睽環視於
是引滿揮寫聯語多或至數十字三大營皆備人
皆服其速藻未幾 賜環游躋卿貳以端謹聞卒
年六十五府志入名臣傳

北郭詩帳卷下

三

錡應耐馨香一報功

康熙錢塘志阮公祠在武林門外祀明都御史阮
鶚扁額忠定隆慶六年建李春芳記 浙江通志
嘉靖乙卯寇掠塘棲鶚主守武林門奮議納郊關
之民於郭內多所全活是歲夏賊再湖墅縱掠乘
鉞者惟主城守計鶚憤之命諸生林某率所練兵
百餘人擊賊於混堂橋壯士湯十八奮矛而前賊
眾始退 武林文獻余有丁朱虎山墓誌銘長公
諱儒字子醅世系出會稽郡高皇帝時始祖有以
義從軍者遂占籍於杭之仁和里里中閭右義之
稱義門宋氏公以文起家爲博士弟子員下帷講

誦修夫子之業而潤色之所學當於功令使者輒
試異等由是名藉藉甲諸弟子欲有所舉事必相
謂奚不告義門虎山先生虎山長公號也長公蓋
立義不輕爲然諾者諸弟子誦長公義不忘爭得
長公一諾云嘉靖乙卯倭奴掠湖墅民無老幼提
攜瑣尾爭走城下呼門而門者乘陴閉不得入嗽
嗽將藉枕死矣長公曰是民且赴湯獲何可不一
舉手坐視其灰燼而復推內之也則首議白所司
令門者入之民生活以萬數

觀音渡落天狗星塵沙風捲金陵兵當日伯溫猶未

北郭詩帳卷下

三

遇悲歌一曲北關城

劉基誠意伯集悲杭城歌觀音渡口天狗落北關
門外塵沙惡健兒披髮走如風女哭男嘔撼城郭
憶昔江頭十五州錢塘財富稱第一高門畫戟擁
雄藩豔舞清歌樂終日割臚進酒皆俊郎呵叱閒
人氣驕逸一朝奔迸各西東玉尊金杯散蓬華清
都太微天聽高虎略龍韜緘石室長夜風吹血腥
入吳山浙河慘蕭瑟城上陣雲凝不飛獨客無聲
淚交溢 元史金陵游軍斬關而入突至城下城
門閉三月餘糧道不通米價甚貴一斗直十五緡

越數日米盡糟糠與米同價有貲力人則得食貧
者不能也又數日糟糠亦盡乃以油餅搗屑餒之
老幼婦女羣乞於市至有合家結袂接臂其沈於
水者餓死凡十之六七軍既退去吳淞之米船方
始糶集聊藉之以活命而又大半病疫死

左廟明時尙被誣鄉賢黜位太荒愚夏公神道碑銘
在組內何爭 冷豬

周詩土穀左侯祠修復記城北土穀左侯祠者創
自北宋蘇長公刺杭時爲題門扁守祠僧以祠名
土穀宜勿毀乃不賂胥吏輒上議曰左侯祠不經

北郭詩帳卷下

三

宜毀報曰亟毀里中父老羣噪公庭弗已考功郎
嘉禾毛君故嘗寓止祠下則令守僧輸金於官詭
曰佃然後免焉 湖墅志略歸錦橋罷歸衙夏罷衙
皆以夏公儼屋而得嘉慶五年正鄉賢位有大
理寺卿夏時正俗學無知指爲夏時之譌而黜其
位 楊守陟文憲集夏時正神道碑銘公諱時正
字季爵姓夏氏杭州人正統乙丑進士刑部主事
成化五年陞大理寺卿八年以疾乞致仕得旨俞
允公歸杭布政使張公瓚等重建西湖書院於孤
山以處公久之書院火公去歸慈谿弘治十二年

二月布政使楊公峻遣人迎公遷杭舍於歸錦坊
日著書屬文猶作細字至臘八日忽覺體疲明日
午卒壽八十有八

題榜依稀蘇長公重書八字董思翁丁居士謁左侯
廟碧沼槐龍詩筆工

硯林集左侯廟四詠碧沼云瑩淨古碧沼人呼清
水潭時拂靈旗影恍惚雲鬢髮槐龍云老槐勢盤
拳因以槐龍名架月如抱珠喜無貪虬爭蘇文忠
公書當境土穀左侯神祠八字扁云前身五祖戒
後身蘇玉局遺勝歷紅羊曾免毀祠辱董華亭書

北郭詩帳卷下

三

扁云華亭書中僊舉體實道媚扁字繼眉陽遙遙

壘堪對

寶慶橋連德勝橋石灰江漲北新遙夾城巷口尤繁

盛市鎮同誇節物饒

嘉靖仁和志寶慶橋市鎮去城五里有餘德勝橋
市鎮去城六里石灰壩市鎮去城八里江漲橋市
鎮去城八里北新橋市鎮去城十里夾城巷市鎮
去城五里

沈翁七秩始矜青臨歿鐫詩乞比鄰百六十家詩採
錄可堂不愧有心人

孫以榮湖墅詩鈔序余家由半道紅遷錦里交游
盡湖墅其中望衡對宇白髮蕭蕭賈卜垂簾酷嗜
吟詠則有根亭沈先生煢獨一身年七十一方受
知於鄧東長文宗越五年疾作當垂危時余候之
淒涼臥榻手出詩稿一編叩首枕上灑淚屬余曰
爲我刻之余應云有力定當如命言雖若此此心
竊許之矣詎意二十餘年余竟窮愁以老先人窻
窻兒女婚嫁畢舊約思酬獨此爲未了事冥冥中
恐負所託商之老友文江與諸同學選根亭集中
古風近體絕句各一特慮吉光片羽難於久傳刻

北郭詩帳卷下

三

猶不刻也

左家橋畔數高家太史同堂弟姪誇十二采芹十六
桂富年惜不富年華

湖墅人物考高富年月笙錢塘人光緒乙亥舉人
有擁翠廬詩草生具夙慧承祖名鎔明經父名人
鳳丙子孝廉之訓未嘗一日就外傳年十二己青
其矜越四載卽領鄉薦成名綺歲豔稱一時尋以
攻苦咯血而卒撒瑟之年才二十有三

南宋河西聚米艘歲豐市盛便招邀儂心清白如流
水不許郎船泊黑橋

西湖游覽志米市巷宋時舊名也其東爲寶慶橋
舊名黑橋洪武初建

潭上梅花訪魏家梅村寫竹翠橫斜沈園水勝吳園
石同付山邱華屋嗟

王文誥韻山堂集喜晤姚寶田進士卽送還武林
兼詢湖墅諸同好詩養素園中竹珠兒潭上梅梅
村兼有竹曾逐暗香來水閣迷湖舫松陰罩石臺
還思池上約樽酒共徘徊自註云王氏昆仲居養
素園嘗同沈青士過之魏雲木居珠兒潭嘗同姚
春漪過賞園中梅花余梅村亦居珠兒潭曾爲余

北郭詩帳卷下

美

寫竹墅吟秋圖沈園以水勝吳園以樹石勝俱在
珠兒潭每同魏雲木嘯詠其地俞澹人移寓湖墅
約余及田湛斯飲池上

白黃楮料產閩中賈客同伸桑梓恭德勝壩前祀天
后通衢新又啟神宮

嘉靖仁和志天妃宮在德勝壩北以奉順濟聖妃
神本興化莆田林氏都巡君之季女幼悟玄理逆
知休咎處室三十年默與神契沒後顯靈於江湖
非只運漕賴之以濟而商旅舟楫亦保無虞此宮
創於洪武壬子歲久寢做勢不可支成化辛丑鎮

守內臣張慶知爲江河所仰乃捐資重建延三茅
觀陳福明住持其徒朱源明時加修葺宮宇如舊
完好嘉靖十八年鄰火不戒延燎一空賴有其徒
鄭景隆復建梓里叢談建甯會館在甘泉里湖
墅紙業公建以祀順濟聖妃規模宏敞甲於墅河
姚門湖墅數閨貞作婦虞家四德并晚得雲棲導師
法鄭圭行狀述分明

孔肩文集虞母姚孺人行狀姚孺人者主婦虞氏
母也母系姚氏字素貞故湖墅名族生端穎小塘
公迎爲婦翁任吾先生婦小塘公豪爽好結客賞

北郭詩帳卷下

美

恆不給則解步搖跳脫質子錢又不給則以嫁時
衣裳叩質庫又不給則手製女紅辟蠶蠶繅無虛
晷而翁業儒又數奇不能競以是終悒悒主進曰
否泰時也母能與時爭哉母大悟問竺乾氏之說
俾主往乞度於雲棲導師長齋斗室奉戒精嚴如
律師又十年而歿嘉靖己巳秋七月壽六十七
魏家夢玉產英姑生小堅貞玉不渝一字李郎郎玉
殞引刀截指誓捐軀

章補梅竹山莊詩鈔貞女英姑吾友魏倉伯學博
女也字李氏子升元未娶夭亡聞之斷指以堅志

旋以吞物獲病而卒時道光壬辰八月四日年十
有七升元父李雪溪司馬悲其志迎櫬以歸與子
合窆於西溪安樂山終成婦禮上其事於朝得
旌如例魏君我畏友凜然尙氣節心迹厠雙清家
誠紹前哲生女字曰英聰慧承歡悅七歲隨兄讀
孝經能通徹端操湖遺蹤賢女傳中列慨然思古
人問爺勤講說十歲習女紅鍼黹擅精絕專靜戒
嬉娛恩義早明決同里李司馬問名介鄉耄堂上
喜開顏選婿相頡頏詎料童烏齡芳蘭遽摧折音
耗達門楣家人誠辭泄竊恐深閨知未免情幽咽

北郭詩帳卷下

三

涼月照羅幃噩夢怨嗚鴉彷彿若有人相見言切
切生未入壻門死當同壻穴共結夙姻緣勿傷永
離別義激神不驚一諾肝膽裂女心如冰清女身
如玉潔有違夫子志請視三尺鐵夢醒且勿悲向
空瓣香誓願從李門浮生泡影滅右手佩刀抽
左手食指齧刀橫指獨伸指斷刀尙掣淋淋指上
創滴滴心頭血阿母忽驚顧慰女母鬱噎愛護防
喪身更虞形影子八月秋風生女怨心凜冽形容
日以損飲食日以撤一病胡倉皇有物潛吞斷呼
母前致詞今夕成永訣父母鞠育恩欲報無窮竭

侍養幸有兄可以振闕闕女今若再字有如此指
截爲父母貽罹孝道更有缺女生未孝養女死勿
憂懼魂今歸李家死生同一轍阿爺暨陽歸哭女
淚眼纒輕生惜女愚孝義重女烈李家哀其志迎
櫬同奠醊九原成婦道無嫌與禮別下葬西溪西
流泉寒且澈墓門合窆成松柏連柯結上事煩大
吏請旌榮綽楔哀誄俟采風幽名益昭雪空山
萬古春屹立女貞碣

米山別墅贖積垣後有將軍改息園今日重尋十二
景桃花何處問津源

北郭詩帳卷下

三

陳文述頤道堂詩集湖墅米山堂贈家筱初公子
埽玉帳高堂夢通侯萬里行小園依北郭遠道賦
西征春老花飛幕江空雨洗兵詞場休盪決努力
事功名朱文治繞竹山房詩藁息園十二詠爲
陳樹齋軍門作時軍門用兵關中十年讀書處讀
書等閒事坐臥水邊屋不惜十年陰難銷十年福
問心有所得過眼何須熟嚼字如蠹魚怕中書中
毒小滄浪清濁太分明我嘗笑孺子臨流照人影
水日爾爲爾不如兩相忘歌聲偶然起除卻貪泉
水到處堪洗耳望湖第一樓湖在霍山南樓居霍

山北萬頃碧琉璃環繞山之側驅山不用鞭一樓
勢奇特坐客雙眼青湖光淨如拭索詩廊詩人不
耐靜詩意足下多有如織雲錦難免時拋梭長廊
百步外夕照初沈波脫口得佳句此樂當如何筠
徑一徑入蒼翠滿園吹好風千竿萬竿玉深掩紅
日紅腰圍日以減此君將無同生無食肉相畢竟
心玲瓏桃花水南舍舍南春水多讓與桃花住花
笑客思鄉落紅塞歸路誰栽百丈錦風前爲遮護
出山重問津恐被漁郎誤鳴玉澗春澗夾山出注
不屬水經非竹亦非絲高下泉自鳴雨過仁涼月

北郭詩帳卷下

堯

環佩聲瓏玲山人夜不寐隔花傾耳聽雙桐廬結
廬得吾愛階下梧桐生一雙綠玉杖仙骨當空撐
有時暗飄葉四野皆秋聲秋聲翁然寂老鳳雛鳳
鳴補蘿軒秋風昨夜至屋漏向空落白雲補不完
牽蘿作綯索老屋獨何幸片瓦免飄泊豈但結構
精柔條得所託聽雨山房隔窗有梧竹不雨聲蕭
騷待得舊雨來此夜真迢迢孤枕靜無夢一鐙青
未消蒼生長在意迺見東山高來爽亭亭在秋山
巔望之如戴笠高不逾十丈諸峰向前揖西望極
寒空曉色侵衣溼樹杪風轉輪萬里來呼吸香雪

鳴臥我晴雪中萬花作幃帳杈枒數不清都是春
風釀寒輕夢無賴月墮笑相向客攜雙鶴來衝花
一齊放

椒花爆竹賀新年德勝焚如古壩連隆慶二年元月
旦船燒四十戶盈千

萬歷錢塘志隆慶二年正月元旦德勝壩火延燒
民居一千餘家船四十餘隻

堰橋討臘助王淵更擊苗劉握將權人遂呼橋爲得
勝神碑郡志各流傳

趙雄韓斬王神道碑詔王討方臘王遇別將王淵

北郭詩帳卷下

罕

於杭之北關堰橋賊掩至淵惶怖王說淵當以智
勝淵怒王選敢勇二十餘人伏堰橋伏發賊亂師
遂大克淵乃歎服曰眞萬人敵盡以所隨白金器
賞焉遂定交至今杭人呼堰橋爲得勝橋云 咸
淳臨安志德勝橋在夾城巷東韓世忠於此掩擊
苗劉一作得勝

楊完者本洞溪苗郿隄深營德勝橋強委平章慶童
女貫盈一旦骨俱銷

陶九成輟耕錄楊完者字彥英武岡綏寧之赤水
人爲人陰鷲酷烈嗜斬殺羣無賴嘯聚溪洞推以

爲長王事日棘湖廣陶夢禎氏舉師勤王開苗有
厥習鬪擊遣使往招之由千戶累階至元帥夢禎
死樞密院判阿魯恢總兵駐淮西仍用招納旣得
旁緣入中國不復可控制至正十六年春二月朔
淮人陷平江時江浙行中書省丞相塔失帖木兒
有旨得便宜從事嘉興北連平江南去杭州無二
百里爲藩鎮喉舌有司告援急於星火驛使交道
中不絕丞相兵少策無所出以完者來守之完者
至杭以兵劫丞相陞本省參知政事募民入粟填
空名告身予之卽拜添設左丞築德勝堰周圍三

北郭詩帳卷下

望

四里子女玉帛皆在焉且以爲郿鵠計用法刻深
任勢立威而鄧子文金希尹王彥良之徒又邪佞
輕佻左右交煽氣燄翕忽時左丞李伯昇行樞密
同知史文炳行樞密同僉呂珍等皆先寇淮旅而
降順者丞相以其眾攻殺之旣受圍遣吏致牲酒
於文炳爲可憐之意日願少須臾毋死得以底裏
上路報不可完者乘噪力戰敗盡殺所有婦女自
經以死獨平章慶童女以先往在富陽得免平章
女已嘗許嫁親王爲完者強委禽焉至是未及三
月故數其罪者此居首諸軍開門納款惟恐弗先

文炳解衣裹屍瘞之祭哭盡哀
上下中分三斗門闌橋界判水清渾一背春雨漲八
尺壑底雷聲萬斛奔

咸淳臨安志上斗門橋上闌南中斗門橋上闌南
下斗門橋德勝橋北 郎瑛七修類稿斗門春漲
爲湖墅八景之一

金剛庵近半斗橋蜀衲圓融忽自燒一偈口騰三昧
火徧身金色不曾焦

陸次雲湖壖雜記蜀僧圓融順治十五年行腳至
杭止於湖墅金剛庵內未有知其修者居久之忽

北郭詩帳卷下

望

備龕薪請回首於半斗橋畔僧眾觀者數千人圓
融入龕口宣一偈曰雙劍峰頭古廟堂乾坤大地
沒遮藏填溝塞壑憑伊智要與諸人笑一場偈畢
念佛一聲火自口出燄光燭射徧體皆金眾咸禮
拜三昧初熏空四大而端然逝矣

夾城潛志久登名至正張揚對結營只有城頭一輪
月隋唐照徹宋元明

咸淳臨安志惠民鄉管里六一曰夾城 西湖塵
談今湖州市有夾城其舊時基址尙存相傳其一
爲僞吳張士誠所築其一元楊鄂勒哲營也 西

湖游覽志餘夾城巷故老皆言元有總兵楊完者與張士誠築壘相距此其遺基然當錢氏築城時云自秦望山由夾城東亙江干泊錢塘湖凡七十里則夾城之名唐末五代已有之似非起於楊完者也豈以其傍羅城若杜詩所稱花萼夾城通御氣之談歟國初有爲夾城入景卷者名流題詠甚多今掇其著者曰夾城夜月 毅齋集夾城者在郡城之北其一僞張所築其一故元將楊完者營也今廢地值二城之間故曰夾城丙午歲天兵自昱嶺關下餘杭守將以城內附郡邑數十萬之眾

北郭詩帳卷下

望

始得脫去

夾城凌溯敬輿翁悅禮敦詩有義風黃虎何來據樓閣婦嬰幾被嗔人凶

嘉靖仁和志凌宗戴字敬輿夾城里人凌雲翰之孫早游鄉校張伯耕之門喜吟詠南塘有別業去家二里攜其友步遊或載酒榼以隨依樹陰草坐欲飲則飲否則止興至賦詩期以自適天順改元綏德郝公淵之來按浙宇知其賢命郡守正南張公隆禮爲鄉飲亞賓儀度甚恭守爲改容生平篤於孝友兄卒哭之慟一時感動鄉閭四明祝彥廣

雅與宗載情好忽以疾客死於杭捐資殯殮盡力以資歸櫬家有木工竊其倉鑰負米潛出爲家童覺出執見宗載宗載恐玷其人諭曰吾所與也竟釋之人多不知其尙義施惠如此卒年五十七吳允嘉武林耆舊集夾城巷北知州凌煜家前臨街後近南河成化二十一年九月二十四日雞鳴後有黃斑虎軀體雄偉自南河游至竟投凌之後巷巷有腳夫謝四與虎交肩過被虎爪傷左肩凌之諸門不閉虎入據立廳上大吼一聲凌眾亦破壁避去既而虎遂登樓凌之孫婦臥抱嬰兒未起

北郭詩帳卷下

罟

虎偶挨壁壁倒適覆婦身不遭傷害

項翁智用數儒宗博學者年古道崇館闢夾城宏教授孫王二夏沐春風

嘉靖仁和志項伯藏字智用仁人居夾城東博學多識闢館授徒若翰林侍講王洪刑部員外孫迪壽州同知夏節節弟筠皆出其門壽九十餘二王三陸古歡敦四子文章刻北門想見西泠風雅盛別從十子振靈根

杭郡詩輯陸進字蓋思仁和人餘杭歲貢官温州訓導篤嗜爲詩與西泠十子皆有酬唱同第升黌

居夾城巷時王仲昭居羊角埂王丹麓亦家北墅
有北門四子合刻而人之稱蓋思曰北門大陸子
以別於升巒也

書堂清愛著清芬遺韻流風到古文一角西山樓讀
畫況饒入詠賦凌雲

杭郡詩續輯魏成憲字寶臣號春松仁和人乾隆
甲辰進士官山東道御史有清愛堂集 湖墅人
物考魏謙升字雨人號滋伯廩貢生官仙居縣訓
導家居北郭外面山枕湖號春山堂者中有紫藤
石館春草廬延綠軒半廊西山讀書樓書三味齋

北郭詩帳卷下

望

眞如舫浴鷗亭諸勝 胡珵聽香齋集春山堂八
詠爲魏滋伯作紫藤石館君家壽者石絡以千歲
藤丈人頗矍鑠借作藜牀憑春草廬生機益窗前
栽花不除草淡綠春濛濛東風到偏早延綠軒梅
霖潤積日萬綠已齊 秀樹罅黏溼雲一綫蜀天漏
半廊看月夜循廊長廊恐遮月一半暫句留寐筵
爲補闕書三味齋羅列書百城富有小四海醞釀
成文章蜂脾百花采眞如舫無事此靜坐我復觀
我性汎汎不繫舟置身在明鏡浴鷗亭海鳥本忘
機浴波時兩三知白慎守黑吾其師老聃西山讀

畫樓湖山如美人亭亭盡西面背後看雲鬢風標
時一見按俞興瑞寥莫子集沈兆霖文忠集均有
西山讀書樓賦又張雲璈簡松草堂文集有西山
讀書樓記

績語堂懷節母兒離官勉就總心違平生至契惟金
石不讓諸家論印詩

翁雋景行錄魏錫曾字鶴廬號稼孫官福建漳州
浦南場大使有兩節母皆氏王一其母一其本生
母均賢明稼孫左右侍奉兩竭其誠人多稱之遭
寇亂避閩勉就離官非其好也服官餘暇一意金

北郭詩帳卷下

渠

石之學辨證考核至老不倦以青浦王氏金石萃
編疏漏百出撰刊誤若干卷別撰績語堂碑錄以
補其遺又有論印詩廿四首其博雅精核足探丁
蔣奚黃之奧

侍講推崇王毅齋夾城八景譜詞來臨江仙續臨川
聶二妙齊稱絕妙才

七修類稿吾杭市井夾城巷口其一也永樂間其
地有翰林侍講王希範洪號毅齋一時學士推重
之朝廷亦尊寵焉疾也賜藥卒也賜棺惜四十二
而終嘗以其地爲八景作卜算子八章成化閒仁

和教諭臨川聶大年亦有聲當時者又每題作臨
江仙一章皆工緻也仁和王洪詞云夾城夜月孤
月泛江秋露下高城靜期約佳人夜不來坐轉霜
梧影吹徹紫鸞簫寶篆煙消鼎桂子飄香下廣寒
銀漢秋波冷陡門春漲驚雪噴高崖雷響青天曉
剛道吳胥駕海來勢壓滄溟小兩岸是漁舟潑亂
飛春鳥須信神魚去不留五色祥雲繞半道春紅
宿雨漲春流曉日紅千樹幾度尋芳載酒來自與
春風遇弱水與桃源有路從教去不見西湖柳萬
絲滿地飛風絮西山晚翠斜日照疏簾雨歇青山

北郭詩帳卷下

巽

暮白鳥鳴邊一半開香靄和煙度樓上見平湖影
隔青林霧吹斷鸞簫興未闌月照芙蓉露花圃曉
鶯旭日照花林鶯囀春風早一片紅雲暖不開無
奈春聲攬乘興且閒遊莫待韶華老隨意飛紅點
綠苔休著家僮掃皋亭積雪積玉映空青蓬島人
閒近珠樹瑤花滿眼開縹緲仙臺影便欲跨青鸞
直上三山頂鶴擎披雲看下方月白銀河冷江橋
暮雨浙瀝帶秋桐兩岸蒹葭響何處漁舟暝未還
隔浦聞清唱撩亂下枯槎一夜蒼溪漲天日應添
翠色重回首看晴嶂白蕩煙村綠竹繞清流草舍

人家遠幾處牛羊晚下來煙外聞雞犬禾稼滿秋
原路向桑麻轉簫鼓從教樂社神歲歲長相見臨
川聶大年詞云夾城夜月萬里碧霄雲散盡長天
孤月流輝城陰空闕柝聲稀試登高處望露溼五
銖衣不見遼東華表鶴人民昔是今非驚鳥三市
正南飛銀河風露冷騎得彩鸞歸陡門春漲西北
城關如鐵夔夜來春漲崩奔驚濤拍岸撼崑崙桃
花三級浪何處覓桃源彷彿鴟夷乘白馬潮頭日
落雲昏濱祇川后亦銷魂琴高騎赤鯉隨水到龍
門半道春紅記得武林門外路雨餘芳草蒙茸杏

北郭詩帳卷下

巽

花深巷酒旗風紫騮嘶過處隨意數殘紅有約玉
人同載酒夕陽歸路西東舞彩歌扇繡簾櫳昔游
成一夢仍問賣花翁西山晚翠一抹夕陽低遠樹
分明翠斂西山蒼蒼松檜鎖禪關疏鐘殘磬裏倦
鳥亦知還谷口樵蘇歸路晚六橋流水潺湲行人
指點有無閒天風吹散盡露出豹文斑花圃聞鶯
芳圃萬花園繞處媿紅晴點香泥金衣公子羽毛
齊爲憐春色好終日往來曉記得早朝花底散金
河草色萋萋聲聲只在御橋西東風回首處香霧
滿長隄皋亭積雪昨夜孤峯如潑翠今朝玉立巔

峴瓊林琪樹閒琅玕蓬萊塵世隔弱水竟漫漫玉
宇瓊臺千仞表羣仙飛佩騖鸞不知何處倚闌干
洞簫吹一曲鶴筆不勝寒江橋暮雨一葉漁舟吞
暮景夜來江漲平橋蕙葭兩岸響蕭蕭水村煙郭
外隱隱見歸樵鴻雁欲歸愁翅溼誰憐萬里雲霄
空濛山色望中遙鐘聲何處寺白鳥沒林腰白蕩
煙村北郭秋風禾黍熟牛羊晚食平田一村落拓
起寒煙田翁邀社飲擊鼓晚燒錢處處雞豚泥飲
罷瓦盆濁酒如泉往來東陌與西阡雖然淳朴俗
自有一山川

北郭詩帳卷下

完

甘泉坊畔草堂開圖史風流付酒杯與聶東軒屢游
賞妙行寺裏聽鐘來

聶大年東軒集和劉邦彥病起言懷之作病起不
妨頻見面春來惟覺不勝衣詞高郭曲難爲和酒
薄邯鄲已受圍林蝶豈知花事晚水禽還傍夕陽
飛草堂聞在甘泉裏未得相從采藥歸又同劉邦
彥遊妙行寺期蔡宗弼不至妙行禪寺夾城隈穀
雨乾時偶獨來一榻白雲松子落滿園黃蝶菜花
開閒看物態陰晴變老被鐘聲且暮催客有可人
期不至步隨斜日下蒼苔 西湖游覽志劉英字

邦彥居北郭夾城里善詩翰隱居不仕天順中欲
以明經起用以母老固辭其別業在甘泉里多竹
榜其室曰竹東晚號賓山皆終隱之意也卒年七
十二

沈三吾就夾城居梓里遺聞採不虛纂輯仁和嘉靖
志八年一手獨成書

武林經籍志嘉靖仁和縣志明沈朝宣撰朝宣字
三吾仁和人世居湖墅之夾城官江陵知縣 江
曉仁和縣志序惟仁和杭郡首邑也都昔有志而
諸邑彙載未有專志斯邑者三吾沈子曷爲志之

北郭詩帳卷下

辛

沈子籍斯邑每以闕志爲念第賓於京董於涿尙
未遑也迨涉尹江陵卽引恬而歸日惟邑志是圖
博稽郡志旁采稗官徧歷坊隅廣詢故老越八載
而會萃成編其諸田賦戶役則有司存爰質於邑
令成齋王侯悉錄以畀郡守玉山嚴公武嘉厥成
而沈子之志於是乎慰矣乃鳩工鏤梓以傳

王丹麓築磬宜園十景評量位置寬樹記樓欄泉記
隘與今世說證清歡

王暉霞舉堂集磬宜園雜詠牆東草堂築室遠城
市偶爾傍牆東自知爲世棄豈是學君公敦好齋

富貴不可求吾自從吾好架上足詩書開函還獨
笑丹樓看雲常獨倚下榻爲徐君無事此高臥塵
囂遠不聞迴廊咫尺牆東路紆迴望不窮湘簾新
月上花影又濛濛桂山褰衣涉山磴叢桂發清香
莫謾歌招隱淹留興自長芙蓉池池水一何清岸
花娟娟好好花映清池莫歎秋色老藥欄名花來
上苑光彩綉朝霞日倚雕闌看春藏處士家蘭崖
惠風被香草芳意滿幽林欲結如蘭友同心何處
尋芳草坡春色徧池塘綠坡翠如慢履迹少人侵
只憐愁不斷苔徑一徑穿林入青巖雨後新足音

北郭詩帳卷下

至

門外至知有破苔人又椶櫚樹記云予宅西北隅
有椶櫚樹一株爲先大人手植云大人素愛此樹
屢購之不得一日道經花園墻見土人有此遂以
錢易歸植之屋後躬親畚鍤日往視之嗟乎可謂
愛之至矣又隘泉記曰牆東草堂旣成去堂十餘
步將累石爲山就傍壘土其坎纔二三尺有泉上
涌汨汨不絕泉水瑩澈可鑑萬類予性隘不能容
物日杜門坐堂中俯視羣魚游泳荇藻爲樂與泉
殆將終身矣又丹樓詩註云予字丹麓故云丹樓
亦本世說丹樓如霞之義宜興徐竹逸先生偶宿

於此改爲高臥樓手書扁額見贈

年將軍夢協蛇祥名字移兄署玉堂試比桃花潭上
水汪倫相較更情長

西泠閨詠桃花港錢曇如名林嶼沙方伯季女汪
海樹室夢年大將軍而生與諸兄謝庵金粟松壺
以文學相尙金粟初名福林後改名林入翰林也
棠蔭紅移松影蒼清華雅集接鄰堂地行仙與天隨
子吏隱和輝大隱坊

湖墅小志道光開元和陳厚甫觀察鍾麟以杭嘉
湖道致仕掌教敷文書院僑居倉基其子茹香太

北郭詩帳卷下

至

守泰來在嚴州知府二十年亦寓於此 梓里叢
談陸醞熙字循莊號圓泖仁和人郡增貢生有清
華堂稿家湖墅倉基詩書敦好琴樽嘯歌致足樂
也享年八十餘

雲漢牌輝兩繡衣世賢世顯盛坊題清朝侍御人猶
道柱石巍巍迹盡迷

嘉靖仁和志雲漢牌在下關南爲景泰丙子科鄉
進士施昂立繡衣牌在下關南爲宣德丙午科鄉
進士沈衡立繡衣牌在歸錦橋南爲弘治壬子科
鄉進士周謨立世賢牌在宋豐儲西倉北爲永樂

辛卯科進士周建成化丙午科鄉進士周彝立世
顯牌在夾城巷北爲元末鄉進士凌雲翰景泰庚
午科鄉進士凌煜立 湖墅小志清朝侍御牌坊
在夾城巷口相傳嘉慶庚午年里人不戒於火坊
被焚余早歲時但聞名而不見其坊

橋呼望佛水融融橋畔文星祀桂宮莫慨菁莪易衰
朽一枝玉樹尙凌風

湖墅詩鈔對望佛橋文昌閣中玉蘭有感老樹半
無枝猶開花數朵花光照眼明惟恐飄飄墮搖曳
在枝頭化工默示我皎皎方盛時風雨生坎坷而

北郭詩帳卷下

奎

况衰朽形觸處無一可雜於紅紫中鮮不棄道左
比玉又比蘭稱名曷負荷晤對起悲思太息齋頭
坐

秋峴閒來闢峴園方塘矮屋椽爲垣小山叢桂香才
滿動地徧驚鼙鼓喧

湖市人物考錢廷薰原名銜字品階號秋峴仁和
人道光甲午舉人官會稽教諭候選知府有峴園
詩草宏才卓犖明敏過人少時習算術復究心天
文輿地奇門兵家諸書及醫卜術數之學靡不通
曉辛卯以優行貢成均甲午舉於鄉屢上春官不

第里中義舉多藉其力湖墅萬佛橋西偏有園曰
西峴中有池十餘畝曰峴湖湖南水閣曰峴樹西
有小山曰峴山其北曰見山樓望見西湖諸山樓
下松竹交翠桑麻垂蔭秋峴時時集同人觴詠其
中

北郊王氏又松谿窺賊听宵屋頂棲出宰西江辭祿
早更誰湖墅舊聞稽

梓里叢談錢塘王麟書字松谿同治甲戌進士有
慕咳堂乙稿湖墅舊聞幼孤家貧苦性極孝庚申
寇至自館奔家母已走避北鄉之荒庵四無居人

北郭詩帳卷下

奎

松溪登屋頂張蓋蔽雨俯瞰賊蹤七晝夜目不交
睫賊幸退母得全旣成進士愿宰廣豐廬陵萬安
悃悞無華循聲卓然解組歸田旋歿僅刻湖墅叢
書數種舊聞卒未成也

金龍行殿建康熙萬舳千家禱祝齊四十四言封號
煥北關香火盛安溪

仲學輅金龍四大王祠墓錄金龍四大王順治二
年封顯佑通濟康熙三十九年加封昭靈效順乾
隆二十二年加封廣利安民自嘉慶迄於光緒五
年疊加惠孚普運護國孚澤綏疆敷仁深康贊翊

宣誠靈感輔化襄猷溥靖德庇錫祐溥佑凡四十
四字 敖福合修建金龍四大王祠墓募疏金龍
四大王祠墓屬在錢塘邑下墟僻處山陬瞻禮非
易今諸紳士同其後裔更擇於北關水口創建行
殿則煙火萬家舳艫千里漕艘行商咸得以時申
虔禱而加禮焉

楊梁范各具婆心濟眾同持念力深為近糴場改糧
泊范楊或不取同音

咸淳臨安志楊婆橋在糴場後梁婆橋在下界倉
後范婆橋在莫家場前元係小石橋咸淳五年重

北郭詩帳卷下

葦

建

驃騎將軍東晉蘇肇元錢氏建神廬得非裏外蘇家
廟不昧真靈或在諸

咸淳臨安志蘇將軍廟在肇元鄉錢氏建神為東
晉驃騎將軍蘇氏崇善王之麾下按今之蘇家廟
在芳林鄉神亦失諱此雖在肇元鄉而亦無神諱
疑後來分建也

蘇家廟或本蘇門文節公偕兩縣君何幸詞仙聯眷
屬清風閣許一籟分

小山居續稿黃文節公祠記仁和芳林鄉有曰外

蘇家廟者祀宋黃文節公今年七月朔走拜公像
公於吾杭宦游所不及乃血食於斯儻所謂聰明
正直而為神神則無乎不在廟而祀之亦無所不
可耶建廟之始莫可考今日就傾圮不葺將廢余
友嚴上舍德生與里人築而新之且構清風閣於
前之隙地仍州之舊也額為浙學使者少宗伯儀
徵阮公芸臺書工未竣君謂余曰廟缺碑記久矣
修志乘者俱不載蓋為文鐫於石後之人庶幾有
所徵信云廟有二稍進不里許曰裏蘇家廟並祀
公曷以蘇家名或云里中蘇姓者所建或云公為

北郭詩帳卷下

莢

蘇門四學士之一其說近是 王昶湖海詩傳樊

榭下世葬於杭州西溪王家鴨因無子嗣不久化
為榛莽後四十餘年何君春渚琪游西溪田舍見
草堆中樊榭及姬人月上栗主在焉取歸偕同人
送武林門外牙灣黃山谷祠掃灑一室以供之子
為撰丈室花同天女散摩圍詩共老人參之句以
題其楹李光甫方湛蔣蔣村炯陶鳧香梁諸子皆
有詩詞記之樊榭生於康熙三十一年九月十一
日辰時月上姓朱氏名滿孃烏程人生康熙五十
八年三月二十四日辰時歿於乾隆七年正月初

三日戌時並屬蔣村及項金門埔許周生宗彥各於忌日奉酒脯薦焉

廟傍蘇家卜隱樓弟兄文字習機宜紫陽家禮常遵守門對青山漾碧漪

井東隨筆錢塘朱公桐友居蘇家廟側長子城字

秋子次子堦字寄霞治法家言名重幕府孝親友

愛里黨無閒言門臨遠山谿鑿流水有春聯云門

對谿山古圖畫世承詩禮舊家風

昭化唐松幹久彫潮王宋蹟未全消芳林鄉賴相維

繫寺廟何須畛域標

北郭詩帳卷下

七

嘉靖仁和志潮王廟在芳林鄉又名石姥祠舊志

神姓石諱瑰生於唐長慶三年生時靈異逮後江

水洶湧強弩未射之先沙漲無節或風怒湍急自

城東步行彌望皆海民苦潮害日不安生神奮力

築隄以捍水勢雖所寒暑雨不輟功未就竟死於

潮後爲神咸通中官爲立廟封潮王宋宣和間睦

寇犯順朝廷以韓世忠禦敵時則陰雲四合聞空

中叱咤聲仰見旌幟書石姥潮王之號軍士奮勇

大破寇兵嘉熙間潮水潰隄觸岸漂蕩居民人力

不能禦京尹趙公與憲躬禱祠下潮復故道有司

上其事加封顯德忠惠王然則石姥潮王四字因

見空中旌幟所書世遂稱之然卒未考何以謂之

姥也僞誠道原撰昭化寺潮王廟記 康熙仁和

志昭化寺在德勝橋東唐名龍龕在芳林鄉紹興

開遷於茲地殿後存唐朝松柏三株 魏標湖墅

志略唐朝松柏乾隆閒惟存其一嘉慶丙寅夏連

根拔起

陸里譎緣柳廟潭村坻奚取語之新千金豈豔歸裝

富有道生財故媚神

鄭煜執玉堂隨筆芳林鄉陸柳潮王誤呼六里潮

北郭詩帳卷下

七

王殆因柳憚遷祀也惟專祀陸賈不知緣起或云

類祀財神耳

新馬頭多泊巨舟舊馬頭外水如油離情那許分新

舊一樣楊枝蘸馬頭

白石詩集出北關吳兒臨水宅四面見行舟蒲葉

侵鵝項楊枝蘸馬頭年年人去國夜夜月窺樓傳

語城中客功名半是愁 湖墅志略新馬頭在寶

慶橋舊馬頭在河脰

蔡小霞曾任陝藩代償虧吏郵艱難十年後恍重來

謁真報春風夢毓蘭

汪道鼎坐花誌果蔡小霞廷衡乾隆戊戌榜眼官
陝藩時屬令有挪虧庫項三千金爲後任所揭罪
至死令居官廉介寡交游無可通緩急者待斃而
已蔡公憐之召謂之曰君所虧者知君無力繳完
可具解批當爲君掣批完案令愕然曰不敢公曰
我憐君廉介因公被累欲以應得養廉爲君彌補
令感極不能言卽具批呈送公填註收訖月日鈐
印歸之令具朝服入謝曰某荷公再造恩死後當
乞生公家以報大德遂歸後十餘年蔡公亦致政
歸居黑橋滕隴閒忽見某令徑趨入內公驚喚而

北郭詩帳卷下

弄

寤則內室報生子矣公曰是當振吾家因名曰振
武字麟洲未冠卽冠童子軍以丙申進士入詞館
觀察粵東有政聲

隆慶戊辰穀日新謫傳繡女點民軍北關誤聽軍船
礮竟夕倉皇嫁娶紛

田藝蘅留青日札隆慶二年正月元旦大風走石
飛沙天地昏黑錢塘湖市新馬頭官船火起沿燒
民居死者無數至初八九日民間謠言朝廷點選
繡女自湖州而來人家女子七八歲已上二十歲
已下無不婚嫁不及擇配東送西迎街市接踵勢

如鈔奪甚則畏官府之禁黑夜潛行惟恐失曉歌
笑哭泣之聲喧嚷達旦千里鼎沸無問大小長幼
美惡貧富以出門得偶卽爲大幸雖山谷村落之
僻士夫詩禮之家亦皆不免時遇一大將官抵北
關放礮三聲民間愈慌驚走日朝使太監至矣倉
忙急變幾至於亂至十三日上司出榜嚴禁猶不
能止真人間之大變也

唐塑觀音斷眼看喻彌陀畫與碑殘弓刀小隊團軍
散寂寂山門秋草寒

郭界容杭日記出北關門湖州市妙行寺中尋伏

北郭詩帳卷下

卒

維那已於昨日登天目山矣徒有悵快寺僧宗允
供紙留數字而退觀正殿佛三尊偉甚中設毗盧
遮那佛象前殿止有藏一座次入法堂有碑石數
本云喻彌陀神筆所畫佛象傍刻本末不暇記也
次禮古觀音像相傳唐朝塑者兩邊畫壁以屋暗
不可細鑿門有放生池俗云接待寺者卽此院也
凌德初懷珠堂稿游接待寺詩我懷喻彌陀三
世鑿山石大佛功圓成宛若一手出色相有可參
斧斤幸無迹更結雲水緣於此叢林闢古樹落葉
黃香臺繡薛碧毘盧閣凌霄鐘聲遠煙沒清淨境

無常旛幢換戈戟小隊耀戎行姓名隸官籍古者
兵寓農田夫卽軍卒守望徯鄉里循名誰覈實可
憐入口家養恃百夫特婆留有遺胃入軍家法說
不愆六七步日上二三策一方倚長城萬家頌生
佛下令若流水棘門詎作劇金剛努目觀是具大
神力問佛佛無言拈花笑兀兀
接待名垂妙行眞牟陵陽記筆超塵古緣志雅堂尤
備千載無逾賜聖因

咸洎臨安志接待寺在左家橋西宋大觀開喻彌
陀開山 丁敬武林金石記重修妙行院記元牟

北郭詩帳卷下

空

嶠譔 周密志雅堂雜鈔北關接待寺寺額乃吳
傅朋書敕賜妙行之院初扁甚小其後展而大之
頗失書體其右簾有古觀音殿亦傅朋書觀音銅
像高丈餘唐物也其高壁一堵作水波頗有洶湧
意蓋毘陵太平寺之類其前殿卽藏殿亦舊物外
有給眾庫石碑立於側其文乃鈔扑翁撰姜堯章
書伽藍神佑相公不知何神也此寺乃涇熙開道
者喻彌陀開山嘗施水飯僧於此地有大石井見
在其深六丈泉極清冽喻有塔頭在法堂之左題
云齋三十萬僧喻彌陀塔頭此余所未至辛卯春

因送沈府判實至焉 浙江通志接待寺卽舊妙
行寺彌陀飯僧至三萬眾故名接待院元季燬明
宣德間建崇禎九年復鼎新焉康熙二十六年僧
性統重修四十二年 聖祖仁皇帝南巡 御書
聖因二字復 賜御書心經一部心經塔一軸
雍公應召至行都病暑依僧妙行居忽夢仙官示方
藥雄黃甘草疾旋除

洪邁夷堅志虞雍公自渠州守召至行在憩北郭
外接待院因道中冒暑得疾瀉痢連月重九日夢
至一處類神仙居一人被服如仙官延坐視壁間

北郭詩帳卷下

奎

有韻語藥方讀之其詞曰暑毒在脾溼氣連腳不
泄則痢不痢則瘧獨鍊雄黃蒸餅和藥甘草作湯
服之安樂別法治之醫家大錯如方服之遂愈世
南在蜀中遍訪林下人求獨鍊法鮮有能者忽一
日得青城山道友傳授云丹經謂捉龍伏得雄黃
言雄黃見火則飛走爲煙燄最難伏也其法用雄
黃不拘多少研細掛鍋火內鍛令通紅取出攪雄
黃末微硝末急用桃枝攪轉卽成水矣急傾出瓦
碟微側碟子則清者一邊俟凝取出去粗者研以
宿蒸餅爲丸如菘豆大每服三丸至七丸如前法

服雄黃末一兩大約用燄硝一錢此乃丹竈家祕法得之甚難古人云施藥不如施方故詳記之洪永之餘萬歷前殷勤郡乘纂成編志書泉潤毫端墨人地鍾靈豈偶然

夏時正成化杭州府志序杭爲郡列壤千餘里郡有舊志洪武中郡學教授徐一夔所修永樂閒有續志景泰閒又續之而今官府皆亡矣前年巡撫浙江都憲劉公敷欲修弗果去年巡按浙江監察御史建甯吳公文元始蘇夏公璣浙江布按二司方伯祁陽甯公良昌黎杜公謙大參嘉應李公田

北郭詩帳卷下

奎

憲使沔池戴公珙憲副豐城楊公壇當塗端公宏咸謂當修而不可終不果也以余老閒於家枉過見屬淺薄難堪辭再至三僉問其人乃以南京刑部郎中仁和項君麟士嘉禾周君鼎洎錢塘劉英仁和陸瑄薦遂以今年二月十七日開局於城北妙行寺志書泉上萬佛寶閣是日甯杜二公特枉爲勸甯公躬爲發凡言例授已而還於時項君以奉親不暇辭弗至無何周君歸不再來而終其事者劉陸二子爾旣而監察御史湖湘方公昇八閩陳公紀咸巡按泣杭前後過臨方公其代吳公者

也每爲論列示其指歸夏公偕來又復無時存省而郡守淮陰陳侯讓下車重詢茲事獎勸惟勤於是二千知奮不懈益虔自朝日昃至夜之分朱批墨勸心口相警是冬孟月書成總計六十三卷而目錄凡例纂圖別爲一卷亦瘳瘳矣

郭髯秋九趁航行遠泊杭州恰四更霜月滿天寒氣逼北關靜待曉鐘聲

客杭日記至大戊申九月廿二日四更到杭州城外霜月滿天寒氣逼人候北關門接待寺鐘動換舟入城佛明潘伯起送予歇於施水坊橋梳頭沈

北郭詩帳卷下

齋

待詔之樓遇金壇尹子源同寓

大夫張巷表豪曹礦約寬平盜靖巢三百年推魏侍御廉強仇直合論交

董其昌容臺集福建布政右參議雲臺張公墓誌張鳴鸞字薦甫號雲臺萬歷己丑進士由司空尙書郎積秩出守吉安府擢河南按察副使再補備兵維揚晉參閻藩以歸守吉時礦稅貂虎橫甚鸞置酒與約以單詞定額吉人賴焉備兵維揚擒盜魁脫其死令窮他盜窟穴盡得閭里輕俠銖兩之姦亦不能隱江淮肅然論者謂趙子都之治潁川

虞升卿之治朝歌不是過云 湖墅志略大夫坊巷在草營巷南西通接待寺 魏成憲仁庵自訂年譜乾隆二十一年秋九月二十六日丑時仁庵生於錢塘北郭米市巷之老屋 杭郡詩續輯魏成憲號春松仁和人乾隆甲辰進士由比部授揚州守擢江安觀察丁憂再起爲沅浙觀察以乞養歸復入爲戶曹進御史遂引疾歸不復出生平博綜藝洛嘗校四庫書於 文瀾閣居官有廉強之名在諫垣時數上疏言事性伉直勇於爲義不爲禍福所撓與人交文行切劇任真推分意所不可

北郭詩帳卷下

奎

輒斷斷辨論大聲疾呼然狹中鮮容頗爲時所詬病

雷道橋西接復明倪郎中著舊時名橋邊父老何從問彷彿西天望佛情

咸酒臨安志雷道橋復明橋東復明橋一名倪郎中橋望佛橋西望佛橋接待寺南

連畦金粉蝶雌雄漫笑齊東過耳風滿地菜花都淨盡杏花果占一枝紅

杭郡雜詠菜花街在武林門外混堂橋西街爲冶遊之地故老相傳此地若無一椽片瓦當出大魁

咸豐庚申賊陷郡城湖墅燒毀殆盡果有鍾雨辰殿撰駿聲之應 王金鈺湖墅雜詠春風小街菜花香野語齊東未盡荒定有麻姑說滄海果然此地應奎光

炙鴉味壓賣魚橋破脇身亡報也燒何以新羅圖寶日浴鴉寫出浪花搖

上湖紀歲詩編鴉炙世希有注南宋市肆記作坊有燒炕鴉鴨市食有炙雞鴨按詩傳炕火曰炙今杭北郭燒鴉天下所無 馮夢禎快雪堂漫錄杭

城北郭也燒鴉者脇下忽生水窠一帶瘞甚搔破

北郭詩帳卷下

六

水流不止臟腑潰出而死蓋屠鴉必破其脇此其報也 王德溥寶日軒附存詩華岳浴鴉圖詩戊

辰三月望時天氣明潔風日和暢偶思友人王子容大遂買舟達湖墅登岸北行穿梅竹松桂之間

詣其廬焉而王子快然躍出讓之寶日軒中雖晤言一室頗獲塵外之樂適見几上短箋墨蹟淋漓

乃王子詠鴉佳製清新雅調迴越凡響僕歸草屋猶憶翻身穿翠苻側翅拂清波之句因爲點筆并

詩索笑圓池媚幽泛撥浪搖輕煙羣游戲新碧單影翻空淵長項含歌舉素毛折風妍側睇略不審

恣意誠有奉絲萍試一啜苻帶青欲纏依依清檻

下時獲石軍憐

菜美東門米北門門分小北菜畦鄰晚菘終遜青門
種壩過東新販北新

北郭雜記北郊雖曠居民多不藝菜武林門內小
北門所產遠不及東城之美豈東菜北米自有界
定耶每屆春韭秋菘必販小舟過東新關以達於
北墅云

北郭詩帳卷下終

北郭詩帳卷下

奎

二三壻
魚
唱

三
壻

丁山湖老漁
侯天佑題



泉唐丁氏梓行

序

學輅昔從丁君松生修濬茗溪趨工之暇擬輯軼事詩文自唐迄今凡關涉南北茗者為書一卷傳郡邑之掌故備志乘之按採乃人事尤集蹙蹙無暇晷今雖繫諸懷而未有以自慰也戊戌之春訪君城東時君猶老健日課一詩以自娛余規之曰得毋太勞苦耶神嗇則存耗則竭此金匱之祕言願君之三思之也君笑答曰吾以怡吾神耳言次出三塘漁唱三卷見示凡詩百四十首首自為注自史籍雜說山經地志鉅公鴻儒之遺篇古廟荒冢之舊刻凡關考證罔

三塘漁唱序

一

不備錄舊說譌誤閒加考訂皆詳審精確折衷至當詩亦清新婉雅慨時會之變遷傷先哲之長逝撫今思昔憑弔慷慨余乃歎君之立言何其工用心又何其深也君故多藏書詩中所採輯其遺聞軼事有他人目所未覩者此僅其淵博之一端在君非有意侈富也今年季春君歸道山哲嗣和甫校勘付梓凡東至臨平西抵良渚沿中河而下五林之要隘唐樓之繁盛展卷諷詠若接於目異日者儻得攜酒具買小舟出餘杭之門扣舷而徧遊焉羣峯送青寒水澄綠煙雲縹渺林樹高下攀慧日之桂折超山之梅篷窗

日煖開是卷而讀之與風景相印證發弔古之幽思尋先賢之墜蹟尚思賡續是編丁君有知其許我乎光緒己亥九月錢塘仲學輅

三塘漁唱序

二

余既成北郭詩帳二卷其四至皆以魏氏湖墅詩爲
斷而拱辰之北東新之東崑安之西皆與湖墅水道
相接尺寸閒頗難界限因溯同治丙寅佐開臨平湖
其後又董修海昌閘壩光緒乙亥襄築北關至大麻
隄橋岸跳凡九十里癸未重建拱辰橋甲申疏濬茗
溪積沙並補潰塘先後召工率役扁舟往來者幾二
十載山林登眺港汊湖洄耳目所經偶寓吟詠考明
鄉先達陳公善曰仁和之水河渠之大者有三自良
山門迄長安壩號上塘自北關迄大麻邨號下塘自
高橋迄奉口號宦塘洪流巨浸更分支河旁近土田

三塘漁唱自序

仰以漑潤詳哉言之著在圖經可按也今依其分渠
檢以舊什名之曰三塘漁唱附之北郭之後庶得沿
溯流源若謂畀益水利則吾豈敢光緒二十四年臘
月松生丁丙自序

三塘漁唱卷上

搖出東河第一橋
權歌聲裏雨瀟瀟
會安壩隔沙河
岸日近長安望不遙

錢塘丁丙

康熙仁和志上塘河舊名運河一名夾官河西自德勝橋東抵長安壩南通外沙等河東經赤岸等河兩岸田何止千頃天順閒知杭州府胡公濬以父老郎暹言與知縣周博親自計度近河民田多寡起夫開濬仍修寬堰閘壩以時啟閉使不盈涸說者以為其地視下塘高約二丈開壘未深不能

三塘漁唱卷上

一

多蓄霖雨經旬易至漏洩一遇天旱水竭附近農夫盡為束手遂至田禾枯槁穀粒不收若能規久遠於農隙水涸時督令近河兩岸人家計里開濬并各濱港一體致功深可蓄水值旱可轉水利亦溥矣 顧祖禹讀史方輿紀要長山門外有會安壩洪武初置以潴上河之水 椿庭一火葬萱親九里松楸空慘神泣效丁蘭還起墓至今塘號蔡官人

咸淳臨安志蔡官人河在長山門外九里松 嘉靖仁和志宋朝奉大夫蔡汝揆庶母沈卒父霖火

之汝揆後以父蔭入仕每感無松楸之地言輒涕泣刻木為形具衣冠而葬置田建庵命僧守之鄉人呼為木孃墓又呼為蔡官人塘

沈崧歸省過臨安武肅留軍奏授官文獻一編渺千載塘灣密竹尚清寒

吳任臣十國春秋沈崧字吉甫閩人也祖輅唐大理評事賜緋父超福州長溪縣令崧初生時有大蛇墜榻前引首注視久而方去既七日將浴忽風雨震壤浴盤人咸異之乾甯二年刑部尚書崔凝知貢舉登進士第者二十五人崧與焉已而昭宗

三塘漁唱卷上

二

御武德殿命翰林學士陸展祕書監馮偃覆試凡落十人是日崧再入選尋歸閩道由淮甸淮帥辟之不就遂經杭州武肅王留為鎮海軍掌書記除浙西營田副使奏授祕書監檢校兵部尚書右僕射凡書檄表奏多崧所出後唐莊宗即位改元同光武肅王問其祚修短崧曰觀此號為國不成止一口耳文穆王立雅好儒學置擇能院選吳中文士錄用之命崧領其職國建拜崧丞相天福三年二月卒年七十六諡日文獻有集二十卷 姚靖西湖志縣東二十五里沈家塘相傳為沈崧宅

厲鴉樊榭山房集皋亭舟中詩密竹沈嵒家
歸櫳欣無木筏爭沈塘灣裏碧波清義橋正作村夫
子重話家山老弟兄

沈廷芳隱拙齋集沈塘灣云吾家灣最好小艇即
爲家一棹煙波去遙天雁字斜寒松窺野屋殘雪
點溪沙夕景木簾集行人爭渡譚 符曾春鳧小
稿題王麟徵義橋村塾圖云野橋接平楚茆屋三
家村中有童子師講習相討論陋彼章句流何異
蝨處禪始信邨夫子獨守師儒尊 王曾祥靜便
齋集義橋陳氏壽讌序距城東北二十里地曰義

三塘漁唱卷上

三

橋橋西陳氏自明初迄今四百載合十三世不滿
百人歲丁未余假館陳氏之宗老曰殿珍教其子
雲階雲裁則皆其弟殿玉君兒也殿珍重義氣殿
玉敦內行余賢而安之值先太君疾辭去十餘年
茲者殿珍下世殿玉撫其遺孤復延余爲師月之
十六日爲君六十令辰從余乞言獻爵者爲君之
族黨某某例得書用爲之序

槎溪張氏循王後集著聯輝隱竹居羅漢寺尋吳越
樹錦雲鄉訪水芙蓉

吳允嘉武林耆舊集張與字行中仁和槎溪人洪

武初上書論時務稱旨授刑部主事詞翰清麗弟
輅字行素永樂辛卯鄉舉兄弟友愛著有聯輝集
集中有亭溪羅漢寺古樹壅腫甚怪相傳爲吳越
時所植感賦云千年古樹蔭僧房壅腫那堪作棟
梁自與彭聃同歲月不知吳越歲興亡又贈獨山
隱士陳士甯詩有橫溪別業錦雲鄉紅白蓮花薛
荔牆之句

雪窳盧家凍不澌冰罽同駕鼎湖涓著緋人見沖沖
整何礙紅衣畫釣師

咸淳臨安志行人橋在盧家雪窳南 章綽雞肋

三塘漁唱卷上

四

編紹興壬子冬大寒行在冰厚數寸北人送窳藏
之燒地作窳藏待明年天中節供奉行宮周紫芝
有登竹閣見緋衣荷鍤人鑿冰收藏雪窳詩 趙
彥衛雲麓漫鈔賀正多值冰雪有司作浮筏前用
巨確擣冰謂之冰罽以迎北使 南宋雜事詩蚤
駕冰罽過鼎湖

一泓水與一林竹物外儲無他物名文敏揭題誠意
記寺軒更合號雙清

劉基誠意伯集東山壽聖寺物外上人名崇超所
營也寺在湯鎮寺中軒曰雙清軒所儲無他物有

水一泓有竹一林上人日與之爲徒故遂以名其軒書而揭於軒者翰林學士吳興趙公也
湯村捕尉護精靈車四偷延六十齡今日不知誰富貴太師惟贖草痕青

洪邁夷堅志蔡元長初登第爲錢塘尉巡捕至湯村薄晚休舍有道人狀貌甚偉求見蔡平日喜接方士亟延與語飲之而去明日宿它所復見之又明日泊近村道人復至飲酒盡數斗懇曰夜不能歸願託宿可乎蔡始猶不可其請至再不得已許之且同榻命蔡居外已處其內戒曰中夜有相尋

三塘漁唱卷上

五

覓者告勿言蔡意其姦盜亡命將有捕者身爲窟願匿之不便也然無可奈何展轉至三更目不交睫聞舍外人聲俄頃漸眾遂排戶入日車四元在此何由可耐欲就牀擒之或曰恐并損牀外人帝必怒吾屬且獲罪蔡大恐起坐呼從吏無一應者道人安寢自如撼之不動外人云又被渠彈了六十年可怪可怪道人矍然興謝曰某乃車四也賴公脫此大厄又可活一甲子已度世第三次矣自此無所患公富貴窮人爵吾是以得免 周輝清
波雜志京之卒適潭守乃其仇數日不得殮隨行

使臣輩紫葬於漏澤園人謂得其報此說止見於靖康紀胎記宣和開京師染色有名太師青者迨京之殮無棺木乃以青布條裹屍茲其識也

雨中督役過湯村鹽事繁興聲暗吞畢竟坡公好襟抱又思清順對牀論

查嗣琛蘇詩補注年譜熙甯五年蘇軾在杭州通判任督開湯村運鹽河 烏臺詩案熙甯時盧秉提舉鹽事擘畫開運鹽河差夫千餘人軾於大雨中部役其河只爲般鹽既非農事而役農民秋田未了有妨農事又其河中閒有沙數里軾宣言開

三塘漁唱卷上

六

得不便自嗟泥雨勞苦作詩以諷謂不當以運鹽河妨農事也

預奏甯藩逆蹟彰鄉祠崇報別孫王橫塘冊二餘田里端賴公歸得免糧

明史胡世甯字永清仁和人宏治六年進士由德安推官歷遷江西副使時甯王宸濠有異志世甯上疏宸濠怒列世甯罪乃命錦衣官校逮捕謫戍瀋陽居四年宸濠果反世甯起爲湖廣按察使擢右僉都御史卒贈少保諡端敏 翟灝良山雜志永惠祠在石陡門東祀明浙江巡按御史龐公尙

鵬兵部尚書胡公世甯以仁和令樊公良樞何公
光儀配志乘闕載不詳並祀之由父老相傳皆謂
改折地糧一事胡公奏請三公均預有力胡公首
事奏請里民尤感其惠因亦專稱曰胡端敏公祠
雍正十年巡撫程元章以永惠祠應修胡公後人
呈請領帑於公故里擇地別建專祠 胡國信端
敏公祠記公陞辭賜資甚厚公曰臣居仁和沙磧
岸土不產米粟鄉民遠赴買米完漕若可邀恩改
折勝於厚賜世宗欣然允請著司牧查勘仁邑沿
江沙磧岸土四十二里有奇盡行改折

三塘漁唱卷上

七

永和隄賸草青青數里聲微石鼓亭茶藥花錫拜恩
去班荆館址久飄零

嘉靖仁和志永和塘地接白龍潭一遇卯風數百
頃瞬息湮沒鄉民患之紹定己丑邑士范武倡捐
修築許參政應龍有永和隄記 沈謙臨平記晉
武帝時臨平岸崩出一石鼓搥之無聲帝問張華
華曰取蜀中桐材刻爲魚形扣之則鳴於是如其
言果聲聞數里天啟中僧大掄建石鼓亭其下
乾道臨安志班荆館在赤岸港 宋史禮志北使
至闕先遣伴使賜御筵於班荆館酒七行翼日登

舟至北郭稅亭茶酒畢上馬入餘杭門
大師鳴裏湖劉阡端聖行宮此暫遷猶有遺民談避
地指經輦道訪珠泉

西湖志纂黃鶴山之北宋太尉劉琦居鳴名大師
鳴 嘉靖仁和志赤岸嶺之西有珍珠鳴宋少宰
劉正夫墓在焉 大清一統志留下在錢塘縣西
北地形爽塏宋南渡將築行宮於此高宗覽圖曰
且留下後遂以爲名 康熙錢塘志歷方井法華
秦亭幾十有八里爲南宋車駕入禹航洞霄宮輦
道 王暉霞舉堂集珍珠泉在顯甯寺方丈之前

三塘漁唱卷上

八

以足蹋地則泛湧如珠故名
章謝宋時兩太后北歸北去總舉亭恩恩百五十年
事只賸撒沙孃子靈

孫士毅游皋亭山記趙宋韋氏謝氏兩太后游覽
志記之詳矣當其北歸北去所經輦道不外皋亭
瞬息百五十年天祚遂移遐思偏安佚豫之時水
色山光不知若何景象矣 胡世甯撒沙護國夫
人廟記神世居仁和裔出倪氏時值金兵神尙屬
閨女避亂郊野飢寒迫切狼狽而殞里人憐其捐
軀守志瘞於皋亭之半山金兵長驅南逐康王奔

逸夜夢神曰王但前吾當助陣明日接戰忽狂風大作向北揚沙金人目盡督宋兵鼓勇前追俘斬無算高宗卽位首崇祀典敕封撒沙護國顯應半山孃孃立廟塑像

阜亭城溯晉唐時井作馮家神祀祠漫訪咸和八年篆牛僧儒碣亦無遺

樂史太平寰宇記阜亭山上有石城周迴十里

陸次雲湖堧雜記馮氏井在崇先寺旁古磚篆刻字磚凡八十四其刻云咸和八年十月丁丑朔馮氏作王象之輿地紀勝阜亭神祠碑牛僧孺撰

三塘漁唱卷上

九

七孃子廟願香燒蠶事將忙晝復宵不聘烏圓怕傷鼠半山呼伴買泥貓

咸信臨安志七孃子廟在阜亭半山舊傳崇善王妹也孫士毅遊阜亭山記半山泥貓亦湖上土宜類也村婦養蠶多買之

伯幾遊宿醉流霞書畫僧藏向客誇徧出淨師蘇趙筆勝看傾國與名花

鮮于樞游記元貞元年四月送客臨平自阜亭山以北多野餘醪香氣酷烈薰人欲醉晚宿廣嚴院僧普聞好奇喜客置酒西樓下明日徧歷殿廡普

聞煮筍薦酒大出書畫誇客中有淨師草聖四大幅問之乃寺僧也紹興初被召作草首書名花傾國兩相歡宋主不悅賜罷今錢塘人家所收稱王逸老合作者皆其書也又東坡趙令燦唱和真蹟一卷

楊和王墓易碑材玉盃金魚出土來寺忽改墳墳改寺苗劉傳誤更堪哀

陶宗儀輟耕錄至元庚寅冬江浙行省官立相哥沙不丁輩德碑穹窿莫比特闕坐石時趙若晦者素善諂媚以楊和王墳域所有爲言役人夫數千

三塘漁唱卷上

十

花拽而至田藝蘅留青日札宋楊和王沂中之墓在德清錢塘接界處規制甚大徑路猶存碑表盡滅惟一庵觀乃香火院地有楊姓者云是後裔其象尚在楊悅家并高孝御札三十九道墳已被掘正德間一沈姓者得玉盃二玉杯十五象碁一副并諸玩器爲鎮守沒入近年小民土中得一銅爵腹有子孫永保四篆字湖堧雜記阜亭山下有劉墳宋鄜王劉錡葬處先是地爲顯甯寺王移寺隴外而築墳於中越五百年有僧具德者履王墳以爲佳棄墳於隴外而復建寺且託言非韓劉

之劉乃苗劉之劉又何冤也

儀和泉訪大雄麓況有涸熙碣可摹不惜萬錢作泉
主吳興沈屬武林胡

圖書集成胡允嘉皋亭儀和泉記甲辰冬遷先碩
人柩於錢塘大雄山山圍水中泉若乳汁不堪甌
蟻之汎一日從家公策杖鑿源見山麓一區方八
九尺清水湛然斷碣隱隱草際洗而讀之曰儀和
泉涸熙三年三月十日吳興沈彥重立共二十四
字餘七字漫不可讀更不知起何時丙午正月又
同道載過之道載曰皋亭峻烈削人此泉清和似

三塘漁唱卷上

七

勝余曰是其所以名也三月余又過之居人出券
紙示余孝瞻曰勝白我得何必定爲几案閒物余
笑謂使我稱儀和泉主人不益親哉遂以萬錢售
之

學積行修意氣雄玲瓏詞筆琢春風多情赤岸停孤
棹老淚青山泣殯宮

樊榭山房集吳尺鳧學積行修意氣高爽連蹇不
遇死以晚年頗耽琢小詞以僕爲能賞音今無春
風之筆矣又亡友吳繡谷墓下云赤岸停孤艇青
山對殯宮平生腹痛語今日淚痕中子守書無失

人嗟命不融凌雲埋可得地下傲三公

春風桃李奉芳型節鉞還扶杖履停花落壽杯花亦
笑蘭亭今亦讓皋亭

阮亭皋亭倡和詩庚申上已家兄侍叔父偕諸同
人於皋亭山修禊作圖記事先是戊午春兄爲學
使曾偕蔣蔣山陸邢生紹聞同游各有吟詠 陳
文述詩迎眸山色一痕青修禊人來畫舫停一種
桃花與修竹皋亭原不讓蘭亭花下親扶杖履來
花簪華髮笑顏開羽觴浮向桃花水都與先生作
壽杯紅雲白雪問如何萬點濃香漲綠波三載春

三塘漁唱卷上

七

風舊桃李可知還比此閒多

放翁入蜀出杭州登載漕司所假舟一棹紅亭過赤
岸曉來魚蟹富汀洲

陸游入蜀記乾道六年閏五月二十日買小舟出
北關登漕司所假舟於紅亭稅務之曲六月二日
過赤岸班荆館小休三十六里宿臨平三日黎明
至長河堰亦小市也魚蟹甚富

梨花楊柳任飄零沽酒帘撐一角青五月披裘負薪
子謂留積雪賞皋亭

魏標湖墅志畧夾城八景六曰皋亭積雪 陸以

活冷廬雜識杭人相傳道光二十一年十月三十日大雪至十一月初十止平地丈餘街衢中開一道雪堆左右閭肆之門爲阻壓圯民居無算北郭三山一水隈晴嵐溼翠白雲堆煙雲烘染天然畫好印平皋鶴叟來

朱珪名蹟錄張紳書朱伯盛印譜後予座主張先生仲舉在杭一印曰平皋鶴叟蓋用杭州三山名臨平皋亭黃鶴也元史張翥爲杭州鈔庫副使張大昌臨平記補遺張翥心性之學受之李存聲律之學受之仇遠其後講學無成卒以詩著所

三塘漁唱卷上

圭

撰蛻庵集古體頗類香山諷諭遺韻三字之鐫其放情山窟中雅懷若揭矣

無數汀洲風露香繞門采徧曝秋陽莫輕片片乾荷葉價勝鮮新十倍強

周密癸辛雜志皋亭蕩戶云曬荷葉遇雨所著處皆成黑點藏荷葉須密室見風則蛙損不堪用叔明王氏圖琴鶴寫似湯村錢以良楊篆董題還沈記清河書畫載琳瑯

乾隆杭州志王蒙字叔明宅近黃鶴山因號黃鶴山樵張丑清河書畫舫新都徐晉逸購得王蒙

琴鶴軒圖卷爲湯村錢以良作運筆古朴設色純厚種種皆可寶藏卷前有楊尹銘篆署後有沈夢麟記釋法震董存等十詩皆真蹟

彈驅赤岸烏鴉去謠應皋亭白雁飛縱惜岳將軍不見風雷空現四山旂

葉紹翁四朝聞見錄紹興初高宗建行闕於鳳山中林木翳如鴉以千萬噪鳴聒天高宗命內臣領修內司諸兒聚彈射而驅之臨平赤岸閒未幾復如初田汝成西湖游覽志餘德祐二年正月伯顏次皋亭山少帝奉表以降先是臨安有謠云江

三塘漁唱卷上

齒

南若破白雁來過蓋伯顏之讖也郎瑛七修類稿韋太后北歸至臨平問何不見大小眼將軍耶人曰岳飛死獄矣遂怒帝欲出家故終身在宮中著道衣雲蕩淡墨皋亭山伯顏取宋屯兵處方伯顏兵至是夕大雷電伯顏望見四山旂旗閃爍皆作精忠岳家字伯顏宰牲祭告祭訖風雷乃止道月終輸佛日光榮公於此結禪房送迎只有蒼髯叟髯與坡公孰短長

東坡集佛日山榮長老方丈五絕之一陶令思歸久未成遠公不出但聞名山中只有蒼髯叟數里

蕭蕭管送迎 咸淳臨安志佛日山在母山之東
北中有佛日淨慈寺
文節佳城黃鶴峰神籤乾亥示來龍更新安窆何時
吉騎鶴靈徵恰在冬

浙江通志王修玉字倩修祖母陳老且疾嘗夜祈
天願減齡益祖母壽父以遭誣下獄扶救倍至與
毛先舒吳任臣俱以著作稱 王際華王氏家譜
公卜葬黃鶴山命子元斌祈關廟籤有乾亥來龍
子細看坎居午向自當安之語意與鶴山地向相
合後葬期未定又卜有更遇秋成冬至後恰如黃

三塘漁唱卷上

圭

鶴與腰纏語厥後擇臘八日值冬至後且穴居黃
鶴山麓騎鶴之言尤為奇驗

僧言名筆有坡公佛日行如香篆中叟揖蒼髯酌甘
露肅觀經藏湖元豐

鮮于樞游記造方丈得東坡真蹟於法堂東壁云
祖老人山之十三日述古赴南都率景達原叔子
中子瞻會別於此 沈謙東江集鈔游佛日記淨
慧寺為唐本空禪師道場門有大松蒼翠奇崛相
傳為空師手植寺廢時土人伐之見璞頭朱衣人
皆惶怖走避亦稱悟道松松下有甘露泉宋楊無

為詩佛日鴨前水行人甘露杯 鮮于樞游記入
藏殿觀元豐閒所書經藏有巨蛇不敢近者久矣
凌家東墅結茅茨鼎食鐘鳴未足奇荆樹竹林無限
意令人愛誦雪溪詩

蘇平雪溪漁唱集為凌樂耕賦東皋茅屋云何如
樂耕老人住東墅結屋誅茅蔽風雨又寄凌氏兄
弟云鹽官城西多故家鐘鳴鼎食紛如麻何如凌
君好兄弟孝義由來人所誇伯子風流出人表稟
資天然富才藻仲君平生慕高潔文彩風流更超
絕

三塘漁唱卷上

夫

安隱院生竹曲曲廣嚴寺有竹雙雙此君屢遇游題
客斜寫龍蛇映碧窗

咸淳臨安志安隱院在臨平山南生曲竹林次麟
詩直節棱棱是此君耳孫卻以曲為名首陽山下
知誰種只可斜封向管城 司馬溫公集杭州廣
嚴寺有雙竹於枯樹腹中自其頂出森然並疏樹
如龍蛇相縈矯首呀然余游見之為賦詩云雙幹
格枯腹青青凡幾霜屢來非別意未與此君忘
臨平湖任闕雙龍廬墓哀馴鹿犯松自古求忠必於
孝褚神童不負開宗

唐書褚無量幼孤貧近臨平湖湖中有龍鬪傾里
開就觀之無量時年十三讀書晏然不動嘉靖
仁和志褚無量母喪廬墓鹿犯所植松柏無量號
訴鹿不犯焉臨平記舒國立朝克盡臣職又復
號哀馴鹿乎及無知古稱求忠於孝洵不誣矣
楊花如雪捲波麤天錫三春過此湖何止風蒲思獵
獵蘭閨先畫藕花圖

薩都刺雁門集過臨平云昔人五月臨平路汀洲
藕花滿無數此來三月過臨平雪白楊花捲波去
臨平記珍珠船曰參寥秦少游友以契許嘗過

三塘漁唱卷上

七

臨平道中作詩云風蒲獵獵弄輕柔欲立蜻蜓不
自由五月臨平山下路藕花無數滿汀洲東坡爲
書刻石宗婦曹夫人善丹青作臨平藕花圖

孤權流離尸觸船卅篇詩卷淚淒然兩般秋雨盃題
曲足與東江集並傳

吳顯杭郡詩輯東江手書詩卷自跋云庚寅四月
二十三日四鼓過寒山曉月映墟流尸觸船余披
衣起視悲愴欲絕流離之苦大畧可見天明因錄
本年五言律四十四首聊以當哭餘體不及備書
梁紹壬兩般秋雨盃隨筆東江手書詩卷今藏塘

棲金氏俞樾賓萌外集沈東江手卷兩香金丈
既切梓桑之敬兼深文字之緣重付裝池廣求椽
筆

景星觀只崇青帝誰待邱仙返翠微嶺上定騎黃犢
去池中還贖白鷗飛

嘉靖仁和志景星觀在臨平鎮宋紹興十年建舊
爲東嶽行祠淳熙二年移改是額咸淳臨安志
黃犢嶺在安隱院後唐邱真人每乘黃犢采藥故
名臨平記補遺顧逋翁訪邱員外丹詩云池中
數箇白鷗兒見人慣後癡不飛待君歸來君未歸

三塘漁唱卷上

八

卻復騎驢下翠微

明因尼站玷空花撒入如何慕出家太后寵雖錫金
帛伯顏餘孽動咨嗟

西湖游覽志餘元時臨平明因寺尼刹也豪僧往
來投寺則呼尼之少艾者供寢寺主苦之於是專
設一寮以貯尼之淫濫者供客僧之需名曰尼站
寺胡濙明因寺碑記元太師伯顏甥孫女名撒
八喜慕出家茲寺皇太后別迪助賜金三十斤綵
段若干疋重立碑石臨平記沈聖治曰伯顏縱
逆極矣以甥孫女之遠太后猶賜金段豈非權欲

震赫所致哉臨平此時又一騷擾矣

鶴南居構顯甯院宅相微吟慨外家從此金身崇不壞山邱華屋漫咨嗟

金漸皋貽安堂詩外集外大父徐鶴南公故居移構顯甯禪院野君表兄有詩志感次韻陳蹟難尋夢幻如空餘馴雀繞階除百年肯構荒庭月三徑新犁夜雨蔬毀室我殊慚宅相焚林人正苦苞苴差堪耐久禪宮殿禾黍悲深故鎬居法師碑燬讀難堪元覽功從錄本探不惑空桑無父教伽藍祖祀褚河南

三塘漁唱卷上

九

鮮于樞游記明日徧歷華嚴院得元覽法師碑乃唐開元廿三年徐安貞撰褚廷誨書師姓褚氏其先河南人食采錢塘因家焉邑有故隋華嚴寺乃師俗緣之地因成此院後改今名碑經焚燬今不可讀寺有錄本遂得其詳寺僧指伽藍神曰此元法師之祖褚河南也臨平記元覽為河南之孫因祀祖於寺其不惑於空桑無父之教亦沙門之待矣至今本寺伽藍猶稱褚相公云北關分課屬臨平酒醋還收魚戶征監稅公兼煙火事寶幢金李認題名

萬歷杭府志洪武十四年定臨平稅課局錢鈔永樂十年定商稅門攤挑販魚課河泊所魚戶等鈔成化十年定橫塘臨平稅課局稅辦課鈔萬歷六年定商稅酒醋課鈔安平院經幢碑記唐大十四年建立臨平寶幢紹興庚辰四月重立朝奉郎監臨安府臨平鎮稅兼煙火公事李棧又臨平都酒務金承雪晴古戍落輕帆石鼎銅鑪宿火銜與柳郎中陪陳尉逸師淨室不塵凡

三塘漁唱卷上

十

東坡集雪後至臨平與柳子玉同至僧舍見陳尉烈落帆古戍下積雪高如邱強邀詩老出疏髯散颺颺僧房有宿火手足漸和柔靜士素寡言相對自忘憂銅鑪擢煙穗石鼎浮霜漚我行雖有程坐穩且復留大哉天地閒此生得浮游宋史陳烈字季慈侯官人元祐初部使者申薦之以宣德郎致仕山外山聯渡傍渡夕陽春水石屏哦而今奉口臨平路塘裏塘還河裏河繆良塗說曹家溪河底石筓在臨平鎮西茅橋蓋石於運河之下以洩曹渠之水暗注下河俗稱河

襄河卽石笕也宋慶元二年景定三年元至元三十年大德元年俱重修明崇禎十四年大旱諸閘寬俱高不能洩水當事者議去運河底石洩水救田比洩水後石縫不能合里人陶子昂請厚乾兩邊河水以豬肝合瓦灰搗砌始如故 張爾嘉茗溪雜錄奉口至大溪多有夾塘俗呼塘裏塘是也恰憶戴石屏詩春水渡傍渡夕陽山外山二語大可作對

稽山江水案環流葬飾臨平土一邱朽骨竟遭方臘毀西風落葉不勝秋

三塘漁唱卷上

三

入蜀記臨平者太師蔡京葬其父準於此以錢塘江爲水會稽山爲案山形如駱駝葬於駝之耳京責太子少保制云託祝聖而飾臨平之山是也會敏行獨醒雜志方臘陷睦州江浙亡命相率從之眾至數十萬是時天下晏安久州縣皆不習於兵望風奔潰臘聲勢益張復陷婺歙等州乃入錢塘觀錢飲犒連日因遣人發掘蔡氏父祖墳墓露其骸骨加以唾罵王師旣至相拒累月不能少挫其鋒

慧舉僧邀功甫遊臨平菴址訪雲邱稻畦蓮渚題張

祐可有唐時舊蹟留

張鑑南湖集蘆山長老慧舉見訪約遊其臨平菴居自號雲邱草堂因贈四韻此客南湖不易逢幾年塵外願相從風流前輩親曾識興寄高情老未慵行柳映門宜著舫青燈同到聞鐘稻畦蓮渚臨平境何幸同師覓舊蹤稻畦蓮渚見唐張祐寓居臨平詩

晚達臨平百一翁塾師強學隸芹宮吾杭科目原全盛封爵惟推一等公

杭郡詩輯孫士毅仁和人歷官文淵閣大學士諡

三塘漁唱卷上

三

文靖有百一山房集文靖家臨平世業賈時德清蔡某在鎮授徒強令附學父勿喜也年四十始登賢書乾隆辛巳成進士不十年開府滇南升總督職兼將相以征安南封一等謀勇公吾郡科日中膺五等封者文靖一人而已

申公楚事付蒼茫未識將軍封號詳木彪山夔敢侵廟賜旛綠錦颶風廊

梁學繩庭立紀聞臨平陡門橋有申將軍廟宋人碑謂爲申包胥咸淳臨安志云父老相傳是申明父白公作亂王命明伐之白公殺其父後人立祠

不知申明何人春秋傳無之申明必鳴字之譌
樊榭山房續集題驃騎將軍廟詩楚事蒼茫直至
今何年此地出神林賜旛綠錦休重問木彪山夔
不敢侵注云元俞琰題廟詩呼童出示綠錦旛云
是先朝勅賜物

太僕王承汲黯風鼎湖夢挾赤虬公力攻海上諸驕
將閭闔排雲早感通

杭郡詩輯王益朋原名聘字莘民一字元之號鶴
山仁和人順治乙未進士歷官太僕寺少卿祀鄉
賢有清貽堂存稿少時讀書海昌道出臨平忽夢

三塘漁唱卷上

三

身為虬螭騰雲電而排閭闔有紀事詩云朝來忽
夢赤虬公兩手推日排天空紫髯使者傳帝敕命
臣激水海南東後官諫垣首劾海上鎮將交通賊
黨請按治後果事敗

臨平湖竭慨民饑里社蕭條旅館悽何似顧逋翁寫
景荔庵容榭試分題

李紳追昔游集卻到浙西詩云臨平湖竭兼葭死
里社蕭條旅館秋注云臨平湖竭鄉人言人有饑
患顧況華陽集臨平鳴雜題有薛荔庵芙蓉榭
二詩

威名卓著范參軍曹信曹圭繼策勳滿室紫光來有
自天生人傑果超羣

晉書顧眾與虞潭將姚休遇賊將張健戰敗還守
紫壁時賊黨方銳義軍沮退人咸勸眾過浙江眾
曰不然保固紫壁可得全錢塘臨平人范明亦謂
眾曰此地險要不可委也眾乃表明為參軍明率
宗黨諸軍四千人討健健退於曲阿萬歷杭府
志曹信臨平人唐末盜起信糾集義兵以扞鄉邑
後黃巢之亂信屢立戰功又曹圭為信之子將生
信夢人謂己曰我當為爾子有二千石圭少有膽

三塘漁唱卷上

三

勇乾德中淮人圍嘉禾圭守之淮人望氣者曰此
雖孤城中有貴人不可圖也嘉禾平圭以功授蘇
州刺史

負重如駝飲似鼃山曾青眼識東坡送迎久失亭亭
塢奚必同音辨字譌

入蜀記臨平山形如駱駝蔡京葬其父於此築塢
於駝之脊東坡樂府云誰似臨平山上塢亭亭迎
客西來送客行則臨平有塢亦久矣郭北三山
志咸淳志載沈汝諧臨平山詩山勢分明飲水鼃
鼃疑駝字同音之譌

三秀同宗徐氏門力攻似道負朝恩桂芳橋足酬忠
讜大德重修石日存

臨平記桂芳橋在鎮中舊名茅橋宋時里人徐宣
與弟寅垓同太學數十人伏闕上書攻賈似道後
同登進士垓居榜首鄉人號曰一門三秀更今名
大德九年重建按橋石題大德乙巳無射月戊申
日庚辰時建

寶鼎光芒現赤烏石函四寸耀神符湖開湖塞關天
運何事將身賣作奴

三國志赤烏十二年寶鼎出臨平湖 臨平記臨

三塘漁唱卷上

五

平湖邊得一石函中有小石青白色長四寸廣二
寸餘刻其上作皇帝字孫皓於是改元爲天璽元
年孫盛以爲元皇中興之符徵五湖之石瑞也
晉書五行志吳孫皓天璽元年吳郡臨平湖自漢
末穢塞是時一夕忽開除無草長老相傳此湖塞
天下亂湖開天下平吳尋亡而九服爲一 通鑑
綱目臨平湖草久塞忽然自開陳主惡之乃自賣
於佛寺爲奴以厭之

春鐙史埭上元期簫鼓塘樓樂水嬉重五半山喧競
渡青龍頭上颺紅旗

俞樾春在堂文集臨平記補遺序余年甫四齡卽
從德清舊廬遷居臨平之史家埭所居有樓三楹
其下臨街每歲元夕張鐙輒於樓上觀之擬繪生
平所游歷爲四十圖其第一圖曰史埭春鐙 周
天度十誦齋集皋亭有靈佑 午日競渡最盛鄉
人蠶務畢以報賽焉

報恩積善理昭昭熊夢蛇祥帳裏宵聞說方家圖子
建泛船怕過女兒橋

成化杭府志報恩橋臨平鎮北積善橋吳家堰下
嘉靖仁和志運河大塘圖于橋里人以無子建

三塘漁唱卷上

五

此祈之 西湖游覽志女兒橋相傳吳越王女兒
建在餘杭塘河

女感靈奇孕白龍異僧咒鉢洞雲從旣施甘澤猶懷
母祈禱仍須沈氏宗

丁養浩西軒類書吾鄉超山臨平邱山每山有水
旱二龍洞超山乃黑龍神臨平乃白龍神臨平龍
神其初有室女感電光而孕父母疑其私欲殺之
女告故至大期父母醜之載以扁舟潛之臨平湖
葦荻閒俟其產一胞剖則白蛇也女志曰何物怪
幾陷我舉杖欲撻之忽躍入水久之漸興雲雨有

異僧至曰此白龍神也持鉢盂至水際祝之蛇乃
從水躍入僧捧之陰冥水洞從此靈驗大著 臨
平記舊傳吾鄉龍母沈氏其家去鎮二十餘里宗
族甚繁至今祈禱必用沈氏之子乃應
乞巧錢王事有無天然井底蟄龍居唾珠疊疊雲雷
會雅合山人來讀書

太清一統志龍珠山一名巧山 咸淳臨安志山
在肇元鄉五都高約六七丈形圓如珠與皋亭黃
鶴相望 名勝志俗傳錢王七夕乞巧於此故亦
名巧山 康熙仁和志山勢奇秀巔有井出自天

三塘漁唱卷上

七

然非人工所鑿 李奎龍珠山房集劉子伯序李
君名奎字伯文號龍珠山人少讀書於龍珠山中
雖乏雲雷之會而疊疊吐珠談可屈四座

三塘漁唱卷中

錢塘丁丙

拱北天開浙水清運河源溯宋元明萬三千二百餘丈岸闊橋連第一程

圖書集成新運河在武林門北新橋之北通蘇湖常鎮等府宋淳祐七年大旱運河乾涸安撫趙與憲疏言下塘水道斷流商旅不行米價騰踴乃募夫分段開掘自北新橋至狗葬奉口民稱便焉元至正末張士誠以舊河窄狹復自五淋港開至北新江漲等橋遂成大河地有三里十二里漾風波

三塘漁唱卷中

一

塘突無塘遮護為盜賊淵藪正統七年巡撫周忱自北新橋迤北而東至崇德縣界今為石門縣築塘岸一萬三千二百七十二丈四尺橋七十二座水陸並行便於漕餉今名下塘倉場驗米重乾圓土產隨裝稅免捐春去秋來如水雁全家衣食運糧船

浙江通志凡應運漕米各州縣將倉貯乾圓潔淨樣米封送倉督比對驗收雍正開奉 上諭嗣後運丁除包攬抗違外所帶些須貨物無容苛刻盤查復令增添攜帶土宜俾得多蓄餘潤以贍家口

翟灝北關扣舷錄自拱宸橋至謝村皆漕艘所泊之處春仲挽漕北上至秋閒陸續南旋運丁仰事俯畜胥賴焉

太平船與牡丹頭客坐低航免稅舟各種商船七十六按圖輕重鈔應收

王宮臻北新關志列船式之圖曰鎮江擺江船報漿船松江船報搖船杭州湖墅船報搖船湖州圈篷船報搖船檣板尖頭船報搖船劉河蕩湖船報搖船邵伯木屐頭船報河船桐閘子船報河船邵伯開梢船報河船平湖花船報搖船光福報船報

三塘漁唱卷中

二

搖船揚州沙飛船報沙船焦湖船鎮江板船報河船海船報沙船甯波船報尖船大尖頭船報搖船琵琶船報河船便民船報關頭船水洋毛蓬子報漿船杭州船報搖船大山船報長船漁山船報沙船邵伯船報河船馬溜子報河船盛墩山船報搖船站船報顛船湖州白殼子報搖船吳江尖頭船報搖船開裏沙河船報長船湖州花船報搖船蘇州大尖頭船報闊頭船鎮江攔水船報漿船揚州木屐船報河船湖州太湖船報太湖船水洋毛蓬子方梢報漿船蘇州船報闊頭船鎮江派子船報

河船湖州太湖船嘉興圍篷船報搖船常州划子
船外船報划子船常州馬船報攤船湖州船報太
湖船嘉興齊門船報闊頭船南京滿江紅報漿船
南京樓船報河船長安攤船報攤船常州划子船
報划子船嘉定船報闊頭船嘉定平頭船報闊頭
船鎮江划子船外舵報划子船南湖兜梢船報漿
船南京船報漿船蕪湖船報漿船板船報河船杭
州大桐子船報刹船丹陽划子船報划子船飛仙
船報搖船孝豐船報尖船嘉興鹽闊頭報闊頭船
糧划子尖頭報搖船抹頭子報河船高滄船報河

三塘漁唱卷中

三

船震葬船報搖船蘇州提關船報闊頭船蘇州蕩
湖船報搖船南潯航船報航船瓶窰船報攤船杭
州趕艍船報闊頭船松江華亭鹽坵船報攤船餘
杭船攤闊拉報搖船施家壩泥塔頭船報攤船餘
杭區攤圓拉報攤船杭州泥塔頭船報攤船湖州
沙飛船報沙船

塘岸承修丈四千石缸六百洞工連毀家紆患身甘
辱莫忘耆民施國賢

浙江通志運河下塘自北新橋北直抵石門縣界
其地有三里漾十二里漾康熙九年總督劉兆祺

巡撫范承謨以是塘河路利濟攸關委耆民施國
賢董其事歷一載築成石塘四千三百八十三丈
橋六百二十三洞往來利涉商民稱便焉 康熙
仁和縣志施國賢欲於北關下塘創一護塘庵於
塘隙地令僧居之每一塘壞即募修補以爲永久
乃以借支藩司銀兩下獄國賢賣棲屋以償得釋
任事受累爲可惜云

協鎮分標汛各防戍瓶津鼓接官塘足兵足食期民
信仲墅還安預備倉

圖書集成北新關杭協千總一員兵一百一十五

三塘漁唱卷中

四

名分汛謝村起至五淋頭及運河一帶各塘塘棲
鎮杭協把總一員兵一百名兼顧三白潭雙橋一
帶塘汛北關杭協兵二十名 康熙仁和志預備
倉明洪武二十四年建永樂三年知縣彭奎重建
四倉其一在城西北仲墅

信感穿窬宣慰劉布衣得返去官舟傳籌設柵嚴防
禦何止城中半是愁

癸辛雜識劉伯宣爲宣慰司同知去官日泊舟北
關外偷兒盜去銀匙筋及毛布衫次日幾無可著
之衣其家欲經官捕盜伯宣語曰此輩不知吾乃

窮宦萬一見獲遂壞此生銀匙筋入其手亦不願
得但衣服見還可也幸體此意人笑其迂越宿忽
得一簾於空地視之布衣皆在焉劉公一言信及
穿窬非一日之積也 圖書集成北關水兵嘉靖
四十二年尚存一千節經裁革寢盡萬曆三年湖
盜夥起駕船數十南自謝村北至塘棲橫肆劫掠
村民不安藝提督徐拭設兵船十隻分地防守於
是舟行無阻 武林紀略崇禎閒北關運東西三
河支港太多賊船難防杭嚴巡道黃鳴俊議定重
設水柵傳籌會哨以資防禦其運河會哨地方三

三塘漁唱卷中

五

里漾謝村義橋洋口十二里洋鴨關橋總管堂五
淋港塘棲鎮花園橋百腳港落瓜埠五杭埠北陸
埠大麻埠其東河會哨皋亭亦岸寶莊吳家壩西
河會哨清水港女兒橋板橋良畝奉口十字洋限
每月三六九日籌單繳換 姜夔白石道人出北
關詩吳兒臨水宅四面見行舟蒲葉侵鵝頂楊枝
蘆馬頭年年人去國夜夜月窺樓傳語城中客功
名半是愁

天倉玉粒歲輸忱北往南來立法深河運罷停歸海
運運丁星散運船沈

凌璋森梓里叢鈔漕運糧艘有杭一杭二杭三杭
四等幫每幫船二三十號每船伍長一人耆民巡
丁一人篙工十餘人伍長眷屬半居船中自北關
外至謝村排有水次各不相混春運秋歸每屆三
年輪流修葺湖墅藉此衣食者不下百家自咸豐
三年粵匪陷江甯鎮江隨陷漕運改由海運初則
糧艘尚有苦蓋運丁尚給工食至十年杭州初陷
海運亦停糧船不可問矣
風鶴聲傳動遠愁防臺高築伍林頭倉黃塘石全移
撤何處來尋兩敵樓

三塘漁唱卷中

六

萬厯錢塘志嘉靖三十四年督撫胡宗憲於北關
外築東西敵樓上有堞下爲門二十 姚三晉棲
里雜錄咸豐閒粵匪竄東南浙西戒嚴當事急議
防守特築塘棲礮臺一座學使萬青藜有記刻石
時絀於財用因移撤敵樓暨沿塘巨石濟之石料
始盡

蘆根繞綠蓼新紅常潤蘇湖水各通載慣鐵頭舟販
米不愁雨雨又風風

高翥菊礪集下塘詩日出移船日又斜蘆根時復
見人家水鄉占得秋多少兩岸新紅是蓼花 咸

涇臨安志浙西運河在北新橋之北通蘇湖常秀
潤等河凡諸路網運及販米客舟皆由此達於行
都 夢梁錄下塘等處及諸郡米客船隻多是鐵
船舟亦可載五六百石者其老小悉居船中往來
興販

文山船被謝邨羈梅壑何能脫蒺藜誰謂青山不改
色但聞風鶴不聞雞

文天祥指南錄德祐二年正月十九日子除右丞
相兼樞密使都督諸路軍馬二月初八日謝堂已
宿謝邨初九日忽駕舟回或謂伯顏得賄而免天

三塘漁唱卷中

七

台杜澣字梅壑糾合四千人欲救王室當國者不
知省予頗獎異之客贊予使北海壑斷斷不可逐
之去予果爲北所留後二十日驅予北行梅壑憐
予孤苦慨然相從自入北營未嘗有雜唱因泊謝
邨始有聞是夜幾與梅壑逃去詩云軍中二十日
此夕始聞雞塵暗天街靜沙長海路迷銅駝隨雨
落鐵騎向風嘶曉起呼詹尹何時脫蒺藜 尹廷
高玉井樵唱謝村云青山不改色紅樹遠含情當
日間風鶴俱疑是晉兵

祖有同懷母有親兩家麥飯奠無人沈雲裏築鴛鴦

豕百世青山永結鄰

金滄北墅金先生遺集沈君雲襄卜葬其叔祖某
伯外王父章君某於謝村之原奉其祭祀以兩公
並無後也土人號爲鴛鴦豕亥秋日同人往游
因賦二律以貽浴江他日載之家乘可也

節節漿凝青蔗尾稜稜味辣紫薑芽女兒墩畔饒金
粉不看桃花看菜花

萬厯杭州志小林薑近蘇家圩多種之又甘蔗舊
貢今仁和小林多種之小蘆者名荻蔗 趙坦寶
璧齋文集乾隆庚戌余欲縱觀寶石山緋白桃花

三塘漁唱卷中

八

小林范丈振聞一再招余看菜花余感其情摯遂
買小艇往小林去郡城五十里薑菜果蓄色正盛
遂持酒攜榼登高快賞其集飲處土人呼爲女兒
墩

滇南戍負洛山樓松雨軒懷平仲微試權重披樂耕
賦藕花十二漾依依

樊榭山房集平顯字仲微杭州人洪武中官廣西
藤縣謫戍滇南沐國公英延爲西席故居在北關
外之橫里地有仲墅洛山水名十二里漾松雨軒
集有句云萬頃水雲橫里北百年三壠洛山陽又

云藕花官漾十二里桑蔭鄰村數百家 不顯松
雨軒集有松雨公樂耕賦
三里洋通三里塘獨山前後水雲鄉編書縱問歸田
訊栽菊空憐三徑荒

王同唐棲志三里漾在仲墅 吳振械杭郡詩續
輯馮如璋有晚歸三里塘詩 咸淳臨安志獨山
在大雲鄉晴出雲則雨雨出雲則晴回環皆水蕩
瞿佑歸田詩話郁魯珍爲官陝西被罪退居獨
山村中不復入城寄詩云我已栽成三徑菊君今
著就幾編書然竟以題松石軒詩卷被累死獄中

三塘漁唱卷中

九

東發先生寓北關與田君穆結鄰歡沈園更作會心
記十里瓜涇林水寬

黃震黃氏日鈔淳祐九年余始寓行都北關監稅
田君穆騷人也與鄰壁一夕招余文字飲 行都
向北可十里有瓜涇焉蒼溪沈氏居之園池靚深
可樂也復築室其勝處曰林水會心屬余記之時
咸淳元年

金佛爲鄰寺遠置石屏蔡宅卜安橋挈舟葦浦來題
句生計租菱賣橘饒

杭世駿道古堂集次蔡石屏安橋坐居老樹環階

綠映苔寺鄰金佛信幽哉租菱人去又魚集賣橘
船歸載酒來北上半塘棲水接南瞻一嶺鶴峯開
守元尙白真吾分門徑何妨徧草萊
福嚴寺締義溪濱記假青田昧所云願守佛前無誑
語實庵礪石待真文

誠意伯集仁和縣北二十里有義溪焉宋嘉定中
陳氏名迴廬於溪上捨身爲浮屠名其廬曰福嚴
有弟子曰如春明皓旣而迴與春俱卒皓爲僧司
皇慶二年賜額福嚴泰定乙丑皓建佛閣皓卒有
弟子三人曰崇實崇志崇行實志卒崇行於至元

三塘漁唱卷中

十

庚辰建大雄殿壬午甲申丙戌殿院廊廡無不備
具至正辛卯寺成將樹碑求文介杭人誠予者以
請予時臥病介倩人爲文假予名歸於師師覽其
言詞鄙陋心不懌業已請不欲易也將勒石命褚
奐書奐嘗從予校文闈中力辨其妄乃與師偕詣
余求真文予將歸不克就明年予至杭師聞卽來
猶礪石待余言師號實庵皓師號東巖記者枯蒼
劉基書者武林褚奐也

端恪尙書著五杭外施甘雨內嚴霜若非苦節先尤
母曷授遺經天鑒堂

乾隆杭州志沈近思號閣齋仁和縣五杭村人官至都察院左都御史贈禮部尚書諡端恪沈氏遷杭六傳至東園公諱魁好施予曾祖學顏祖時吉父大震皆以公貴贈妣皆贈夫人曾祖母尤氏年二十二矢志守節撫孤孫避兵禍艱瘁彌厲故贈君終身無笑容公所著有易詩論語小學及天鑒堂詩文集數十卷

兩村陸郭古朱陳沈第胡徐氣益振隱卻落瓜舊名里龍光橋接 駕南巡

塘棲志落瓜橋本名陸郭俗呼落瓜明萬厯閒御

三塘漁唱卷中

十一

史陳心抑捐俸重修天啟閒里紳徐大津作疏募

修雍正丁未李宮保衛重修乾隆丁丑 南巡時

改名龍光橋咸豐庚申兵燬光緒閒官工重修

博陸曾開慧日筵水亭鴈譙侍羣賢重尋雪壁鴻題

刊六十回頭欠一年

丁養浩西軒效唐集成戊子博溪王思政延吾

先君與唐元愷元性王宗盛館賓謝宗南倪伯玉

至其鄉慧日寺觴於水亭之上予與仲兄師哲亦

廁席末酒酣宗南有作予和之書於壁壁今五十

九年矣當時同席今無一人生存予亦白髮種種

矣憶錄舊作云博溪溪上一追遊慧日名山萬木秋三徑草堂通別墅一間茅屋瞰清流月明村隴僧歸晚雲掩松關鶴夢幽尊酒醉來成一笑高風絕勝虎溪頭

草窗嫁女博溪隈時近春分雪又雷天地冥濛驚變色春秋有客證書來

癸辛雜識至元庚寅正月二十九日癸酉是年二月三日春分余送女嫁吳氏至博陸早雪作至未

時電光繼以大雷雪下如傾雨雷不止天地陡黑生平未見爲驚懼者終日客云記得春秋魯隱公

三塘漁唱卷中

十二

九年二月三國吳主孫亮太平二年三月晉安帝

元興三年正月皆有雷雪之變未及考也

星兒幽怨殉琵琶亂降梅園忠惠家零落十年諸姊

妹博溪忍看舊時花

姚光晉瓶山草堂瑣談吾鄉博陸村鍾氏明忠惠

公裔家設一女仙常降與鍾兄弟唱和極多句

多哀怨記其一聯云嶺上弄花春有影湖邊踏月

夜無聲末署星兒兩字問其故不啻後有其女伴

來乃詳述之蓋女負色藝貂璫逼之入宮乃抱琵琶

自沈於西泠橋下鍾氏所錄詩卷今已遺失鍾

亦零落

瓜山村廟樂巫氓靈石神稱禰正平不貴鼎鑪雕細
細恰宜社鼓擊聲聲

倪璠神州古史攷瓜山出武林門十五里有大瓜
小瓜綿綿齊墟夾岸連勢向北一瓜稍大南則橫
橋連蒂橋北有禰正平祠俗謂靈石浮來亦稱爲
靈石廟 嘉靖仁和縣志相傳瓜山昔有香鑪一
座漂至三足皆龍爪舉之須四人因封爲瓜山土
神 楊星曜小峨嵋山館詩稿瓜山看桃花云社
鼓初停噪暮鴉漢臣遺廟駐桑麻請君一擊春光

三塘漁唱卷中

三

好莫把漁陽舊調搗

孟言兄弟獨山棲軒區清誇萬玉題壓倒林家三百
樹梅花并不數西溪

張輿聯輝集萬玉軒記陸秉中字孟言世居獨山
之陽其先大父谷營先生仕元爲宣政院同知退
老於家依山構屋兵燹後靡有子遺獨老梅數百
十本在孟言遂築室其中讀書養晦與弟孟恭倘
徉其間躍躍而喜曰是造物者之以此與我輩相
終始耶且此皆先人之德乎况此有處士之操君
子之姿君子比德于玉乃以萬玉扁其軒介友陳

士甯求子記

獨山乙酉避兵時椿萎萱危苦自持鴻博辭徵堅孝
行潛齋撰傳寫哀思

應搗謙潛齋先生集先考思齋應公先妣陳孺人
家傳先考諱尙倫字明之乙酉避兵燹於武林北
鄉獨山之東順治二年閏六月卒先妣陳孺人自
獨山遷至駱莊順治甲午仲春卒 全祖望鮎埼
亭集康熙戊午 詔徵博學鴻儒內閣學士項景
襄孝天馥交章薦搗謙搗謙輿牀以告有司曰非
敢卻實病不能行耳學者稱爲潛齋先生

三塘漁唱卷中

四

平原曲欄突山岡高士常登望洛陽壁上鐫銘擎柱
石倪祠松蓋挺蒼蒼

萬厯杭州府志洛山西面皆平原惟此山突起昔
有高士自洛陽來隱於此時登巔望洛故名石壁
倪乾鐫銘於上洛山聯壁崑崙來脈造化毓成擎
天柱石 圖書集成倪文僖文毅宗祠在洛山前
麓古松凌霄遠望若蒼蓋然里人相傳以爲宋木
坡仙還闕下塘西野岸花飄鶯自嘯或謂地因忠義
重玉潛留寓號唐樓
蘇文忠集杭州被召還闕別馬中玉詞明朝歸路

下塘西不見鶯囀花落處 何琪塘棲志畧地以
八重仍作唐棲蓋重義士之所棲止也唐名珪字
玉潛會稽人瘞楊髡所發南宋諸陵骨後隱居塘
棲永清寺側里人高其義因名其鎮
郎官歸足落河塹舟子當門空索錢久但見神鞞尙
溼青林祠祀益加虔

張之鼎棲里景物畧宋知樞密院事何十六郎諱
宗一因死於王事族人憫其忠祀像於廟一日公
忽命一舟至廟前偶失足墮水進廟久之不出舟
人索錢候於門外族人詢之云有何十六郎官人

三塘漁唱卷中

五

命舟至此族人怪之詣像前見雙鞞猶溼爲土穀
祠以祀之 塘栖志宋知樞密院事何公祠在青
林村

水南福邸剗離宮夏絕蠹蝨水架虹留得棠梨自開
落玉鉤斜外雨濛濛

車向榮半林吟稿王莊基相傳爲宋福王與芮莊
院元初里中陳氏佃之爲墓今稱花園墳內有臥
龍橋乃福王納涼處夏月無蠹 周天度十誦齋
巢六墓村距塘棲七里宋宮人埋玉地詩云荒塍
古隧暗棲鴉環魂歸識帝家春雨野棠開自落

無人知是玉鉤斜

大麻溪水發源長實古姑仙得道鄉俗厚風純宜壽
考春官徐老祝康強

西軒效唐集徐壽鄉賀序畧云眷兄春官主政壽
鄉徐先生今正德十年年七十有七正月十九日
乃其初度先數日適有貺余龜鶴圖者余閱之曰
此佳徵也遂裝潢成軸以獻先生少游庠習舉業
長領鄉書登進士第試政春官授祠祭司主政甫
三期解官歸養久之年六十喟然歎曰吾忠孝盡
矣無所復用仕矣遂致事於家今十七年矣而氣

三塘漁唱卷中

六

益壯神益完體益強餐啖步履亦益便捷至於耄
期上壽無疑也况先生所居麻溪之地實古姑仙
得道之鄉其俗厚其民淳人生其閒者多壽考康
甯先生曾高以上世居其鄉真所謂壽鄉者也
河廣橋疑白飲虹桑多魚賤鷺翻風隔城遠見吳山
翠客在煙波濛濛中

王穉登客越志嘉靖丙寅五月泊唐棲河廣百尺
星橋橫空如白虹沈沈下飲波中過唐棲水益闊
桑益多魚亦益賤青田白鷺小船如瓜葉煙波中
有濠濮間想望見吳山翠微神思翻飛不可復禁

沈家父子利侵漁四片蜿蜒禍劈魚流水何如飯長者放生記為菜湖書

七修類稿仁和四都民人沈浩父子橫法侵漁水利嘉靖戊子夏家人劈二魚為四片烹將食之魚躍出盤者三鄰里來觀猶目蜿蜒沈日是何怪乃爾吾食之食無一月即罹水利之禍明年長子又亡非天假魚以兆之耶放生說塘棲張子羽斥菜湖為放生池建流水長者閣於池中延秘密嚴公主其事

兩洞超山水旱分摩崖石刻掃苔紋丁西軒像松坡

三塘漁唱卷中

七

侍逸客借鑄沈望雲

塘棲志海雲洞圖有旱洞水洞臥龍淵釣月磯濯纓灘模石池諸勝又有丁西軒像其旁石刻丁松坡沈望雲二像

唐樓樹老不知年十日重經冰雪天折臂眠身神佛地端平留句別雲泉

釋永頤唐樓寺前詩津亭樹老無人記 周彌端

平詩雋留題唐樓寺詩云僧房十日相留戀為怯春寒未到家插居之山妨盪漿入簷飛雪助煎茶又留別唐樓寺郡守趙詩云小殿眠身佛空廊折

臂神

掌管浙藩大門戶新移水利署堂皇至今尙說添三府叢薄寒煙聚北邙

周詩唐樓鎮添設水利通判廳記唐樓去會城五十里而遙當水陸孔道控帶三郡蓋藩北一大門戶也曩時督撫胡公巡按周公請增設水利行署即命郡主盜者往毋令盜得逞誠便計也其署故在鎮下游墟墓叢薄與民懸隔歲間一至即不能終夕舍去 萬歷杭州志嘉靖四十年夏四月移水利通判守唐樓住劄祈堂菴之東隆慶三年八

三塘漁唱卷中

六

月通判羅星以署與民居懸隔移置西半里許規制仍舊 塘棲志曹菽園曰水利行署在唐樓大河之北 國初解字猶完整今則鞠為茂草殘月荒荒雞亂鳴穿林一點火微明向前菽乳初開肆已有人來趁曉行

王思任北行日記己亥不及抵北關二更泊五杭村落荒雞亂鳴終夜不寐披衣起坐推篷見殘月猶未落也路已有行人買豆腐作早餐味勝吾鄉天下水無大明北石關隱語出塘西小林第一蓮花井范蔡來游盍品題

白斑湛淵靜鷲嘯花落禿寺前井鐫隱語於上云
一人堂堂兩曜蓋重并深赤一點去冰旁二人同
行不欠一邊三湯四柱足火然若有雙鉤兩目全
乃大明寺水天下無比也 咸洎臨安志范令光
記云臨平山後數十里井鹵惡余客小林四面散
汲其味畧同與范右之蔡及之納涼蓮花院院有
三井叩僧就勝僧指露井最良余亟取烹茗清甘
寒冽品此泉爲小林第一
王家莊或福王莊高擁千倉又萬箱一自三宮隨北
去莊前天水碧茫茫

三塘漁唱卷中

九

萬歷杭州志唐樓河干有福王莊 唐樓志畧王
莊宋福莊故基也伯顏破臨安福王及宗室駙馬
隨恭帝北行宮人數百俱自盡 塘樓志成洎志
福邸花園在天水院橋卽省院天水橋福藩似不
在唐樓所謂莊者大約所賜莊地
澇深嘉慶九年秋穀貴嗷嗷雁澤愁不見塘樓施粥
嚴誰知文達郵民周

阮亨瀛州筆談嘉慶九年七月十二日浙江巡撫
阮元奏杭嘉湖三府屬今歲麥收本薄又值夏雨
過多低田被淹糧價陡貴臣奏奉 諭旨開倉平

羅臣隨於附省被水之所開廠煮粥就近老穉男
婦許其赴廠就食塘樓鎮粥廠於七月初一日開
廠監廠官湖州通判德甯候補知縣羅德營管廠
官仁和縣丞韓勝祿江漲務大使韓觀國從九品
李枝蔭從九品徐元魁董事張迎旭按塘樓粥廠
在營盤兩旁空地搭設男廠二大座女廠二大座
每座可容四千人備廠二座老人廠一座於東獄
廟有事宜二十條亦詳載筆記中今不備載
忠烈我我卓侍郎三先生後振書堂傳來薪火昌經
學芳杜洲邊水亦香

三塘漁唱卷中

十

徐乾學憺園集卓氏傳經堂集序卓氏自侍郎忠
貞公後數傳至入齋左車珂月三先生以經術文
辭知名於時今火傳及其子允域並能世其家學
火傳卽其塘樓里居建三先生祠又爲堂以藏遺
書本入齋之意名其堂曰傳經而四方之士先後
交於卓氏火傳必乞其詩辭以表彰遺烈所謂傳
經堂集也 唐樓志芳杜洲在唐樓市南先爲杜
處士懷南別墅處士卒歸卓氏名曰芳杜俾處士
之名與洲俱傳也

浣紗已渡語兒溪十載鄉兵訓練齊想見沼吳遺壘

在新材填石膽和泥

葛澧錢塘賦潭則浣紗玉兒 唐棲志張子漸句

壘詩云語兒亭畔女兒軍壁壘猶稱霸越文 霞

舉堂集句壘詩云戎馬橫行白日陰破吳謀畫十

年深 半林吟稿唐棲東北十里日句壘相傳越

王軍壘所

塘列神堂上下中金元七總管靈通千橋萬櫓行如

織默祝平安慎旋風

曹岷棲水文乘利濟侯金總管廟在長橋南塊弘

治閒建此廟以鎮橋梁今稱侯爲隨糧王康熙閒

三塘漁唱卷中

三

有功漕船 徐逢吉清波小志金元七總管廟其

來已久神生時來往江湖閒沒後爲水神金者神

之姓元者神之名七者神之行總管者其官職也

祀之確乎有據不爲褻典 陳文述春游日記仁

和王家莊之下河塢立有碑誌曰謹防旋風

洞黑神龍抱水眠海雲題壁趙公鑄恍如遼鶴歸華

表夢見超山夕照邊

西軒效唐集超山南有水陸二洞陸洞之底亦水

也相傳有黑龍居之山麓登路上建觀音庵石壁

鑄海雲洞三字郡守趙閱道所作歷久庵毀弘治

閒山歸於我因和趙集游海雲山詩韻鑿石開深

洞分泉螯小池月華來海窟雲影落天涯散果猿

爭食看花鶴自隨前溪通驛路冠蓋日奔馳宏治

辛亥春仲寓京邸夢登樓倚西窗眺夕陽遙見故

里超山遠在數千里外了了明白山下行人亦復

見之淒然感作云傷心萬事在題詩夢裏家山了

不迷溪上玉樓樓上客幾回閒倚夕陽西

破被寒僵曉夢頑一篷活計賣魚還照妝懶卜菱花

鏡不問東西木杓灣

吳錫麒有正味齋集木杓灣見梅花云病臥虛堂

三塘漁唱卷中

三

藥成崇寒僵破被春無功出門一笑忽明眼乾雪

冥冥潑一篷

紅亭八角水東頭絃管人來賞桂秋指點祇堂高閣

上佛鐙如月映清流

周天度十誦齋集詩註塘西分水亭似離橫出俗

呼八角亭每中秋游人載酒乘月往還絃管清絕

又云清流寺亦名祇堂菴傑閣凌霄爲棲水之勝

佛鐙終夜不滅

范堰佳稱扁眼藕瓦窰新產折胥菱藕如雪粉香尤

滑菱縱浮根角有稜

夢梁錄仁和護安村舊名范堰產藕扁眼者佳瓦
窰頭產菱三家村有進貢藕粉 梁玉繩蛻稿舟
過塘棲采菱曲妾如菱角常愁老郎如菱葉任浮
沈妾家便住菱塘側與郎同喫折腰菱
六十懸弧聚七賢同寅同甲感華顛落瓜更證三生
石流水橋頭弔朗然

杭郡詩輯徐士俊字野君家鄞水時有詩社四方
才士常主其家有同寅同甲歌序云里中同於萬
厯壬寅生者有沈扶九金孔賓張五聚沈無虛俞
惠公胡循蜚暨余共七人今歲辛丑爲六旬初度

三塘漁唱卷中

三

紛紛先後懸弧 徐士俊雁樓集沙門朗然余落
瓜里中老僧也居士穀祠四十餘年庚寅冬杪一
病而逝年七十三其弔詩云我里既荒涼吾師亦
圓寂安得舊精魂重過三生石

橫潭歌就筆無瑕快雪餘芬製畫又十卷宋刊金石
錄收藏印押舊人家

唐樓志畧馮文昌字硯祥嘉興諸生爲司成開之
孫以次子襄仲贅於樓里沈氏遂徙家依之硯祥
既工詩兼好古書畫有宋刻金石錄十卷手跋其
後又爲刻印文曰金石錄十卷人家所著吳越野

民集有橫潭歌

張卓吳周孟高呂胡陳金沈數諸娥堅貞節孝選奇
烈心比超山石老婆

唐樓志張烈婦仁和諸生張無疆女卓節婦舉人
卓文卿室吳貞女文學吳太末女周節婦儒士周
俊暹妻孟節婦生員孟永嘉室高貞女樓水高宏
芳女呂節婦呂允斌室胡節婦胡心得中丞子允
昌室陳孝女文學陳言女金孝女儒士金豔生女
沈烈婦漳溪沈振烈妻貞孝節烈俱載志乘

三塘漁唱卷中

三

沈先吟樓水十家詩

阮元兩浙輶軒錄沈洪芳原名洪傑字子旋號椒
羽仁和諸生著冰雪草蟋蟀吟病草磊庵畫中詩
山居集家有西園梅竹周而後贅馮硯祥文昌之
子襄仲于家割其半以贈故又稱馮園嘗賦十子
詠序云樓溪背山臨水去皋亭黃鶴峯二十里而
遙曲曲溪流繞超址而東焉居山下者鐘靈多在
樓市百年閒文人肩背相望自邵康僖公而下代
不乏人詩古文詞俱有集行世余欲合選而梓之
使卷帙簡而可久今茲未能聊作十子詠以誌邵

康僖銳字端峯正德戊辰會元初忤璫瑾復逆藩
濠不得入館閣仕籍亦艱卒諡康僖卓光祿明卿
號月波爲光祿丞嘉隆間名公如太倉濟南諸子
咸與倡和棲水風雅實公啟之卓太學發之號左
車寓金陵清涼山下交徧天下有漉離集卓明經
人月號珂月崇禎乙亥選貢左車子也有蕊淵集
蟾臺集其中興頌集千字文爲阮亭所賞胡庶常
允嘉號休復萬曆癸丑進士讀書中祕卒有柳堂
集朱茂才大輝號原信嘉興人交胡庶常遂流寓
焉曾爲吳子敏宗師所賞食餼於庠無家室寄居

三塘漁唱卷中

五

黃鶴山之青草鵝僧舍二十年有集甚廣徐武陵
灝號大津崇禎戊辰進士官武陵令詩多清健劉
亮作令頗強項以傷豪貴獲譴卒於武昌呂山人
需號水山通兵畧曉奇門遁甲之書暮年懷奇不
售書畫有逸致與徐華亭相公善又同徐文長沈
嘉則客胡梅林幕府時稱三山人云家大參朝煥
號太元萬曆甲辰進士有泊如集官劔南備兵政
績甚善家太學庭訓號警章閉戶著書有清遠樓
集

姚麟祥是解元師被飲曾傳孝子詩頌慰母頤承撫

頂白髭猶是效兒嬉

陸飛筱飲齋稿孝子詩爲余師作也師姓姚名祥
麟仁和諸生居塘棲娶德清沈氏女生三子次最
慧先後俱沒竟無嗣懼實行之就湮迺爲詩冀采
風者錄焉孝子生早孤辛苦甘寒飢始補弟子員
阿母顧謂兒兒相甯富貴兒命實數奇一衿可終
身慎勿妄有希再拜語阿母兒惟耽文辭母年至
八十孝子已白髭阿母或上堂孝子走相依柔聲
呼阿母以頰慰母頤母手撫兒頂歎側爲兒嬉
盧橋垂垂蜜橋森夏初秋禾遞垂林盤洋獨甲塘棲

三塘漁唱卷中

五

富一樹金還一點金

朱彝尊曝書亭集塘西市蜜橋麤皮而小 魏成
憲清愛堂集注余年十三隨先大夫就醫塘棲高
石生太守招游丁山湖卽席命賦余有句玲瓏橋
樹層層岸宛轉菱歌處處聲太守大加擊賞 吳
存楷硯壽堂集塘棲詩云菱紅熟已久橋綠香可
採 十誦齋集丁山湖詩注盤洋以東多果樹惟
枇杷冬夏不彫

淨綠醞醞景色幽鳴榔遠近湖回流試尋讓谷周郎
記難忘丁山湖舊游

十誦齋集丁山湖舊游記出北關二十里至橫涇
橋東望有山巒然曰獨山舟泝橋而入行可五里
許曰橫里邨居民數十家背山臨溪茅屋在桑棗
中如罨畫然蓋獨山西麓也溪循山而東入三四
里兩岸皆良田廣陌其南皋亭諸山如屏如障山
下村人以梅李代穀種花時彌望如雪又東有橋
曰花橋又東里許溪轉而北北三里山曰南鮑
山陰相國朱文肅公佳城在焉舟抵山之足有畧
約橫左曰南鮑橋循而東里許忽轉而西又里許
而北北又東蓋溪環山流山有向背而舟隨之旁

三塘漁唱卷中

毛

溪復有居人數十家曰泰山村村人倚山結屋左
右盡農田在溪北溪沿流多柳每東作時牧人騎
牛亂流而渡牛背人映清波山光掩對眉髮俱作
紺碧色其東則抵超山北麓矣山延袤可十里南
北得其三之一直上數百仞巉巖嶽嶽膚不土而
佳木蔭竇不乳而甘泉滋吾鄉陸雲士先生所謂
巖壑非深穴藏虎豹者言其幽也循山而行又里
許過節壩橋橋左百餘步得水口復有小橋跨之
其廣僅容一刀清波入焉沿迴曲折里許乍聞鳴
榔聲時遠時近少焉地勢忽開澄湖數十頃醴醴

淨綠涵虛混清蓋丁山湖也澆湖而居者遠近十
許村如環如玦縈抱左右人家以樹藝網罟爲利
一邱一水坐致百金橘柚枇杷蒨茨之屬歲入不
貲農人以爲城北隩區者無論是焉村旣富實地
復清幽於是四時景色莫可窮殫方夫早春冰泮
輕風試鐙水閣梅開柴門月上則宜擘牋題句連
臂踏歌擬泉石之平章作鶯花之管領及夫飭簫
初輦巫鼓乍誼翠陌花鈿繡脰羅屨時則新儵出
水穉柳困春曲徑短牆紅扶綠輝南山苑燼有若
凝妝靜女故作撩人眉色雲光水色中時有蘭橈

三塘漁唱卷中

毛

畫槩遠來親人益移情蕩魄雖漢川洛浦之遇或
未之過也乃若濃陰掩屋蠶事未開微雨斂塵輕
風送遠時或煙鬟罷掃雙頰斷紅笑問客來愁教
春去薄羞淺恨殆難爲懷至於夏靜日長槐陰轉
午豆棚接徑瓜稜分畦曲院縹聲隨風微度此時
竹牀攤飯烏几枕書又何必長簾懷冰鴛幃聚雪
耶至若冷蓮墜粉秋穀懸黃蘆畔未晞蘋末微振
或嫋嫋如縷曲港菱歌或澹澹如羅空潭漁唱以
至霜高氣凜土銜茅檐或曝背於南榮或迎暉於
東牖聽糟牀之雨嘗芋釜之香梭惟宛轉慣織新

愁絲定奇温不寒昔夢他若朝罪暮斂煙斜霧橫
尤在知者知之未可以湘素傳也約其最勝之處
有三日盤洋曰洪家漾曰紅沈潭自洪家漾而北
至塘樓七里東則白栗山橋東至臨平二十里皆
野田平坂漸近鶯塵無足紀者余癸卯甲辰閒陞
伏故里遇良時勝日無歲不往蓋生平於此賦情
特甚焉自乙巳辭家十六七年南北奔馳回憶舊
游恍如隔世每欲畧爲抒寫自愧才韻枯梗忽忽
不就今年長夏爲南礪言之則浣溪之約不待鴟
夷矣南礪欣然拊手曰信耶然則盍書之乃書焉

三塘漁唱卷中

无

三塘漁唱卷下

錢塘丁丙

正德年時值戊寅官塘五色水流新丈逾數十無祥瑞水底人言有寶珍

七修類稿家有薄田在於官塘正德戊寅塘水忽有五色長數十丈後竟無祥或言水底必有寶耳仇山蕩口匯三苕巨漲春秋滾似潮多少恆河沙裏數神龍吞吐也難消

阮元杭州府水道圖南北中三苕通於仇溪淤沙在涇山港之北北苕之東北通餘杭塘河 浙西

三塘漁唱卷下

水利備攷苕溪匯入瓶窰處曰涇山港口有漲沙百餘畝阻塞嚙要不能宣暢故在上之溪沙易壅在下之河流橫恣亟應剗削

共道青蔥產板橋橋邊造廠利親操遠師南渡官船解轉漕為舟敢憚勞

咸淳臨安志蔥出板橋 孔天允改造船廠記浙歲繕漕船初嘗解料於淮後勿便改回本省然猶募作蘇地復勿便始於仁和縣謝村置廠嘉靖甲辰潮溪謝公來蒞以廠實隘陋令指揮牛天賜相度其宜僉言廠宜更置關外板橋乃糾工繕作規

制廣嚴公嘗欲畧減料價以杜競逐是亦一法然舟漕事大計費為小但貴操得其道而已

道家偏不庚申守佛誕緣何劫殺開血雨魂風板橋路誰驚 冠夢中來

梓里叢談咸豐十年庚申二月十九日值觀音誕期粵逆從武康冒雨直走板橋關犯北關武林門城中官民皆不知也

西挺孤山北獨山明湖橫里稱幽攀鯨魚寡鳳盈盈隔誰識蒼巖與翠鬢

留青日札杭有鯨寡孤獨四山皆孑然無依今孤

三塘漁唱卷下

二

山在西湖獨山在仁和橫里人皆望而知之寡山通餘杭支港去余家之西咫尺亦名鳳山人莫之稱鯨山在寡山之西一水之隔俗名魚山乃鯨之省文而傳誤者也

險塘西岸宿沙痕髣髴當年亭市村草綠窰山煙火滅土花猶贖破瓶盆

太平寰宇記杭州亭市村人悉作大盆今謂之浙瓮 萬歷杭州志瓶盆瓮缶今出錢塘瓶窰

禦患施飢理合神蔣三公後聚三墩鄉風古樸宗祠遠耕讀年年長子孫

王昶春融堂集蔣氏祠堂記出錢塘門三十里爲西溪西溪西有南北兩蔣村北蔣村旁屋數十楹則蔣氏之家祠也蔣氏世有閩人其先有季順孚惠孚佑三公遭方臘之亂能率兵以衛其鄉里又常出粟以濟歲飢故其歿立廟封神然譜牒不傳故其祠以七世端公爲始按祠之制一遵家禮傍山臨水村落環抱風俗淳古尤以耕讀爲恆業雲祚蕃衍生殖富有久而逾甚可知矣按三墩村今蔣姓猶繁盛一

衣絮空誰卹旅貧願爲化主誼殷勤北風聲徹東塘

三塘漁唱卷下

三

路如聽吳郎募疏文

七修類稿吳天祐江西豐城人寄食於杭東塘陳廷彩家冬無衣絮陳子蒙調之曰能作疏文當爲化主乃作疏曰伏以捉襟露肘誰憐子夏之貧冬暖號寒可免昌黎之歎含羞在己貽笑於人竊念天祐半生若蟻一拙如鳩身常苦饑寒頗類吟詩之賈島志不在溫飽愧非及第之王曾雖字頗能識書頗能讀然寒不能衣飢不能食瀟橋踏雪難尋手足之凌兢剡木乘舟無奈身心之顛掉鄴侯萬卷亦徒耳范叔一寒如此故幸託身桑柘之鄉

而長者擅絲綿之利深筐大箔價輕千錠之黃金溫繭柔綿色瑩三冬之白雪眼見之而忽熱心欲之而難言既民胞物與之同然豈推食解衣而不可惠而好我實爲道義之交勉爾求人不覺言辭之拙分我一團和氣奈他千載歲寒高誼難忘服之於膺而佩之於背眾輕易舉與不傷惠而取不傷廉袁安免僵臥於洛陽師道不忍寒於郊祀若肯結緣秀士也勝布施山僧十謁朱門何畏滿頭之風雪一吹鄒律頓回幽谷之陽春遍告斯文圖成善事謹疏陳氏父子遂勸習舉業爲之占籍仁

三塘漁唱卷下

四

和後膺甲子鄉薦而陳氏之門自是無祐之跡矣句莊曾葬秦長脚奉口傳生賈滿頭南渡初終兩姦相何緣禍水此同流

留青日札余鄉東北十餘里地名狗葬其鋪曰良犬初不解其名或曰狗濡身溼草以救野火焚其主人之故湖廣雜記句莊一稱狗葬秦檜橫棺處七修類稿萬安丞賈涉在鳳口悅洗衣婦人而生似道

山傳荀子讀書處欲考碑文碎且磨更有野橋名杜甫依稀廟祀十姨譌

田藝衡教授集遊白鶴諸山記由東長明取道荀山寺老僧云是荀子讀書處碑石粉碎莫可蹤迹林璐歲寒堂集良渚一橋舟人呼曰杜甫橋見田家持雞豚以賽者輒曰杜甫廟夫少陵雖曾遊吳越此地僻壤未聞高人隱士託足於茲豈前代慕其爲人而祠之歟獨是千古詩人忽受村人所禱冤矣

良渚書齋寂寞寒春深風雨意闌珊白髭閒集三唐句空見朱門鎖牡丹

柴才百一草堂集唐詩丁卯館良渚述懷集白居易

三塘漁唱卷下

五

易年過六旬時元稹寒爲寂寞賁蘇頲試將明鏡照方干又白幾莖髮又良渚居人惟事求田問舍一叢牡丹深閉園亭直待風雨飄搖始扯往觀而花已闌珊因以朱慶餘空見朱門鎖牡丹句賦之面壁菖蒲供石盆第三羅漢現靈根孔顏樂處憂心悄儒釋雙參動至尊

超琦大覺普濟能仁國師年譜玉林國師常州府江陰縣人族姓楊氏父字振陵母繆氏夢白衣老嫗而娠三十五歲至大雄山有前邱居士求難度以石菖蒲一盆供師丈室內有水晶應真一軀丙

戊冬師行脚出外有小兒竊像歸家至夜分小兒腹痛發狂自言我自第四尊羅漢大雄乃第三尊羅漢現身汝何竊我像歸污穢地不急送歸不能生矣其父母詢知卽送像歸大雄寺大雄有面壁巖師四十六歲值順治十六年供養西苑之萬善殿世祖問如何是孔顏樂處師云憂心悄悄大雄山徑檜松參巖有龍潭復蜃潭南渡曾聞投鐵簡奉香閔雨爲祈甘

教授集良渚西南爲大雄寺松徑深窅巖有龍潭南渡時嘗投簡祈雨潭中多產蜃蜴戲有持去者

三塘漁唱卷下

六

輒不見云能飛去山之南有龍潛鳴前溪又名蜃潭

無量佛閣墨龍蟠華藏經函記靜觀不有伊蒲輪五斗孤松安得撫盤桓

任士林松鄉文集崇福院在杭州城北門之北良渚之南宋淳熙乙亥建也景定庚申前住山壽潛初建無量壽佛寶閣中奉四大部經今住山師學宏葺而新之具足梵典五千四十八卷經左右南向律論東向西向疏鈔北向汪良璧登大雄山崇福寺詩鈴語松篁外茶香竹露閒伊蒲飽一飯

絕頂共登攀

田焦暑烈逢甘澍壘廢村空過戰場何似弟兄相邂逅青山袞袞露蒼蒼

樓鑰攻媿集奉口遇雨云七月欲盡八月初天久不雨暑未徂下田焦卷上田槁愁歎不止田間夫元雲忽起西北隅兩岸人物歡欲呼 高啟大全集過奉口戰場云路迴荒山開如出古塞門不知將軍誰此地昔戰奔我欲問路人前行盡空村登高望廢壘鬼結愁雲屯當時十萬師覆沒能幾存年來未休兵疆弱事并吞功名竟誰成殺人徧乾

三塘漁唱卷下

七

坤媿無拯亂術伫立空傷魂 貢奎雲林集宿鳳口會九萬兄云扁舟下蒼滄日暮浮雲散青山袞袞隨十里行不斷古塵絕人煙纒纒臨絕岸誰知兄弟情邂逅忽相見

葛墩土穀廟荒涼王某於茲教一鄉夜見神前虎來拜緣何臥側不為傷

七修類稿仁和七都地名葛墩有土神廟荒落無主而敗壁可達正德時王姓者設鄉校於此夜即寄宿一夕見虎入廟叩首於神前若拜跪然久之而去明晨語人

太婆太僕山一邱鴨彈壓瀾橋合流村港伍林一再誤武林頭與五淋頭

萬歷錢塘志安溪之東有太僕山一名太婆山七修類稿仁和七都有橋曰壓彈予意當時取名必曰壓瀾所譌也 塘棲志朱譽伍林懷古詩云武林村港口曾是設重關 棲里景物畧吳伍子胥宅在鎮西五里相傳子胥避難處俞美英唐棲行詩序伍臨頭乃伍相禦兵於此今譌為武林頭俗又稱五淋頭

三塘漁唱卷下

八

母一鄉南北兩流芳

咸洎臨安志馮孝女穆宗時人少孤無兄弟及長不嫁以養母母疾篤思肉食刲股為糜以進後母死號慟嘔血既葬結草廬墓下日焚香蔬食刺臂血書佛經捨宅為寺以薦母長慶三年詔賜束帛賜寺額日報恩今錢塘縣有孝女南北兩鄉 夢梁錄唐醜孀居孝女南鄉年十三母病刲腹取肝和粥以進母病愈醜孀以創入風而死

黃夷簡奉使朝天建宅言歸待禮賢乞病安溪保明哲聞吟蔬甲茗旗鮮

玉壺清話黃夷簡閒雅有詩名在錢忠懿王俶幕
中陪尊俎二十年開寶初太祖賜俶開吳鎮越崇
文耀武功臣遣夷簡謝於朝將歸上謂夷簡曰歸
語元帥朕已於薰風門外建離宮規模華壯不減
江浙兼賜名禮賢宅以待李煜與元帥先朝者卽
賜之今煜嚙彊不朝吾將討之元帥助我乎無爲
他謀所惑果然則將以精兵堅甲奉賜向克常州
元帥有大功俟江南平可暫來相見否無他但一
慰延想爾固不久留朕執圭幣三見於天矣豈敢
自誣卽當遣還也夷簡受天語俛首而歸私自籌

三塘漁唱卷下

九

曰茲事大難王或果以去就之計見決於我胡以
爲對迨歸見俶因不匿盡以天訓授之遂稱疾於
安溪別墅保身潛遁夷簡山居詩有宿雨一番蔬
甲嫩春山幾焙茗旗香之句雅喜治釋太平中歸
朝爲光祿少卿後以壽終焉

波藍晴染約齋題十丈亭橋鳳口西破廟獨尋無淨
院船留紅灩夕陽低

南湖集安溪道中詩染晴波色重於藍煙隔人家
屋兩三又舟過良渚詩直須鳳口泛晴溪又安溪
晚泊因到無淨院詩十丈亭橋穩棹溪斜陽紅灩

入船低枯筇徑過荒街北靜院深尋破廟西
安溪費有女中師令子錢塘張擇之爲乞寓賢揚母
德任松鄉集著銘辭

松鄉文集夫人費氏墓志銘錢塘張擇之擇交當
世不苟希合從周應奉趙集賢游而樂與予追尋
大德十一年十二月齊衰膝行謁予於西湖之上
曰擇之不天母氏終矣必求先生銘以狀來請無
辭銘夫人姓費氏諱某同郡安溪人也總角肇
在父母側誦論語孟子學李夫人書習九章算學
既事張氏肖孫黽勉奉舅姑承歡乃退定省温清

三塘漁唱卷下

十

禮加良人大德十一年五月初得瘍疾曰此非婦
人證也願以他疾終至十二月果不食飲怡然而
逝

入山廿二泣逋臣不拜迦文拜建文天下徧觀難起
事漫留姓氏與僧聞

張培仁妙香室叢話錢塘大遮山東明寺建文曾
避蹟於此本朝丙戌某月有二十二人皆偉幹傑
貌免胄而入命守僧以米三斗作飯豆一斗作乳
倉卒具食飯後徧視佛像不拜見建文像則拜而
下泣問邑里姓氏不答聞其聲知爲北人也問今

何往則淚隱隱承睫曰吾糗盡游觀天下無可起
事者

寺隱東明山大遮衰龍脫體換袈裟碎塵珠晦風磨
鏡贖有天香國色花

留青日札東明寺在錢塘安溪去吾鄉不二十里
相傳建文皇帝爲僧曾居此寺 朱樟一半句留
集東明寺殿前牡丹一本明建文帝手植高二丈
許花以千計爲茲山之勝其留別東明寺有句云
法高雙樹說塵毒一珠還蓋寺中無塵殿相傳有
珠一粒云 蔣炯蔣村草堂稿東明拜建文帝象

三塘漁唱卷下

十一

云但聞寶殿懸金鏡誰見名花種玉墀

琮壁工誇雕琢才不然寶器出泉臺徒令骨董呼南
土偷把鴉鋤掘玉來

鄭煜執玉堂雜記今骨董家所售漢玉方珪圓璧
髮圈鼻塞其色多黃半漬血跡謂之南土皆出安
溪未必全真也或謂舊設玉局或謂出自冢墓究
莫能辨其一是土人住住於夜閒掘取稱曰玉嘯
橫里東山祀謝公雲孫忠烈殉金龍呂梁一捷神靈
顯祠廟風猶怒吼風

留青日札謝安之東山元在會稽仁和橫里亦有

東山今謝公廟在焉 康熙錢塘志謝緒理宗皇

后謝氏之族也宋帝北狩時元兵突入緒赴水死

葬於金龍山祖墓之側立祠其旁明太祖戰於呂

梁敵兵乘流而下垂敗空中聞人馬聲旌旗隱隱

見金龍字遂得捷 仲學輅金龍四大王祠墓錄

張應楨拜金龍四大王墓云宰木百年樹枝幹高

蔥龍長松數十里蜿蜒如臥龍

綵蚌零璣笑碧渠神龍敢攫浴溪珠望雲亭在雲深

處夜夜光明照讀書

陳繼儒寶顏堂集金龍四大王姓謝諱緒髻鬣時

三塘漁唱卷下

十二

與里中兒浴溪獲光明大寶珠閒一摩弄輒溪雲

潏集有神龍似欲攫珠者嘗建望雲亭於金龍山

之嶺而隱焉

虎殖安溪戶得安令叨鎮守獎除殘誰知嘲出俞鳴

玉行政休誇猛濟寬

雷琳漁磯漫鈔宏治初錢塘安溪山多虎患縣令

獵人捕之一日而獲三虎縣令獻於鎮守鎮府喜

加以美言獎之然令實貪墨者焉時有府辦俞鳴

玉戲嘲云虎告使君聽我歌使君比我殺人多使

君若肯行仁政我自雙雙北渡河亦得詩人之意

焉

溪綠辰逢六十生泣言母吮目偏明胡翁一志真千古奚止區區繪事精

胡允嘉盛溪綠生志吾鄉呂水山先生書法精勁畫無塵埃有盛世者安溪人也避仇居先生廡下固工寫照先生與語山水去就草木舒結盛大悟筆法頓工一日與余飯適其六十誕辰余謂何以壽子盛立庭下飲泣余怪駭之拭涕言曰余哭吾母也世生而歲痘發熾然一一著面瞳如覆孟母苗日夜舐吮一日復開六十年留偏明於人間見

三塘漁唱卷下

三

日月光不至惘然作死人者皆吾母涕唾也母亡矣雖有目視之不見矣世何以報吾母乎公能言而志其痛十世且不朽何以壽爲余猝然許之世初爲錢塘安溪人今爲仁和塘西人溪綠其別號也

虎彪鄉里捍艱難伯錫崇仁駐虎山螳臂雙撐忠血碧瓶窰千古淚潏潏

高承埏自靖錄仁和縣鄉紳總兵虎彪字起凡屯營天目往來安溪徑山瓶窰所統五六千人戰死崇仁伯王唐俊武舉乙酉閏六月與掛平原將軍

印中軍都督府左都督仁武伯姚志卓各起兵於餘杭瓶窰之間俊駐虎山十餘年監國封崇仁伯以秀水諸生金甌監其軍俊於辛丑冬糧盡散其眾壬寅正月甌被執死俊挺身慷慨就死

咸淳未併二年前局造安溪會紙怪何若普甯經募印蓮花片片懺諸愆

翟灝湖山便覽宋造會紙局在赤山湖濱先是造紙徽州繼又於成都乾道四年以路遙弗給詔卽臨安府置局始置九曲池尋徙今處別有安溪局咸淳二年亦歸併焉工徒凡一千二百人黃汝

三塘漁唱卷下

四

亭禹林集普甯寺印造藏經募疏棲水普甯寺者作鎮東方標名南宋及明正統而就圯藉于忠肅以中興距今已累百年閱世爲之再變幸有葦航大師者下雞足山以卓錫斯方作獅子吼而振鐸有眾言傳東譯之文默受西來之旨卷凡若干函資需若干兩輕裘非一狐之腋大海爲百川之歸倚辦法財因緣善信庶使文翻貝葉行行班滅罪之文字落蓮花片片點成伊之字

歸真示寂境迴龍信宿郵舒歧路窮局仿惠民園漏澤儒門移作佛家風

虞淳熙德園集瓶窰重建真寂院碑云六鑲鳴而
雙徑接孤筇指而九華開東林西土鷲直便去而
泣歧路哭窮途之子藉僧郵焉不幸而病予耆婆
之藥僧之惠民局也設不幸而化斂棺瓦之蓮僧
之漏澤園也若夫學布三宣之律而嚴百丈之規
則又僧之學校也 章藻功思綺堂文集真寂禪
院迎住持師啟真寂院者地卽佛心路經天目茗
溪所注徑山所盤記垂創於百年溯源流者四世
利名都假此則歸真塵俗何誼於焉示寂

五塘漁唱卷下

五

德紀治錢塘第五年

寓林集錢塘聶侯重修茗溪化灣閘碑聶侯治錢
塘之五年興除不可勝紀惟茗溪居邑之西偏通
雪溪太湖注於海沿袤百五十里爲閘有五曰化
灣閘者水溢則闔旱魃則闔潞洩惟錢邑是賴創
始於宋淳熙六年重建自洪武而永樂閒數決閘
圯天子敕大司農夏公原吉繼納言趙公岳修築
正統十年復圯邑令葉公宗衡申請事聞上敕少
司空周公經再勘築治如故至今百六十二年無
患矣萬曆戊申天降霖雨五月閘復圯下民其魚

侯蹙額曰赤子在溺父母之謂何于是單車出郭
行赤曝下涉巨浸甫一載餘而閘成矣種種德政
詳他紀中又奚贅焉爲閘也碑用告來者

三塘漁唱卷下終

三塘漁唱卷下

六

金

牛

湖

漁

唱

光緒辛巳年
秋九月重刊

雲璈生長西湖少壯以來大抵在他鄉之日多居故鄉之時少前乎此爲蒙穉之歲月後乎此爲萍梗之生涯計能領略西湖僅弱冠後十年耳自客揚州而此景不可得矣故嘗有生在湖邊天也如硬差此老住他鄉之句然歲時上冢必一歸歸必寓於西湖故又有故山莫怪長爲客抵死歸來踏六橋之句皆紀實也近年一官承乏鞅掌濃中去西湖愈遠思西湖愈切今者印奩乍鎖衙鼓初閒雜憶舊遊麤徵往志成斷句百首用代鍾儀之操聊伸莊舄之吟胸有遐心語無倫次以所詠不出西湖故命之曰金牛湖漁

金牛湖漁唱 有序

唱蓋故鄉無不可戀而西湖尤難去懷者也昔人詠西湖至百首有楊蟠董嗣杲郭祥正諸人客中無書未得寓目小長蘆叟有鴛鴦湖權歌百首寓懷鄉之意非能嗣響聊以效顰云爾嘉慶辛未試燈日

夫繞郭荷花句留白傅南屏金鱗喜識坡公古人偶經宦跡之遊輒作回頭之戀而况錢唐蘇小本是鄉親和靖仍孫數傳衣鉢有不傲秋風於寤寐觀流水而興懷者乎此明府仲雅先生所以有金牛湖漁唱之作也論者謂榜童擢月笛婢吟煙揭露箬之半篷占汀鷗之一席類皆息影在蒹葭深處洗眼從雲水光中故能盪彼涼襟恣其流喝先生方采氓謠之律被邑頌之弦漁肅於宵釣助諸晝豈暇遽尋幽夢別結遐心不知臯禽戾天桓流在陰之響倚蘭握陞無改生谷之芳惟靈稟先殊斯喧寂一致今先生以銀

金牛湖漁唱 黃序

手之如斷游刃力而有餘了滴水于筆端志高山於琴外潑來煙墨簾前而螺黛青濃染出細紈波裏之夕陽紅溼舊雨今雨此中有人長橋短橋無聲亦畫落落焉飄飄焉其詞高其意遠矣乃者五湖春水未返邱爲三徑秋花尙資陶亮要令俗無滄鮪日少頽魴又火箱苗盡修爲治譜么姑弱崽悉貢其心歌然後短笠大瓢相爲料理幅巾鶴筆望若神仙重尋曩日之釣游卽以是編爲嚆矢若士珣者葭慙倚玉草慣離鄉半個焦魚未入顛師之鉢一聲荒版誤他瞞賺之場祿養難求飢驅曷已聽小海唱豈換木腸望

大刀頭空飛月鏡憶到踏青鞵健誰圖上河清明坐
來搖碧齋輕讓却燒香瘦嬈以祝斯湖其於先生固
猶是几桉閒一物也嘉慶癸酉暮春之初回里愚姪
黃士珣謹跋

金牛湖漁唱 黃序

二

金牛湖漁唱

錢唐張雲璈仲雅

阿儂家住舊西冷長把湖山當畫屏今日天涯塵滿
面好峰無數夢中青

東坡管領昔時遊汝穎羅浮處處秋天下西湖三十

一不知何地似杭州東坡守杭州亦有西湖楊萬里詩云三

處西湖一色秋錢唐汝穎及羅浮東坡原是西湖長

不到羅浮那得休近玉暉作西湖攷臚天下以西湖

名者凡三十有一求其山水秀麗孤山行殿兀中央 睿藻留題日月光萬頃恩

波開正面始知

金牛湖漁唱

一

天子總當陽聖因寺行宮

錢唐門外好停舟士女爭看大佛頭見說秦皇纜船

石願將湖水共江流舊志言湖水通江海東至沙河

石為秦皇纜船所後人皆力辨其非翟氏湖山便覽

以為湖南重岡複嶺不隨陵谷為變遷若湖東則難

以臆測也漢立縣治靈隱山下豈舍平上而弗居哉

華信築防海大塘去縣東只一里彼時縣東今縣西

也故張君房以錢唐門為漢人築塘備錢湖處

則江海與湖至漢始濶秦皇纜船容有之矣

雕鏤大佛勢巍峩老能償宿願多却怪年年整頑

石至今齒冷喻彌陀大佛周顯德六年僧思靜所鑄

家當鑄此石為佛至老始償其願

靜善畫佛畫家所稱喻彌陀是也十景傳來總不同西湖煙水本難窮怪他馬遠圖中

見一角偏勝滿幅工宋馬遠有水墨西湖十景

總宜園小錦塘斜猶有秦樓好駐車欲買段橋猩色

酒不知誰是阿姨家橋口趙仰詩秦樓直接段家橋

又段家橋頭猩色酒楊萬里句

當年嘉澤竟虛封不祀龍王祀馬公猶有白蓮池在

否水仙祠下一杯空嘉澤廟在孤山路祀錢唐湖龍

龍王宋亦稱水仙王蘇詩一杯當屬水仙王是也後

改建湖秋月亭徙其廟於路北尋改建馬公祠後又

龍王像於庵中鳳閣仙官蹟已湮宣公祠廟枕湖濤不知內相經綸

在賸有吹簫乞食人唐陸宣公祠在孤山之陽明少

金牛湖漁唱

二

也鳳閣仙官雲水莊昌希周謙中舍別業句國朝

乾隆十六年御題內相經綸額雲璈幼時在湖

蕭以丐錢人咸指為宣公後裔

半湖春色幾曾閒到處笙歌共往還却笑弁陽摹不

盡萬重深翠董家山武林舊事云西洽橋又名西村

則盡入西村橋弁陽老人詞云看畫船盡入西村間

却半湖春色蓋紀實也雲璈按此語今不盡然矣齊

東野語云趙孟堅客武林薄暮入西洽指

林麓最幽處日此真董北苑得意筆也

梅鶴當年共結廬尙思天竺別移居生平不獻相如

賦怎肯臨終更上書林君復題隱居壁云山水未深

天竺溪流上獨木為橋小結廬又臨終詩

云茂陵他日求遺橐猶喜曾無封禪書

六一行蹤未至杭此邦人士望歐陽一泓泉水生何

幸得占千秋姓氏香坡公出判杭州訪僧惠勤於孤

嘗一來為恨公麾斥八極其神何所不至故吾謂西

湖蓋公几椽間一物耳坡領之後再守杭州勤已化

去前數月有泉出講堂下未名坡

遂本勤舊語名日六一勒銘泉上

西湖功業長公稱何事專祠竟未能誰繼三賢新締

造無人一不頌阮中丞孤山東坡林君復後益以李鄴侯

稱四賢而東坡無專祠嘉慶己未儀徵阮中

丞元來撫吾浙始立祠於平湖秋月之東

袁詔遺址已銷沈第二橋頭暢遠襟趁得酒錢無用

處至今人笑落蘇林蘇長公外紀云京兆尹袁詔既

題有和靖東坡自樂天却與袁詔趁酒錢之謔又癸

辛雜識太學生出遊多不至三賢堂蓋合三賢姓名

為落蘇林也

金牛湖漁唱

三

隄上桃花水亦香蘇公湖淥拓錢唐惠卿一毀終何

益依舊晴虹十里長蘇公築隄十年而呂惠卿為

經分圓覺韻參差十六人來共賦詩一霎黃州塵夢

杳石泉槐火有前知東坡在黃州夢與僧道潛賦詩

一時新之句後七年守杭延潛居智果院主席之日

自公而下來會者十有六人用圓覺經以時稱盛院

我伽藍身心安居平等性智分韻賦詩一時稱盛院

有泉出石縫開甘冷宜茶適公以寒食日去郡來與

潛別汲泉鑽火烹黃蘗茶忽憶前夢乃名

其泉日參寥並為銘之參寥道潛別號也

湖上閒吟日幾回前朝輿廢總堪哀但聞泥馬浮江

至不見金牛出水來水經注錢唐縣南江側有明聖

神化莫測湖取名焉雲璈按今湧金門

雲麓漫鈔謂其地即古金牛出現之所

何人深夜繪涼堂佳釀惟應乞尙方四斗酒成三丈
壁更無奇蹟似蕭郎延祥觀御園涼堂成有壁四堵
高三丈時高宗將遊幸壁尙素
內侍促御前蕭照繪之照乞尙方酒四斗夜往每盡
一斗則一壁成高宗嘆賞之宜賜甚厚見葉紹翁四
見錄

定香橋畔屢遊行花港前頭潑刺驚只有曲江錢學

士隔林時聽誦經聲誦經時隔竹林聞錢惟善
定香橋訪隱者不遇句也

季鷹歸計久無聊豈必鱸魚慰寂寥不羨湘湖采莼

去鄉心只在望山橋望山蘇隄第三橋也遊覽志
餘云三橋出莼菜不下湘湖

風荷原是舊荷風水佩雲裳迴不同却怪南薰太無

賴人前強半褪衣紅曲院風荷舊
名趙院荷風

金牛湖漁唱

四

舫課曾傳葉使君花洲鷺渚細論文一聲畫角歸船
集比似金鏡唱凱軍明萬歷開巡鹽御史葉永盛課
士子集第六橋授以題命各就
舫花洲鷺渚任其所之少焉畫角一聲羣舫畢集各
以文進名曰舫課後卽其地建書院今崇文書院是
也

油壁香車路不遙任郎隨著玉驄驕遊人只解蘇隄

去未識楊家裏六橋裏六橋在裏湖西岸與蘇隄對
明正德初郡守楊溫甫孟瑛旣

開濬西湖於此築橋稱十二橋

羣仙十二管芳春開落憑誰較溷茵只恐甘番風信

惡還應添箇護花神湖山神廟雍正九年宮保李衛
建中奉湖山正神列花神十

二加以閏月又設催花使者四以領四季

湖心亭子赤闌干一面風來四面寒夜半魚龍呼欲
起只愁蕩破水精盤

如餅小塔遠浮湖夜色清涵水墨圖都說三潭三月

印我來只見一輪孤陸氏湖瑤雜記云登山頂下瞰
湖中有三大圓暈所謂三潭印

非眞月也

西去重闌傷水隈史君新徑幾時開儂家九曲城邊

住怪底柔腸日九迴舊城自錢唐門東折以至北關
形勢多曲謂之九曲城元末改

築取直通所餘止一曲矣城下有史君

新徑通錢唐舊治見楊蟠西湖百詠

菩提院冷佛空靈秀邱園荒御藻零舊蹟祇今留不
得更無賈府上船亭皆錢唐門
外舊蹟

金牛湖漁唱

五

先得樓空舊有名碧香酒庫欲扶醒乞醯尙見烹魚
美莫問南朝宋媿羹宋時有碧香酒庫五所先得酒
樓名也宋媿魚羹見武林舊事
湖上醋烹魚
至今擅名

王迴當年有舊廬湖瑤官閣莫移居人生合作錢唐

尉只恐眞仙尙不如宋初號錢唐尉爲八仙仁宗每
以爲眞仙尉相傳尉廡爲王
子高故居南宋時公守不
存徙居望湖樓之桃園

石雨橋畔別成蹊上下湖波任取攜此是香山舊眞

蹟白隄休悞白沙隄白公隄由錢唐門外石雨橋迤
北至餘杭門樂天築此以隔江

水隄以東爲下湖蓄上湖之水漸次達下湖以溉民

田記所謂北有石函決一寸水可溉田十五頃是也

爲今人多以白沙隄爲白公隄者悞

當年茵閣說移家猶有吳興粉
勝斜羨殺春來狂道
士東西飽看馬騰花
西馬騰有元句曲外史張雨故
居雨自金菌山移此有茵閣二
字為趙子昂書

荒園具美舊知名飲深亭前水
正生柳戶燕簾春不
見定應吟損史邦卿
具美楊和王園名有飲深亭史
達祖飲深亭詞有柳戶清明燕
簾寒食之句

判斷春光日日新冷泉公牘自
隨身東坡真是西湖
長半領鳧鷖半吏民
梁溪漫志東坡遊西湖多以公
牘自隨至冷泉亭據案判決已
乃與僚吏劇飲

半閒堂冷草痕遮蟋蟀經傳宰
相家如此寒蟲也遭
遇怎教人不怨年華

金牛湖漁唱

六

秋壑容堂總賜居相公後樂竟
何如近來歌舞無閒
日莫遣襄陽報羽書
秋壑容堂皆似
道後樂園景也

士女爭遊忠烈祠栖霞嶺下
繫人思可憐一箇秦長
脚頑鐵為軀檜作屍

何人高價敢輕論春水春山繞
店門書畫一牀花四
面風流誰似項承恩
項承恩屢試不第隱居岳墳
小肆雜置書畫并盆花竹石
索價頗高李日華作詩
贈之見六研齋筆記

清漣寺裏玉泉清五色魚來
餌不驚欲凭紅鬚看比
目翻嫌相見太分明

九里松前講寺開當年金碧舊
樓臺即今靈竺依然
在無復閣妃好面來
集慶講寺理宗建為閣貴妃功
德院窮極巧麗時名賽靈隱有
人書法堂鼓云淨慈靈隱
三天竺不及閣妃好面皮

韜光到處水濺濺竹規常分
樹杪泉試問巢枸舊時
路不知何地種金蓮
韜光菴在巢枸塢唐代宗時蜀
僧韜光卓錫於此故名有金蓮
池相傳韜光引水種金蓮處
其蓮圓葉小花浮於水面

銷金鍋子欲銷愁往事繁華
逐水流誰似王孫錢岳
仲擁書長作小諸侯
宋錢岳字岳甫吳越王後裔居
九里松建傑閣藏書甚富東坡
賜之曰錢氏書藏見武林紀事
錢颺有走筆代書寄岳仲七弟
詩即錄也

金牛湖漁唱

七

飛來靈鷲是雲根雕佛千年
蹟尙存如此名山遭斧
鑿不徒遺像恨楊髯
飛來峰壁佛像大小不下千數
五代周時以迄宋元皆有雕
鑿實為恨事不獨陳任賢
所擊楊璉真伽三像也

呼猿洞口白猿公洞裏分明
別徑通猶有孫團彌在
否月青雲碧萬山空
靈竺舊多猿猴寺僧謂之孫團
彌方輿勝覽謂呼猿洞內有路
可通天竺人憚
之不敢深入

回軒亭子桂花開聞說僧伽
舊日栽二十五株香滿
夜無人知是月中來
月桂亭本名回軒亭在月桂峰
下僧遵式種桂詩序云天聖丁
卯秋寺堂左右天降靈實其繁
如雨其圓如珠識者
日此月中桂子也取之播種林
下淡旬而甲坼旬月
而植凡二十五年移古回軒亭
前環亭

祈晴祈雨本由天都叩慈雲
大士前晴自宜蠶雨宜

麥却教菩薩兩難全

杭城晴雨皆向天竺祈請有驗遂成故事蓋起於宋咸平初

香蕩春船次第排中流簫鼓鎮相催松毛場外人如

市齊向三天竺路來之香市齊泊松毛場河居人謂

之香蕩松毛場又名

葛洪川畔識前身叩角歌殘悟夙因一十三年緣底

事強留風月待情人

三生石在蓮花峰下以唐李源遇僧圓澤事而得名

孩兒螳嫩竹籃攜童子魚鮮韭葉齊見說貓頭新筍

上杜鵑花壓擔邊低

螳之小者名孩兒螳魚之小者名童子魚西湖四月中貓頭筍出擔入城中多折杜鵑或桃花蓋其上以避日色

湖上門攤處處排遊人爭買土宜回誰將博士為人

金牛湖漁唱

八

手製就迎春黃胖來

張仲文白癩隨云居人取杏花園黃土戲捏人形謂之迎春黃

子野填詞舊擅名絮飛簾卷畫難成人間何處無三

影不比湖邊最有情

雲破月來花弄影絮飛墮無影簾押卷花影張子野詞中得意

測測輕寒上薄綃東風四面柳絲飄暗門遊舫春如

織打槳先過學士橋

清波門俗呼暗門學士橋在門外學士港

霜天曉角劇清哀曾說雙投月夜來欲弔香魂何處

是蓮花都作並頭開

錢湖門外長橋又謂之雙投橋相傳宋高宗開錢唐王生與陶

女師兒月夜同投橋

下吳禮之賦霜月是也

詞所云蕩漾香魂何處長橋月短橋月是也

誰與仙人釀百花方平曾此醉流霞遊人欲買餘杭

酒不見當年阿姥家

仙姥墩在清波門外列仙傳云姥餘杭人嫁西湖農家採百花

湖上何時搆一椽清波門外繫吟船鮑當詩集周輝

志環堵終輸泊宅編

宋鮑當周輝皆居清波門外鮑有清風集周有清波雜志方勺

功名鐵券自千秋無復霜寒十四州賸有錢王祠廟

在年年鄉語憶婆留

錢武肅祠有鐵券唐昭宗賜尙存一劍霜寒十四州僧貫休獻

宋家陵闕久摧頽何況韓莊盡草萊只有南園趙安

撫隔籬猶識犬聲來

故杭城俗謂之婆留城

慧日峰高放晚晴黃妃壞塔暮雲平淨慈寺外歸船

急誰聽蒲牢渡水聲

南屏晚鐘為十景之一宋陳清波張擇端明戴進俱有南屏晚

金牛湖漁唱

九

應真五百坐團樂女伴遊行恣意看牽罷黃羅低首

拜紅潮滿頰望徵蘭

淨慈羅漢堂本名應真殿僧道潛移雷峰塔下金銅十六羅漢

於此南渡燬於火高宗勅僧道容重建并琢五百羅

漢其第四百四十二位阿濕毗尊者獨設一龕用黃

羅幕之婦女祈嗣者

必膜拜焉龕今廢

雷峰寶石各西東湖上浮圖積翠中日日凌空相對

出美人老衲品題工

明聞啟祥云湖上兩浮圖寶石如美人雷峰如老衲

方家峪口樹冥冥不斷山光四面青湖上春來盡圖

畫東風又綠小南屏小南屏山在方家峪口

難將中隱勝長閒曾與漁樵共往還便擬還鄉同結

社風流只羨玉岑山沈仕輩結玉岑詩社

雷峰港口碧湖塢太白山人有鶴緣我欲逢人重買

券生來無鶴又無田鶴在雷峰下明太白山人孫一元嘗養鶴於此海昌許友卿

為置田數畝歲輪租以充鶴糧

旌功祠映水波寒柱石勳臣碧血乾大抵興亡原似

夢何人不在夢中看旌功祠在三台山祀明少保于公謙東有夢兆祠每歲八月士民祈夢祠下多驗

靈石山高石色春丹砂棋局尙橫陳人閒儘有滄桑

劫何用神仙賭玉塵棋盤山舊名仙人臺在靈石山頂有方石遊覽志云舊傳丹砂為局子分黑白今漫漶不可辨

烏紗白葛意安便水酌匏尊悟夙緣不識坡公題祖

塔居民只說虎跑泉虎跑寺即東坡集中所題祖塔院紫李黃瓜一首是也後人但以泉名寺而祖塔之稱隱矣

清甜鄉味先去春芽底用頭綱八餅誇曾向龍泓巖

下住筠籠分焙本山茶浙江通志杭郡諸茶總不及龍井每歲所采不過數斤山之本山茶

僧收焙謂之本山茶

古院栖真積翠閒贊寧孤塔久埋煙不知律虎歸何

處長向空門憶茂先贊寧塔在極真院前贊寧洞古宋初徵入汴京為僧錄賜號通慧命充翰林史館編修柳開贈詩有空門今日見張華之句

解組閒身果似仙山房閑處足林泉相將欲共金菴

壁歸向烟霞築一椽宋金應桂字一之嘗為縣令晚出幅巾鶴望苦神仙居風篁嶺築室日蓀壁山房每見賦輔之佩楚軒客談

朱櫻紫李市門堆白芡烏凌次第催不羨皇墳蠶豆

莢金婆還有聖僧梅邵皇親墳左產蠶豆顆大而味鮮杭人呼皇墳豆見紫桃軒雜

綴按皇親昌化伯邵林也夫人楊氏為明孝宗惠太后考妣楊梅塢有老嫗姓金其家楊梅最盛所謂金婆楊梅是也蘇公答參寥惠楊梅詩云莫共金家鬪甘苦參寥不是老嫗禪指此又戲問辨才有且食白楊梅句自注楊梅塢楊梅紅白二種杭人呼白者為聖僧梅

金牛湖漁唱

十

金牛湖漁唱

十一

西湖八月足清遊何處香通鼻觀幽滿覺壠有金粟

徧天風吹墮萬山秋滿覺壠在翁家山曲塢錢唐縣志云地宜桂秋時花發如入衆

披香舊閣草痕埋斷粉零脂十二釵底事楊郎易惆

悵春寒留得玉詩牌歐餘漫錄云楊仲宏載遊鳳凰山過宋大內獨步微吟披香閣

劫拾玉牌一事上有詩云內人曉起怯春寒輕揭珠簾看牡丹一把柳絲收不住和風搭在玉闌干楊為然之撫

兩峰南北黛螺浮湖面平分鏡影收猶有鳳皇雙髻

在與儂相對日梳頭鳳皇山頂有兩峰巒如髻形日為鳳皇雙髻見錢惟善江月松

集風

然

然

然

然

然

映壁菴空佛樹青妝臺曾此擁銀屏粉池紅草都蕭瑟只有松關向晚扁

映壁菴在鳳皇山相傳大悲閣本宋如嬪梳妝之所亦呼梳妝臺閣旁有小池為洗粉池壁上草紅色名燕支草

石號排衙樹色蒼當年閱武建旂常不知誰作孫吳

演千載譎專女教場南宋御教場在鳳皇山石御校場事按之宋史玉海

歷歷可證道志謂山屬南宋大內嬪妃演武於此故名女校場其說未可信

濤頭一綫海中移疊雪樓前羽箭馳潮信難通湖上水不知誰嫁弄潮兒

萬層楊柳舞春風處處天桃照水中猶有蒸霞關外路落花如雨一溪紅

包家山多桃花名桃花關關上舊有蒸霞二字東坡詩自注云

金牛湖漁唱

三

郡人謂介亭山下為桃花路指此臨安志云冷水峪舊稱桃源

東風駘蕩滿湖濱士女嬉遊趁好春逢著油車休更避生來蘇小是鄉親

華嚴結社盛篇章慧遠高風繼省常一十八人何處

是千年空弔白蓮堂昭慶寺僧省常字圓潔慕廬山慧遠高風結華嚴淨行社太原

王文正且為社長臨向敏中諸人并省常為十八人預社者共百二十三人池種白蓮蔡州孫句撰白蓮堂記社詩皆不存

惟何記見宋史

中龍牖下碧波流寓館曾傳水磨頭惆悵詞人姜石

帶漸拋塵事老菟裘姜白石嘗寓水磨方氏有詩云而今漸欲拋塵事未了菟裘一

張然水磨亦名中龍牖

東風寒淺上輕羅約伴燒香歛翠蛾二月祠山生日

近杭州打扮十分多宋會要云神姓張名燭血食廣德軍之祠山乾道中並朔祠於西湖之霍山二月八日為神誕日士女駢集黃公紹詩朝了霍山朝嶽帝十分打扮是杭州

香林古洞晝常局日月巖前樹正青山賊不知何處

去祇今空說夢兒亭日月巖在天竺香林洞左下有古傳名謝是夢謝亭即香山詩所云夢兒亭也見自注

初陽臺級石登登朔旦同看日月升造物不知人易

老却將雙躍恣飛騰寶雲山巔初陽臺每十月朔觀日月並出

一片湖光起暮煙夕陽西下水如天蒲帆影裏千聲佛知是雲林瓊飯船

湖船惟雲林寺瓊飯船有帆每日常初晏渡湖而歸船中僧齊

金牛湖漁唱

三

聲梵唄遊人以

葛公丹井傍治平飲罷雙眸分外明石函一去泉

水濁石函復歸泉水清臨安志葛公丹井在治平寺有石函在井中嘗為好事者持去水遂濁居人索回甘潔如故

魚鳥依人鏡裏天西湖景物自安全不知何處南屏

鯽曾識東坡十五年蘇詩有去杭十五年復遊西湖散齋餘之句自注南屏興教寺有鯽魚十餘尾皆金色

紫雲洞口石生稜石色分明暮靄凝龍蹕鳳狂難駐

足不知六月有層冰紫雲洞石色如暮雲凝紫故名洞深而澈暑月入其中令人寒

例

句留深處足句留曾說忠貞駐節遊賸有吟香遺蹟

在蓮花明月睡鳧愁吟香別業亦名句留處 國朝

句留處三字於湖心亭公死閩難浙人於孤山路建

十絕句於湖心亭公死閩難浙人於孤山路建

驚起花開雨睡鳧忠明月漾驪珠輕舟搖入煙深處

罷郡歸來遠世情湖中小艇入煙橫何人得似楊公

濟夜夜雙鬢弄笛聲楊蟠字公濟泊宅編云蟠晚年

西村橋外汎吟船到處春風費酒錢妒殺檀園老居

士鎮將圖畫乞去長年李流芳長年小許乞畫戲題

金牛湖漁唱

十四

癸破湖天今朝畫出西洽路乞與長年作酒錢

茅家步頭芳草平第四壓隄橋影橫橋外飛花似郎

意橋邊深水似儂情蘇隄第四橋名壓隄橋通茅

禪心梵唄靜中參蘆荀香生滿一龕綠水紅蕖隨處

好無人知有陸蓮菴晉天福中僧紹嚴建水心保寧

寒忽有蓮花七本生於庭寺巖嘗誦蓮經於其中方冬嚴

石臺燈火碧湖潄施水菴前照夜深留得遊人莫歸

去春宵原是值得千金施水菴在第四橋有設石

菩提芳院苾芻家零落東風日易斜客子不歸春事

晚南漪堂下杜鵑花南漪堂在菩提院西臨安志云

偏城湖勢已全吞邀取風光入酒尊怪底遊人心共

蕩煙波湧出小金門湖上三門惟湧金門外最空闊

倚湖為外勢也湧金門亦稱小金門見揚萬里詩

登善菴中說靜修赤山步口幾經遊我尋浴鵲灣前

路不見詩人黃篋樓黃潛卿師友集序云張伯雨居

赤山步浴鵲灣篋樓伯雨所建在

勝蹟紛然各擅名莫將遺恨減遊情韓莊賈府楊髡

塔未為西湖滓太清

聞說年來老葑多當時遺蹟想東坡憑誰疾捲蒼雲

去長對涼煙萬頃波近日湖中葑草漸繁水落時幾

金牛湖漁唱

十五

十五萬丈老葑疾捲蒼雲空此舉誰復繼之

酒錢費盡為春風五柳人來醉纈紅聽徧沿隄荒鼓

版不知誰唱竹枝工五柳酒樓名湖上歌吹謂之荒

湖竹枝詞

三十年來汗漫遊稽留山好不稽留負他一幅高髯

畫四壁寒生萬壑秋辛酉謁選入都表弟高蓮菴畫

也高多髯有小圓印日髯

福州吳玉田鐫

峽川志略

峽川志略序

別編卷第二十二

由吳門及海昌中間數百里原野平敞而巍然隆起
 乃有峽川兩山獨高於橫及縣人墨客遂借以遊憩
 而山之勝又足發其詠歌蓋自唐白太傅章評事以
 來迄於貝鮑及今查范諸公登臨覽觀之作不一而
 足邑乘僅列諸井里而不詳其名蹟不別有以紀之
 則兩山之負奇特異於數百里間者亦覺黯淡而無
 色此志略之所為作也志創於沈君伯翰蔣公丹厓
 訂定之今其族孫擔斯更為刪潤嶺雲海月點染筆
 墨開而數千年之風雅節烈尙與山川輝映雖哀然
 兩峯直可作匡廬雁蕩觀矣余嘗於秋霽登智標淨
 圖望吾越中諸山淡煙一抹白鳥雙去不禁穆然神
 往率成短歌蔣子近將纂輯古今題詠續付剞劂是
 不特有功於桑梓名賢而羈棲過賓里謳巴曲皆得
 廁名其末抑何幸哉雍正庚戌立秋日於越陳梓書
 於靜愉齋

昭代叢書

辛集

峽川志略序

一

世楷堂藏板

峽川志略

海寧蔣宏任擔斯著

杭州府海寧縣治東北四十五里為峽石鎮志曰兩
 山夾水並峙故鎮東曰審山鎮西曰紫微山
 審山俗所稱東山也高三十五丈周七里半為海鹽
 轄山多白雲其土赤埴石性多浮杭郡志及寧邑舊
 志廣輿記諸書謂漢辟陽侯審食其葬此因名海鹽
 志則謂上有宋臨海南陽二郡太守沈景墓故名俗
 誤沈為審也禾郡志又謂鹽邑西六十里逾長湖曰
 沈山上有宋臨海太守墓又北曰硤石山則沈山與
 峽判然為三矣按地勢沈墓應在贊山今東山上有
 大冢俗稱為王墳其為辟陽墓未可知特無太守墓
 自前代著作家俱稱審山未有稱沈山峽東山之宜
 從審無疑矣
 審山南岡嶺勢迴合林木深窅竹間大石聳拔數丈
 蒼黑峭潤如巨靈佩立狎然欲搏人數旁石亦離立
 以助巖有古樹根隨石罅躩草際狀如龍蛇下視
 居民棘樊桑戶雞犬聲時與鳥語松風相聞幽可避

昭代叢書

辛集

峽川志略

二

世楷堂藏板

世昔人疑爲小桃源也山趾有橋俗呼景轉橋橋下碧水澗流入青松塘東達海鹽縣其間匯爲湖渚者非一區雨時水氣挾煙而上霏微如沐遠望空濛峽川十二景此稱桃源著雨

從橋下循山麓而北當山之東溪有烏夜村晉何準寓居於此一夕羣鳥環噪乃生女諱法倪後選入宮他日烏復夜啼則穆帝立后之時也因名其村至今其地環湖背山鬱然深秀貝瓊記云農圃四十家屋參差鱗比叢篠灌木交蔭其旁豈亦避世之人耶

昨在讀書 峽川志略 卷第二十二 三 世楷堂 藏板

由桃源拾級而上爲玉真道院宋仁宗景祐開建舊名翠雲亭明初建玉宸閣真武殿殿前二石相扼古木盤踞其上路隅宛如巖關可一丸封也名曰石關院西南嶺外近水處水激山根土盡石出勢若東海之揚波起伏奔壘爲石瀾灘

度嶺而北爲御史吳遵墓吳遵字初泉嘉靖丁未進士授長樂縣後拜監察御史巡按西江其政績光於史冊焉西下山麓有許公祠康熙己亥年建許諱汝霖康熙壬戌成進士由翰苑歷官至禮部尙書 予

告歸里性不立崖岸里人樂其坦易塑像祀焉古者鄉先生歿而祭於社茲乃創於生時殆所謂殊時異世不相襲禮歟祠右百餘步有靈龜池邑志云大龜出曝卽雨唐肅宗乾元中於池上建靈龜寺宋眞宗祥符元年有過海頭陀榮法師改建崇福寺久廢惟池尙存循池而北舊有延聖妙智院建於宋徽宗政和二年至高宗紹興元年改妙智閣明萬厯四十年又改大悲閣供大慈像每歲二三月遠近士女獻香禮像卽藉以踏春遺鈿墮鳥時亦不免年少嬉逐若狂有識者不能無蘭茝之嫌

昨在讀書 峽川志略 卷第二十二 四 世楷堂 藏板

閣前西北隅爲北亞山審山之西阜也齊海鹽令周容至此謂其林阜清疎亞鍾山之北境故名俗誤稱北野山其山庫不數仞無尺葉寸菁豈今昔殊勝與東望崇岡深麓開花宮玉局磴道浮屠高低層疊之勢橫列如屏惟晴空展步寓目纖悉風雨則失之矣故北亞晴嵐取景以此山麓細流若帶曰石漁涇通長水

涇上明嘉靖孝廉開嘉言任亳州知州歸田後築別

業居焉臨流負山與大悲閣相映時號小輞川又稱北山雲莊今廢

由大悲閣南度小橋東上為東山亭再上即東嶽廟

於元至正間 大清順治四年丁亥道士崔如炎

復新之上增高閣飛輦際天康熙初年左建文昌閣

右建張仙祠惜廢無存坡上為三元殿久圯康熙六

十一年壬寅宗伯陳清恪公重建殿後有峻嶺嶺上

為蓬萊閣今圯殿右為廣靈周侯祠嘉靖間顯神于

此建廟祀之康熙九年於後坡建夫人殿殿後地甚

昨代叢書 辛集 峽川志略 卷第二十二 五 世楷堂 藏板

平衍因名平山相傳吳越錢王曾習兵於此空曠爽

塹足散人懷

稍東南舊有宋真定郡忠憲王後裔趙怵墓朱太僕

禪云忠憲王建隆初翼戴藝祖由宿衛為親軍南渡

後其子孫賜第於峽今趙家匯其故址也王之女字

宮梅善屬文未笄而卒附王墓所芳魂不泯往時降

乩自序其幽恨有惱殺夜來霜芙蓉已早傷又香消

玉碎薜蘿村若箇臨風奠一尊之什今其後夷為齊

民且彫零垂盡墓亦遭廢傷哉南為磨劍石旁石潭

泓寒光清澈邑志云錢王曾淬劍於此至今鏽痕

齒齒昔人因有劍石寒潭之詠北則洗眼泉眠牛石

下有古墓橫亘山腰窳穹如數間屋相傳辟陽侯墓

正在於此雖無墓表碑碣邱壟尚存間昔有犯之者

中出毒蟲螫之乃止夫宣聖衣冠猶遭顛倒茂陵玉

盤尚出人閒古來封豨遇發邱郎將摸金校尉墮突

者何限獨此墓相戒蟲螫果神物護之耶

東為三笑菴僧澹哉所啟也疏泉剔石結茆其上俯

視阡陌縱橫浮沙出沒正同荷錢貼水而海面九十

昭代叢書 辛集 峽川志略 卷第二十二 六 世楷堂 藏板

有九峯環之特標一勝惜澹哉物化而此菴亦浸廢

矣菴嶺為鬪雞石貝瓊曰兩石對峙宛然老距當場

奈近為童豎擊壞不復爭季郈之雄矣

白石畔北行三百餘步有碧雲寺唐代宗大厯三年

禪師法欽賜號國一者勅舊名崇惠菴元末燬於兵

明洪武二年僧懷宗復建萬厯開始拓為叢林崇禎

八年更營閣於後置貝葉若干卷寺遠市塵幽絕他

處於鐘殘漏靜時蔭竹柏影聽梵唄聲驚葉發機無

不入妙若夫碧雲夕照蓋東山踞峽川之東而碧雲

又東山之東北隅日逼下春遙望西山已在千重虛
翠閒而落照一規更掛西山之西反射明湖金波滌
泱條合條閒正如佛氏所云海若獻琛但見珊瑚貝
麗瓊鏡夜光雜寶錯陳碧雲之景必以夕照為最云
寺在上旁涌中陷者為鉢孟頂泓然石罅者為天眼
泉隅削頭夷者為唐海鹽攝令劉長卿讀書臺盤旋
幽曲者為國一欽禪師展身洞師苦山無水喝石石
裂泉溢穴不深丈旱不竭汲名喝石泉後人嫌淺隘
鑿令深廣而泉或時涸靈泉非凡夫得增益也聽雲
昭代叢書 辛集 峽川志略 七 世楷堂 藏板
軒臨泉上境亦清冷寺後最高處煙蘿四合巖草豐
茸其怪石嶽崎有玲瓏眠雲諸石及佛手巖冷雲窩
之勝遊屐鮮至噫武陵桃源自漁翁黃道真後能問
津者何人更有俱胝洞唐俱胝禪師悟道處可容二
三人靜坐足以消夏寺南一峯特秀似菡萏畫舒亭
亭翠微中俗稱兜鍪峯又稱將軍帽不若字以蓮花
峯為雅也峯左有逸士唐丹泉墓諱俞廉潔高隱詩
畫兼優表具於墓又明之鄭虔林逋也
峯下舊有宋時韓墓肅衣亭今廢岫然冠碧雲上者

日觀海峯山之絕頂極目東海潮氣遙蒸白光蓬勃
有無閒髣髴張楷裴優各作大霧較里數多少時
上有智標塔宋僧智標所建按僧朱氏子參賢首宗
教嘗往常州華嚴院太守命求雨杲日中祭龍龍現
甘雨隨注後以寒食日集眾說偈而化塔於審山明
嘉靖三十四年遭倭變雲楣綵栴強半付之祝融至
萬厯四十三年蜀僧瑞林重葺之僧於塔下得何首
烏大如斗食之齒髮重新壽百有六歲順治開塔傾
頽甚住持募修功已垂成為雷震明年又震又明年
昭代叢書 辛集 峽川志略 八 世楷堂 藏板
塔院復火十年鳩工廢於一旦山靈豈有待也康熙
三十四年黃灣南僧宏通感潮音而至矢志復修法
文若等力為領袖六年功始告成近日就傾圮年不
順成欲修而未果也塔踞高勝登其巔萬像眇小千
疇莽蕩汗漫無極近望橫及諸山如青螺頂浮湛野
煙遊氣中遠者淡氣一抹而已直下東北偏雄崖斗
絕其色赤寒泉涇清惜無迅瀑下瀉作真珠簾若汲
以淪茗味絕勝名赤壁從色也亦名半月象形也近
者石泐壁傾倘有好事復舊蹟幸甚

從泉所攀蘿篠而下有醉眠石昔有一人醉臥數日
見者蹴起之曰子劉伯倫也偶此醉眠何攬為須臾
失所在石在郃氏墓旁

又北折西北為走馬塘周穆王時諸侯徐偃王叛逃
會稽潛匿於此追兵夜及有神馬數百環山馳驟護
之得逸去塘因名下望長水舟行如鷗泛幾欲俯身
狎之

塘之下蒼松翠柏臨水皆邱墓墳堂而節婦祠尤特
表焉婦李氏適里人吳仲嘉少寡苦志育孤六十餘

渭水叢書

辛集

陝川志略

卷第二十二

九

世楷堂藏板

載子天聲敦孝行力行善事雍正五年奉

旨旌表塘之上有孫公洞康熙初年里人孫宇標所
鑿因溪成潭深丈餘穿石為門廣四五尺逶迤深遠
入其中恍然別一洞天結屋當山之坳自山外周圍
視之幾不知從入之徑近為審山名蹟

出洞口而南正當山之半名半山有東廣福禪院宋
神宗熙寧元年建院塑白衣大士像大士慈悲現婦
女身說法愚民妄謂宜男亦未見大士五十三相耳
院後古梅數十樹老幹橫斜花時如雪周琺構精舍

其下額曰飛雪軒按琺字青羊雅好吟詠工書以前
荀擅名蜿蜒生動尺寸有尋丈之勢晚年著作甚富
如廣孝錄擬夢編唐詩選脈至今嗜炙人口焉後俗
子扳折院僧甘尋斧柯惜哉

院以東宋仁宗天聖年開建天開圖畫樓所見風帆
沙鳥煙雲竹樹當不殊王元之記竹樓也恨廢于明
宣德時出院門梯而下梯盡南尋得葛翁丹井竊然
而深滄然而列中有五穴通礮石湖貝瓊記云次者
往往得丹砂如霞片或投石井中輒有聲如雷井上

昭代叢書

辛集

陝川志略

卷第二十二

十

世楷堂藏板

舊有葛仙祠宋崇寧三年建今廢元延祐開有無名
氏題祠壁云勾令仙蹤曾此棲石潭凝碧草痕齊荒
山遺廟無煙火獨倚長松聽子規出清江詩話或曰
此卽葛洪顯迹也井旁修竹萬竿盡點湘斑靜憩其
中疑擊九疑之雲而帝子姍姍下也竹西土墳起廣
隅方幅者人稱顧況讀書臺山勢環擁如窩豁徑窈
窕林樾蒙密葛黃藤梢復絡繹若帷幄所謂書臺積
翠之景也通翁更有別墅歲久無存止長松一本離
奇詰曲老骨支天豈通翁所詠門前有箇長松樹夜

半子規來上啼者是耶近年亦厭棄人閒惟畱委蛻
當是化作蒼龍隨逋翁去矣臺外西偏有石屋北有
箬帽洞俱可棲隱

紫微山高十八丈周一里其土黃壤其石多火唐長
慶三年中書舍人白居易刺杭州秋八月登此山望
破石湖中書爲紫微省山以人傳故名舊有居易碑
記嘉靖中關西孫大初微山詩有白傅斷碑樵斧礪
之句以知礪斧碑石猶在而今不見矣夫昔人得呂
梁古碑文泐可認者止三十六字猶護如拱壁視此

昭代叢書

辛集

峽川志略

卷第二十二

七

世楷堂
藏板

不大可慨歟

山南大利東晉武帝寧康閒尙書張延光捨宅所建
初名志願至唐肅宗乾元元年四月敕支本縣稅錢
修飭唐末遭燬宋太祖乾德二年甲子營田將吳仁
受捐資復建成於太宗雍熙二年乙酉距經始時已
二十有二年工亦艱矣大中祥符二年己酉賜額惠
力寺宋季又燬重建於元順帝至正二年壬午迨明
洪武二十四年始拓爲叢林嘉靖三十七年戊午僧
惠銘仍庀材鳩葺隆慶庚午工始竣相去亦十有三

年 本朝順治十八年慧幢法師更新之成於康熙
八年己酉不十載而輪奐巍然視前此仁受惠銘爲
獨速也寺背山面水門當一橋卽邑志所載紫微橋
在縣東北六十里下跨峽石市河者是也元大德七
年建俗傳山後泉上小石橋者誤門外法幢二東西
掖門二東曰歡喜地西曰正法門東掖之東爲韋馱
堂西掖之西爲總管堂舊有遐觀樓今廢無攷中門
三楹內塑青葉髻樓至德二如來化身金剛東西向
遊方者至皆云法像偉壯甲於天下門旁兩雲鼓石

昭代叢書

辛集

峽川志略

卷第二十二

七

世楷堂
藏板

各鑄龍盤石色潤如青玉百餘年前龍口忽出水幾
淹峽鎮里人斷其口始絕彌勒佛座下大石一方云
是張尙書家搗衣石石無奇因尙書傳尙猶陸氏之
表鬱林石於門乎由夾道而入爲大雄寶殿殿內古
壁二傳是公輪幻形所築文理迴旋莫得其止異哉
以鬼爲之亦勞神矣貝清江記云壁有畫龍二一驤
首洪濤中一旣飛而返顧乃元順帝元統二年甲戌
夏葉茂章所作漫滅不及見殿後有大士殿殿前左
有鐘樓鐘初艱於鑄大士爲現村媪投金釵冶中始

成至今釵痕閃爍可辨聲聞二十餘里舊有鼓樓相
向今廢鐘樓之東背為飯僧堂貝記云有宋張即之
書勝功德海額又三賢祠宋紹興末所建祠祀晉捨
宅尚書張延光宋御史崔昇迪功郎倪渤皆有功茲
刹亦躋祀焉三人並為伽藍堂祠廢後其地竟為寺
僧茶毘之所明天啟五年寺僧梅溪即其地册為禪
堂前為伏魔殿東有張尚書井今在深省山房

禪堂稍東北為唐仙人馬湘宅宋僧贊寧惠力寺記
云左及馬湘之宅是矣宋大中祥符開改宅祠湘今

略代叢書 卷第二十二 世楷堂 藏板

已廢作民居按湘字自然隨魏伯陽學道雲遊後歸

省兄兄適出湘謂嫂曰特歸與兄分此宅我惟愛東

園俟兄三日不歸卒兄歸感慟曰弟學道有得此歸

云寂以絕我望乃具棺殮葬之東園是夕棺中砵然

發聲人咸驚異時唐大中十年也未幾東川梓潼縣

以馬道士上昇奏敕發浙豕驗之止竹杖而已至今

小邱壘積丹井依然東園之名終未泯也時或風月

清朗自然羽衣玉杖飄然而至奇矣邱北放生池產

異螺無尾陰雨能變五色昔聖僧自西域來取人家

螺殼投池中得復生故又名祖師池池上舊有祖師
殿殿廢池亦不盈尺矣

由東掖門上為關帝閣嗣改魁星閣架磴道上今廢

閣後為紫微泉泉出石罅澄泓莫測宋孝宗淳熙時

邑令鍾必萬發為大井覆以亭曰漱玉亭今亭廢而

泉亦竭矣

循井迤北入小門奇石特立者曰盤陀高二三丈周

百圍藉令植美箭疏清泉羅而置之堂廡閒何啻可

作米家供乃半入土牆餘亦沈沒於蕭莽矣蛛絲豕

略代叢書 卷第二十二 世楷堂 藏板

突號為穢區茲石之遇固然耶

泉之西即西廣福院唐憲宗元和中里人宋坦捨宅

為之宋真宗天禧間僧辨親於仁宗朝召見賜紫號

慧悟禪師神宗熙寧間始賜額大聖寶殿孝宗隆興

中更名泗洲殿宋末燬重建於元成宗大德口年有

宋李肩白碑記趙子昂殿額數年前為鄉人踏裂尚

可聚募其內供桌雕鏤工巧非常傳是賈萬戶妝臺

賈黃岡里人乃元末與明太祖共逐鹿者殿鼓匡獨

木剝成石礎皆作覆蓮花形有一礎韞玉賈人識之

院東覽遠樓貝瓊記曰登樓望海弱水三萬里宛在其下而蓬萊雲氣隱隱接於闌楯今廢無存徒與天開圖畫樓同一慨爾殿外東南隅有鐘委地青翠斑駁古色照人唐時物也順治丙申當事者檄縣取銅鑄大礮胥吏請以上輸今復作亭懸之蒲牢如故清響鳴霜則邑令秦嘉系也

再西爲周氏宗祠康熙壬辰建祀明季周宗彝按宗彝字五重崇禎己卯舉於鄉及國變戶科給事中熊汝霖以兵入海寧宗彝亦起兵峽石王師破峽石

昭代叢書

辛集

陝川志略

卷第二十二

五

世楷堂藏板

宗彝死之其弟庠生啓琦格鬪於里巷刃中腹腸出納腸而戰截其頸而仆彝之妻卜氏聞變遂攜幼子及二妾朱衣紫衣投青蘿池而死次日族人舉其屍三人相抱幼子而出其面如生一時全家侍婢及親族婦女來避從死者四十八人

由磴道達山巔乃五顯靈官殿建於唐熙宗光啓中至宋治平甲辰重建葺於明宏治嘉靖間廟中祈夢最靈鶴湖孝廉陳增新將謁選往求兆夢神示詩一聯云憑將刺股懸梁志散作河陽滿縣花覽畢營然

而覺莫解所謂未幾授江西一令蒞任才三日神氣騷擾匆匆作家報聞戶自縊家人急救得免越數日竟投繯死豈此地有宿冤數已前定不可得避耶其靈應如此康熙二十五年敕天下除五顯神改爲崇正書院內祀文武二神其殿前石刻紫微山三大字宋樊世卿書又石刻唐章孝標詩俱遒勁可傳

由磴道下東過漱玉亭翠微開林木延賞人行萬綠中不知有夏東麓之勝於此爲最舊有翠微深隱亭正面東山林壑秀列如披圖畫今亭無存又東下數

昭代叢書

辛集

陝川志略

卷第二十二

五

世楷堂藏板

武卽萬竹山山側石磴一百八級名百步石石盡處得山浜舊爲張尙書養拙園池館廣百餘畝故外水稱花園浜遊人泛舟由長水入浜直艤山趾登岸歲久填淤其猶存者如溝澮而已

溪東橫隔一溪東岸爲崇惠寺卽北寺大理卿朱逢吉碑記云元武宗至大元年西巖教公結茅於此漸廣林舍崇慧庵旣浸弛明宏武十五年壬戌復建法堂越十年辛未構大雄寶殿敕將四果園覺勝果三院并入遂成叢林其地逼山故邑志載崇慧寺在於

紫微山東麓也

寺後爲塔影湖凡塔影著水皆倒此處獨直正值沈氏祖墓前墓旁古木一株爲龍攫剝存膚片槁至天啓甲子枝葉復生越四年丁卯裔孫沈端舉孝廉俗以爲瑞從墓所望山頭雲根亂插者鶴亭仙洞在焉山赭無林木石勢縱橫若臥若立若擠若負若拊若倚若突怒而欲觸若敲頽而欲窺若奔猊若蹲虎種種異狀正如柳柳州云疏密偃仰類智者所言也東北一石陡立上復斜倚巨石豁然洞深丈餘酷似

昭代叢書

辛集

陝川志略

卷第二十二

七

世楷堂藏板

有人琢磨砥礪者曰紫微洞亦稱仙人洞馬自然煉丹於此羽化後白鶴飛還洞口徘徊旬日方去好奇者擬爲緱山遼陽故事立白鶴亭以表之址尙存洞旁大石轟起頂復平曠容數十人爲禮斗巖一名仙臺相傳馬自然丹成登眺處北下法華庵僧悟禪持法華甚精進寓於庵後廟土忽見如鱗鱗者數頭異之劇益力得泉一窪底皆石石有七竅泉從竅仰出輕清而甘昔唐高僧晏公於嵩山會善持誦法華龍爲出泉於寺左供汲今茲泉也悟禪何異晏公收雲

和尚來遊取法餘二非眞之義名曰不二泉庵廢泉無恙也

東爲沈節婦潘氏墓氏早寡乏嗣苦節四十餘年卒天啓孝廉沈端捐資地以封樹邑令虞山時敏立石表墓翰林吳太冲作誌銘傳之與審山吳節婦墓東西對耀有光山靈合附記焉

由西掖門入有高閣東向爲唐宋收藏三車之所其建置歲月未詳紹興六年丙辰寺僧迎佛牙供其上因名舍利閣載宋閩人符碑記理宗瑞平中廢元仁

昭代叢書

辛集

陝川志略

卷第二十二

六

世楷堂藏板

宗皇慶初興復改圓通閣俗以閣在大殿西偏稱西方殿閣前功德池中甃骨塔數十年閒池漸小非復舊觀稍北行西折爲丹井樓井在樓陰汲注瓦甌以松火發之水味自別明胡虛白詩仙人葛稚川煉石紫微山孫子良詩借宿還登丹井樓若謝遷宋徽各有丹井樓詩則知葛洪丹井不獨在審山矣井西爲放庵 因初有墨浪師能詩善畫瀟灑不羈於此洗石誅茅作焦先蝸牛之窟地偏據勝老樹百餘章繞籬壓徑倚徙靜便墨公社外得查伊璜范文

白家丹崖諸名宿品水談詩無曠日庵後遠眺南盡天際浮翠隱隱非雲非氣墨師謂是會稽諸山也北有西爽庵僧無量建西爽之南有白水庵庵中泉色白而甘沈孝廉舉泉以名庵有老梅二樹蒼瘦扶疎蔭滿廣庭花時玉綴珠縈清芬絕俗宛然一幅楊補之得意筆墨也石浪師作精舍人與梅晤對幾三十年卒時命葬此當是林逋後身更從白水西望有亭翼然臨路隅者爲西茶亭白水僧每於暑月續趙州家風以濟行人

昭代叢書

平集

峽川志略

卷第二十二

五

世楷堂藏板

微山南麓按宋志舊有勝果寺建於唐穆宗長慶間俗稱南寺是也明初并入崇慧寺其址廢爲民田橋之名今猶未更順治丙申冬住持超祖復建三元院康熙口年復火僧朗月重新之每遇神誕士女雲集近爲峽鎮名利也

院東昔有淳朴園正嘉閒隱士沈天用築有涵虛閣藕花灣白鷗沙柳塘渡鶴瓦通樵徑芙蓉溪諸勝按古杭雜志載沈紫峽山人構園時非騷人墨客不與之游庸人罕得窺其園者一日有小兒求見自云橫

山顧氏子隨父出鎮間先生高誼故來謁耳公問客何能曰能詩因指池中浮萍爲題限場香梁等韻卽口占云雨打風飄無定場幾回沾惹芰荷香有朝團聚沙灘上燕子銜來繞畫梁占畢辭去沈公愕然明日徧訪無有知其人者人以爲顧逋翁之靈云鄭尚書曉謝詹事丕文待詔徵明倪翰林宗正皆有詩載淳朴園集惜遺蹟莫留當是一園焚於萬爨也

昭代叢書

平集

峽川志略

卷第二十二

五

世楷堂藏板

南湖卽白居易所登望者或稱鵲湖湖中一洲東南繞曰金腰帶名無攷湖乃天目支流北通長水秦時夾谷水也按柳炎嘉禾志夏浚海鹽舊志俱云硤石吳越分境時名夾谷谷水出焉再攷魏鄜道元水經注唐陸廣吳地記曰谷水出吳小湖經長水故縣卽峽石所出上谷水也湖闊百餘丈每煙空人靜月上風微波穀晶縈作一片琉璃光繞湖人家或逗疎燈幾點若晨星明滅林外款乃漁歌時復斷續於汀蘆渚蓼閒爾時或弄桓笛或藉蘇枕庶不負南湖夜月也

穿市河而北過環秀橋回望兩山東西並列如旗鼓
中流羅星係嘉靖開侍御朱有孚所築懷宗時周青
蘿復培廓之號隆興墩以其當隆興港口也康熙五
十年辛卯里人共構一亭于上供文武二神延僧掌
之東岸一墩號小隆興作犄角之勢此兩山之口長
水之首自此則北入樵李界矣

宇宙閒不乏佳山水然或地處奧僻高人逸士遊
履之所未經耳目之所未及則其地不傳卽或傳
其地矣更無人焉如史遷柳州其人者爲之蹈揚

昭代叢書 辛集 峽川志略 卷第二十二 三 世楷堂 藏板

發越於以贊天地之所逮則山水之真面目不出

故吾謂物情蕃變理貫三才倘人工未洽則山水

雖佳終埋沒於荒煙蔓草中者所在多有吾峽當

蘇杭孔道爲名人節履之所必至自晉迄今古蹟

班班可考或散見文集或載諸邑乘不一而足要

未有彙而爲志者有之自峽石山水志略始志略

一書係前輩沈伯翰所集家伏羌令丹崖所訂定

者也向鐫於雷素堂外集迄今聚梨殘缺世人罕

觀今春杜門家居搜簡陳篋偶得是編竊喜兩山

有靈藉以不泯卽欲付之梓人奈陵谷雖未變遷
而寺觀不無改易因據原稟聊爲增刪是亦樂操
土風之意且今後之作者得以考其興廢之由耳
敢云續志乎哉雍正戊申夏五東湖蔣宏任跋

昭代叢書 辛集 峽山志略 卷第二十二 三 世楷堂 藏板

峽川志略跋

硤石在浙西海寧州境兩山對峙如峽故名志略則
創自州人沈伯翰而蔣丹崖訂定之者刊本殘缺丹
崖族孫擔斯更為增損以成是書文筆俊逸條理井
然邑乘中之翹楚者癸酉孟冬震澤楊復吉識

孫
中梓爰琴校字

明倫叢書

辛集

峽川志略跋
卷第二十二

三

世楷堂
藏板

杭

三

志

誤

三

辨

詰

壬辰仲冬吳恒



嘉惠堂
氏利行

欽定四庫全書總目

杭志三詰三誤辨一卷 浙江巡撫 採進本

國朝毛奇齡撰奇齡有仲氏易已著錄是編

杭州舊志稱今地本皆江水由隋唐來人力

畚築而成因為此辨三詰者一詰秦定會稽

郡有海鹽餘杭錢塘富春四縣何以錢塘獨

無地二詰西部都尉為重鎮何以僻處靈隱

山中三詰由富春以至海甯無不兩岸平地

緣江如綫何以上一折甫接吳山忽西翻靈

隱下一折不走龕赭忽北越臨平三誤者一

杭志三詰三誤辨提要

一

由劉道真錢塘記誤讀漢書西部都尉治武

林山武林水所出東入海之文不以西部都

尉治為句而以治武林山為句二由不考劉

昭註郡國志已駁秦始皇由餘杭渡江之說

而仍襲其誤三由江水東合臨浦而劉氏誤

以臨浦為臨湖又誤以臨湖為臨平湖又附

載宋之問靈隱寺詩吳越王鐵幢浦二條以

為不足辨者不在所詰所辨之數焉

純廟御題毛奇齡杭志三詰三誤辨

神州書覽其咨詢 見奇齡序語 三誤因之三詰頻浙水幾

曾合浩瀚吳山未改聳嶙峋 奇齡以舊志云錢塘故

引載藉以駁正之是也其考訂亦極博洽但江與西

湖中有山以隔之自南屏至吳山一帶連岡不斷天

然限制不能相通若謂在吳山之東湖又無可通江

之洛山勢聳峙千古不改此不待辨而自明者奇齡

尚不免迤東信藉塘堰固無地安能畚甬循 奇齡又

謂錢塘無地而有水為非亦駁正之誠是今據吳山

考之則江湖必不能相通而錢塘城必不在靈隱山

下安得有無地之說且果江與湖通千古湖山自不

一井則當時築塘又何以及施畚甬乎 千古湖山自不

易奇齡還覺費詞真

杭志三詰三誤辨卷首

一

杭志三詰三誤辨

蕭山毛奇齡大可稿

杭州繁麗甲閩宇祇嫌其地陘表而不廣僅可以舒足而不能橫肱每求其故則以江湖夾束之無如何也乃杭人士自言曰杭幾曾有地踣其足而曰此曩時皆水也予怪之詰之曰何日子不聞劉道真錢唐記乎其言曰錢唐故西部都尉治武林山武林山即靈隱山也而酈道元水經注即曰浙江又東逕靈隱山山下有錢唐故縣江水逕其南是自靈隱山以至江口皆浙江水也其中雖有金牛湖今名西湖而與

杭志三詰三誤辨

一

是江相混沌合而不隔然且史記亦云秦始皇東游至錢唐臨浙江水波惡乃西百二十里從狹中渡徐廣注曰蓋餘杭也而酈元水經注即云秦始皇三十七年將游會稽至錢唐臨浙江所不能渡故道餘杭之內津也則是江水汪洋無所托足至紆道餘杭以渡會稽其無尺寸土亦已明矣又且錢唐記曰臨平湖上通浦陽江下注浙江名曰東江而水經注即云浙江又東合臨平湖湖上通浦陽江下注浙江名曰東江行旅所從以出浙江者也夫臨平湖在錢唐東北五十餘里而江水合之然且上通浙東之浦陽而

下注江水則撞塘湖漭一望百餘里連為巨浸安能有地此不知在隋唐以後延至何時始得藉人力錫錮畚畝始有此土故舊志皆云錢唐故城在靈隱山下今之平陸昔時皆江此實錄非虛語也信然則杭直無地矣予往不喜聞此言夫人力有限隋唐男女定無能斷鼇足銜西山木石奪巨浸為平地之理且即此錢唐記其載錢唐立名始于漢議曹華信出私錢以謾致土石實創為此塘雖錢唐立名不在乎此然其事則固有之也夫祇築尋丈之塘而漢晉及今即已相傳為必不可再之盛事豈有靈隱山下延至

杭志三詰三誤辨

二

江口二三十里皆汪洋大水而可以人力畚畝之者且此議曹築塘者為捍地也無地而有水將以何捍豈欲捍此緣江山耶又前此趙宋咸淳志載杭所得名謂夏禹治水將會諸侯于會稽至此地舍航而登陸故名禹航杭即航也又淳祐臨安志謂釋文云唐者途也所以取途達浙江者其地有錢氏居之錢古錢字因以為名雖其說俱不可信然在大禹時亦云有陸有途矣且西湖名金牛湖在漢時有之舊志海甯有金牛山金牛洞與此湖皆以見金牛之瑞得名而山名所始寰宇記以為在吳楚之間則其來舊矣

向使江與湖合則一江浦耳安能漢初到今專以湖名凡此皆蓄疑有年鬱不得洩夫酈元北魏人其作水經注自大江以南一往訛錯世能言之而劉道真在劉宋文帝時曾合此鄉豈有漫無所考據而憑虛作是言者此中致誤當必有故焉而不能發也康熙三十年予以醫痺儻杭州客有持神州一書相諮詢者予乃發其誤并繙漢魏六代諸史志作三日課因自拓其冠曰快矣哉天下書之不足信盡如是矣乃稍據舊志扶前人致誤所由作三詰三誤辨以佐閱志者拓冠之助某月日識

杭志三詰三誤辨

三

史記云楚威王伐越盡取故吳地至浙江此錢唐地也

或云吳地甚廣其云至浙江謂自楚以東盡取越所得故吳之地以至於江何必指江傍之地為錢唐地乎曰不然史記秦始皇本紀又云秦始皇二十五年王翦定荆征南地置會稽郡其云荆征南地者正義謂即楚威王所取故吳地以至浙江正錢唐地也蓋當時秦新置郡縣其定杭地之屬會稽郡者凡有四縣曰海鹽今海甯曰餘杭曰錢唐曰富春今富陽而皆命之為荆征南地則楚之取吳地以至浙江者舍四縣

莫屬矣然且四縣惟餘杭去江頗遠三縣皆臨江而其達會稽以為屬縣之最親者則錢唐也豈有定地屬會稽而直達會稽之一縣反無地者此可詰也

況考之漢志漢承秦郡縣而于錢唐縣則特設一都尉治之曰錢唐西部都尉治按都尉本秦官又名中尉掌兵監郡縣與三公太尉相表裏故三輔所設原名主爵都尉舊註所謂掌列侯者其他郡縣都尉則去主爵字然非大都會并要地則不設其官揚雄所一尉指郡縣承尉言非都尉也是以三輔自左馮翊右扶風外雖三河重地皆未嘗設即偶有所設亦一郡一都尉非敦

杭志三詰三誤辨

四

煌酒泉諸郡亦並無東西北南諸部各色而錢唐以西部各則亦重矣此必非無其地而可以立軍鎮置屯守者也不特此也

其時東部都尉治在回浦即蕭山地也浙江當尾閭盤迤東注入海之際乃又忽作一回折其在錢唐西岸則有折山後名赭山蕭折字音之誤在蕭山東岸則有回浦總以江水回折得名而回浦在折山之東與海甯鹽官今各鹽場對渡都尉治其中故漢志云回浦東部都尉治按其地則正與錢唐西部東西相望以為要津特回浦在漢當稱為餘暨秦漢蕭山名西北地名而漢志誤列

之會稽郡二十六縣名之內且以東部誤南部遂昧
所在耳會稽郡無回浦縣且兩漢會稽亦無南部都尉若李宗諤圖經云東
漢省諸部都尉惟會稽不省如任延建武中為會稽
都尉是也而清祐諸志遂將任延各都尉載入錢唐
則又大謬是時錢唐屬吳郡任延各都尉在浙東不
在錢唐且即會稽都尉治亦屢經南徙如三國朱育
言西部都尉治始移婺女今金華也而宋書謂東陽
太守本會稽西部都尉臨海太守本會稽東部都尉
皆無定所獨錢唐都尉相傳又移之海甯界上吳地
記所謂鹽官海昌都尉治者即錢唐所移吳郡之都

杭志三詰三誤辨

五

尉也則是吳郡都尉在漢後亦未嘗省不止會稽而
且其治在鹽官與蕭山回浦隔江相對較向時錢唐
舊部東西衡望者更為親切是都尉所治必駐之臨
江平地互為聲援而以為在靈隱山中無是理也此
又可詰也
又況河淮以南江名不一然大抵安行平地兩岸夾
束一如岷江萬里涓涓匹練並無衝衝側決如河流
者況浙水清汎凡作兩折皆依山循岸相為附麗豈
有上一折紆徐而下甫接吳山忽然橫決西蔽靈隱
山盪作巨浸下一折甫將回注入龕豬江門而反北

越臨平湖長波滄沱將以何底予嘗考諸史按沿江
地知東西相對皆有名色未嘗稍見羸縮東浹西滌
如所云者試以其江入錢唐界者分為三等上折從
富春江來一入錢唐界而西岸有定山東岸有漁浦
夾江而峙定山錢唐地漁浦蕭山地宋泰始間沈思
仁討孔覲自定山進向漁浦是也吳郡記富春東三
十里有漁浦在蕭
山西界時孔覲為會稽太
守故由蕭山進會稽也 其中渡則錢唐西岸名
柳浦蕭山東岸名西陵亦夾江而峙史稱建武將軍
吳喜自柳浦渡趨西陵是也齊書唐寓之進柳浦登
岸焚郭邑縣令劉彪棄
縣走今西
陵對渡也其在下折洄注處則已在錢唐海甯之界

杭志三詰三誤辨

六

東南岸蕭山有回浦西北岸海甯有鹽官渡亦夾江
而峙史稱吳郡太守顧琛反泛海走會稽海鹽令王
孚邀擊不及劉亮由鹽官海渡直指回浦是也鹽官
海鹽場立官然是時改海甯為鹽官縣矣江水自回
江門後便稱海直指回浦與史稱相趨永興對文以
直故也是緣江上下數百里由富春以至海甯無不
兩岸平地緣江如綫者是又可詰也
乃審觀舊志則其所致誤之由有一經指破半文不
值者據宋明舊志其載錢唐記無不曰錢唐西部都
尉治武林山夫西部都尉治錢唐耳豈當治武林山
耶乃迴讀漢志則于會稽郡下公然曰錢唐西部都

尉治武林山武林水所出東入海恍然曰嗟乎嗟乎此實于西部都尉治下治字有誤讀耳夫其曰錢唐都尉治者謂都尉之治在錢唐也猶曰回浦東部都尉治謂都尉之治在回浦也其又曰武林山武林水所出東入海者言縣有此山水不言治所猶餘暨曰蕭山潘水所出東入海上虞曰仇亭柯水東入海皆另言山水非治所地也考其書例惟塞外遼闊治不在縣因有治某障治某障之文而中土不然卽首輔如左馮翊其于都尉外有成國渠而不與治屬要地如南郡夷陵縣有夷山在東北而不與治屬蓋書例

杭志三詰三誤辨

七

如是矣自劉道真不識書例誤讀其文曰西部都尉治武林山而于是記其地者遂謂舊都尉治在武林山下卽靈隱山也不知何時始遷徙平地因造爲武林山下靈隱寺前有錢唐故城卽酈元作水經注亦拾其誤曰浙江逕靈隱山下有錢唐故縣江水逕其南于是六季到今遂爲千秋不可移易之謬說夫作一縣治亦必有千百廬旅周居其中如所云千室之邑者況旣已城之則凡內而府庫闔閭外而溝隍郭郭恐山蹊如術難以臚布然且設一都尉而屯守其中自非絕大方域可以四通郡國者無所駐足而謂

靈隱寺前方丈之地能容之乎乃復曰故城故城試問其何以城之也不幸前人誤讀漢書謬爲此言而後人紛紛必求其說而不得于是有謂沿江之水皆武林水者顧夷吾山川記云臨浙江一派皆謂之靈隱浦本欲使武林水達浙江何悟浙江皆武林水此非篤論也誤也今而後可渙然釋也有謂地上之山皆武林山者咸淳志謂曩時縣治在武林門內其地卽其地也若明代諸志則且云近縣之山皆武林山夫武林漢山非唐可諱徒以舊治武林之誤致平地

杭志三詰三誤辨

八

縣治必造武林山以實之而更謂近縣諸山無非武林此非至言也誤也今而後可怡然解也是則致誤之由之所當辨也又有云臨江無地必假他道通會稽者據史記秦始皇東游至錢唐臨浙江水波惡乃西百二十里從狹中渡徐廣註曰蓋餘杭也夫始皇求東游思渡此江而舍江而西至百二十里則不能渡矣然且註曰餘杭豈餘杭能達會稽耶及觀水經注則且云秦始皇三十七年將游會稽至錢唐臨浙江所不能渡故道餘杭之西津也公然以餘杭西津斷之爲東渡之道夫

南轅北轍赴賜谷而走崦嵫從來目之爲背馳而乃以東渡之路反指西津江波咫尺卻走百里此雖盲者不肯從聾者不肯聽也既而讀後漢郡國志于餘杭縣下載顧夷吾註云秦始皇至會稽經此立爲縣夫始皇立餘杭縣在二十五年並非三十七年至會稽時此誤據越絕是年徙越民餘杭爲言然其云經此則正徐廣所云至餘杭酈元所云道西津者二人之言可以成虎矣乃當時梁合劉昭註郡國志駁正徐廣顧夷吾之失謂臣昭案始皇所過乃在錢唐富陽豈近餘杭之界乎是前人所誤前人久已駁正之

杭志三詰三誤辨

九

而今反承其誤以爲誤已不甘矣況史記是文直是誤字史記曰乃西百二十里從峽中渡郡國志引史記曰乃西北二十里從峽中度史記百字郡國志作北字則是百字本北字之誤而因而釋之西者緣江之西岸也北者從西岸而北行也二十里從峽中渡者去錢唐二十里外有赭山與龕山夾江對峙爲海門焉而從而渡之所謂從峽中渡也然則舍錢唐而道峽中猶孫策攻王朗舍錢唐西陵之渡而道查浦者蕭山地在峽傍千秋之地形在目前矣或曰郡國諸志直出之司馬彪書而劉昭成之司馬與劉氏其精瞻較

范擘書倍爲可信雖說不必然然其能刊誤曠著如此此又致誤之由之不可不辨者也

乃若謂錢唐以北皆是江水錢唐記云臨平湖上通浦陽江下注浙江而水經注亦云浙江又東合臨平湖湖上通浦陽江下注浙江名曰東江行旅所從以出浙江者也夫臨平湖去錢唐東北五十餘里向使江水可合臨平湖則江之委輸將無所底不特錢唐無平土卽海甯一縣亦俱在波濤中矣間嘗以其說思之浦陽在浙江之東臨平湖在浙江之北中隔一江而江傍相距地又不止百里浦陽與臨平湖真如天潢地

杭志三詰三誤辨

十

派之不相及者且湖有上下卽首尾也首北耶則尾可抵江而首無所通首南耶則首亦裁可抵江而尾則並無所注乃居然曰上通曰下注一似目睹之而指畫之何其鑿也乃讀越志然後知其又誤者蓋浦陽江者禹貢三江之一也又名東江其源促于浙而與浙抗流至山陰三江之口然後入海乃其中有臨浦焉在蕭山南三十里橫亘于浦浙之間東首接浦者曰磧堰有小水相通而大達西尾接浙者曰漁浦則直注江水與錢塘岸山各定山者東西相望稱要津焉是以宋書載會稽太守孔覲反時將軍吳喜

進軍柳浦遣諸將先趨定山斬其大帥孫會之乃復自定山進向漁浦且使壽寂之從漁浦邪趨永興亦名以爲漁浦者正臨浦注江處也又南齊永明年富陽人唐寓之反錢唐令劉彪拒之不敵寓之進柳浦登岸彪棄縣走會稽太守沈文季發官民丁救之賊犯浦陽江郡丞張思祖遣峽口戍主峽口臨浦地湯休武拒戰大敗之正以臨浦一水尾可從漁浦以出浙江首可徑峽口以通浦陽者則是江水所東合者臨浦也上通浦陽江下注浙江者臨浦也名曰東江行旅所從以出浙江者謂浦陽名東江可取道以達浙江

杭志三詁三誤辨

十一

亦臨浦也不合漁浦上下多富陽跨江所轄之地而富陽有臨湖傍有臨湖村臨湖里與臨浦名相亂劉氏不察誤以臨浦爲臨湖又誤以臨湖爲臨平湖展轉訛錯致使東江一名全失所在而漁浦相望之定山西陵相望之柳浦謂可以乘風舉帆直達之桐扣山邊臨平市畔將錢唐西岸幾無尺土而不知其誤也此又致誤之由之不可不辨者也

然則唐人宋之間靈隱寺詩有云門對浙江潮何也曰此亦惑于舊記之言也然無害也王勃作滕王閣詩其序曰襟三江而帶五湖夫滕王閣在南昌祇章

江門外五丈樓耳謂可越千里而使越之三江吳之五湖在襟帶間況數里也此不足辨也

然則緣江有鐵幢浦吳越王嘗射潮使東而因而擴其地今鐵幢猶可驗也豈其說又非與曰此則江沙消息兩岸撞盪而互爲興壞多則數里少乃數步百年之人已卽有目睹十三四者此不過一捍江指揮之事亦何曾如北河遷流動輒萬里者而以此爲辭非知地理者也此又不足辨也

杭志三詁三誤辨

十二

杭志三詁三誤辨